

বীন্দ্র-রচনাবলী



# রবীন্দ্র-রচনাবলী

দ্বিতীয় খণ্ড

ঐচ্ছিক



51121

বিশ্বভারতী

২, কলেজ স্কোয়ার, কলিকাতা

প্রকাশক—শ্রীপুলিনবিহারী সেন  
বিশ্বভারতী, ৬৩ দ্বারকানাথ ঠাকুর সেন, কলিকাতা

প্রথম প্রকাশ—পৌষ, ১৩৪৬  
দ্বিতীয় সংস্করণ—শ্রাবণ, ১৩৪৭  
তৃতীয় সংস্করণ—কা্তিক, ১৩৪৮

মূল্য ৪১০, ৫৫০ ও ৬৫০

মুদ্রাকর—প্রভাতকুমার মুখোপাধ্যায়  
শান্তিনিকেতন প্রেস, শান্তিনিকেতন

## সূচী

চিত্রসূচী	১৭০
কবিতা ও গান	
ভানুসিংহ ঠাকুরের পদাবলী	১
কড়ি ও কোমল	২৯
মানসী	১১৭
নাটক ও প্রহসন	
বিসর্জন	২৮১
উপন্যাস ও গল্প	
রাজর্ষি	৩৭০
প্রবন্ধ	
চিঠিপত্র	৫০৫
পঞ্চভূত	৫৩৯
গ্রন্থপরিচয়	৬৪৫
বর্ণানুক্রমিক সূচী	৬৫৩

## চিত্রসূচী

শ্রীরবীন্দ্রনাথ ঠাকুর	৫
রবীন্দ্রনাথ	৪৮
মাধুরীলতা ও রবীন্দ্রনাথ সহ	
বিলাতে রবীন্দ্রনাথ	১১৮
“মানসী”র পাণ্ডুলিপির এক পৃষ্ঠা	২৫২
রবীন্দ্রনাথ	২৮১
শ্রীইন্দিরা দেবী ও সুরেন্দ্রনাথ সহ	
জয়সিংহের ভূমিকায় রবীন্দ্রনাথ	২৯৬
রঘুপতির ভূমিকায় রবীন্দ্রনাথ	৩৬২
যৌবনে রবীন্দ্রনাথ	৫৫২

কবিতা ও গান





ভানুসিংহ ঠাকুরের পদাবলী



## উৎসর্গ

ভাঙ্গসিংহের কবিতাগুলি ছাপাইতে তুমি আমাকে অনেক বার  
অনুরোধ করিয়াছিলে। তখন সে অনুরোধ পালন করি নাই।  
আজ ছাপাইয়াছি, আজ তুমি আর দেখিতে পাইলে না।



## সূচনা

অক্ষয়চন্দ্র সরকার মহাশয় পর্যায়ক্রমে বৈকব পদাবলী প্রকাশের কাজে যখন নিযুক্ত হয়েছিলেন, আমার বয়স তখন যথেষ্ট অল্প। সময় নির্ণয় সম্বন্ধে আমার স্বাভাবিক অন্তমনস্কতা তখনো ছিল এখনো আছে। সেই কারণে চিঠিতে আমার তারিখকে ধারা ঐতিহাসিক বলে ধরে নেন তাঁরা প্রায়ই ঠক্কিন। বর্তমান আলোচ্য বিষয়ের কাল অনুমান করা অনেকটা সহজ। বোম্বাইয়ে মেজদাদার কাছে যখন গিয়েছিলুম তখন আমার বয়স বোলোর কাছাকাছি, বিলাতে যখন গিয়েছি তখন আমার বয়স সত্তেরো। নূতন প্রকাশিত পদাবলী নিয়ে নাড়াচাড়া করছি সে আরো কিছুকাল পূর্বের কথা। ধরে নেওয়া যাক তখন আমি চোদ্দোয় পা দিয়েছি। খণ্ড খণ্ড পদাবলীগুলি প্রকাশে ভোগ করবার যোগ্যতা আমার তখন ছিল না। অথচ আমাদের বাড়িতে আমিই একমাত্র তার পাঠক ছিলাম। দাদাদের ডেক থেকে যখন সেগুলি অন্তর্ধান করত তখন তাঁরা তা লক্ষ্য করতেন না।

পদাবলীর যে ভাষাকে ব্রজবুলি বলা হোত আমার কৌতূহল প্রধানত ছিল তাকে নিয়ে। শব্দতবে আমার ঔৎসুক্য স্বাভাবিক। টীকার যে শব্দার্থ দেওয়া হয়েছিল তা আমি নিবিচারে ধরে নিইনি। এক শব্দ যত বার পেয়েছি তার সমুচ্চর তৈরি করে যাচ্ছিলুম। একটি ভালো বাঁধানো খাতা শব্দে ভরে উঠেছিল। তুলনা করে আমি অর্থ নির্ণয় করেছি। পরবর্তীকালে কালীপ্রসন্ন কাব্যবিহারদ যখন বিজ্ঞাপতির স্টীক সংকরণ প্রকাশ করতে প্রকৃত হলেন তখন আমার খাতা তিনি সম্পূর্ণ ব্যবহার করতে পেরেছিলেন। তাঁর কাজ শেষ হয়ে গেলে সেই খাতা

তার ও তার উত্তরাধিকারীর কাছ থেকে ফিরে পাবার অনেক চেষ্টা করেও কৃতকার্য হতে পারিনি। যদি ফিরে পেতুম তাহলে দেখাতে পারতুম কোথাও কোথাও যেখানে তিনি নিজের ইচ্ছামতো মানে করেছেন ভুল করেছেন। এটা আমার নিজের মত।

তার পরের সোপানে ওঠা গেল পদাবলীর জালিয়াতিতে। অক্ষয়-বাবুর কাছে শুনেছিলুম বালক কবি চ্যাটার্টনের গল্প। তাঁকে নকল করবার লোভ হয়েছিল। একথা মনেই ছিল না যে ঠিকমতো নকল করতে হ'লেও শুধু ভাষায় নয় ভাবে খাঁটি হওয়া চাই। নইলে কথার গাঁথুনিটা ঠিক হ'লেও সুরে তার ফাঁকি ধরা পড়ে। পদাবলী শুধু কেবল সাহিত্য নয় তার রসের বিশিষ্টতা বিশেষ ভাবের সীমানার দ্বারা বেষ্টিত। সেই সীমানার মধ্যে আমার মন স্বাভাবিক স্বাধীনতার সঙ্গে বিচরণ করতে পারে না। তাই ভানুসিংহের সঙ্গে বৈকল্যবিশেষের অনুরক্ত আত্মীয়তা নেই। এই ক্ষেত্রে ভানুসিংহের পদাবলী বহুকাল সংকোচের সঙ্গে বহন করে এসেছি। এ'কে সাহিত্যে একটা অনধিকার প্রবেশের দৃষ্টান্ত বলেই গণ্য করি।

প্রথম গানটি লিখেছিলুম একটা স্টেটের উপরে অন্তঃপুরের কোণের ঘরে।—


গহন কুমুম কুমুমাবে

মৃদুল মধুর বংশী বাজে।

মনে বিশ্বাস হ'ল চ্যাটার্টনের চেয়ে পিড়িয়ে থাকব না।

এ কথা বলে রাখি ভানুসিংহের পদাবলী ছোটো বয়স থেকে অপেক্ষাকৃত বড়ো বয়স পর্যন্ত দীর্ঘকালের সূত্রে গাঁথা। তাদের মধ্যে ভালোমন্দ সমান দরের নয়।







# ভানুসিংহ ঠাকুরের পদাবলী

১

বসন্ত আঁশ রে ।  
মধুকর গুন গুন, অমুরা মঞ্জরী  
কানন ছাঁশ রে ।  
গুন গুন সজনী ছবর প্রাণ মম  
হরণে আকুল ভেল,  
কর কর রিকসে ছুখ জালা সব  
দূর দূর চলি গেল ।  
মরমে বহই বসন্ত-সমীরণ,  
মরমে কটাই ফুল,  
মরম-কুণ্ড 'পর বোলই কুহ কুহ  
অহরহ কোকিলকুল ।  
সখি রে উছসত প্রেমভরে অব  
চলচল বিহ্বল প্রাণ,  
নিখিল অগত অহু হরণ-ভোর তই  
গার বতস-বস গান ।  
বসন্ত-কুশল-সুখিত ত্রিকুবন  
কহিছে ছুখিনী মাথা,  
কহি রে সো প্রিয়, কহি সো প্রিয়তম,  
ছদি-বসন্ত সো মাথা ?  
ভাহু কহত অতি গহন মন অব,  
বসন্ত সমীর খাসে  
যোঝিত বিহ্বল চিত্ত-কুণ্ডল  
কুহ বাগনা-বাসে ।

## রবীন্দ্র-রচনাবলী

২

গুনহ গুনহ বালিকা,  
 রাখ কুম্ভ-মালিকা,  
 কুম্ভ কুম্ভ ফেরতু সখি শ্রামচক্রে নাহি রে ।  
 ছলই কুম্ভ মুঞ্জরী,  
 ভয়র ফিরই গুঞ্জরী,  
 অলস বমুনা বহরি যার ললিত গীত গাহি রে ।  
 শশি-সনাথ বামিনী,  
 বিরহ-বিধুর কামিনী,  
 কুম্ভহার ভইল ভার হৃদয় তার দাহিছে,  
 অধর উঠই কাপিয়া,  
 সখি-করে কর আপিয়া,  
 কুম্ভভবনে পাপিয়া কাহে গীত গাহিছে ।  
 মৃদু সমীর সকলে  
 হরয়ি শিখিল অকলে,  
 চকিত হৃদয় চকলে কানন-পথ চাহি রে ;  
 কুম্ভপানে হেরিয়া,  
 অশ্রবারি ভারিয়া  
 ভাহু গায় শূন্যকুম্ভ শ্রামচক্রে নাহি রে ।

৩

হৃদয়ক সাধ মিশাওল হৃদয়ে,  
 কণ্ঠে বিমলিন মাগা ।  
 বিরহবিষে দহি বহি গেল রয়নী  
 নহি নহি আওল কালা ।  
 বৃক্ক বৃক্ক সখি বিফল বিফল সব  
 বিফল এ পীরিত্তি লেটা

## ভানুসিংহ ঠাকুরের পদাবলী

৭

বিফল যে এ মরু জীবন যৌবন,  
বিফল যে এ মরু মেহা !  
চল সখি গৃহ চল, মুক নয়ন-জল,  
চল সখি চল গৃহকাঙ্গে,  
মাগতি-মালা রাখহ বালা,  
ছি ছি সখি মক মক লাঞ্জে ।  
সখি লো দারুণ আধি-ভয়াতুর  
এ তরুণ যৌবন যোর,  
সখি লো দারুণ প্রণয়-হলাহল  
জীবন করল অধোর ।  
ভূষিত প্রাণ মম দিবস-বামিনী  
শ্রামক দরশন আশে,  
আকুল জীবন খেহ ন মানে,  
অহরহ জগত হতাপে ।  
সজনি, সত্য কহি তোয়,  
খোরব কব হয় শ্রামক প্রেম  
সদা উর লাগয় যোর ।  
হিয়ে হিয়ে অব রাখত রাখব,  
সো দিন আসব সখি যে,  
বাত ন বোলবে, বহন ন হেরবে,  
মরিব হলাহল তখি যে ।  
ঐস বৃথা উর না কর বালা,  
ভানু নিবেদয় চরণে,  
হৃদয়ক পীরিত্তি নৌতুন নিতি নিতি,  
নহি টুটে জীবন-মরণে ।

## রবীন্দ্র-রচনাবলী

৪

শ্রাম রে, নিপট কঠিন মন ভোর ।  
বিরহ সাধি করি সজ্জনী রাধা  
রজনী করত হি ভোর ।  
একলি নিরল বিরল পর বৈঠত  
নিরখত যমুনা পানে,—  
বরখত অশ্র, বচন নহি নিকসত,  
পরান খেহ ন মানে ।  
গহন তিমির নিশি ঝিল্লিমুখর দিশি  
শূন্ত কদম তরুশূলে,  
ভূমিশয়ন 'পর আকুল কুস্তল,  
কাদয় আপন ভূলে ।  
মুগধ মুগীমম চমকি উঠই কহু  
পরিহরি সব গৃহকাঙ্ছে  
চাহি শূন্ত 'পর কহে করুণ স্বর  
বাজে রে বাশরি বাজে ।  
নিঠুর শ্রাম রে, কৈসন অব তুঁহ  
রহই দূর মথুরায়—  
রঘন নিদারুণ কৈসন যাপসি  
কৈস দিবস তব যায় !  
কৈস মিটাওসি প্রেম-পিপাসা  
কহা বজাওসি বাশি ?  
পীতবাস তুঁহ কথি রে ছোড়লি,  
কথি সো বঙ্কিম হাসি ?  
কনক-হার অব পহিরলি কঠে,  
কথি ফেকলি বনমালা ?  
হৃদিকমলাসন শূন্ত করলি রে,  
কনকাসন কর আলা!

এ দুখ চিরদিন বহল চিন্তমে,  
ভানু কহে, ছি ছি কালা !  
কটিতি আও তুঁহ হয়ারি সাথে,  
বিবহ-বাকুলা বালা ।

৫

সজনি সজনি রাধিকা লো  
দেখ অবহঁ চাহিয়া,  
বৃহলগমন শ্রাম আওয়ে  
বৃহল গান গাহিয়া ।  
পিনহ কটিত কুম্ব-হার,  
পিনহ নীল আঠিয়া ।  
হন্দরি সিন্দুর মেকে  
সাঁখি করহ রাঠিয়া ।  
সহচরি সব নাচ নাচ  
মিলন-স্নেহ গাও যে,  
চকল মঞ্জীর-রাব  
কুম্ব-গগন ছাও যে ।  
সজনি অব উজার মঁদির  
কনক-রীপ জালিয়া,  
হরতি করহ কুম্বভবন  
গন্ধসলিল ঢালিয়া ।  
মল্লিকা চমেলি বেলি  
কুম্ব তুলহ বালিকা,  
গাঁথ বৃঁধি, গাঁথ জাতি,  
গাঁথ বকুল-বালিকা ।

## ରବୀନ୍ଦ୍ର-ରଚନାବଳୀ

ତୃଷିତ-ନୟନ ଭାବୁସିଂହ  
 କୁଞ୍ଜପଥ୍ୟ ଚାହିଁଲା  
 ସ୍ୱହୃତ ଗମନ ଖ୍ରୀୟ ଆଠରେ,  
 ସ୍ୱହୃତ ଗାନ ଗାହିଁଲା ।

୬

ବିଧୁଆ, ହିଁଆ 'ପର ଆଠ ରେ,  
 ମିଠି ମିଠି ହାସସି, ସ୍ୱହୃତ ସଧୁ ଭାବସି,  
 ହମାର ମୁଖ 'ପର ଚାଠ ରେ !  
 ସୁଗ ସୁଗ ସୟ କତ ଦିବସ ବହସି ଗଲ,  
 ଖ୍ରୀୟ ତୁ ଆଠଲି ନା,  
 ଚନ୍ଦ୍ର-ଉଜ୍ଜର ସଧୁ-ସଧୁର କୁଞ୍ଜ'ପର  
 ସ୍ୱରଲି ବଜାଠଲି ନା !  
 ଲସି ଗଲି ସାଧ ବସ୍ତାନକ ହାସ ବେ,  
 ଲସି ଗଲି ନୟନ-ଆନନ୍ଦ !  
 ଶୁଣ କୁଞ୍ଜବନ, ଶୁଣ ଜ୍ଞୟ ମନ,  
 କିହି ତବ ଓ ସୁଖଚନ୍ଦ ?  
 ଇଧି ଛିଲ ଆକୁଳ ଗୋପ-ନୟନଜଳ,  
 କଧି ଛିଲ ଓ ତବ ହାସି ?  
 ଇଧି ଛିଲ ନୀରବ ବଂଶୀବଟତଟ,  
 କଧି ଛିଲ ଓ ତବ ବାସି ।  
 ତୁର ସୁଖ ଚାହସି ଶତସୁଗତର ହୁଏ  
 ନିମିଧେ ତେଲ ଅବସାନ ।  
 ଲେଖ ହାସି ତୁର ହୁଏ କରଳ ରେ  
 ସକଳ ସାନ-ଅଭିସାନ ।

ধস্ত ধস্ত রে ভানু নাহিছে  
শ্রেয়ক নাহিক ওর ।  
হরণে পুলকিত অগস্ত-চরাচর  
ছঁহক শ্রেয়স ভোর ।

৭

শুন সখি বাতল বাপি ।  
গভীর বজনী, উত্তল কুঙ্গপথ  
চন্দ্রম ভাবত হাসি ।  
দক্ষিণ পবনে কম্পিত তরুণ,  
তন্তিত যমুনা বারি,  
কুম্ভ-নুবাস উদাস উইল, সখি,  
উদাস হৃদয় হয়ারি ।  
বিগলিত মরম, চরণ খলিত-গতি,  
শরম ভরম গরি হুর,  
নয়ন বারি-ভর, গরগর অস্তর,  
হৃদয় পুলক-পরিপুর ।  
কহ সখি, কহ সখি, মিনতি রাখ সখি,  
সো কি হয়ারই ভায় ?  
যধুর কাননে যধুর বাশরী  
বজায় হয়ারি নাম ?  
কত কত বৃগ সখি পূণ্য করহু হম,  
দেবত করহু খেয়ান,  
তব ত মিলল সখি ভায়-বস্তন মম,  
ভায় পরানক গ্রাণ ।

রবীন্দ্র-রচনাবলী

স্তনত স্তনত তব মোহন বাশি  
 জপত জপত তব নামে,  
 সাধ ভইল ময় মেহ ডুবায়ব  
 চাদ-উজল যমুনায়ে !  
 "চলহ ত্বরিত গতি শ্রাম চকিত অতি,  
 ধরহ সখীজন হাত,  
 নীদ-মগন মহী, ভয় ডর কহু নহি,  
 ভানু চলে তব সাধ ।"

৮

গহন কুম্ব-কুঞ্জ মাঝে  
 মৃদল মধুর বংশি বাজে,  
 বিসরি ত্রাস লোকলাঞ্জে  
 সজনি, আও আও লো ।  
 অঙ্গে চারু নীল বাস,  
 ক্রমবে প্রণয় কুম্ব রশি,  
 চরিণ-নেত্রে বিমল হাস,  
 কুঞ্জ বনমে আও লো ।  
 টালে কুম্ব সুরভ-ভার,  
 টালে বিহগ সুরব-সার,  
 টালে ইন্দু অমৃত-ধার  
 বিমল রজত ভাতি বে ।  
 মন্দ মন্দ স্তম্ব গুণ্ডে,  
 অমৃত কুম্ব কুণ্ডে কুণ্ডে,  
 ফটল সজনি পুণ্ডে পুণ্ডে  
 বহুল যুধি জাতি বে ।



দেখ সজনি শ্রামরায়,  
নরনে প্রেম উখল যায়,  
মধুর বদন অমৃত সদন  
চন্দ্রমার নিমিছে ;  
আও আও সজনি-বৃন্দ,  
হেরব সখি ত্রিগোবিন্দ,  
শ্রামকে। পদাববিন্দ  
ভানুসিংহ বনিমিছে ।

১

সতিমির বজনী, সচকিত সজনী  
শুভ নিকুঞ্জ অরণ্য ।  
কলরিত মলয়ে, হৃবিজন নিলয়ে  
বালা বিরহ-বিষয় !  
নীল অকাশে, তারক তাসে  
যমুনা গাওত গান,  
পাচপ মরমর, নির্ঝর করকর  
কুহ্মিত বজ্রবিতান ।  
ভূষিত নরানে, বন-পথ পানে  
নিরখে ব্যাকুল বালা,  
দেখ ন পাওয়ে, আঁখ কিরাওয়ে  
গাঁখে বন-ফুল মালা ।  
সহসা বাখা চাহল সচকিত  
হূরে খেপল মালা,  
কহল "সজনি তন, ধাপরি বাজে  
হুড়ে আওল কালা ।"

## ରବୀନ୍ଦ୍ର-ରଚନାବଳୀ

ଚକିତ ଗହନ ନିଧି, ଦୂର ଦୂର ନିଧି  
 ବାଜତ ବୀଣି ସୁତାନେ ।  
 କର୍ପ ମିଳାଓଳ ଡଳଡଳ ସମୁନା  
 କଳ କଳ କଲୋଳ ଗାନେ ।  
 ଭନେ ଭାନ୍ନୁ ଅବ ଶୁନ ଗୋ କାନ୍ନୁ  
 ମିସ୍ତାମିତ ଗୋପିନୀ ପ୍ରାଣ ।  
 ଠୋହାର ପୀବିତ ବିଷମ ଅମୃତ ରସ  
 ହରଷେ କରବେ ପାନ ।

୧୦

ବଜ୍ରାଓ ରେ ମୋହନ ବୀଣୀ !  
 ମାରା ନିବସକ ବିରହ-ବହନ-ହୁଏ,  
 ଯବମକ ଡିସ୍ତାବ ନାସି ।  
 ରିସ-ମନ-ଭେଜନ ବୀଣସି-ବାଜନ  
 କହା ମିଧିଲି ରେ କାନ ?  
 ହାନେ ଧିରଧିର, ଯବସ-ଅବଳକର  
 କହ କହ ଯଧୁସର ବାଣ ।  
 ଧସଧସ କରତହ ଉପହ ବିସ୍ତାକୁଳୁ  
 ଚୁଳୁ ଚୁଳୁ ଅବଳ-ନୟାନ ।  
 କତ କତ ବରସକ ବାତ ଶୋହାବର  
 ଅଧୀର କରସ ପରାନ ।  
 କତ କତ ଆଜା ପୁରଳ ନା ବୀଣୁ  
 କତ ହୁଏ କରଳ ପରାନ ।  
 କହ ଗୋ କତ କତ ପୀବିତ-ବାଜନ  
 ହିସ୍ତେ ବିନ୍ଦାଓଳ ବାଣ ।  
 ହସସ ଉଦାସର, ନବନ ଉଦାସର  
 ହାନ୍ତ୍ୟ ଯଧୁସର ଗାନ ।  
 କାଧ ବାଧ ବୀଣୁ, ସମୁନା-ବାର୍ଦ୍ଧିସ  
 ତାରିବ ଜଗଧ-ପରାନ ।

সাধ যায় পহ,                      রাধি চরণ তব  
 হৃদয় মার হৃদয়েশ,  
 হৃদয়-কুড়াওন                      বদন-চন্দ্র তব  
 হেরব জীবনশেষ ।  
 সাধ যায় ইহ                      চন্দ্রম-কিরণে,  
 কুহমিত কুহবিতানে,  
 বসন্তবাসে                      প্রাণ মিশায়ব,  
 বাণিক স্মধুর গানে ।  
 প্রাণ ভৈবে মরু                      বেণু-সীতলর,  
 রাখায়র তব বেণু ।  
 জয় জয় মাধব,                      জয় জয় রাধা,  
 চরণে প্রণমে তাহু ।

১১

আজু সখি মুহ মুহ  
 গাছে শিক কুহ কুহ,  
 কুহবনে হুঁহ হুঁহ  
 ধোহার পানে চায় ।  
 সুবন মন-বিলসিত,  
 পুলকে হিয়া উলসিত,  
 অবন তহু অলসিত  
 সুরছি অহু বায় ।  
 আজু যধু চাঁদনী  
 প্রাণ উনমাদনী,  
 নিখিল সব বাধনী,  
 নিখিল তই লাজ ।

## রবীন্দ্র-রচনাবলী

বচন মুহু মরমর,  
 কাপে রিঝ খরখর,  
 শিহরে তহু জরজর  
 কুম্ব-বন মাঝ ।

মলয় মুহু কলয়িছে,  
 চরণ নহি চলয়িছে,  
 বচন মুহু খলয়িছে,  
 অকল লুটায় ।

আধফুট শতদল,  
 বায়ুভরে টলমল,  
 ঝাঁপি জহু তলতল  
 চাহিতে নাহি চায়

অলকে ফুল কাপয়ি  
 কপোলে পড়ে ঝাঁপয়ি,  
 মধু অনলে তাপয়ি  
 ধসয়ি পদু পায় !

ঝরই শিরে ফুলদল,  
 যমুনা বহে কলকল,  
 হাসে শশি তলতল  
 ভাহু মরি যায় ।

১২

শ্রাম, মুখে তব মধুর অধরমে  
হাস বিকাশিত কার,  
কোন স্বপন অব দেখতে মাধব,  
কহবে কোন হয়ার !  
নীল-যেবপর স্বপন-বিজলি সম  
রাখা বিলসিত হাসি ।  
শ্রাম, শ্রাম, মম কৈসে শোধব  
তুঁহক প্রেমকণ রাশি ।  
বিহ্ব, কাহ তু বোলন লাগলি ?  
শ্রাম সুয়ার হয়ারা,  
রহ রহ চন্দ্রম, ঢাল ঢাল তব  
শীতল জোড়ন-ধারা ।  
তারক-মালিনী সুন্দর যামিনী  
অবহঁ ন যাও রে ভাগি,  
নিরদয় রবি, অব কাহ তু আগুলি  
জাললি বিবহক আগি ।  
ভানু কহত অব—“রবি অতি নিহুব,  
নলিন-মিলন অভিলাসে  
কত নরনারীক মিলন টুটাওত,  
ভারত বিবহ-হতাসে ।”

১৩

সজনি গো,  
 শাঙন গগনে ঘোর ঘনঘটা  
 নিশীথ ঘামিনী রে ।  
 কুঞ্জপথে সখি, কৈসে যাওব  
 অবলা কামিনী রে ।  
 উদ্গদ পবনে যমুনা তজ্জিত  
 ঘন ঘন গজ্জিত মেহ ।  
 দমকত বিদ্যাত পথতরু লুপ্তত,  
 ধরহর কম্পত দেহ ।  
 ঘন ঘন রিম্ কিম্ রিম্ কিম্ রিম্ কিম্,  
 বরধত নীরদপুঞ্জ ।  
 ঘোর গহন ঘন তাল তমালে  
 নিবিড় তিমিরময় কুঞ্জ ।  
 বোল ত সজনী এ ছুরযোগে  
 কুঞ্জে নিরদয় কান  
 দারুণ বানী কাহ বজ্রায়ত  
 সক্রুণ রাধা নাম ।

সজনি,  
 মোত্তিম হাবে বেশ বনা মে  
 সৌখি লগা দে ভালে ।  
 উরহি বিলোলিত শিখিল চিকুর মম  
 বাধত মালত মালে ।  
 খোল দুয়ার করা করি সখি রে,  
 ছোড় সকল ভয়লাকে,  
 হৃদয় বিহগসম ঝটপট করত হি  
 পঞ্জর-পিঞ্জর মাঝে ।

গহন রমনমে ন যাও বালী  
 নওল কিশোরক পাশ ।  
 গরজে ঘন ঘন, বহু ডর পাওব  
 কহে ভানু তব দাস ।

১৪

বানর বরধন, নীরদ পরজন,  
 বিজুলী চমকন ঘোর,  
 উপেখই কৈছে, আও তু কুঞ্জে  
 নিতি নিতি মাধব যোর ।  
 ঘন ঘন চপলা চমকঃ ঘব পছ  
 বজ্রর পাত বব হোয়ে,  
 তুঁহক বাত তব সময়রি শ্রিধতম  
 ডর অতি লাগত যোর ।  
 অঙ্গ-বসন তব, ভীংত মাধব  
 ঘন ঘন বরধত মেহ,  
 কুহু বালি হম, হমকো লাগর  
 কাহ উপেখবি মেহ ?  
 বটস বটস পছ কুহুমশচন 'পর  
 পরমুগ মেহ পসারি  
 সিক্ত চরণ তব মোছব হতনে  
 কুহুলতার উচারি ।  
 প্রান্ত অক তব হে ব্রহ্মসুন্দর  
 রাখ বক 'পর যোর,  
 ততু তব খেরব পুলকিত পরশে  
 বাহ কুশালক জোর ।  
 ভানু কহে বৃকভানুন্দিনী  
 প্রেমসিদ্ধু যম কালা  
 ভৌহার লাগর প্রেমক লাগর  
 সব কহু সহবে জালা ।

১৫

মাধব, না কহ আদর বাণী,  
 না কর প্রেমক নাম ।  
 জানয়ি মুঝকো অবলা সরলা  
 ছলনা না কর শ্রাম ।  
 কপট, কাহ তুঁহ ঝুঁট বোলসি  
 পীরিত করসি তুঁ মোয় ?  
 ভালে ভালে হম অলপে চিহ্ন  
 না পতিয়াব রে তোয় ।  
 ছিদল তরী সম কপট প্রেম 'পর  
 ডারহু যব মনপ্রাণ,  
 ডুবহু ডুবহু রে ঘোর সাগরে  
 অব কুত নাহিক জ্ঞাণ ।  
 মাধব, কঠোর বাত হমারা  
 মনে লাগল কি তোয় ?  
 মাধব, কাহ তুঁ মলিন করলি মুখ,  
 কুমহ গো কুবচন মোয় !  
 নিদয় বাত অব কবহঁ ন বোলব  
 তুঁহ ময় প্রাণক প্রাণ ।  
 অতিশয় নির্ভয়, ব্যাধিহু হিয়া তব  
 ছোড়য়ি কুবচন-বাণ ।  
 মিটল মান অব—ভাঙ্ক হাসভহি  
 হেরই পীরিত-লীলা ।  
 কহু অভিমানিনী আনয়িনী কহু  
 পীরিত-সাগর বালা ।



১৬

সখি লো, সখি লো, নিকরুণ মাধব

মধুরাপুর যব যায়,

করল বিষম পণ মানিনী রাধা,

যোয়বে না সো, না দিবে বাধা,

কঠিন-হিরা সট, হাসরি হাসরি

শ্রামক করব বিদায় ।

মুহু মুহু গমনে আওল মাধা,

বরন-পান তছু চাচল রাধা,

চাহরি রহল স চাহরি রহল,

দণ্ড দণ্ড সখি চাহরি রহল,

মন্দ মন্দ সখি নরনে বহল

বিন্দু বিন্দু জল-ধার ।

মুহু মুহু হাসে বৈঠল পালে,

কহল শ্রাম কত মুহু মধু ভাবে,

টুটরি গইল পণ, টুটইল মান,

গঙ্গগঙ্গ আকুল ব্যাকুল প্রাণ,

কুকরি উছসরি কাঁহিল রাধা,

গঙ্গগঙ্গ ভাষ নিকাপল আধা,

শ্রামক চরণে বাহ পসারি,

কহল—শ্রাম রে, শ্রাম হমারি,

রহ তুঁহ, রহ তুঁহ, বধু গো রহ তুঁহ,

অতুখন সাধ সাধ রে রহ পঁহ,

তুঁহ বিনে মাধব, বরুত, বাহুব,

আছর কোন হমার !

পড়ল তুমি 'পর শ্রামচরণ ধরি,

রাখল মুখ তছু শ্রামচরণ 'পরি,

উছসি উছসি কত কাঁহরি কাঁহরি

রজনী করল প্রত্যাত ।

মাধব বৈসল বৃহ মধু হাসল,  
 কত অশোয়াস বচন মিঠ ভাষল,  
 ধরইল বালিক হাত ।  
 সখি লো, সখি লো বোলত সখি লো  
 যত দুখ পাওল রাখা,  
 নিষ্ঠুর শ্রাম কিরে আপন মনমে  
 পাওল তছু কছু আধা ?  
 হাসয়ি হাসয়ি নিকটে আসয়ি  
 বহুত স প্রবোধ দেল,  
 হাসয়ি হাসয়ি পলটয়ি চাহয়ি  
 দূর দূর চলি গেল ।  
 অব সো মথুরাপুরক পঙ্কমে,  
 ইহ যব রোয়ত রাখা,  
 মরমে কি লাগল তিলভর বেদন  
 চরণে কি তিলভর বাধা ?  
 বরখি আখিজল ভাঙ্গু কহে—অতি  
 দুখের জীবন ভাই ।  
 হাসিবার তর সঙ্গ মিলে বহ  
 কাঁদিবার কো নাই ।

১৭

বার বার সখি বারণ করন্তু  
 ন যাও মথুরা ধাম ।  
 বিসয়ি প্রেমদুখ, রাজভোগ যখি  
 করত হমারই শ্রাম ।  
 দিক তুঁহ দান্তিক, দিক রসনা দিক,  
 লইলি কাহারই নাম ?  
 বোলত সজনি, মথুরা-অধিপতি  
 সো কি হমারই শ্রাম ?

ধনকো শ্রাম সো, মথুরা পুরকো,  
 রাজ্য মানকো হোর,  
 নহ পীরিতিকো, ব্রজ কামিনীকো,  
 নিচয় কহহু ময় তোর ।  
 যব তুঁহ ঠারবি, সো নব নরপতি  
 জনি রে করে অবমান,  
 ছিন্ন কুলমসম করব ধরা 'পর,  
 পলকে খোরব শ্রাপ ।  
 বিসরল বিসরল সো সব বিসরল  
 বৃন্দাবন সুখসর,  
 নব নগরে সখি নবীন নাগর  
 উপজল নব নব বর ।  
 ভাহু কহত—অরি বিবহকাতরা  
 মনষে বীধহ বেহ ।  
 মুগ্ধা বালা, বুঝই বুঝলি না,  
 হমার শ্রামক লেহ ।

১৮

হয় যব না যব সজনী,  
 নিতৃত বসন্ত-নিকুল-বিতানে  
 আসবে নির্মল রজনী,  
 মিলন-পিপাসিত আসবে যব সখি  
 শ্রাম হমারই আশে,  
 কুকারবে যব রাধা রাধা  
 মুরলী উরথ খাসে,  
 যব সব গোপিনী আসবে ছুটই  
 যব হয় আসব না ;  
 যব সব গোপিনী আগবে চমকই  
 যব হয় আগব না,

## রবীন্দ্র-রচনাবলী

তব কি কুঞ্জপথ হমারি আশে  
 হেরবে আকুল শ্রাম ?  
 বন বন ফেরই সো কি ফুকারবে  
 রাধা রাধা নাম ?  
 না যমুনা, সো এক শ্রাম মম  
 শ্রামক শত শত নারী ;  
 হম বব বাওব শত শত রাধা  
 চরণে রহবে তারি ।  
 তব সখি যমুনে, যাই নিকুঞ্জে,  
 কাহ তন্নাগব দে ?  
 হমারি লাগি এ বৃন্দাবনমে  
 কহ সখি, রোম্বব কে ?  
 ভানু কহে চূপি—মানভরে বহ  
 আও বনে ব্রজ-নারী,  
 মিলবে শ্রামক ঋগ্বথর আদর  
 ঝরঝর লোচন বারি ।

১৯

মরণ রে,  
 তুঁহ মম শ্রাম সমান ।  
 মেঘ বরণ তুঁহ, মেঘ জটাজুট,  
 রক্ত কমল কর, রক্ত অধর-পুট,  
 তাপ-বিমোচন করুণ কোর তব,  
 মৃত্যু অমৃত করে দান ।  
 তুঁহ মম শ্রাম সমান ।

মরণ রে,

শ্রাম তৌহারই নাম,

চির বিসরণ যব, নিরনয় মাধব

তুঁহ ন ভইবি মোয় বাম ।

আকুল রাধা রিক অতি অরজর,

করই নয়ন দউ অহুধন করকর,

তুঁহ মম মাধব, তুঁহ মম দোসর,

তুঁহ মম তাপ ঘুচাও,

মরণ তুঁ আও রে আও ।

কুল পাশে তব লহ সখোখরি,

আধিপাত মনু আসব মোদরি,

কোর উপর তুঁ রোদরি রোদরি,

নীদ ভরব সব দেহ ।

তুঁহ নহি বিসরবি, তুঁহ নহি ছোড়বি,

রাধা-কনক তুঁ কবহঁ ন তোড়বি,

হিয় হিয় রাখবি অহুদিন অহুধন

অতুলন তৌহার লেহ ।

হুর সঙে তুঁহ বাশি বজাওসি,

অহুধন ডাকসি, অহুধন ডাকসি

রাধা রাধা রাধা,

দিবস কুরাওল, অবহঁ ম যাওব,

বিরহ তাপ তব অবহঁ ঘুচাওব,

কুল-বাটপর অবহঁ ম খাওব

সব কিছু টুটইব বাধা ।

গগন সঘন অব, তিমির মগন ভব,

ভড়িত চকিত অতি, ঘোর মেঘ যব,

শাল তাল তর সতর-তবধ সব,

পর বিজন অতি ঘোর,

একলি যাওব তুঁ অতিসারে,

বা'ক পিয়া তুঁহ কি ভর তাহারে,

## রবীন্দ্র-রচনাবলী

ভয় বাধা সব অহয় মূর্তি ধরি,  
 পহ দেখাওব যোর ।  
 ভাসুসিংহ কহে—ছিয়ে ছিয়ে রাখা  
 চকল হৃদয় ভোহারি,  
 মাধব পহ মম, পির স মরণসে  
 অব তুঁহ দেখ বিচারি ।

২০

কো তুঁহ বোলবি মোয় !  
 হৃদয়-মাহ মরু জাগসি অমুখন,  
 আঁখ উপর তুঁহ রচলহি আসন,  
 অরুণ নয়ন তব মরম সঙে মম  
 নিমিখ ন অস্তর হোয় ।  
 কো তুঁহ বোলবি মোয় ?

হৃদয় কমল তব চরণে টলমল,  
 নয়ন যুগল মম উছলে চলচল,  
 প্রেমপূর্ণ তমু পুলকে চলচল  
 চাহে মিলাইতে তোয় ।  
 কো তুঁহ বোলবি মোয় ?

বীশরি ধ্বনি তুঁহ অমিয় পরল বে,  
 হৃদয় বিদারয়ি হৃদয় হরল বে,  
 আকুল কাকলি ভুবন ভরল বে,  
 উতল প্রাণ উতরোর ।  
 কো তুঁহ বোলবি মোয় ?

হেরি হাসি তব মধুখতু খাওল,  
গুনরি বাশি তব পিককুল গাওল,  
বিকল অমরসম ত্রিকুবন আওল,  
চরণ-কমল যুগ ছোর ।  
কো তুঁহ বোলবি মোর ?

গোপবধুজন বিকশিত-বৌবন,  
পুলকিত বমুনা, মুকুলিত উপবন,  
নীল নীর 'পর ধীর সমীরণ,  
পলকে প্রাণমন খোর ।  
কো তুঁহ বোলবি মোর ?

তুঁহিত আঁধি, তব মুখ 'পর বিহরই,  
মধুর পরশ তব, বাধা শিহরই,  
শ্রেয়-বতন তরি হৃদয় প্রাণ লই  
পদতলে অপনা খোর ।  
কো তুঁহ বোলবি মোর ?

কো তুঁহ কো তুঁহ সব জন পুছরি,  
অছদিন সখন নয়নজল মুছরি,  
যাচে ডাছ, সব সংশয় ঘুচরি,  
অনম চরণ 'পর গোর ।  
কো তুঁহ বোলবি মোর ?

---





কড়ি ও কোমল



**উৎসর্গ**

**ঐযুক্ত সত্যেন্দ্রনাথ ঠাকুর**

**দাদা মহাশয়**

**করকমলেষু**



## কবির মন্তব্য

যৌবন হচ্ছে জীবনে সেই ঋতুপরিবর্তনের সময় যখন ফুল ও ফসলের প্রচুর প্রেরণা নানা বর্ণে ও রূপে অকস্মাৎ বাহিরে প্রত্যক্ষ হয়ে ওঠে। কড়ি ও কোমল আমার সেই নবযৌবনের রচনা। আত্মপ্রকাশের একটা প্রবল আবেগ তখন যেন প্রথম উপলব্ধি করেছিলুম। মনে পড়ে তখনকার দিনে নিজের মনের একটা উদ্বেল অবস্থা। তখন আমার বেশভূষায় আবরণ ছিল বিরল। গায়ে থাকত ধূতির সঙ্গে কেবল একটা পাতলা চাদর, তার খুঁটোয় বাঁধা ভোরবেলায় ভোলা এক মুঠো বেল ফুল, পায়ে এক জোড়া চটি। মনে আছে খ্যাকারের দোকানে বই কিনতে গেছি কিন্তু এর বেশি পরিচয় নেই, এতে ইংরেজ দোকানদারের স্বীকৃত আদবকারদার প্রতি উপেক্ষা প্রকাশ হত। এই আত্মবিস্মৃত বেআইনী প্রমত্ততা কড়ি ও কোমলের কবিতায় অবাধে প্রকাশ পেয়েছিল। এই প্রসঙ্গে একটা কথা মনে রাখতে হবে এই রীতির কবিতা তখনো প্রচলিত ছিল না। সেই জন্মেই কাব্যবিশারদ প্রভৃতি সাহিত্যবিচারকদের কাছ থেকে কটুভাষায় ভৎসনা সহ্য করেছিলুম। সে সব যে উপেক্ষা করেছি অনায়াসে সে কেবল যৌবনের তেজে। আপনার মধ্যে থেকে যা প্রকাশ পাচ্ছিল, সে আমার কাছেও ছিল নূতন এবং আন্তরিক। তখন হেম বীড়ুজ্জ এবং নবীন সেন ছাড়া এমন কোনো দেশপ্রসিদ্ধ কবি ছিলেন না যারা কবিদের কোনো একটা কাব্য-রীতির বাঁধা পথে চালনা করতে পারতেন। কিন্তু আমি তাঁদের সম্পূর্ণই ভুলে ছিলাম। আমাদের পরিবারের বহু কবি বিহারীলালকে ছেলেবেলা থেকে জানতুম এবং তাঁর কবিতার প্রতি অমুরাগ আমার ছিল অত্যন্ত। তাঁর প্রবর্তিত কবিতার রীতি ইতিপূর্বেই আমার রচনা থেকে সম্পূর্ণ খলিত হয়ে গিয়েছিল। বড়োদাদার স্বপ্ন-প্রয়াণের আমি ছিলাম অত্যন্ত ভক্ত, কিন্তু তাঁর বিশেষ কবিপ্রকৃতির সঙ্গে

আমার বোধ হয় মিল ছিল না, সেই জন্তে ভালোলাগা সঙ্গেও তাঁর প্রভাব আমার কবিতা গ্রহণ করতে পারে নি। তাই কড়ি ও কোমলের কবিতা মনের অন্তঃস্বরের উৎসের থেকে উছলে উঠেছিল। তার সঙ্গে বাহিরের কোনো মিশ্রণ যদি ঘটে থাকে তো সে গৌণভাবে।

এই আমার প্রথম কবিতার বই যার মধ্যে বিষয়ের বৈচিত্র্য এবং বহির্দৃষ্টিপ্রবণতা দেখা দিয়েছে। আর প্রথম আমি সেই কথা বলেছি যা পরবর্তী আমার কাব্যের অন্তরে অন্তরে বরাবর প্রবাহিত হয়েছে :—

মরিতে চাহি না আমি সুন্দর ভুবনে,  
মানবের মাঝে আমি বাঁচিবারে চাই,—

যা নৈবেদ্যে আর এক ভাবে প্রকাশ পেয়েছে :—

বৈরাগ্যসাধনে মুক্তি সে আমার নয়।

কড়ি ও কোমলে যৌবনের রসোচ্ছ্বাসের সঙ্গে আর একটি প্রবল প্রবর্তনা প্রথম আমার কাব্যকে অধিকার করেছে, সে জীবনের পথে মৃত্যুর আবির্ভাব। যারা আমার কাব্য মন দিয়ে পড়েছেন তারা নিশ্চয় লক্ষ্য করে থাকবেন এই মৃত্যুর নিবিড় উপলক্ষি আমার কাব্যের এমন একটি বিশেষ ধারা, নানা বাণীতে যার প্রকাশ। কড়ি ও কোমলেই তার প্রথম উদ্ভব।

# কড়ি ও কোমল

## প্রাণ

মরিতে চাহি না আমি স্বপ্নর কুবনে,  
মানবের মাঝে আমি বাঁচিবারে চাই ।  
এই সূৰ্যকরে এই পুষ্পিত কাননে  
জীবন্ত স্বপ্নর মাঝে যদি স্থান পাই ।  
ধরায় প্রাণের খেলা চির তরঙ্গিত,  
বিবহ মিলন কত হাসি অশ্রুসয়,  
মানবের মুখে মুখে গাঁথিয়া সংসীত  
যদি গো রচিত্তে পারি অমর আলয় ।  
তা যদি না পারি তবে বাঁচি বত কাল  
তোমাঘেরি মাঝখানে লতি যেন ঠাই,  
তোমরা তুলিবে বলে সকাল বিকাল  
নব নব সংসীতের কুহুম ফুটাই ।  
হাসিমুখে নিয়ো ফুল, তার পরে হায়  
কেলে দিয়ো ফুল, যদি সে ফুল শুকায় ।

## পুরাতন

হেথা চতে বাও, পুরাতন !  
হেথায় নূতন খেলা আরম্ভ হয়েছে ।  
আবার বাজিছে বাঁপি,      আবার উঠিছে হাসি,  
বসন্তের বাতাস বয়েছে ।

রবীন্দ্র-রচনাবলী

স্ননীল আকাশ 'পরে                      শুভ্র মেঘ ধরে ধরে  
 শ্রান্ত যেন রবির আলোকে,  
 পাখিরা ঝাড়িছে পাখা,                      কাঁপিছে তরু শাখা,  
 খেলাইছে বালিকা বালকে ।  
 সমুখের সরোবরে                      আলো ঝিকিমিকি করে,  
 ছায়া কাঁপিতেছে ধরধর,  
 জলের পানেতে চেয়ে                      ঘাটে বসে আছে মেয়ে,  
 শুনিছে পাতার মরমর ।  
 কী জানি কত কী আশে                      চলিয়াছে চারি পাশে  
 কত লোক কত স্থখে দুখে,  
 সবাই তো ভুলে আছে                      কেহ হাসে কেহ নাচে,  
 তুমি কেন দাঁড়াও সমুখে ।  
 বাতাস যেতেছে বহি                      তুমি কেন বহি বহি  
 তারি মাঝে ফেল দীর্ঘশ্বাস,  
 হৃদয়ে বাজিছে বাশি,                      তুমি কেন চাল আসি  
 তারি মাঝে বিলাপ উচ্চ্বাস ।  
 উঠিছে প্রভাত রবি,                      ঝাঁকিছে সোনার চবি,  
 তুমি কেন ফেল তাহে ছায়া ।  
 বারেক যে চলে যায়,                      তারে তো কেহ না চায়,  
 তবু তার কেন এত মায়া ।  
 তবু কেন সন্ধ্যাকালে                      জলদেব অন্তরালে  
 লুকায়ে ধরাব পানে চায়—  
 নিশীথের অন্ধকারে                      পুরানো ধরের ধারে  
 কেন এসে পুন ফিরে যাব ।  
 কী দেখিতে আসিয়াচ !                      যাগা কিছু ফেলে গেচ  
 কে তাদের করিবে যতন ।  
 স্বপ্নের চিহ্ন যত                      ছিল পড়ে দিন-কত  
 করে পড়া পাতার যতন ।  
 আজি বসন্তের বায়                      একেকটি করে ছায়  
 উড়ায় ফেলিছে প্রতিদিন ;



ধূলিতে মাটিতে রহি                      হাসির কিরণে রহি  
 কনে কনে হতেছে মলিন ।  
 ঢাকো তবে ঢাকো সুখ                      নিয়ে বাও দুঃখ সুখ  
 চেয়ো না চেয়ো না কিরে কিরে,  
 হেথার আলর নাহি ;                      অনন্তের পানে চাহি  
 আধারে বিলাও ধীরে ধীরে ।

## নূতন

হেথাও তো পশে সূৰ্বকর !  
 ঘোর ঝটিকার রাতে                      দারুণ অশনিপাতে  
 বিদীরিল যে সিঁড়ি-শিখর—  
 বিশাল পর্বত কেটে,                      পায়াল-হৃদয় কেটে,  
 প্রকাশিল যে ঘোর গহ্বর  
 প্রভাতে পুনকে ডালি,                      বহিরা নবীন চালি,  
 হেথাও তো পশে সূৰ্বকর !  
 ছুরাঘেতে উকি ঘেরে                      কিরে তো ঘর না সে রে,  
 নিহরি উঠে না আশঙ্কায়,  
 ভাঙা পায়ালের বুক                      খেলা করে কোন্ সূখে,  
 হেসে আসে, হেসে চলে যায় ।  
 হেয়ো, হেয়ো, হার, হার,                      বত প্রতিদিন যায়—  
 কে গাঁথিরা ঘের কুণ্ডাল ।  
 লতাগুলি লতাটইয়া,                      বাহগুলি বিখাইয়া  
 ঢেকে ফেলে বিদীর্ণ কড়াল ।  
 বজ্রবহু অতীতের,                      নিরাশার অভিক্ষের  
 ঘোর শুভ সমাধি-আবাস,  
 ফুল এসে, পাতা এসে                      -কেড়ে নেয় হেসে হেসে,  
 অঙ্ককারে করে পরিহাস ।



যে যায় সে চলে যাক,            সব তার নিয়ে যাক,  
 নাম তার যাক মুছে দিয়ে ।  
 এ কি চেউ-খেলা হার,            এক আসে আর যায়,  
 কাদিতে কাদিতে আসে হাসি,  
 বিলাপের শেষ তান            না হইতে অবসান  
 কোথা হতে বেজে ওঠে বাপি ।  
 আর যে কাদিয়া লই,            শুকাবে ছু-দিন বই  
 এ পবিত্র অশ্রুবারিধারা ।  
 সংসারে কিরিব তুলি,            ছোটো ছোটো সুখগুলি  
 রচি দিবে আনন্দের কারা ।  
 না রে, করিব না শোক,            এসেছে নূতন লোক,  
 তারে কে করিবে অবহেলা ।  
 সেও চলে যাবে কবে,            স্নেহ গান সাজ হবে,  
 ফুরাইবে ছু-দিনের খেলা ।

---

## উপকথা

যেখের আড়ালে বেলা কখন যে যায়,  
 কৃষ্টি পড়ে সারাদিন খামিতে না চায় ।  
 আর্দ্র-পাখা পাখিগুলি            স্নেহ গান গেছে তুলি,  
 নিশ্চয় তিতিছে সুরলতা ।  
 বসিয়া আঁধার ঘরে            বরষার বরষায়  
 মনে পড়ে কত উপকথা ।  
 কত মনে লয় হেন            এ সব কাহিনী যেন  
 সত্য ছিল নবীন অগতে ।  
 উড়ন্ত মেঘের মতো            ঘটনা ঘটত কত,  
 সংসার উড়িত মনোরমে ।

রাজপুত্র অবহেলে            কোন্ দেশে যেত চলে,  
    কত নদী কত সিঁদু পায় ।  
 সরোবর ঘাট আলা            মণি হাতে নাগবালা  
    বসিয়া বাধিত কেশভার ।  
 সিঁদুতীরে কত দূরে            কোন্ রাজ্যের পুরে  
    ঘুমাইত রাজার বিয়ারি ।  
 হাসি তার মণিকণা            কেহ তাহা দেখিত না,  
    মুকুতা চালিত অশ্রুবারি ।  
 সাত ভাই একস্তরে            টাঙ্গা হয়ে কুটিত রে  
    এক বোন কুটিত পাকল ।  
 সম্ভব কি অসম্ভব            একত্রে আছিল সব  
    দুটি ভাই সত্য আর ভুল ।  
 বিশ্ব নাহি ছিল বাধা            না ছিল কঠিন বাধা  
    নাহি ছিল বিধির বিধান,  
 হাসিকায় লঘুকায়            শরতের আলোছায়া  
    কেবল সে ছুঁয়ে যেত প্রাণ ।  
 আজি ফুরায়েছে বেলা,            অগতের ছেলেখেলা  
    গেছে আলো-আধারের দিন ।  
 আর তো নাই রে ছুটি            মেঘরাজ্য গেছে টুটি,  
    পদে পদে নিয়ম-অধীন ।  
 মধ্যাহ্নে রবির দাপে            বাহিরে কে রবে তাপে  
    আলয় গড়িতে সবে চায় ।  
 যবে হায় প্রাণপণ            করে তাহা সমাপন  
    খেলারই মতন ভেঙে যায় ।

---

## যোগিয়া

বছদিন পরে আজি মেঘ গেছে চলে ;  
 রবির কিরণসুধা আকাশে উথলে ।  
 স্নিগ্ধ শ্রাম পঙ্কপুটে            আলোক স্বলকি উঠে,  
 পুলক নাচিছে পাছে পাছে ।  
 নবীন যৌবন যেন            প্রেমের মিলনে কাপে,  
 আনন্দ বিছাৎ-আলো নাচে ।  
 ছুঁই সরোবরতীরে            নিশ্বাস ফেলিয়া ধীরে  
 করিয়া পড়িতে চার তুঁয়ে,  
 অতি বৃহৎ হাসি তার,            বরষার বৃষ্টিধার  
 গড়টুকু নিয়ে গেছে ধূয়ে ।  
 আজিকে আপন প্রাণে            না জানি বা কোনখানে  
 যোগিয়া যোগিনী গায় কে রে ।  
 ধীরে ধীরে সুর তার            মিলাইছে চারি ধার  
 আচ্ছন্ন করিছে প্রভাত্তরে ।  
 গাহপালা চারি ভিত্তে            সংসীতের মাধুরীতে  
 যম্ব হয়ে ধরে অশ্রুচরি ।  
 এ প্রভাত্ত মনে হয়            আরেক প্রভাত্তময়,  
 রবি যেন আর কোনো রবি ।  
 ভাবিতেছি মনে মনে            কোথা কোন্ উপবনে  
 কী ভাবে সে গাইছে না জানি,  
 চোখে তার অশ্রুবেধা,            একটু দেছে কি দেখা,  
 ছড়ারেছে চরণ ছুখানি ।  
 তার কি পারের কাছে            বাশিটি পড়িয়া আছে—  
 আলোছায়া পড়েছে কপোলে ।  
 মলিন মালাটি তুলি            ছিঁড়ি ছিঁড়ি পাতাগুলি  
 ভাসাইছে সরসীর জলে ।



## কাঙালিনী

আনন্দময়ীর আগমনে,  
আনন্দে গিয়েছে বেশ চেয়ে ।  
হেরো ওই খনীর ছায়ে  
দাড়াইয়া কাঙালিনী মেয়ে ।  
উৎসবের হাসি-কোলাহল  
ভনিত্তে পেয়েছে তোববেলা,  
নিরানন্দ গৃহ তেরানিয়া  
তাই আজি বাহির হইয়া  
আসিয়াছে খনীর ছায়ে  
দেখিবারে আনন্দের খেলা ।  
বাজিতেছে উৎসবের বাশি  
কানে তাই পশিতেছে আসি,  
মান চোখে তাই ভাসিতেছে  
ছায়াশার সুখের স্বপন ;  
চারি দিকে প্রভাতের আলো,  
নয়নে লেগেছে বড়ো ভালো,  
আকাশেতে মেঘের মাঝারে  
শরতের কনক তপন ।  
কত কে যে আসে, কত যায়,  
কেহ হাসে, কেহ গান গায়,  
কত বরনের বেশভূষা—  
স্বলকিছে কাকন-বতন,  
কত পরিজন দাসদাসী,  
পুষ্প পাতা কত রাশি রাশি,  
চোখের উপরে পড়িতেছে  
যরীচিকা-হবির বতন ।

## রবীন্দ্র-রচনাবলী

হেরো তাই রহিয়াছে চেয়ে  
 শূন্যমনা কাঙালিনী মেয়ে ।  
 শুনেছে সে, মা এসেছে ঘরে,  
 তাই বিশ্ব আনন্দে ভেসেছে,  
 মার মায়া পায় নি কখনো,  
 মা কেমন দেখিতে এসেছে !  
 তাই বুঝি আঁধি ছলছল,  
 বাশ্পে ঢাকা নয়নের তারা !  
 চেয়ে যেন মার মুখ পানে  
 বালিকা কাতর অভিযানে  
 বলে, "মা গো এ কেমন ধারা ।  
 এত বাঁশি, এত হাসিরাশি,  
 এত তোমর রতন-কুষণ,  
 তুই যদি আমার জননী,  
 মোর কেন মলিন বসন !"

ছোটো ছোটো ছেলেমেয়েগুলি  
 ভাইবোন করি গলাগলি,  
 অকনেতে নাচিতেছে গুই ;  
 বালিকা দুয়ারে হাত দিয়ে,  
 তাদের হেরিছে দাঁড়াইয়ে,  
 ভাবিতেছে নিশ্বাস ফেলিয়ে—  
 আমি তো ওদের কেহ নই ।  
 স্নেহ ক'রে আমার জননী  
 পরায়ে তো দেয় নি বসন,  
 প্রভাতে কোলেতে করে নিয়ে  
 মুছারে তো দেয় নি নয়ন ।  
 আপনার ভাই নেই বলে  
 গুরে কি যে ডাকিবে না কেহ ?



আর কারো জননী আসিরা  
ওরে কি রে করিবে না মেহ ?  
ও কি শুধু ছয়ার খরিয়া  
উৎসবের পানে রবে চেয়ে,  
শূভমনা কাঙালিনী মেয়ে ?

ওর প্রাণ আঁধার যখন  
করণ স্তন্য বড়ো বাশি,  
ছয়ারেতে সজল নয়ন  
এ বড়ো নিষ্ঠুর হাসিরাশি ।  
আজি এই উৎসবের দিনে  
কত লোক কৈলে অশ্রুধার,  
মেহ নেই, মেহ নেই, আচ্ছা,  
সংসারেতে কেহ নাই আর ।  
শুভ হাতে গৃহে বার কেহ  
ছেলেরা ছুটিয়া আসে কাছে,  
কী দিবে কিছুই নেই তার  
চোখে শুধু অশ্রুজল আছে ।  
অনাথ ছেলেরে কোলে নিবি  
জননীরা আর তোরা সব,  
মাতৃহারা মা যদি না পায়  
তবে আজ কিসের উৎসব !  
যারে যদি থাকে ঠাড়াইয়া  
মানমুখ বিবানে বিরস,  
তবে মিছে সহকার-শাখা  
তবে মিছে মঙ্গল-কলস ।

---

## ভবিষ্যতের রঙ্গভূমি

সম্মুখে রয়েছে পড়ি যুগ-যুগান্তর ।

অসীম নীলিমে লুটে                      ধরণী ধাইবে ছুটে,  
 প্রতিদিন আসিবে, ধাইবে রবিকর ।  
 প্রতিদিন প্রভাতে জাগিবে নরনারী,  
 প্রতिसঙ্ঘা শ্রান্তদেহে                      কিরিয়া আসিনে গেহে,  
 প্রতিরাজে তারকা ফুটিবে সারি সারি ।  
 কত আনন্দের ছবি, কত সুখ আশা,  
 আসিবে ধাইবে হায়,                      সুখ-স্বপনের প্রায়  
 কত প্রাণে জাগিবে, মিলাবে ভালোবাসা ।  
 তখনো ফুটিবে হেসে কুমুম-কানন,  
 তখনো রে কত লোকে                      কত স্নিগ্ধ চন্দ্রালোকে  
 জ্বাকিবে আকাশ-পটে সুখের স্বপন ।  
 নিবিলে দিনের আলো সন্ধ্যা হলে নিতি  
 বিরহী নদীর ধারে                      না জানি ভাবিবে কায়ে,  
 না জানি সে কী কাহিনী, কী সুখ, কী স্মৃতি !

দূর হতে আসিতেছে, গুন কান পেতে—

কত গান, সেই মহা-রঙ্গভূমি হতে ।

কত যৌবনের হাসি,                      কত উৎসবের বাশি,  
 তরঙ্গের কলধ্বনি প্রমোদের শ্রোতে ।  
 কত মিলনের গীত, বিরহের শ্বাস,  
 তুলেছে মর্মর তান বসন্ত-বাতাস,  
 সংসারের কোলাহল                      ভেদ করি অবিরল  
 লক্ষ নব কবি ঢালে প্রাণের উজ্জ্বল ।

ওই দূর খেলাঘরে খেলাইছ কারা !

উঠেছে মাথার 'পরে আমাদেরি তারা ।

আমাদেরি ফুলগুলি                      সেখাও নাচিছে তুলি,  
 আমাদেরি পাখিগুলি গেয়ে চল সারা ।

ওই ঘূরে খেলাঘরে করে আনাগোনা  
 হাসে কাঁদে কত কে বে নাহি যায় গনা ।  
 আমাদের পানে হায়, তুলেও তো নাহি চায়,  
 মোদের ওরা তো কেউ ভাই বলিবে না ।  
 ওই সব মধুমুখ অমৃত-সদন,  
 না জানি রে আর কারা করিবে চূষন ।  
 পরমমরীর পাশে বিজড়িত আধ-ভাবে  
 আমরা তো ওনার না প্রাণের বেদন ।

আমাদের খেলাঘরে কারা খেলাইছ !  
 সাজ না হইতে খেলা চলে এহু সন্ধ্যাবেলা,  
 ধুলির সে ঘর ভেঙে কোথা ফেলাইছ ।  
 হোখা, যেথা বসিতাম মোরা ছুই জন,  
 হাসিরা কাঁদিরা হত মধুর মিলন,  
 মাটিতে কাটিরা রেখা কত লিখিতাম লেখা,  
 কে তোরা মুছিলি সেই সাধের লিখন ।  
 সুধামরী যেয়েটি সে হোখায় লুটিত,  
 চুমো খেলে হাসিটুকু কুটিয়া উঠিত ।  
 তাই রে মাধবীলতা মাখা তুলেছিল হোখা,  
 ভেবেছিহু চিরদিন রবে মুহুরিত ।  
 কোখার রে, কে তাহারে করিলি মলিত !

ওই যে শুকানো ফুল ছুঁড়ে কেলে দিলে,  
 উহার মরম কথা বুঝিতে নাহিলে ।  
 ও যে দিন ফুটেছিল, নব রবি উঠেছিল,  
 কানন মাতিয়াছিল বসন্ত-অনিলে ।  
 ওই যে শুকার চাপা পড়ে একাকিনী,  
 তোমরা তো জানিবে না উহার কাহিনী ।  
 কবে কোন সন্ধ্যাবেলা ওরে তুলেছিল বালা,  
 ওরি মাঝে মাঝে কোন পুরবী বাসিনী ।

## স্বীকৃত-রচনাবলী

যারে দিয়েছিল ওই কুল উপহার,  
 কোথায় সে গেছে চলে, সে তো নেই আর !  
 একটু কুসুমকণা                      তাও নিতে পায়িল না,  
 ফেলে য়েখে যেতে হল মরণের পার ;  
 কত সুখ, কত ব্যথা                      সুখের ছুখের কথা  
 মিশিছে ধুলির সাথে ফুলের মাঝার ।

মিছে শোক, মিছে এই বিলাপ কাতর,  
 সম্মুখে রয়েছে পড়ে যুগ-যুগান্তর ।

## মথুরায়

বাশরি বাজাতে চাহি বাশরি বাজিল কই ?  
 বিহরিছে সমীরণ, কুহরিছে পিকরণ,  
 মথুরায় উপবন কুসুমে সাজিল ওই ।  
 বাশরি বাজাতে চাহি বাশরি বাজিল কই ?  
 বিকচ বকুল ফুল দেখে যে হতেছে ভুল,  
 কোথাকার অলিকুল গুঞ্জে কোথায় ।  
 এ নহে কি বৃন্দাবন ? কোথা সেই চন্দ্রানন,  
 ওই কি নৃপুংগবনি বনপথে গুনা বার ?  
 একা আছি বনে বসি, পীত ধড়া পড়ে খসি,  
 সোড়রি সে মুখশশী পরান মজিল সই ।  
 বাশরি বাজাতে চাহি বাশরি বাজিল কই ?  
 এক বার রাধে রাধে ডাক বাশি মনোসাধে,  
 আজি এ মধুর চাঁদে মধুর বামিনী ভায় ।

কোথা সে বিধুরা বালা, মলিন মালতীমালা,  
 হৃদয়ে বিরহ-আলা, এ নিশি পোহায়, হায় !  
 কবি যে হল আকুল, এ কি রে বিধির তুল ।  
 মথুরার কেন ফুল ফুটেছে আজি লো নই ।  
 বাশরি বাজাতে গিয়ে বাশরি বাজিল কই ?

## বনের ছায়া

কোথা রে তরুর ছায়া, বনের স্তমল স্নেহ !  
 ভট-ভর কোলে কোলে                      সারাদিন কলরোলে  
 স্রোতধিনী যার চলে হৃদয়ে সাধের গেহ ;  
 কোথা রে তরুর ছায়া বনের স্তমল স্নেহ !  
 কোথা রে সুনীল মিশে                      বনাস্ত রয়েছে মিশে,  
 অনন্তের অনিমিষে নরন নিমেষ-হারা ।  
 দূর হতে বায় এসে                      চলে যায় দূর-দেশে,  
 স্নাত-গান যার ভেসে কোন দেশে যার তারা ।  
 হাসি, বাশি, পরিহাস,                      বিমল স্রুথের হাস,  
 মেলামেশা বারো মাস নদীর স্তমল তীরে ;  
 কেহ খেলে, কেহ দোলে,                      ঘুমায় ছায়ার কোলে,  
 বেলা শুধু যার চলে কুলুকুলু নদীতীরে ।  
 বকুল কুড়ায় কেহ কেহ গাঁথে মালাখানি ;  
 ছায়াতে ছায়ার প্রায়,                      বসে বসে গান গায়,  
 করিতেছে কে কোথায় চুপিচুপি কানাকানি ।  
 খুলে গেছে চুলগুলি,                      বাধিতে গিয়েছে তুলি,  
 আঙুলে ধরেছে তুলি আঁধি পাছে ঢেকে যার,  
 কাকন খসিয়া গেছে খুঁজিছে পাছের ছায় ।  
 বনের মর্মর মাঝে                      বিজনে বাশরি বাজে,  
 তারি হুরে মাঝে মাঝে ঘুঘু ছটি গান গায় ।  
 বুক বুক কত পাতা                      গাহিছে বনের পাখা,  
 কত না বনের কথা তারি সাথে মিশে যার ।

লতাপাতা কত শত                      খেলে কাঁপে কত মতো,  
ছোটো ছোটো আলোছায়া বিকিমিকি বন ছেয়ে,  
তারি সাথে তারি মতো খেলে কত ছেলেমেয়ে ।

কোথায় সে গুন গুন ঝরঝর মরমর,  
কোথা সে মাথার পরে লতাপাতা ধরধর ।  
কোথায় সে ছায়া আলো, ছেলে মেয়ে খেলাধুলি,  
কোথা সে ফুলের মাঝে এলোচূলে হাসিগুলি ।  
কোথা রে সরল প্রাণ,                      গভীর আনন্দ-গান,  
অসীম শক্তির মাঝে প্রাণের সাথের গেহ,  
তরুর শীতল ছায়া বনের শ্রামল স্নেহ ।

## কোথায়

হায়, কোথা যাবে !  
অনন্ত অজানা দেশ, নিতান্ত যে একা তুমি,  
পথ কোথা পাবে !  
হায়, কোথা যাবে !  
কঠিন বিপুল এ জগৎ,  
খুঁজে নের যে যাহার পথ ।  
স্নেহের পুতলি তুমি সহসা অসীমে গিয়ে  
কার মুখে চাবে ।  
হায়, কোথা যাবে !  
মোরা কেহ সাথে রহিব না,  
মোরা কেহ কথা কহিব না ।  
নিমেষ যেমনি যাবে, আমাদের ভালোবাসা  
আর নাহি পাবে ।  
হায়, কোথা যাবে !

মোরা বসে কাঁদিব হেথায়,  
শূন্যে চেয়ে ডাকিব তোমায় ;  
মহা সে বিজন মাঝে হয়তো বিলাপধ্বনি  
মাঝে মাঝে শুনিবারে পাবে,  
হায়, কোথা যাবে !

দেখো, এই ফুটিয়াছে ফুল,  
বসন্তেরে করিছে আকুল ;  
পুরানো স্বপ্নের স্মৃতি বাতাস আনিছে নিতি  
কত স্নেহভাবে,  
হায়, কোথা যাবে !

খেলাধুলা পড়ে না কি মনে,  
কত কথা স্নেহের স্বরূপে ।  
হৃদে হৃদে শত করে সে-কথা অঙ্কিত যে রে,  
সেও কি ফুরাবে !  
হায়, কোথা যাবে ।

চিরদিন তরে হবে পর,  
এ-ধর হবে না তব ধর ।  
যারা ওই কোলে বেত, তারাও পরের মতো,  
বারেক কিরেও নাহি চাবে ।  
হায়, কোথা যাবে !

হায়, কোথা যাবে !  
যাবে যদি, যাও যাও, অঙ্গ তব মুছে যাও,  
এইখানে ছুঃখ রেখে যাও ।  
যে বিজ্ঞান চেয়েছিলে, তাই যেন সেখা মিলে,  
আরামে সুশান্ত ।  
যাবে যদি, যাও ।

## শান্তি

থাক্ থাক্ চূপ কর তোরা, ও আমার ঘুমিয়ে পড়েছে ।  
 আবার যদি জেগে ওঠে বাছা কারা দেখে কারা পাবে যে ।  
 কত হাসি হেসে গেছে ও, মুছে গেছে কত অশ্রুধার,  
 হেসে কেঁদে আজ ঘুমাল, ওরে তোরা কীদাস নে আর ।

কত রাত গিয়েছিল হায়, বয়েছিল বসন্তের বায়,  
 পূবের আনালাখানি দিয়ে চন্দ্রালোক পড়েছিল গায় ;  
 কত রাত গিয়েছিল হায়, দূর হতে বেজেছিল বাণি,  
 স্বরগুলি কেঁদে ফিরেছিল বিছানার কাছে কাছে আসি ।  
 কত রাত গিয়েছিল হায় কোলেতে শুকানো ফুলমালা  
 নত মুখে উলটি পালটি চেয়ে চেয়ে কেঁদেছিল বালা ।  
 কত দিন ভোরে শুকতারা উঠেছিল ওর আঁখি 'পরে,  
 সমুখের কুম্ব-কাননে ফুল ফুটেছিল ধরে ধরে ।  
 একটি ছেলেরে কোলে নিয়ে বলেছিল সোহাগের ভাষা ,  
 কারেও বা ভালোবেসেছিল, পেয়েছিল কারো ভালোবাসা !  
 হেসে হেসে গলাগলি করে খেলেছিল বাহাদুর নিয়ে,  
 আঝো তারা ওই খেলা করে, ওর পেলা গিয়েছে ফুরিয়ে ।  
 সেই রবি উঠেছে সকালে ফুটেছে সমুখে সেই ফুল,  
 ও কখন খেলাতে খেলাতে মাঝখানে ঘুমিয়ে আকুল !  
 শ্রান্ত দেহ, নিস্পন্দ নয়ন, ভুলে গেছে হৃদয়-বেদনা ।  
 চূপ করে চেয়ে দেখো ওরে, থামো থামো হেসো না কেঁদো না ।







## পাষণী মা

হে ধনী, ধীবের জননী  
জনেছি যে মা তোমার বলে,  
তবে কেন সবে তোর কোলে  
কৈদে আসে কৈদে যায় চলে ।  
তবে কেন তোর কোলে এসে  
সন্তানের যেটে না পিয়াস ।  
কেন চায়, কেন কৈদে সবে,  
কেন কৈদে পায় না ভালোবাসা ।  
কেন হেথা পাষণ-পরান,  
কেন সবে নীরস নিষ্ঠুর ।  
কৈদে কৈদে দুয়ারে যে আসে  
কেন তারে করে দেয় দূর ।  
কাদিয়া যে কিরে চলে যায়,  
তার তরে কাদিস নে কেহ,  
এই কি মা জননীর প্রাণ,  
এই কি মা জননীর রেহ ।

## হৃদয়ের ভাষা

হৃদয়, কেন গো যোরে ছলিছ সন্তত,  
আপনার ভাষা তুমি শিখাও আমার ।  
প্রত্যহ আকুল কণ্ঠে গাহিতেছি কত,  
ভয় বাশরিতে খাস করে হায় হায় !  
সন্ধ্যাকালে নেমে যায় নীরব তপন  
হনীল আকাশ হতে হনীল সাগরে ।  
আমার মনের কথা, প্রাণের স্বপন  
ভাসিয়া উঠিছে যেন আকাশের 'পরে ।

ধনিছে সন্ধ্যার মাঝে কার শাস্ত বাণী,  
 ও কি রে আমারি গান ? ভাবিতেছি তাই ।  
 প্রাণের যে কথাগুলি আমি নাহি জানি,  
 সে কথা কেমন করে জেনেছে সবাই ।  
 মোর হৃদয়ের গান সকলেই গায়,  
 গাহিতে পারি নে তাহা আমি শুধু হায় ।

## পত্র

নৌকাযাত্রা হইতে কিরিয়া আসিয়া লিখিত

স্বহৃদয় শ্রীযুক্ত প্রিয়নাথ সেন

স্থলচরবরেষু

জলে বাসা বেঁধেছিলেম, ডাঙায় বড়ো কিচিমিচি ।  
 সবাই গলা জাহির করে, চৈচায় কেবল মিছিমিছি ।  
 সস্তা লেখক কোকিয়ে মরে, ঢাক নিয়ে সে খালি পিটোর,  
 ভদ্র লোকের গায়ে পড়ে কলম নেড়ে কালি ছিটোর ।  
 এখানে যে বাস করা দায় ভন্ডনানির বাজারে,  
 প্রাণের মধ্যে গুলিয়ে উঠে হট্টগোলের মাঝারে ।  
 কানে তখন তাল ধরে উঠি যখন হাঁপিয়ে  
 কোথায় পালাই, কোথায় পালাই—জলে পড়ি ঝাঁপিয়ে ।  
 গঙ্গাপ্রাপ্তির আশা করে গঙ্গাযাত্রা করেছিলেম ।  
 তোমাদের না বলে করে আন্তে আন্তে সরেছিলেম ।

ছনিয়ার এ মজলিসেতে এসেছিলেম গান শুনতে ;  
 আপন মনে শুনশুনিয়ে রাগ-রাগিণীর আল বুনতে ।  
 গান শোনে সে কাহার সাখ্যি, ছোড়াগুলো বাজায় বাস্তি,  
 বিচ্ছেদানা ফাটিয়ে কেলে থাকে তারা তুলো ধুনতে ।

ডেকে বলে, হেঁকে বলে, ভক্তি করে বেকে বলে—  
 “আমার কথা শোনো সবাই গান শোনো আর নাই শোনো !  
 গান যে কাকে বলে সেইটে বুঝিয়ে দেব, তাই শোনো ।”

টিকে করেন ব্যাখ্যা করেন, জেঁকে ওঠে বক্তৃত্তমে,  
 কে দেখে তার হাত-পা নাড়া, চক্ষু ছুটোর রক্তিতে ।  
 চন্দ্রনূৰ্ব্ব জলছে মিছে আকাশধানার চালাতে—  
 তিনি বলেন “আমিই আছি জলতে এবং জালাতে ।”  
 কুঞ্জবনের তানপুরোতে স্বর বেঁধেছে বসন্ত,  
 সেটা শুনে নাড়েন কর্ণ হয় নাকো তাঁর পছন্দ ।  
 তাঁরি স্বরে গাক না সবাই টপ্পা খেয়াল ধুরবোধ,—  
 গায় না যে কেউ—আসল কথা নাইকো কারো স্বরবোধ !  
 কাগজওয়ালার সারি সারি নাড়ছে কাগজ হাতে নিয়ে—  
 বাঙলা থেকে শান্তি বিদায় তিন-শ কুলোর বাতাস দিয়ে !  
 কাগজ দিয়ে নৌকা বানায় বেকার যত ছেলেপিলে,  
 কর্ণ ধরে পার করবেন ছু-এক পয়সা খেয়া দিলে ।  
 সস্তা শুনে ছুটে আসে যত দীর্ঘকর্ণগুলো—  
 বঙ্গদেশের চতুর্দিকে তাই উড়েছে এত ধুলো ।  
 খুঁদে খুঁদে ‘আর্ধ’ গুলো ঘাসের মতো গজিয়ে ওঠে,  
 ছুঁচোলো সব জিবের ডগা কাঁটার মতো পায়ে কোটে ।  
 তাঁরা বলেন “আমি কড়ি, গাঁজার কড়ি হবে বুঝি !  
 অবতারে ভরে গেল যত রাজ্যের গলিঘুঁড়ি ।

পাড়ার এমন কত আছে কত কব তার,  
 বঙ্গদেশে মেলাই এল বরা-অবতার ।  
 দাঁতের জোরে হিন্দুশাস্ত্র ভুলবে তারা পাকের থেকে,  
 দাঁতকপাটি লাগে, তাদের দাঁত-বিঁচুনির ভক্তি দেখে ।  
 আগাগোড়াই মিথ্যে কথা, মিথ্যেবাহীর কোলাহল,  
 জিব নাচিয়ে বেড়ায় যত জিহ্বা-ওয়ালার সন্তের দল ।  
 বাক্যবস্তা কেনিবে আসে ভাসিয়ে নে যায় তোড়ে,  
 কোনো ক্রমে রকে পেলেন যা-গজারি কোড়ে ।

হেথায় কিবা শান্তি-ঢালা কুলুকুলু তান ।  
 সাগর পথনে বহন করে গিন্নিযাজের গান ।  
 ধিরি ধিরি বাতাসটি দেয় জলের গায়ে কাঁটা ।  
 আকাশেতে আলো-আধার খেলে জোয়ারভাঁটা ।  
 তীরে তীরে গাছের সারি পল্লবেরি চেউ ।  
 সারাদিবস হেলে দোলে দেখে না তো কেউ ।  
 পূর্বতীরে তরুশিরে অরুণ হেসে চায়—  
 পশ্চিমেতে কুলুমাঝে সন্ধ্যা নেমে যায় ।  
 তীরে ওঠে শব্দধ্বনি ধীরে আসে কানে,  
 সন্ধ্যাতারা চেয়ে থাকে ধরণীর পানে ।  
 ঝাউবনের আড়ালেতে চাঁদ ওঠে ধীরে,  
 ফোটে সন্ধ্যাদীপগুলি অন্ধকার তীরে ।

এই শান্তি-সলিলেতে দিয়েছিলেম ডুব,  
 হট্টগোলটা ভুলেছিলেম স্থখে ছিলেম খুব ।

জান তো ভাই আমি হচ্ছি জলচরের জাত,  
 আপন মনে সাঁতরে বেড়াই—ভাসি যে দিনরাত ।  
 রোদ পোহাতে ডাঙায় উঠি, হাওয়াটি খাই চোখ বুজে,  
 ভয়ে ভয়ে কাছে এগোই তেমন তেমন লোক বুঝে ।  
 গতিক মন্দ দেখলে আবার ডুবি অগাধ জলে,  
 এমনি করেই দিনটা কাটাই লুকোচুরির ছলে ।  
 তুমি কেন ছিপ ফেলেছ শুকনো ডাঙায় বসে ?  
 বুকের কাছে বিদ্ধ করে টান মেরেছ কষে ।  
 আমি তোমায় জলে টানি তুমি ডাঙায় টানো,  
 অটল হয়ে বসে আছ হার তো নাহি মানো ।  
 আমারি নয় হার হয়েছে তোমারি নয় ভিত্ত—  
 খাবি খাচ্ছি ডাঙায় পড়ে হয়ে পড়ে চিত্ত ।  
 আর কেন ভাই, ঘরে চলো, ছিপ গুটিয়ে নাও,  
 রবীন্দ্রনাথ পড়ল ধরা ঢাক গিটিয়ে দাও ।

কড়ি ও কোমল

## বিরহীর পত্র

হয় কি না হয় দেখা, কিরি কি না কিরি,  
দূরে গেলে এই মনে হয় ;  
হৃদনার মাঝখানে অন্ধকারে ঘিরি  
ঝেগে থাকে সন্তত সংশয় ।  
এত লোক, এত জন, এত পথ গলি,  
এমন বিপুল এ সংসার,  
ভরে ভরে হাতে হাতে বেঁধে বেঁধে চলি  
ছাড়া পেলে কে আর কাহার !

তারার তারার সঙ্গ থাকে চোখে চোখে  
অন্ধকারে অসীম গগনে ।  
ভরে ভরে অনিমেবে কম্পিত আলোকে  
বাধা থাকে নরনে নরনে ।  
চৌদিকে অটল স্তম্ভ হৃদয়ীর রাজি,  
স্তম্ভহীন মরুমর বোম,  
মুখে মুখে চেয়ে তাই চলে বস্ত বাজী  
চলে এহ রবি সারা সোম ।

নিষেধের অন্তরালে কী আছে কে জানে,  
নিষেধে অসীম পড়ে ঢাকা—  
অন্ধ কাল-তুরঙ্গম রাশ নাহি মানে  
বেগে ধার অদৃষ্টের ঢাকা ।  
কাছে কাছে পাছে পাছে চলিবারে চাই  
ঝেগে ঝেগে দিতেছি পাহারা,  
একটু এসেছে ঘুম—চমকি তাকাই  
গেছে চলে কোথায় কাহার !

ছাড়িয়া চলিয়া গেলে কাঁদি তাই একা  
 বিরহের সমুদ্রের তীরে  
 অনন্তের মাঝখানে ছু-দণ্ডের দেখা  
 তাও কেন রাহ এসে ঘিরে ।  
 মৃত্যু ঘেন মাঝে মাঝে দেখা দিয়ে যায়  
 পাঠায় সে বিরহের চর ।  
 সকলেই চলে যাবে পড়ে রবে হায়  
 ধরণীর শূন্য খেলাঘর !

গ্রহ তারা ধূমকেতু কত রবি শশী  
 শূন্য ঘেরি ভগতের ভিড়,  
 তারি মাঝে যদি ভাঙে, যদি যায় খসি  
 আমাদের ছু-দণ্ডের নীড়,—  
 কোথায় কে হারাইব—কোন রাত্রিবেলা  
 কে কোথায় হইব অতিথি ।  
 তখন কি মনে রবে ছু-দিনের খেলা  
 দরশের পরশের স্মৃতি ।

তাই মনে করে কিরে চোখে জল আসে  
 একটুকু চোপের আড়ালে ।  
 প্রাণ ঘরে প্রাণের অধিক ভালোবাসে  
 সেও কি রবে না এক কালে ।  
 আশা নিয়ে এ কি শুধু খেলাই কেবল—  
 সুখ দুঃখ মনের বিকার ।  
 ভালোবাসা কাঁদে, চাসে, মোছে অশ্রুজল,  
 চায়, পায়, হারায় আবার ।



## মঙ্গল-গীত

১

এত বড়ো এ ধরণী মহাসিদ্ধু ঘেরা,  
 ছলিতেছে আকাশ সাগরে,—  
 দিন-দুই হেথা রহি মোরা মানবেরা  
 শুধু কি মা যাব খেলা করে ।  
 তাই কি ধাইছে গঙ্গা ছাড়ি হিমগিরি,  
 অরণ্য বহিছে ফুল-ফল,—  
 শত কোটি রবি তারা আমাদের ঘিরি  
 গনিতেছে প্রতি ধণ্ড পল ।

শুধু কি মা হাসিখেলা প্রতি দিনরাত,  
 দিবসের প্রত্যেক প্রহর ।  
 প্রভাতের পরে আসি নূতন প্রভাত  
 লিখিছে কি একই অক্ষর ।  
 কানাকানি হাসাহাসি কোণেতে গুটায়ে,  
 অলস নয়ন নিমীলন,  
 ধণ্ড-দুই ধরণীর ধূলিতে লুটায়ে  
 ধূলি হয়ে ধূলিতে শয়ন ।

নাই কি মা, মানবের গভীর ভাবনা,  
 হৃদয়ের সীমাহীন আশা ।  
 ভেঙ্গে নাই অন্তরেতে অনন্ত চেতনা,  
 জীবনের অনন্ত পিপাসা ।  
 হৃদয়েতে শুধু কি মা উৎস করণার,  
 ওনি না কি হৃদীর ক্রন্দন ।  
 অগৎ শুধু কি মা গো তোমার আমার  
 সুখাবার কুহ্ম-আসন ।

## রবীন্দ্র-রচনাবলী

শুনো না কাহারো ওই করে কানাকানি  
 অতি তুচ্ছ ছোটো ছোটো কথা ।  
 পরের হৃদয় লয়ে করে টানাটানি  
 শকুনির মতো নির্ধমতা ।  
 শুনো না করিছে কারা কথা-কাটাকাটি  
 মাতিয়া জানের অভিমানে,  
 রসনার রসনার ঘোর লাঠালাঠি,  
 আপনার বুদ্ধিরে বাধানে ।

ভূমি এস হূরে এস, পবিত্র নিকৃতে,  
 ক্ষুদ্র অভিমান যাও ভুলি ।  
 সবতনে বেড়ে কেলো বসন হইতে  
 প্রতি নিমেষের বত ধূলি ।  
 নিমেষের ক্ষুদ্র কথা, ক্ষুদ্র রেণুজাল  
 আচ্ছন্ন করিছে মানবেরে,  
 উদার অনন্ত তাই হতেছে আড়াল  
 তিল তিল ক্ষুদ্রতার ঘেরে ।

আছে মা তোমার মুখে স্বর্গের কিরণ,  
 হৃদয়েতে উদার আভাস,  
 খুঁজিছে সরল পথ ব্যাকুল নয়ন,  
 চারি দিকে মর্ত্যের প্রবাস ।  
 আপনার ছায়া কেলি আমরা সকলে  
 পথ তোর অন্ধকারে ঢাকি,  
 ক্ষুদ্র কথা, ক্ষুদ্র কাজে, ক্ষুদ্র শত চলি,  
 কেন তোরে ভুলাইয়া রাখি ।

কেন মা, তোমাতে কেহ চাহে না জানাতে  
 মানবের উচ্চ কুলশীল,  
 অনন্তজগৎ ব্যাপী ঈশ্বরের সাথে  
 তোমার যে স্নগতীর মিল ।

কেন কেহ দেখায় না, চারি দিকে তব  
 ঈশ্বরের বাহর বিস্তার।  
 খেরি তোরে, তোপ-স্থ চালি নব নব  
 গৃহ বলি রচে কারাগার।

অনন্তের মাঝখানে ঠাড়াও যা আসি,  
 চেয়ে দেখো আকাশের পানে,  
 পঙ্খক বিষল বিতা, পূর্ণ রূপরাসি  
 স্বর্গস্থী কয়ল-নয়ানে।  
 আনন্দে ছুটিয়া ওঠো তব সূর্যোদয়ে  
 প্রত্যন্তের কুহলের বডো,  
 ঠাড়াও সারাঙ্ক বাবে পবিত্র ক্রমে  
 মাথাখানি করিয়া আনন্দ।

শোনো শোনো উঠিতেছে স্বর্গসীমাবাসী  
 ধনিত্তেছে আকাশ পাতাল।  
 বিশ্ব-চরাচর গাহে কাহারে বাখানি  
 আদিহীন অন্তহীন কাল।  
 বাত্মী নবে ছুটিয়াছে নৃত পথ দিয়া,  
 উঠেছে সংস্কৃত কোলাহল,  
 ওই নিখিলের সাথে কঠ যিলাইয়া  
 বা আয়রা বাজা করি চল।

বাজা করি কৃথা বস অহংকার হতে,  
 বাজা করি ছাড়ি হিংসা-ঘেব,  
 বাজা করি স্বর্গসীমী করুণার পথে,  
 নিরে ধরি সত্যের আদেশ।  
 বাজা করি মানবের ক্রমের মাঝে  
 প্রাণে লয়ে প্রেমের আলোক,  
 আর যা গো বাজা করি অগতের কাছে  
 তুলু করি নিজ দুঃখ-শোক।

## রবীন্দ্র-রচনাবলী

জেনো মা এ স্বখে-দুঃখে আকুল সংসারে  
 যেটে না সকল তুচ্ছ আশ,  
 তা বলিয়া অভিমানে অনন্ত তাঁহারে  
 ক'রো না ক'রো না অবিশ্বাস ।  
 স্বখ বলে যাহা চাই স্বখ তাহা নয়,  
 কী যে চাই জানি না আপনি,  
 আধারে জলিছে ওই, ওরে ক'রো ভয়,  
 ভুজ্জ্বলের মাথার ও মণি ।

ক্ষুদ্র স্বখ ভেঙে যায় না সহে নিশ্বাস,  
 ভাঙে বালুকার খেলাঘর,  
 ভেঙে গিয়ে বলে দেয়, এ নহে আবাস,  
 জীবনের এ নহে নির্ভর ।  
 সকলে শিশুর মতো কত আবদার  
 আনিছে তাঁহার সন্নিধান,  
 পূর্ণ যদি নাহি হল, অমনি তাহার  
 ঈশ্বরে করিছে অপমান ।

কিছুই চাব না মা গো আপনার তরে,  
 পেয়েছি যা শুধিব সে ঋণ,  
 পেয়েছি যে প্রেমস্বধা হৃদয় ভিতরে,  
 ঢালিয়া তা দিব নিশিদিন ।  
 স্বখ শুধু পাওয়া যায় স্বপ্ন না চাহিলে,  
 প্রেম দিলে প্রেমে পুরে প্রাণ,  
 নিশিদিন আপনার ক্রন্দন গাহিলে  
 ক্রন্দনের নাহি অবসান ।

মধুপাত্রে হস্তপ্রাণ পিপীলির মতো  
 ভোগস্বখে জীর্ণ হয়ে থাকে,  
 বুলে থাকে বাহুড়ের মতো শির নত  
 আকড়িয়া সংসারের শাখা ।

অপত্যের হিসাবেতে শূন্য হয়ে যায়  
 আপনারে আপনি ভঙ্গ্য,  
 ফুলে উঠে কেটে বাওয়া অলবিষ প্রায়  
 এই কি রে সুখের লক্ষণ ।

এই অহিফেন-সুখ কে চায় ইহাকে  
 মানবত্ব এ নয় এ নয় ।

বাহ্য মতন সুখ গ্রাস করে রাখে  
 মানবের মানব-হৃদয় ।

মানবেরে বল দেয় সহস্র বিপদ,  
 প্রাণ দেয় সহস্র ভাবনা,  
 দারিদ্র্যে খুঁজিয়া পাই মনের সম্পদ,  
 শোকে পাই অনন্ত সাধনা ।

চিরদিবসের সুখ রয়েছে গোপন  
 আপনার আত্মার মাঝার ।

চারি দিকে সুখ খুঁজে প্রান্ত প্রাণমন,  
 হেথা আছে, কোথা নেই আর ।

বাহিরের সুখ সে, সুখের মরীচিকা,  
 বাহিরেতে নিরে যায় ছলে,  
 যখন মিলায়ে যায় মাদ্য-কুহেলিকা,  
 কেন কাহি সুখ নেই বলে ।

দাঁড়াও সে অন্তরের শান্তি-নিকেতনে  
 চিরজ্যোতি চিরছায়াময় ।

কড়হীন রৌদ্রহীন নিভৃত আলয়ে  
 জীবনের অনন্ত আলয় ।

পূণ্য জ্যোতি সুখে লয়ে পূণ্য হাসিখানি,  
 অরপূর্ণা জননী সমান,

মহাসুখে সুখ-কুসুখ কিছু নাহি মানি  
 কর সবে সুখশান্তি দান । -

## রবীন্দ্র-রচনাবলী

মা, আমার এই জেনো হৃদয়ের সাধ  
 তুমি হও লক্ষ্মীর প্রতিমা ;  
 মানবেরে জ্যোতি দাও, করো আশীর্বাদ,  
 অকলঙ্ক মূর্তি মধুরিমা ।  
 কাছে থেকে এত কথা বলা নাহি হয়,  
 হেসে খেলে দিন যায় কেটে,  
 দূরে ভয় হয় পাছে না পাই সময়,  
 বলিবার সাধ নাহি মেটে ।

কত কথা বলিবারে চাহি প্রাণপণে  
 কিছুতে মা, বলিতে না পারি,  
 স্নেহমুখখানি তোর পড়ে মোর মনে,  
 নয়নে উথলে অশ্রুবারি ।  
 স্নন্দর মুখেতে তোর মগ্ন আছে ঘুমে  
 একখানি পবিত্র জীবন ।  
 ফলুক স্নন্দর ফল স্নন্দর কুসুমে  
 আশীর্বাদ করো মা গ্রহণ ।

বান্দোরা

২

চারি দিকে তর্ক উঠে সাজ নাহি হয়,  
 কথায় কথায় বাড়ে কথা ।  
 সংশয়ের উপরেতে চাপিছে সংশয়  
 কেবলি বাড়িছে ব্যাকুলতা ।  
 কেনার উপরে কেনা, চেউ 'পরে চেউ  
 পরজনে বধির শ্রবণ,  
 তরী কোন দিকে আছে নাহি জানে কেউ,  
 হা হা করে আকুল পবন ।

এই কল্লোলের মাঝে নিবে এস কেহ  
 পরিপূর্ণ একটি জীবন,  
 নীরবে মিটিয়া যাবে সকল সন্দেহ,  
 খেমে যাবে সহস্র বচন ।  
 তোমার চরণে আসি মাগিবে মরণ  
 লক্ষ্যহারা শত শত মত,  
 যে দিকে কিরাবে তুমি ছুখানি নয়ন  
 সেদিকে হেরিবে সবে পথ ।

অঙ্ককার নাহি যার বিবাদ করিলে  
 মানে না বাহর আক্রমণ ।  
 একটি আলোকশিখা সমূখে ধরিলে  
 নীরবে করে সে পলায়ন ।  
 এস মা উষার আলো, অকলঙ্ক প্রাণ,  
 দাঁড়াও এ সংসার-ঊর্ধ্বধারে ।  
 জাগাও জাগ্রত হৃদে আনন্দের গান,  
 কূল দাও নিত্রার পাথারে ।

চাবি দিকে নৃশংসতা করে হানাহানি,  
 মানবের পাবাণ পরান ।  
 শাপিত ছুরির মতো বিঁধাইয়া বাণী,  
 হৃদয়ের রক্ত করে পান ।  
 তৃষিত কাতর শ্রাণী মাগিতেছে জল  
 উচ্চাধারা করিছে বর্ষণ,  
 ভ্রামল আশার ক্ষেত্র করিয়া বিকল  
 সার্ধ দিয়ে করিছে কর্ষণ ।

তধু এসে এক বার দাঁড়াও কাতরে  
 যেদি ছুটি সঙ্কল্প চোখ,  
 পঙ্কু হু-কোটা অক্ষ অগস্তের 'পরে  
 যেন ছুটি বাস্তবিকের গোক ।

## রবীন্দ্র-রচনাবলী

ব্যথিত করুক স্নান তোমার নয়নে,  
করণায় অন্ত-নির্ঝরে,  
তোমারে কাতর হেরি, মানবের মনে  
দয়া হবে মানবের 'পরে ।

সমুদয় মানবের সৌন্দর্যে ডুবিয়া  
হও তুমি অক্ষয় সুন্দর ।  
কৃত্র রূপ কোথা যায় বাতাসে উবিয়া  
দুই-চারি পলকের পর ।  
তোমার সৌন্দর্যে হ'ক মানব সুন্দর,  
প্রেমে তব বিশ্ব হ'ক আলো ।  
তোমারে হেরিয়া যেন মুগ্ধ অস্তর  
মানুষে মানুষ বাসে ভালো ।

বান্দোরা

৩

আমার এ গান, মা গো, শুধু কি নিমেষে  
মিলাইবে হৃদয়ের কাছাকাছি এসে ।  
আমার প্রাণের কথা  
নিভ্রাহীন আকুলতা  
শুধু নিশ্বাসের মতো বাবে কি মা ভেসে ।

এ গান তোমারে সঙ্গা ঘিরে যেন রাখে,  
সত্যের পথের পরে নাম ধরে ডাকে ।  
সংসারের সূখে দুখে  
চেয়ে থাকে তোর মুখে,  
চির-আশীর্বাদ সম কাছে কাছে থাকে ।



বিজনে সঙ্গীর মতো করে যেন বাস ।  
অহুস্রণ শোনে তোর হৃদয়ের আশ ।  
পড়িয়া সংসার-ঘোরে  
কাদিতে হেরিলে তোরে  
ভাগ করে নেয় যেন চুখের নিশ্বাস ।

সংসারের প্রলোভন হবে আসি হানে  
মধুমাখা বিষবাকী চূর্বল পরানে,  
এ গান আপন হুরে  
মন তোর রাখে পুরে,  
ইটমত্নসম সঙ্গী বাজে তোর কানে ।

আমার এ গান যেন সুদীর্ঘ জীবন  
তোমার বসন হয় তোমার কৃষণ ।  
পৃথিবীর ধূলিআল  
করে দেয় অন্তরাল,  
তোমায়ে করিমা রাখে স্তম্ভর শোভন ।

আমার এ গান যেন নাহি মানে মানা,  
উদার বাতাস হয়ে এলাইয়া জানা  
সৌরভের মতো তোরে  
নিরে যায় চুরি করে,  
খুঁজিয়া দেখাতে যায় স্বর্গের সীমানা ।

এ গান যেন যে হয় তোর প্রবতারা,  
অঙ্ককারে অনিমেঘে নিশি করে সারা ।  
তোমার মুখের 'পরে  
জ্বপে থাকে স্নেহভরে  
অকূলে নয়ন মেলি দেখায় কিনারা ।

## রবীন্দ্র-রচনাবলী

আমার এ গান যেন পশি তোর কানে  
 মিলায়ে মিশিয়ে যায় সমস্ত পরানে ।  
 তপ্ত শোণিতের মতো  
 বহে শিরে অবিরত,  
 আনন্দে নাচিয়া উঠে মহত্বের গানে ।

এ গান বাঁচিয়া থাকে যেন তোর মাঝে,  
 আঁধি-তারি হয়ে তোর আঁধিতে বিরাজে ।  
 এ যেন যে করে দান  
 সতত নূতন প্রাণ,  
 এ যেন জীবন পায় জীবনের কাজে ।

যদি যাই, মৃত্যু যদি নিয়ে যায় ডাকি,  
 এই গানে রেখে যাব মোর স্নেহ-আঁধি ।  
 যবে হায় সব গান  
 হয়ে যাবে অবসান,  
 এ গানের মাঝে আমি যেন বেঁচে থাকি ।

## খেলা

পথের ধারে অশখ-তলে  
 মেয়েটি খেলা করে ;  
 আপন মনে আপনি আছে  
 সারাটি দিন ধরে ।  
 উপর পানে আকাশ শুধু,  
 সমুখ পানে মাঠ,  
 শরৎকালে রৌদ্র পড়েছে  
 মধুর পথঘাট ।

ছটি একটি পখিক চলে  
গল্প করে হাসে ।  
লজ্জাকতী বধুটি গেল  
ভায়াটি নিয়ে পাশে ।  
আকাশ-ঘেরা মাঠের ধারে  
বিশাল খেলাঘরে,  
একটি মেয়ে আপন মনে  
কতই খেলা করে ।

মাঝার 'পরে ছায়া পড়েছে  
রোদ পড়েছে কোলে,  
পায়ের কাছে একটি লতা  
বাতাস পেয়ে দোলে ।  
মাঠের থেকে বাতুর আসে  
মেখে নৃতন লোক,  
ঘাড় বঁকিয়ে চেয়ে থাকে  
ডায়া ডায়া চোখ ।  
কাঠবিড়ালি উহুখুহু  
আশে পাশে ছোটে,  
শব্দ পেলে লেজটি তুলে  
চমক খেয়ে ওঠে ।  
মেয়েটি তাই চেয়ে মেখে  
কত যে সাধ যায়,  
কোমল গারে হাত বুলায়ে  
চুম্বো খেতে চায় ।

সাধ বেতেছে কাঠবিড়ালি  
তুলে নিয়ে বুক,  
ভেঙে ভেঙে উহুহু  
মাঝার মেখে মুখে ।

## রবীন্দ্র-রচনাবলী

মিষ্টি নামে ডাকবে তারে  
 গালের কাছে রেখে,  
 বৃকের মধ্যে রেখে দেবে  
 আঁচল দিয়ে ঢেকে ।  
 “আয় আয়” ডাকে সে তাই  
 করুণ স্বরে কর,  
 “আমি কিছু বলব না তো  
 আমার কেন ভয় ।”  
 মাথা তুলে চেয়ে থাকে  
 উঁচু ডালের পানে,  
 কাঠবিড়ালি ছুটে পালায়  
 ব্যথা সে পায় প্রাণে ।

রাখাল ছেলের বাঁশি বাজে  
 হৃদয় তরুছায়,  
 খেলতে খেলতে মেয়েটি তাই  
 খেলা তুলে যায় ।  
 তরুর মূলে মাথা রেখে  
 চেয়ে থাকে পথে,  
 না জানি কোন পরীর দেশে  
 ধায় সে মনোরথে ।  
 একলা কোথায় ঘুরে বেড়ায়  
 মায়াবীপে গিয়ে ;  
 হেনকালে চাষী আসে  
 ছুটি গোক নিয়ে ।  
 শব্দ শুনে কেঁপে ওঠে  
 চমক ভেঙে চায় ।  
 আঁধি হতে মিলায় মায়া  
 স্বপন টুটে যায় ।

## বসন্ত অবসান

কখন বসন্ত গেল, এবার হল না গান ।  
 কখন বকুল-মূল                      ছেয়েছিল বরা কুল,  
 কখন যে কুল-কোটা হয়ে গেল অবসান ।  
 কখন বসন্ত গেল এবার হল না গান ।

এবার বসন্তে কি রে      বৃথীগুলি আগে নি রে ?  
 অলিকূল গুণিয়রা করে নি কি মধুপান ?  
 এবার কি সমীরণ                      আগার নি কুলবন,  
 সাড়া দিয়ে গেল না তো, চলে গেল স্মিয়মান ।  
 কখন বসন্ত গেল, এবার হল না গান ।

বতগুলি পাখি ছিল                      গেয়ে বৃষ্টি চলে গেল,  
 সমীরণে মিলে গেল বনের বিলাপ-তান ।  
 ভেঙেছে ফুলের মেলা, চলে গেছে হাসি-খেলা,  
 এতক্ষণে সন্ধ্যাবেলা আগিয়া চাহিল প্রাণ ।  
 কখন বসন্ত গেল, এবার হল না গান ।

বসন্তের শেষ রাতে                      এসেছি রে শূন্য হাতে,  
 এবার গাঁধি নি মালা কী তোমায়ে করি দান ।  
 কাঁদিয়ে নীরব বাঁশি,                      অধরে মিলায় হাসি,  
 তোমার নরনে ভাসে ছল ছল অভিমান ।  
 এবার বসন্ত গেল, হল না, হল না গান ।

## বাঁশি

ওগো শোনো কে বাজায় ।

বনফুলের মালার গন্ধ বাঁশির তানে মিশে যায় ।  
অধর ছুঁয়ে বাঁশিখানি চুরি করে হাসিখানি,  
বঁধুর হাসি মধুর গানে প্রাণের পানে ভেসে যায় ।

ওগো শোনো কে বাজায় ।

কুঞ্জবনের ভ্রমর বুঝি বাঁশির মাঝে গুঞ্জে,  
বকুলগুলি আকুল হয়ে বাঁশির গানে মুঞ্জে,  
যমুনারি কলতান কানে আসে, কাঁজে প্রাণ,  
আকাশে ঐ মধুর বিধু কাহার পানে হেসে চায় ।

ওগো শোনো কে বাজায় ।

## বিরহ

আমি নিশি নিশি কত রচিব শয়ন

আকুল নয়ন রে ।

কত নিতি নিতি বনে করিব যতনে

কুসুম চয়ন রে ।

কত শায়ন বামিনী হইবে বিকল,

বসন্ত বাবে চলিয়া ।

কত উদ্বিগ্নে তপন আশায় স্বপন

প্রভাতে বাইবে ছলিয়া ।

এই যৌবন কত রাখিব বাঁধিয়া,

মরিব কাঁদিয়া রে ।

সেই চরণ পাইলে মরণ মাগিব

সাধিয়া সাধিয়া রে ।

আমি কার পথ চাহি এ জনম বাহি  
 কার দরশন বাচি রে ।

যেন আসিবে বলিয়া কে গেছে চলিয়া  
 তাই আমি বসে আছি রে ।

তাই মালাটি গাঁথিয়া পরেছি মাথায়  
 নীলবাসে তুমু ঢাকিয়া,  
 তাই বিজন-আলয়ে প্রদীপ জ্বালায়ে  
 একেলা রয়েছি জাগিয়া ।

ওগো তাই কত নিশি চাঁদ ওঠে হাসি,  
 তাই কেঁদে যায় প্রভাতে ।

ওগো তাই ফুলবনে মধু-সমীরণে  
 ফুটে ফুল কত শোভাতে ।

ওই বাপি-স্বর তার আসে বারবার  
 সেই শুধু কেন আসে না ।

এই কুমর-আসন শূন্য যে থাকে  
 কেঁদে মরে শুধু বাসনা ।

যিছে পরশিয়া কার বায়ু বহে বার  
 বহে বসুনার লহরী,  
 কেন কূহ কূহ পিক কূহরিয়া ওঠে  
 বামিনী যে ওঠে শিহরি ।

ওগো যদি নিশি-পেবে আসে হেসে হেসে,  
 মোর হাসি আর হবে কি !

এই জাগরণে কীণ বহন মলিন  
 আমারে হেরিয়া কবে কী !

আমি সারা রজনীর গাঁথা ফুলমালা  
 প্রভাতে চরণে ঝরিব,  
 ওগো আছে হৃদয়তল বসুনার জল  
 বেধে তারে আমি ঝরিব ।

## বাকি

কুসুমের গিয়েছে সৌরভ,  
জীবনের গিয়েছে গৌরব ।  
এখন যা-কিছু সব ঝাঁকি,  
ঝরিতে মরিতে শুধু বাকি ।

## বিলাপ

ওগো এত প্রেম-আশা প্রাপের তিয়াষা  
কেমনে আছে সে পাসরি ।  
তবে সেখা কি হাসে না চাঁদিনী হামিনী,  
সেখা কি বাজে না বাশরি ।  
সখী হেথা সমীরণ লুটে ফুলবন  
সেখা কি পবন বহে না ।  
সে যে তার কথা যোরে কহে অক্ষুণ্ণ  
যোর কথা তায়ে কহে না ।  
যদি আমারে আজি সে তুলিবে সজনী  
আম্বরে তুলান কেন সে ?  
ওগো এ চির জীবন করিব রোদন  
এই ছিল তার মানসে ।  
যবে কুসুম-শরনে নরনে নরনে  
কেটেছিল হৃৎ-স্বাস্তি যে,  
তবে কে জানিত তার বিরহ আমার  
হবে জীবনের সাথী যে ।  
যদি মনে নাহি রাখে হৃৎ যদি থাকে  
তোরা এক বার দেখে আর,  
এই নরনের স্তম্ভা পরানের আশা  
চরণের তলে রেখে আর ।



আর নিরে বা রাখার বিরহের তার  
কত আর ঢেকে রাখি বল ।

আর পারিস যদি তো আনিস হরিরে  
এক কোটা তার আখিভল ।

না না এত প্রেম সখী কুলিতে যে পারে  
তারে আর কেহ সেখো না ।

আমি কথা নাহি কব, দুখ লয়ে রব,  
মনে মনে স'ব বেদনা ।

ওগো মিছে, মিছে সখী, মিছে এই প্রেম,  
মিছে পরানের বাসনা ।

ওগো দুখ-দিন হার হবে চলে যার  
আর কিরে আর আসে না ।

## সারাবেলা

হেলাকেলা সারাবেলা  
এ কী খেলা আপন মনে ।

এই বাতাসে কুলের বাসে  
মুখখানি কার পড়ে মনে ।

আখির কাছে বেড়ায় ভাসি  
কে জানে গো কাহার হাসি,  
ছুটি কোটা নয়ন-সলিল  
রেখে যার এই নয়ন-কোণে ।

কোন ছায়াতে কোন উদাসী  
দূরে বাজার অলস বাশি,  
মনে হয় কার মনের বেদন  
কৈধে বেড়ায় বাশির গানে ।

সারা দিন গাঁথি গান  
 করে চাহে গাহে প্রাণ,  
 তরুতলের ছায়ার মতন  
 বসে আছি ফুলবনে ।

## আকাজ্জা

আমি শরত-তপনে প্রভাত-স্বপনে  
 কী জানি পরান কী যে চায় ।  
 ওই শেকালির শাখে কী বলিয়া ডাকে  
 বিহগ-বিহগী কী যে গায় ।  
 আমি মধুর বাতাসে হৃদয় উদাসে  
 রহে না আবাসে মন হায় ।  
 কোন কুম্বের আশে, কোন ফুলবাসে  
 স্ননীল আকাশে মন ধায় ।  
 আমি কে যেন গো নাই এ প্রভাতে তাই  
 জীবন বিফল হয় গো ।  
 তাই চারি দিকে চায় মন কেঁদে গায়  
 “এ নহে, এ নহে, নয় গো ।”  
 কোন স্বপনের দেশে আছে এলো কেশে,  
 কোন ছায়াময়ী অমরায় ।  
 আমি কোন উপবনে বিরহ-বেদনে  
 আমারি কারণে কেঁদে যায় ।  
 আমি যদি গাঁথি গান অধির পরান  
 সে গান শুনাব কারে আর ।  
 আমি যদি গাঁথি মালা লয়ে ফুলডালা  
 কাহারে পরাব ফুলহার ।

আমি আমার এ প্রাণ যদি করি দান  
 দিব প্রাণ তবে কার পার ।  
 সখা তব হর মনে পাছে অবতনে  
 মনে মনে কেহ ব্যথা পার ।

## তুমি

তুমি কোন কাননের কুল,  
 তুমি কোন গগনের তারা ।  
 তোমার কোথায় বেখেছি  
 যেন কোন স্বপনের পারা ।  
 কবে তুমি গেয়েছিলে,  
 আঁধার পানে চেয়েছিলে  
 ভুলে গিয়েছি ।  
 শুধু মনের মধ্যে জেগে আছে,  
 ঐ নরনের তারা ।  
 তুমি কথা ক'রো না,  
 তুমি চেয়ে চলে যাও ।  
 এই চাঁদের আলোতে  
 তুমি হেসে গলে যাও ।  
 আমি সুমের ঘোরে চাঁদের পানে  
 চেয়ে থাকি মধুর প্রাণে,  
 তোমার আঁধার মতন দুটি তারা  
 চালুক কিরণ-ধারা ।

## গান

ওগো           কে যায় বাশরি বাজারে ।  
                   আমার ঘরে কেহ নাই যে ।  
 তারে           মনে পড়ে যারে চাই যে ।  
 তার           আকুল পরান বিরহের গান  
                   বাশি বুঝি গেল জানায়ে ।  
 আমি           আমার কথা তারে জানাব কী করে,  
                   প্রাণ কাঁদে মোর তাই যে ।  
                   কুসুমের মালা গাঁথা হল না,  
                   ধূলিতে পড়ে শুকায় রে,  
                   নিশি হয় ভোর, স্বপ্নের চাঁদ  
                   মলিন মুখ লুকায় রে ।  
                   সারা বিভাবরী কার পূজা করি  
                   যৌবন-ভালা সাজায়ে,  
                   বাশি-স্বরে হায় প্রাণ নিয়ে যায়  
                   আমি কেন থাকি হায় রে ।

## ছোটো ফুল

আমি শুধু মালা গাঁথি ছোটো ছোটো ফুলে,  
 সে ফুল শুকায়ে যায় কথায় কথায়,  
 তাই যদি, তাই হ'ক, কুঃখ নাহি তার,  
 তুলিব কুসুম আমি অনন্তের কূলে ।  
 যারা থাকে অন্ধকারে, পাবাণ-কারায়,  
 আমার এ মালা যদি লহে গলে তুলে,  
 নিমেষের তরে তারা যদি স্থখ পায়,  
 নির্ভর বন্ধন-ব্যথা যদি যায় তুলে ।

হুত্ৰ হুত্ৰ, আপনার সৌরভের সনে  
 নিরে আসে বাধীনতা, গভীর আশাস—  
 মনে আনে যবিকর নিমেষ-স্বপনে,  
 মনে আনে সমুদ্রের উদার বাতাস ।  
 হুত্ৰ হুত্ৰ দেখে যদি কারো পড়ে মনে  
 বৃহৎ ভগৎ, আর বৃহৎ আকাশ ।

## যৌবন-স্বপ্ন

আমার যৌবন-স্বপ্নে যেন ছেয়ে আছে বিশ্বের আকাশ ।  
 হুলগুলি গায়ে এসে পড়ে রূপসীর পরশের মতো ।  
 পরানে পুলক বিকাশিয়া বহে কেন দক্ষিণা বাতাস  
 যেথা ছিল বত বিরহিণী সকলের কুড়ারে নিশ্বাস ।  
 বসন্তের কুম্ব-কাননে গোলাপের আঁধি কেন নত ?  
 ভগতের বত লাজমরী যেন মোর আঁধির সকাশ  
 কাপিছে গোলাপ হয়ে এসে, মরমের শরমে বিভ্রত ।  
 প্রতি নিশি ঘুমাই যখন পাশে এসে বসে যেন কেহ  
 সচকিত স্বপনের মতো আগরণে পলার সলাজে ।  
 যেন কার আঁচলের বার উবার পরশি বার দেহ,  
 শত নৃপুণের কুম্বুহু বনে যেন গুঞ্জরিয়া বাজে ।  
 যদি প্রাণের ব্যাকুলতা হুটে হুটে বহুল-বুকুলে ;  
 কে আমারে করেছে পাপল—শুভ্রে কেন চাই আঁধি তুলে,  
 যেন কোন উর্বশীর আঁধি চেয়ে আছে আক্যপের মাঝে ।

## ক্ষণিক মিলন

আকাশের দুই দিক হতে দুইখানি মেঘ এল ভেসে,  
 দুইখানি বিশাহারা মেঘ—কে জানে এসেছে কোথা হতে !  
 সহসা ধামিল বসকিরা আকাশের মাঝখানে এসে,  
 দৌহাপানে চাছিল হু-অনে চতুর্দীর টানের আলোতে ।

কীণালোকে বুঝি মনে পড়ে ছুই অচেনার চেনাশোনা,  
 মনে পড়ে কোন ছায়া-দীপে, কোন কুহেলিকা-ঘেরা দেশে,  
 কোন সন্ধ্যা-সাগরের কূলে ছু-অনের ছিল আনাগোনা ।  
 মেলে দৌহে তবুও মেলে না তিলেক বিরহ রহে মাঝে,  
 চেনা বলে মিলিবারে চায়, অচেনা বলিয়া মরে লাঞ্জে ।  
 মিলনের বাসনার মাঝে আধখানি চাঁদের বিকাশ,—  
 ছুটি চুখনের ছোঁয়াছুঁষি, মাঝে যেন শরমের হাস,  
 ছুখানি অলস আধিপাতা, মাঝে সুখস্বপন-আভাস ।  
 দৌহার পরশ লয়ে দৌহে ভেসে গেল, কহিল না কথা,  
 বলে গেল সন্ধ্যার কাহিনী, লয়ে গেল উষার বারতা ।

## গীতোচ্ছুস

নীরব বাশরিখানি বেজেছে আবার ।  
 প্রিয়ার বারতা বুঝি এসেছে আমার  
 বসন্ত-কানন মাঝে বসন্ত-সমীরে ।  
 তাই বুঝি মনে পড়ে ভোলা গান বত ।  
 তাই বুঝি ফুলবনে জাহ্নবীর তীরে  
 পুরাতন হাসিগুলি ফুটে শত শত ।  
 তাই বুঝি ক্ষমের বিবৃত বাসনা  
 জাগিছে নবীন হয়ে পল্লবের মতো ।  
 অগ্ন-কমল-বনে কমল-আসনা  
 কত দিন পরে বুঝি তাই এল কিরে ।  
 সে এল না এল তার মধুর মিলন,  
 বসন্তের গান হয়ে এল তার স্বর,  
 দৃষ্টি তার কিরে এল—কোথা সে নয়ন ?  
 চুখন এসেছে তার—কোথা সে অধর ।

স্তন

১

নারীর প্রাণের প্রেম মধুর কোমল,  
বিকশিত যৌবনের বসন্ত-সমীরে  
কুসুমিত হরে ওই ফুটেছে বাহিরে,  
সৌরভ-স্থায় করে পরান পাগল ।  
মরমের কোমলতা ভরক ভরল  
উখলি উঠেছে যেন হৃদয়ের তীরে ।  
কী যেন বাশির ডাকে জগতের প্রেমে  
বাহিরিরা আসিতেছে সলাজ হৃদয়,  
সহসা আলোতে এসে গেছে যেন খেমে  
শরমে মরিতে চার অকল-আড়ালে ।  
প্রেমের সংগীত যেন বিকশিরা রয়,  
উঠিছে পড়িছে ধীরে হৃদয়ের ডালে ।  
হেরো গো কমলাসন জননী লক্ষীর—  
হেরো নারী-হৃদয়ের পবিত্র মন্দির ॥

২

পবিত্র হৃদয়ক বটে এই সে হেথায়,  
দেবতা-বিহারভূমি কনক-অচল ।  
উন্নত সত্যের স্তন স্বরূপ-প্রত্যয়  
মানবের মর্ত্যভূমি করেছে উজ্জল ।  
শিত্ত রবি হোথা হতে ওঠে হৃৎপ্রভাতে,  
প্রান্ত রবি সন্ধ্যাবেলা হোথা অস্ত যার ।  
দেবতার আধিত্যেরা ভেঙ্গে থাকে হাতে,  
বিষল পবিত্র দুটি বিজন শিখরে ।  
চিরস্নেহ-উৎসথারে অমৃত-নিখরৈ  
সিক্ত করি তুলিতেছে বিশ্বের অধর ।

## রবীন্দ্র-রচনাবলী

জাগে সদা হৃৎহৃৎ ধরণীর 'পরে,  
অসহায় অগভের অসীম নির্ভর ।  
ধরণীর মাঝে থাকি স্বর্গ আছে চুমি  
দেবশিঙ মানবের ওই মাতৃভূমি ।

## চুম্বন

অধরের কানে যেন অধরের ভাষা  
দৌহার ক্রম যেন দৌহে পান করে ।  
গৃহ ছেড়ে নিরুদ্দেশ দুটি ভালোবাসা  
তীর্থযাত্রা করিয়াছে অধর-সংগমে ।  
দুইটি তরল উঠি প্রেমের নিয়মে  
ভাঙিয়া মিলিয়া যায় দুইটি অধরে ।  
ব্যাকুল বাসনা দুটি চাহে পরস্পরে  
দেহের সীমায় আসি দু-জনের দেখা ।  
প্রেম লিখিতেছে গান কোমল আঁধরে  
অধরেতে ধরে ধরে চুম্বনের লেখা ।  
দুখানি অধর হতে কুম্ব-চয়ন,  
মালিকা গাঁথিবে বুঝি ফিরে গিয়ে ঘরে ।  
দুটি অধরের এই মধুর মিলন  
দুইটি হাসির রাঙা বাসর-শয়ন ।

## বিবসনা

ফেলো গো বসন ফেলো—বুঢ়াও অকল ।  
পরো শুধু সৌন্দর্যের নয় আবরণ  
হর-বালিকার বেশ কিরণ-বসন ।  
পরিপূর্ণ তনুখানি বিকচ কমল,  
জীবনের যৌবনের লাবণ্যের মেলা ।  
বিচ্ছিন্ন বিশ্বের মাঝে দাঁড়াও একেলা ।



সর্বদে পড়ুক তব চাঁদের কিরণ  
সর্বদে মলয়-বাহু করুক সে খেলা ।  
অসীম নীলিমা মাঝে হও নিমগন  
তারাময়ী বিবসনা প্রকৃতির যতো ।  
অতল চাকুক মূখ বসনের কোণে  
তুম্বর বিকাশ হেরি লাজে শির নত ।  
আসুক বিমল উষা মানব-ভবনে,  
লাজহীনা পবিত্রতা—সুখ বিবসনে ।

## বাহু

কাহারে অড়াতে চাহে দুটি বাহুলতা,  
কাহারে কাছিয়া বলে বেয়ো না বেয়ো না ।  
কেমনে প্রকাশ করে ব্যাকুল বাসনা,  
কে শুনেছে বাহুর নীরব আকুলতা ।  
কোথা হতে নিয়ে আসে হৃদয়ের কথা  
পায়ে লিখে দিবে যার পুলক-অক্ষরে ।  
পরশে বহিয়া আনে মরম-বায়তা  
মোহ মেখে রেখে যার প্রাণের তিতরে ।  
কণ্ঠ হতে উতারিয়া বৌবনের মালা  
দুইটি আঙুলে ধরি তুলি দেয় গলে ।  
দুটি বাহু বহি আনে হৃদয়ের ডালা  
য়েখে দিবে যার যেন চরণের তলে ।  
লতায় থাকুক বৃকে চির আলিঙ্গন,  
ছিঁড়ো না ছিঁড়ো না দুটি বাহুর বন্দন ।

## চরণ

হৃথানি চরণ পড়ে ধরণীর গায়—  
হৃথানি অলস রাঙা কোমল চরণ ।  
শত বসন্তের স্মৃতি আনিছে ধরায়,  
শত লক্ষ হৃদয়ের পরশ-স্বপন ।

## রবীন্দ্র-রচনাবলী

শত বসন্তের যেন ফুটন্ত অশোক  
 করিয়া মিলিয়া গেছে ছুটি রাঙা পায় ।  
 প্রভাতে প্রমোদের ছুটি সূর্যলোক  
 অস্ত গেছে যেন ছুটি চরণছায়ার ।  
 যৌবন-সংগীত পথে যেতেছে ছড়ায়,  
 নূপুর কাঁদিয়া মরে চরণ জড়ায়,  
 নৃত্য সদা বাধা যেন মধুর মায়ায় ।  
 হোথা যে নিষ্ঠুর মাটি, শুক ধরাতল —  
 এস গো হৃদয়ে এস, কুরিছে হেথায়  
 লাজ-রক্ত লালসার রাঙা শতদল ।

## হৃদয়-আকাশ

আমি ধরা দিবেছি গো আকাশের পাখি  
 নয়নে দেখেছি তব নূতন আকাশ ।  
 দুখানি আঁখির পাতে কী রেখেছ তাকি  
 হাসিলে ফুটিয়া পড়ে উষার আভাস ।  
 হৃদয় উড়িতে চায় হোথায় একাকী  
 আঁখি-তারকার দেশে করিবারে বাস ।  
 ঐ গগনেতে চেরে উঠিয়াছে তাকি  
 হোথায় হারাতে চায় এ গীত-উচ্ছ্বাস ।  
 তোমার হৃদয়াকাশ অসীম বিহীন—  
 বিমল নীলিমা তার শান্ত স্বকুমার,  
 যদি নিয়ে যাই ওই শূন্য হয়ে পার  
 আমার দুখানি পাখা কনক-বরন ।  
 হৃদয় চাক্তক হয়ে চাবে অক্ষয়,  
 হৃদয়-চকোর চাবে হাসির কিরণ ।

## অকলের বাতাস

পাশ দিয়ে গেল চলি চকিতের প্রায়,  
 অকলের প্রান্তখানি ঠেকে গেল গায়,  
 শুধু দেখা গেল তার আখখানি পাশ,  
 শিহরি পরশি গেল অকলের বার ।  
 অজানা হৃদয়-বনে উঠেছে উচ্ছ্বাস,  
 অকলে বহিরা এল দক্ষিণ-বাতাস,  
 সেখা যে বেজেছে বাশি তাই শুনা যায়,  
 সেখার উঠিছে কেদে ফুলের সুবাস ।  
 কার প্রাণখানি হতে করি হায় হায়  
 বাতাসে উড়িয়া এল পরশ-বাতাস ।  
 ওগো কার শুষ্কখানি হয়েছে উদাস ।  
 ওগো কে জানাতে চাহে মরম-বারতা ।  
 দ্বিবে গেল সর্বাঙ্গের আকুল নিবাস,  
 বলে গেল সর্বাঙ্গের কানে কানে কথা ।

## দেহের মিলন

প্রতি অঙ্গ কীমে তব প্রতি অঙ্গ তরে ।  
 প্রাণের মিলন মাগে দেহের মিলন ।  
 হৃদয়ে আচ্ছন্ন বেহ হৃদয়ের ভরে ।  
 মূরছি পড়িতে চায় তব বেহ 'পরে ।  
 তোমার নয়ন পানে ধাইছে নয়ন,  
 অধর মরিতে চায় তোমার অধরে ।  
 কৃত্রিম পরান আঁধি কাঁদিছে কাতরে  
 তোমায়ে সর্বাঙ্গ দ্বিবে করিতে দর্শন ।  
 হৃদয় লুকানো আছে দেহের সারয়ে,  
 চিরদিন তীরে বসি করি গো কন্দন ।

## রবীন্দ্র-রচনাবলী

সর্বাঙ্গ চালিয়া আঁজি আকুল অন্তরে  
 দেহের রহস্য যাবে হইব মগন ।  
 আমার এ দেহমন চির রাত্রিদিন  
 তোমার সর্বাঙ্গে যাবে হইয়া বিলীন ॥

## তনু

ওই তনুখানি তব আমি ভালোবাসি ।  
 এ প্রাণ তোমার দেহে হয়েছে উদাসী  
 শিশিরেতে টলমল ঢলঢল ফুল  
 টুটে পড়ে ধরে ধরে যৌবন বিকাশি ।  
 চারি দিকে গুঞ্জন আছে জগৎ আকুল  
 সারা নিশি সারা দিন ভ্রমর শিলাসী ।  
 ভালোবেসে বায়ু এসে ছুলাইছে ছুল,  
 মুখে পড়ে মোহভরে পুণিয়ার হাসি ।  
 পূর্ণ দেহখানি হতে উঠিছে সুবাস ।  
 মরি মরি কোথা সেই নিভৃত নিলয়,  
 কোমল শয়নে যেথা ফেলিছে নিশ্বাস  
 তনু-ঢাকা মধুমাখা বিজন ক্ষুদ্র ।  
 ওই দেহ খানি বুকে তুলে নেব বালা,  
 পঞ্চদশ বসন্তের একগাছি মালা ॥

## স্মৃতি

ওই দেহ পানে চেয়ে পড়ে মোর মনে  
 যেন কত শত পূর্বজননের স্মৃতি ।  
 সহস্র হারানো স্বপ্ন আছে ও নরনে,  
 জন্মজন্মান্তরের যেন বসন্তের স্মৃতি ।

যেন গো আমারি তুমি আত্মবিস্মরণ,  
 অনন্ত কালের মোর সুখ দুঃখ শোক,  
 কত নব জগতের কুহন-কানন,  
 কত নব আকাশের চাঁদের আলোক ।  
 কত দিবসের তুমি বিরহের বাধা,  
 কত রজনীর তুমি প্রণয়ের লাজ,  
 সেই হাসি সেই অশ্রু সেই সব কথা  
 মধুর স্মৃতি ধরি দেখা দিল আজ ।  
 তোমার মুখেতে চেয়ে তাই নিশিদিন  
 জীবন হৃদয়ে যেন হতেছে বিলীন ।

## হৃদয়-আসন

কোমল ছুখানি বাহ শরমে লভারে  
 বিকশিত স্তন দুটি আঙুলিয়া রর,  
 তারি মাঝখানে কি রে রয়েছে লুকায়ে  
 অতিশয় সবতন গোপন হৃদয় ।  
 সেই নিয়ালার, সেই কোমল আসনে,  
 ছুইখানি মেহসুট স্তনের ছায়ার,  
 কিশোর প্রেমের বৃহু প্রদোষ-কিরণে  
 আনত আঁধির তলে রাখিবে আমার ।  
 কত না মধুর আশা ফুটিছে সেখান—  
 গভীর নিশীথে কত বিজন কল্পনা,  
 উদাস নিখাস-বাহু বনস্ত-সদ্যায়,  
 গোপনে চাঁদিনী রাতে দুটি অশ্রুকণা ।  
 তারি মাঝে আমারে কি রাখিবে বসনে  
 হৃদয়ের হৃদয় স্বপন-শরনে ।

## কম্পনার সাথী

যখন কুম্ভ-বনে কির একাকিনী,  
 ধরায় লুটায় পড়ে পূর্ণিমা যামিনী,  
 দক্ষিণ-বাতাসে আর ভটিনীর গানে  
 শোন যবে আপনার প্রাণের কাহিনী ;—  
 যখন শিউলি ফুলে কোলখানি ভরি,  
 ছুটি পা ছড়িয়ে দিয়ে আনত বয়ানে  
 ফুলের মতন ছুটি অঙ্গুলিতে ধরি  
 মালা গাঁথ ভোরবেলা গুন গুন তানে ;—  
 মধ্যাহ্নে একেলা যবে বাতায়নে বসে,  
 নয়নে মিলাতে চায় স্বদূর আকাশ,  
 কখন আঁচলখানি পড়ে যায় খসে,  
 কখন হৃদয় হতে উঠে দীর্ঘশ্বাস,  
 কখন অশ্রুটি কাঁপে নয়নের পাতে,  
 তখন আমি কি সখী থাকি তব সাথে ।

## হাসি

স্বদূর প্রবাসে আছি কেন রে কী জানি  
 কেবলি পড়িছে মনে তার হাসিখানি ।  
 কখন নামিয়া গেল সন্ধ্যার তপন,  
 কখন থামিয়া গেল সাগরের বাণী ।  
 কোথায় ধরায় ধারে বিরহ-বিজন  
 একটি মাধবীলতা আপন ছায়াতে  
 ছুটি অধরের রাঙা কিশলয়-পাতে  
 হাসিটি রেখেছে ঢেকে কুঁড়ির মতন ।  
 সারা রাত নয়নের সলিল সিকিরা  
 রেখেছে কাহার তরে যতনে সিকিরা ।

সে হাসিটি কে আসিয়া করিবে চন্দন,  
 লুহ এ অগভের সবারে বকিরা ।  
 তখন ছখানি হাসি মরিয়া বাঁচিয়া  
 তুলিবে অমর করি একটি চূষন ।

## নিদ্রিতার চিত্র

মাঝার রয়েছে বাধা প্রদোষ-আধার,  
 চিত্রপটে সন্ধ্যাতারা অন্ত নাহি যায় ।  
 এলাইয়া ছড়াইয়া গুচ্ছ কেশভার  
 বাহতে মাথাটি রেখে রমণী সুমার ।  
 চারি দিকে পৃথিবীতে চির জাগরণ  
 কে ওরে পাড়ালে ঘুম ভারি মাঝখানেে ।  
 কোথা হতে আহরিয়া নীরব গুণন  
 চিরদিন রেখে গেছে ওরি কানে কানে ।  
 ছবির আড়ালে কোথা অনন্ত নিব্বার  
 নীরব বর্ষার গানে পড়িছে বরিয়া ;  
 চিরদিন কাননের নীরব মর্মর ।  
 লজ্জা চিরদিন আছে দাঁড়ারে সমুখে,  
 যেমনি ভাঙিবে ঘুম মরমে মরিয়া  
 বুকের বসনখানি তুলে দিবে বুকে ।

## কম্পনা-মধুপ

প্রতিদিন প্রাতে শুধু গুন গুন গান,  
 লালসে অলস-পাখা অধির মতন ।  
 বিকল স্বর লয়ে পাগল পরান  
 কোথায় করিতে যার মধু অবেষণ ।

বেলা বহে যায় চলে—শ্রান্ত দিনমান,  
 তরুতলে ক্লাস্ত ছায়া করিছে শয়ন,  
 মূৰছিয়া পড়িতেছে বাশরির তান,  
 স্বেঁউতি শিথিলবৃন্ত মূদিছে নয়ন ।  
 কুসুমদলের বেড়া তারি মাঝে ছায়া,  
 সেথা বসে করি আমি কল্পমধু পান ;  
 বিজনে সৌরভময়ী মধুময়ী মায়া  
 তাহারি কুহকে আমি করি আশ্রয়ান ;  
 রেণুমাথা পাখা লয়ে ঘরে ফিরে আসি  
 আপন সৌরভে থাকি আপনি উদাসী ।

## পূর্ণ মিলন

নিশিদিন কাছি সখী মিলনের তরে,  
 যে মিলন কুধাতুর মৃত্যুর মতন ।  
 লও লও বেঁধে লও কেড়ে লও মোরে,  
 লও লক্ষা লও বস্ত্র লও আবরণ ।  
 এ তরুণ তরুখানি লহ চুরি করে,  
 আঁধি হতে লও ঘুম, ঘুমের স্বপন ।  
 আগ্রভ বিপুল বিশ্ব লও তুমি হরে  
 অনন্তকালের মোর জীবন-মরণ ।  
 বিজন বিশ্বের মাঝে, মিলন স্থানে,  
 নির্বাপিত সূর্যালোক লুপ্ত চরাচর,  
 লাজমুক্ত বাসমুক্ত ছুটি নয় প্রাণে  
 তোমাতে আমাতে হই অসীম হৃদয় ।  
 এ কি ছরাশার স্বপ্ন হার গো ঈশ্বর,  
 তোমা ছাড়া এ মিলন আছে কোনখানে ।



## শ্রান্তি

সুখধামে আমি সখী শান্ত অতিশয় ;  
 পড়েছে শিথিল হয়ে শিরার বন্ধন ।  
 অসহ কোমল ঠেকে কুসুম-শয়ন,  
 কুসুম-রেণুর সাথে হয়ে বাই লয় ।  
 স্বপনের আলো যেন পড়েছি জড়িয়ে ।  
 যেন কোন অস্তাচলে সন্ধ্যাস্বপ্নময়  
 রবির ছবির মতো যেতেছি গড়ায়ে ;  
 সুদূরে মিলিয়া যায় নিখিল নিলয় ।  
 ডুবিতে ডুবিতে যেন সুখের সাগরে  
 কোথাও না পাই ঠাই হাস কহু হয়,  
 পরান কাঁদিতে থাকে মৃত্তিকার তরে ।  
 এ যে সৌরভের বেড়া, পাষাণের নয় ;  
 কেমনে ভাঙিতে হবে ভাবিয়া না পাই,  
 অসীম নিঃসার ভারে পড়ে আছি তাই ।

## বন্দী

দাঁও বুলে দাঁও সখী ওই বাহুপাশ,  
 চুখন-মদ্রিয়া আর করায়ো না পান ।  
 কুসুমের কাগাগারে কহু এ বাতাস,  
 ছেড়ে দাঁও ছেড়ে দাঁও বহু এ পরান ।  
 কোথায় উষার আলো কোথায় আকাশ,  
 এ চির পূর্ণিমা রাত্রি হ'ক অবসান ।  
 আমারে ঢেকেছে তব মুক্ত কেশপাশ,  
 তোমার মাঝারে আমি নাহি দেখি জাপ ।  
 আকুল অঙ্গুলিগুলি করি কোলাকুলি  
 গাঁথিছে সর্বাঙ্গে মোর পরশের কাঁদ ।

সুমধোরে শূভ্রপানে মেধি মূখ তুলি  
 শুধু অবিপ্রাম-হাসি একখানি চাঁদ ।  
 স্বাধীন করিয়া দাও বেঁধো না আশায়  
 স্বাধীন হৃদয়খানি দিব তার পায় ।

## কেন

কেন গো এমন করে বাজে তব বাণি,  
 মধুর স্তম্ভর রূপে কেঁদে ওঠে হিয়া,  
 রাঙা অধরের কোণে হেরি মধু-হাসি  
 পুলকে যৌবন কেন উঠে বিকশিয়া ।  
 কেন তহু বাহুভোরে ধরা দিতে চায়,  
 ধায় প্রাণ দুটি কালো আঁধির উদ্দেশে,  
 হায় যদি এত লজ্জা কথায় কথায়,  
 হায় যদি এত শ্রান্তি নিমেঘে নিমেঘে ।  
 কেন কাছে ডাকে যদি মাঝে অন্তরাল,  
 কেন যে কাদায় প্রাণ সবি যদি ছায়া,  
 আজ হাতে তুলে নিয়ে ফেলে দিবে কাল,  
 এরি তবে এত তৃষ্ণা, এ কাহার মায়ী ।  
 মানব-হৃদয় নিয়ে এত অবহেলা,  
 খেলা যদি, কেন হেন মর্ষভেদী খেলা ।

## মোহ

এ মোহ-কদিন থাকে, এ মায়ী মিলায়,  
 কিছুতে পারে না আর বাধিয়া রাখিতে ।  
 কোমল বাহর ভোর ছিন্ন হয়ে যায়,  
 মদিরা উথলে নাকো মদির আঁধিতে ।

কেহ করে নাহি চেনে আঁখার নিশায় ।  
 ফুল কোটা সাধ হলে গাহে না পাখিতে ।  
 কোথা সেই হাসিপ্রান্ত চূষন-তৃষিত  
 রাতা পুষ্টকু বেন প্রসুট অধর ।  
 কোথা কুম্বিত তরু পূর্ণবিকশিত  
 কম্পিত পুলকতরে, বৌবন-কাতর ।  
 তখন কি মনে পড়ে সেই ব্যাকুলতা,  
 সেই চিরপিপাসিত বৌবনের কথা,  
 সেই প্রাণ-পরিপূর্ণ মরণ অনল,  
 মনে পড়ে হাসি আসে, চোখে আসে জল ।

## পবিত্র প্রেম

ছুঁয়ো না ছুঁয়ো না ওয়ে, দাঁড়াও সন্নিহা ।  
 জান করিয়ো না আর মলিন পরশে ।  
 ওই মেখে তিলে তিলে বেতেছে সন্নিহা,  
 বাসনা-নিখাস তব গরল বয়বে ।  
 জান না কি হৃদিমাঝে ফুটেছে যে ফুল,  
 ধুলায় কেলিলে তারে ফুটিবে না আর ।  
 জান না কি সংসারের পাখার অকুল,  
 জান না কি জীবনের পথ অন্ধকার ।  
 আপনি উঠেছে ওই তব ক্রবতারা,  
 আপনি ফুটেছে ফুল বিধির কুপার ;  
 সাধ করে কে আজি যে হবে পথহারা  
 সাধ করে এ কুম্ব কে দলিবে পায় ।  
 যে প্রাণীপ আলো দেবে তাহে কেল খান,  
 যারে ভালোবাস তারে করিছ মিনাপ ।

## পবিত্র জীবন

মিছে হাসি, মিছে বাশি, মিছে এ যৌবন,  
 মিছে এই দরশের পরশের খেলা ।  
 চেয়ে দেখো পবিত্র এ মানব-জীবন,  
 কে ইহায়ে অকাতরে করে অবহেলা ।  
 ভেসে ভেসে এই মহা চরাচরশোভে  
 কে জানে গো আসিয়াছে কোনখান হতে,  
 কোথা হতে নিয়ে এল প্রেমের আশাস,  
 কোন অঙ্ককার ভেদি উঠিল আলোতে ।  
 এ নহে খেলার ধন, যৌবনের আশ,  
 ব'লো না ইহার কানে আবেশের বাণী,  
 নহে নহে এ তোমার বাসনার দাস,  
 তোমার ক্ষুধার মাঝে আনিয়ো না টানি ;  
 এ তোমার ঈশ্বরের মঙ্গল আশাস,  
 স্বর্গের আলোক তব এই মুখখানি ।

## ঘরীচিকা

এস, ছেড়ে এস, সখী কুসুম-শয়ন !  
 বাজুক কঠিন মাটি চরণের তলে ।  
 কত আর করিবে গো বসিয়া বিরলে  
 আকাশ-কুসুমবনে স্বপন চয়ন ।  
 দেখো ওই দূর হতে আসিছে ঝটিকা,  
 স্বপ্নরাজ্য ভেসে যাবে ধর অশ্রুজলে ।  
 দেবতার বিদ্যুতের অভিশাপ-শিখা  
 দহিবে আধার নিদ্রা বিমল অনলে ।

চলো গিয়ে থাকি দৌছে মানবের সাথে,  
 হৃৎ-হৃৎ লয়ে লবে গাঁথিছে আলয়,  
 হাসি-কান্না ভাগ করি ধরি হাতে হাতে  
 সংসার-সংশয়রাত্রি রহিব নির্ভয় ।  
 হৃৎ-রৌত্র-মরীচিকা নহে বাসস্থান,  
 মিলায় মিলায় বলি ভয়ে কাঁপে প্রাণ ।

## গান রচনা

এ শুধু অলস মায়ী, এ শুধু মেঘের খেলা,  
 এ শুধু মনের সাধ বাতাসেতে বিসর্জন ;  
 এ শুধু আপন মনে মালা গাঁথে ছিঁড়ে ফেলা  
 নিমেঘের হাসিকান্না গান গেয়ে সমাপন ।  
 শ্রামল পল্লবপাতে রবিকরে সারাবেলা  
 আপনার ছায়া লয়ে খেলা করে ফুলগুলি,  
 এও সেই ছায়া-খেলা বসন্তের সমীরণে ।  
 কুহকের দেশে যেন সাধ করে পথ ভুলি  
 হেথা হোথা ঘুরি ফিরি সারাদিন আনমনে ।  
 কারে যেন দেব বলে কোথা যেন ফুল তুলি,  
 সন্ধ্যায় মলিন ফুল উড়ে যায় বনে বনে ।  
 এ খেলা খেলিবে হায় খেলার সাথী কে আছে ?  
 ভুলে ভুলে গান গাই—কে শোনে, কে নাই শোনে,  
 যদি কিছু মনে পড়ে, যদি কেহ আসে কাছে ।

## সন্ধ্যার বিদায়

সন্ধ্যা যায়, সন্ধ্যা ফিরে চায়, শিথিল কবরী পড়ে খুলে,—  
 যেতে যেতে কনক-আঁচল বেধে যায় বকুল-কাননে,  
 চরণের পরশ-রাঙিমা রেখে যায় ষমুনার কূলে ;—  
 নীরবে-বিদায়-চাওয়া চোখে, গ্রন্থি-বাধা রক্তিম হুকূলে  
 আধারের ম্লান বধু যায় বিষাদের বাসর-শয়নে ।  
 সন্ধ্যাতারা পিছনে দাঁড়ায়ে চেয়ে থাকে আকুল নয়নে ।  
 ষমুনা কাঁদিতে চাহে বুঝি, কেন রে কাঁদে না কণ্ঠ তুলে,  
 বিস্ফারিত হৃদয় বহিষ্ণা চলে যায় আপনার মনে ।  
 মাঝে মাঝে ঝাউবন হতে গভীর নিশ্বাস ফেলে ধরা ।  
 সপ্ত ঋষি দাঁড়াইল আসি নন্দনের সুরতরুণুলে,  
 চেয়ে থাকে পশ্চিমের পথে ভুলে যায় আশীর্বাদ করা ।  
 নিশীথিনী রহিল জাগিয়া বদন ঢাকিয়া এলো চুলে ।  
 কেহ আর কহিল না কথা, একটিও বহিল না শ্বাস ;  
 আপনার সমাধি-মাঝারে নিরাশা নীরবে করে বাস ॥

## রাত্রি

অগভেরে জড়াইয়া শত পাকে যামিনী-নাগিনী,  
 আকাশ-পাতাল জুড়ি ছিল পড়ে নিত্রায় মগনা,  
 আপনার হিম দেহে আপনি বিলীনা একাকিনী ।  
 মিটি মিটি তারকায় জলে তার অঙ্ককার ঝণা ।  
 উষা আসি মন্ত্র পড়ি বাজাইল মলিত রাগিনী ।  
 রাঙা আঁধি পাকালিয়া সাপিনী উঠিল তাই আগি,  
 একে একে খুলে পাক, আঁকি ঝাঁকি কোথা যায় ভাগি ।

পশ্চিমসাগর তলে আছে বুঝি বিরাট গহ্বর,  
 সেখায় সুমাঝে বলে ডুবিতেছে বাসুকি-ভগিনী,  
 মাথায় বহিরা তার শত লক্ষ রতনের কণা ;  
 শিয়রেতে সারাদিন জেগে রবে বিপুল সাগর ;  
 নিভৃতে স্তিমিত দীপে চুপি চুপি কহিয়া কাহিনী  
 মিলি কত নাগবালা স্বপ্নমালা করিবে রচনা ।

## বৈতরণী

অশ্রুশ্রোতে ক্ষীত হয়ে বহে বৈতরণী,  
 চৌদিকে চাপিয়া আছে আঁধার রজনী ।  
 পূর্ব তীর হতে হহ আসিছে নিখাস  
 যাত্রী লয়ে পশ্চিমেতে চলেছে তরণী ।  
 মাঝে মাঝে দেখা দেয় বিদ্যাৎ-বিকাশ,  
 কেহ করে নাহি চেনে বসে নত শিরে ।  
 গলে ছিল বিদায়ের অশ্রুকণা-হার  
 ছিন্ন হয়ে একে একে ঝরে পড়ে নীরে ।  
 ওই বুঝি দেখা যায় ছায়া পরপার,  
 অন্ধকারে মিটি মিটি তারা-দীপ জলে ।  
 হোথায় কি বিশ্বরণ, নিঃস্বপ্ন নিদ্রার  
 শয়ন রচিয়া দিবে ঝরা ফুলদলে ।  
 অথবা অকূলে শুধু অনন্ত রজনী,  
 ভেসে চলে কর্ণধারবিহীন তরণী ।

## মানব-হৃদয়ের বাসনা

নিশীথে রয়েছি জেগে ; দেখি অনিমিখে,  
 লক্ষ হৃদয়ের সাধ শূন্যে উড়ে যায় ।  
 কত দিক হতে তারা ধায় কত দিকে  
 কত না অদৃশ-কায়া ছায়া আলিঙ্গন  
 বিশ্বময় করে চাহে করে হায় হায় ।  
 কত স্মৃতি খুঁজিতেছে শ্মশান-শয়ন ;  
 অন্ধকারে হেরো শত তৃষিত নয়ন  
 ছায়াময় পাখি হয়ে কার পানে ধায় ।  
 কীণশ্বাস মুমূর্ষুর অতৃপ্ত বাসনা  
 ধরণীর কূলে কূলে ঘুরিয়া বেড়ায় ।  
 উদ্দেশে ঝরিছে কত অশ্রুবারিকণা  
 চরণ খুঁজিয়া তারা মরিবারে চায় ।  
 কে শুনিছে শত কোটি হৃদয়ের ডাক ।  
 নিশীথিনী শুরু হয়ে রয়েছে অবাক ।

## সিন্ধুগর্ভ

উপরে স্রোতের ভরে ভাসে চরাচর,  
 নীল সমুদ্রের 'পরে নৃত্য করে সারা ।  
 কোথা হতে ঝরে যেন অনন্ত নিঝর  
 ঝরে আলোকের কণা রবি শশী তারা  
 ঝরে প্রাণ, ঝরে গান, ঝরে প্রেমধারা  
 পূর্ণ করিবারে চায় আকাশ সাগর ।  
 সহসা কে ডুবে যায় জলবিষপারা,  
 ছ-একটি আলো-রেখা যায় মিলাইয়া



তখন ভাবিতে বসি কোথায় কিনারা,  
কোন অতলের পানে ধাই তলাইয়া ।  
নিরে আগে সিদ্ধগর্ভ শুরু অঙ্ককার ।  
কোথা নিবে যায় আলো, খেমে যায় গীত,  
কোথা চিরদিন তরে অসীম আড়াল ।  
কোথায় ডুবিয়া গেছে অনন্ত অতীত ।

### ক্ষুদ্র অনন্ত

অনন্ত দিবসরাত্রি কালের উচ্ছ্বাস  
তারি মাঝখানে শুধু একটি নিমেষ  
একটি মধুর সন্ধ্যা, একটু বাতাস,  
মুহূ আলো-আঁধারের মিলন-আবেশ—  
তারি মাঝখানে শুধু একটুকু জুঁই,  
একটুকু হাসিমাখা সৌরভের লেশ—  
একটু অধর তার জুঁই কিনা জুঁই—  
আপন আনন্দ লয়ে উঠিতেছে হুটে,  
আপন আনন্দ লয়ে পড়িতেছে টুটে ।  
সমগ্র অনন্ত ওই নিমেষের মাঝে  
একটি বনের প্রান্তে জুঁই হয়ে উঠে ।  
পলকের মাঝখানে অনন্ত বিরাজে ।  
যেমনি পলক টুটে ফুল ঝরে যায়  
অনন্ত আপনা মাঝে আপনি মিলায় ।

## সমুদ্র

কিসের অশান্তি এই মহাপারাবারে,  
 সতত ছিঁড়িতে চাহে কিসের বন্ধন ।  
 অব্যক্ত অক্ষুট বাণী ব্যক্ত করিবারে  
 শিশুর মতন সিক্কু করিছে ক্রন্দন ।  
 যুগযুগান্তর ধরি যোজন যোজন  
 ফুলিয়া ফুলিয়া উঠে উত্তাল উচ্ছ্বাস ;  
 অশান্ত বিপুল প্রাণ করিছে গর্জন,  
 নীরবে শুনিছে তাই প্রশান্ত আকাশ ।  
 আছাড়ি চূর্ণিতে চাহে সমগ্র হৃদয়  
 কঠিন পাষণময় ধরণীর তীরে,  
 জোয়ারে সাধিতে চায় আপন প্রলয়,  
 ভাঁটায় মিলাতে চায় আপনার নীরে ।  
 অন্ধ প্রকৃতির হৃদে যুক্তিকায় বাধা  
 সতত ছলিছে ওই অশ্রুর পাথর,  
 উন্মুখী বাসনা পায় পদে পদে বাধা,  
 কাঁদিয়া ভাসাতে চাহে জগৎ-সংসার ।  
 সাগরের কণ্ঠ হতে কেড়ে নিয়ে কথা  
 সাধ যায় ব্যক্ত করি মানব-ভাষায় ;  
 শাস্ত করে দিই ওই চির ব্যাকুলতা,  
 সমুদ্র-বায়ুর ওই চির হায় হায় ।  
 সাধ যায় মোর গীতে দিবস-রজনী  
 ধ্বনিতে পৃথিবী-ঘেরা সংগীতের ধ্বনি ।

## অস্তমান রবি

আজ কি তপন তুমি যাবে অস্তাচলে  
 না শুনে আমার মুখে একটিও গান ।  
 দাঁড়াও গো, বিদায়ের ছুটো কথা বলে  
 আজিকার দিন আমি করি অবসান ।  
 ধামো ওই সমুদ্রের প্রান্তরেখা 'পরে,  
 মুখে মোর রাখো তব একমাত্র আঁধি ।  
 দিবসের শেষ পলে নিমেষের তরে  
 ছ-জনের আঁধি 'পরে সায়াকু-আঁধার  
 আঁধির পাতার মতো আনুক মুদ্রিয়া,  
 গভীর তিমির-শিঙ শান্তির পাথর  
 নিবাসে ফেলুক আজি ছুটি দীপ্ত হিরা ।  
 শেষ গান সাজ করে খেমে গেছে পাখি  
 আমার এ গানখানি ছিল শুধু বাকি ।

## অস্তাচলের পরপারে

( সন্ধ্যানুর্ধ্বের প্রতি )

আমার এ গান তুমি যাও সাথে করে  
 নূতন সাগরতীরে দিবসের পানে ।  
 সায়াকুর কূল হতে যদি ঘুমঘোরে  
 এ গান উষার কূলে পশে কারো কানে  
 সারা রাত্রি নিশীথের সাগর বাহিরা  
 স্বপনের পরপারে যদি ভেসে যায় ।  
 প্রভাত-পাখিরা হবে উঠিবে গাহিরা  
 আমার এ গান তারা যদি খুঁজে পায় ।

## রবীন্দ্র-রচনাবলী

গোধূলির তীরে বসে কেঁদেছে যে জন  
 ফেলেছে আকাশে চেয়ে অশ্রুজল কত,  
 তার অশ্রু পড়িবে কি হইয়া নূতন  
 নবপ্রভাতের মাঝে শিশিরের মতো ।  
 সায়াহ্নের কুঁড়িগুলি আপনা টুটিয়া  
 প্রভাতে কি ফুল হয়ে উঠে না ফুটিয়া ॥

## প্রত্যাশা

সকলে আমার কাছে যত কিছু চায়  
 সকলেরে আমি তাহা পেরেছি কি দিতে !  
 আমি কি দিই নি ফাঁকি কত জনে হায়,  
 রেখেছি কত না ঋণ এই পৃথিবীতে । -  
 আমি তবে কেন বকি সহস্র প্রলাপ,  
 সকলের কাছে চাই ভিক্ষা কুড়াইতে ।  
 এক তিল না পাইলে দিই অভিশাপ  
 অমনি কেন রে বসি কাতরে কাঁদিতে ।  
 হা ঈশ্বর, আমি কিছু চাহি নাকো আর  
 যুচাও আমার এই ভিক্ষার বাসনা ।  
 মাথায় বাহন্য লয়ে চির ঋণভার  
 “পাই নি” “পাই নি” বলে আর কাঁদিব না ।  
 তোমারেও মাগিব না, অলস কাঁদনি ;  
 আপনারে দিলে তুমি আসিবে আপনি ॥

## স্বপ্নরুদ্ধ

নিফল হয়েছি আমি সংসারের কাছে,  
 লোকমাঝে আঁধি তুলে পারি না চাহিতে ।  
 ভাসিয়ে জীবন-তরী সাগরের মাঝে,  
 তরঙ্গ লঙ্ঘন করি পারি না বাহিতে ।  
 পুরুষের মতো যত মানবের সাথে  
 যোগ দিতে পারি নাকো লয়ে নিজ বল,  
 সহস্র সংকল্প শুধু ভরা দুই হাতে  
 বিফলে শুকায় যেন লক্ষ্যের ফল ।  
 আমি গাঁধি আপনার চারি দিক-ঘিরে  
 সূক্ষ্ম রেশমের জাল কীটের মতন ।  
 মগ্ন থাকি আপনার মধুর তিমিরে,  
 দেখি না এ জগতের প্রকাণ্ড জীবন ।  
 কেন আমি আপনার অন্তরালে থাকি,  
 মুদ্রিত পাতার মাঝে কাঁদে অন্ধ আঁধি ।

## অক্ষমতা

এ যেন রে অভিশপ্ত প্রেতের পিপাসা,  
 সলিল রয়েছে পড়ে শুধু দেহ নাই ।  
 এ কেবল হৃদয়ের দুর্বল ছয়াশা  
 সাধের বস্তুর মাঝে করে চাই চাই ।  
 ছুটি চরণেতে বেঁধে ফুলের শৃঙ্খল  
 কেবল পথের পানে চেয়ে বসে থাকা ।  
 মানব-জীবন যেন সকলি নিফল,  
 বিশ্ব যেন চিত্রপট, আমি যেন আঁকা ।  
 চিরদিন বুদ্ধকিত প্রাণ-হত্যাশন  
 আবারে করিছে ছাই প্রতি পলে পলে ;

মহত্বের আশা শুধু ভারের মতন  
 আমারে ডুবিয়ে দেয় জড়ত্বের তলে ।  
 কোথা সংসারের কাজে জাগ্রত হৃদয়,  
 কোথা রে সাহস মোর অস্থিমজ্জাময় ॥

## জাগিবার চেষ্টা

মা কেহ কি আছ মোর, কাছে এস তবে,  
 পাশে বসে স্নেহ করে জাগাও আমায় ।  
 স্বপ্নের সমাধি মাঝে বাঁচিয়া কী হবে,  
 যুঝিতেছি জাগিবারে,—আঁখি রুদ্ধ হয় ।  
 ডেকো না ডেকো না মোরে ক্ষুদ্রতার মাঝে,  
 স্নেহময় আলস্বেতে রেখো না বাঁধিয়া,  
 আশীর্বাদ করে মোরে পাঠাও গো কাজে,  
 পিছনে ডেকো না আর কাতরে কাঁদিয়া ।  
 মোর বলে কাহারেও দেব না কি বল,  
 মোর প্রাণে পাবে না কি কেহ নবপ্রাণ ।  
 করুণা কি শুধু ফেলে নয়নের জল,  
 প্রেম কি ঘরের কোণে গাহে শুধু গান ?  
 তবেই ঘুচিবে মোর জীবনের লাজ  
 যদি মা করিতে পারি কারো কোনো কাজ ॥

## কবির অহংকার

গান গাহি বলে কেন অহংকার করা ।  
 শুধু গাহি বলে কেন কাঁদি না শরমে ।  
 বাঁচার পাখির মতো গান গেয়ে মরা,  
 এই কি মা আদি অস্ত মানব-জনমে ।

হুখ নাই, হুখ নাই, শুধু মর্মবাথা—  
 মরীচিকা-পানে শুধু মরি পিপাসায়,  
 কে দেখালে প্রলোভন, শূন্য অমরতা,  
 প্রাণে মরে গানে কি রে বেঁচে থাকা যায় ।  
 কে আছ মলিন হেথা, কে আছ দুর্বল,  
 মোরে তোমাদের মাঝে করো গো আহ্বান,  
 বারেক একত্রে বসে ফেলি অশ্রুজল,  
 দূর করি হীন গর্ব, শূন্য অভিমান ।  
 তার পরে একসাথে এস কাজ করি,  
 কেবলি বিলাপ-গান দূরে পরিহারি ।

## বিজনে

আমারে ভেকো না আঞ্জি এ নহে সময়,  
 একাকী রয়েছি হেথা গভীর বিজন,  
 কুখিয়া রেখেছি আমি অশান্ত হৃদয়,  
 ছুরন্ত হৃদয় মোর করিব শাসন ।  
 মানবের মাঝে গেলে এ বে ছাড়া পার,  
 সহস্রের কোলাহলে হয় পথহারা,  
 লুক মুষ্টি বাহা পার আঁকড়িতে চায়,  
 চিরদিন চিররাত্রি কেঁদে কেঁদে সারা ।  
 ভৎসনা করিব তায়ে বিজনে বিরলে,  
 একটুকু যুমান সে কাঁদিয়া কাঁদিয়া,  
 শ্রামল বিপুল কোলে আকাশ-অকলে  
 প্রকৃতি অননী তায়ে রাখুন বাঁধিয়া ।  
 শান্ত স্নেহকোলে বসে শিথুক সে স্নেহ,  
 আমারে আজিকে তোরা তাকিস নে কেহ ।

## সিন্ধুতীরে

হেথা নাই ক্ষুদ্র কথা, তুচ্ছ কানাকানি,  
 ধ্বনিত হতেছে চির-দিবসের বাণী ।  
 চির-দিবসের রবি ওঠে অস্ত যায়,  
 চির-দিবসের কবি গাহিছে হেথায় ।  
 ধরণীর চারি দিকে সীমামুক্ত গানে  
 সিন্ধু শত তটিনীরে করিছে আহ্বান,  
 হেথায় দেখিলে চেয়ে আপনার পানে  
 দুই চোখে জল আসে, কেঁদে উঠে প্রাণ ।  
 শত যুগ হেথা বসে মুখপানে চায়,  
 বিশাল আকাশে পাই হৃদয়ের সাড়া ।  
 তীব্র বক্র ক্ষুদ্র হাসি পায় যদি ছাড়া  
 রবির কিরণে এসে মরে সে লজ্জায় ।  
 সবারে আনিতে বুক বুক বেড়ে যায়,  
 সবারে করিতে কমা আপনারে ছাড়া ॥

## সত্য

১

ভয়ে ভয়ে ভ্রমিতেছি মানবের মাঝে  
 হৃদয়ের আলোটুকু নিবে গেছে বলে ;  
 কে কী বলে তাই শুনে মরিতেছি লাজে,  
 কী হয় কী হয় ভেবে ভয়ে প্রাণ দোলে ।  
 “আলো” “আলো” খুঁজে মরি পরের নয়নে,  
 “আলো” “আলো” খুঁজে খুঁজে কাঁদি পথে পথে,  
 অবশেষে শুয়ে পড়ি ধুলির শয়নে  
 ভয় হয় এক পদ অগ্রসর হতে ।



বজ্রের আলোক দিয়ে ভাঙো অন্ধকার,  
 যদি যদি ভেঙে যায় সেও তবু ভালো,  
 যে গৃহে জানালা নাই সে তো কারাগার,  
 ভেঙে ফেলো আসিবেক স্বরগের আলো ।  
 হায় হায় কোথা সেই অখিলের জ্যোতি ।  
 চলিব সরল পথে অশঙ্কিত গতি ॥

২

জালায়ে আঁধার শূন্যে কোটি রবিশশী  
 দাঁড়িয়ে রয়েছ একা অসীম সুন্দর ।  
 সুগভীর শাস্ত নেত্র রয়েছে বিকশি,  
 চিরস্থির শুভ্র হাসি, প্রসন্ন অধর ।  
 আনন্দে আঁধার মরে চরণ পরশি,  
 লাজ ভয় লাজে ভয়ে মিলাইয়া যায়,  
 আপন মহিমা হেরি আপনি হরষি  
 চরাচর শির তুলি তোমাপানে চায় ।  
 আপন হৃদয়-দীপ আঁধার হেথায়,  
 ধূলি হতে তুলি এরে দাও জ্বলাইয়া,  
 ওই ক্রবতারাখানি রেখেছ যেথায়  
 সেই গগনের প্রান্তে রাখো জ্বলাইয়া ।  
 চিরদিন জেগে রবে নিবিবে না আর,  
 চিরদিন দেখাইবে আঁধারের পার ॥

## আত্মাভিমান

আপনি কষ্টক আমি, আপনি অর্জয় ।  
 আপনার মাঝে আমি শুধু ব্যথা পাই ।  
 সকলের কাছে কেন যাচি গো নির্ভয়,  
 গৃহ নাই, গৃহ নাই, মোর গৃহ নাই ।

অতি ভীক অতি ক্ষুদ্র আত্ম-অভিমান  
 সহিতে পারে না হয় তিল অসম্মান ।  
 আগেভাগে সকলের পায়ে ফুটে যায়  
 ক্ষুদ্র বলে পাছে কেহ জানিতে না পায় ।  
 বরঞ্চ আধারে রব ধুলায় মলিন  
 চাহি না চাহি না এই দীন অহংকার—  
 আপন দারিদ্র্যে আমি রহিব বিলীন,  
 বেড়াব না চেয়ে চেয়ে প্রসাদ সবার ।  
 আপনার মাঝে যদি শাস্তি পায় মন ।  
 বিনীত ধুলার শয্যা স্থখের শয়ন ।

## আত্ম-অপমান

মোছো তবে অশ্রুজল, চাও হাসিমুখে  
 বিচিত্র এ জগতের সকলের পানে ।  
 মানে আর অপমানে স্থখে আর দুখে  
 নিখিলেরে ডেকে লও প্রসন্ন পরানে ।  
 কেহ ভালো বাসে কেহ নাহি ভালো বাসে,  
 কেহ দূরে যায় কেহ কাছে চলে আসে,  
 আপনার মাঝে গৃহ পেতে চাও যদি  
 আপনারে ভুলে তবে থাকো নিরবধি ।  
 ধনীর সম্মান আমি, নহি গো ভিখারি,  
 হৃদয়ে লুকানো আছে প্রেমের ভাণ্ডার,  
 আমি ইচ্ছা করি যদি বিলাইতে পারি  
 গভীর স্থখের উৎস হৃদয় আমার ।  
 দুয়ারে দুয়ারে কিরি মাগি অন্নপান  
 কেন আমি করি তবে আত্ম-অপমান ।

## ক্ষুদ্র আমি

বুঝেছি বুঝেছি সখা, কেন হাহাকার,  
 আপনার 'পরে মোর কেন সখা রোষ ।  
 বুঝেছি বিফল কেন জীবন আমার,  
 আমি আছি তুমি নাই তাই অসন্তোষ ।  
 সকল কাজের মাঝে আমারেই হেরি—  
 ক্ষুদ্র আমি ভেগে আছে ক্ষুধা লয়ে তার,  
 শীর্ণ বাহ-আলিঙ্গনে আমারেই ঘেরি  
 করিছে আমারে হার অস্থিচর্ষণার ।  
 কোথা নাথ কোথা তব সুন্দর বদন,  
 কোথায় তোমার নাথ বিশ্ব-ঘেরা হাসি ।  
 আমারে কাড়িয়া লও, করো গো গোপন,  
 আমারে তোমার মাঝে করো গো উদাসী ।  
 ক্ষুদ্র আমি করিতেছে বড়ো অহংকার,  
 ভাঙো নাথ, ভাঙো নাথ অভিমান তার ।

## প্রার্থনা

তুমি কাছে নাই বলে হেরো সখা তাই  
 "আমি বড়ো" "আমি বড়ো" করিছে সবাই ।  
 সকলেই উচু হয়ে দাঁড়ারে সমূখে  
 বলিতেছে "এ অগতে আর কিছু নাই ।"  
 নাথ তুমি এক বার এস হাসিমুখে  
 এরা সব ম্লান হয়ে লুকাক লজ্জায়—  
 হুৎহুৎ টুটে থাক তব মহা সুখে,  
 থাক আলো-অন্ধকার তোমার প্রভায় ।  
 নহিলে ডুবেছি আমি, মরেছি হেথায়,  
 নহিলে বুচে না আর মর্ষের কন্দন,

শুধু ধূলি তুলি শুধু স্খা-পিপাসায়  
 প্রেম বলে পরিয়াছি মরণ-বন্ধন ।  
 কতু পড়ি কতু উঠি, হাসি আর কাঁদি—  
 খেলাঘর ভেঙে পড়ে রচিবে সমাধি ॥

## বাসনার ফাঁদ

যারে চাই, তার কাছে আমি দিই ধরা,  
 সে আমার না হইতে আমি হই তার ।  
 পেয়েছি বলিয়ে মিছে অভিমান করা,  
 অন্তরে বাধিতে গিয়ে বন্ধন আমার ।  
 নিরখিয়া স্বামুক্ত সাধের ভাণ্ডার  
 দুই হাতে লুটে নিই রত্ন ভূরি ভূরি,  
 নিয়ে যাব মনে করি, ভারে চলা ভার,  
 চোরা দ্রব্য বোঝা হয়ে চোরে করে চুরি ।  
 চিরদিন ধরণীর কাছে ঋণ চাই,  
 পথের সম্বল বলে জমাইয়া রাখি,  
 আপনারে বাধা রাখি সেটা ভুলে যাই,  
 পাথের লইয়া শেষে কায়াগারে থাকি ।  
 বাসনার বোঝা নিয়ে ডোবে-ডোবে তরী,  
 ফেলিতে সরে না মন, উপায় কী করি ॥

## চিরদিন

১

কোথা রাত্রি, কোথা দিন, কোথা ফুটে চক্ষু সূৰ্য তারা,  
 কে বা আসে কে বা যায়, কোথা বসে জীবনের মেলা,  
 কে বা হাসে কেবা গায়, কোথা খেলে হৃদয়ের খেলা,  
 কোথা পথ, কোথা গৃহ, কোথা পান্ন, কোথা পথহারা ।

কোথা খসে পড়ে পত্র জগতের মহাবৃক্ষ হতে,  
 উড়ে উড়ে ঘুরে মরে অসীমেতে না পারি কিনারা,  
 বহে যায় কালবারু অবিপ্রায় আকাশের পথে,  
 ঝর ঝর মর মর শুক পত্র শ্রায় পত্রে মিলে ।  
 এত ভাঙা, এত গড়া, আনাগোনা জীবন্ত নিখিলে,  
 এত গান এত তান এত কান্না এত কলরব—  
 কোথা কে বা, কোথা সিদ্ধ, কোথা উর্মি, কোথা তার বেলা ;  
 গভীর অসীম গর্ভে নির্বাসিত নির্বাপিত সব ।  
 জনপূর্ণ হৃবিজনে, জ্যোতির্বিহীন আধারে বিলীন  
 আকাশ-মণ্ডলে শুধু বসে আছে এক “চিরদিন” ॥

২

কী লাগিয়া বসে আছ, চাহিয়া রয়েছ কার লাগি,  
 প্রলয়ের পরপারে নেহারিছ কার আগমন,  
 কার দূর পদধ্বনি চিরদিন করিছ শ্রবণ,  
 চির-বিরহীর মতো চিররাজি রহিয়াছ জাগি ।  
 অসীম অভূষ্টি লয়ে মাঝে মাঝে কেলিছ নিশ্বাস,  
 আকাশ-প্রান্তরে তাই কেঁদে উঠে প্রলয়-বাতাস,  
 জগতের উর্গাজাল ছিঁড়ে টুটে কোথা যায় ভাগি ।  
 অনন্ত আধার মাঝে কেহ তব নাহিক দোসর,  
 পশে না তোমার প্রাণে আমাদের হৃদয়ের আশ,  
 পশে না তোমার কানে আমাদের পাখিদের স্বর—  
 সহস্র জগতে মিলি রচে তব বিজন প্রবাস,  
 সহস্র শব্দে মিলি বাধে তব নিঃশব্দের স্বর,  
 হাসি, কান্না, ভালোবাসি, নাই তব হাসি কান্না মায়া,  
 আসি থাকি চলে যাই কত ছায়া কত উপছায়া ॥

৩

তাই কি ? সকলি ছায়া ? আসে, থাকে, আর মিলে যায় ?  
 তুমি শুধু একা আছ, আর সব আছে আর নাই ?

যুগযুগান্তর ধরে ফুল ফুটে, ফুল ঝরে তাই ?  
 প্রাণ পেয়ে প্রাণ দিই সে কি শুধু মরণের পায় ?  
 এ ফুল চাহে না কেহ ? লহে না এ পূজা-উপহার ?  
 এ প্রাণ, প্রাণের আশা, টুটে কি অসীম শূন্যতায় ।  
 বিশ্বের উঠিছে গান, বধিরতা বসি সিংহাসনে ?  
 বিশ্বের কাঁদিছে প্রাণ, শূন্যে করে অশ্রুবারিধার ?  
 যুগযুগান্তর প্রেম কে লইবে, নাই ত্রিভুবনে ?  
 চরাচর যগ্ন আছে নিশিদিন আশার স্বপনে—  
 বাঁশি শুনি চলিয়াছে, সে কি হায় বৃথা অভিসার ।  
 ব'লো না সকলি স্বপ্ন, সকলি এ মায়ার ছলন,  
 বিশ্ব যদি স্বপ্ন দেখে সে স্বপন কাহার স্বপন ?  
 সে কি এই প্রাণহীন প্রেমহীন অন্ধ অন্ধকার ?

8

ধনি খুঁজে প্রতিধনি, প্রাণ খুঁজে মরে প্রতিপ্রাণ ।  
 জগৎ আপনা দিয়ে খুঁজিছে তাহার প্রতিদান ।  
 অসীমে উঠিছে প্রেম, শুধিবারে অসীমের ঋণ—  
 যত দেয় তত পায়, কিছুতে না হয় অবসান ।  
 যত ফুল দেয় ধরা তত ফুল পায় প্রতিদিন—  
 যত প্রাণ ফুটাইছে ততই বাড়িয়া উঠে প্রাণ ।  
 যাহা আছে তাই দিয়ে ধনী হয়ে উঠে দীনহীন,  
 অসীমে জগতে এ কি পিরিতির আদান-প্রদান ।  
 কাহারে পূজিছে ধরা শ্রামল যৌবন-উপহাৰে,  
 নিমেষে নিমেষে তাই ফিরে পায় নবীন যৌবন ।  
 প্রেমে টেনে আনে প্রেম, সে প্রেমের পাথর কোথা রে ।  
 প্রাণ দিলে প্রাণ আসে,—কোথা সেই অনন্ত জীবন ।  
 ক্ষুদ্র আপনারে দিলে, কোথা পাই অসীম আপন,  
 সে কি ওই প্রাণহীন প্রেমহীন অন্ধ অন্ধকারে !

## বঙ্গভূমির প্রতি

কেন চেয়ে আছ গো মা মুখপানে ।  
 এরা চাহে না তোমারে চাহে না যে,  
 আপন মায়েরে নাহি জানে ।  
 এরা তোমায় কিছু দেবে না দেবে না  
 মিথ্যা কহে শুধু কত কী জানে ।  
 তুমি তো দিতেছ মা যা আছে তোমারি  
 বর্ণ শস্ত তব, জাহ্নবী-বারি,  
 জ্ঞান ধর্ম কত পুণ্যকাহিনী,  
 এরা কি দেবে তোরে, কিছু না কিছু না  
 মিথ্যা কবে শুধু হীন পরানে ।  
 মনের বেদনা রাখো মা মনে,  
 নয়ন-বারি নিবারো নয়নে,  
 মুখ লুকাও মা ধূলিশয়নে,  
 ডুলে থাকো যত হীন সমানে ।  
 শূন্যপানে চেয়ে গ্রহর গনি গনি  
 দেখো কাটে কি না দীর্ঘ রজনী,  
 হৃৎক জানায়ে কী হবে অননী,  
 নির্ভয় চেতনহীন পাষাণে ।

## বঙ্গবাসীর প্রতি

আমরা ব'লো না গাহিতে ব'লো না ।  
 এ কি শুধু হাসিখেলা, প্রমোদের মেলা,  
 শুধু মিছে কথা ছলনা ।  
 আমরা ব'লো না গাহিতে ব'লো না ।  
 এ যে নয়নের জল, হৃৎকানের খাস,  
 কলঙ্কের কথা দ্বিগ্নের আশ,

## রবীন্দ্র-রচনাবলী

- এ যে বুককাটা ছুঃখ গুমরিছে বুক  
গভীর মরম-বেদনা ।
- এ কি শুধু হাসিখেলা, প্রমোদের মেলা,  
শুধু মিছে কথা চলনা ।  
এসেছি কি হেথা যশের কাঙালি,  
কথা গেঁথে গেঁথে নিতে করতালি,  
মিছে কথা করে মিছে যশ লয়ে  
মিছে কাজে নিশি যাপনা ।  
কে জাগিবে আজ, কে করিবে কাজ,  
কে ঘুচাতে চাহে জননীর লাজ,  
কাতরে কাঁদিবে, মা'র পায়ে দিবে  
সকল প্রাণের কামনা ।
- এ কি শুধু হাসিখেলা, প্রমোদের মেলা  
শুধু মিছে কথা চলনা ।

## আহ্বান-গীত

পৃথিবী জুড়িয়া বেজেছে বিষণ,  
শুনতে পেয়েছি ওই—  
সবাই এসেছে লইয়া নিশান,  
কই রে বাঙালি কই ।  
স্বগভীর স্বর কাঁদিয়া বেড়ায়  
বঙ্গসাগরের তীরে,  
“বাঙালির ঘরে কে আছিস আর”  
ডাকিতেছে ফিরে ফিরে ।  
ঘরে ঘরে কেন ছুয়ার ভেজানো,  
পথে কেন নাই লোক,  
সারা দেশ ব্যাপি মরেছে কে যেন,  
বেঁচে আছে শুধু শোক ।



গঙ্গা বহে শুধু আপনার মনে  
 চেয়ে থাকে হিমগিরি,  
 রবি শশী উঠে অনন্ত গগনে  
 আসে যায় ফিরি ফিরি ।  
 কত না সংকট, কত না সন্তাপ  
 মানবশিশুর ভয়ে,  
 কত না বিবাদ কত না বিলাপ  
 মানবশিশুর ঘরে ।  
 কত ভায়ে ভায়ে নাহি যে বিশ্বাস,  
 কেহ করে নাহি মানে,  
 দীর্ঘা নিশাচরী ফেলিছে নিশ্বাস  
 হৃদয়ের মাঝখানে ।  
 হৃদয়ে লুকানো হৃদয়-বেদনা,  
 সংশয়-আধারে যুঝে,  
 কে কাহারে আজি দিবে গো সাহসনা,  
 কে দিবে আলয় খুঁজে ।  
 মিটাতে হইবে শোক তাপ জ্বাস,  
 করিতে হইবে রণ,  
 পৃথিবী হইতে উঠেছে উজ্জ্বাস—  
 শোনো শোনো সৈন্তগণ ।  
 পৃথিবী ডাকিছে আপন সন্তানে,  
 বাতাস ছুটেছে তাই—  
 গৃহ তেয়াগিয়া ভায়ের সন্ধান  
 চলিয়াছে কত তাই ।  
 বনের কুটিরে এসেছে বারতা,  
 শুনেছে কি তাহা সবে ?  
 ভেগেছে কি কবি শুনাতে সে কথা  
 বলদ-গভীর রবে ?  
 হৃদয় কি কারো উঠেছে উখলি ?  
 আধি খুলেছে কি কেহ ?

রবীন্দ্র-রচনাবলী

ভেঙেছে কি কেহ সাধের পুতলি ?  
 ছেড়েছে খেলার গেহ ?  
 কেন কানাকানি, কেন রে সংশয় ?  
 কেন মর ভয়ে লাজে ?  
 খুলে ফেলো দ্বার, ভেঙে ফেলো ভয়,  
 চলো পৃথিবীর মাঝে ।  
 ধরাপ্রান্তভাগে ধূলিতে লুটায়,  
 জড়িমা-জড়িত তনু,  
 আপনার মাঝে আপনি গুটায়  
 ঘুমায় কীটের অণু ।  
 চারি দিকে তার আপন উল্লাসে  
 জগৎ ধাইছে কাজে,  
 চারি দিকে তার অনন্ত আকাশে  
 স্বরগ-সংগীত বাজে ।  
 চারি দিকে তার মানব-মহিমা  
 উঠিছে গগনপানে,  
 খুঁজিছে মানব আপনার সীমা,  
 অসীমের মাঝখানে ।  
 সে কিছুই তার করে না বিশ্বাস,  
 আপনারে জানে বড়ো,  
 আপনি গনিছে আপন নিখাস,  
 ধূলা করিতেছে জড়ো ।  
 স্তম্ভঃস্তম্ভ লয়ে অনন্ত সংগ্রাম,  
 জগতের রক্তভূমি—  
 হেথায় কে চায় ভীকর বিশ্বাস,  
 কেন গো ঘুমাও তুমি ।  
 ডুবিছ ভাসিছ অশ্রুর হিল্লোলে,  
 শুনিতেছ হাহাকার—  
 তীর কোথা আছে দেখো মুখ তুলে,  
 এ সমুদ্র করো পার ।

মহা কলরবে সেতু বাঁধে সবে,  
 তুমি এস, দাঁও যোগ—  
 বাধার মতন জড়াও চরণ—  
 একি রে করম-ভোগ ।  
 তা যদি না পার সরো তবে সরো  
 ছেড়ে দাঁও তবে স্থান,  
 ধুলার পড়িয়া মরো তবে মরো—  
 কেন এ বিলাপ-গান ।

ওরে চেয়ে দেখ্ মুখ আপনার,  
 ভেবে দেখ্ তোরা কারা ।  
 মানবের মতো ধরিয়া আকার,  
 কেন রে কীটের পারা ?  
 আছে ইতিহাস আছে কুলমান,  
 আছে মহেশ্বের খনি,  
 পিতৃপিতামহ গেয়েছে যে গান,  
 শোন্ তার প্রতিধ্বনি ।  
 খুঁজেছেন তাঁরা চাহিয়া আকাশে  
 গ্রহতারকার পথ,  
 অগৎ ছাড়ারে অসীমের আশে  
 উড়াতেন মনোরথ ।  
 চাতকের মতো সত্যের লাগিয়া  
 ভ্রমিত আকুল প্রাণে,  
 দিবস-রজনী ছিলেন আগিয়া  
 চাহিয়া বিশ্বের পানে ।  
 তবে কেন সবে বধির হেথার,  
 কেন অচেতন প্রাণ,  
 বিকল উচ্ছ্বাসে কেন কিরে যার  
 বিশ্বের আহ্বান-গান ।

## রবীন্দ্র-রচনাবলী

মহাশয়ের গাথা পশিতেছে কানে,  
 কেন রে বুঝি নে ভাষা ?  
 তীর্থযাত্রী যত পথিকের গানে,  
 কেন রে আগে না আশা ?  
 উন্নতির ধ্বজা উড়িছে বাতাসে,  
 কেন রে নাচে না প্রাণ,  
 নবীন কিরণ ফুটেছে আকাশে  
 কেন রে আগে না গান ?  
 কেন আছি শুয়ে, কেন আছি চেয়ে,  
 পড়ে আছি মুখোমুখি,  
 মানবের স্রোত চলে গান গেয়ে,  
 জগতের স্রুথে স্রুখী ।  
 চলো দিবালোকে চলো লোকালয়ে,  
 চলো জনকোলাহলে—  
 যিশাব হৃদয় মানব-হৃদয়ে  
 অসীম আকাশতলে ।  
 তরঙ্গ তুলিব তরঙ্গের পরে,  
 নৃত্যগীত নব নব,  
 বিশ্বের কাহিনী কোটি কণ্ঠধরে  
 এক-কণ্ঠ হয়ে কব ।  
 মানবের স্রুথ মানবের আশা  
 বাজিবে আমার প্রাণে,  
 শত লক্ষ কোটি মানবের ভাষা  
 ফুটিবে আমার গানে ।  
 মানবের কাজে মানবের মাঝে  
 আমরা পাইব ঠাই,  
 বঙ্গের দুয়ারে তাই শিলা বাজে—  
 শুনিতে পেয়েছি তাই ।  
 মুছে কেলো ধূলা, মুছ অশ্রুজল,  
 কেলো ডিখারির চাঁদ—

পরো নব সাজ, ধরো নব বল,  
 তোলো তোলো নত শির ।  
 তোমাদের কাছে আজি আসিয়াছে  
 জগতের নিমন্ত্রণ—  
 দীনহীন বেশ ফেলে ধেরো পাছে—  
 দাসত্বের আভরণ ।  
 সভার মাঝারে দাঁড়াবে যখন  
 হাসিয়া চাহিবে ধীরে—  
 পূরব রবির হিরণ কিরণ  
 পড়িবে তোমার শিরে ।  
 বাধন টুটিয়া উঠিবে কুটিয়া  
 হৃদয়ের শতদল,  
 জগৎ-মাঝারে বাইবে লুটিয়া  
 প্রভাতের পরিমল ।  
 উঠ বঙ্গকবি, মায়ের ভাষায়  
 যুয়ুয়ে দাঁও প্রাণ—  
 জগতের লোক সুখার আশায়  
 সে ভাষা করিবে পান ।  
 চাহিবে মোদের মায়ের বদনে,  
 ভাসিবে নয়নজলে,  
 বাধিবে জগৎ গানের বাধনে  
 মায়ের চরণতলে ।  
 বিশ্বের মাঝারে ঠাই নাই বলে,  
 কাঁদিছে বঙ্গভূমি,  
 গান গেয়ে কবি জগতের তলে  
 স্থান কিনে দাঁও ভূমি ।  
 এক বার কবি মায়ের ভাষায়  
 গাও জগতের গান,  
 সকল জগৎ ভাই হয়ে যায়—  
 যুচে যায় অপমান ।

## শেষ কথা

মনে হয় কী একটি শেষ কথা আছে,  
 সে কথা হইলে বলা সব বলা হয় ।  
 কল্পনা কাঁদিয়া ফিরে তারি পাছে পাছে,  
 তারি তরে চেয়ে আছে সমস্ত হৃদয় ।  
 শত গান উঠিতেছে তারি অন্বেষণে,  
 পাখির মতন ধায় চরাচরময় ।  
 শত গান মরে গিয়ে, নূতন জীবনে  
 একটি কথায় তার হুঁইবে বিলয় ।  
 সে কথা হইলে বলা নীরব বাশরি,  
 আর বাজাব না বীণা চিরদিন তরে,  
 সে কথা শুনিতে সবে আছে আশা করি,  
 মানব এখনো তাই ফিরিছে না ঘরে ।  
 সে কথায় আপনারে পাইব জানিতে,  
 আপনি কৃতার্থ হব আপন বাণীতে ।

# যানসী





## সূচনা

বাল্যকাল থেকে পশ্চিম-ভারত আমার কাছে রোম্যান্টিক কল্পনার বিষয় ছিল। এইখানেই নিরবচ্ছিন্নকাল বিদেশীয়দের সঙ্গে এদেশের সংযোগ ও সংঘর্ষ ঘটে এসেছে। বহুশতাব্দী ধরে এইখানেই ইতিহাসের বিপুল পটভূমিকায় বহু সাম্রাজ্যের উত্থানপতন এবং নব নব ঐশ্বৰ্যের বিকাশ ও বিলয় আপন বিচিত্র বর্ণের ছবির ধারা অঙ্কিত করে চলেছে। অনেকদিন ইচ্ছা করেছি এই পশ্চিম ভারতের কোনো এক জায়গায় আশ্রয় নিয়ে ভারতবর্ষের বিরাট বিক্ষুব্ধ অতীত যুগের স্পর্শলাভ করব মনের মধ্যে। অবশেষে এক সময়ে যাত্রার জগ্গে প্রস্তুত হলাম। এত দেশ থাকতে কেন যে গাজিপুর বেছে নিয়েছিলুম তার দুটো কারণ আছে। শুনেছিলুম গাজিপুরে আছে গোলাপের খেত। আমি যেন মনের মধ্যে গোলাপবিলাসী সিরাজের ছবি এঁকে নিয়েছিলুম। তারি মোহ আমাকে প্রবলভাবে টেনেছিল। সেখানে গিয়ে দেখলুম ব্যবসাদারের গোলাপের খেত, এখানে বুলবুলের আমন্ত্রণ নেই, কবিরও নেই; হারিয়ে গেল সেই ছবি। অপর পক্ষে, গাজিপুরে মহিমাষিত প্রাচীন ইতিহাসের স্বাক্ষর কোথাও বড়ো রেখায় ছাপ দেয়নি। আমার চোখে এর চেহারা ঠেকল সাদা-কাপড়-পরা বিধবার মতো, সেও কোনো বড়ো ঘরের ঘরণী নয়।

তবু গাজিপুরেই রয়ে গেলুম তার একটা কারণ এখানে ছিলেন আমাদের দূরসম্পর্কের আত্মীয় গগনচন্দ্র রায়, আফিম-বিভাগের এক জন বড়ো কর্মচারী। এখানে আমার সমস্ত ব্যবস্থা সহজ হল তাঁরি সাহায্যে। একখানা বড়ো বাংলা পাওয়া গেল, গঙ্গার ধারেও বটে, ঠিক গঙ্গার ধারেও নয়। প্রায় মাইল খানেক চর পড়ে গেছে, সেখানে যবের ছোলার শর্ষের খেত; দূর থেকে দেখা যায় গঙ্গার জলধারা, গুণটানা নৌকো চলেছে মন্থর গতিতে। বাড়ির সংলগ্ন অনেকখানি জমি, অনাদৃত,

বাংলাদেশের মাটি হলে জঙ্গল হয়ে উঠত। ইদারা থেকে পূর চলছে নিস্তরক মধ্যাহ্নে কলকল শব্দে। গোলকটাপার ঘনপল্লব থেকে কোকিলের ডাক আসত রৌদ্রতপ্ত প্রহরের ক্রান্ত হাওয়ায়। পশ্চিম কোণে প্রাচীন একটা মহানিমগাছ, তার বিস্তীর্ণ ছায়াতলে বসবার জায়গা। সাদা ধুলোর রাস্তা চলেছে বাড়ির গা ঘেঁষে, দূরে দেখা যায় খোলার চালওয়াল পল্লী।

গাজিপুর আশ্রা-দিল্লির সমকক্ষ নয়, সিরাজ-সমরখন্দের সঙ্গেও এর তুলনা হয় না, তবু মন নিমগ্ন হল অক্ষুণ্ণ অবকাশের মধ্যে। আমার গানে আমি বলেছি, আমি সুদূরের পিয়ামী। পরিচিত সংসার থেকে এখানে আমি সেই দূরত্বের দ্বারা বেষ্টিত হলাম, অভ্যাসের স্থূলহস্তাবলেপ দূর হবামাত্র মুক্তি এল মনোরাজ্যে। এই আবহাওয়ায় আমার কাব্যরচনার একটা নতুন পর্ব আপনি প্রকাশ পেল। আমার কল্পনার উপর নূতন পরিবেষ্টনের প্রভাব বারবার দেখেছি। এইজন্মেই আলমোড়ায় যখন ছিলাম আমার লেখনী হঠাৎ নতুন পথ নিল শিশুর কবিতায়, অথচ সে-জাতীয় কবিতার কোনো প্রেরণা কোনো উপলক্ষ্যই সেখানে ছিল না। পূর্বতন রচনাধারা থেকে স্বতন্ত্র এ একটা নূতন কাব্যরূপের প্রকাশ। মানসীও সেই রকম। নূতন আবেষ্টনে এই কবিতাগুলি সহসা যেন নবদেহ ধারণ করল। পূর্ববর্তী কড়ি ও কোমল-এর সঙ্গে এর বিশেষ মিল পাওয়া যাবে না। আমার রচনার এই পর্বেই যুক্ত অক্ষরকে পূর্ণ মূল্য দিয়ে ছন্দকে নূতন শক্তি দিতে পেরেছি। মানসীতেই ছন্দের নানা খেয়াল দেখা দিতে আরম্ভ করেছে। কবির সঙ্গে যেন এক জন শিল্পী এসে যোগ দিল।

---

## উপহার


নিভৃত এ চিন্তামাবে            নিমেষে নিমেষে বাজে  
      জগতের তরঙ্গ-আঘাত,  
ধনিত হৃদয়ে তাই                    মুহূর্ত বিরাম নাই  
      নিজ্জাহীন সারা দিনরাত ।  
স্থখ দুঃখ গীতধর                    কুটিতেছে নিরন্তর,  
      ধনি শুধু, সাথে নাই ভাষা ;  
বিচিত্র সে কলরোলে                ব্যাকুল করিয়া তোলে  
      আগাইয়া বিচিত্র ছরাশা ।  
এ চির-জীবন তাই                    আর কিছু কাজ নাই  
      রচি শুধু অসীমের সীমা ;  
আশা দিবে ভাষা দিবে                তাহে ভালোবাসা দিবে  
      গড়ে তুলি মানসী-প্রতিমা ।

বাহিরে পাঠায় বিশ্ব                কত গঙ্গ গান দৃশ  
      সদীহার সৌন্দর্যের বেশে,  
বিরহী সে ঘুরে ঘুরে                ব্যাখাড়রা কত হুরে  
      কীদে হৃদয়ের দ্বারে এসে ।  
সেই মোহ-মত্ত গানে                কবির গভীর প্রাণে  
      ঝেপে ওঠে বিরহী ভাবনা,  
ছাড়ি অন্তঃপুরবাসে                সলজ্জ চরণে আসে  
      মূর্তিমতী মর্ষের কামনা ।

অন্তরে বাহিরে সেই            ব্যাকুলিত মিলনেই  
কবির একান্ত সুখোচ্ছ্বাস ।  
সেই আনন্দ-মূহূর্তগুলি        তব করে দিহু তুলি  
সর্বশ্রেষ্ঠ প্রাণের প্রকাশ ।

জোড়াসাঁকো

৩০ বৈশাখ, ১৮৯০



বিলাতে রবীন্দ্রনাথ

১২২৭



# মানসী

## ভুলে

কে আমারে বেন এনেছে ডাকিয়া,  
এসেছি ভুলে ।

তবু এক বার চাও মুখপানে  
নয়ন ভুলে ।

দেখি, ও নয়নে নিমেষের তরে  
সেদিনের ছায়া পড়ে কি না পড়ে,  
সজল আবেগে আধিপাতা দুটি  
পড়ে কি চুলে ।

কণেকের তরে তুল ভাঙায়ো না,  
এসেছি ভুলে ।

বেল-কুড়ি ছুটি করে ছুটি-ছুটি  
অধর খোলা ।

মনে পড়ে গেল সেকালের সেই  
কুসুম ভোলা ।

সেই শুকতারা সেই চোখে চায়,  
বাতাস কাহারে খুঁজিয়া বেড়ায়,  
উষা না ছুটিতে হাসি ফুটে তার  
গগন-বুলে ;

সেদিন যে গেছে ভুলে গেছি তাই  
এসেছি ভুলে ।

মাথা দিয়ে কবে কথা কয়েছিলে  
 পড়ে না মনে,  
 দূরে থেকে কবে ফিরে গিয়েছিলে  
 নাই স্মরণে ।

শুধু মনে পড়ে হাসিমুখখানি,  
 লাজে বাধো-বাধো সোহাগের বাণী,  
 মনে পড়ে সেই হৃদয়-উছাস  
 নয়ন-কূলে ।

তুমি যে ভুলেছ তুলে গেছি তাই  
 এসেছি ভুলে ।

কাননের কুল, এরা তো ভোলে নি,  
 আমরা তুলি ?  
 সেই তো ফুটেছে পাতায় পাতায়  
 কামিনীগুলি ।

চাপা কোথা হতে এনেছে ধরিয়া,  
 অরুণ-কিরণ কোমল করিয়া,  
 বকুল ঝরিয়া মরিবারে চায়  
 কাহার চূলে ?  
 কেহ ভোলে, কেউ ভোলে না যে, তাই  
 এসেছি ভুলে ।

এমন করিয়া কেমনে কাটিবে  
 মাধবী রাত্তি ?  
 দখিনে বাতাসে কেহ নেই পাশে  
 সাথের সাথী ।

চারি দিক হতে বাশি শোনা যায়,  
 স্নেহে আছে যারা তারা গান গায় ;



আকুল বাতাসে, মদির স্রবাসে,  
বিকচ ফুলে,  
এখনো কি কেঁদে চাহিবে না কেউ,  
আসিলে ফুলে ?

বৈশাখ, ১৮৮৭

## ভুল-ভাঙা

বুঝেছি আমার নিশার স্বপন  
হয়েছে ভোর ।

মালা ছিল, তার ফুলগুলি গেছে,  
রয়েছে ভোর ।

নেই আর সেই চূপি-চূপি চাওয়া,  
ধীরে কাছে এসে ফিরে ফিরে যাওয়া,  
চেয়ে আছে আঁধি, নাই ও আঁধিতে  
প্রেমের ঘোর ।

বাহলতা শুধু বন্ধনপাশ  
বাহতে যোর ।

হাসিটুকু আর পড়ে না তো ধরা  
অধর-কোণে ।

আপনারে আর চাহ না লুকাতে  
আপন মনে ।

স্বর শুনে আর উতলা ফুরুর  
। উধলি উঠে না সারা দেহমর,  
গান শুনে আর ভাসে না নয়নে  
নয়ন-লোর ।

আঁধিঅলরেখা চাকিতে চাহে না  
শব্দম চোর ।

বসন্ত নাহি এ ধরায় আর  
 আগের মতো,  
 জ্যোৎস্না যামিনী যৌবনহারা,  
 জীবন-হত ।  
 আর বৃষ্টি কেহ বাজায় না বীণা,  
 কে জানে কাননে ফুল ফোটে কি না,  
 কে জানে সে-ফুল তোলে কি না কেউ  
 ভরি আঁচোর,  
 কে জানে সে-ফুলে মালা গাঁথে কি না  
 সারা গ্রহর ।

বাঁশি বেজেছিল, ধরা দিচ্ছ যেই—  
 ধামিল বাঁশি ।  
 এখন কেবল চরণে শিকল  
 কঠিন ফাঁসি ।  
 মধু নিশা গেছে, স্মৃতি তারি আজ  
 মর্মে মর্মে হানিতেছে লাজ,  
 সুখ গেছে, আছে সুখের ছলনা  
 হৃদয়ে তোয়,  
 প্রেম গেছে, শুধু আছে প্রাণপণ  
 মিছে আদর ।

কতই না জানি ভেগেছ রজনী  
 করুণ দুখে,  
 সদয় নয়নে চেয়েছ আমার  
 মলিন মুখে ।  
 পরহৃৎতার সহে নাকো আর,  
 লতায় পড়িছে দেহ স্কুমার,

তবু আসি আমি, পাবাণ হৃদয়  
বড়ো কঠোর !  
ঘুমাও, ঘুমাও, আঁধি চলে আসে  
ঘুমে কাতর !

৪২, পার্ক স্ট্রীট  
বৈশাখ, ১৮৮৭

## বিরহানন্দ

[ এই ছন্দে যে যে হানে কাক, সেইখানে দীর্ঘ বতিগতন আবৃত্তক ]

ছিলাম নিশিদিন আশাহীন প্রবাসী,  
বিরহ-তপোবনে আনমনে উদাসী ।  
আঁধারে আলো মিশে দিশে দিশে খেলিত ;  
অটবী বায়ুবেশে উঠিত সে উছাসি ।  
কখনো ফুল ছুটো আঁধিপুট মেলিত,  
কখনো পাতা ঝরে পড়িত রে নিশাসি ।

তবু সে ছিহু ভালো আঁধাআলো- আঁধারে,  
গহন শত কের বিধাদের মাঝারে ।  
নয়নে কত ছায়া কত মায়ী ভাসিত,  
উদাস বায়ু সে তো ডেকে যেত আমারে ।  
ভাবনা কত সাজে হৃদিমারে আসিত,  
খেলাতে অবিরত কত শত আকারে ।

বিরহ-পরিপূত ছায়াযুত শরনে,  
ঘুমের সাথে নৃতি আসে নিতি নয়নে ।  
কপোত ছুটি ডাকে বসি শাখে মধুরে,  
দিবস চলে যায় গলে যায় গগনে ।  
কোকিল হুহুতানে ডেকে আনে বধুরে,  
নিবিড় শীতলতা উরুলতা- গহনে ।

আকাশে চাহিতাম গাহিতাম একাকী;  
 মমের যত কথা ছিল সেথা লেখা কি ?  
 দিবস-নিশি ধরে ধ্যান করে তাহারে  
 নীলিমা-পরপার পাব তার দেখা কি ?

ভটিনী অক্ষয়ন ছোট্টে কোন পাথারে,  
 আমি যে গান গাই তারি ঠাই শেখা কি ?  
 বিরহে তারি নাম শুনিতাম পবনে,  
 তাহারি সাথে থাকি মেঘে ঢাকা ভবনে ।  
 পাতার মর মর কলেবর হরষে ;  
 তাহারি পদধ্বনি যেন গনি কাননে ।  
 মুকুল স্কুমার যেন তার পরশে,  
 চাঁদের চোখে স্মৃতি তারি স্মৃতি- স্বপনে ।

করণা অক্ষয়ন প্রাণ মন ভরিত,  
 ঝরিলে ফুলদল চোখে জল ঝরিত ।  
 পবন হুহু করে করিত রে হাহাকার,  
 ধরার তরে যেন মোর প্রাণ ঝুরিত ।  
 হেয়িলে দুখে শোকে কারো চোখে আঁধার  
 তোমারি আঁধি কেন মনে যেন পড়িত ।

শিশুরে কোলে নিয়ে জুড়াইয়ে যেত বুক,  
 আকাশে বিকশিত তোরি মতো স্নেহ-মুখ ।  
 দেখিলে আঁধি রাঙা পাখা-ভাঙা পাখিটি  
 "আহা" ধ্বনি তোর প্রাণে মোর দিত দুখ ।  
 মুছালে দুখ-নীর দুখিনীর আঁধিটি,  
 জাগিত মনে ঘরা দয়াভরা তোর স্মৃতি ।

সারাটা দিনমান রচি গান কত না !  
 তোমারি পাশে রহি যেন কহি বেদনা ।  
 কানন মরমরে কত গুণে কহিত,  
 ধনিত যেন দিশে তোমারি সে রচনা ।  
 সতত দূরে কাছে আগে পাছে বহিত  
 তোমারি যত কথা পাতা-লতা ঝরনা ।

তোমারে আকিতাম, রাধিতাম ধরিয়া  
 বিরহ ছায়াতল স্নেহতল করিয়া ।  
 কখনো দেখি যেন স্নান-হেন মুখানি,  
 কখনো আধিপুটে হাসি উঠে ভরিয়া ।  
 কখনো সারা রাত ধরি হাত দুখানি  
 রহি গো বেশবাসে কেশপাশে মরিয়া ।

বিরহ স্নেহধুর হল দূর কেন রে ?  
 মিলন দাবানলে গেল জলে যেন রে ।  
 কই সে দেবী কই, হেরো ওই একাকার,  
 শ্মশান-বিলাসিনী বিবাসিনী বিহরে ।  
 নাই গো দয়ামায়া স্নেহছায়া নাহি আর,  
 সকলি করে ধুধু প্রাণ শুধু শিহরে ।

জ্যৈষ্ঠ, ১৮৮৭

## ক্ষণিক মিলন

একদা এলোচুলে কোন ভুলে তুলিয়া  
 আসিল সে আমার ভাঙা দ্বার খুলিয়া ।  
 জ্যোৎস্না অনিমিখ, চারি দিক স্তব্ধজন,  
 চাহিল এক বার আঁধি তার তুলিয়া ।  
 দধিন বায়ুভরে ধরধরে কাঁপে বন,  
 উঠিল প্রাণ মম তারি মম তুলিয়া ।

আবার ধীরে ধীরে গেল ফিরে আলসে,  
 আমার সব হিয়া মাড়াইয়া গেল সে ।  
 আমার যাহা ছিল সব নিল আপনায়,  
 হরিল আমাদের আকাশের আলো সে ।  
 সহসা এ অগৎ ছায়াবৎ হয়ে যায়,  
 তাহারি চরণের শরণের লালসে ।

যে জন চলিয়াছে তারি পাছে সবে ধায়,  
 নিখিলে যত প্রাণ যত গান ঘিরে তায় ।  
 সকল রূপ-হার উপহার চরণে,  
 ধায় গো উদাসিয়া যত হিয়া পায় পায় ।  
 যে জন পড়ে থাকে একা শুকে মরণে,  
 স্বদূর হতে হাসি আর বাপি শোনা যায় ।

শব্দ নাহি আর, চারি দ্বার প্রাণহীন,  
 কেবল ধুক ধুক করে বুক নিশিদিন ।  
 যেন গো ধ্বনি এই তারি সেই চরণের,  
 কেবলি বাজে শুনি, তাই শুনি দুই তিন ।  
 কুড়ায়ে সব শেষ অবশেষ স্বরণের  
 বসিয়া এক জন আনমন উদাসীন ।

জোড়াসাঁকো

২ ভাদ্র, ১৮৮২

## শূন্য হৃদয়ের আকাঙ্ক্ষা

আবার মোরে পাগল করে

দিবে কে ?

হৃদয় যেন পাবাণ-হেন

বিরাগ-ভরা বিবেকে ।

আবার প্রাণে নূতন টানে

প্রেমের নদী

পাবাণ হতে উছল স্রোতে

বহার যদি ।

আবার ছুটি নয়নে লুটি

হৃদয় হবে নিবে কে ?

আমার মোরে পাগল করে

দিবে কে ?

আবার কবে ধরণী হবে

তরুণা ?

কাহার প্রেমে আসিবে নেমে

স্বরগ হতে করুণা ?

নিশীথ-নভে শুনিব কবে

গভীর গান,

যে দিকে চাব দেখিতে পাব

নবীন প্রাণ,

নূতন প্রীতি আনিবে নিতি

কুমারী উষা অরুণা ;

আবার কবে ধরণী হবে

তরুণা ?

কোথা এ মোর জীবন-ভোর

বাধা রে ?





কাহার কাছে            না জানি আছে  
 সোনার কাঠি ?  
 পরশ লেগে            উঠিবে ভেগে  
 হরষ-রস-কাকলি ।  
 মারা-কারায়            বিভোর প্রায়  
 সকলি ।

দিবে সে খুলি            এ ঘোর খুলি-  
 আবরণ ।  
 তাহার হাতে            আঁধির পাতে  
 জগত-জাগা জাগরণ ।  
 সে হাসিখানি            আনিবে টানি  
 সবার হাসি,  
 গড়িবে গেহ,            জাগাবে স্নেহ,  
 জীবনরাশি ।  
 প্রকৃতিবধু            চাহিবে মধু,  
 পরিবে নব আভরণ,  
 সে দিবে খুলি            এ ঘোর খুলি-  
 আবরণ ।

পাগল করে            দিবে সে মোরে  
 চাহিয়া,  
 হৃদয়ে এসে            মধুর হেসে  
 প্রাণের গান গাহিয়া  
 আপনা থাকি            ভাসিবে আঁধি  
 আবুল নীরে ;  
 ঝরনা সম            জগৎ মম  
 ঝরিবে শিরে ;

তাহার বাণী            দিবে গো আনি  
সকল বাণী বাহিয়া ।  
পাশল করে            দিবে সে মোরে  
চাহিয়া ।

৪২, পার্ক স্ট্রীট  
আষাঢ়, ১৮৮৭

## আত্মসমর্পণ

আমি এ কেবল মিছে বলি,  
শুধু আপনার মন ছলি ।  
কঠিন বচন শুনায়ে তোমারে  
আপন মর্মে জ্বলি ।

থাক্ তবে থাক্ কৌণ প্রতারণা,  
কী হবে লুকায়ে বাসনা বেদনা,  
যেমন আমার হৃদয়-পরান  
তেমনি দেখাব ধূলি ।

আমি মনে করি যাই দূরে,  
তুমি রয়েছ বিশ্ব জুড়ে ।  
যত দূরে যাই ততই তোমার  
কাছাকাছি ফিরি ঘুরে ।

চোখে চোখে থেকে কাছে নহ তবু,  
দূরেতে থেকেও দূর নহ কতু,  
সৃষ্টি ব্যাপিমা রয়েছ তবুও  
আপন অন্তঃপুরে ।

আমি যেমনি করিয়া চাই,  
আমি যেমনি করিয়া পাই,

বেদনাবিহীন ওই হাসিমুখ  
 সমান দেখিতে পাই ।  
 ওই রূপরাশি আপনা বিকাশি  
 রয়েছে পূর্ণ গৌরবে ভাসি,  
 আমার ভিখারি প্রাণের বাসনা  
 হোথায় না পায় ঠাই ।

তুধু ফুটন্ত ফুল-মাজে  
 দেবী, তোমার চরণ সাজে  
 অভাব-কঠিন মলিন মর্ত্য  
 কোমল চরণে বাজে ।  
 জেনে শুনে তবু কী ভ্রমে তুলিয়া,  
 আপনারে আমি এনেছি তুলিয়া  
 বাহিরে আসিয়া নরিত্র আশা  
 লুকাতে চাহিছে লাজে ।

তবু থাক পড়ে ওইখানে,  
 চেয়ে তোমার চরণপানে ।  
 যা দিরেছি তাহা গেছে চিরকাল  
 আর কিরবে না প্রাণে ।  
 তবে ভালো করে দেখো এক বার  
 নীনতা হীনতা বা আছে আমার,  
 ছিন্ন মলিন অনাবৃত হিয়া  
 অভিমান নাহি জানে ।

তবে লুকাব না আমি আর  
 এই ব্যথিত হৃদয়ভার ।  
 আপনার হাতে চাব না রাখিতে  
 আপনার অধিকার ।

বাঁচলাম প্রাণে তেয়াগিণী লাজ,  
বহু বেদনা ছাড়া পেল আজ,  
আশা-নিরাশায় তোমারি যে আমি  
জানাইলুম শত বার ।

ছোড়াসাঁকো

১১ ভাদ্র, ১৮৮২

## নিষ্ফল কামনা

বৃথা এ ক্রন্দন ।

বৃথা এ অনল-ভরা ছুরন্ত বাসনা ।

রবি অস্ত যায় ।

অরণ্যেতে অঙ্ককার আকাশেতে আলো ।

সন্ধ্যা নত-আঁধি

ধীরে আসে দিবার পশ্চাতে ।

বহে কি না বহে

বিদায়-বিষাদ-শ্রান্ত সন্ধ্যার বাতাস ।

✓ দুটি হাতে হাত দিয়ে ক্ষুধার্ত নয়নে

চেষ্টে আছি দুটি আঁধি মাঝে ।

✓ খুঁজিতেছি, কোথা তুমি,

কোথা তুমি ।

যে অমৃত লুকানো তোমায়

সে কোথায় ।

অঙ্ককার সন্ধ্যার আকাশে

বিজ্ঞান তারার মাঝে কাঁপিছে যেমন

স্বর্গের আলোকময় রহস্য অসীম,

ওই নয়নের

নিবিড় তিমির-তলে, কাঁপিছে তেমনি

আত্মার রহস্য-শিখা ।

তাই চেয়ে আছি ।  
 প্রাণ মন সব লয়ে তাই ডুবিতেছি  
 অতল আকাজকা-পারাবারে ।  
 তোমার আধির মাঝে,  
 হাসির আড়ালে,  
 বচনের সুখাস্রোতে,  
 তোমার বদনব্যাপী  
 করুণ শান্তির তলে  
 তোমায়ে কোথায় পাব  
 তাই এ কন্দন ।

বৃথা এ কন্দন ।  
 হায় রে ছরাশা,  
 এ রহস্য, এ আনন্দ তোর তরে নয় ।  
 বাহা পাস তাই ভালো,  
 হাসিটুকু, কথাটুকু,  
 নয়নের দৃষ্টিটুকু,  
 প্রেমের আভাস ।  
 সমগ্র মানব তুই পেতে চাস,  
 এ কী দুঃসাহস ।  
 কী আছে বা তোর,  
 কী পারিবি দিতে ।  
 আছে কি অনন্ত প্রেম ?  
 পারিবি মিটাতে  
 জীবনের অনন্ত অভাব ?  
 মহাকাশ-ডরা  
 এ অসীম অগৎ-অনতা,  
 এ নিবিড় আলো অন্ধকার,  
 কোটি ছায়াপথ, মারাপথ,  
 দুর্গম উন্নয়-অস্তাচল,

এরি মাঝে পথ করি

পারিবি কি নিয়ে যেতে

চির-সহচরে

চির রাত্রিদিন

একা অসহায় ?

যে জন আপনি ভীত, কাতর, দুর্বল,  
 ম্লান, ক্ষুধাতৃষাতুর, অন্ধ, দিশাহারা,  
 আপন হৃদয়ভারে পীড়িত অর্জর,  
 সে কাহারে পেতে চায় চিরদিন তরে ?

ক্ষুধা মিটাবার খাণ্ড নহে যে মানব,

কেহ নহে তোমার আমার ।

অতি সযতনে,

অতি সংগোপনে,

স্বখে দুঃখে, নিশীথে দিবসে,

বিপদে সম্পদে,

জীবনে মরণে,

শত ঋতু-আবর্তনে

বিশ্বজগতের তরে ঈশ্বরের তরে

শতদল উঠিতেছে ফুটি ;

স্বতীক্ল বাসনা-ছুরি দিয়ে

তুমি তাহা চাও ছিঁড়ে নিতে ?

লও তার মধুর সৌরভ,

দেখো তার সৌন্দর্য-বিকাশ,

মধু তার করো তুমি পান,

ভালোবাসো, প্রেমে হও বলী,

চেষ্টা না তাহারে ।

আকাঙ্ক্ষার ধন নহে আত্মা মানবের ।

শান্ত সন্ধ্যা, শুভ কোলাহল ।  
নিবাও বাসনাবহি নয়নের নীরে,  
চলো ধীরে ঘরে ফিরে বাই ।

১৩ অগ্রহায়ণ, ১৮৮৭

## সংশয়ের আবেগ

ভালোবাস কি না বাস বুদ্ধিতে পারি নে,  
তাই কাছে থাকি ।  
তাই তব মুখপানে রাখিয়াছি মেলি  
সর্বগ্রাসী আঁধি ।  
তাই সারা রাত্রিদিন প্রাণ্ডি-তৃপ্তি-নিদ্রাহীন  
করিতেছি পান  
যতটুকু হাসি পাই, যতটুকু কথা,  
যতটুকু গান ।  
তাই কতু ফিরে বাই, কতু ফেলি শ্বাস,  
কতু ধরি হাত,  
কখনো কঠিন কথা, কখনো সোহাগ,  
কতু অশ্রুপাত ;  
তুলি ফুল দেব বলে, ফেলে দিই ভূমিতলে,  
করি খান খান ।  
কখনো আপন মনে আপনার সাথে  
করি অভিমান ।  
জানি যদি ভালোবাস চির-ভালোবাসা,  
জনমে বিশ্বাস,  
বেধা তুমি যেতে বল সেখা যেতে পারি,  
ফেলি নে নিশ্বাস ।

তরঙ্গিত এ হৃদয় তরঙ্গিত সমুদয়  
 বিশ্বচরাচর  
 মুহূর্তে হইবে শান্ত, টলমল প্রাণ  
 পাইবে নির্ভর ।

বাসনার তীব্র জ্বালা দূর হয়ে যাবে,  
 যাবে অভিমান,  
 হৃদয়-দেবতা হবে, করিব চরণে  
 পুষ্প-অর্ঘ্য দান ।

দিবানিশি অবিরল লয়ে শ্বাস অশ্রুজল  
 লয়ে হাহতাশ  
 চির ক্ষুধাতৃষা লয়ে আধির সম্মুখে  
 করিব না বাস ।

তোমার প্রেমের ছায়া আমারে ছাড়ায়ে  
 পড়িবে স্রগতে  
 মধুর আধির আলো পড়িবে সতত  
 সংসারের পথে ।

দূরে যাবে ভয় লাজ, সাধিব আপন কাজ  
 শত গুণ বলে,  
 বাড়িবে আমার প্রেম পেয়ে তব প্রেম,  
 দিব তা সকলে ।

নহে তো আঘাত করো কঠোর কঠিন  
 কেঁদে যাই চলে ।  
 কেড়ে লও বাহু তব ফিরে লও আধি,  
 প্রেম দাও দলে ।

কেন এ সংশয়-ডোরে বাঁধিয়া রেখেছ মোরে,  
 বহে যায় বেলা ।

জীবনের কাজ আছে,—প্রেম নহে ফাঁকি  
 প্রাণ নহে খেলা ।



## বিচ্ছেদের শান্তি

সেই ভালো, তবে তুমি যাও ।  
 তবে আর কেন মিছে করণ-নয়নে  
 আমার মুখের পানে চাও ।  
 এ চোখে ভাসিছে জল, এ শুধু মায়ায় ছল,  
 কেন কাঁদি তাও নাহি জানি ।  
 নীরব আঁধার রাতি, তারকার স্নান ভাতি,  
 মোহ আনে বিদায়ের বাণী ।  
 নিশিমেবে দিবালোকে এ জল রবে না চোখে  
 শান্ত হবে অধীর হৃদয়,  
 অগ্রত জগৎ মাঝে ধাইব আপন কাছে  
 কাঁদিবার রবে না সময় ।

দেখেছি অনেক দিন বন্ধন হয়েছে কীর্ণ  
 ছেঁড় নাই করণার বশে ।  
 গানে লাগিত না সুর, কাছে থেকে ছিলে দূর,  
 যাও নাই কেবল আলসে ।  
 পরান ধরিয়া তবু পারিতাম না তো কত  
 তোমা ছেড়ে করিতে গমন ।  
 প্রাণপণে কাছে থাকি দেখিতাম মেলি আঁধি  
 পলে পলে প্রেমের মরণ ।  
 তুমি তো আপন হতে এসেছে বিদায় ল'তে  
 সেই ভালো, তবে তুমি যাও ।  
 যে প্রেমতে এত ভয় এত দুঃখ লেগে রয়  
 সে বন্ধন তুমি ছিঁড়ে নাও ।

আমি রহি এক ধারে, তুমি যাও পরপারে,  
 মাঝখানে বহুক বিস্মৃতি ;  
 একেবারে ভুলে যেয়ো, শত গুণে ভালো সেও,  
 ভালো নয় প্রেমের বিকৃতি ।

কে বলে যায় না ভোলা, মরণের দ্বার খোলা,  
সকলেরি আছে সমাপন ।

নিবে যায় দাবানল, শুকায় সমুদ্র-জল,  
খেমে যায় ঝটিকার রণ ।

থাকে শুধু মহা শাস্তি, মৃত্যুর জ্বাল কাস্তি,  
জীবনের অনন্ত নিৰ্ব্বার,—

শত সুখী দুঃখ দলে কালচক্র যায় চলে  
রেখা পড়ে যুগ-যুগান্তর ।

যেখানে যে এসে পড়ে, আপনার কাজ করে,  
সহস্র জীবনমাঝে মিশে,

কত যায় কত থাকে, কত ভোলে কত রাখে,  
চলে যায় বিষাদে হরিষে ।

তুমি আমি যাব দূরে, তবুও জগৎ ঘুরে,  
চন্দ্র সূর্য জাগে অবিরল,

থাকে সুখ দুঃখ লাজ, থাকে শত শত কাজ,  
এ জীবন হয় না নিফল ।

মিছে কেন কাটে কাল, ছিঁড়ে দাঁও স্বপ্নজাল,  
চেতনার বেদনা জাগাও,—

নূতন আশ্রয় ঠাই, দেখি পাই কিনা পাই,—  
সেই ভালো তবে তুমি যাও ।

১৪ অগ্রহায়ণ, ১৮৮৭

## তবু

তবু মনে রেখো, যদি দূরে যাই চলি,  
সেই পুরাতন প্রেম যদি এক কালে  
হয়ে আসে দূরত্ব কাহিনী কেবলি,  
ঢাকা পড়ে নব নব জীবনের জালে ।

তবু মনে রেখো, যদি বড়ো কাছে থাকি,  
 নূতন এ প্রেম যদি হয় পুরাতন,  
 দেখে না দেখিতে পায় যদি শ্রান্ত আঁধি,  
 পিছনে পড়িয়া থাকি ছায়ার মতন ।  
 তবু মনে রেখো, যদি তাহে মাঝে মাঝে  
 উদাস বিষাদভরে কাটে সন্ধ্যাবেলা,  
 অথবা শারদ প্রাতে বাধা পড়ে কাজে,  
 অথবা বসন্ত রাতে ধেমে যায় খেলা ।  
 তবু মনে রেখো, যদি মনে প'ড়ে আর  
 আঁধিপ্রান্তে দেখা নাহি দেয় অশ্রুধার ।

১৫ অগ্রহায়ণ, ১৮৮৭

## একাল ও সেকাল

বর্ষা এলায়েছে তার মেঘময় বেণী ।  
 গাঢ় ছায়া সারাদিন,  
 মধ্যাহ্ন তপনহীন,  
 দেখায় শ্রামলতর ক্রাম বনশ্রেণী ।

আজিকে এমন দিনে শুধু পড়ে মনে  
 সেই দিবা-অভিসার  
 পাগলিনী রাধিকার,  
 না জানি সে কবেকার দূর বৃন্দাবনে ।

সেদিনো এমনি বাহু রহিয়া রহিয়া ।  
 এমনি অশ্রান্ত বৃষ্টি,  
 তড়িৎ চকিত দৃষ্টি,  
 এমনি কাতর হার রমণীর হিয়া ।

বিরহিণী মর্ষে-মরা মেঘমস্ত স্বরে ;  
 নয়নে নিমেষ নাহি,  
 গগনে রহিত চাহি,  
 আঁকিত প্রাণের আশা জলদের স্তরে ।

চাহিত পথিকবধু শূন্য পথপানে ।  
 মল্লার গাহিত কারা,  
 ঝরিত বরষাধারা,  
 নিতান্ত বাজিত গিয়া কাতর পরানে ।

যক্ষনারী বীণা কোলে ভূমিতে বিলীন ;  
 বক্ষে পড়ে রুক কেশ,  
 অযত্ন-শিথিল বেশ ;  
 সেদিনো এমনিতির অঙ্ককার দিন ।

সেই কদম্বের মূল, যমুনার তীর,  
 সেই সে শিখীর নৃত্য  
 এখনো হরিছে চিত্ত,  
 ফেলিছে বিরহছায়া আঁবণ তিমির ।

আজ্ঞো আছে বৃন্দাবন মানবের মনে ।  
 শরতের পূর্ণিমায়  
 আঁবণের বরিষায়  
 উঠে বিরহের গাথা বনে উপবনে ।

এখনো সে বাঁশি বাজে যমুনার তীরে ।  
 এখনো প্রেমের পেলা,  
 সারা দিন, সারা বেলা  
 এখনো কাঁদিছে রাখা হৃদয়-কুটিরে ।

## আকাঙ্ক্ষা

আর্দ্র তীব্র পূর্ব বায়ু বহিতেছে বেগে,  
 ঢেকেছে উদয়পথ ঘননীল মেঘে ।  
 দূরে গঙ্গা, নৌকা নাই, বালু উড়ে যায় ।  
 বসে বসে ভাবিতেছি, আজি কে কোথায় ।

শুষ্ক পাতা উড়ে পড়ে জনহীন পথে,  
 বনের উতল রোল আসে দূর হতে ।  
 নীরব প্রভাত-পাখি, কল্পিত কুলায়,  
 মনে আগিতেছে সদা, আজি সে কোথায় ।

কত কাল ছিল কাছে, বলি নি তো কিছু,  
 দিবস চলিয়া গেছে দিবসের পিছু ।  
 কত হাস্তপরিহাস, বাক্য-হানাহানি,  
 তার মাঝে রয়ে গেছে হৃদয়ের বাণী ।

মনে হয় আজ যদি পাইতাম কাছে,  
 বলিতাম হৃদয়ের যত কথা আছে ।  
 বচনে পড়িত নীল জলদের ছায়,  
 ধ্বনিতে ধ্বনিতে আর্দ্র উত্তরোল বায় ।

ঘনাইত নিস্তরতা দূর ঝটিকার,  
 নদীতীরে মেঘে বনে হত একাকার ।  
 এলো কেশ মুখে তার পড়িত নামিরা,  
 নয়নে সজল বাষ্প রহিত ধামিরা ।

জীবনমরণময় স্নগভীর কথা,  
 অরণ্যমর্ষরসম মর্ষ-ব্যাকুলতা,  
 ইহপরকালব্যাপী স্মহান প্রাণ,  
 উচ্ছ্বসিত উচ্চ আশা, মহেশ্বর গান,

বৃহৎ বিষাদ ছায়া, বিরহ গভীর,  
 প্রচ্ছন্ন হৃদয়রুদ্ধ আকাজক্ষা অধীর,  
 বর্ণন-অতীত যত অক্ষুট বচন,  
 নির্জন ফেলিত ছেয়ে মেঘের মতন ।

যথা দিবা-অবসানে, নিশীথ-নিলয়ে  
 বিশ্ব দেখা দেয় তার গ্রহতারা লয়ে,  
 হান্তপরিহাসমুক্ত হৃদয়ে আমার  
 দেখিত সে অস্তুহীন জগৎ বিস্তার ।

নিম্নে শুধু কোলাহল, খেলাধুলা, হাসি,  
 উপরে নির্নিপুণ শাস্ত অস্তর-আকাশ ।  
 আলোকেতে দেখো শুধু কণিকের খেলা,  
 অন্ধকারে আছি আমি অসীম একেলা ।

কতটুকু ক্ষুদ্র মোরে দেখে গেছ চলে,  
 কত ক্ষুদ্র সে বিদায় তুচ্ছ কথা বলে ।  
 কল্পনার সত্যরাজ্য দেখাই নি তারে,  
 বসাই নি এ নির্জন আত্মার আধারে ।

এ নিভূতে, এ নিস্তকে এ মহত্ব মাঝে  
 দুটি চিন্তা চিরনিশি যদি রে বিরাজে,  
 হাসিহীন শব্দশূন্য ব্যোম দিশাহারা,  
 প্রেমপূর্ণ চারি চক্ষু জাগে চারি তারা ।

শ্রাস্তি নাই, তৃপ্তি নাই, বাধা নাই পথে,  
 জীবন ব্যাপিয়া যার জগতে জগতে,  
 দুটি প্রাণতন্ত্রী হতে পূর্ণ একতানে  
 উঠে গান অসীমের সিংহাসনপানে ।

## নিষ্ঠুর সৃষ্টি

মনে হয় সৃষ্টি বুঝি বাধা নাই নিয়ম-নিগড়ে,  
 আনাগোনা মেলামেশা সবি অঙ্ক দৈবের ঘটনা ।  
 এই ভাঙে, এই গড়ে,  
 এই উঠে, এই পড়ে,  
 কেহ নাহি চেয়ে দেখে কার কোথা বাজিছে বেদনা ।

মনে হয়, যেন ওই অব্যাহিত শূন্যতলপথে  
 অকস্মাৎ আসিয়াছে সৃষ্ণনের বস্তা ভয়ানক ;  
 অজ্ঞাত শিখর হতে  
 সহসা প্রচণ্ড স্রোতে  
 ছুটে আসে সূর্য চন্দ্র, খেয়ে আসে লক্ষ কোটি লোক ।

কোথাও পড়েছে আলো, কোথাও বা অঙ্ককার নিশি,  
 কোথাও সফেন শুভ্র, কোথাও বা আবর্ত আবিল,  
 সৃষ্ণনে প্রলয়ে মিশি  
 আক্রমিছে দশ দিশি,  
 অনন্ত প্রশান্ত শূন্য তরঙ্গিয়া করিছে ফেনিল ।

মোরা শুধু খড়কুটো স্রোতোমুখে চলিয়াছি ছুটি  
 অর্ধ পলকের তরে কোথাও দাঁড়াতে নাহি ঠাই ।  
 এই ডুবি, এই উঠি,  
 ঘুরে ঘুরে পড়ি নুটি,  
 এই যারা কাছে আসে, এই তারা কাছাকাছি নাই ।

সৃষ্টি-স্রোত কোলাহলে বিলাপ শুনিবে কে বা কার,  
 আপন গর্জনে বিশ্ব আপনারে করেছে বধির ।  
 শতকোটি হাহাকার  
 কলধ্বনি রচে তার,  
 পিছু কিরে চাহিবার কাল নাই, চলেছে অধীর ।

হায় স্নেহ, হায় প্রেম, হায় তুই মানব-হৃদয়,  
 খসিয়া পড়িলি কোন নন্দনের তটতরু হতে ?  
 যার লাগি সদা ভয়,  
 পরশ নাহিক সয়,  
 কে তারে ভাসালে হেন জড়ময় সৃষ্ণের স্রোতে ?  
 তুমি কি শুনিছ বসি হে বিধাতা হে অনাদি কবি,  
 ক্ষুদ্র এ মানব-শিশু রচিত্তেছে প্রলাপ-জল্পনা ?  
 সত্য আছে শুরু ছবি  
 যেমন উষার রবি,  
 নিয়ে তারি ভাঙে গড়ে মিথ্যা যত কুহক-কল্পনা ।

গাজিপুর

১৩ বৈশাখ, ১৮৮৮

## প্রকৃতির প্রতি

শত শত প্রেমপাশে টানিয়া হৃদয়  
 এ কী খেলা তোর ?  
 ক্ষুদ্র এ কোমল প্রাণ, ইহারে বাধিতে  
 কেন এত জোর ?  
 ঘুরে ফিরে পলে পলে  
 ভালোবাসা নিস ছলে,  
 ভালো না বাসিতে চাস  
 হায় মন-চোর !

হৃদয় কোথায় তোর খুঁজিয়া বেড়াই,  
 নিষ্ঠুরা প্রকৃতি !  
 এত ফুল, এত আলো, এত গন্ধ গান,  
 কোথায় পিরিত্তি !



আপন রূপের রাশে  
আপনি লুকায়ে হাসে,  
আমরা কাঁদিয়া মরি  
এ কেমন রীতি ।

শূন্যক্ষেত্রে নিশিদিন আপনার মনে  
কৌতুকের খেলা ।  
বুঝিতে পারি নে তোর কারে ভালোবাসা  
কারে অবহেলা ।  
প্রভাতে বাহার 'পর  
বড়ো গ্নেহ-সমাদর,  
বিস্মৃত সে ধূলিতলে  
সেই সন্ধ্যাবেলা ।

তবু তোরে ভালোবাসি, পারি নে ভুলিতে  
অগ্নি মায়াবিনী ।  
শ্বেহহীন আলিঙ্গন জাগায় হৃদয়ে  
সহস্র রাগিণী ।  
এই স্তবে ছুঃখে শোকে  
বেঁচে আছি দিবালোকে,  
নাহি চাহি হিমশাস্ত  
অনন্ত ঝামিনী ।

আধো ঢাকা আধো খোলা ওই তোর মুখ  
রহস্য-নিলয়,  
প্রেমের বেদনা আনে হৃদয়ের মাঝে  
সঙ্গে আনে ভয় ।  
বুঝিতে পারি নে তব  
কত ভাব নব নব,  
হাসিয়া কাঁদিয়া প্রাণ  
পরিপূর্ণ হয় ।

প্রাণমন পসারিয়া ধাই জোর পানে  
নাহি দিস ধরা ।

দেখা যায় মুহু মধু কোতূকের হাসি,  
অরুণ-অধরা ।

যদি চাই দূরে যেতে  
কত ফাঁদ থাক পেতে  
কত চল কত বল  
চপলা মুখরা ।

আপনি নাহিক জান আপনার সীমা,  
রহস্য আপন ।

তাই, অন্ধ রজনীতে হবে সপ্তলোক  
নিদ্রায় মগন,  
চূপি চূপি কোতূহলে  
দাঁড়াস আকাশতলে,  
জ্বালাইয়া শত লক্ষ  
নক্ষত্র-কিরণ ।

কোথাও বা বসে আছ চির-একাকিনী,  
চির-মৌনব্রতা ।

চারিদিকে স্কন্ধঠিন তৃণতরুহীন  
মরু-নির্জনতা ।  
রবি শশী শিরোপন্ন  
উঠে যুগ-যুগান্তর,  
চেয়ে শুধু চলে যায়,  
নাহি কয় কথা ।

কোথাও বা খেলা কর বালিকার মতো  
উড়ে কেশবেশ ;  
হাসিরাশি উচ্ছ্বসিত, উৎসেহ মতন,  
নাহি লজ্জালেশ ।

রাধিতে পারে না প্রাণ  
আপনার পরিমাণ,  
এত কথা এত গান  
নাহি তার শেষ ।

কখনো বা হিংসাদীপ্ত উন্মাদ নয়ন  
নিমেষ-নিহত,  
অনাথা ধরার বন্ধে অগ্নি-অভিশাপ  
হানে অবিরত ।  
কখনো বা সঙ্ঘ্যালোকে  
উদাস উদার শোকে  
মুখে পড়ে গান ছায়া  
করণীর মতো ।

তবে তো করেছ বশ এমনি করিয়া  
অসংখ্য পরান ।  
যুগ-যুগান্তর ধরে রয়েছে নূতন  
মধুর বয়ান ।  
সাজি শত মায়া-বাসে  
আছ সকলেরি পাশে,  
তবু আপনারে করে  
কর নাই দান ।

যত অন্ত নাহি পার তত আগে মনে  
মহা রূপরাশি ;  
তত বেড়ে যায় প্রেম যত পাই বাধা,  
যত কাঁদি হাসি ।  
যত তুই দূরে বাস  
তত প্রাণে লাগে কাস,  
যত তোরে নাহি বুঝি  
তত ভালোবাসি ।

## মরণস্বপ্ন

কৃষ্ণপক প্রতিপদ । প্রথম সঙ্খ্যায়  
 স্নান চাঁদ দেখা দিল গগনের কোণে ।  
 ক্ষুদ্র নৌকা ধরথরে চলিয়াছে পালভরে  
 কালস্রোতে যথা ভেসে যায়  
 অলস ভাবনাখানি আধোজাগা মনে ।

এক পারে ভাঙা তীর ফেলিয়াছে ছায়া  
 অন্য পারে ঢালু তট শুভ্র বালুকার  
 মিশে যায় চন্দ্রালোকে, ভেদ নাহি পড়ে চোখে ;  
 বৈশাখের গঙ্গা কৃষ্ণকায়ী  
 তীরতলে ধীরগতি অলস লীলায় ।

স্বদেশ পুরব হতে বায়ু বহে আসে  
 দূর স্বজনের ঘেন বিয়হের বাস ।  
 জাগ্রত আঁখির আগে কখনো বা চাঁদ আগে  
 কখনো বা প্রিয়মুখ ভাসে ;  
 আধেক উলস প্রাণ আধেক উদাস ।

ঘনচ্ছায়া আশ্রুকুঞ্জ উত্তরের তীরে,  
 ঘেন তারা সত্য নহে, স্মৃতি-উপবন ।  
 তীরে, তরু, গৃহ, পথ, জ্যোৎস্নাপটে চিত্রবৎ ;  
 পড়িয়াছে নীলাকাশ নীরে  
 দূর মায়া-জগতের ছায়ার মতন ।

স্বপ্নাকুল আঁখি মুদি ভাসিতেছি মনে,—  
 রাজহংস ভেসে যায় অপার আকাশে  
 দীর্ঘ শুভ্র পাখা খুলি চন্দ্রালোক পানে তুলি ;  
 পৃষ্ঠে আমি কোমল শয়নে ;  
 স্নেহের মরণসম ঘুমঘোর আসে ।

যেন রে প্রহর নাই, নাইক প্রহরী,  
 এ যেন রে দিবাহারা অনন্ত নিশীথ ।  
 নিখিল নির্জন, শুক, শুধু শুনি জলশব্দ  
 কলকল-কল্লোল-লহরী ;  
 নিজা-পারাবার যেন স্বপ্ন-চঞ্চলিত ।

কত যুগ চলে যায় নাহি পাই দিশা ;  
 বিশ্ব নিবু-নিবু, যেন দীপ তৈলহীন ;  
 গ্রাসিয়া আকাশ-কায়া ক্রমে পড়ে মহাছায়া ;  
 নতশিরে বিশ্বব্যাপী নিশা  
 গনিতেছে মৃত্যু-পল এক ছুই তিন ।

চন্দ্র শীর্ণতর হয়ে লুপ্ত হয়ে যায় ;  
 কলধ্বনি ক্ষীণ হয়ে মৌন হয়ে আসে ;  
 প্রেত-নরনের মতো নিনিমেষ তারা যত  
 সবে মিলে মোর পানে চায় ;  
 একা আমি জনপ্রাণী অধুনা আকাশে ।

চির যুগরাত্রি ধরে শতকোটি তারা  
 পরে পরে নিবে গেল গগন মাঝার ;  
 প্রাণপণে চক্ষু চাহি, আঁধিতে আলোক নাহি ;  
 বিঁধিতে পারে না আঁধিতারা  
 তুয়ারকঠিন মৃত্যুহিম অঙ্ককার ।

অসাড় বিহঙ্গ-পাখা পড়িল কুলিয়া,  
 লুটায়ে স্তম্ভীর্ষ গ্রীবা নামিল ময়াল ;  
 ধরিয়া অমৃত অন্ন হহ পতনের শব্দ  
 কর্ণরঞ্জে উঠে আকুলিয়া ;  
 বিধা হয়ে ভেঙে যায় নিশীথ কয়াল ।

সহসা এ জীবনের সমুদয় স্মৃতি  
 কণেক আগ্রত হরে নিমেষে চকিতে  
 আমারে ছাড়িয়ে দূরে পড়ে গেল ভেঙেচুরে ;  
 পিছে পিছে আমি ধাই নিতি ;  
 একটি কণাও আর পাই না লখিতে ।

কোথাও রাখিতে নারি দেহ আপনার,  
 সর্বাঙ্গ অবশ ক্লান্ত নিজ লৌহভারে ;  
 কাতরে ডাকিতে চাহি, খাস নাহি, স্বয় নাহি,  
 কণ্ঠেতে চেপেছে অঙ্ককার ।  
 বিশ্বের প্রলয় একা আমার মাঝারে ।

দীর্ঘ তীক্ষ্ণ হই ক্রমে তীব্র গতিবলে,  
 ব্যাগ্রগামী ঝটিকার আর্ভ স্বয় সম ;  
 স্তম্ব বাণ সৃচিমুখ, অনন্ত কালের বুক  
 বিদীর্ণ করিয়া যেন চলে ।  
 রেখা হয়ে মিশে আসে দেহমন ময় ।

ক্রমে মিলাইয়া গেল সময়ের সীমা ;  
 অনন্তে মুহূর্তে কিছু ভেদ নাহি আর ।  
 ব্যাপ্তিহারা শূন্যসিন্ধু শুধু যেন এক বিন্দু  
 গাঢ়তম অস্তিম কালিয়া ।  
 আমারে গ্রাসিল সেই বিন্দু-পারাবার ।

অঙ্ককারহীন হয়ে গেল অঙ্ককার ।  
 “আমি” ব’লে কেহ নাষ্ট, তবু যেন আছে ।  
 অচৈতন্যতলে অঙ্ক চৈতন্য হইল বন্ধ,  
 রহিল প্রতীকা করি কার ।  
 মৃত হয়ে প্রাণ যেন চিরকাল বাচে ।

নয়ন মেলিছে, সেই বহিছে জাহ্নবী ;  
 পশ্চিমে গৃহের মুখে চলেছে তরণী ।  
 তীরে কুটিরের তলে স্তিমিত প্রদীপ জলে,  
 শূন্যে চাঁদ স্বধামুখচ্ছবি ।  
 স্থপ্ত জীব কোলে লয়ে জাগ্রত ধরণী ।

১৭ বৈশাখ, ১৮৮৮

## কুহুধ্বনি

প্রথর মধ্যাহ্ন-তাপে            প্রান্তর ব্যাপিয়া কাপে  
 বাষ্পশিখা অনল-খসনা ।  
 অবেষ্টিয়া দশ দিশা            যেন ধরণীর তৃষা  
 মেলিয়াছে লেলিহা রসনা ।  
 ছায়া মেলি সারি সারি            শুক আছে তিন চারি  
 সিন্ধু গাছ পাণ্ডু-কিশলয়,  
 নিম্বক ঘনশাখা            গুচ্ছ গুচ্ছ পুষ্পে ঢাকা,  
 আশ্রবন তান্ত্র-কলময় ।  
 গোলক-চাপার ফুলে            গন্ধের হিরোল তুলে,  
 বন হতে আসে বাতায়নে,  
 কাউগাছ ছায়াহীন            নিশ্বসিছে উদাসীন  
 শূন্যে চাহি আপনার মনে ।  
 দূরান্ত প্রান্তর শুধু            তপনে করিছে ধু ধু,  
 বীকা পথ শুক তপ্তকারা ;  
 তারি প্রান্তে উপবন,            বৃহস্পতি সসীরণ,  
 ফুল-গন্ধ, স্ত্রাময়িত ছায়া ।  
 ছায়ার কুটিরখানা            দু-ধারে বিছায়ে জানা  
 পক্ষীসম করিছে বিরাজ ;  
 তারি তলে সবে মিলি,            চলিতেছে নিরিবিলা  
 স্থখে চুখে দিবসের কাজ ।

কোথা হতে নিত্ৰাহীন                      রৌদ্রদগ্ধ দীর্ঘ দিন  
কোকিল গাহিছে কুহস্বরে ।  
সেই পুরাতন তান                      প্রকৃতির মর্ম-গান  
পশিতেছে মানবের ঘরে ।

বসি আঙিনার কোণে                      গম ভাঙে দুই বোনে,  
গান গাহে শ্রাস্তি নাহি মানি ;  
বাধা কূপ, তরুতল,                      বালিকা তুলিছে জল  
ধরতাপে স্নান মুখখানি ।  
দূরে নদী, মাঝে চর,                      বসিয়া মাচার 'পর  
শস্ত্রখেত আগলিছে চাষি ;  
রাখালশিঙুরা জুটে                      নাচে গায় খেলে ছুটে ;  
দূরে তরী চলিয়াছে ভাসি ।  
কত কাজ কত খেলা,                      কত মানবের মেলা,  
স্বখদুঃখ ভাবনা অশেষ,  
তারি মাঝে কুহস্বর                      একতান সকাতির  
কোথা হতে লভিছে প্রবেশ ।  
নিখিল করিছে মগ্ন                      জড়িত মিশ্রিত ভগ্ন  
গীতহীন কলরব কত,  
পড়িতেছে তারি 'পর                      পরিপূর্ণ স্বধাস্বর  
পরিষ্ফুট পুষ্পটির মতো ।  
এত কাণ্ড, এত গোল,                      বিচিত্র এ কলরোল  
সংসারের আবর্ত-বিভ্রমে,  
তবু সেই চিরকাল                      অরণ্যের অন্তরাল  
কুহস্বনি ধ্বনিছে পঞ্চমে ।  
যেন কে বসিয়া আছে                      বিশ্বের বন্ধের কাছে  
যেন কোন সরলা সন্দরী,  
যেন সেই রূপবতী                      সংগীতের সরস্বতী  
সন্মোহন বীণা করে ধরি ।



স্বকুমার কর্ণে তার                      ব্যথা দেয় অনিবার  
 গুণ্ণগোল দিবসে নিশীথে ;  
 জটিল সে ঝঙ্কনায়                      বাধিয়া তুলিতে চায়  
 সৌন্দর্যের সরল সংগীতে ।  
 তাই ওই চিরদিন                      ধ্বনিতেছে শ্রান্তিহীন  
 কুহতান, করিছে কাতর ;  
 সংগীতের ব্যথা বাজে,                      মিশিয়াছে তার মাঝে  
 করুণার অহুনয়-স্বর ।

কেহ বসে গৃহমাঝে,                      কেহ বা চলেছে কাজে,  
 কেহ শোনে, কেহ নাহি শোনে,  
 তবুও সে কী মায়ায়                      ওই ধ্বনি থেকে যায়  
 বিশ্বব্যাপী মানবের মনে ।  
 তবু যুগ-যুগান্তর                      মানব-জীবনস্তর  
 ওই গানে আত্ম হয়ে আসে ;  
 কত কোটি কুহতান                      মিশিয়েছে নিজ প্রাণ  
 জীবের জীবন-ইতিহাসে ।  
 স্থখে দুঃখে উৎসবে                      গান উঠে কলরবে  
 বিরল গ্রামের মাঝখানে,  
 তারি সাথে স্খান্বরে                      মিশে ভালোবাসাতরে  
 পাখি-গানে মানবের গানে ।  
 কোজাগর পূর্ণিমায়                      শিশু শূন্তে হেসে চায়  
 ঘিরে হাসে জনক-জননী,  
 স্নদূর বনান্ত হতে                      দক্ষিণ সমীর-স্রোতে  
 ভেসে আসে কুহকুহ ধ্বনি ।  
 প্রচ্ছন্ন তমসাতীরে                      শিশু কুশলব ফিরে,  
 সীতা হেরে বিষাদে হরিষে,  
 ঘন সহকারশাখে                      মাঝে মাঝে পিক ডাকে,  
 কুহতানে করুণা বরিষে ।

লতাকুঞ্জে তপোবনে                      বিজনে ছয়স্বপনে  
 শকুন্তলা লাজে ধরধর,  
 তখনো সে কুহ-ভাষা                      রমণীর ভালোবাসা  
 করেছিল সুমধুরতর ।  
 নিস্তরু মধ্যাহ্নে তাই                      অতীতের মাঝে ধাই,  
 গুনিয়া আকুল কুহরব ।  
 বিশাল মানব-প্রাণ                      মোর মাঝে বর্তমান,  
 দেশকাল করি অভিভব ।  
 অতীতের দুঃখ-সুখ,                      দূরবাসী প্রিয়মুখ,  
 শৈশবের স্বপ্নশ্রুত গান,  
 ওই কুহমন্ত্রবলে                      জাগিতেছে দলে দলে  
 লভিতেছে নূতন পরান ।

গাজিপুর

শান্তিনিকেতন

২২ বৈশাখ, ১৮৮৮

৫ কা্তিক, ১৮৮৮ । সংশোধন

## পত্র

বাসস্থান পরিবর্তন উপলক্ষ্যে

বন্ধুবর,  
 দক্ষিণে বেঁধেছি নীড়,                      চূকেছে লোকের ভীড়  
 বন্ধুনির বিড় বিড় গেছে খেমে-থুমে ।  
 আপনারে করে জড়ো                      কোণে বসে আছি দড়ো,  
 আর সাধ নেই বড়ো আকাশ-কুসুম ।  
 সুখ নেই আছে শান্তি,                      ঘুচেছে মনের ভ্রান্তি,  
 “বিমুখা বান্ধবা যান্তি” বুঝিমাছি সার ;  
 কাছে থেকে কাটে সুখে                      গল্প ও গুড়ুক হুঁকে,  
 গেলে দক্ষিণের মুখে দেখা নেই আর ।  
 কাজ কী এ মিছে নাট,                      তুলেছি দোকান-হাট,  
 গোলমাল চণ্ডীপাঠ আছি তাই ভুলি ।

তবু কেন খিটিখিটি,                      মাঝে মাঝে কড়া চিঠি,  
 থেকে থেকে ছু-চারিটি চোখা চোখা বুলি ।  
 “পেটে খেলে পিঠে সন্ন”                      এই তো প্রবাদে কন্ন,  
 তুলে যদি দেখা হয় তবু সয়ে থাকি ।  
 হাত করে নিশপিন,                      মাঝে রেখে পোস্টাপিস  
 ছাড় শুধু দশ-বিশ শব্দভেদী ফাঁকি ।  
 বিষম উৎপাত এ কী !                      হায় নারদের ঢেঁকি !  
 শেষকালে এ যে দেখি ঝগড়ার মতো !

মেলা কথা হল জমা,                      এইখানে দিই ‘কমা’,  
 আমার স্বভাব কমা, নিবিবাদ ব্রত ।  
 কেদারার ‘পরে চাপি                      ভাবি শুধু ফিলজাফি,  
 নিতান্তই চুপিচাপি মাটির মাহুস ।  
 লেখা তো লিখেছি টের,                      এখন পেয়েছি টের  
 সে কেবল কাগজের রঙিন ফাহুস ।  
 আধারের কূলে কূলে                      কৌণ শিখা মরে ছলে,  
 পথিকেরা মুখ তুলে চেয়ে দেখে তাই ।  
 নকল নকল হায়                      ঋষতারি পানে ধায়,  
 ফিরে আসে এ ধরায় এক রত্তি ছাই ।  
 সবারে সাজে না ভালো,                      হৃদয়ে স্বর্গের আলো  
 আছে যার, সেই আলো আকাশের ভালো ;  
 মাটির প্রদীপ যার                      নিবে-নিবে বারবার,  
 সে দীপ জলুক তার গৃহের আড়ালে ।  
 যারা আছে কাছাকাছি                      তাহাদের নিয়ে আছি,  
 শুধু ভালোবেসে বাঁচি, বাঁচি যত কাল ।  
 আশা করু নাহি মেটে                      ভূতের বেগার খেটে,  
 কাগজে আঁচড় কেটে, সকাল বিকাল ।  
 কিছু নাহি করি দাওয়া,                      ছাতে বসে খাই হাওয়া  
 যতটুকু পড়ে-পাওয়া ততটুকু ভালো ;

যারা মোরে ভালোবাসে            ঘুরে ফিরে কাছে আসে,  
 হাসিখুশি আশেপাশে নয়নের আলো ।  
 বাহবা যে জন চায়            বসে থাক চৌমাথায়,  
 নাচুক তুণের প্রায় পথিকের স্রোতে ।  
 পরের মুখের বুলি            ভরুক ভিক্ষার বুলি,  
 নাই চাল নাই চুলি ধুলির পর্বতে ।

বেড়ে যায় দীর্ঘ ছন্দ,            লেখনী না হয় বন্ধ,  
 বস্তুতার নাম গন্ধ পেলে রক্ষে নেই ।  
 ফেনা ঢোকে নাকে চোখে,            প্রবল মিলের কোঁকে  
 ভেসে যাই এক রোখে বৃষ্টি দক্ষিণেই ।  
 বাহিরেতে চেয়ে দেখি,            দেবতা-দুর্ধোগ এ কী !  
 বসে বসে লিখিতে কি আর সরে মন !  
 আর্জ বায়ু বহে বেগে,            গাছপালা ওঠে জেগে,  
 ঘনঘোর স্নিগ্ধ মেঘে অঁধার গগন ।  
 বেলা যায়, বৃষ্টি বাড়ে,            বসি আলিসার আড়ে  
 ভিজ়ে কাক ডাক ছাড়ে মনের অস্থখে ।  
 রাজপথ জনহীন,            শুধু পাশ দুই তিন  
 ছাতার ভিতরে লীন ধায় গৃহমুখে ।  
 বৃষ্টি-ঘেরা চারি ধার,            ঘনশ্রাম অঙ্ককার,  
 রূপ রূপ শব্দ, আর ঝর ঝর পাতা ।  
 থেকে থেকে কণে কণে            গুরু গুরু গরজনে  
 মেঘদূত পড়ে মনে আঘাতের গাথা ।  
 পড়ে মনে বরিষার            বৃন্দাবন অভিসার,  
 একাকিনী রাধিকার চকিত চরণ ।  
 শ্যামল তমালতল,            নীল যমুনার জল,  
 আর দুটি ছল ছল নলিন-নয়ন ।  
 এ স্তরা বাদর দিনে            কে বাঁচবে স্তাম বিনে,  
 কাননের পথ চিনে মন যেতে চায় ।

বিজন যমুনা-কূলে                      বিকশিত নীপমূলে  
 কাঁদিয়া পরান বুলে বিরহ-ব্যথায় ।

দোহাই কল্পনা তোর,                      ছিন্ন কবু মায়াভোর,  
 কবিতায় আর মোর নাই কোনো দাবি ;

বিরহ, বকুল, আর                      বৃন্দাবন স্তূপাকার  
 সেগুলো চাপাই কার স্বছে, তাই ভাবি ।

এখন ঘরের ছেলে                      বাঁচি ঘরে ফিরে গেলে,  
 ছ-দণ্ড সময় পেলে নাবার খাবার ।

কলম হাঁকিয়ে ফেরা                      সকল রোগের সেরা,  
 তাই কবি-মাকুষেরা অস্থিচর্মসার ।

কলমের গোলামিটা                      আর নাহি লাগে মিঠা,  
 তার চেয়ে দুধ-ঘিটা বহু গুণে শ্রেয় ।

সাদ্ধ করি এইখানে ;                      শেষে বলি কানে কানে,  
 পুরানো বন্ধুর পানে মুখ তুলে চেয়ো !

বৈশাখ, ১৮৮৭

## সিন্ধুতরঙ্গ

পুরী-তীর্থযাত্রী তরণীর নিমজ্জন উপলক্ষে

দোলে রে প্রলয় দোলে                      অকূল সমুদ্র-কোলে,  
 উৎসব ভীষণ ।

শত পক্ষ ঝাপটিয়া                      বেড়াইছে ঝাপটিয়া  
 হুর্দম পবন ।

আকাশ সমুদ্র সাথে                      প্রচণ্ড মিলনে মাতে,  
 অধিলের আধিপাতে আবারি তিমির ।

বিছাৎ চমকে জ্বাসি,                      হা হা করে কেনরাশি,  
 তীক্ষ্ণ খেত রক্ত হাসি অড়-প্রকৃতির ।

চক্ষুহীন কর্ণহীন                      গেহহীন স্নেহহীন  
মস্ত দৈত্যগণ  
মরিতে ছুটেছে কোথা, ছিঁড়েছে বন্ধন ।

হারাইয়া চারি ধার                      নীলাম্বুধি অঙ্ককার  
কন্ডোলে কন্দনে  
রোষে, জ্বাসে, উর্ধ্ব্বাসে                      অটুরোলে, অটুহাসে,  
উন্মাদ গর্জনে,  
ফাটিয়া ফুটিয়া উঠে,                      চূর্ণ হয়ে যায় টুটে,  
খুঁজিয়া মরিছে ছুটে আপনার কুল,  
যেন রে পৃথিবী ফেলি                      বাহুকি করিছে কেলি  
সহস্রেক ফণা মেলি, আছাড়ি লাজুল ।  
যেন রে তরল নিশি                      টলমলি দশ দিশি  
উঠিছে নড়িয়া,  
আপন নিজার জাল ফেলিছে ছিঁড়িয়া ।

নাই স্বর, নাই ছন্দ,                      অর্থহীন, নিরানন্দ  
জড়ের নর্তন ।  
সহস্র জীবনে বেঁচে                      ওই কি উঠিছে নেচে  
প্রকাণ্ড মরণ ?  
জল বাষ্প বহু বায়ু                      লভিয়াছে অঙ্ক আয়ু,  
নূতন জীবনস্বায়ু টানিছে হতাশে,  
দিশিদিগ নাহি জানে,                      বাধাবিন্ন নাহি মানে  
ছুটেছে প্রলয়গানে আপনারি জ্বাসে ।  
হেরো, মাঝখানে তারি                      আট শত নরনারী  
বাহু বাধি বুক,  
প্রাণে আঁকড়িয়া প্রাণ, চাহিয়া সম্মুখে ।

তরঙ্গী ধরিয়া বাঁকে,            রাকসী বাটিকা হাঁকে  
    "দাও, দাও, দাও!"  
 সিদ্ধ ফেনোচ্ছল ছলে            কোটি উর্ধ্বকরে বলে  
    "দাও, দাও, দাও!"  
 বিলম্ব দেখিয়া রোষে            ফেনায়ে ফেনায়ে ফোসে,  
    নীল বৃত্তা মহাক্রোশে খেত হয়ে উঠে ।  
 ক্ষুদ্র তরী গুরুভার            সহিতে পারে না আর  
    লৌহবন্ধ ওই তার যায় বুঝি টুটে ।  
 অধ উর্ধ্ব এক হয়ে            ক্ষুদ্র এ খেলনা লয়ে  
    খেলিবারে চায় ।  
 দাঁড়াইয়া কর্ণধার তরীর মাথায় ।

নরনারী কম্পমান            ডাকিতেছে ভগবান,  
    হায় ভগবান !  
 দয়া করো, দয়া করো,            উঠিছে কাতর স্বর,  
    রাখো রাখো প্রাণ !  
 কোথা সেই পুরাতন            রবি শশী তারাগণ  
    কোথা আপনার ধন ধরণীর কোল !  
 আজন্মের স্নেহসার            কোথা সেই ঘরঘর,  
    পিশাচী এ বিমাতার হিংস্র উত্তরোল !  
 যে দিকে ফিরিয়া চায়            পরিচিত কিছু নাই,  
    নাই আপনার ;  
    সহস্র করাল মুখ সহস্র আকার ।

কেটেছে তরঙ্গীভল,            সবগে উঠিছে অল,  
    সিদ্ধ মেলে প্রাণ ।  
 নাই তুমি, ভগবান,            নাই দয়া, নাই প্রাণ,  
    অফের বিলাস !

রবীন্দ্র-রচনাবলী

ভয় দেখে ভয় পায়,                      শিশু কাঁদে উভরায় ;  
 নিদারুণ হায় হায় ধামিল চকিতে ।  
 নিমেষেই ফুরাইল,                      কখন জীবন ছিল  
 কখন জীবন গেল নারিল লখিতে ।  
 ঘেন রে একই ঝড়ে                      নিবে গেল একতরে  
 শত দীপ-আলো,  
 চকিতে সহস্র গৃহে আনন্দ ফুরাল !

প্রাণহীন এ মন্ততা                      না জানে পরের ব্যথা,  
 না জানে আপন ।  
 এর মাঝে কেন রয়                      ব্যথা ভরা স্নেহময়  
 মানবের মন !  
 মা কেন রে এইখানে,                      শিশু চায় তার পানে,  
 ভাই সে ভায়ের টানে কেন পড়ে বৃকে !  
 মধুর রবির করে                      কত ভালোবাসাতরে  
 কতদিন খেলা করে কত সুখে দুখে !  
 কেন করে টলমল                      ছুটি ছোটো অশ্রুজল,  
 সক্রমণ আশা !  
 দীপশিখা সম কাঁপে ভীত ভালোবাসা ।

এমন জড়ের কোলে                      কেমনে নির্ভয়ে দোলে  
 নিখিল মানব !  
 সব সুখ সব আশ                      কেন নাহি করে গ্রাস  
 মরণ দানব !  
 ওই যে জন্মের তরে                      জননী ঝাঁপিয়ে পড়ে  
 কেন বাঁধে বন্ধ'পরে সন্তান আপন !  
 মরণের মুখে ধায়,                      সেথাও দিবে না তার,  
 কাড়িয়া রাখিতে চায় হৃদয়ের ধন !



আকাশেতে পারাবারে            দাঁড়ায়েছে এক ধারে  
এক ধারে নারী,  
দুর্বল শিশুটি তার কে লইবে কাড়ি ?

এ বল কোথায় পেলো,            আপন কোলের ছেলে  
এত করে টানে ।

এ নিষ্ঠুর জড়-স্রোতে            প্রেম এল কোথা হতে  
মানবের প্রাণে ।

নৈরাশ্র কতু না জানে,            বিপত্তি কিছু না মানে  
অপূর্ব অমৃতপানে অনন্ত নবীন,

এমন মায়ের প্রাণ            যে বিশ্বের কোনোখান  
তিলেক পেয়েছে স্থান সে কি মাতৃহীন ?

এ প্রলয়মারুখানে            অবলা জননী-প্রাণে  
স্নেহ মৃত্যুজয়ী ;

এ স্নেহ আগায়ে রাখে কোন্ স্নেহময়ী ?

পাশাপাশি এক ঠাই            দয়া আছে, দয়া নাই,  
বিষম সংশয় ।

মহা শঙ্কা মহা আশা            একত্র বেঁধেছে বাসা  
এক সাথে রয় ।

কে বা সত্য, কে বা মিছে,            নিশিদিন আকুলিছে,  
কতু উর্ধ্ব কতু নিচে টানিছে হৃদয় ।

জড় দৈত্য শক্তি হানে,            মিনতি নাহিক মানে,  
প্রেম এসে কোলে টানে দূর করে ভয় ।

এ কি দুই দেবতার            দ্যুতখেলা অনিবার  
ভাঙাগড়াময় ?

চিরদিন অসুহীন অয়পরাজয় ?

৪২, পার্ক স্ট্রীট

আবাড়, ১৮৮৭

## শ্রাবণের পত্র

বন্ধু হে,

পরিপূর্ণ বরষায়                      আছি তব ভরসায়,  
 কাজকর্ম করো সায়, এস চটপট !  
 শামলা আঁটিয়া নিত্য                তুমি করঃডেপুটিয়,  
 একা পড়ে মোর চিন্ত করে ছটফট ।  
 যখন যা সাজে ভাই                    তখন করিবে তাই,  
 কালাকাল মানা নাই কলির বিচার ।  
 শ্রাবণে ডেপুটিপনা                    এ তো কভু নয় সনা-  
 তন প্রথা, এ যে অনা-সৃষ্টি অনাচার ।  
 ছুটি লয়ে কোনো মতে,              পোটমাণ্টো তুলি রখে  
 সেজেগুজে রেলপথে করো অভিসার ।  
 লয়ে দাড়ি, লয়ে হাসি,              অবতীর্ণ হও আসি,  
 ক্রধিয়া জানালা শাসি বসি এক বার ।  
 বজ্ররবে সচকিত                      কাঁপিবে গৃহের ভিত,  
 পথে গুনি কদাচিৎ চক্র খড়খড় ।  
 হা রে রে ইংরাজ-রাজ,              এ সাথে হানিলি বাজ,  
 শুধু কাজ, শুধু কাজ, শুধু খড়খড় ।  
 আমলা-শামলা-শ্রোতে                ভাসাইলি এ ভারতে  
 যেন নেই ত্রিভুগতে হাসি গল্প গান ।  
 নেই বাঁশি, নেই বঁধু,                নেই রে ঘৌবন-মধু,  
 মুছেছে পথিক-বধু সজল নয়ান ।  
 যেন রে শরম টুটে                      কদম্ব আর না ফুটে,  
 কেতকী শিহরি উঠে করে না আকুল ।  
 কেবল অগৎটাকে                      জড়িয়ে সহস্র পাকে  
 গবর্মেণ্ট পড়ে থাকে বিরাট বিপুল ।  
 বিষম রান্ধস ওটা,                    মেলিয়া আপিস-কোটা  
 গ্রাস করে গোটা গোটা বন্ধুবান্ধবে,

বৃহৎ বিদেশে দেশে            কে কোথা তস্য শেবে  
 কোথাকার সর্বনেশে সার্বিসের ফেরে ।  
 এদিকে বাদর ভরা,            নবীন শ্রামল ধরা,  
 নিশিদিন জল-ঝরা সঘন গগন,  
 এদিকে ঘরের কোণে            বিরহিনী বাতায়নে  
 দিগন্তে তমালবনে নয়ন মগন ।  
 হেঁট মুণ্ড করি হেঁট            মিছে কর 'এক্সিটেট,'  
 খালি রেখে খালি পেট ভরিছ কাগজ,  
 এদিকে যে গোরা মিলে            কালা বন্ধু লুটে নিলে,  
 তার বেলা কী করিলে নাই কোনো খোজ ।  
 দেখিছ না আঁধি খুলে            ম্যাক্কেস্ট্‌ লিভারপুলে  
 দেশী শিল্প জলে গুলে করিল 'ফিনিশ' ।  
 "আঘাড়ে গল্প" সে কই,            সেও বুঝি গেল ওই  
 আমাদের নিতান্তই দেশের জিনিস ।  
 তুমি আছ কোথা গিয়া,            আমি আছি শূন্যহিয়া  
 কোথায় বা সে তাকিয়া শোকতাপহরা ।  
 সে তাকিয়া—গল্পগীতি            সাহিত্য-চর্চার স্মৃতি  
 কত হাসি কত শ্রীতি কত তুলো-ভরা !  
 কোথায় সে বহুপতি,            কোথা মধুরার গতি,  
 অথ, চিন্তা করি ইতি কুরু মন স্থির,  
 মায়াময় এ জগৎ            নহে সং নহে সং  
 যেন পদ্মপত্রবৎ, তছপরি নীর ।  
 অতএব করা করে            উত্তর লিখিবে মোরে  
 সর্বদা নিকটে ঘোরে কাল সে করাল ।  
 ( স্ত্রী তুমি ত্যজি নীর            গ্রহণ করিয়ো ক্ষীর )  
 এই তব্ব এ চিঠির জানিয়ো 'মর্যাল' ।

## নিষ্ফল প্রয়াস

ওই যে সৌন্দর্য লাগি পাগল ভুবন,  
 ফুটন্ত অধরপ্রান্তে হাসির বিলাস,  
 গভীর তিমিরমগ্ন আধির কিরণ,  
 লাবণ্যতরঙ্গভঙ্গ গতির উচ্ছ্বাস,  
 যৌবনললিত লতা বাহর বন্ধন,  
 এরা তো তোমারে ঘিরে আছে অক্ষুণ্ণ,  
 তুমি কি পেয়েছ নিজ সৌন্দর্য-আভাস ?  
 মধুরাতে ফুলপাতে করিয়া শয়ন  
 বুঝিতে পার কি নিজ মধু-আলিঙ্গন ?  
 আপনার প্রস্ফুটিত তরুর উল্লাস  
 আপনারে করেছে কি মোহ-নিমগন ?  
 তবে মোরা কী লাগিয়া করি হা-হতাশ ।  
 দেখো শুধু ছায়াখানি মেলিয়া নয়ন ;  
 রূপ নাহি ধরা দেয়—বৃথা সে প্রয়াস ।

৪৯, পার্ক স্ট্রীট

১৮ অগ্রহায়ণ, ১৮৮৭

## হৃদয়ের ধন

কাছে যাই, ধরি হাত, বৃকে লই টানি,—  
 তাহার সৌন্দর্য লয়ে আনন্দে মাথিয়া  
 পূর্ণ করিবারে চাহি মোর দেহখানি,  
 আধিতলে বাহুপাশে কাড়িয়া রাখিয়া ।  
 অধরের হাসি লব করিয়া চুষন,  
 নয়নের দৃষ্টি লব নয়নে আঁকিয়া,  
 কোমল পরশখানি করিয়া বসন  
 রাখিব দিবসনিশি সর্বদা ঢাকিয়া ।

নাই, নাই,—কিছু নাই, শুধু অশেষণ ।  
 নীলিমা লইতে চাই আকাশ ছাঁকিয়া ।  
 কাছে গেলে রূপ কোথা করে পলায়ন,  
 দেহ শুধু হাতে আসে—শ্রান্ত করে হিমা ।  
 প্রভাতে মলিনমুখে কিরে যাই গেহে,  
 হৃদয়ের ধন কতু ধরা যায় দেহে ?

১৮ অগ্রহায়ণ, ১৮৮৭

## নিভৃত আশ্রয়

সন্ধ্যায় একেলা বসি বিজন ভবনে,  
 অল্পমম জ্যোতির্ষরী মাধুরী-মুরতি  
 স্থাপন করিব যত্নে হৃদয়-আসনে ।  
 প্রেমের প্রদীপ লয়ে করিব আবর্তি ।  
 বাধিয়া ছায়ার রুধি আপনার মনে,  
 তাহার আলোকে রব আপন ছায়ার  
 পাছে কেহ কুতূহলে কৌতুক নয়নে  
 হৃদয়-ছয়ারে এসে দেখে হেসে যায় ।  
 ভ্রমর যেমন থাকে কমল-শয়নে,  
 সৌরভ-সদনে, কারো পথ নাহি চায়,  
 পদশব্দ নাহি গনে, কথা নাহি শোনে,  
 তেমনি হইব ময় পবিত্র মায়ায় ।  
 লোকালয় মাঝে থাকি রব তপোবনে,  
 একেলা থেকেও তবু রব সার্থী সনে ।

১৮ অগ্রহায়ণ, ১৮৮৭

## নারীর উক্তি

মিছে তর্ক—থাক তবে থাক ।

কেন কাঁদি বুঝিতে পার না ?

তর্কেতে বুঝিবে তা কি ? এই মুছলাম আঁধি,

এ শুধু চোখের জল, এ নহে ভৎসনা ।

আমি কি চেয়েছি পায়ে ধরে

ওই তব আঁধি-তুলে-চাওয়া,

ওই কথা, ওই হাসি, ওই কাছে-আসা-আসি,

অলক ছুলায়ে দিয়ে হেসে চলে যাওয়া ?

কেন আন বসন্ত নিশীথে

আঁধিভরা আবেশ বিহ্বল,

যদি বসন্তের শেষে শ্রান্ত মনে, ম্লান হেসে

কাতরে খুঁজিতে হয় বিদায়ের ছল ?

আছি যেন সোনার খাঁচার

একখানি পোষ-মানা প্রাণ ।

এও কি বুঝাতে হয় প্রেম যদি নাহি রয়

হাসিয়ে সোহাগ করা শুধু অপমান ?

মনে আছে সেই এক দিন

প্রথম প্রণয় সে তখন ।

বিমল শরৎকাল,

শুভ্র কীর্ণ মেঘজাল,

মৃদু শীত-বায়ু স্নিগ্ধ রবির কিরণ ।

কাননে ফুটিত শেফালিকা,

ফুলে ছেয়ে যেত তরুমূল,

পরিপূর্ণ স্বরধুনী,

কুলুকুলু ধনি তনি,

পরপারে বনশ্রেণী কুয়াশা-আকুল ।

আমা-পানে চাহিয়ে, তোমার

আঁখিতে কাঁপিত প্রাণখানি ।

আনন্দে বিষাদে মেশা                      সেই নয়নের নেশা  
তুমি তো জান না তাহা—আমি তাহা জানি ।

সে কি মনে পড়িবে তোমার—

সহস্র লোকের মাঝখানে

যেমন দেখিতে মোরে,                      কোন আকর্ষণ-ভোরে  
আপনি আসিতে কাছে জানে কি অজ্ঞানে ।

কণিক বিরহ-অবসানে

নিবিড় মিলন-ব্যাকুলতা ।

মাঝে মাঝে সব ফেলি                      রহিতে নয়ন মেলি  
আঁখিতে শুনিতে যেন হৃদয়ের কথা ।

কোনো কথা না রহিলে তবু

শুধাইতে নিকটে আসিয়া ।

নীরবে চরণ ফেলে                      চূপিচূপি কাছে এলে  
কেমনে জানিতে পেতে, ফিরিতে হাসিয়া ।

আজ তুমি দেখেও দেখ না,

সব কথা শুনিতে না পাও ।

কাছে আস আশা করে                      আছি সারাদিন ধরে,  
আনমনে পাশ দিয়ে তুমি চলে যাও ।

দীপ জ্বলে দীর্ঘ ছায়া লয়ে

বসে আছি সন্ধ্যায় ক-জনা,

হয়তো বা কাছে এস,                      হয়তো বা দূরে বস,  
সে সকলি ইচ্ছাহীন দৈবের ঘটনা ।

এখন হয়েছে বহু কাজ,  
 সত্যত রয়েছ অস্তমনে ;  
 সর্বত্র ছিলাম আমি, এখন এসেছি নামি,  
 হৃদয়ের প্রান্তদেশে, ক্ষুদ্র গৃহকোণে ।

দিয়েছিলে হৃদয় যখন,  
 পেয়েছিলে প্রাণমনদেহ,  
 আজ সে হৃদয় নাই, যতই মোহাগ পাই  
 শুধু তাই অবিখাস বিবাদ সন্দেহ ।

জীবনের বসন্তে যাহারে  
 ভালোবেসেছিলে এক দিন,  
 হায় হায় কী কুগ্রহ, আজ তারে অকুগ্রহ,  
 মিষ্ট কথা দিবে তারে শুটি দুই-তিন ।

অপবিত্র ও কর-পরশ  
 সঙ্গে ওর হৃদয় নহিলে ।  
 মনে কি করেছ বঁধু, ও হাসি এতই মধু  
 প্রেম না দিলেও চলে শুধু হাসি দিলে ।

তুমিই তো দেখালে আমায়  
 ( স্বপ্নেও ছিল না এত আশা, )  
 প্রেমে দেয় কতখানি, কোন হাসি কোন বাণী,  
 হৃদয় বাসিতে পারে কত ভালোবাসা ।

তোমারি সে ভালোবাসা দিবে  
 বুঝেছি আজি এ ভালোবাসা,  
 আজি এই দৃষ্টি হাসি, এ আদর রাশি রাশি,  
 এই দূরে চলে-যাওয়া, এই কাছে আসা ।



বুক কেটে কেন অক্ষ পড়ে  
 তবুও কি বুঝিতে পার না ?  
 তর্কেতে বুঝিবে তা কি ? এই মুছলাম আঁধি,  
 এ শুধু চোখের জল, এ নহে ভৎসনা ।

২১ অগ্রহায়ণ, ১৮৮৭

## পুরুষের উক্তি

যেদিন সে প্রথম দেখিল  
 সে তখন প্রথম যৌবন ।  
 প্রথম জীবন-পথে বাহিরিয়া এ জগতে  
 কেমনে বাঁধিয়া গেল নয়নে নয়ন ।

তখন উষার আধো আলো  
 পড়েছিল মুখে ছু-জনার,  
 তখন কে জানে কারে, কে জানিত আপনারে,  
 কে জানিত সংসারের বিচিত্র ব্যাপার ।

কে জানিত আশ্রিত তৃপ্তি ভয়,  
 কে জানিত নৈরাশ্র-যাতনা,  
 কে জানিত শুধু ছায়া যৌবনের মোহনারা,  
 আপনার ক্ষমতার সহস্র হলনা ।

আঁধি মেলি যারে ভালো লাগে  
 তাহারেই ভালো বলে জানি ।  
 সব প্রেম প্রেম নয় ছিল না তো সে সংসার,  
 যে আমারে কাছে টানে তারে কাছে টানি ।

অনন্ত বাসর-স্থ যেন  
 নিত্য-হাসি প্রকৃতি-বধুর,  
 পুষ্প যেন চিরপ্রাণ,            পাণির অশ্রাস্ত গান,  
 বিশ্ব করেছিল ভান অনন্ত মধুর ।

সেই গানে, সেই ফুল ফুলে,  
 সেই প্রাতে, প্রথম ঘোবনে,  
 ভেবেছিহু এ হৃদয়            অনন্ত অমৃতময়  
 প্রেম চিরদিন রয় এ চিরজীবনে ।

তাই সেই আশার উল্লাসে  
 মুখ তুলে চেয়েছিহু মুখে ।  
 সূধাপাত্র লয়ে হাতে            কিরণ-কিরীট মাখে  
 তরুণ দেবতাসম দাঁড়াহু সম্মুখে ।

পত্রপুষ্প-গ্রহতারা-ভরা  
 নীলাধরে মগ্ন চরাচর,  
 তুমি তারি মাঝখানে      কী মূর্তি আঁকিলে প্রাণে,  
 কী ললাট, কী নয়ন, কী শাস্ত অধর ।

সুগভীর কলধ্বনিময়  
 এ বিশ্বের রহস্য অকুল,  
 মাঝে তুমি শতদল            ফুটেছিলে চলচল,  
 তীরে আমি দাঁড়াইয়া সৌরভে আকুল ।

পরিপূর্ণ পৃথিবীর মাঝে  
 উর্ধ্বমুখে চকোর যেমন  
 আকাশের ধারে যায়,      ছিঁড়িয়া দেখিতে চায়  
 অগাধ স্বপন-ছাওয়া জ্যোৎস্না-আবরণ ।

তেমনি সতয়ে প্রাণ মোর  
 তুলিতে যাইত কত বার  
 একান্ত নিকটে গিয়ে                      সমস্ত হৃদয় দিয়ে—  
 মধুর রহস্যময় সৌন্দর্য তোমার ।

হৃদয়ের কাছাকাছি সেই  
 প্রেমের প্রথম আনাগোনা,  
 সেই হাতে-হাতে ঠেকা,    সেই আধো চোখে দেখা,  
 চুপি চুপি প্রাণের প্রথম আনাশোনা ;

অজানিত, সকলি নূতন,  
 অবশ চরণ টলমল,  
 কোথা পথ, কোথা নাই,    কোথা যেতে কোথা যাই,  
 কোথা হতে উঠে হাসি, কোথা অশ্রুজল ।

অকৃত্ত বাসনা প্রাণে লয়ে  
 অব্যাহত প্রেমের ভবনে  
 বাহা পাই তাই তুলি,                      খেলাই আপনা তুলি,  
 কী যে রাখি, কী যে ফেলি, বুঝিতে পারি নে ।

ক্রমে আসে আনন্দ-আলস,  
 কুসুমিত ছায়াতরুতলে ;  
 আগাই সরসী-জল,                      ছিঁড়ি বসে ফুলদল,  
 ধূলি সেও ভালো লাগে খেলাবার ছলে ।

অবশেষে সন্ধ্যা হয়ে আসে,  
 প্রান্তি আসে হৃদয় ব্যাপিয়া,  
 থেকে থেকে সন্ধ্যা-বার                      করে ওঠে হায় হায়,  
 অরণ্য মর্ষরি ওঠে কাপিয়া কাপিয়া ।

মনে হয় একি সব কঁাকি,  
 এই বুঝি, আর কিছু নাই ।  
 অথবা যে রত্ন তরে এসেছিল আশা করে,  
 অনেক লইতে গিয়ে হারাইলু তাই ।

স্বপ্নের কাননতলে বসি  
 হৃদয়ের মাঝারে বেদনা,  
 নিরখি কোলের কাছে মৃৎপিণ্ড পড়িয়া আছে,  
 দেবতারে ভেঙে ভেঙে করেছি খেলনা ।

এরি মাঝে ক্লাস্তি কেন আসে,  
 উঠিবারে করি প্রাণপণ,  
 হাসিতে আসে না হাসি বাজাতে বাজে না বাশি,  
 শরমে তুলিতে নারি নয়নে নয়ন ।

কেন তুমি মূর্তি হয়ে এলে,  
 রহিলে না ধ্যান-ধারণার ।  
 সেই মায়া-উপবন কোথা হল অদর্শন,  
 কেন হায় কাঁপ দিতে শুকাল পাথার ।

অপ্সরাজ্য ছিল ও হৃদয়,  
 প্রবেশিয়া দেখিলু সেখানে  
 এই দিবা, এই নিশা, এই ক্ষুধা, এই তৃষা,  
 প্রাণপাখি কাঁদে এই বাসনার টানে ।

আমি চাই তোমারে যেমন,  
 তুমি চাও তেমনি আমারে,  
 কুতর্ভ হইব আশে গেলেম তোমার পাশে  
 তুমি এসে বসে আছ আমার দুয়ারে ।

সৌন্দর্য-সম্পদ মাঝে বসি

কে আনিত কারিছে বাসনা।

ভিকা, ভিকা, সব ঠাই, তবে আর কোথা বাই

ভিখারিনী হল যদি কমল-আসনা।

তাই আর পারি না সঁপিতে

সমস্ত এ বাহির অস্তর।

এ অগতে তোমা ছাড়া ছিল না তোমার বাড়া, | -

তোমাতে ছেড়েও আজ আছে চরাচর।

কখনো বা চাঁদের আলোতে,

কখনো বসন্ত-সমীরণে,

সেই ত্রিভুবনজয়ী

অপার-রহস্যময়ী

আনন্দ-মুরতিখানি জেগে ওঠে মনে।

কাছে বাই তেমনি হাসিয়া

নবীন যৌবনময় প্রাণে,

কেন হেরি অশ্রুজল,

হৃদয়ের হলাহল,

রূপ কেন রাহুগ্রস্ত মানে অভিমানে।

প্রাণ দিয়ে সেই দেবীপূজা

চেয়ো না চেয়ো না তবে আর।

এস থাকি ছুই জনে

সুখে দুঃখে গৃহকোণে,

দেবতার তরে থাক পূজা-অর্ঘ্যভার।

পার্ক স্ট্রীট

২৩ অগ্রহায়ণ, ১৮৮৭

## শূন্য গৃহে

কে তুমি দিয়েছ স্নেহ মানব-হৃদয়ে,

কে তুমি দিয়েছ প্রিয়জন ।

বিরহের অঙ্ককারে                      কে তুমি কাঁদাও তারে,

তুমিও কেন গো সাথে কর না ক্রন্দন ।

প্রাণ যাহা চায় তাহা দাও বা না দাও,

তা বলে কি করুণা পাব না ?

দুর্লভ ধনের তরে                      শিশু কাঁদে সকাতরে,

তা বলে কি জননীর বাজে না বেদনা ?

দুর্বল মানব-হিয়া বিদীর্ণ যেথায়,

মর্মভেদী যন্ত্রণা বিষম,

জীবন নির্ভরহারা                      ধূলায় লুটায় সারা,

সেথাও কেন গো তব কঠিন নিয়ম ।

সেথাও জগৎ তব চিরমৌনী কেন,

নাহি দেয় আশ্বাসের স্মৃৎ ।

ছিন্ন করি অন্তরাল                      অসীম রহস্যজাল

কেন না প্রকাশ পায় গুপ্ত স্নেহমুখ !

ধরণী জননী কেন বলিয়া উঠে না

—করুণ মর্মর কণ্ঠস্বর—

“আমি শুধু ধূলি নই,                      বৎস, আমি প্রাণময়ী

জননী, তোদের লাগি অন্তর কাতর ।

“নহ তুমি পরিত্যক্ত অনাথ সন্তান

চরাচর নিখিলের মাঝে ;

তোমার ব্যাকুল স্বর                      উঠিছে আকাশ 'পর,

তারায় তারায় তার ব্যথা গিয়ে বাজে ।”

কাল ছিল প্রাণ জুড়ে, আজ কাছে নাই—  
 নিতান্ত সামান্ত এ কি নাথ ?  
 তোমার বিচিত্র ভবে                      কত আছে কত হবে  
 কোথাও কি আছে, প্রভু, হেন বহুপাত ?  
 আছে সেই সূর্যালোক, নাই সেই হাসি,  
 আছে চাঁদ, নাই চাঁদমুখ ।  
 শূন্য পড়ে আছে গেহ,                      নাই কেহ, নাই কেহ,  
 রয়েছে জীবন, নেই জীবনের সুখ ।  
 সেইটুকু মুখখানি, সেই দুটি হাত,  
 সেই হাসি অধরের ধারে,  
 সে নহিলে এ অগৎ                      শুক মরুভূমিবৎ,  
 নিতান্ত সামান্ত এ কি এ বিশ্বব্যাপার ?  
 এ আর্ডবরের কাছে রহিবে অটুট  
 চৌদিকের চিরনবীনতা ?  
 সমস্ত মানব-প্রাণ                      বেদনার কম্পমান  
 নিয়মের লৌহবন্ধে বাজিবে না ব্যথা !

গাজিপুর  
 ১১ বৈশাখ, ১৮৮৮

## জীবন-মধ্যাহ্ন

জীবন আছিল লঘু প্রথম বয়সে,  
 চলেছিছ আপনার বলে,  
 সুদীর্ঘ জীবনযাত্রা নবীন প্রভাতে  
 আরম্ভিছ খেলিবার ছলে ।

অশ্রুতে ছিল না তাপ, হান্তে উপহাস,  
 বচনে ছিল না বিধানল,  
 ভাবনাজকুটিহীন সরল ললাট  
 সুপ্রশান্ত আনন্দ-উজ্জল ।

কুটিল হইল পথ, জটিল জীবন,  
 বেড়ে গেল জীবনের ভার,  
 ধরণীর ধূলিমাঝে গুরু আকর্ষণ  
 পতন হইল কত বার ।

আপনার 'পরে আর কিসের বিশ্বাস,  
 আপনার মাঝে আশা নাই,  
 দর্প চূর্ণ হয়ে গেছে ধূলি সাথে মিশে  
 লজ্জাবস্ত্র জীর্ণ শত ঠাই ।

তাই আজ বার বার ধাই তব পানে,  
 ওহে তুমি নিখিল-নির্ভর !  
 অনন্ত এ দেশকাল আচ্ছন্ন করিয়া  
 আছ তুমি আপনার 'পর ।  
 কণেক দাঁড়িয়ে পথে দেখিতেছি চেয়ে  
 তোমার এ ব্রহ্মাণ্ড বৃহৎ,  
 কোথায় এসেছি আমি, কোথায় যেতেছি,  
 কোন পথে চলেছে জগৎ ।

প্রকৃতির শাস্তি আজি করিতেছি পান  
 চিরশ্রোত সান্ত্বনার ধারা ।  
 নিশীথ-আকাশমাঝে নয়ন তুলিয়া  
 দেখিতেছি কোটি গ্রহতারা,  
 স্বর্গভীর তামসীর ছিদ্রপথে যেন  
 জ্যোতির্ময় তোমার আভাস,  
 ওহে মহা অন্ধকার, ওহে মহা জ্যোতি,  
 অপ্রকাশ, চির-অপ্রকাশ !



যখন জীবন-তার ছিল লঘু অতি,  
 যখন ছিল না কোনো পাপ,  
 তখন তোমার পানে দেখি নাই চেয়ে  
 জানি নাই তোমার প্রতাপ,  
 তোমার অগাধ শান্তি, রহস্য অপার,  
 সৌন্দর্য অসীম অতুলন ।  
 স্তম্ভভাবে মুগ্ধনেত্রে নিবিড় বিন্ময়ে  
 দেখি নাই তোমার ভুবন ।

কোমল সায়াক্ষ-লেখা বিষণ্ণ উদার  
 প্রান্তরের প্রান্ত আশ্রবনে,  
 বৈশাখের নীলধারা বিমলবাহিনী  
 কীণ গঙ্গা সৈকত-শয়নে,  
 শিরোপরি সপ্ত ঋষি, যুগ যুগান্তের  
 ইতিহাসে নিবিষ্ট নয়ান,  
 নিভ্রাহীন পূর্ণচন্দ্র নিস্তম্ভ নিশীথে  
 নিভ্রার সমুদ্রে ভাসমান ।

নিত্য-নিখসিত বায়ু, উন্মেষিত উষা,  
 কনকে শ্রামলে সন্মিলন,  
 দূর-দূরান্তরশায়ী মধ্যাক্ষ উদাস,  
 বনচ্ছায়া নিবিড় গহন,  
 যতদূর নেত্র যায় শশ্বেদীর্ঘরাশি  
 ধরার অঞ্চলতল ভরি,  
 জগতের মর্ম হতে মোর মর্মস্থলে  
 আনিতেছে জীবন-লহরী ।

বচন-অতীত ভাবে ভরিছে স্বপ্ন,  
 নয়নে উঠিছে অশ্রুজল,  
 বিরহ বিষাদ মোর গলিয়া ঝরিয়া  
 ভিজায় বিশ্বের বক্ষঃস্থল ।



স্বপ্নের স্থধীর স্রোতে                      দূরে ভেসে যায় প্রাণ  
 স্বপ্ন হতে নিবপ্ন অভলে,  
 ভাসানো প্রদীপ যথা                      নিবে গিয়ে সন্ধ্যাবারে  
 ডুবে যায় জাহ্নবীর জলে ।

১৬ বৈশাখ, ১৮৮৮

## বিচ্ছেদ

ব্যাকুল নয়ন মোর, অন্তর্যমান রবি,  
 সাগরাহু মেঘাবনত পশ্চিম গগনে,  
 সকলে দেখিতেছিল সেই মুখচ্ছবি ;  
 একা সে চলিতেছিল আপনার মনে ।

ধরণী ধরিতেছিল কোমল চরণ,  
 বাতাস লভিতেছিল বিমল নিশ্বাস,  
 সন্ধ্যার আলোক-আঁকা ছুখানি নয়ন  
 ভূলায়ে লইতেছিল পশ্চিম আকাশ ।

রবি তারে দিতেছিল আপন কিরণ,  
 মেঘ তারে-দিতেছিল স্বর্ণময় ছায়া,  
 মুখহিয়া পথিকের উৎসুক নয়ন  
 মুখে তার দিতেছিল প্রেমপূর্ণ মায়া ।

চারি দিকে শস্যমাণি চিত্রসম হির,  
 প্রান্তে নীল নদীরেখা, দূর পরপারে  
 শুভ্র চর, আরো দূরে বনের ভিমির  
 দহিতেছে অগ্নিদীপ্তি দিগন্ত-মাঝারে ।

দিবসের শেষ দৃষ্টি, অস্তিম মহিমা  
সহসা ঘেরিল, তারে কনক-আলোকে,  
বিষণ্ন কিরণ-পটে মোহিনী-প্রতিমা  
উঠিল প্রদীপ্ত হয়ে অনিমেষ চোখে ।

নিমেষে ঘুরিল ধরা, ডুবিল তপন,  
সহসা সম্মুখে এল ঘোর অস্তুরাল,  
নয়নের দৃষ্টি গেল, রহিল স্বপন,  
অনন্ত আকাশ, আর ধরণী বিশাল ।

১২ বৈশাখ, ১৮৮৮

## মানসিক অভিসার

মনে হয় সেও যেন রয়েছে বসিয়া  
চাহি বাতায়ন হতে নয়ন উদাস,  
কপোলে, কানের কাছে, যায় নিঃসিয়া  
কে জানে কাহার কথা বিষণ্ন বাতাস ।

তাজি তার তরুখানি, কোমল হৃদয়  
বাহির হয়েছে যেন দীর্ঘ অভিসারে,  
সম্মুখে অপার ধরা কঠিন নিদয় ;  
একাকিনী পাড়িয়েছে তাহারি মাঝারে

হয়তো বা এখন সে এসেছে হেথায়  
বুড়ুপদে পশিতেছে এই বাতায়নে,  
মানস-স্মৃতিখানি আকুল আমার  
বাধিতেছে দেহহীন স্বপ্ন-আলিঙ্গনে ।

তারি ভালোবাসা তারি বাহ স্বকোমল  
 উৎকর্ষ চকোর সম বিরহ-স্তিয়ার,  
 বহিরা আনিছে এই পুষ্প-পরিমল,  
 কাদায় তুলিছে এই বসন্ত-বাতাস ।

২১ বৈশাখ, ১৮৮৮

## পত্রের প্রত্যাশা

চিঠি কই ! দিন গেল বইগুলো ছুঁড়ে ফেলো  
 আর তো লাগে না ভালো ছাই পাশ পড়া ।  
 মিটারে মনের খেদ গেঁথে গেছে অবিচ্ছেদ  
 পরিচ্ছেদে পরিচ্ছেদ মিছে মনগড়া ।  
 কাননপ্রান্তের কাছে, ছায়া পড়ে গাছে গাছে,  
 স্নান আলো শুয়ে আছে বালুকার তীরে ।  
 বায়ু উঠে ঢেউ তুলি, টলমল পড়ে ছলি  
 কূলে বাধা নৌকাগুলি জাহুবীর নীরে ।

চিঠি কই ! হেথা এসে একা বসে দূর দেশে  
 কী পড়িব দিনশেষে সন্ধ্যার আলোকে ।  
 গোধূলির ছায়াতলে কে বলে গো মায়াবলে  
 সেই মুখ অশ্রুজলে ঐকে দেবে চোখে ।  
 গভীর গুহন-বনে ঝিল্লিরব উঠে বনে,  
 কে মিশাবে তারি সনে স্মৃতি-কর্ষণব ।  
 তীরতরু ছায়ে ছায়ে কোমল সন্ধ্যার বায়ে  
 কে আনিয়া দিবে গায়ে স্বকোমল কর ।

পাখি তরুশিরে আসে, দূর হতে নীড়ে আসে  
 তরীগুলি তীরে আসে, ফিরে আসে সবে ।  
 তার সেই স্নেহবর ভেদি দূর-দূরান্তর  
 কেন এ কোলের 'পর আসে না নীরবে !

দিনান্তে ঘেঁহের স্বতি                      এক বার আসে নিতি,  
 কলরবভরা প্রীতি লয়ে তার মুখে,  
 দিবসের ভার যত                              তবে হয় অপগত  
 নিশি নিমিষের মতো কাটে স্বপ্নস্থখে ।

সকলি তো মনে আছে,                      যত দিন ছিল কাছে  
 কত কথা বলিয়াছে কত ভালোবেসে,  
 কত কথা শুনি নাই,                      হৃদয়ে পায় নি ঠাই,  
 মুহূর্ত শুনিয়া তাই ভুলেছি নিমেষে ।  
 পাতা পোরাবার ছলে                      আজ সে যা কিছু বলে  
 তাই শুনে মন গলে চোখে আসে জল,  
 তারি লাগি কত ব্যথা,                      কত মনোব্যাকুলতা,  
 দু-চারিটি তুচ্ছ কথা জীবন-সঞ্চল ।

দিবা যেন আলোহীনা                      এই দুটি কথা বিনা  
 “তুমি ভালো আছ কি না” “আমি ভালো আছি !”  
 স্নেহ যেন নাম ডেকে                      কাছে এসে যায় দেখে,  
 দুটি কথা দূর থেকে করে কাছাকাছি ।  
 দরশ পরশ যত                              সকল বন্ধন গত  
 মাঝে ব্যবধান কত নদীগিরিপারে,  
 স্বতি শুধু স্নেহ বয়ে                              হুঁহু করস্পর্শ লয়ে  
 অক্ষরের মালা হয়ে বাঁধে দু-জনারে ।

কই চিঠি ! এল নিশা,                      তিমিরে ডুবিল দিশা,  
 সারা দিবসের তৃষা রয়ে গেল মনে ।  
 অঙ্ককার নদীতীরে                      বেড়াতেছি ফিরে ফিরে,  
 প্রকৃতির শাস্তি ধীরে পশিছে জীবনে ।  
 ক্রমে আঁধি চলছিল,                      দুটি ফোঁটা অশ্রুজল  
 ভিজায় কপোলতল, শুকায় বাতাসে ।  
 ক্রমে অশ্রু নাহি বয়,                      ললাট শীতল হয়  
 রজনীর শান্তিময় শীতল নিশ্বাসে ।

আকাশে অসংখ্য তারা                      চিন্তাহারা ক্লাস্তিহারা  
 হৃদয় বিন্দয়ে সারা হেরি একদিগ্টি ।  
 আর যে আসে না আসে                      মুক্ত এই মহাকাশে  
 প্রতি সন্ধ্যা পরকাশে অসীমের চিঠি ।  
 অনন্ত বারতা বহে,                      অঙ্ককার হতে কহে,  
 “যে রহে যে নাহি রহে কেহ নহে একা ।  
 সীমা-পরপারে থাকি                      সেথা হতে সবে ডাকি,  
 প্রতি রাত্রে লিখে রাখি জ্যোতিপত্রলেখা ।”

২৩ বৈশাখ, ১৮৮৮

## বধু

“বেলা যে পড়ে এল,                      জলকে চল !”—  
 পুরানো সেই স্মরে                      কে যেন ডাকে দূরে,  
 কোথা সে ছায়া সখী,                      কোথা সে জল !  
 কোথা সে বাধা ঘাট,                      অশথ-তল !  
 ছিলাম আনমনে                      একেলা গৃহকোণে,  
 কে যেন ডাকিল রে                      “জলকে চল ।”

কলসী লয়ে কাঁখে                      পথ সে বাঁকা,  
 বায়েতে মাঠ শুধু                      সদাই করে ধুধু,  
 ডাহিনে বাঁশবন                      হেলায়ে শাখা ।  
 দ্বিধির কালো জলে                      সাঁঝের আলো ঝলে,  
 ছু-ধারে ঘন বন                      ছায়ায় ঢাকা ।  
 গভীর ধির নীরে                      ভাসিয়া যাই ধীরে,  
 শিক কুহরে তীরে                      অমির-মাথা ।  
 পথে আসিতে ফিরে,                      আধার তরুশিরে  
 সহসা দেখি চাঁদ                      আকাশে আঁকা ।

রবীন্দ্র-রচনাবলী

অশথ উঠিয়াছে প্রাচীর টুটি,  
 সেখানে ছুটিতাম সকালে উঠি ।  
 শরতে ধরাতল শিশিরে ঝলমল,  
 করবী খোলো খোলো রয়েছে ফুটি ।  
 প্রাচীর বেয়ে বেয়ে সবুজে ফেলে ছেয়ে  
 বেগুনি ফুলে ভরা লতিকা ছুটি ।  
 ফাটলে দিয়ে আঁধি আড়ালে বসে থাকি,  
 আঁচল পদতলে পড়েছে লুটি ।

মাঠের পর মাঠ, মাঠের শেষে  
 হৃদয় গ্রামখানি আকাশে মেশে ।  
 এধারে পুরাতন শ্রামল তালবন  
 সঘন সারি দিয়ে দাঁড়ায় ঘেসে ।  
 বাঁধের জলরেখা ঝলসে, যায় দেখা,  
 জটলা করে তীরে রাখাল এসে ।  
 চলেছে পথখানি কোথায় নাহি জানি,  
 কে জানে কত শত নূতন দেশে ।

হায় রে রাজধানী পাষণ-কায়া !  
 বিরাট মুঠিতলে চাপিছে দৃঢ়বলে,  
 ব্যাকুল বালিকায়ে নাহিকো মায়া !  
 কোথা সে খোলা মাঠ, উদার পথঘাট,  
 পাখির গান কই, বনের ছায়া !

কে যেন চারি দিকে দাঁড়িয়ে আছে ;  
 খুলিতে নারি মন শুনিবে পাছে ।  
 হেথায় বৃথা কঁাদা, দেয়ালে পেয়ে বাধা  
 কঁাদন ফিরে আসে আপন কাছে ।  
 আমার আঁধিজন কেহ না বোঝে ।  
 অবাক হয়ে সবে কারণ ধোঁজে ।



"কিছুতে নাহি তোষ, এ তো বিষম দোষ,  
 গ্রাম্য বালিকার স্বভাব ও যে ।  
 স্বজন প্রতিবেশী এত যে মেশামেশি,  
 ও কেন কোণে বসে নয়ন বোজে ?"

কেহ বা দেখে মুখ কেহ বা দেহ ;  
 কেহ বা ভালো বলে, বলে না কেহ ।  
 ফুলের মালাগাছি বিকাতে আসিয়াছি,  
 পরখ করে সবে, করে না স্নেহ ।

সবার মাঝে আমি ফিরি একেলা ।  
 কেমন করে কাটে সারাটা বেলা ।  
 ইটের 'পরে ইট, মাঝে মানুষ-কীট,  
 নাইকো ভালোবাসা নাইকো খেলা ।

কোথায় আছ তুমি কোথায় মা গো,  
 কেমনে ভুলে তুই আছিস হাঁগো ।  
 উঠিলে নব শশী, ছাদের 'পরে বসি  
 আর কি উপকথা বলিবি না গো !

হৃদয়-বেদনার শূন্য বিছানায়  
 বুঝি মা, আঁখিজলে রজনী ভাগ ।  
 কুম্ভ তুলি লয়ে প্রভাতে শিবালয়ে  
 প্রবাসী তনয়ার কুশল মাগ ।

হেথাও ওঠে চাঁদ ছাদের পারে ।  
 'প্রবেশ মাগে আলো ঘরের দ্বারে ।  
 আমারে খুঁজিতে সে কিরিছে দেশে দেশে,  
 যেন সে ভালোবেসে চাহে আমারে ।

নিমেষতরে তাই আপনা তুলি  
 ব্যাকুল ছুটে ঘাই ছয়ার খুলি ।  
 অমনি চারি ধারে নয়ন উকি মারে,  
 শাসন ছুটে আসে ঝটিকা তুলি ।

দেবে না ভালোবাসা,      দেবে না আলো ।  
 সদাই মনে হয়      আধার ছায়ায়  
 দিঘির সেই জল      শীতল কালো,  
 তাহারি কোলে গিয়ে      মরণ ভালো !

ডাক্‌ লো ডাক্‌ তোরা,      বল্‌ লো বল্‌—  
 “বেলা যে পড়ে এল, জলকে চল্‌ !”  
 কবে পড়িবে বেলা      ফুরাবে সব খেলা,  
 নিবাবে সব জালা      শীতল জল,  
 জানিস যদি কেহ      আমায় বল্‌ !

১১ জ্যৈষ্ঠ, ১৮৮৮

সংশোধন পরিবর্ধন ।

শান্তিনিকেতন । ৭ কার্তিক

## ব্যক্ত প্রেম

কেন তবে কেড়ে নিলে লাজ-আবরণ ?  
 হৃদয়ের দ্বার হেনে      বাহিরে আনিলে টেনে,  
 শেষে কি পথের মাঝে করিবে বর্জন ?

আপন অন্তরে আমি ছিলাম আপনি,  
 সংসারের শত কাজে      ছিলাম সবার মাঝে,  
 সকলে যেমন ছিল আমিও তেমনি ।

তুলিতে পুষ্পার ফুল যেতেম যখন  
 সেই পথ ছায়া-করা,      সেই বেড়া লতাভরা,  
 সেই সরসীর তীরে করবীর বন ।

সেই কুহরিত পিক শিরীষের ডালে,  
 প্রভাতে সখীর মেলা,      কত হাসি কত খেলা,  
 কে জানিত কী ছিল এ প্রাণের আড়ালে ।

বসন্তে উঠিত ফুটে বনে বেলফুল,  
কেহ বা পরিত মালা,            কেহ বা ভরিত ডালা,  
করিত দক্ষিণ বায়ু অঞ্চল আকুল ।

বরষার ঘনঘটা, বিজুলি খেলায় ;  
প্রান্তরের প্রান্ত দিশে            মেঘে বনে যেত মিশে  
জুঁইগুলি বিকশিত বিকাল খেলায় ।

বর্ষ আসে বর্ষ যায়, গৃহকাজ করি,  
স্বখদুঃখ ভাগ লয়ে            প্রতিদিন যায় বয়ে  
গোপন স্বপন লয়ে কাটে বিভাবরী ।

লুকানো প্রাণের প্রেম পবিত্র সে কত,  
আধার হৃদয়তলে            মানিকের মতো জলে,  
আলোতে দেখায় কালো কলঙ্কের মতো ।

ভাঙিয়া দেখিলে ছিছি নারীর হৃদয় ।  
লাজে ভয়ে ধর ধর            ভালোবাসা সকাতির  
তার লুকাবার ঠাই কাড়িলে নিদয় !

আজিও তো সেই আসে বসন্ত শরৎ ।  
বাকা সেই চাঁপা-শাখে            সোনা-ফুল ফুটে থাকে,  
সেই তারা তোলে এসে, সেই ছায়াপথ !

সবাই যেমন ছিল, আছে অবিকল ;  
সেই তারা কাদে হাসে,            কাজ করে, ভালোবাসে,  
করে পূজা, জ্বলে দীপ, তুলে আনে জল ।

কেহ উকি মায়ে নাই তাহাদের প্রাণে,  
ভাঙিয়া দেখে নি কেহ            হৃদয় গোপন গেহ,  
আপন মরম তারা আপনি না জানে ।

আমি আজ ছিন্ন ফুল রাজপথে পড়ি,  
 পল্লবের স্চিকন                      ছায়ানিখ আবরণ  
 তেয়াগি ধুলায় হায় যাই গড়াগড়ি ।

নিভাস্ত ব্যথার বাথী ভালোবাসা দিয়ে  
 সযতনে চিরকাল                      রচি দিবে অন্তরাল,  
 নয় করেছিল প্রাণ সেই আশা নিয়ে ।

মুখ ফিরাতেছ সখা, আজ কী বলিয়া !  
 ভুল করে এসেছিলে ?      ভুলে ভালোবেসেছিলে ?  
 ভুল ভেঙে গেছে তাই যেতেছ চলিয়া ?

তুমি তো ফিরিয়া যাবে আজ বই কাল,  
 আমার যে ফিরিবার                      পথ রাখ নাই আর,  
 ধূলিসাৎ করেছ যে প্রাণের আড়াল ।

এ কী নিদারুণ ভুল ! নিখিল নিলয়ে  
 এত শত প্রাণ ফেলে                      ভুল করে কেন এলে  
 অভাগিনী রমণীর গোপন হৃদয়ে !

ভেবে দেখো আনিয়াছ মোরে কোন খানে !  
 শত লক্ষ আশিভরা                      কোতুক-কঠিন ধরা  
 চেয়ে রবে অনাবৃত কলঙ্কের পানে ।

ভালোবাসা তাও যদি ফিরে নেবে শেষে,  
 কেন লজ্জা কেড়ে নিলে,      একাকিনী ছেড়ে দিলে  
 বিশাল ভবের মাঝে বিবসনা-বেশে !

## শুশ্রূষা প্রেম

তবে পরানে ভালোবাসা কেন গো দিলে  
 রূপ না দিলে যদি বিধি হে !  
 পূজার তরে হিয়া উঠে যে ব্যাকুলিয়া,  
 পূজিব তারে গিয়া কী দিয়ে !

মনে গোপনে থাকে প্রেম, যায় না দেখা,  
 কুসুম দেয় তাই দেবতার ।  
 দাঁড়ায়ে থাকি ঘরে, চাহিয়া দেখি তারে  
 কী বলে আপনারে দিব তার ?

ভালো বাসিলে ভালো যারে দেখিতে হয়  
 সে যেন পারে ভালো বাসিতে !  
 মধুর হাসি তার দিক সে উপহার  
 মাধুরী ফুটে যার হাসিতে !

যার নবনী-সুকুমার কপোলতল  
 কী শোভা পায় প্রেমলাজে গো  
 যাহার ঢলঢল নয়ন শতদল  
 তারেই আধিজল সাজে গো ।

তাই লুকায়ে থাকি সদা পাছে সে দেখে,  
 ভালোবাসিতে মরি শরমে ।  
 কুধিয়া মনোহার প্রেমের কায়াগার  
 রচেছি আপনার মরমে ।

আহা এ তনু-আবরণ শ্রীহীন মান  
 ঝরিয়া পড়ে যদি শুকায়ে,  
 হৃদয়মাঝে মম দেবতা মনোরম  
 মাধুরী নিরুপম লুকায়ে ।

যত গোপনে ভালোবাসি পরান ভরি  
 পরান ভরি উঠে শোভাতে ।  
 যেমন কালো মেঘে অরণ-আলো লেগে  
 মাধুরী উঠে জেগে প্রভাতে ।

আমি সে শোভা কাহারে তো দেখাতে নারি ।  
 এ পোড়া দেহ সবে দেখে যায় ।  
 প্রেম যে চূপে চূপে ফুটিতে চাহে রূপে  
 মনেরি অঙ্কুশে থেকে যায় !

দেখো, বনের ভালোবাসা আঁধারে বসি  
 কুসুমেরে আপনারে বিকাশে ।  
 তারকা নিজ হিয়া তুলিছে উজলিয়া  
 আপন আলো দিয়া লিখা সে ।

ভবে প্রেমের আঁধি প্রেম কাড়িতে চাহে,  
 মোহন রূপ তাই ধরিছে ।  
 আমি যে আপনায় ফুটাতে পারি নাই /  
 পরান কেঁদে তাই মরিছে !

আমি আপন মধুরতা আপনি জানি  
 পরানে আছে যাহা জাগিয়া,  
 তাহারে লয়ে সেথা দেখাতে পারিলে তা  
 যেতো এ ব্যাকুলতা জাগিয়া ।

আমি রূপসী নহি, তবু আমারো মনে  
 প্রেমের রূপ সে তো স্মধুর ।  
 ধন সে যতনের শয়ন-স্থানের  
 করে সে জীবনের তম দূর ।

আমি আমার অপমান সহিতে পারি  
 প্রেমের সহে না তো অপমান ।  
 অমরাবতী তোজে হৃদয়ে এসেছে যে,  
 তাহারো চেয়ে সে যে মহীয়ান ।

পাছে কুরুপ কতু তারে দেখিতে হয়  
 কুরুপ দেহমাবে উদ্দিয়া,  
 প্রাণের এক ধারে দেহের পরপারে  
 তাই তো রাধি তারে কুধিয়া ।

তাই আঁধিতে প্রকাশিতে চাহি নে তারে,  
 নীরবে থাকে তাই রসনা ।  
 মুখে সে চাহে যত নয়ন করি নত,  
 গোপনে মরে কত বাসনা ।

তাই যদি সে কাছে আসে পালাই দূরে,  
 আপন মন-আশা দলে যাই,  
 পাছে সে মোরে দেখে খমকি বলে, "এ কে !"  
 ছু-হাতে মুখ ঢেকে চলে যাই ।

পাছে নয়নে বচনে সে বুদ্ধিতে পারে  
 আমার জীবনের কাহিনী,  
 পাছে সে মনে জানে "এও কি প্রেম জানে !  
 আমি তো এর পানে চাহি নি !"

তবে পরানে ভালোবাসা কেন গো দিলে  
 রূপ না দিলে যদি বিধি হে !  
 পূজার তরে হিরা উঠে যে ব্যাকুলিয়া  
 পূজিব তারে গিয়া কী দিয়ে ।

## অপেক্ষা

সকল বেলা কাটিয়া গেল  
 বিকাল নাহি যায় ।  
 দিনের শেষে শ্রান্ত ছবি  
 কিছুতে যেতে চায় না রবি,  
 চাহিয়া থাকে ধরণীপানে  
 বিদায় নাহি চায় ।

মেঘেতে দিন জড়ায়ে থাকে  
 মিলায়ে থাকে মাঠে,  
 পড়িয়া থাকে তরুর শিরে,  
 কাপিতে থাকে নদীর নীরে,  
 দাঁড়ায়ে থাকে, দীর্ঘ ছায়া  
 মেলিয়া ঘাটে বাটে ।

এখনো ঘুঘু ডাকিছে ডালে  
 করণ একতানে ।  
 অলস দুখে দীর্ঘ দিন  
 ছিল সে বসে মিলনহীন,  
 এখনো তার বিরহ-গাথা  
 বিরাম নাহি মানে ;

বধূরা দেখে আইল ঘাটে  
 এল না ছায়া তবু ।  
 কলস-ঘায়ে উমি টুটে,  
 রশ্মিরালি চূর্ণি উঠে,  
 শ্রান্ত বায়ু শ্রান্ত নীর  
 চূষি যায় কতু ।



দিবস-শেষে বাহিরে এসে  
 সেও কি এতক্ষণে  
 নীলাঘরে অল ঘিরে  
 নেমেছে সেই নিভৃত নীরে,  
 প্রাচীরে ঘেরা ছায়াতে ঢাকা  
 বিজন ফুলবনে ।

শ্লিষ্ট জল মুগ্ধভাবে  
 ধরেছে তহুখানি ।  
 মধুর ছুটি বাহুর ঘায়  
 অগাধ জল টুটিয়া যায়,  
 গ্রীবার কাছে নাচিয়া উঠি  
 করিছে কানাকানি ।

কপোলে তার কিরণ পড়ে  
 তুলেছে রাঙা করি,  
 মুখের ছায়া পড়িয়া জলে  
 নিভেরে যেন খুঁজিছে ছলে  
 জলের 'পরে ছড়ায় পড়ে  
 অঁচল খসি পড়ি ।

জলের 'পরে এলায়ে দিবে  
 আপন রূপখানি,  
 শরমহীন আরাম-স্থখে  
 হাসিটি ভাসে মধুর মুখে,  
 বনের ছায়া ধরার চোখে  
 দিবেছে পাতা টানি ।

## রবীন্দ্র-রচনাবলী

সলিলতলে সোপন 'পরে  
 উদাস বেশবাস ।  
 আধেক কায়া আধেক ছায়া  
 জলের 'পরে রচিছে মায়া,  
 দেহেরে যেন দেহের ছায়া  
 করিছে পরিহাস ।

আশ্রবন মুকুলে ভরা  
 গন্ধ দেয় তীরে ।  
 গোপন শাখে বিরহী পাখি,  
 আপন মনে উঠিছে ডাকি,  
 বিবশ হয়ে বকুল ফুল  
 খসিয়া পড়ে নীরে ।

দিবস ক্রমে মুদিয়া আসে  
 মিলায়ে আসে আলো ।  
 নিবিড় ঘন বনের রেখা,  
 আকাশ-শেষে যেতেছে দেখা,  
 নিদ্রালস আঁখির 'পরে  
 ভুরুর মতো কালো ।

বুঝি বা তীরে উঠিয়াছে সে  
 জলের কোল ছেড়ে ।  
 স্বরিত পদে চলেছে গেহে,  
 সিন্ধু বাস লিপ্ত দেহে,  
 যৌবন-লাবণ্য যেন  
 লইতে চাহে কেড়ে ।

মাঝিরা তুলু বতন করে  
 পরিবে নব বাস ।  
 কাঁচল পরি আঁচল টানি,  
 আঁটিয়া লয়ে কাঁকনখানি  
 নিপুণ করে রচিয়া বেণী  
 বাঁধিবে কেশপাশ ।

উরসে পরি বৃথীর হার,  
 বসনে মাথা ঢাকি  
 বনের পথে নদীর তীরে  
 অঙ্ককারে বেড়াবে ধীরে,  
 গছটুকু সজ্জাবায়ে  
 রেখার মতো রাধি ।

বাঁজিবে তার চরণধ্বনি  
 বৃকের শিরে শিরে ।  
 কখন, কাছে না আসিতে সে  
 পরশ যেন লাগিবে এসে,  
 যেমন করে দধিন বায়ু  
 আগায় ধরশীরে ।

যেমনি কাছে দাঁড়াব গিয়ে  
 আর কি হবে কথা ?  
 কণেক শুধু অবশ কায়  
 ধরকি যবে ছবির প্রায়,  
 সুখের পানে চাহিয়া শুধু  
 সুখের আকুলতা ।

## রবীন্দ্র-রচনাবলী

দৌহার মাঝে ঘুচিয়া যাবে  
আলোর ব্যবধান ।

আধারতলে গুপ্ত হয়ে  
বিশ্ব যাবে লুপ্ত হয়ে,  
আসিবে মুদে লক্ষকোটি  
জাগ্রত নয়ান ।

অঙ্ককারে নিকট করে,  
আলোতে করে দূর ।  
যেমন, দুটি ব্যথিত প্রাণে  
দুঃখনিশি নিকটে টানে,  
স্বপ্নের প্রাতে যাহারা রহে  
আপনা-ভরপুর ।

আঁধারে যেন দু-জনে আর  
দু-জন নাহি থাকে ।  
হৃদয়মাঝে ষতটা চাই  
ততটা যেন পুরিয়া পাই,  
প্রলয়ে যেন সকল যায়,  
হৃদয় বাকি রাখে ।

হৃদয় দেহ আঁধারে যেন  
হয়েছে একাকার ।  
মরণ যেন অকালে আসি  
দিয়েছে সব বাধন নাশি,  
স্মরিতে যেন গিয়েছি দৌহে  
অগৎ-পরপার ।

ছ-দিক হতে ছ-জনে যেন  
 বহিয়া খরধারে  
 আসিতেছিল দৌহার পানে  
 ব্যাকুলগতি ব্যগ্রপ্রাণে,  
 সহসা এসে মিশিয়া গেল  
 নিশীথ-পারাবারে ।

খামিয়া গেল অধীর স্রোত  
 খামিল কলতান,  
 মৌন এক মিলনরাশি  
 তিমিরে সব কেলিল গ্রাসি,  
 প্রলয়তলে দৌহার মাঝে  
 দৌহার অবসান ।

১৪ জ্যৈষ্ঠ, ১৮৮৮

## দূরন্তু আশা

মর্মে ববে মস্ত আশা  
 সর্পসম কোসে  
 অদৃষ্টের বন্ধনেতে  
 দাপিয়া বৃথা রোবে,  
 তখনো ভালোমাত্র সেজে,  
 বাধানো হাঁকা বতনে মেজে,  
 মলিন তাস সজোরে ভেঁজে  
 খেলিতে হবে কবে !  
 অন্নপায়ী বজবাসী  
 স্তম্ভপায়ী জীব  
 জন-দশেকে অটলা করি  
 উক্তগোশে বসে ।

## রবীন্দ্র-রচনাবলী

ভদ্র মোরা, শাস্ত বড়ো,  
 পোষ-মানা এ প্রাণ  
 বোতাম-আঁটা আমার নিচে  
 শাস্তিতে শয়ান ।  
 দেখা হলেই গিষ্ট অতি,  
 মুখের ভাব শিষ্ট অতি,  
 অলস দেহ ক্লিষ্টগতি,  
 গৃহের প্রতি টান ।  
 তৈল-ঢালা স্নিগ্ধ তনু  
 নিজ্রারসে ভরা,  
 মাথায় ছোটো বহরে বড়ো  
 বাঙালি সন্তান !

ইহার চেয়ে হতেম যদি  
 আরব বেহুয়িন,  
 চরণতলে বিশাল মরু  
 দ্বিগন্ডে বিলীন ।  
 ছুটেছে ঘোড়া, উড়েছে বালি,  
 জীবনশ্বোত আকাশে ঢালি  
 হৃদয়তলে বহি জালি  
 চলেছি নিশিদিন ;  
 বরশা হাতে ভরসা প্রাণে  
 সদাই নিরুদ্দেশ,  
 মরুর ঝড় যেমন বহে  
 সকল বাধাহীন ।

বিপদ মাঝে বাঁপায়ে পড়ে,  
 শোণিত উঠে ফুটে ;  
 সকল দেহে সকল মনে  
 জীবন ভেগে উঠে ।

অঙ্ককারে, সূৰ্যালোকে,  
 সস্তরিয়া সূত্যাশোভে  
 নৃত্যময় চিত্ত হতে  
 মস্ত হাসি টুটে ।  
 বিশ্বমাঝে মহান যাহা,  
 সখী পরানের,  
 ঝঙ্কারে ধায় সে প্রাণ  
 সিদ্ধমাঝে লুটে ।

নিমেষতরে ইচ্ছা করে  
 বিকট উল্লাসে  
 সকল টুটে যাইতে ছুটে  
 জীবন-উচ্ছ্বাসে ।  
 শূন্য ব্যোম অপরিমাণ  
 মস্তসম করিতে পান,  
 মুক্ত করি রুদ্ধ প্রাণ,  
 উর্ধ্ব নীলাকাশে ।  
 থাকিতে নারি ক্ষুদ্র কোণে  
 আশ্রয়নছায়ে,  
 স্তম্ভ হয়ে লুপ্ত হয়ে  
 গুপ্ত গৃহবাসে ।

বেহালাখানা বাকারে ধরি  
 বাজাও ও কী স্বর !  
 ভবলা-বীরা কোলেতে টেনে  
 বাজে ভরপুর ।  
 কাগজ নেড়ে উচ্চস্বরে  
 পোলিটিকাল তর্ক করে,  
 জানলা দিয়ে পশিছে ধরে  
 বাতাস সুরঝর ।

## রবীন্দ্র-রচনাবলী

পানের বাটা, ফুলের মালা,  
তবলা বাঁধা ছুটো,  
দস্তভরা কাগজগুলো  
করিয়া দাও দূর !

কিসের এত অহংকার,  
দস্ত নাহি সাজে ।  
বরং থাকো মৌন হয়ে  
সসংকোচ লাজে ।  
অত্যাচারে, মস্তপারা  
কভু কি হও আশ্রহারা ?  
তপ্ত হয়ে রক্তধারা  
ফুটে কি দেহমাঝে ?  
অহর্নিশি হেলার হাসি  
তীব্র অপমান  
মর্মতল বিদ্ধ করি  
বহুসম বাজে ?

দাস্তমুখে হাস্তমুখ,  
বিনীত জোড়কর,  
প্রভুর পদে সোহাগ-মদে  
দোহুল কলেবর ।  
পাদুকাতলে পড়িয়া লুটি,  
ঘুণায় মাখা অন্ন খুঁটি,  
ব্যগ্র হয়ে ভরিয়া মুঠি  
যেতেছ কিরি ঘর ।  
ঘরেতে বসে গর্ব কর  
পূর্বপুরুষের,  
আর্ষভেজ-দর্পভরে  
পৃথ্বী ধরধর !



হেলায়ে মাথা, হাতের আগে  
 মিটে হাসি টানি  
 বলিতে আমি পারিব না তো  
 ভদ্রতার বাণী ।  
 উচ্ছ্বসিত রক্ত আসি  
 বক্ষতল ফেসিছে গ্রাসি,  
 প্রকাশহীন চিন্তারানি  
 করিছে হানাহানি ।  
 কোথাও যদি ছুটিতে পাই  
 বাচিয়া যাই তবে,  
 ভব্যতার গণ্ডিমাঝে  
 শাস্তি নাহি মানি ।

১৮ জ্যৈষ্ঠ, ১৮৮৮

## দেশের উন্নতি

বক্ষতাটা লেগেছে বেশ  
 রয়েছে বেশ কানে,  
 কী যেন করা উচিত ছিল  
 কী করি কে তা জানে !  
 অঙ্ককারে ওই রে শোন্  
 ভারতমাতা করেন 'প্রোন',  
 এ হেন কালে ভীষ্ম হ্রোণ  
 গেলেন কোনখানে !  
 দেশের দুখে সতত দহি  
 মনের ব্যথা সব্বারে কহি,  
 এস তো করি নামটা সহি  
 লক্ষা পিটিশানে ।

## রবীন্দ্র-রচনাবলী

আমি রে ভাই সবাই মাতি,  
যতটা পারি ফুলাই ছাতি,  
নহিলে গেল আর্ষজাতি  
রসাতলের পানে ।

## উৎসাহেতে জলিয়া উঠি

হু-হাতে দাও তালি !  
আমরা বড়ো এ যে না বলে  
তাহারে দাও গালি !  
কাগজ ভরে লেখো রে লেখো,  
এমনি করে যুদ্ধ শেখো,  
হাতের কাছে রেখো রে রেখো  
কলম আর কালি !

চারটি করে অন্ন খেয়ো,  
দুপুরবেলা আপিস খেয়ো,  
তাহার পরে সভায় খেয়ো  
বাক্যানল জালি ;  
কাদিয়া লয়ে দেশের দুখে  
সঙ্কোবেলা বাসায় ঢুকে  
শ্রালীর সাথে হাস্তমুখে  
করিয়ে চতুরালি ।

দূর হটক এ বিড়ম্বনা,

বিক্রমের ভান !

সবারে চাহে বেদনা দিতে

বেদনাভরা প্রাণ ।

আমার এই হৃদয়তলে

শরম-তাপ সন্তত জলে,

তাঁই তো চাহি হাসির ছলে

করিতে লাঙ্গ দান ।

আয় না ভাই বিরোধ তুলি,  
 কেন রে মিছে লাধিয়ে তুলি  
 পথের যত মতের ধূলি  
 আকাশপরিমাণ ।

পরের মাঝে, ঘরের মাঝে  
 মহৎ হব সকল কাজে,  
 নীরবে যেন মরে গো লাঞ্জে  
 মিথ্যা অভিমান ।

ক্ষুদ্রতার মন্দিরেতে  
 বসায় আপনারে  
 আপন পায়ের না দিই যেন  
 অর্ঘ্য ভারে ভারে !

জগতে যত মহৎ আছে  
 হইব নত সবার কাছে,  
 হৃদয় যেন প্রসাদ যাচে  
 তাঁদের ঘারে ঘারে ।

যখন কাজ তুলিয়া যাই  
 মর্মে যেন লজ্জা পাই,  
 নিজেরে নাহি ভূলাতে চাই  
 বাক্যের আধারে ।

ক্ষুদ্র কাজ ক্ষুদ্র নয়  
 এ কথা মনে জাগিয়া বয়,  
 বৃহৎ বলে মনে না হয়  
 বৃহৎ করনারে ।

পরের কাছে হইব বড়ো  
 এ কথা গিয়ে তুলে  
 বৃহৎ যেন হইতে পারি  
 নিজের প্রাণমূলে ।

## রবীন্দ্র-রচনাবলী

অনেক দূরে লক্ষ্য রাখি  
 চূপ করে না বসিয়া থাকি  
 স্বপ্নাতুর দুইটি আঁধি  
 শূন্যপানে তুলে ।  
 ঘরের কাজে রয়েছি পড়ি,  
 তাহাই যেন সমাধা করি,  
 "কী করি" বলে ভেবে না মরি  
 সংশয়েতে ছলে ।  
 করিব কাজ নীরবে থেকে,  
 মরণ যবে লইবৈ ডেকে  
 জীবনরাশি যাইব রেখে  
 ভবের উপকূলে ।

সবাই বড়ো হইলে তবে  
 স্বদেশ বড়ো হবে ;  
 যে কাজে মোরা লাগাব হাত  
 সিদ্ধ হবে তবে ।  
 সত্যপথে আপন বলে  
 তুলিয়া শির সকলে চলে,  
 মরণভয় চরণতলে  
 দলিত হয়ে রবে ।  
 নহিলে শুধু কথাই মরি,  
 বিফল আশা লক্ষ বার,  
 দলাদলি ও অহংকার  
 উচ্চ কলরবে ।  
 আমোদ করা কাজের ভানে,  
 পেখম তুলি গগনপানে  
 সবাই যাতে আপন মানে,  
 আপন গৌরবে ।

বাহবা কবি, বলিছ ভালো,  
 গুনিতে লাগে বেশ ।

এমনি ভাবে বলিলে হবে  
 উন্নতি বিশেষ ।

“ওজস্বিতা” “উদ্দীপনা”

ছুটাও ভাষা অগ্নিকণা,

আমরা করি সমালোচনা

জাগায়ে তুলি দেশ !

বীর্যবল বাছালার

কেমনে বলো টিকিবে আর,

প্রেমের গানে করেছে তার

দুর্দশার শেষ ।

ধাক না দেখা দিন-কতক

যেখানে বসে রয়েছে লোক

সকলে মিলে লিখুক শ্লোক

“জাতীয়” উপদেশ ।

নয়ন বাহি অনর্গল

ফেলিব সব অশ্রুজল

উৎসাহেতে বীরের দল

লোমাক্ষিত কেশ ।

রক্ষা করো ! উৎসাহের

যোগ্য আমি কই ।

সভা-কাপানো করতালিতে

কাতর হয়ে রই ।

দশ জনাতে যুক্তি করে

দেশের বারা মুক্তি করে

কাপার ধরা বসিমা ঘরে

তাদের আমি নই ।

## রবীন্দ্র-রচনাবলী

“জাতীয়” শোকে সবাই জুটে

মরিছে যবে মাথাটা কুটে

দশ দিকেতে উঠিছে ফুটে

বক্তৃতার খই—

হয়তো আমি শয্যা পেতে

মুগ্ধহিয়া আলস্তেতে

ছন্দ গঁথে নেশায় মেতে

প্রেমের কথা কই ।

ওনিয়া যত বীর-শাবক

দেশের যারা অভিভাবক

দেশের কানে হস্ত হানে,

ফুকারে হই হই !

চাহি না আমি অগুগ্রহ-

বচন এত শত ।

“ওজস্বিতা” “উদ্দীপনা”

ধাক্ক আপাতত ।

পষ্ট তবে খুলিয়া বলি,

তুমিও চলো আমিও চলি,

পরস্পরে কেন এ ছলি

নির্বোধের মতো !

ঘরেতে ফিরে খেলো গে তাস

লুটায়ে ভুঁয়ে মিটায়ে আশ

মরিয়া থাকো বারোটি মাস

আপন আঙিনায় ।

পরের দোষে নাসিকা গুঁজে

গল্প খুঁজে গুজব খুঁজে,

আরামে আঁধি আসিবে বুজে

মলিন পতপ্রায় !

ভরল হাসি-মহরী তুলি  
 রচিয়ো বসি বিবিধ বুলি,  
 সকল কিছু ঘাইয়ো তুলি

তুলো না আপনায় !

আমিও রব তোমারি দলে

পড়িয়া এক ধার !

মাছুর পেতে ঘরের ছাতে  
 ডাবা হঁকোটি ধরিয়া হাতে  
 করিব আমি সবার সাথে

দেশের উপকার ।

বিজ্ঞভাবে নাড়িব শির  
 অসংশয়ে করিব স্থির  
 মোদের বড়ো এ পৃথিবীর

কেহই নহে আর !

নয়ন যদি মুদিয়া থাক  
 সে তুল কতু ভাঙিবে নাকো,  
 নিজেরে বড়ো করিয়া রাখ

মনেতে আপনায় !

বাঙালি বড়ো চতুর, তাই  
 আপনি বড়ো হইয়া ঘাই,  
 অথচ কোনো কষ্ট নাই

চেটা নাই তার ।

হোখার দেখে! খাটিয়া মরে,  
 দেশে বিদেশে ছড়ারে পড়ে,  
 জীবন দেয় ধরার তরে

স্নেহ সংসার !

কুকায়ো তবে উচ্চরবে

বাধিয়া এক সার,

মহৎ মোরা বঙ্গবাসী

আঁধ পরিবার !

## বঙ্গবীর

ভুলুবাবু বসি পাশের ঘরেতে  
 নামতা পড়েন উচ্চস্বরেতে,  
 হিন্দি কেতাব লইয়া করেতে  
 কেদারা হেলান দিয়ে ।

ছই ভাই মোরা স্থখে সমাসীন,  
 মেজের উপরে জলে কেয়াসিন,  
 পড়িয়া ফেলেছি চ্যাপ্টার তিন,  
 দাদা এমে, আমি বিএ ।

ষত পড়ি তত পুড়ে যায় তেল,  
 মগজে গজিয়ে উঠে আক্কেল,  
 কেমন করিয়া বীর ক্রমোয়েল  
 পাড়িল রাজার মাথা,  
 বালক যেমন ঠেঙার বাড়িতে,  
 পাকা আমগুলো রহে গো পাড়িতে,  
 কৌতুক ক্রমে বাড়িতে বাড়িতে  
 উলটি ব'য়ের পাতা ।

কেহ মাথা ফেলে ধর্মের তরে,  
 পরহিতে কারো মাথা ধসে পড়ে,  
 রণভূমে কেহ মাথা রেখে মরে  
 কেতাবে রয়েছে লেখা ;  
 আমি কেদারার মাথাটি রাখিয়া  
 এই কথাগুলি চাখিয়া চাখিয়া  
 স্থখে পাঠ করি থাকিয়া থাকিয়া  
 পড়ে কত হয় শেখা !



পড়িয়াছি বসে আনাগার কাছে  
 জ্ঞান খুঁজে কারা ধরা ভ্রমিয়াছে,  
 কবে মরে তারা মুখস্থ আছে  
 কোন মাসে কী তারিখে ।  
 কর্তব্যের কঠিন শাসন  
 সাধ করে কারা করে উপাসন,  
 গ্রহণ করেছে কণ্টকাসন,  
 ধাতার রেখেছি লিখে ।

বড়ো কথা শুনি, বড়ো কথা কই,  
 অড়ো করে নিয়ে পড়ি বড়ো বই,  
 এমনি করিয়া ক্রমে বড়ো হই  
 কে পারে রাখিতে চেপে ।  
 কেদারায় বসে সারা দিন ধরে  
 বই পড়ে পড়ে মুখস্থ করে  
 কতু মাথা ধরে কতু মাথা ঘোরে  
 বুঝি বা ঘাইব খেপে ।

ইংরেজ চেয়ে কিসে মোরা কম !  
 আমরা যে ছোটো সেটা ভারি ভ্রম ;  
 আকার-প্রকার রকম-সকম  
 এতেই যা কিছু ভেদ ।  
 যাহা লেখে তারা তাই ফেলি লিখে,  
 তাহাই আবার বাংলার লিখে  
 করি কত মতো গুরুমারা টীকে,  
 লেখনীর ঘুচে খেদ ।

মোকদ্দুলর বলেছে "আর্ধ,"  
 সেই শুনে সব ছেড়েছি কার্ধ,  
 মোরা বড়ো বলে করেছি ধার্ব,  
 আরামে পড়েছি শুয়ে ।

## রবীন্দ্র-রচনাবলী

মহু না কি ছিল আধ্যাত্মিক,  
 আমরাও তাই,—করিয়াছি ঠিক,  
 এ যে নাহি বলে দিক তারে দিক,  
 শাপ দি পইতে ছুঁয়ে ।

কে বলিতে চায় মোরা নহি বীর,  
 প্রমাণ যে তার রয়েছে গভীর,  
 পূর্বপুরুষ ছুঁড়িতেন তীর,  
 সাক্ষী বেদব্যাস ।

আর কিছু তবে নাহি প্রয়োজন,  
 সভাতলে মিলে বারো-তেরো জন  
 শুধু তরজন আর গরজন  
 এই করো অভ্যাস ।

আলো-চাল আর কাঁচকলা-ভাতে  
 মেখেচুখে নিয়ে কদলীর পাতে  
 ব্রহ্মচর্য পেত হাতে হাতে  
 ঋষিগণ তপ করে,  
 আমরা যদিও পাতিয়াছি মেক,  
 হোটেলের চুকেছি পালিয়ে কালেজ,  
 তবু আছে সেই ব্রাহ্মণ-তেজ  
 মহু-তর্জমা পড়ে ।

সংহিতা আর মুর্গি জবাই  
 এই দুটো কাজে লেগেছি সবাই,  
 বিশেষত এই আমরা ক-ভাই  
 নিমাই নেপাল ভূতো ।  
 দেশের লোকের কানের গোড়াতে  
 বিস্মৃতা নিয়ে লাটিম ঘোরাতে,  
 বক্তৃতা আর কাগজ পোরাতে  
 শিখেছি হাজার ভূতো ।

ম্যারাথন আর ধর্মপলিতে  
 কী যে হয়েছিল বলিতে বলিতে  
 শিরায় শোণিত রহে গো জলিতে  
 পাটের পলিতে সম ।  
 মূর্খ বাহারা কিছু পড়ে নাই  
 তারা এত কথা কী বুঝবে ছাই,  
 ঠা করিয়া থাকে, কভু তোলে ছাই,  
 বুক ফেটে যায় সম ।

আগাগোড়া যদি তাহারা পড়িত  
 গারিবাল্ডির জীবনচরিত  
 না জানি তা হলে কী তারা করিত  
 কেদারায় দিয়ে ঠেস !  
 মিল করে করে কবিতা লিখিত,  
 দু-চারটে কথা বলিতে শিখিত,  
 কিছুদিন তবু কাগজ টিকিত  
 উন্নত হত দেশ ।

না জানিল তারা সাহিত্য-রস,  
 ইতিহাস নাহি করিল পরশ,  
 ওয়াশিংটনের জন্ম-বরষ  
 মুখস্থ হল নাকো ।  
 ম্যাটসিনি লীলা এমন সরেস  
 এরা সে কথার না জানিল লেশ,  
 হা অশিক্ষিত অভাগা বদেশ  
 লজ্জার মুখ ঢাকো ।

আমি দেখে ঘরে চৌকি টানিয়ে  
 লাইব্রেরি হতে ছিট্টি আনিয়ে  
 কত পড়ি, লিখি বানিয়ে বানিয়ে  
 শানিয়ে শানিয়ে ভাষা ।

জলে ওঠে গ্রাণ, মরি পাখা করে;  
উদ্দীপনায় শুধু মাথা ঘোরে,  
তবুও যা হ'ক স্বদেশের তরে  
একটুকু হয় আশা ।

যাক, পড়া যাক "শ্রাস্ত্রি" সমর,  
আহা, ক্রমোয়েল, তুমিই অমর ।  
থাক, এইখানে, ব্যথিছে কোমর,  
কাহিল হতেছে বোধ ।

ঝি কোথায় গেল, নিয়ে আয় সাবু ।  
আরে, আরে এস, এস ননি বাবু ।  
তাস পেড়ে নিয়ে খেলা যাক গ্রাবু  
কালকের দেব শোধ !

২১ জ্যৈষ্ঠ, ১৮৮৮

## সুরদাসের প্রার্থনা

ঢাকো ঢাকো মুখ টানিয়া বসন,  
আমি কবি সুরদাস ।  
দেবী, আসিয়াছি ভিক্ষা মাগিতে  
পুরাতে হইবে আশ ।  
অতি অসহন বহি-দহন  
মর্ম্মঝাঝায়ে করি যে বহন,  
কলঙ্ক রাহ প্রতি পলে পলে  
জীবন করিছে গ্রাস ।  
পবিত্র তুমি, নির্মল তুমি  
তুমি দেবী, তুমি সতী,  
কুৎসিত দীন অধম পামর  
পঙ্কিল আমি অতি ।

তুমিই লক্ষ্মী, তুমিই শক্তি,  
 হৃদয়ে আমার পাঠাও ভক্তি,  
 পাপের তিমির গুড়ে বার জলে  
 কোথা সে পুণ্য-জ্যোতি ।

দেবের করুণা মানবী আকারে,  
 আনন্দধারা বিশ্বমাতারে,  
 পতিতপাবনী গঙ্গা যেমন  
 এলেন পানীর কাজে ।

তোমার চরিত্ত হবে নির্মল,  
 তোমার ধর্ম হবে উজ্জল,  
 আমার এ পাপ করি দাও লীন  
 তোমার পুণ্যমারে ।

তোমাতে কহিব লক্ষ্মী-কাহিনী  
 লক্ষ্মী নাহিকো তার ।

তোমার আভায় মলিন লক্ষ্মী  
 পলকে মিলায়ে যায় ।

যেমন রয়েছে তেমনি দাঁড়াও,  
 আঁধি নত করি আমাপানে চাও,  
 ধুলে দাও মুখ আনন্দময়ী,  
 আবরণে নাহি কাজ ।

নিরখি তোমাতে ভীষণ মধুর,  
 আছ কাছে তবু আছ অতি দূর,  
 উজ্জল যেন দেব-রোয়ানল,  
 উজ্জত যেন বাজ ।

জান কি আমি এ পাপ-আঁধি মেলি  
 তোমাতে দেখেছি চেয়ে,  
 গিয়েছিল মোর বিড়োর বাসনা  
 ওই মুখপানে খেয়ে,

তুমি কি তখন পেয়েছ জানিতে ?  
 বিমল হৃদয় আরশিধানিতে  
 চিরু কিছু কি পড়েছিল এসে  
 নিঃশ্বাস রেখা-ছায়া ?  
 ধরার কুয়াশা ম্লান করে যথা  
 আকাশ-উষার কায়া ।  
 লজ্জা সহসা আসি অকারণে  
 বসনের মতো রাঙা আবরণে  
 চাহিয়াছিল কি ঢাকিতে তোমাঘ  
 লুক্ক নয়ন হতে ?  
 মোহ-চঞ্চল সে লালসা মম  
 কৃষ্ণবরন ভ্রমরের সম  
 ফিরিতেছিল কি গুন-গুন কেঁদে  
 তোমার দৃষ্টিপথে ?

আনিয়াছি ছুরি তীক্ষ্ণ দীপ্ত  
 প্রভাতরশ্মিসম ;  
 লও, বিঁধে দাও বাসনা-সঘন  
 এ কালো নয়ন মম ।  
 এ আঁধি আমার শরীরে তো নাই  
 ফুটেছে মর্মতলে ;  
 নির্বাণহীন অজ্ঞারসম  
 নিশিদিন শুধু জলে ।  
 সেখা হতে তারে উপাড়িয়া লও  
 জালাময় ছুটো চোখ,  
 তোমার লাগিয়া তিয়াষ যাহার  
 সে আঁধি তোমারি হ'ক !

অগার ডুবন, উদার পগন,  
 শ্রামল কাননতল,

বসন্ত অতি সুন্দর স্মৃতি,  
 স্বচ্ছ নদীর জল,  
 বিবিধবরন সন্ধ্যা-নীল,  
 গ্রহতারামরী নিশি,  
 বিচিত্রশোভা শস্ত্রক্ষেত্র  
 প্রসারিত দূরদিশি,  
 স্থনীল গগনে ঘনতর নীল  
 অতি দূর গিরিমালা,  
 তারি পরশারে রবির উদয়  
 কনক-কিরণ-জালা,  
 চকিত তড়িত-সঘন বরষা  
 পূর্ণ ইন্দ্রধনু,  
 শরৎ-আকাশে অসীম বিকাশ  
 জ্যোৎস্না শুভ্রতরু,  
 লও, সব লও, তুমি কেড়ে লও,  
 মাগিতেছি অকপটে,  
 তিমির-তুলিকা দাও বুলাইয়া  
 আকাশ-চিত্রপটে !

ইহারা আমারে তুলায় সতত  
 কোথা নিয়ে যায় টেনে !  
 মাধুরী-মন্দিরা পান করে শেষে  
 প্রাণ পথ নাহি চেনে ।  
 সবে মিলে যেন বাজাইতে চায়  
 আমার বীশরি কাড়ি,  
 পাগলের মতো রচি নব গান,  
 নব নব তান ছাড়ি ।  
 আপন ললিত রাগিণী শুনিয়া  
 আপনি অবশ মন,

## রবীন্দ্র-রচনাবলী

ডুবাইতে থাকে কুম্ভ-গন্ধ  
বসন্ত-সমীরণ ।

আকাশ আমারে আকুলিয়া ধরে,  
ফুল মোরে ঘিরে বসে,  
কেমনে না জানি জ্যোৎস্নাপ্রবাহ  
সর্বশরীরে পশে !

ভুবন হইতে বাহিরিয়া আসে  
ভুবনমোহিনী মায়া,  
ঘৌবনভরা বাহুপাশে তার  
বেঠন করে কায়া ।

চারি দিকে ঘিরি করে আনাগোনা  
কল্পমূর্তি কত,  
কুম্ভকাননে বেড়াই ফিরিয়া  
যেন বিভোরের মতো !

শ্রুত হয়ে আসে হৃদয়তন্ত্রী  
বীণা ধসে যায় পড়ি  
নাহি বাজে আর হরিনামগান  
বরষ বরষ ধরি ।

হরিহীন সেই অনাথ বাসনা  
পিয়াসে অগতে ফিরে ।  
বাড়ে তৃষা, কোথা পিপাসার জল  
অকূল লবণ-নীরে ।

গিয়েছিল, দেবী, সেই ঘোর তৃষা  
তোমার রূপের ধারে,  
আঁধির সহিতে আঁধির পিপাসা  
লোপ করে একেবারে !

ইন্দ্রিয় দিবে তোমার মূর্তি  
পশেছে জীবন-মূলে,



এই ছুরি দিয়ে সে মুরতিখানি  
 কেটে কেটে লও তুলে !  
 তারি সাথে হার আধারে মিশাবে  
 নিখিলের শোভা যত,  
 লক্ষ্মী যাবেন, তাঁরি সাথে যাবে  
 জগৎ ছায়ার মতো ।

ধাক, তাই ধাক ! পারি নে ভাসিতে  
 কেবলি মুরতি-স্রোতে,  
 লহ মোরে তুলি আলোক-গগন  
 মুরতি-ভুবন হতে !  
 অঁধি গেলে মোর সীমা চলে যাবে  
 একাকী অসীম ভরা,  
 আমারি আধারে মিশাবে গগন  
 মিশাবে সকল ধরা ।  
 আলোহীন সেই বিশাল ছন্দরে  
 আমার বিছন বাস,  
 প্রলয়-আসন জুড়িয়া বসিয়া  
 রব আমি বারো মাস ।

ধামো একটুকু, বুঝিতে পারি নে,  
 ভালো করে ভেবে দেখি !  
 বিশ্ব-বিলোপ বিমল আঁধার  
 চিরকাল যবে সে কি ?  
 ক্রমে ধীরে ধীরে নিবিড় তিমিরে  
 ছুটিয়া উঠিবে না কি  
 পবিত্র মুখ, যথুর মূর্তি,  
 বিশ্ব আনত আঁধি ?

এখন যেমন রয়েছ দাঁড়ায়ে  
 দেবীর প্রতিমা সম,  
 স্থির গম্ভীর করুণ নয়নে  
 চাহিছ হৃদয়ে মম,  
 বাতায়ন হতে সন্ধ্যা-কিরণ  
 পড়েছে ললাটে এসে,  
 মেঘের আলোক লভিছে বিরাম  
 নিবিড় তিমির কেশে,  
 শান্তিরূপিণী এ মুরতি তব  
 অতি অপূর্ব সাজে  
 অনলরেখায় ফুটিয়া উঠিবে  
 অনন্ত নিশি মাঝে ।  
 চৌদিকে তব নূতন জগৎ  
 আপনি সৃষ্টিত হবে,  
 এ সন্ধ্যা-শোভা তোমারে ঘিরিয়া  
 চিরকাল জেগে রবে ।  
 এই বাতায়ন, এই টাপা গাছ,  
 দূর সরস্বতী রেখা  
 নিশিদিনহীন অন্ধ হৃদয়ে  
 চিরদিন যাবে দেখা !  
 সে নব জগতে কাল-স্রোত নাই,  
 পরিবর্তন নাহি,  
 আজি এই দিন অনন্ত হয়ে  
 চিরদিন রবে চাহি ।

তবে তাই হ'ক, হয়ো না বিমূখ,  
 দেবী, তাহে কিবা কতি !  
 হৃদয়-আকাশে থাক না আগিয়া  
 দেহহীন তব জ্যোতি !

বাসনা-মলিন আঁধি-কলঙ্ক  
 ছায়া ফেলিবে না তায়,  
 আঁধার হৃদয় নীল-উৎপল  
 চিরদিন যবে পায় ।  
 তোমাতে হেরিব আমার দেবতা,  
 হেরিব আমার হরি,  
 তোমার আলোকে জাগিরা রহিব  
 অনন্ত বিভাবরী ।

২২।২৩ মার্চ, ১৮৮৮

## নিন্দুকের প্রতি নিবেদন

হউক ধন্ত তোমার যশ,  
 লেখনী ধন্ত হ'ক,  
 তোমার প্রতিভা উজ্জল হয়ে  
 জাগাক সপ্তলোক ।  
 যদি পথে তব দাঁড়াইরা থাকি  
 আমি ছেড়ে দিব ঠাই,  
 কেন হীন যুগা, ক্ষুদ্র এ ঘেব,  
 বিক্রম কেন ভাই !  
 আমার এ লেখা কারো ভালো লাগে  
 তাহা কি আমার দোষ ?  
 কেহ কবি বলে, ( কেহ বা বলে না )  
 কেন তাহে তব রোষ ?

কত প্রাণপণ, দণ্ড হৃদয়,  
 বিনিত্র বিভাবরী,

## স্বীকৃত-রচনাবলী

জান কি বন্ধু উঠেছিল গীত  
 কত ব্যথা ভেদ করি ?  
 রাঙা ফুল হয়ে উঠিছে ফুটিয়া  
 হৃদয় শোণিতপাত,  
 অশ্রু বলিছে শিশিরের মতো  
 পোহাইয়ে ছুখ-রাত ।  
 উঠিতেছে কত কষ্টকলতা  
 ফুলে পলবে ঢাকে,  
 গভীর গোপন বেদনা মাঝারে  
 শিকড় আঁকড়ি থাকে ।  
 জীবনে যে সাধ হয়েছে বিফল  
 সে সাধ ফুটিছে গানে,  
 মরীচিকা রচি মিছে সে তৃপ্তি,  
 তৃষ্ণা কাঁদিছে প্রাণে ।  
 এনেছি তুলিয়া পথের প্রান্তে  
 মর্ম-কুহুম মম,  
 আসিছে পান্ন, যেতেছে লইয়া  
 স্মরণচিহ্নসম ।  
 কোনো ফুল বাবে দু-দিনে করিয়া  
 কোনো ফুল বেঁচে রবে,  
 কোনো ছোটো ফুল আজিকার কথা  
 কালিকার কানে কবে ।  
 তুমি কেমন, ভাই, বিমুখ এমম,  
 নয়নে কঠোর হাসি ।  
 দূর হতে যেন কুঁসিছ সবেগে  
 উপেক্ষা রাশি রাশি !  
 কঠিন বচন বলিছে অথরে  
 উপহাস হলাহলে,  
 লেখনীর মুখে করিতে দৃষ্টি  
 স্মরণ অনল জ্বলে ।

ভালোবেসে যাহা ছুটেছে পরানে,  
 সবার লাগিবে ভালো,  
 যে জ্যোতি হরিছে আমার আঁখার  
 সবারে দিবে সে আলো ;  
 অন্তরমাবে সবাই সমান,  
 বাহিরে প্রভেদ ভবে,  
 একের বেদনা করুণা-প্রবাহে  
 সাধনা দিবে সবে ।  
 এই মনে করে ভালোবেসে আমি  
 দিয়েছিছু উপহার,  
 ভালো নাহি লাগে, ফেলে যাবে চলে  
 কিসের ভাবনা তার !

তোমার দেবার যদি কিছু থাকে  
 তুমিও দাও না এনে !  
 প্রেম দিলে সবে নিকটে আসিবে  
 তোমারে আপন ছেনে ।  
 কিন্তু জানিয়ো আলোক কখনো  
 থাকে না তো ছায়া বিনা,  
 স্তম্ভের টানেও কেহ বা আসিবে,  
 তুমি করিয়ো না স্তম্ভ !  
 এতই কোমল মানবের মন  
 এমনি পয়ের বশ,  
 নিষ্ঠুর বাণে সে প্রাণ ব্যাধিতে  
 কিছুই নাইক বশ ।  
 তীক্ষ্ণ হাসিতে বাহিরে শোণিত,  
 বচনে অশ্রু উঠে,  
 নয়নকোণের চাকনি-ছুরিতে  
 মর্মভঙ্গ টুটে ।

## রবীন্দ্র-রচনাবলী

সাহসনা দেওয়া নহে তো সহজ,  
 দিতে হয় সারা প্রাণ,  
 মানব-মনের অনল নিবাতে  
 আপনারে বলিদান ।

ঘৃণা জলে মরে আপনার বিধে,  
 রয়ে না সে চিরদিন,  
 অমর হইতে চাহ যদি, স্নেনো  
 প্রেম সে মরণহীন !  
 তুমিও রবে না, আমিও রব না,  
 দু-দিনের দেখা ভবে,  
 প্রাণ খুলে প্রেম দিতে পার যদি  
 তাহা চিরদিন রবে ।

দুর্বল মোরা, কত ভুল করি,  
 অপূর্ণ সব কাজ ।  
 নেহারি আপন ক্ষুদ্র ক্ষমতা  
 আপনি যে পাই লাভ ।  
 তা বলে যা পারি তাও করিব না ?  
 নিষ্ফল হব তবে ?  
 প্রেম ফুল ফোটে, ছোট হল বলে  
 দিব না কি তাহা সবে ?  
 হয়তো এ ফুল সুন্দর নয়,  
 ধরেছি সবার আগে,  
 চলিতে চলিতে আঁধির পলকে  
 ভুলে কারো ভালো লাগে ।  
 যদি ভুল হয়, ক-দিনের ভুল !  
 দু-দিনে ভাঙিবে তবে ।  
 তোমার এমন শাপিত বচন  
 সেই কি অমর হবে ?

## কবির প্রতি নিবেদন

হেথা কেন পাড়িয়েছ, কবি,  
যেন কাঠপুস্তকছবি ?

চারি দিকে লোকজন চলিতেছে সারা কণ,  
আকাশে উঠিছে ধর রবি ।

কোথা তব বিজ্ঞান ভবন,  
কোথা তব মানস-ভুবন ?

তোমাতে ঘেরিয়া ফেলি কোথা সেই করে কেলি  
কল্পনা, মুক্ত পবন ?

নিখিলের আনন্দধাম  
কোথা সেই গভীর বিরাম ?

জগতের গীতধার কেমনে গুনিবে আর,  
গুনিতেছ আপনারি নাম ।

আকাশের পাখি তুমি ছিলে,  
ধরণীতে কেন ধরা দিলে ?

বলে সবে বাহা বাহা, সকলে পড়ায় বাহা  
তুমি তাই পড়িতে শিখিলে !

প্রভাতের আলোকের সনে  
অনার্যুত প্রভাত-গগনে

বহিয়া নৃতন প্রাণ ঝরিয়া পড়ে না গান  
উর্ধ্ব-নয়ন এ ভুবনে ।

পথ হতে শত কলরবে  
গাও গাও বলিতেছে সবে ।

ভাবিতে সময় নাই, গান চাই, গান চাই,  
খামিতে চাহিছে প্রাণ যবে ।

খামিলে চলিয়া যাবে সবে,  
দেখিতে কেমনভর হবে !

উচ্চ আসনে লীন                      প্রাণহীন গানহীন  
পুতলির মতো বসে রবে ।

প্রাণি লুকাতে চাও আসে,  
কণ্ঠ শুষ্ক হয়ে আসে ।

ওনে যারা যায় চলে                      দু-চারিটা কথা বলে  
তারা কি তোমাঘ ভালোবাসে ?

কত মতো পরিয়া মুখোশ  
মাগিছ সবার পরিতোষ ।  
মিছে হাসি আন দাঁতে,                      মিছে বল আধিপাতে,  
তবু তারা ধরে কত দোষ ।

মন কহিছে কেহ বসে,  
কেহ বা নিন্দা তব ঘোষে ।  
তাই নিয়ে অবিরত                      তর্ক করিছ কত,  
জলিয়া মরিছ মিছে ঘোষে ।

মূর্খ দম্ভভরা দেহ  
তোমারে করিয়া যায় স্নেহ ।  
হাত বুলাইয়া গিঠে                      কথা বলে মিঠে মিঠে  
শাশাশ শাশাশ বলে কেহ ।

হায় কবি, এত দেশ ঘুরে  
আসিয়া পড়েছ কোন ঘুরে !  
এ যে কোলাহল-মর                      নাই ছায়া নাই তর,  
যশের কিরণে মর পুড়ে ।



দেখো, হোখা নদী-পর্বত,  
 অবারিত অসীমের পথ ।  
 প্রকৃতি শান্তমুখে                      ছুটার গগন-বুকে  
 গ্রহতারামর তার রথ ।

সবাই আপন কাজে ধার,  
 পাশে কেহ কিরিয়া না চায় ।  
 ফুটে চিররূপরাশি,                      চিরমধুমর হাসি,  
 আপনারে দেখিতে না পায় ।

হোখা দেখো একেলা আপনি  
 আকাশের তারা গনি গনি  
 ঘোর নিশীথের মাঝে                      কে জাগে আপন কাজে,  
 সেখায় পশে না কলধ্বনি ।

দেখো হোখা নূতন জগৎ,  
 ওই কারা আত্মহারাৎ ;  
 যশ অপযশ বাণী                      কোনো কিছু নাহি মানি  
 রচিছে স্বদূর ভবিষ্যৎ ।

ওই দেখো না পুরিতে আশ  
 মরণ করিল কারে গ্রাস ।  
 নিশি না হইতে সারা                      খসিয়া পড়িল তারা  
 রাখিয়া গেল না ইতিহাস ।

ওই কারা গিরির মতন  
 আপনাতে আপনি বিজন,  
 কবরের স্রোত উঠি                      গোপন আলর টুটি  
 দূর দূর করিছে যগন ।

## রবীন্দ্র-রচনাবলী

ওই কায়া বসে আছে দূরে  
কল্পনা উদয়াচল-পুরে ।

অক্ষয়-প্রকাশ প্রায়                      আকাশ ভরিয়া যায়  
প্রতিদিন নব নব সুরে ।

হোথা উঠে নবীন তপন ;  
হোথা হতে বহিছে পবন ।

হোথা চির ভালোবাসা,                      নব গান, নব আশা,  
অসীম বিরাম-নিকেতন ।

হোথা মানবের জয়                      উঠিছে জগৎময়  
ওইখানে মিলিয়াছে নর নারায়ণ ।

হেথা, কবি, তোমারে কি সাজে  
ধূলি আর কলরোল মাঝে ?

২৫ জ্যৈষ্ঠ, ১৮৮৮

## পরিত্যক্ত

বন্ধু,

মনে আছে সেই প্রথম বয়স,  
নূতন বঙ্গভাষা  
তোমাদের মুখে জীবন লভিছে  
বহিয়া নূতন আশা ।  
নিমেঘে নিমেঘে আলোকরশ্মি  
অধিক আগিয়া উঠে,  
বঙ্গ-হৃদয় উয়ালি যেন  
রক্তকমল ফুটে ।

প্রতিদিন যেন পূর্বগগনে  
 চাহি রহিতাম একা,  
 কখন ফুটিবে তোমাদের ওই  
 লেখনী-অক্ষর-লেখা ।  
 তোমাদের ওই প্রভাত আলোক  
 প্রাচীন তিমির নাশি  
 নবজাগ্রত নয়নে আনিবে  
 নূতন জগৎরাশি ।

একদা জাগিছু, সহসা দেখিছু  
 প্রাণমন আপনার ;  
 হৃদয়ের মাঝে জীবন জাগিছে  
 পরশ লভিছু তার ।  
 ধন্য হইল মানব-জনম,  
 ধন্য তরুণ প্রাণ ।  
 মহৎ আশায় বাড়িল হৃদয়,  
 জাগিল হর্বগান ।  
 দাঁড়িয়ে বিশাল ধরণীর তলে  
 ঘুচে গেল ভয়লাজ,  
 বুঝিতে পারিছু এ জগৎমাঝে  
 আমারো রয়েছে কাজ ।  
 স্বদেশের কাছে দাঁড়িয়ে প্রভাতে  
 কহিলাম জোড়করে—  
 “এই লহ, মাতঃ, এ চিরজীবন  
 সঁপিছু তোমারি তরে !”

বহু, এ দীন হয়েছে বাহির  
 তোমাদেরি কথা শুনে,  
 সেই দিন হতে কণ্টক-পথে  
 চলিয়াছি দিন শুনে ।

## রবীন্দ্র-রচনাবলী

পদে পদে জাগে নিন্দা ও ঘৃণা  
 ক্ষুদ্র অত্যাচার,  
 একে একে সবে পর হয়ে যায়  
 ছিল যারা আপনার ।  
 ক্রবতারাগানে রাখিয়া নয়ন  
 চলিয়াছি পথ ধরি,  
 সত্য বলিয়া জানিয়াছি যাহা  
 তাহাই পালন করি ।

কোথা গেল সেই প্রভাতের গান,  
 কোথা গেল সেই আশা,  
 আজিকে বন্ধু, তোমাদের মুখে  
 এ কেমনতর ভাষা !  
 আজি বলিতেছ "বসে থাকো, বাপু,  
 ছিল যাহা তাই ভালো,  
 যা হবার তাহা আপনি হইবে  
 কাজ কি এতই আলো !"  
 কলম মুছিয়া তুলিয়া রেখেছ,  
 বন্ধ করেছ গান,  
 সহসা সবাই প্রাচীন হয়েছ  
 নিতান্ত সাবধান ।  
 আনন্দে যারা চলিতে চাহিছে  
 ছিঁড়ি অসত্য-পাশ,  
 ঘর হতে বসি করিছ তাদের  
 উপহাস পরিহাস ।  
 এত দূরে এনে কিরিয়া দাঁড়িয়ে  
 হাসিছ নিষ্ঠুর হাসি,  
 চিরজীবনের প্রিয়তম ব্রত  
 চাহিছ ফেলিতে নানি ।

তোমরা আনিয়া প্রাণের প্রবাহ  
 ভেঙেছ মাটির আল,  
 তোমরা আবার আনিছ বদে  
 উজান স্রোতের কাল ।  
 নিজের জীবন মিশায়ে যাহারে  
 আপনি তুলেছ গড়ি .  
 হাসিয়া হাসিয়া আজিকে তাহারে  
 ভাঙিছ কেমন করি ?  
 তবে সেই ভালো, কাজ নেই তবে,  
 তবে ফিরে যাওয়া থাক ।  
 গৃহকোণে এই জীবন-আবেগ  
 করি বসে পরিপাক ।  
 সানাই বাজিয়ে ঘরে নিষে আসি  
 আট বরষের বধু,  
 শৈশব-কুঁড়ি ছিঁড়িয়া, বাহির  
 করি যৌবন-মধু ।  
 ফুটন্ত নবজীবনের 'পরে  
 চাপায়ে শাস্ত্রভার  
 জীর্ণ যুগের ধূলিসাথে তারে  
 করে দিই একাকার ।

বহু, এ তব বিফল চেষ্টা,  
 আর কি ফিরিতে পারি ?  
 শি খরগুহার আর ফিরে যার  
 নদীর প্রবল বারি ?  
 জীবনের স্বাদ পেয়েছি যখন,  
 চলেছি যখন কাজে,  
 কেমনে আবার করিব প্রবেশ  
 মৃত বরষের মাঝে ?

## রবীন্দ্র-রচনাবলী

সে নবীন আশা নাইকো যদিও  
 তবু যাব এই পথে,  
 পাব না শুনিতে আশিস-বচন  
 তোমাদের মুখ হতে ।  
 তোমাদের ওই হৃদয় হইতে  
 নূতন পরান আনি  
 প্রতি পলে পলে আসিবে না আর  
 সেই আশ্বাসবাণী ।  
 শত হৃদয়ের উৎসাহ মিলি  
 টানিয়া লবে না মোরে,  
 আপনার বলে চলিতে হইবে  
 আপনার পথ করে ।  
 আকাশে চাহিব, হাস, কোথা সেই  
 পুরাতন শুকতারা ।  
 তোমাদের মুখ ক্রকুটি-কুটিল  
 নয়ন আলোকহারা ।  
 মাঝে মাঝে শুধু শুনিতে পাইব  
 হা হা হা অট্টহাসি,  
 প্রান্ত হৃদয়ে আঘাত করিবে  
 নিষ্ঠুর বচন আসি ।  
 ভয় নাই যার কী করিবে তার  
 এই প্রতিকূল স্রোতে ।  
 তোমারি শিক্ষা করিবে রক্ষা  
 তোমারি বাক্য হতে ।

## ভৈরবী গান

- ওগো কে তুমি বসিয়া উদাস মুরতি  
বিষাদ-শাস্ত শোভাতে ।
- ওই ভৈরবী আর গেলো নাকো এই  
প্রভাতে—
- মোর গৃহছাড়া এই পথিক-পরান  
তরুণ হৃদয় লোভাতে ।
- ওই মন-উদাসীন, ওই আশাহীন  
ওই ভাবাহীন কাকলি
- দেয় ব্যাকুল পরশে সকল জীবন  
বিকলি ।
- দেয় চরণে বাধিয়া প্রেম-বাহুঘেরা  
অশ্রু-কোমল শিকলি ।
- হায় মিছে মনে হয় জীবনের ব্রত  
মিছে মনে হয় সকলি ।
- যারে ফেলিয়া এসেছি, মনে করি, তারে  
ফিরে দেখে আসি শেষ বার ;
- ওই কাঁদিছে সে যেন এলায়ে আকুল  
কেশভার ।
- যারা গৃহছায়ে বসি সজল নয়ন  
মুখ মনে পড়ে সে সবার ।
- এই সংকটময় কর্মজীবন  
মনে হয় মরু সাহারা,  
দূরে মায়াবয় পূরে দিতেছে নৈত্য  
পাহারা ।

তবে ফিরে যাওয়া ভালো তাহাদের পাশে  
পথ চেয়ে আছে যাহারা ।

সেই ছায়াতে বসিয়া সারা দিনমান  
তরু-মর্ষর পবনে,

সেই মুকুল-আকুল বকুল-কুঞ্জ-  
ভবনে,

সেই কুহ-কুহরিত বিরহ-রোদন  
থেকে থেকে পশে শ্রবণে ।

সেই চির-কলতান উদার গঙ্গা  
বহিছে আধারে-আলোকে,

সেই তীরে চিরদিন খেলিছে বালিকা-  
বালকে ।

ধীরে সারা দেহ যেন মুদিয়া আসিছে  
শ্বপ্ন পাখির পালকে ।

হায় অতৃপ্ত যত মহৎ বাসনা  
গোপন মর্মদাহিনী,

এই আপনা মাঝারে শুধু জীবন-  
বাহিনী ।

ওই ভৈরবী দিয়া গাঁথিয়া গাঁথিয়া  
রচিব নিরাশা-কাহিনী ।

সদা করুণ কণ্ঠ কাঁদিয়া গাহিবে,—  
“হল না, কিছুই হবে না ।

এই মায়াময় ভবে চিরদিন কিছু  
রবে না ।



কেহ      জীবনের যত গুরুভার ব্রত  
            ধূলি হতে তুলি লবে না ।

“এই      সংশয়মাঝে কোন্ পথে যাই,  
            কার তরে মরি খাটিয়া ।  
আমি      কার মিছে ছুখে মরিতেছি, বুক  
            ফাটিয়া  
ভবে      সত্য মিথ্যা কে করেছে ভাগ,  
            কে রেখেছে মত খাটিয়া ।

“যদি      কাজ নিতে হয়, কত কাজ আছে,  
            এক কি পারিব করিতে ।  
কাদে      শিশিরবিন্দু অগভের তৃষা  
            হরিতে ।  
কেন      অকূল সাগরে জীবন সঁপিব  
            একেলা জীর্ণ তরীতে ।

“শেষে      দেখিব, পড়িল সুখ-ঘোবন  
            ফুলের মতন খসিয়া,  
হায়      বসন্ত-বায়ু মিছে চলে গেল  
            খসিয়া,  
সেই      যেখানে অগত ছিল এক কালে  
            সেইখানে আছে বসিয়া ।

“তু      আমারি জীবন মরিল খুরিয়া  
            চিরজীবনের তিয়াষে ।  
এই      দগ্ধ হৃদয় এত দিন আছে  
            কী আশে ।

- সেই ভাগর নয়ন সরস অধর  
গেল চলি কোথা দিয়া সে !”
- ওগো, ধামো, যারে তুমি বিদায় দিয়েছ  
তারে আর ফিরে চেয়ো না ।
- ওই অশ্রু-সজ্জল ভৈরবী আর  
গেয়ো না ।
- আজি প্রথম প্রভাতে চলিবার পথ  
নয়ন-বাস্পে ছেয়ো না ।
- ওই কুহক রাগিণী এখনি কেন গো  
পথিকের প্রাণ বিবশে ?
- পথে এখনো উঠিবে প্রথর তপন  
দিবসে ;
- পথে রাক্ষসী সেই তিমির রজনী  
না জানি কোথায় নিবসে !
- ধামো, শুধু এক বার ডাকি নাম তাঁর  
নবীন জীবন তরিয়া ।
- যাব যার বল পেয়ে সংসার-পথ  
তরিয়া,
- যত মানবের গুরু মহৎ জনের  
চরণ-চিহ্ন ধরিয়া ।
- যাও তাহাদের কাছে ঘরে যারা আছে  
পাষাণে পরান বাঁধিয়া,
- গাও তাদের জীবনে তাদের বেদনে  
কাঁদিয়া ।

তারা পড়ে ভূমিতলে ভাসে আধিজলে  
নিজ সাধে বাদ সাধিয়া ।

হার, উঠিতে চাহিছে পরান, তবুও  
পারে না তাহারা উঠিতে ।

তারা পারে না ললিত লতার বীধন  
টুটিতে ।

তারা পথ জানিয়াছে, দিবানিশি তবু  
পথপাশে রহে লুটিতে !

তারা অলস বেদন করিবে যাপন  
অলস রাগিনী গাহিয়া,

রবে দূর আলো-পানে আবিষ্ট প্রাণে  
চাহিয়া ।

ওই মধুর রোদনে ভেসে যাবে তারা  
দিবসরজনী বাহিয়া ।

সেই আপনার গানে আপনি গলিয়া  
আপনারে তারা ভুলাবে,

স্নেহে আপনার দেহে সক্রমণ কর,  
বুলাবে ।

স্বখে কোমল শয়নে রাখিয়া জীবন  
ঘুমের দোলায় ছুলাবে ।

ওগো এর চেয়ে ভালো প্রথর দহন,  
নিষ্ঠুর আঘাত চরণে ।

যাব আজীবন কাল পাষণ-কঠিন  
সরণে ।

যদি মৃত্যুর মাঝে নিরে যায় পথ,  
স্বখ আছে সেই মরণে !

## ধর্মপ্রচার

এই কবিতার বর্ণিত ঘটনা সংবাদপত্রে প্রকাশিত হয়

[ কলিকাতার এক বাসায় ]

ওই শোনো, ভাই বিত্ত,  
পথে গুনি "জয় যিত্ত"!  
কেমনে এ নাম করিব সন্ত  
আমরা আর্ষ শিত্ত !

কূর্ম, কচ্ছি, স্বন্দ  
এখন করো তো বন্দ ।  
যদি যিত্ত ভঞ্জে রবে না ভারতে  
পুরাণের নাম গন্দ ।

ওই দেখো ভাই, গুনি,—  
যাজ্ঞবল্ক্য মুনি,  
বিষ্ণু, হারীত, নারদ, অত্রি  
কৈদে হল খুনোখুনি !

কোথায় রহিল কর্ম,  
কোথা সনাতন ধর্ম !  
সম্প্রতি তবু কিছু শোনা যায়  
বেদপুরাণের মর্ম !

ওঠো, ওঠো ভাই, জাগো,  
মনে মনে খুব রাগো !  
আর্ষ শাস্ত্র উদ্ধার করি,  
কোমর বাধিয়া লাগো !

কাছাকাঁচা লও অঁটি,  
হাতে ভুলে লও লাঠি ।  
হিন্দুধর্ম করিব রক্ষা  
খ্রীষ্টানি হবে মাটি ।

কোথা গেল ভাই ভজা,  
হিন্দুধর্ম-ধ্বজা ।  
যশা ছিল সে, সে যদি থাকিত  
আজ হত ছ-শ মজা !

এস মোনো, এস ভূতো,  
পরে লও বুট ভূতো ।  
পাত্তি বেটার পা মাড়িয়ে দিয়ো  
পাও যদি কোনো ছুতো !

আগে দেব ছয়ো তালি,  
তার পরে দেব গালি ।  
কিছু না বলিলে পড়িব তখন  
বিশ-পচিশ বাঙালি ।

ভূমি আগে ঘেয়ো ভেড়ে,  
আমি নেব টুপি কেড়ে ।  
গোলেমালে শেষে পাঁচ জনে পড়ে  
মাটিতে ফেলিয়ো পেড়ে ।

কাঁচি দিয়ে তার চুল  
কেটে দেব বিলকুল ।  
কোঁটের বোতাম আগাগোড়া তার  
করে দেব নিমূল ।

## রবীন্দ্র-রচনাবলী

তবে উঠ, সবে উঠ,  
বাধো কটি, আটো মুঠো !  
দেখো, ভাই, যেন তুলো না, অমনি  
সাথে নিয়ে লাঠি ছুটো !

[ দলপতির শিস ও গান ]

প্রাণ-সইরে,  
মনোজালা করে কই রে !

কোমরে চাদর বাঁধিয়া লাঠি হস্তে মহোৎসাহে সকলের প্রহান । পথে বিস্ত হার  
মোনো ভুতোর সমাগম । গেরুয়া বস্ত্রাচ্ছাদিত অনাবৃতপদ মুক্তিকৌলের প্রচারক ।

“ধন হউক তোমার প্রেম,  
ধন তোমার নাম,  
ভুবনমাঝারে হউক উদয়  
নূতন জেজিলাম ।  
ধরণী হইতে যাক ঘৃণাঘেব,  
নিষ্ঠুরতা দূর হ'ক,  
মুছে দাও প্রভু মানবের আধি,  
ঘৃচাও মরণ-শোক ।

তৃষিত যাহারা, জীবনের বারি  
করো তাহাদের দান ।  
দয়াময় বিত্ত, তোমার দয়ায়  
পাপীজনে করো আণ ।”

“ওরে ভাই বিত্ত, এ কে,  
ছুতো কোথা এল রেখে ?  
গোরা বটে, তবু হতেছে ভয়সা  
গেরুয়া বসন দেখে ।”

“হারু, তবে তুই এগো !  
বল—বাছা, তুমি কে গো ?  
কিচিমিচি রাখো, গিদে পেয়েছে কি ?  
ছটো কলা এনে দে গো !”

“বধির নিদ্রা কঠিন-হৃদয়  
তারে প্রভু দাও কোল ।  
অক্ষয় আমি কী করিতে পারি—”  
“হরিবোল হরিবোল !”

“আরে, বেখে দাও খ্রীষ্ট !  
এখন দেখাও পৃষ্ঠ !  
দাড়ে উঠে চড়ে, পড়ে বাবা পড়ে  
হরে হরে হরে কৃষ্ণ !”

তুমি যা সয়েছ তাহাই অরিয়া  
সহিব সকল ক্লেশ,  
জুস গুরুভার করিব বহন—”  
“বেশ, বাবা, বেশ বেশ !”

“দাও বাধা, যদি কারো মুছে পাপ  
আমার নয়ন-নীরে ।  
প্রাণ দিব, যদি এ জীবন দিলে  
পাপীর জীবন ফিরে ।

আপনার জন, আপনার দেশ  
হয়েছি সর্বভ্যাগী ।  
হৃদয়ের প্রেম সব ছেড়ে যাব  
তোমার প্রেমের লাগি ।

সুখ সভ্যতা রমণীর প্রেম  
 বন্ধুর কোলাকুলি  
 ফেলি দিয়া পথে তব মহাত্মত  
 মাথায় লয়েছি তুলি ।

এখনো তাদের ভুলিতে পারি নে,  
 মাঝে মাঝে জাগে প্রাণে,  
 চিরজীবনের সুখবন্ধন  
 সেই গৃহমাঝে টানে ।

তখন তোমার রক্তসিক্ত  
 ওই মুখপানে চাহি,  
 ও প্রেমের কাছে স্বদেশ বিদেশ  
 আপনা ও পর নাহি ।

ওই প্রেম তুমি করো বিতরণ  
 আমার হৃদয় দিয়ে,  
 বিষ দিতে যারা এসেছে, তাহারা  
 ঘরে থাক সুখা নিয়ে ।

পাপ লয়ে প্রাণে এসেছিল যারা  
 তাহারা আশুক বুকে ।  
 পড়ুক প্রেমের মধুর আলোক  
 ক্রকুটি-কুটিল মুখে ।”

“আর প্রাণে নাহি সহে,  
 আর্ধরক্ত দহে !”  
 “ওহে হার, ওহে মাধু, লাঠি নিয়ে  
 ঘা-কতক দাও তো হে !”



“যদি চাস তুই হই  
বল মুখে বল কক ।”  
“ধন্ত হউক তোমার নাম  
দয়াময় বিত্তশ্রীষ্ট ।”

“তবে রে লাগাও লাঠি  
কোমরে কাগড় আঁটি ।”  
“হিন্দুধর্ম হউক রক্ষা  
শ্রীষ্টানি হ'ক মাটি ।”

এচারকের মাথার লাঠি এহার । মাথা কাটরা রক্তপাত । রক্ত মুছিয়া

“প্রভু তোমাদের করুন কুশল,  
দিন তিনি শুভমতি ।

আমি তাঁর দীন অধম ভূতা,  
তিনি জগতের পতি ।”

“ওরে শিবু, ওরে হারু,  
ওরে ননি, ওরে চারু,

তামাশা দেখার এই কি সময়,  
প্রাণে ভয় নেই কারু ?”

“পুলিস আসিছে ওঁতা উচাইয়া,  
এই বেলা দাও দৌড় !”

“ধন্ত হইল আর্ষ ধর্ম,  
ধন্ত হইল গৌড় ।”

উর্ধ্বদাসে পলারন

[ বাসার কিরিয়া ]

সাহেব মেয়েছি ! বড়বাসীর

কলহ পেছে মুচি ।

যেজবউ কোথা, ডেকে দাও তারে,

কোথা ছোকা, কোথা মুচি !

এখনো আমার তপ্ত রক্ত

উঠিতেছে উকুসি,

তাড়াতাড়ি আজ লুচি না পাইলে  
 কী জানি কী করে বসি !  
 স্বামী যবে এল ঘুঙ্ সারিগা  
 ঘরে নেই লুচি ভাজা ।  
 আর্ষ নারীর এ কেমন প্রথা,  
 সমুচিত দিব সাজা ।  
 যাজ্ঞবল্ক্য অত্রি হারীত  
 জলে গুলে খেলে সবে ।  
 মারধোর করে হিন্দুধর্ম  
 রক্ষা করিতে হবে ।  
 কোথা পুরাতন পাতিব্রতা,  
 সনাতন লুচি ছোকা,  
 বৎসরে শুধু সংসারে আসে  
 একখানি করে খোকা ।

৩২ জ্যৈষ্ঠ, ১৮৮৮

## নব-বঙ্গ-দম্পতির প্রেমালাপ

( বাসর শরনে )

বর । জীবনে জীবনে প্রথম মিলন,  
 সে স্বপ্নের কোথা ভূলা নাই ।  
 এস, সব ভূলে আজি আঁধি ভূলে  
 শুধু তুঁহু দোহা মুখ চাই ।  
 মরমে মরমে শরমে ভরমে  
 জোড়া লাগিরাছে এক ঠাই,  
 যেন এক মোহে কূলে আছি দোহে  
 যেন এক কূলে যধু খাই ।

স্বনম অবধি            বিবাহে দগধি  
 এ পরান হয়েছিল ছাই,  
 তোমার অপার        প্রেম-পারাবার,  
 ভুড়াইতে আমি এহু তাই !  
 বলো এক বার,        "আমিও তোমার,  
 তোমা ছাড়া করে নাহি চাই ।"  
 ওঠ কেন, ও কী,        কোথা যাও সখী ?  
 কনে । ( সরোদনে ) আইমার কাছে গুতে যাই ।

( দু-দিন পরে )

বর । কেন সখী, কোণে কাঁদিছ বসিয়া  
 চোখে কেন জল পড়ে ?  
 উষা কি তাহার শুকতারা-হারা  
 তাই কি শিশির ঝরে ?  
 বসন্ত কি নাই,        বনলক্ষ্মী তাই  
 কাঁদিছে আকুল ঝরে ?  
 উদাসিনী স্মৃতি কাঁদিছে কি বসি  
 আশার সমাধি 'পরে ?  
 ধসে-পড়া তারা করিছে কি শোক  
 নীল আকাশের তরে ?  
 কী লাগি কাঁদিছ ?

কনে ।                    পুষি মেনিটিরে  
 ফেলিয়া এসেছি ঘরে ।

( অন্ধরের বাগানে )

বর । কী করিছ বনে            শ্রামল শরনে  
 আলো করে বসে ডরমূল ?  
 কোমল কপোলে            ঘেন নানা ছলে  
 উড়ে এসে পড়ে এলো চুল ।  
 পদতল দিয়া                    কাঁদিয়া কাঁদিয়া  
 বহে যায় নদী কুলুকুল ।

সারা দিনমান                      শুনি সেই গান  
 তাই বুঝি আঁধি ঢলুঢল ।  
 আঁচল ভরিয়া                      মরমে মরিয়া  
 পড়ে আছে বুঝি ঝরা ফুল ?  
 বুঝি মুখ কার                      মনে পড়ে, আর  
 মালা গাঁথিবারে হয় তুল ।  
 কার কথা বলি                      বায়ু পড়ে তলি  
 কানে ডলাইয়া যায় তুল,  
 গুন গুন ছলে                      কার নাম বলে  
 চঞ্চল যত অলিকুল ?  
 কানন নিরালী                      আঁধি হাসি-ঢালা,  
 মন সুখস্বপ্ন-সমাকুল,  
 কী করিছ বনে                      কুঞ্জ-ভবনে ?  
 কনে ।                      খেতেছি বসিয়া টোপাকুল !  
 বয় ।                      আসিগাছি কাছে                      মনে বাহা আছে  
 বলিবারে চাহি সমুদয় ।  
 আপনার ভার                      বহিবারে আর  
 পারে না ব্যাকুল এ হৃদয় ।  
 আজি মোর মন                      কী জানি কেমন,  
 বসন্ত আজি মধুময়,  
 আজি প্রাণ খুলে                      মালতী-মুকুলে  
 বায়ু করে যায় অহুনয় ।  
 যেন আঁধি ছুটি                      মোর পানে ফুটি  
 আশাতরা ছুটি কথা কয়,  
 ও হৃদয় টুটে                      যেন প্রেম উঠে  
 নিয়ে আধো লাজ আধো ভয় ।  
 তোমার লাগিয়া                      পরান আগিয়া,  
 দিবসরজনী সারা হয়,  
 কোন্ কাহ্নে তব                      দিবে তার সব  
 তারি লাগি যেন চেয়ে রয় ।

জগৎ ছানিয়া কী দিব আনিয়া  
 জীবন যৌবন করি কয় ?  
 তোমা তরে, সখী, বলো করিব কী ?  
 কনে । আরো কুল পাড়ো গোটা ছয় ।  
 বয় । তবে যাই সখী, নিরাশা-কাতর  
 শূন্য জীবন নিয়ে ।  
 আমি চলে গেলে এক ফোঁটা জল  
 পড়িবে কি আঁধি দিয়ে ?  
 বসন্ত-বায়ু মায়া-নিখাসে  
 বিরহ আলাবে হিয়ে ?  
 ঘুমন্তপ্রায় আকাক্ষা বত  
 পরানে উঠিবে জিয়ে ?  
 বিষাদিনী বসি বিজন বিপিনে  
 কী করিবে তুমি প্রিয়ে ?  
 বিরহের বেলা কেমনে কাটিবে ?  
 কনে । দেব পুকুলের বিয়ে ।

গাজিপুর

২৩ আষাঢ়, ১৮৮৮

## প্রকাশ-বেদনা

আপন প্রাণের গোপন বাসনা  
 টুটিয়া দেখাতে চাহি রে,  
 হৃদয়-বেদনা হৃদয়েই থাকে,  
 ভাষা থেকে যায় বাহিরে ।

ওধু কথার উপরে কথা,  
 নিফল ব্যাকুলতা ।  
 বুদ্ধিতে বোঝাতে দিন চলে যায়  
 ব্যথা থেকে যায় ব্যথা ।

মর্মবেদন আপন আবেগে  
 স্বর হয়ে কেন কোটে না ?  
 দীর্ঘ হৃদয় আপনি কেন রে  
 বাশি হয়ে বেজে ওঠে না ?

আমি চেয়ে থাকি শুধু মুখে  
 ক্রন্দনহারা দুখে ;  
 শিরায় শিরায় হাহাকার কেন  
 ধ্বনিয়া উঠে না বৃকে ?

অরণ্য যথা চিরনিশিদিন  
 শুধু মর্মর স্বনিছে,  
 অনন্ত কালের বিজন বিরহ  
 সিদ্ধমাঝারে ধ্বনিছে ।

যদি ব্যাকুল ব্যাধিত প্রাণ  
 তেমনি গাহিতে গান,  
 চিরজীবনের বাসনা তাহার  
 হইত মূর্তিমান !

ভীরের মতন পিপাসিত বেগে  
 ক্রন্দনধ্বনি ছুটিয়া  
 হৃদয় হইতে হৃদয়ে পশিত  
 মর্মে রহিত ছুটিয়া ।

আজ মিছে এ কথার মালা,  
 মিছে এ অশ্রু ঢালা !  
 কিছু নেই পোড়া ধরণীমাঝারে  
 বোঝাতে মর্মজালা !

সোলাপুর

৬ বৈশাখ, ১৮৮২

## যায়া

বৃথা এ বিড়ম্বনা !  
 কিসের লাগিয়া           এতই তিয়াষ,  
 কেন এত ধ্বংসা !

ছায়ার মতন           ভেসে চলে যায়  
 দরশন পরশন,  
 এই যদি পাই,           এই ভুলে যাই  
 তৃপ্তি না মানে মন ।  
 কত বার আসে,           কত বার ভাসে  
 মিশে যায় কত বার,  
 পেলেও যেমন           না পেলে তেমন  
 শুধু থাকে হাহাকার ।

সন্ধ্যা-পবনে           কুঞ্জভবনে  
 নির্জন নদীতীরে

ছায়ার মতন           হৃদয়-বেদন  
 ছায়ার লাগিয়া ফিরে ।

কত দেখাশোনা           কত আনাগোনা  
 চারিদিকে অবিরত,

শুধু তারি মাঝে           একটি কে আছে  
 তারি ভরে ব্যথা কত !

চিরদিন ধরে           এমনি চলিছে,  
 যুগ-যুগ গেছে চলে ;

মানবের মেলা           করে গেছে খেলা  
 এই ধরণীর কোলে ;

এই ছায়া লাগি           কত নিশি আগি  
 কাঁদায়েছে কাঁদিয়াছে,

মহাস্বপ্ন মানি           শ্রিয়তহুখানি  
 বাহুপাশে বাঁধিয়াছে ।

## রবীন্দ্র-রচনাবলী

নিশিদিন কত ভেবেছে সতত  
 নিয়ে কার হাসিকথা ;  
 কোথা তারা আজ, সুখ দুখ লাজ,  
 কোথা তাহাদের ব্যথা ?  
 কোথা সেদিনের অতুল রূপসী  
 হৃদয়-প্রেমসীচয় ?  
 নিখিলের প্রাণে ছিল যে জাগিয়া,  
 আজ সে স্বপনো নয় !  
 ছিল সে নয়নে অধরের কোণে  
 জীবন মরণ কত,  
 বিকচ সরস তমুর পরশ  
 কোমল প্রেমের যতো ।  
 এত সুখহুখ, তীব্র কামনা  
 জাগরণ হাহতাশ  
 যে রূপজ্যোতিরে সদা ছিল ঘিরে  
 কোথা তার ইতিহাস ?  
 ষমুনার চেউ সঙ্ঘ্যারঙিন  
 মেঘখানি ভালোবাসে,  
 এও চলে যায়, সেও চলে যায়,  
 অদৃষ্ট বসে হাসে ।

রোজব্যাঙ্ক, খিরকি

১ জ্যৈষ্ঠ, ১৮৮২

## বর্ষার দিনে

এমন দিনে তারে বলা যায়,  
 এমন ঘনঘোর বরিষায় !  
 এমন মেঘস্বরে বাদল ঝরঝরে  
 তপনহীন ঘন তমসায় ।



সে কথা শুনিবে না কেহ আর,  
নিভৃত নির্জন চারি ধার ।

হু-জনে মুখোমুখি                      গভীর হুখে হুখী ;  
আকাশে জল বরে অনিবার ;  
জগতে কেহ যেন নাহি আর ।

সমাজ সংসার মিছে সব,  
মিছে এ জীবনের কলরব ।

কেবল আঁধি দিয়ে                      আঁধির সূধা পিয়ে  
হৃদয় দিয়ে হৃদি অহুতব,  
আঁধারে মিশে গেছে আর সব ।

বলিতে বাজিবে না নিজ কানে,  
চমক লাগিবে না নিজ প্রাণে ।

সে কথা আঁধি-নীরে                      মিশিয়া যাবে ধীরে  
এ ভরা বাদলের মাঝখানে ।  
সে কথা মিশে যাবে ছুটি প্রাণে ।

তাহাতে এ জগতে কতি কার,  
নামাতে পারি যদি মনোভার ?

প্রাণ-বরিষনে                      একলা গৃহকোণে  
হু-কথা বলি যদি কাছে তার  
তাহাতে আসে যাবে কিবা কার ?

আছে তো তার পরে বারো মাস,  
উঠিবে কত কথা কত হাস ।

আসিবে কত লোক                      কত না হুখশোক,  
সে কথা কোন্‌খানে পাবে নাশ ।  
জগৎ চলে যাবে বারো মাস ।

ব্যাকুল বেগে আজি বহে বায়,  
 বিজুলি থেকে থেকে চমকায় ।  
 যে কথা এ জীবনে            রহিয়া গেল মনে  
 সে কথা আজি যেন বলা যায়  
 এমন ঘনঘোর বরিষায় !

বোম্বাবাদ, খিরকি

৩ জ্যৈষ্ঠ, ১৮৮৯

## মেঘের খেলা

স্বপ্ন যদি হত জাগরণ,  
 সত্য যদি হত কল্পনা,  
 তবে এ ভালোবাসা            হত না হত-আশা  
 কেবল কবিতার জল্পনা ।  
 মেঘের খেলা সম হত সব  
 মধুর মায়াময় ছায়াময় ।  
 কেবল আনাগোনা,            নীরবে জানাশোনা,  
 জগতে কিছু আর কিছু নয় ।  
 কেবল মেলামেশা গগনে,  
 সুনীল সাগরের পরপারে,  
 সূদূরে ছায়াগিরি            তাহারে ঘিরি ঘিরি  
 শ্রামল ধরণীর ধারে ধারে ।  
 কখনো ধীরে ধীরে ভেসে যায়,  
 কখনো মিশে যায় ডাঙিয়া,  
 কখনো ঘননীল,            বিজুলি-ঝিলিমিল,  
 কখনো উষারাগে রাঙিয়া ।

যেমন প্রাণপণ বাসনা,  
 তেমনি বাধা তার স্বকঠিন,  
 সকলি লঘু হয়ে কোথায় যেত বয়ে  
 ছায়ার মতো হত কারাহীন ।

চাঁদের আলো হত সুখহাস,  
 অশ্রু শরভের বরষন ।  
 সাক্ষী করি বিধু মিলন হত যুহু  
 কেবল প্রাণে প্রাণে পরশন ।

শান্তি পেত এই চিরতৃষা  
 চিত্ত চঞ্চল সকাভর,  
 প্রেমের ধরে ধরে বিরাম জাগিত রে,  
 দুখের ছায়া মাঝে রবিকর ।

রোজব্যাঙ্ক, ধিরকি  
 ৭ জ্যৈষ্ঠ, ১৮৮২

## ধ্যান

নিত্য তোমায় চিত্ত ভরিয়া  
 স্মরণ করি,  
 বিশ্ববিহীন বিজনে বসিয়া  
 বরণ করি ;  
 তুমি আছ মোর জীবন-সরণ  
 হরণ করি ।

তোমার পাই নে কুল,  
 আপনা মাঝারে আপনার প্রেম  
 তাহারো পাই নে তুল ।

## রবীন্দ্র-রচনাবলী

উদয়শিখরে সূর্যের মতো  
 সমস্ত প্রাণ মম  
 চাহিয়া রয়েছে নিমেষ-নিহত  
 একটি নয়ন সম ;  
 অগাধ অপার উদাস দৃষ্টি  
 নাহিকো তাহার সীমা ।  
 তুমি যেন ওই আকাশ উদার,  
 আমি যেন ওই অসীম পাথার,  
 আকুল করেছে মাঝখানে তার  
 আনন্দ-পূর্ণিমা ।  
 তুমি প্রশান্ত চিরনিশিদিন,  
 আমি অশান্ত বিরামবিহীন  
 চঞ্চল অনিবার,  
 যত দূর হেরি দিগ্দিগন্তে  
 তুমি আমি একাকার ।

ছোড়াসাঁকো

২৬ শ্রাবণ, ১৮৮২

## পূর্বকালে

প্রাণমন দিয়ে ভালোবাসিয়াছে  
 এত দিন এত লোক,  
 এত কবি এত গেঁথেছে প্রেমের স্নোক ;  
 তবু তুমি ভবে চির-গৌরবে  
 ছিলে না কি একেবারে  
 হৃদয় সবার করি অধিকার ?  
 তোমা ছাড়া কেহ করে  
 বুঝিতে পারি নে ভালো কি বাসিতে পারে ?

1989 Aug. 10  
যেহাঙ্গালী

নিজ/তোমার চিত্ত ভঙ্গিয়া  
মুগ্ধ-কণ্ঠ,  
বিশ্ববিহীন বিজনে বসিয়া  
~~স্বপ্ন-স্বপ্নে~~ স্বপ্ন-কণ্ঠ।  
তুমি এত মোহে <sup>ছীর্ণ-মুগ্ধ-</sup> ~~জীর্ণ-মুগ্ধ-~~  
~~এক-মুগ্ধ~~ স্বপ্ন-কণ্ঠে। -  
তোমার পাঠেই কুল,  
আপনার মাঝারে আপনার প্রেম  
আহারে পাঠেই কুল।  
মমত্ব প্রাণ মম  
চাহিয়া বৃন্দে নিমেষ নিদ্রিত  
একটি নয়ন মম;#  
অস্বপ্ন, অস্বপ্ন, উদাস দুঃস্থ  
নাহিক আহার সীমা।  
তুমি কেন এই আকাশ চন্দ্র,  
আমি কেন এই অসীম সাগর,  
আকুল করিতে মাঝখানে অব  
আনন্দ পূর্ণিমা।  
তুমি প্রসানু চিত্ত নিমিষদিন,  
আমি অসানু বিহীন-বিশ্বীন,  
চঞ্চল অনিবার, -

মুগ্ধ-মুগ্ধ তুমি কণ্ঠেই অসীম কিংবা দান,  
আমার গভীর অস্বপ্ন জিহ্বা কণ্ঠেই অসীম।



গিয়েছে এসেছে কেঁদেছে হেসেছে  
 ভালো তো বেসেছে তারা,  
 আমি তত দিন কোথা ছিছ দলছাড়া ?  
 ছিছ বুঝি বসে কোন্ এক পাশে  
 পথ-পাদপের ছায়,  
 সৃষ্টিকালের প্রত্যুষ হতে  
 তোমারি প্রতীক্ষায় ;  
 চেয়ে দেখি কত পথিক চলিয়া যায় ।  
  
 অনাদি বিরহ-বেদনা ভেদিয়া  
 ফুটেছে প্রেমের সুখ  
 যেমনি আঁধারে দেখেছি তোমার মুখ ।  
 সে অসীম ব্যথা অসীম সুখের  
 হৃদয়ে হৃদয়ে রয়ে,  
 তাই তো আমার মিলনের মাঝে  
 নয়নে সলিল বহে ।  
 এ প্রেম আমার সুখ নহে, দুখ নহে ।

ঝোড়াসাঁকো

২ ভাদ্র, ১৮৮২

## অনন্ত প্রেম

তোমারেই যেন ভালোবাসিয়াছি  
 শত রূপে শত বার  
 জননে জনমে, যুগে যুগে অনিবার ।  
 চিরকাল ধরে মুগ্ধ হৃদয়  
 গাঁথিয়াছে গীতহার,  
 কত রূপ ধরে পরেছ গলায়  
 নিয়েছ সে উপহার,  
 জনমে জনমে, যুগে যুগে অনিবার ।

যত শুনি সেই অতীত কাহিনী,  
 প্রাচীন প্রেমের ব্যথা,  
 অতি পুরাতন বিরহ-মিলন-কথা,  
 অসীম অতীতে চাহিতে চাহিতে  
 দেখা দেয় অবশেষে  
 কালের তিমির-রজনী ভেদিয়া  
 তোমার মুরতি এসে,  
 চিরস্মৃতিময়ী ঋবতারকার বেশে ।

আমরা দু-জনে ভাসিয়া এসেছি  
 যুগল প্রেমের স্রোতে  
 অনাদি-কালের হৃদয়-উৎস হতে ।  
 আমরা দু-জনে করিয়াছি খেলা  
 কোটি প্রেমিকের মাঝে  
 বিরহবিধুর নয়ন-সলিলে  
 মিলন-মধুর লাজে ।  
 পুরাতন প্রেম নিত্য-নূতন লাজে ।

আজি সেই চিরদিবসের প্রেম  
 অবসান লভিয়াছে  
 রাশি রাশি হয়ে তোমার পায়ের কাছে ।  
 নিখিলের স্থখ নিখিলের দুখ  
 নিখিল প্রাণের স্রীতি,  
 একটি প্রেমের মাঝারে মিশেছে  
 সকল প্রেমের স্মৃতি,  
 সকল কালের সকল কবির স্মৃতি ।



## আশঙ্কা

কে জানে এ কি ভালো ?  
 আকাশভরা কিরণধারা  
 আছিল মোর তপন-তারা,  
 আজিকে শুধু একেলা তুমি  
 আমার আধি-আলো,  
 কে জানে এ কি ভালো ?

কত না শোভা, কত না স্তম্ভ,  
 কত না ছিল অমিয়-মুখ,  
 নিভা-নব পুষ্পরাশি  
 ফুটিত মোর ঘারে ;  
 ক্ষুদ্র আশা, ক্ষুদ্র স্নেহ,  
 মনের ছিল শতেক গেহ,  
 আকাশ ছিল, ধরণী ছিল  
 আমার চারি ধারে ;  
 কোথায় তারা, সকলে আজি  
 তোমাতেই লুকাল ।  
 কে জানে এ কি ভালো ?

কল্পিত এ হৃদয়খানি  
 তোমার কাছে তাই ।  
 দিবসনিশি জাগিয়া আছি  
 নয়নে ঘুম নাই ।  
 সকল গান, সকল প্রাণ  
 তোমাতে আমি করেছি দান,  
 তোমাতে ছেড়ে বিধে মোর  
 ভিলেক নাহি ঠাই ।

সকল পেয়ে তবুও যদি  
 তৃপ্তি নাহি মেলে,  
 তবুও যদি চলিয়া যাও  
 আমারে পাছে ফেলে,  
 নিমেষে সব শূন্য হবে  
 তোমারি এই আসন ভবে,  
 চিরসম কেবল রবে  
 মৃত্যুরেখা কালো ।  
 কে জানে এ কি ভালো ?

জোড়াসাঁকো

১৪ ভাদ্র, ১৮৮২

## ভালো করে বলে যাও

ওগো, ভালো করে বলে যাও !

বাশরি বাজায় যে কথা জানাতে  
 সে কথা বুঝায় দাও ।

যদি না বলিবে কিছু, তবে কেন এসে  
 মুখপানে শুধু চাও !

আজি অন্ধ-ভামসী নিশি ।  
 মেঘের আড়ালে গগনের তারা  
 সবগুলি গেছে মিশি ।

শুধু বাদলের বায় করি হায় হায়  
 আকুলিছে দশ দিশি ।

আমি কুন্তল দিব খুলে ।  
 অঞ্চলমাঝে ঢাকিব তোমার  
 নিশীথ-নিবিড় চূলে ।

ছটি বাহুপাশে বাধি নত মুখখানি  
 বন্ধে লইব তুলে ।

সেখা নিতৃত-নিগয়-স্থে  
 আপনার মনে বলে যেয়ো কথা  
 মিলন-মুদিত বৃকে,  
 আমি নয়ন মুদিয়া গুনিব কেবল  
 চাহিব না মুখে মুখে ।

যবে ফুরাবে তোমার কথা,  
 যে যেমন আছি রহিব বসিয়া  
 চিত্রপুতলি যথা ।

তধু শিয়রে দাঁড়িয়ে করে কানাকানি  
 মর্মর তরুলতা ।

শেষে রজনীর অবসানে  
 অরুণ উদিলে কপেকের তরে  
 চাব ছুঁছ দৌহা পানে ।

ধীরে ঘরে যাব ফিরে দৌহে দুই পথে  
 জলভরা ছু-নয়ানে ।

তবে ভালো করে বলে যাও ।  
 আধিতে বাশিতে যে কথা ভাবিতে  
 সে কথা বুঝিয়ে দাও ।

তধু কম্পিত সুরে আধো ভাবা পুরে  
 কেন এসে গান গাও !

শান্তিনিকেতন  
 ৭ জ্যৈষ্ঠ, ১৮২০

## মেঘদূত

কবির, কবে কোন বিশ্বত বরষে  
কোন পুণ্য আষাঢ়ের প্রথম দিবসে  
লিখেছিলে মেঘদূত ! মেঘমন্ত্র শ্লোক  
বিশ্বের বিরহী যত সকলের শোক  
রাখিয়াছে আপন আধার স্তরে স্তরে  
সঘন সংগীত মাঝে পুঞ্জীভূত করে ।

সেদিন সে উজ্জয়িনী-প্রাসাদ-শিখরে  
কী না জানি ঘনঘটা, বিদ্রাং-উৎসব,  
উদ্দাম পবনবেগ, গুরুগুরু রব ।  
গম্ভীর নির্ঘোষ সেই মেঘ-সংঘর্ষের  
জাগায়ে তুলিয়াছিল সহস্র বর্ষের  
অস্তগূঢ় বাস্পাকুল বিচ্ছেদ-ক্রন্দন  
এক দিনে । ছিন্ন করি কালের বন্ধন  
সেই দিন ঝরে পড়েছিল অবিরল  
চিরদিবসের যেন রুদ্ধ অশ্রুজল  
আর্দ্র করি তোমার উদার শ্লোকরাশি ।

সেদিন কি জগতের যতক প্রবাসী  
জোড়হস্তে মেঘপানে শূন্যে তুলি মাথা  
গেয়েছিল সমস্তরে বিরহের গাথা  
ফিরি প্রিয়-গৃহপানে ? বন্ধনবিহীন  
নবমেঘ-পক্ষ 'পরে করিয়া আসীন  
পাঠাতে চাহিয়াছিল প্রেমের বারতা  
অশ্রুবাস্পভরা,—দূর বাতায়নে যথা  
বিরহিণী ছিল শুয়ে ভূতল-শয়নে  
মুক্তকেশে, মান বেশে সজল নয়নে ?

তাদের সবার গান তোমার সংগীতে  
 পাঠায়ে কি দিলে, কবি, দিবসে নিশীথে  
 দেশে দেশান্তরে, খুঁজি বিরহিণী প্রিয়া ?  
 প্রাণে জাহ্নবী যথা যায় প্রবাহিয়া  
 টানি লয়ে দিশ-দিশান্তের বারিধারা  
 মহাসমুদ্রের মাঝে হতে দিশাহারা ।  
 পাষণ-শৃঙ্খলে যথা বন্দী হিমাচল  
 আবাঢ়ে অনন্ত শূন্যে হেরি মেঘদল  
 স্বাধীন-গগনচারী, কাতরে নিশ্বাসি  
 সহস্র কন্দর হতে বাষ্প রাশি রাশি  
 পাঠায় গগন পানে ; ধায় তারা ছুটি  
 উধাও কামনা সম ; শিখরেতে উঠি  
 সকলে মিলিয়া শেষে হয় একাকার  
 সমস্ত গগনতল করে অধিকার ।  
 সেদিনের পরে গেছে কত শত বার  
 প্রথম দিবস, স্নিগ্ধ নব-বরষার ।  
 প্রতি বর্ষা দিয়ে গেছে নবীন জীবন  
 তোমার কাব্যের 'পরে, করি বরিষন  
 নববৃষ্টিবারিধারা ; করিয়া বিস্তার  
 নবঘনস্নিগ্ধচ্ছায়া ; করিয়া সঞ্চার  
 নব নব প্রতিধ্বনি জলদমস্তের ;  
 স্ফীত করি স্রোতোবেগ তোমার ছন্দের  
 বর্ষা-তরঙ্গিণী সম ।

কত কাল ধরে

কত সজ্জিহীন জন, প্রিয়াহীন ঘরে,  
 বৃষ্টিকান্ত বহুদীর্ঘ লুপ্ত-তারাপনী  
 আবাঢ়-সন্ধ্যায়, কীণ দীপালোকে বসি  
 ওই ছন্দ মন্দ মন্দ করি উচ্চারণ  
 নিমগ্ন করেছে নিজ বিজন-বেদন !

সে সবার কণ্ঠস্বর কর্ণে আসে মম  
সমুদ্রের তরঙ্গের কলধ্বনি সম  
তব কাব্য হতে ।

ভারতের পূর্বশেষে

আমি বসে আছি ; যে শ্রামল বঙ্গদেশে  
জয়দেব কবি, আর এক বর্ষাদিনে  
দেখেছিল দ্বিগন্ধের তমাল-বিপিনে  
শ্রামচ্ছায়া, পূর্ণ মেঘে মেঘুর অম্বর ।

আছি অঙ্ককার দিবা, বৃষ্টি ঝরঝর,  
দুরন্ত পবন অতি, আক্রমণে তার  
অরণ্য উত্ততবাহু করে হাহাকার ।  
বিদ্যুৎ দিতেছে উকি ছিঁড়ি মেঘভার  
ধরতর বক্র হাসি শুল্বে বরষিয়া ।

অঙ্ককার কঙ্কগৃহে একেলা বসিয়া  
পড়িতেছি মেঘদূত ; গৃহত্যাগী মন  
যুক্তগতি মেঘপৃষ্ঠে লয়েছে আসন,  
উড়িয়াছে দেশদেশান্তরে । কোথা আছে  
সামুমান আশ্রুকূট ; কোথা বহিয়াছে  
বিমল বিশীর্ণ রেবা বিদ্যুৎ-পদমূলে  
উপলব্ধিতগতি ; বেত্রবতীকূলে  
পরিণত-ফলশ্রাম জম্বুবনচ্ছায়ে  
কোথায় দশার্ণ গ্রাম রয়েছে লুকায়ে  
প্রশুটিত কেতকীর বেড়া দিয়ে ঘেরা ;  
পথতরুশাখে কোথা গ্রাম-বিহঙ্গেরা  
বর্ষায় বাধিছে নীড়, কলরবে ঘিরে  
বনস্পতি ; না জানি সে কোন নদীতীরে  
যুথীবনবিহারিণী বনাদনা ফিরে,

তপ্ত কপোলের তাপে ক্লান্ত কর্ণোৎপল  
 মেঘের ছায়ার লাগি হতেছে বিকল ;  
 ক্রবিলাস শেখে নাই কারা সেই নারী  
 জনপদ-বধূজন, গগনে নেহারি  
 ঘনঘটা, উর্ধ্বনেত্রে চাহে মেঘপানে,  
 ঘননীল ছায়া পড়ে স্ননীল নয়ানে ;  
 কোন্ মেঘশ্রামশৈলে মুগ্ধ সিদ্ধাঙ্গনা  
 স্নিগ্ধ নবঘন হেরি আছিল উন্ননা  
 শিলাতলে, সহসা আসিতে মহা ঝড়  
 চকিত চকিত হয়ে ভয়ে জড়সড়  
 সঘরি বসন, ফিরে গুহাশ্রয় খুঁজি,  
 বলে, “মাগো, গিরিশৃঙ্গ উড়াইল বুঝি !”  
 কোথায় অবন্তিপুরী ; নির্বিজ্ঞা তটিনী ;  
 কোথা শিপ্রানদীনীরে হেরে উজ্জয়িনী  
 স্বমহিমচ্ছায়া ; সেথা নিশি বিপ্রহরে  
 প্রণয়-চাকল্য ভুলি ভবন-শিখরে  
 স্পৃষ্ট পারাবত ; শুধু বিরহ-বিকারে  
 রমণী বাহির হয় প্রেম-অভিসারে  
 সূচিভেদ্য অঙ্ককারে রাজপথ মাঝে  
 কচিং-বিছাতালোকে ; কোথা সে বিরাজে  
 অক্ষাবর্তে কুরুক্ষেত্রে ; কোথা কনকল,  
 যেথা সেই অক্ষু কস্তা ঘোবন-চকল,  
 গৌরীর ক্রকুটিভঙ্গী করি অবহেলা  
 ফেন-পরিহাসচ্ছলে, করিতেছে খেলা  
 লয়ে ধূর্জটির স্রটা চন্দ্রকরোজ্জল ।

এই মতো মেঘরূপে ফিরি দেশে দেশে  
 হৃদয় ভাসিয়া চলে, উত্তরিতে শেষে  
 কামনার মোক্ষধাম অলকার মাঝে,  
 বিরহিণী প্রিয়তমা যেথায় বিরাজে

সৌন্দর্যের আদিসৃষ্টি ; সেথা কে পারিত  
 লয়ে যেতে, তুমি ছাড়া, করি অব্যাহত  
 লক্ষ্মীর বিলাসপুরী—অমর ভুবনে !  
 অনন্ত বসন্তে যেথা নিত্য পুষ্পবনে  
 নিত্য চন্দ্রালোকে, ইন্দ্রনীল শৈলমূলে  
 স্বর্ণসরোজফুল্ল সরোবরকূলে  
 মণিহর্যো অসীম সম্পদে নিমগনা  
 কাঁদিতেছে একাকিনী বিরহবেদনা ।  
 মুক্ত বাতায়ন হতে যায় তারে দেখা  
 শয্যাপ্রান্তে লীনতমু কীর্ণ শশিরেখা  
 পূর্বগগনের মূলে যেন অন্তপ্রায় ।  
 কবি, তব মস্তে আজি মুক্ত হয়ে যায়  
 রুদ্ধ এই হৃদয়ের বন্ধনের ব্যথা ;  
 লভিয়াছি বিরহের স্বর্গলোক, যেথা  
 চিরনিশি যাপিতেছে বিরহিণী প্রিয়া  
 অনন্ত সৌন্দর্যমাঝে একাকী জাগিয়া ।

আবার হারায় যায় ;— হেরি চারি ধার  
 বৃষ্টি পড়ে অবিশ্রাম ; ঘনায় আধার  
 আসিছে নির্জন নিশা ; প্রান্তরের শেষে  
 কেঁদে চলিয়াছে বায়ু অকুল উদ্দেশে ।  
 ভাবিতেছি অধরাত্রি অনিত্র-নয়ান,  
 কে দিয়েছে হেন শাপ, কেন ব্যবধান ?  
 কেন উর্ধ্বে চেয়ে কানে রুদ্ধ মনোরথ ?  
 কেন প্রেম আপনার নাহি পায় পথ ?  
 সশরীরে কোন্ নর গেছে সেইখানে,  
 মানস-সরসী তীরে বিরহ-শয়ানে,  
 রবিহীন মণিদীপ্ত প্রদোষের দেশে  
 অগন্তের নদীগিরি সকলের শেষে ।

শান্তিনিকেতন

৭৮ জ্যৈষ্ঠ, ১৮২০

অপর্যাহে. ঘনবর্ষায়



## অহল্যার প্রতি

কী স্বপ্নে কাটালে তুমি দীর্ঘ দিবানিশি,  
 অহল্যা, পাষণরূপে ধরাতলে মিশি,  
 নির্বাণিত-হোম-অগ্নি তাপস-বিহীন  
 শূন্য তপোবনচ্ছায়ে ? আছিলে বিলীন  
 বৃহৎ পৃথ্বীর সাথে হয়ে এক-দেহ,  
 তখন কি জেনেছিলে তার মহান্নেহ ?  
 ছিল কি পাষণভঙ্গে অস্পষ্ট চেতনা ?  
 জীবধাত্রী জননীর বিপুল বেদনা,  
 মাতৃধৈর্ষে মৌন মুক স্তম্ভঃখ যত  
 অমুভব করেছিলে স্বপনের মতো  
 স্তম্ভ আত্মা মাঝে ? দিবারাত্রি অহরহ  
 লক্ষ কোটি পরানীর মিলন, কলহ,  
 আনন্দ-বিষাদ-স্কন্ধ ক্রন্দন, গর্জন,  
 অযুত পাষের পদধ্বনি অমুকণ  
 পশিত কি অভিশাপ-নিদ্রা ভেদ করে  
 কর্ণে তোরে, জাগাইয়া রাখিত কি তোরে  
 নেত্রহীন মূঢ় রূঢ় অর্ধ জাগরণে ?  
 বুদ্ধিতে কি পেয়েছিলে আপনার মনে  
 নিত্য-নিদ্রাহীন ব্যথা মহাজননীর ?  
 যে দিন বহিত নব বসন্ত-সমীর,  
 ধরণীর সর্বাঙ্গের পুলকপ্রবাহ  
 স্পর্শ কি করিত তোরে ? জীবন-উৎসাহ  
 ছুটিত সহস্র পথে মক-দিগ্বিজয়ে  
 সহস্র আকারে, উঠিত সে স্কন্ধ হয়ে  
 তোমার পাষণ ঘেরি করিতে নিপাত  
 অমূর্বর-অভিশাপ তব, সে আঘাত  
 জাগাত কি জীবনের কল্প তব দেহে ?

যামিনী আসিত যবে মানবের গেহে  
 ধরণী লইত টানি, শ্রাস্ত তনুগুলি  
 আপনার বন্ধ 'পরে ; দুঃখশ্রম ভুলি  
 ঘুমাত অসংখ্য জীব—জাগিত আকাশ—  
 তাদের শিথিল অঙ্গ, সুষুপ্ত নিশ্বাস  
 বিভোর করিয়া দিত ধরণীর বুক ;  
 মাতৃ-অঙ্গে সেই কোটি জীবস্পর্শস্বথ—  
 কিছু তার পেয়েছিলে আপনার মাঝে ?

যে গোপন অন্তঃপুরে জননী বিরাজে,—  
 বিচিত্রিত স্ববনিকা পত্রপুষ্পজালে  
 বিবিধ বর্ণের লেখা—তারি অন্তরালে  
 রহিয়া অস্বর্ষস্পষ্ট, নিত্য চূপে চূপে  
 ভরিছে সস্তানগৃহ ধনধান্যরূপে  
 জীবনে যৌবনে , সেই গৃঢ় মাতৃকঙ্কে  
 সুষুপ্ত ছিলে এতকাল ধরণীর বক্ষে,  
 চিররাত্রিস্বপ্নীতল বিশ্বতি-আলয়ে ;  
 যেথায় অনন্তকাল ঘুমায় নির্ভয়ে  
 লক্ষ জীবনের ক্লাস্তি ধুলির শয্যায় ;  
 নিমেঘে নিমেঘে যেথা ঝরে পড়ে যায়  
 দিবসের তাপে শুক ফুল, দগ্ধ তারা,  
 জীর্ণ কীর্তি, শ্রাস্ত স্বথ, দুঃখ দাহহারা ।

সেথা স্নিগ্ধ হস্ত দিয়ে পাপতাপরেখা  
 মুছিয়া দিয়াছে মাতা ; দিলে আজি দেখা  
 ধরিত্রীর সন্তোজাত কুমারীর মতো  
 স্নন্দর সরল শুভ্র ; হয়ে বাক্যহত  
 চেয়ে আছ প্রভাতের জগতের পানে ,  
 যে শিশির পড়েছিল তোমার পাষাণে  
 রাত্রিবেলা, এখন সে কাপিছে উন্মাদে  
 আজ্ঞাসূচকিত মুক্ত কৃষ্ণ কেশপাশে ।

যে শৈবাল রেখেছিল ঢাকিয়া তোমার  
 ধরণীর শ্রামশোভা অকলের প্রায়  
 বহু বর্ষ হতে—পেরে বহু বর্ষাধারা  
 সতেজ, সরস, ঘন—এখনো তাহার  
 লগ্ন হয়ে আছে তব নগ্ন গৌর মেহে  
 মাতৃদন্ত বস্ত্রখানি সুকোমল মেহে ।

হাসে পরিচিত হাসি নিখিল সংসার  
 তুমি চেয়ে নির্নিমেষ ; হৃদয় তোমার  
 কোন দূর কালক্ষেত্রে চলে গেছে একা  
 আপনার ধূলিলুপ্ত পদচিহ্নরেখা  
 পদে পদে চিনে চিনে । দেখিতে দেখিতে  
 চারি দিক হতে সব এল চারিভিতে  
 অগতের পূর্ব পরিচয় ; কোতূহলে  
 সমস্ত সংসার ওই এল দলে দলে  
 সম্মুখে তোমার ; খেমে গেল কাছে এসে  
 চমকিয়া । বিশ্বয়ে রহিল অনিমেঘে ।

অপূর্ব রহস্যময়ী মূর্তি বিবসন,  
 নবীন শৈশবে স্নাত সম্পূর্ণ যৌবন,—  
 পূর্ণফুট পুষ্প যথা শ্রামপত্রপুটে  
 শৈশবে যৌবনে মিশে উঠিয়াছে ফুটে  
 এক বৃন্তে । বিশ্বতিসাগর-নীলনীরে  
 প্রথম উষার মতো উঠিয়াছ ধীরে ।  
 তুমি বিশ্বপানে চেয়ে মানিছ বিশ্বয়,  
 বিশ্ব তোমাপানে চেয়ে কথা নাহি কয় ;  
 দোহে মুখোমুখি । অপার রহস্যতীরে  
 চিরপরিচয় মাঝে নব পরিচয় ।

শান্তিনিকেতন

১১।১২ জ্যৈষ্ঠ, ১৮৯০

## গোধূলি

অঙ্ককার তরুশাখা দিয়ে  
 সঙ্ঘ্যার বাতাস বহে যায় ।  
 আয়, নিদ্রা, আয় ঘনাইয়ে  
 শ্রান্ত এই আঁধির পাতায় ।  
 কিছু আর নাহি যায় দেখা,  
 কেহ নাই, আমি শুধু একা ;  
 মিশে যাক জীবনের রেখা  
 বিশ্বতির পশ্চিম সীমায় ।  
 নিষ্ফল দিবস অবসান,  
 কোথা আশা, কোথা গীতগান ।  
 শুয়ে আছে সঞ্জিহীন প্রাণ  
 জীবনের তটবালুকায় ।  
 দূরে শুধু ধ্বনিছে সতত  
 অবিশ্রাম মর্মরের মতো ;  
 হৃদয়ের হত আশা যত  
 অঙ্ককারে কাঁদিয়ে বেড়ায় ।  
 আয় শান্তি, আয় রে নির্বাণ,  
 আয় নিদ্রা, শ্রান্ত প্রাণে আয়  
 মূর্ছাহত হৃদয়ের 'পরে  
 চির গত প্রেমসীর প্রায়  
 আয়, নিদ্রা আয় !

সোলাপুর

১ ভাদ্র, ১৮৯০

## উচ্ছ্বল

এ মুখের পানে চাহিয়া রয়েছ  
 কেন গো অমন করে ?  
 তুমি চিনিতে নারিবে বুঝিতে নারিবে মোরে ।  
 আমি কেঁদেছি হেসেছি ভালো যে বেসেছি  
 এসেছি যেতেছি সরে  
 কী জানি কিসের ঘোরে ।

কোথা হতে এত বেদনা বহিয়া  
 এসেছে পরান মম,  
 বিধাতার এক অর্থবিহীন  
 প্রলাপ-বচন সম ।  
 প্রতিদিন যারা আছে স্থখে দুখে  
 আমি তাহাদের নই,—  
 আমি এসেছি নিমেষে ঘাইব নিমেষ বই ।  
 আমি আমারে চিনি নে, তোমারে জানি নে,  
 আমার আলয় কই !

জগৎ বেড়িয়া নিয়মের পাশ  
 অনিয়ম শুধু আমি ।  
 বাসা বেঁধে আছে কাছে কাছে সবে  
 কত কাজ করে কত কলরবে,  
 চিরকাল ধরে দিবস চলিছে  
 দিবসের অসুগামী ।  
 শুধু আমি নিজবেগ সামালিতে নারি  
 ছুটেছি দিবসঘামী ।

প্রতিদিন বহে মৃদু সমীরণ,  
 প্রতিদিন ফুটে ফুল ।

## রবীন্দ্র-রচনাবলী

ঝড় শুধু আসে কণেকের তরে  
 স্রজনের এক ভুল ।  
 ছরস্র সাধ কাতর বেদনা  
 ফুকানিয়া উভরায়  
 আধার হইতে আধারে ছুটিয়া যায় ।

এ আবেগ নিয়ে কার কাছে যাব,  
 নিতে কে পারিবে মোরে !  
 কে আমারে পারে আঁকড়ি রাখিতে  
 দুখানি বাহর ভোরে !

আমি                    কেবল কাতর গীত !  
 কেহ বা শুনিয়া ঘুমায় নিশীথে,  
 কেহ জাগে চমকিত ।  
 কত যে বেদনা সে কেহ বোঝে না,  
 কত যে আকুল আশা ।  
 কত যে তীব্র পিপাসা-কাতর ভাষা !

ওগো                    তোমরা জগৎবাসী,  
 তোমাদের আছে বরষ বরষ  
 দরশ পরশ রাশি,  
 আমার কেবল একটি নিমেষ  
 তারি তরে খেয়ে আসি ।

আমি                    মহাসুন্দর একটি নিমেষ  
                               ফুটেছে কানন-শেষে ;  
 তারি পানে খাই, ছিঁড়ে নিতে চাই,  
 ব্যাকুল বাসনা-সংগীত গাই,  
 অসীমকালের আধার হইতে  
 বাহির হইয়া এসে ।

শুধু            একটি মুখের এক নিমেষের  
                   একটি মধুর কথা,  
 তারি তরে বহি চিরদিবসের  
                   চিরমনোব্যাকুলতা ।  
 কালের কাননে নিমেষ লুটিয়া  
                   কে জানে চলেছি কোথা !  
 ওগো        মিটে না তাহাতে মিটে না প্রাণের ব্যথা ।

অধিক সময় নাই ।  
 ঝড়ের জীবন ছুটে চলে যায়  
                   শুধু কৈদে, "চাই চাই" !  
 যার কাছে আসি, তার কাছে শুধু  
                   হাহাকার রেখে যাই ।

ওগো তবে থাক, যে যায় সে থাক,  
                   তোমরা দিয়ো না ধরা ।  
                   আমি চলে যাব স্বরা ।  
 মোরে        কেহ ক'রো ভয়, কেহ ক'রো ঘৃণা,  
                   ক্ষমা ক'রো যদি পার !  
 বিন্মিত চোখে ক্ষণেক চাহিয়া,  
                   তার পরে পথ ছাড়ো !

তার পরদিনে উঠিবে প্রভাত,  
                   কুটিবে কুসুম কত,  
 নিয়মে চলিবে মিথিল অগ্ন  
                   প্রতিদিবসের মতো ।  
 কোথাকার এই শৃঙ্খল-ছেঁড়া  
                   স্মৃতিছাড়া এ ব্যথা

## রবীন্দ্র-রচনাবলী

কাঁদিয়া কাঁদিয়া, গাহিয়া গাহিয়া,  
অজানা আঁধার-সাগর বাহিয়া,  
মিশায়ে বাইবে কোথা !  
এক রজনীর প্রহরের মাঝে  
ফুরাবে সকল কথা ।

সোলাপুর

৫ ভাদ্র, ১৮৯০

## আগন্তুক

ওগো স্থখী প্রাণ, তোমাদের এই  
ভব-উৎসব ঘরে  
অচেনা অজানা পাগল অতিথি  
এসেছিল ক্ষণতরে ।  
ক্ষণেকের তরে বিশ্বয়ভরে  
চেয়েছিল চারি দিকে  
বেদনা-বাসনা-ব্যাকুলতাভরা  
তৃষাতুর অনিমিখে ।  
উৎসববেশ ছিল না তাহার  
কণ্ঠে ছিল না মালা,  
কেশপাশ দিয়ে বাহিরিতেছিল  
দীপ্ত অনলজালা ।  
তোমাদের হাসি তোমাদের গান  
খেমে গেল তারে দেখে,  
সুখালে না কেহ পরিচয় তার,  
বসালে না কেহ ডেকে ।  
কী বলিতে গিয়ে বলিল না আর,  
দাঁড়ায়ে রহিল ষারে,  
দীপালোক হতে বাহিরিয়া গেল  
বাহির অন্ধকারে ।



তার পরে কেহ জান কি তোমরা  
কী হইল তার শেষে ?  
কোন দেশ হতে এসে চলে গেল  
কোন গৃহহীন দেশে ?

সোলাপুর  
৫ ভাদ্র, ১৮২০

## বিদায়

অকূল সাগর মাঝে চলেছে ভাসিয়া  
জীবন-তরণী । ধীরে লাগিছে আসিয়া  
তোমার বাতাস, বহি আনি কোন দূর  
পরিচিত তীর হতে কত সুমধুর  
পুষ্পগন্ধ, কত সুখস্বতি, কত ব্যথা,  
আশাহীন কত সাধ, ভাষাহীন কথা ।  
সম্মুখেতে তোমারি নয়ন ভেগে আছে  
আসন্ন আধারমাঝে অন্তাচল-কাছে  
স্থির ক্রবতারাসম ; সেই অনিমেষ  
আকর্ষণে চলেছি কোথায়, কোন দেশ  
কোন নিরুদ্দেশমাঝে ! এমনি করিয়া  
চিরুহীন পথহীন অকূল ধরিয়া  
দূর হতে দূরে ভেসে যাব,—অবশেষে  
দাঁড়াইব দিবসের সর্বপ্রান্তদেশে  
এক মুহূর্তের তরে ; সারাদিন ভেসে  
মেঘখণ্ড যথা রজনীর তীরে এসে  
দাঁড়ায় ধমকি । ওগো, বারেক তখন  
জীবনের খেলা রেখে করণ নয়ন  
পাঠায়ো পশ্চিম পানে, দাঁড়ায়ো একাকী  
ওই দূর তীরদেশে অনিমেষ আধি ।

মুহূর্তে আধার নামি দিবে সব ঢাকি  
 বিদায়ের পথ, তোমার অজ্ঞাত দেশে  
 আমি চলে যাব ; তুমি ফিরে যেয়ো হেসে  
 সংসারের খেলাঘরে তোমার নবীন  
 দিবালোকে । অবশেষে যবে এক দিন—  
 বহু দিন পরে—তোমার জগৎমাঝে  
 সন্ধ্যা দেখা দিবে, দীর্ঘ জীবনের কাজে  
 প্রমোদের কোলাহলে শ্রান্ত হবে প্রাণ,  
 মিলায়ে আসিবে ধীরে স্বপন সমান  
 চিররৌদ্রদগ্ধ এই কঠিন সংসার,  
 সেই দিন এইখানে আসিয়ো আবার ;  
 এই তটপ্রান্তে বসে শ্রান্ত হৃ-নয়ানে  
 চেয়ে দেখো ওই অন্ত-অচলের পানে  
 সন্ধ্যার তিমিরে,—যেথা সাগরের কোলে  
 আকাশ মিশায়ে গেছে । দেখিবে তা-হলে  
 আমার সে বিদায়ের শেষ-চেয়ে-দেখা  
 এইখানে রেখে গেছে জ্যোতির্ময় রেখা ।  
 সে অমর অশ্রুবিন্দু সন্ধ্যাতারকার  
 বিষণ্ণ আকার ধরি উদিবে তোমার  
 নিদ্রাতুর আঁখি 'পরে ;—সারা রাত্রি ধবে  
 তোমার সে জনহীন বিশ্রাম-শিথরে  
 একাকী জাগিয়া রবে । হয়তো স্বপনে  
 ধীরে ধীরে এনে দেবে তোমার স্বরণে  
 জীবনের প্রভাতের দু-একটি কথা ।  
 এক ধারে সাগরের চিরচঞ্চলতা  
 তুলিবে অশ্রুট ধ্বনি, রহস্য অপার,  
 অগ্নি ধারে ঘুমাইবে সমস্ত সংসার ।

## সঙ্ক্যায়

ওগো তুমি, অমনি সঙ্ক্যায় মতো হও ।

সুদূর পশ্চিমাচলে                      কনক-আকাশতলে

অমনি নিস্তব্ধ চেয়ে রও ।

অমনি সুন্দর শাস্ত                      অমনি করুণ কাস্ত

অমনি নীরব উদাসিনী,

ওই মতো ধীরে ধীরে                      আমার জীবন-তীরে

বারেক দাঁড়াও একাকিনী ।

জগতের পরপারে                      নিয়ে যাও আপনারে

দ্বিবসনিশার প্রান্তদেশে ।

থাক হান্ত-উৎসব,                      না আনুক কলরব

সংসারের জনহীন শেষে ।

এস তুমি চূপে চূপে                      শ্রান্তিরূপে নিদ্রারূপে

এস তুমি নয়ন আনত,

এস তুমি স্নান হেসে                      দিবাদগ্ধ আয়ুশেষে

মরণের আশ্বাসের মতো ।

আমি শুধু চেয়ে থাকি                      অশ্রহীন শ্রান্তার্থী,

পড়ে থাকি পৃথিবীর 'পরে ;

খুলে দাও কেশভার,                      ঘনশিথ অঙ্ককার

মোরে ঢেকে দিক স্তরে স্তরে ।

রাখো এ কপালে মম                      নিদ্রার আবেশমম

হিমশিথ করতলখানি ।

বাক্যহীন স্নেহভরে                      অবশ দেহের 'পরে

অঞ্চলের প্রান্ত দাও টানি ।

তার পরে পলে পলে                      করুণার অশ্রুজলে

ভরে থাক নয়ন-পল্লব ।

সেই স্তব্ধ আকুলতা                      গভীর বিদায়-ব্যথা

কায়মনে করি অনুভব ।

য়েড সী

৭ কার্তিক, ১৮২০

## শেষ উপহার

আমি রাত্রি, তুমি ফুল । যতক্ষণ ছিলে কুঁড়ি  
 জাগিয়া চাহিয়া ছিহু অঁধার আকাশ জুড়ি  
 সমস্ত নক্ষত্র নিয়ে, তোমারে লুকায়ে বুকে ;  
 যখন ফুটিলে তুমি সুন্দর তরুণ মুখে  
 তখনি প্রভাত এল ; ফুরাল আমার কাল ;  
 আলোকে ভাঙিয়া গেল রজনীর অস্তুরাল ।  
 এখন বিশ্বের তুমি ; গুন গুন মধুকর  
 চারি দিকে তুলিয়াছে বিশ্বব্যাপকুল স্বর ;  
 গাহে পাখি, বহে বায়ু ; প্রমোদ-হিম্মোলধারা  
 নবফুট জীবনেরে করিতেছে দিশাহারা ।  
 এত আলো, এত সুখ, এত গান, এত প্রাণ  
 ছিল না আমার কাছে ; আমি করেছিহু দান  
 শুধু নিদ্রা, শুধু শান্তি, সযতন নীরবতা,  
 শুধু চেয়ে-থাকা আঁখি, ধুধু মনে মনে কথা ।

আর কি দিই নি কিছু ? প্রলুক প্রভাত যবে  
 চাহিল তোমার পানে, শত পাখি শত রবে  
 ডাকিল তোমার নাম, তখন পড়িল ঝরে  
 আমার নয়ন হতে তোমার নয়ন 'পরে  
 একটি শিশির-কণা । চলে গেলু পরপার ।  
 সেই বিষাদের বিন্দু, বিদায়ের উপহার  
 প্রথর প্রমোদ হতে রাখিবে শীতল করে  
 তোমার তরুণ মুখ ; রজনীর অশ্রু 'পরে  
 পড়ি প্রভাতের হাসি দিবে শোভা অহুপম,  
 বিকচ সৌন্দর্য তব করিবে সুন্দরতম ।

রেড সী

২ কার্তিক, ১৮২০

## মৌন ভাষা

থাক্ থাক্ কাজ নাই, বলিয়ো না কোনো কথা !  
 চেয়ে দেখি, চলে যাই, মনে মনে গান গাই,  
 মনে মনে রচি বসে কত সুখ কত ব্যথা  
 বিরহী পাখির প্রায় অজানা কানন-ছায়  
 উড়িয়া বেড়াক সন্ন্যাসীদের কাতরতা ;  
 তারে বাধিয়ো না ধরে, বলিয়ো না কোনো কথা !

আঁখি দিয়ে যাহা বল সহসা আসিয়া কাছে  
 সেই ভালো, থাক্ তাই, তার বেশি কাজ নাই,  
 কথা দিয়ে বল যদি মোহ ভেঙে যায় পাছে ।  
 এত মুহূ, এত আধো অশ্রুজলে বাধো-বাধো  
 শরমে সতয়ে ম্লান এমন কি ভাষা আছে ?  
 কথায় ব'লো না তাহা আঁখি যাহা বলিয়াছে ।

তুমি হয়তো বা পার আপনারে বুঝাইতে ;  
 মনের সকল ভাষা, প্রাণের সকল আশা  
 পার তুমি গঁথে গঁথে রচিত মধুর গীতে ;  
 আমি তো জানি নে মোরে, দেখি নাই ভালো করে  
 মনের সকল কথা পশিয়া আপন চিতে ।  
 কী বুঝিতে কী বুঝেছি, কী বলিব কী বলিতে !

তবে থাক্ ! ওই শোনো, অন্ধকারে শোনা যায়  
 জলের কল্লোলস্বর পল্লবের মরমর,  
 বাতাসের দীর্ঘশ্বাস গুনিয়া শিহরে কায় ।  
 আরো উর্ধ্বে দেখো চেয়ে—অনন্ত আকাশ ছেয়ে  
 কোটি কোটি মৌন দৃষ্টি তারকায় তারকায় ।  
 প্রাণপণ দীপ্ত ভাষা জলিয়া ফুটিতে চায় ।

এস চূপ করে শুনি এই বাণী স্তব্ধতার,  
 এই অরণ্যের তলে কানাকানি জলে স্থলে,  
 মনে করি হল বলা ছিল যাহা বলিবার।  
 হয়তো তোমার ভাবে তুমি এক বুঝে যাবে  
 আমার মনের মতো আমি বুঝে যাব আর ;  
 নিশীথের কণ্ঠ দিয়ে কথা হবে দু-জন্যের।

মনে করি দুটি তারা জগতের এক ধারে  
 পাশাপাশি কাছাকাছি তুষাতুর চেয়ে আছি,  
 চিনিতেনি চিরযুগ, চিনি নাকো কেহ কারে।  
 দিবসের কোলাহলে প্রতিদিন যাই চলে  
 ফিরে আসি রজনীর ভাষাহীন অঙ্ককারে ;  
 বুঝিবার নহে যাহা, চাই তাহা বুঝিবারে।

তোমার সাহস আছে, আমার সাহস নাই।  
 এই যে শঙ্কিত আলো অঙ্ককারে জলে ভালো  
 কে বলিতে পারে বলা যাহা চাও এ কি তাই।  
 তবে ইহা থাক্ দূরে কল্পনার স্বপ্নপুরে,  
 যার যাহা মনে লঘু তাই মনে করে যাই ;  
 এই চির-আবরণ খুলে ফেলে কাজ নাই।

এস তবে বসি হেথা, বলিয়ো না কোনো কথা।  
 নিশীথের অঙ্ককারে ঘিরে দিক দু-জন্যেরে  
 আমাদের দু-জন্যের জীবনের নীরবতা।  
 দু-জন্যের কোলে বুকে আঁধার বাডুক স্থখে  
 দু-জন্যের এক শিশু জনমের মনোব্যথা।  
 তবে আর কাজ নাই, বলিয়ো না কোনো কথা।

রেড সী

১০ কাৰ্ত্তিক, ১৮২০

## আমার সুখ

ভালোবাসা-ঘেরা ঘরে কোমল শব্দে তুমি  
 যে সুখেই থাক,  
 যে মাধুরী এ জীবনে আমি পাইয়াছি, তাহা  
 তুমি পেলে নাকো।

এই যে অলস বেলা, অলস মেঘের মেলা,  
 অলসে আলোতে খেলা সারা দিনমান,  
 এরি মাঝে চারি পাশে কোথা হতে ভেসে আসে  
ওই মুখ, ওই হাসি, ওই ছু-নয়ান।

সদা শুনি কাছে দূরে মধুর কোমল সুরে  
 তুমি মোরে ডাক ;  
 তাই ভাবি, এ জীবনে আমি যাহা পাইয়াছি  
 তুমি পেলে নাকো।

কোনো দিন এক দিন আপনার মনে, শুধু  
 এক সন্ধ্যাবেলা  
 আমারে এমনি করে ভাবিতে পারিতে যদি  
 বসিয়া একেলা।

এমনি সুদূর বাশি প্রবণে পশিত আসি  
 বিষাদ-কোমল হাসি ভাসিত অধরে।

নয়নে জলের রেখা এক বিন্দু দিত দেখা,  
 তারি 'পরে সন্ধ্যালোক কাপিত কাতরে।  
 ভেসে যেত মনখানি কনক-তরণীসম  
 গৃহহীন স্রোতে,

শুধু এক দিন তরে আমি ধন্ত হইতাম,  
 তুমি ধন্ত হতে।

তুমি কি করেছ মনে      দেখেছ, পেয়েছ তুমি  
 সীমারেখা মম ?  
 ফেলিয়া দিয়াছ মোরে      আদি অস্ত শেষ করে  
 পড়া পুঁথি সম ?  
 নাই সীমা আগে পাছে, যত চাও তত আছে,  
 যতই আসিবে কাছে তত পাবে মোরে ।  
 আনারেও দিয়ে তুমি      এ বিপুল বিশ্বভূমি  
 এ আকাশ এ বাতাস দিতে পার ভরে ।  
 আমাতেও স্থান পেত অবাধে সমস্ত তব  
 জীবনের আশা ।  
 এক বার ভেবে দেখো এ পরানে ধরিয়াছে  
 কত ভালোবাসা ।

সহসা কী শুভক্ষণে অসীম হৃদয়রাশি  
 দৈবে পড়ে চোপে ।  
 দেখিতে পাও নি যদি, দেখিতে পাবে না আর,  
 মিছে মরি বকে ।  
 আমি যা পেয়েছি, তাই সাথে নিয়ে ভেসে যাই,  
 কোনোখানে সীমা নাই ও মধু-মুখের ।  
 শুধু স্বপ্ন, শুধু স্মৃতি, তাই নিয়ে থাকি নিতি  
 আর আশা নাহি রাগি স্বপ্নের দুখের ।  
 আমি যাহা দেখিয়াছি,      আমি যাহা পাইয়াছি  
 এ জনম-সই,  
 জীবনের সব শূন্য আমি যাহে ভরিয়াছি  
 . তোমার তা কই ।

রেড সী

১১ কার্তিক, ১৮৯০



নাটক ও প্রহসন



# বিসর্জন





রবীন্দ্রনাথ  
ভ্রাতৃপুত্রী শ্রীহিন্দীরা মেবী ও ভ্রাতৃপুত্র শ্রীস্বরেন্দ্রনাথ ঠাকুর সহ



## উৎসর্গ

শ্রীমান সুরেন্দ্রনাথ ঠাকুর

প্রাণাধিকেষু

তোরি হাতে বাধা খাতা      তারি শ-খানেক পাতা  
অকরেতে ফেলিয়াছি ঢেকে,  
মস্তিষ্ক-কোটর-বাসী      চিন্তা-কীট রাশি রাশি  
পদচিহ্ন গেছে যেন রেখে ।  
প্রবাসে প্রত্যাহ তোরে      হৃদয়ে স্মরণ করে  
লিখিয়াছি নির্জন প্রভাতে,  
মনে করি অবশেষে      শেষ হলে ফিরে দেশে  
জন্মদিনে দিব তোর হাতে ।

বর্ণনাটা করি শোন,—      একা আমি, গৃহ-কোণ,  
কাগজ-পত্ৰ ছড়াছড়ি,  
দশ দিকে বইগুলি,      সঞ্চয় করিছে ধূলি,  
আলস্তে যেতেছে গড়াগড়ি,  
শয্যাহীন খাটখানা      এক পাশে দেয় থানা  
প্রকাশিয়া কাঠের পাঁজর ;  
তারি 'পরে অবিচারে      যাহা-তাহা ভাবে ভাবে  
সুপাকারে মহে অনাদর ।

## রবীন্দ্র-রচনাবলী

চেয়ে দেখি জানালায়                      খালখানা শুকপ্রায়  
 মাঝে মাঝে বেধে আছে জল,  
 এক ধারে রাশ রাশ                      অর্ধমগ্ন দীর্ঘ বাশ  
 তারি 'পরে বালকের দল ।  
 ধরে মাছ মারে ঢেলা                      সারা দিন করে খেলা  
 উভচর মানব-শাবক ।  
 মেয়েরা মাজিছে গাত্র                      অথবা কাঁসার পাত্র  
 সোনার মতন ঝক ঝক ।

উত্তরে যেতেছে দেখা                      পড়েছে পথের রেখা  
 শুক সেই জলপথ মাঝে,  
 বহু কষ্টে ডাক ছাড়ি                      চলেছে গোরুর গাড়ি  
 ঝিনি ঝিনি ষণ্টা তারি বাজে ।  
 কেহ ক্রত কেহ ধীরে                      কেহ যায় নতশিরে,  
 কেহ যায় বুক ফুলাইয়া,  
 কেহ জীর্ণ টাটু চড়ি                      চলিয়াছে তড়বড়ি  
 দুই ধারে দু-পা ফুলাইয়া ।

পরপারে গায়ে গায়                      অশ্রুভেদী মহাকাশ  
 স্তম্ভচ্ছায় বট-অশ্বখেরা ;  
 ন্মিঞ্চ বন-অন্ধে তারি                      স্মৃগুপ্রায় সারি সারি  
 কুঁড়েগুলি বেড়া দিয়ে ঘেরা ।  
 বিহঙ্গে মানবে মিলি                      আছে হেথা নিরিবিলি  
 ঘনশ্রাম পল্লবের ঘর ;  
 সন্ধ্যাবেলা হোথা হতে                      ভেসে আসে বায়ুশোভে  
 গ্রামের বিচিত্র গীত-স্বর ।

পূর্ব প্রান্তে বনশিরে                      সূর্যোদয় ধীরে ধীরে,  
 চারিদিকে পাখির কুজন ;



শব্দঘণ্টা কণ পরে                      দূর মন্দিরের ঘরে  
 প্রচারিছে শিবের পূজন ।  
 যে প্রত্নাষে মধু-মাছি                      বাহিরায় মধু ঘাচি  
 কুম্ভ-কুম্ভের ঘারে ঘারে,  
 সেই ভোর বেলা আমি                      মানস-কুহরে নামি  
 আয়োজন করি লিখিবারে ।

লিখিতে লিখিতে মাঝে                      পাখি-গান কানে বাজে  
 মনে আনে কাল পুরাতন ;  
 ওই গান, ওই ছবি,                      তরুশিরে রাঙা রবি  
 ওরা প্রকৃতির নিত্য ধন ।  
 আদি কবি বাঙ্গালিকরে                      এই সমীরণ ধীরে  
 ভক্তি-ভরে করেছে বীজন,  
 ওই মায়ী চিত্রবৎ                      তরু-লতা, ছায়া-পথ,  
 ছিল তাঁর পুণ্য তপোবন ।

রাজধানী কলিকাতা                      ভুলেছে স্পর্ধিত মাথা,  
 পুরাতন নাহি ঘেঁষে কাছে ।  
 কাঠ লোহু চারি দিক ;                      বর্তমান আধুনিক  
 আড়ষ্ট হইয়া যেন আছে ।  
 "আজ" "কাল" দুটি তাই                      মরিতেছে জন্মিয়াই,  
 কলরব করিতেছে কত !  
 নিশিদিন ধূলি পড়ে                      দিতেছে আচ্ছন্ন করে  
 চিরসত্য আছে যেথা বত ।

জীবনের হানাহানি,                      প্রাণ নিয়ে টানাটানি,  
 মত নিয়ে বাক্য-বরিষন,  
 বিদ্ভা নিয়ে রাতারাতি                      পুঁথির প্রাচীর গাঁথি  
 প্রকৃতির গণ্ডি বিরচন,

কেবলি নূতনে আশ,            সৌন্দৰ্যেতে অবিশ্বাস,  
 উন্মাদনা চাহি দিনরাত,  
 সে সকল ভুলে গিয়ে            কোণে বসে খাতা নিয়ে  
 মহানন্দে কাটিছে প্রভাত ।

দক্ষিণের বারান্দায়            বেড়াই মুখের প্রায়  
 অপরাহ্নে পড়ে তরুচ্ছায়া,  
 কল্পনার ধনগুলি            হৃদয়-দোলায় ছুলি  
 প্রতিক্ষণে লভিতেছে কায়া ।  
 সেবি বাহিরের বায়ু            বাড়ে তাহাদের আয়ু  
 ভোগ করে চাঁদের অমিয়,  
 ভেদ করি মোর প্রাণ            জীবন করিয়া পান  
 হইতেছে জীবনের প্রিয় ।

এত তারা ভেগে আছে            নিশিদিন কাছে কাছে  
 এত কথা কয় শত স্বরে,  
 তাহাদের তুলনায়            আর সবে ছায়াপ্রায়  
 আসে যায় নয়নের 'পরে ।  
 আজ সব হল সারা            বিদায় লয়েছে তারা  
 নূতন বেঁধেছে ঘরবাড়ি,  
 এখন স্বাধীন বলে            বাহিরে এসেছে চলে  
 অস্তরের পিতৃগৃহ ছাড়ি ।

তাই এত দিন পরে            আজি নিঃস্মৃতি ধরে  
 প্রবাসের বিরহ-বেদনা,  
 তোদের কাছেতে যেতে            তোদিকে নিকটে পেতে  
 জাগিতেছে একান্ত বাসনা ।

সন্মুখে দাঁড়াব যবে "কী এনেছ" বলি সবে  
 যতপি শুধাস হাসিমুখ,  
 খাতাখানি বের করে বলিব "এ পাতা ভরে  
 আনিয়াছি প্রবাসের স্থখ।"

এই ছবি মনে আসে টেবিলের চারি পাশে  
 গুটি-কত চোকি টেনে আনি,  
 শুধু জন দুই-তিন উর্ধ্ব জলে কেরোসিন,  
 কেদারায় বসি ঠাকুরানী ।  
 দক্ষিণের দ্বার দিয়ে, বায়ু আসে গান নিয়ে,  
 কেঁপে কেঁপে উঠে দীপশিখা,  
 খাতা হাতে স্থর করে অবাধে যেতেছি পড়ে  
 কেহ নাই করিবারে টিকা ।

ঘণ্টা বাজে, বাড়ে রাত ফুরায় বয়ের পাত  
 বাহিরে নিস্তরু চারি দ্বার ;  
 তোদের নয়নে জল করে আসে ছলছল  
 গুনিয়া কাহিনী করুণার ।  
 তাই দেখে শুভে যাই আনন্দের শেষ নাই,  
 কাটে রাজি স্বপ্ন-রচনায়,  
 মনে মনে প্রাণ ভরি অমরতা লাভ করি  
 নীরব সে সমালোচনায় ।

তার পরে দিনকত কেটে যায় এই মতো  
 তার পরে ছাপাবার পালা ।  
 মৃত্যাবস্থ হতে শেষে বাহিরায় শুভবেশে,  
 তার পরে মহা ঝালাপালা ।

রক্তমাংস-গন্ধ পেয়ে                      ক্রিটিকেরা আসে ধেয়ে  
চারি দিকে করে কাড়াকাড়ি,  
কেহ বলে, “ড্রামাটিক                      বলা নাহি যায় ঠিক,  
লিরিকের বড়ো বাড়াবাড়ি।”

শির নাড়ি কেহ কহে                      “সব স্কন্ধ মন্দ নহে,  
ভালো হত আরো ভালো হলে।”  
কেহ বলে “আয়ুহীন                      বাঁচবে হু-চারি দিন,  
চিরদিন রবে না তা বলে।”  
কেহ বলে “এ বহিষ্ঠা                      লাগিতে পারিত মিঠা  
হত যদি অন্য কোনোরূপ।”  
যার মনে যাহা লয়                      সকলেই কথা কয়  
আমি শুধু বসে আছি চুপ।

লয়ে নাম লয়ে জাতি                      বিদ্বানের মাতামাতি  
ও সকল আনিস নে কানে।  
আইনের লৌহ-ছাঁচে                      কবিতা কতু না বাঁচে  
প্রাণ শুধু পায় তাহা প্রাণে।  
হাসিমুখে স্নেহভরে                      সঁপিলাম তোর করে  
বুঝিয়া পড়িবি অহুরাগে।  
কে বোঝে কে নাই বোঝে                      ভাবুক তা নাহি খোঁজে  
ভালো যার লাগে তার লাগে।

রবি কাকা

## নাটকের পাত্রগণ

গোবিন্দমাণিক্য	ত্রিপুরার রাজা
নক্ষত্র রায়	গোবিন্দমাণিক্যের কনিষ্ঠ ভ্রাতা
রঘুপতি	রাজপুরোহিত ।
জয়সিংহ	রঘুপতির পালিত রাজপুত্র যুবক, রাজমন্দিরের সেবক
চাঁদপাল	দেওয়ান
নয়ন রায়	সেনাপতি
ঞব	রাজপালিত বালক
মন্ত্রী	
গৌরগণ	
গুণবতী	মহিষী
অপর্ণা	ভিখারিনী

---



# বিসর্জন

প্রথম অঙ্ক

প্রথম দৃশ্য

মন্দির

গুণবতী

গুণবতী । মার কাছে কী করেছি দোষ । ভিখারি যে  
সম্মান বিক্রয় করে উদরের দায়ে  
তারে দাও শিশু—পাপিষ্ঠা যে লোকলাঞ্জে  
সম্মানেরে বধ করে, তার গর্ভে দাও  
পাঠাইয়া অসহায় জীব । আমি হেথা  
সোনার পালকে মহারানী, শত শত  
দাস দাসী সৈন্ত প্রজা লয়ে, বসে আছি  
তপ্ত বক্ষে শুধু এক শিশুর পরশ  
লালসিয়া, আপনার প্রাণের ভিতরে  
আরেকটি প্রাণাধিক প্রাণ করিবারে  
অমুভব ;—এই বক্ষ, এই বাহু দুটি,  
এই কোল, এই দৃষ্টি দিয়ে, বিরচিত্তে  
নিবিড় জীবন্ত নীড়, শুধু একটুকু  
প্রাণকণিকার তরে ! হেরিবে আমারে  
একটি নূতন আঁধি প্রথম আলোকে,  
ফুটিবে আমারি কোলে কথাহীন মুখে  
অকারণ আনন্দের প্রথম হাসিটি ।

## রবীন্দ্র-রচনাবলী

কুমারজননী মাত, কোন পাপে মোরে  
করিলি বঞ্চিত মাতৃস্বর্গ হতে ?

## রঘুপতির প্রবেশ

প্রভু,

চিরদিন মার পূজা করি। জেনে শুনে  
কিছু তো করিনি দোষ! পুণ্যের শরীর  
মোর স্বামী মহাদেবসম—তবে কোন  
দোষ দেখে আমারে করিল মহামায়া  
নিঃসন্তানশ্মশানচারিণী ?

রঘুপতি।

মার খেলা

কে বুঝিতে পারে বলো ? পাষণ-তনয়া  
ইচ্ছাময়ী,—স্বখ দুঃখ তাঁরি ইচ্ছা। ধৈর্য  
ধরো। এবার তোমার নামে মার পূজা  
হবে। প্রসন্ন হইবে শ্রামা।

গুণবতী।

এ-বৎসর

পূজার বলির পণ্ড আমি নিজে দিব।  
করিছ মানত, মা যদি সন্তান দেন  
বর্ষে বর্ষে দিব তাঁরে এক-শ মহিষ,  
তিন শত ছাগ।

রঘুপতি।

পূজার সময় হল।

[ উভয়ের প্রস্থান ]

## গোবিন্দমাণিক্য, অপর্ণা ও জয়সিংহের প্রবেশ

জয়সিংহ। কী আদেশ মহারাজ !

গোবিন্দমাণিক্য।

দুঃস্থ ছাগশিশু

দরিদ্র এ বালিকার স্নেহের পুস্তলি,  
তাঁরে নাকি কেড়ে আনিয়াছ মার কাছে  
বলি দিতে ? এ দান কি নেবেন জননী  
প্রসন্ন দক্ষিণ হস্তে ?



জয়সিংহ ।

কেমনে জানিব,

মহারাজ, কোথা হতে অমুচরণ  
আনে পশু দেবীর পূজার তরে !—হাঁ গা,  
কেন তুমি কাঁদিতেছ ? আপনি নিয়েছে  
যারে বিশ্বমাতা, তার তরে ক্রন্দন কি  
শোভা পায় ?

অপর্ণা ।

কে তোমার বিশ্বমাতা ! মোর  
শিশু চিনিবে না তারে । মা-হারা শাবক  
জানে না সে আপন মায়েরে । আমি যদি  
বেলা করে আসি, খায় না সে তৃণদল,  
ডেকে ডেকে চায় পথপানে—কোলে করে  
নিয়ে তারে, ভিক-অন্ন কম জনে ভাগ  
করে খাই । আমি তার মাতা !

জয়সিংহ ।

মহারাজ,

আপনার প্রাণ-অংশ দিয়ে, যদি তারে  
বাঁচাইতে পারিতাম, দিতাম বাঁচায়ে ।  
মা তাহারে নিয়েছেন—আমি তারে আর  
ফিরাব কেমনে ?

অপর্ণা ।

মা তাহারে নিয়েছেন ?

মিছে কথা ! বান্ধসী নিয়েছে তারে !

জয়সিংহ ।

ছি ছি,

ও কথা এনো না মুখে ।

অপর্ণা ।

মা, তুমি নিয়েছ  
কেড়ে দরিদ্রের ধন ! রাজা যদি চুরি  
করে, গুনিয়াছি নাকি, আছে অগতের  
রাজা—তুমি যদি চুরি কর, কে তোমার  
করিবে বিচার ! মহারাজ, বলো তুমি—

গোবিন্দমাণিক্য ।

বৎসে, আমি বাক্যহীন,—এত ব্যথা কেন,  
এত রক্ত কেন, কে বলিয়া দিবে মোরে ?

অপর্ণা ।

এই যে সোপান বেয়ে রক্তচিহ্ন দেখি

- এ কি তারি রক্ত ? ওরে বাছনি আমার !  
 মরি মরি, মোরে ডেকে কেঁদেছিল কত,  
 চেয়েছিল চারি দিকে ব্যাকুল নয়নে  
 কল্পিত কাতর বন্ধে, মোর প্রাণ কেন  
 যেথা ছিল সেথা হতে ছুটিয়া এল না ?  
 জয়সিংহ । ( প্রতিমার প্রতি )  
 আজন্ম পূজিছ তোরে তবু তোর মায়া  
 বুঝিতে পারি নে । করুণায় কাঁদে প্রাণ  
 মানবের,—দয়া নাই বিশ্বজননীর !
- অপর্ণা । ( জয়সিংহের প্রতি )  
 তুমি তো নিষ্ঠুর নহ—আধি-প্রাস্তে তব  
 অশ্রু ঝরে মোর দুখে । তবে এস তুমি,  
 এ মন্দির ছেড়ে এস । তবে ক্ষম মোরে,  
 মিথ্যা আমি অপরাধী করেছি তোমায় !
- জয়সিংহ । ( প্রতিমার প্রতি )  
 তোমার মন্দিরে এ কী নূতন সংগীত  
 ধ্বনিয়া উঠিল আজি হে গিরিনন্দিনী,  
 করুণাকাতর কণ্ঠস্বরে ! ভক্তহৃদি  
 অপরূপ বেদনায় উঠিল ব্যাকুলি !  
 —হে শোভনে, কোথা যাব এ মন্দির ছেড়ে !  
 কোথায় আশ্রয় আছে ?
- গোবিন্দমাণিক্য । ( জনাস্তিক হইতে ) যেথা আছে প্রেম । [ প্রস্থান  
 জয়সিংহ । কোথা আছে প্রেম !
- অয়ি ভয়ে, এস তুমি  
 আমার কুটীরে । অতিথিরে দেবীরূপে  
 আজিকে করিব পূজা করিয়াছি পণ ।  
 [ জয়সিংহ ও অপর্ণার প্রস্থান

## দ্বিতীয় দৃশ্য

রাজসভা

সভাসদগণ

রাজা, রঘুপতি ও নক্ষত্র রায়ের প্রবেশ

সকলে ।

( উঠিয়া ) অয় হ'ক মহারাজ !

রঘুপতি ।

রাজার ভাণ্ডারে

এসেছি বলির পুস্ত সংগ্রহ করিতে ।

গোবিন্দমাণিক্য ।

মন্দিরেতে জীব-বলি এ বৎসর হতে

হইল নিষেধ ।

নয়ন রায় ।

বলি নিষেধ !

মন্ত্রী ।

নিষেধ !

নক্ষত্র রায় ।

তাই তো ! বলি নিষেধ !

রঘুপতি ।

এ কি স্বপ্নে শুনি ?

গোবিন্দমাণিক্য ।

স্বপ্ন নহে প্রভু ! এতদিন স্বপ্নে ছিছ,

আজ জাগরণ ! বালিকার মূর্তি ধরে

স্বয়ং জননী মোরে বলে গিয়েছেন

জীবরক্ত সহে না তাঁহার ।

রঘুপতি ।

এত দিন

সহিল কী করে ? সহস্র বৎসর ধরে

রক্ত করেছেন পান, আজি এ অরুচি ?

গোবিন্দমাণিক্য ।

করেন নি পান । মুখ ফিরাতেন দেবী

করিতে শোণিতপাত তোমরা ষধন ।

রঘুপতি ।

মহারাজ, কী করিছ ভালো করে ভেবে

দেখো । শাস্ত্রবিধি তোমার অধীন নহে ।

গোবিন্দমাণিক্য ।

সকল শাস্ত্রের বড়ো দেবীর আদেশ ।

রঘুপতি ।

একে শাস্তি, তাহে অহংকার ! অজ্ঞ নয়,

তুমি শুধু শুনিয়াছ দেবীর আদেশ,

আমি শুনি নাই ?

নক্ষত্র রায় ।

তাই তো কী বলো মন্ত্রী,

এ বড়ো আশ্চর্য ! ঠাকুর শোনে নাই ?

গোবিন্দমাণিক্য ।

দেবী-আজ্ঞা নিত্যকাল ধ্বনিছে জগতে ।

সেই তো বধিরতম যে-জন সে বাণী

শনেও শনে না ।

রঘুপতি ।

পাষণ্ড, নাস্তিক তুমি !

গোবিন্দমাণিক্য ।

ঠাকুর, সময় নষ্ট হয় । যাও এবে

মন্দিরের কাজে । প্রচার করিয়া দিগ্ধ

পথে যেতে যেতে, আমার ত্রিপুররাজ্যে

যে করিবে জীবহত্যা জীবজননীর

পূজাচ্ছলে, তারে দিব নির্বাসন-দণ্ড ।

রঘুপতি ।

এই কি হইল স্থির ?

গোবিন্দমাণিক্য ।

স্থির এই !

রঘুপতি ।

( উঠিয়া )

তবে

উচ্ছন্ন ! উচ্ছন্ন যাও !

চাঁদপাল ।

( ছুটিয়া আসিয়া ) হাঁ হাঁ ! থামো ! থামো !

গোবিন্দমাণিক্য ।

ব'সো চাঁদপাল । ঠাকুর বলিয়া যাও ।

মনোব্যথা লঘু করে যাও নিজ কাজে ।

রঘুপতি ।

তুমি কি ভেবেছ মনে ত্রিপুর-ঈশ্বরী

ত্রিপুরার প্রজা ? প্রচারিবে তাঁর 'পরে

তোমার নিয়ম ? হরণ করিবে তাঁর

বলি ? হেন সাধ্য নাই তব ! আমি আছি

মায়ের সেবক !

[ প্রস্থান

নয়ন রায় ।

কমা করো অধীনের

স্পর্ধা মহারাজ ! কোন অধিকারে, প্রভু,

জননীর বলি—

চাঁদপাল ।

শাস্ত হও সেনাপতি !

মন্ত্রী ।

মহারাজ, একেবারে করেছ কি স্থির ?

আজ্ঞা আর কিরিবে না ?

গোবিন্দমাণিক্য ।

আর নহে মন্ত্রী :

বিলম্ব উচিত নহে বিনাশ করিতে  
পাপ ।

মন্ত্রী ।                      পাপের কি এত পরমায়ু হবে ?  
কত শত বর্ষ ধরে যে প্রাচীন প্রথা  
দেবতাচরণতলে বৃদ্ধ হয়ে এল  
সে কি পাপ হতে পারে ?

[ রাজার নিরুত্তরে চিন্তা

নন্দ্রায় ।

তাই তো হে মন্ত্রী,

সে কি পাপ হতে পারে ?

মন্ত্রী ।

পিতামহগণ

এসেছে পালন করে যত্নে ভক্তিভরে  
সনাতন রীতি । তাঁহাদের অপমান  
তার অপমানে ।

[ রাজার চিন্তা

নয়ন রায় ।

ভেবে দেখো মহারাজ,

যুগে যুগে যে পেয়েছে শতসহস্রের  
ভক্তির সন্মতি, তাহারে করিতে নাশ  
তোমার কী আছে অধিকার !

গোবিন্দমাণিক্য । ( সনিশ্বাসে )                      থাক তর্ক !

যাও মন্ত্রী, আদেশ প্রচার করো গিয়ে  
আজ হতে বন্ধ বলিদান ।                      [ প্রহান

মন্ত্রী ।

এ কী হল !

নন্দ্রায় ।

তাই তো হে মন্ত্রী, এ কী হল ! শুনেছিছ  
মগের মন্দিরে বলি নেই, অবশেষে  
মগেতে হিন্দুতে ভেদ রহিল না কিছু ।  
কী বল হে চাঁদপাল, তুমি কেন চূপ ?

চাঁদপাল ।

ভীরু আমি ক্ষুদ্র প্রাণী, বুদ্ধি কিছু কম,  
না বুঝে পালন করি রাজার আদেশ ।

## তৃতীয় দৃশ্য

মন্দির

জয়সিংহ

জয়সিংহ । মা গো শুধু তুই আর আমি ! এ মন্দিরে  
সারা দিন আর কেহ নাই । সারা দীর্ঘ  
দিন ! মাঝে মাঝে কে আমারে ডাকে ঘেন ।  
তোর কাছে থেকে তবু একা মনে হয় ।

নেপথ্য গান

আমি একলা চলেছি এ ভবে,  
আমায় পথের সন্ধান কে কবে ?  
জয়সিংহ । মা গো, এ কী মায়া ! দেবতারে প্রাণ দেয়  
মানবের প্রাণ ! এইমাত্র ছিলে তুমি  
নির্বাক নিশ্চল—উঠিলে জীবন্ত হয়ে,  
সন্তানের কণ্ঠস্বরে সজাগ জননী !

গান গাহিতে গাহিতে অপর্ণার প্রবেশ

আমি একলা চলেছি এ ভবে,  
আমায় পথের সন্ধান কে কবে ?  
ভয় নেই, ভয় নেই,  
যাও আপন মনেই,  
যেমন একলা মধুপ খেয়ে যায়  
কেবল ফুলের সৌরভে ।  
জয়সিংহ । কেবলি একেলা ! দক্ষিণ বাতাস যদি  
বন্ধ হয়ে যায়, ফুলের সৌরভ যদি  
নাহি আসে, দশ দিক জেগে উঠে যদি  
দশটি সন্দেহ সম, তখন কোথায়  
সুখ, কোথা পথ ? জান কি একেলা কারে  
বলে ?



জয়সিংহের ভূমিকায় রবীন্দ্রনাথ, ১৩৩০

শ্রীপ্রফুল্লচন্দ্র মহলানবীশ গৃহীত ফটোগ্রাফ





অপর্ণা ।                      জানি ।    যবে বসে আছি ভরা মনে  
দিতে চাই নিতে কেহ নাই !

অয়সিংহ ।                      স্বপনের  
আগে দেবতা যেমন একা ।    তাই বটে !  
তাই বটে !    মনে হয় এ জীবন বড়ো  
বেশি আছে,—যত বড়ো তত শূন্য, তত  
আবশ্যকহীন ।

অপর্ণা ।                      অয়সিংহ, তুমি বুঝি  
একা !    তাই দেখিয়াছি কাঙাল যে জন  
তাহারো কাঙাল তুমি !    যে তোমার সব  
নিতে পারে, তারে তুমি খুঁজিতেছ যেন ।  
অমিতেছ দীনদুঃখী সকলের দ্বারে ।  
এত দিন ভিক্ষা মেগে ফিরিতেছি—কত  
লোক দেখি, কত মুখপানে চাই, লোকে  
ভাবে শুধু বুঝি ভিক্ষাতরে,—দূর হতে  
দেয় তাই মুষ্টিভিক্ষা ক্ষুদ্র দয়াভরে ;  
এত দয়া পাই নে কোথাও—যাহা পেয়ে  
আপনার দৈন্ত আর মনে নাহি পড়ে ।

অয়সিংহ ।                      যথার্থ যে দাতা, আপনি নামিয়া আসে  
দানরূপে দরিদ্রের পানে, তুমিতলে ।  
যেমন আকাশ হতে বৃষ্টিরূপে মেঘ  
নেমে আসে মরুভূমে—দেবী নেমে আসে  
মানবী হইয়া, দ্বারে ভালোবাসি তার  
মুখে ।    দরিদ্র ও দাতা, দেবতা মানব  
সমান হইয়া যায় ।

ওই আসিছেন

যোর গুরুদেব ।

অপর্ণা ।                      আমি তবে সরে যাই  
অন্তরালে ।    ব্রাহ্মণেরে বড়ো ভয় করি ।

কী কঠিন তীব্র দৃষ্টি ! কঠিন ললাট  
 পাষণ-সোপান যেন দেবীমন্দিরের । [ প্রস্থান  
 জয়সিংহ । কঠিন ? কঠিন বটে ! বিধাতার মতো ।  
 কঠিনতা নিখিলের অটল নির্ভর ।

### রঘুপতির প্রবেশ

জয়সিংহ ( পা ধুইবার জল প্রভৃতি অগ্রসর করিয়া )  
 শুরুদেব !

রঘুপতি । যাও, যাও ।  
 জয়সিংহ । আনিয়াছি জল ।  
 রঘুপতি । থাক, রেখে দাও জল !  
 জয়সিংহ । বসন !  
 রঘুপতি । কে চাহে

বসন !

জয়সিংহ । অপরাধ করেছি কি ?  
 রঘুপতি । আবার !  
 কে নিয়েছে অপরাধ তব ?  
 ঘোর কলি ।

এসেছে ঘনায়ৈ বাহুবল রাহসম  
 ব্রহ্মতেজ গ্রাসিবারে চায়—সিংহাসন  
 তোলে শির যজ্ঞবেদী 'পরে । হায় হায়,  
 কলির দেবতা তোমরাও চাটুকর  
 সভাসদসম, নতশিরে রাজ-আজ্ঞা  
 বহিতেছ ? চতুর্ভুজা, চারি হস্ত আছ  
 জোড় করি ! বৈকুণ্ঠ কি আবার নিয়েছে  
 কেড়ে দৈত্যগণ ? গিয়েছে দেবতা যত  
 রসাতলে ? শুধু দানবে মানবে মিলে  
 বিশ্বের রাজস্ব দর্পে করিতেছে ভোগ ?  
 দেবতা না যদি থাকে ব্রাহ্মণ রয়েছে ।  
 ব্রাহ্মণের রোষযজ্ঞে দণ্ড সিংহাসন

ইবিকাঠ হবে ।

( অয়সিংহের নিকট গিয়া সন্নেহে ) বৎস, আজ করিয়াছি  
রক্ষ আচরণ তোমা 'পরে, চিত্ত বড়ো  
কুরু মোর ।

অয়সিংহ ।

কী হয়েছে প্রভু ।

রঘুপতি ।

কী হয়েছে ?

তুখাও অপমানিত ত্রিপুরেশ্বরীয়ে ।

এই মুখে কেমনে বলিব কী হয়েছে ।

অয়সিংহ ।

কে করেছে অপমান ।

রঘুপতি ।

গোবিন্দমাণিক্য ।

অয়সিংহ ।

গোবিন্দমাণিক্য ? প্রভু, কারে অপমান ?

রঘুপতি ।

কারে ! তুমি, আমি, সর্বশাস্ত্র, সর্বদেশ,  
সর্বকাল, সর্বদেশকাল অধিষ্ঠাত্রী  
মহাকালী, সকলেরে করে অপমান  
কুত্র সিংহাসনে বসি । মার পূজা-বলি  
নিষেধিল স্পর্ধাভরে ।

অয়সিংহ ।

গোবিন্দমাণিক্য !

রঘুপতি ।

হাঁগো, হাঁ, তোমার রাজা গোবিন্দমাণিক্য ।  
তোমার সকল-শ্রেষ্ঠ—তোমার প্রাণের  
অধীশ্বর ! অকৃতজ্ঞ ! পালন করিছ  
এত বড়ো স্নেহে তোরে শিশুকাল হতে,  
আমা চেয়ে প্রিয়তর আজ তোম কাছে  
গোবিন্দমাণিক্য ?

অয়সিংহ ।

প্রভু, পিতৃকোলে বসি

আকাশে বাড়ায় হাত কুত্র মুগ্ধ শিশু

পূর্ণচন্দ্রপানে—দেব, তুমি পিতা মোর,

পূর্ণশশী মহারাজ গোবিন্দমাণিক্য !

কিন্তু এ কী বকিতেছি ? কী কথা শুনিছ ?

মায়ের পূজার বলি নিষেধ করেছে

রাজা ? এ আদেশ কে মানিবে ?

রঘুপতি ।    না মানিলে  
     নির্বাসন ।

জয়সিংহ ।    মাতৃপূজাহীন রাজ্য হতে  
     নির্বাসন দণ্ড নহে । এ প্রাণ থাকিতে  
     অসম্পূর্ণ নাহি রবে জননীর পূজা ।

## চতুর্থ দৃশ্য

অস্তঃপুর

গুণবতী ও পরিচারিকা

গুণবতী ।    কী বলিস ? মন্দিরের ছয়ার হইতে  
     রানীর পূজার বলি কিরায়ে দিয়াছে ?  
     এক মেহে কত মুণ্ড আছে তার ? কে সে  
     ছরদুট ?

পরিচারিকা ।    বলিতে সাহস নাহি মানি—

গুণবতী ।    বলিতে সাহস নাহি ? এ কথা বলিলি  
     কী সাহসে ? আমা-চেয়ে কারে ভোর ভয় ?

পরিচারিকা ।    কমা করো !

গুণবতী ।    কাল সন্ধ্যাবেলা ছিহ্ন রানী,  
     কাল সন্ধ্যাবেলা বন্দিগণ করে গেছে  
     স্তব, বিগ্রগণ করে গেছে আশীর্বাদ,  
     তৃত্যগণ করজোড়ে আজ্ঞা লয়ে গেছে,  
     এক রাজ্যে উলটিল সকল নিয়ম ?  
     দেবী পাইল না পূজা, রানীর মহিমা  
     অবনত ? জিপুরা কি বর্ণরাজ্য ছিল ?  
     ঘরা করে ভেকে আন ব্রাহ্মণ ঠাকুরে ।

[ পরিচারিকার প্রস্থান ]

গোবিন্দমাণিক্যের প্রবেশ

- গুণবতী । মহারাজ, শুনিতেছ ? মার দ্বার হতে  
আমার পূজার বলি কিয়ালে দিয়েছে ।
- গোবিন্দমাণিক্য । জানি তাহা ।
- গুণবতী । জান তুমি ? নিষেধ কর নি  
তবু ? জ্ঞাতসারে মহিষীর অপমান !
- গোবিন্দমাণিক্য । তারে কমা করো শ্রিয়ে ।
- গুণবতী । দয়ার শরীর  
তব, কিন্তু মহারাজ, এ তো দয়া নয়,  
এ শুধু কাপুরুষতা ! দয়ায় দুর্বল  
তুমি, নিজ হাতে দণ্ড দিতে নাহি পার  
যদি, আমি দণ্ড দিব । বল মোরে কে সে  
অপরাধী ।
- গোবিন্দমাণিক্য । দেবী, আমি । অপরাধ আর  
কিছু নহে, তোমারে দিয়েছি ব্যথা এই  
অপরাধ ।
- গুণবতী । কী বলিছ হহারাজ !
- গোবিন্দমাণিক্য । আজ  
হতে দেবতার নামে জীবরক্তপাত  
আমার ত্রিপুররাজ্যে হয়েছে নিষেধ ।
- গুণবতী । কাহার নিষেধ ?
- গোবিন্দমাণিক্য । জননীর ।
- গুণবতী । কে শুনেছে ?
- গোবিন্দমাণিক্য । আমি ।
- গুণবতী । তুমি ? মহারাজ, শুনে হাসি আসে ।  
রাজদ্বারে এসেছেন ভুবন-ঈশ্বরী  
জানাইতে আবেদন !
- গোবিন্দমাণিক্য । হেসো না মহিষী ।  
জননী আপনি এসে সন্তানের প্রাণে  
বেদনা জানিয়েছেন, আবেদন নহে ।

গুণবতী । কথা রেখে দাও মহারাজ । মন্দিরের  
বাহিরে তোমার রাজ্য । যেথা তব আজ্ঞা  
নাহি চলে, সেথা আজ্ঞা নাহি দিয়ো ।

গোবিন্দমাণিক্য । মার  
আজ্ঞা, মোর আজ্ঞা নহে ।

গুণবতী । কেমনে জানিলে ?

গোবিন্দমাণিক্য । ক্ষীণ দীপালোকে গৃহকোণে থেকে যায়  
অন্ধকার ; সব পারে, আপনার ছায়া  
কিছুতে ঘুচাতে নারে দীপ । মানবের  
বুদ্ধি দীপসম, যত আলো করে দান  
তত রেখে দেয় সংশয়ের ছায়া, স্বর্গ  
হতে নামে যবে জ্ঞান, নিমেষে সংশয়  
টুটে । আমার হৃদয়ে সংশয় কিছুই  
নাই ।

গুণবতী । অনিয়াছি আপনার পাপপুণ্য  
আপনার কাছে । তুমি থাকো আপনার  
অসংশয় নিয়ে—আমার দুয়ার ছাড়া,  
আমার পূজার বলি আমি নিয়ে যাই  
আমার মায়ের কাছে ।

গোবিন্দমাণিক্য । দেবী, জননীর  
আজ্ঞা পারি না লজ্জিতে ।

গুণবতী । আমিও পারি না ।  
মার কাছে আছি প্রতিশ্রুত । সেই মতো  
যথাশাস্ত্র যথাবিধি পূজিব তাঁহারে,  
যাও, তুমি যাও ।

গোবিন্দমাণিক্য । যে আদেশ মহারানী । [ প্রস্থান

### রঘুপতির প্রবেশ

গুণবতী । ঠাকুর, আমার পূজা কিয়ারে দিয়েছে  
মাতৃঘর হতে ।

রঘুপতি ।

মহারানী, যার পূজা

ফিরে গেছে, নহে সে তোমার । উৎসব  
দরিত্রের ভিকাল পূজা, রাজেশ্রী,  
তোমার পূজার চেয়ে নূন নহে । কিন্তু  
এই বড়ো সর্বনাশ, যার পূজা ফিরে  
গেছে । এই বড়ো সর্বনাশ, রাজদর্প  
ক্রমে ক্ষীণ হয়ে করিতেছে অতিক্রম  
পৃথিবীর রাজত্বের সীমা—বসিরাছে  
দেবতার দ্বার বোধ করি—জননী  
ভক্তদের প্রতি ছই আঁধি রাঙাইয়া ।

গুণবতী ।

কী হবে ঠাকুর ?

রঘুপতি ।

জানেন তা মহামায়া !

এই শুধু জানি—যে সিংহাসনের ছায়া ।  
পড়েছে মায়ের দ্বারে—ফুৎকারে কাটিবে  
সেই দস্তমঞ্চখানি জলবিষসম ।  
যুগে যুগে রাজপিতাপিতামহ মিলে  
উর্ধ্বপানে তুলিয়াছে যে রাজমহিমা  
অভ্রভেদী করে, মুহূর্তে হইয়া যাবে  
ধূলিসাৎ বহুদীর্ঘ বঙ্ধ ঝঙ্কাত !

গুণবতী ।

রক্ষা করো, রক্ষা করো প্রভু ।

রঘুপতি ।

হা, হা, আমি

রক্ষা করিব তোমারে ! যে প্রবল রাজা  
স্বর্গমর্ত্যে প্রচারিছে আপন শাসন  
তুমি ঠারি রানী ! দেব-ব্রাহ্মণেরে যিনি—  
ধিক, ধিক, শত বার । ধিক লক্ষ বার ।  
কলির ব্রাহ্মণে ধিক । ব্রহ্মশাপ কোথা !  
ব্যর্থ ব্রহ্মতেজ শুধু বন্ধে আপনার  
আহত বৃন্দিক সম আপনি দংশিছে ।  
মিথ্যা ব্রহ্ম-আড়ম্বর ।

[ পৈতা ছিঁড়িতে উচ্চত

গুণবতী ।

কী কর কী কর

দেব । রাখো, রাখো, দয়া করো নির্দোষীয়ে ।

রঘুপতি ।

ফিরিয়ে দে ব্রাহ্মণের অধিকার ।

গুণবতী ।

দিব ।

যাও প্রভু, পূজা করো মন্দিরেতে গিয়ে,  
হবে নাকো পূজার ব্যাঘাত ।

রঘুপতি ।

যে আদেশ

রাজ-অধীশ্বরী । দেবতা কৃতার্থ হল  
তোমারি আদেশবলে, ফিরে গেল পুন  
ব্রাহ্মণ আপন তেজ । ধন্য তোমরাই,  
যত দিন নাহি জাগে কঙ্কি-অবতার ।

[ প্রস্থান

গোবিন্দমাণিক্যের পুনঃপ্রবেশ

গোবিন্দমাণিক্য । অগ্রসর প্রেমসীর মুখ, বিশ্বমাঝে

সব আনো সব সুখ লুপ্ত করে রাখে ।

উন্ননা উৎসুক চিত্তে ফিরে ফিরে আসি ।

গুণবতী ।

যাও, যাও, এস না এ গৃহে । অভিশাপ  
আনিয়ো না হেথা ।

গোবিন্দমাণিক্য ।

প্রিয়তমে, প্রেমে করে

অভিশাপ নাশ, দয়া করে অকল্যাণ

দূর । সতীর হৃদয় হতে প্রেম গেলে

পতিগৃহে লাগে অভিশাপ । যাই তবে

দেবী ।

গুণবতী ।

যাও । ফিরে আর দেখায়ো না মুখ ।

গোবিন্দমাণিক্য ।

স্মরণ করিবে যবে, আবার আসিব ।

[প্রস্থানোমুখ

গুণবতী ।

( পারে পড়িয়া ) কমা করো, কমা করো নাথ ! এতই কি

হয়েছ নিষ্ঠুর, রমণীর অভিমান

ঠেলে চলে যাবে ? জান না কি প্রিয়তম,

ব্যর্থ প্রেম দেখা দেয় রোষের ধরিয়া



ছদ্মবেশ ? ভালো, আপনার অভিমানে  
আপনি করিছ অপমান—কমা করো ।

গোবিন্দমাণিক্য । প্রিয়তমে, তোমা 'পরে টুটিলে বিশ্বাস  
সেই দণ্ডে টুটিত জীবনবন্ধ । জানি  
প্রিয়ে, মেঘ কণিকের, চিরদিবসের  
সূর্য ।

গুণবতী । মেঘ কণিকের । এ মেঘ কাটিয়া  
যাবে, বিধির উদ্ভূত বন্ধ ফিরে যাবে,  
চিরদিবসের সূর্য উঠিবে আবার  
চিরদিবসের প্রথা জাগারে জগতে,  
অভয় পাইবে সর্বলোক—তুলে যাবে  
ছ-দণ্ডের ছঃস্বপন । সেই আজ্ঞা করো ।  
ব্রাহ্মণ ফিরিয়া পাক নিজ অধিকার  
দেবী নিজ পূজা, রাজদণ্ড ফিরে যাক  
নিজ অশ্রমস্ত মর্ত্য অধিকার যাবে ।

গোবিন্দমাণিক্য । ধর্মহানি ব্রাহ্মণের নহে অধিকার  
অসহার জীবরক্ত নহে জননীর  
পূজা । দেবতার আজ্ঞা পালন করিতে  
রাজা বিপ্র সকলেরি আছে অধিকার ।

গুণবতী । ভিক্ষা, ভিক্ষা চাই । একান্ত মিনতি করি  
চরণে তোমার প্রভু । চিরাগত প্রথা  
চিরপ্রবাহিত মুক্ত সমীরণসম,  
নহে তা রাজার ধন,—তাও জোড়করে  
সমস্ত প্রজার নামে ভিক্ষা মানিতেছে  
মহিষী তোমার । প্রেমের দোহাই মানো  
প্রিয়তম । বিধাতাও করিবেন কমা  
প্রেম-আকর্ষণবে কর্তব্যের ক্রটি ।

গোবিন্দমাণিক্য । এই কি উচিত মহারানী ? নীচ স্বার্থ,  
নিষ্ঠুর কমতাদর্প, অন্ধ অজ্ঞানতা,  
চির রক্তপানে স্ফীত হিংস্র বৃদ্ধ প্রথা,

সহস্র শত্রুর সাথে একা যুদ্ধ করি ;  
 শ্রান্তদেহে আসি গৃহে নারীচিত্ত হতে  
 অমৃত করিতে পান ; সেথাও কি নাই  
 দয়া-সুখা ? গৃহমাঝে পুণ্য প্রেম বহে,  
 তারো সাথে মিশিয়াছে রক্তধারা ? এত  
 রক্তশ্রোত কোন দৈত্য দিয়াছে খুলিয়া !  
 ভক্তিতে প্রেমেতে রক্ত মাখামাখি হয়,  
 জ্বর হিংসা দয়াময়ী রমণীর প্রাণে  
 দিয়ে যায় শোণিতের ছাপ । এ শোণিতে  
 তবু করিব না রোধ ?

গুণবতী । ( মুখ ঢাকিয়া ) যাও, যাও তুমি ।

গোবিন্দমাগিক্য । হায় মহারানী, কর্তব্য কঠিন হয়

তোমরা ফিরালে মুখ [ প্রস্থান

গুণবতী । ( কাঁদিয়া উঠিয়া ) ওরে অভাগিনী

এত দিন এ কী ভ্রান্তি পুষেছিলি মনে ।

ছিল না সংশয়মাত্র ব্যর্থ হবে আজ

এত অমুরোধ, এত অমুনয়, এত

অভিমান । দিক, কী সোহাগে পূজহীনা

পতিরে আনায় অভিমান ? ছাই হ'ক

অভিমান তোর । ছাই এ কপাল ! ছাই

মহিষী-গরব ! আর নহে প্রেমখেলা,

সোহাগ-ক্রন্দন । বুঝিয়াছি আপনার

স্থান—হয় ধূলিতলে নতশির—নয়

উর্ধ্বকণা ভূজঙ্গিনী আপনার তেজে ।

—

## পঞ্চম দৃশ্য

### মন্দির

#### এক দল লোকের প্রবেশ

নেপাল। কোথায় হে, তোমাদের তিন-শ পাঠা, এক-শ এক মোষ! একটা টিকটিকির ছেঁড়া নেজটুকু পর্যন্ত দেখবার জো নেই! বাজনারা গেল কোথায়, সব ঘেঁহাঁই করছে! খরচপত্র করে পূজো দেখতে এলুম, আচ্ছা শান্তি হয়েছে।

গণেশ। দেখ্, মন্দিরের সামনে দাঁড়িয়ে অমন করে বলিস নে! মা পাঠা পায় নি, এবার জেগে উঠে তোদের এক-একটাকে ধরে ধরে মুখে পুরবে!

হারু। কেন! গেল বছরে বাছারা সব ছিলে কোথায়? আর সেই ও-বছর, যখন ব্রত সাদ্ধ করে রানীমা পূজো দিয়েছিল, তখন কি তোদের পায়ে কাঁটা ফুটেছিল? তখন এক বার দেখে যেতে পার নি? রক্তে যে গোমতী রাঙা হয়ে গিয়েছিল। আর অলুকুনে বেটারা এসেছিল আর মায়ের খোরাক পর্যন্ত বন্ধ হয়ে গেল। তোদের এক-একটাকে ধরে মার কাছে নিবেদন করে দিলে মনের খেদ মেটে।

কাহু। আর ভাই, মিছে রাগ করিস। আমাদের কি আর বলবার মুখ আছে? তাহলে কি আর দাঁড়িয়ে ওর কথা শুনি।

হারু। তা যা বলিস ভাই, অল্পেতেই আমার রাগ হয় সে সত্যি। সেদিন ও-ব্যক্তি শালা পর্যন্ত উঠেছিল তার বেশি যদি একটা কথা বলত, কিংবা আমার গায়ে হাত দিত, মাইরি বলছি, তাহলে আমি—

নেপাল। তা চল না দেখি, কার হাড়ে কত শক্তি আছে।

হারু। তা আর না। জানিস, এখানকার দফাদার আমার মামাতো ভাই হয়!

নেপাল। তা নিয়ে আর—তোর মামাকে হুঁহু নিয়ে আর, তোর দফাদারের দফা নিকেশ করে দিই।

হারু। তোমরা সকলেই গুনলে!

গণেশ ও কাহু। আর দূর কর্ ভাই, ঘরে চল। আজ আর কিছুতে গা লাগছে না। এখন তোদের তামাশা তুলে রাখ্।

হারু। এ কি তামাশা হল? আমার মামাকে নিয়ে তামাশা! আমাদের দফাদারের আপনার বাবাকে নিয়ে—

গণেশ ও কাহ্নু । আর রেখে দে । তোর আপনার বাবাকে নিয়ে তুই আপনি  
মর । [ সকলের প্রস্থান

রঘুপতি, নয়ন রায় ও জয়সিংহের প্রবেশ

রঘুপতি । মার 'পরে ভক্তি নাই তব ?  
নয়ন রায় । হেন কথা  
কার সাধা বলে ? ভক্তবংশে জন্ম মোর ।  
রঘুপতি । সাধু, সাধু ! তবে তুমি মায়ের সেবক,  
আমাদেরি লোক ।  
নয়ন রায় । প্রভু, মাতৃভক্ত যারা  
আমি তাঁহাদেরি দাস ।  
রঘুপতি । সাধু ! ভক্তি তব  
হউক অক্ষয় । ভক্তি তব বাহুমায়ে  
করুক সঞ্চার অতি দুর্জয় শক্তি ।  
ভক্তি তব তরবারি করুক শাণিত,  
বজ্রসম দিক তাহে তেজ । ভক্তি তব  
হৃদয়েতে করুক বসতি, পদমান  
সকলের উচ্ছে ।  
নয়ন রায় । ব্রাহ্মণের আশীর্বাদ  
ব্যর্থ হইবে না ।  
রঘুপতি । শুন তবে সেনাপতি,  
তোমার সকল বল করো একত্রিত  
মার কাছে । নাশ করো মাতৃবিদ্বেহীনে !  
নয়ন রায় । যে আদেশ প্রভু । কে আছে মায়ের শত্রু ?  
রঘুপতি । গোবিন্দমাণিক্য ।  
নয়ন রায় । আমাদের মহারাজ ?  
রঘুপতি । লয়ে তব সৈন্যদল আক্রমণ করো  
তারে ।  
নয়ন রায় । দিক পাপ-পরামর্শ । প্রভু, এ কি  
পরীক্ষা আমারে ?

রঘুপতি ।

পরীক্ষাই বটে । কার

ভৃত্য তুমি, এবার পরীক্ষা হবে তার ।  
ছাড়ো চিন্তা, ছাড়ো বিধা, কাল নাহি আর,  
ত্রিপুরেশ্বরীর আজ্ঞা হতেছে ধনিত  
প্রলয়ের শৃঙ্গসম—ছিন্ন হয়ে গেছে  
আজি সকল বন্ধন ।

নয়ন রায় ।

নাই চিন্তা, নাই

কোনো বিধা । যে পদে বেধেছে দেবী, আমি  
তাহে রয়েছি অটল ।

রঘুপতি ।

সাধু !

নয়ন রায় ।

এত আমি

নরাধম জননীর সেবকের মাঝে,  
মোর 'পরে হেন আজ্ঞা কেন ? আমি হব  
বিশ্বাসঘাতক ? আপনি দাঁড়িয়ে আছে  
বিশ্বমাতা—হৃদয়ের বিশ্বাসের 'পরে,  
সেই তাঁর অটল আসন, আপনি তা  
ভাঙিতে বলিবে দেবী আপনার মুখে ?  
তাহা হলে আজ যাবে রাজা, কাল দেবী,  
মহুশ্বস্ত্র ভেঙে পড়ে যাবে, জীর্ণভিত্তি  
অট্টালিকা সম ।

অয়সিংহ ।

ধনু, সেনাপতি ধনু ।

রঘুপতি ।

ধনু বটে তুমি । কিন্তু এ কী ভ্রান্তি তব ?  
যে রাজা বিশ্বাসঘাতী জননীর কাছে,  
তার সাথে বিশ্বাসের বন্ধন কোথায় ?

নয়ন রায় ।

কী হইবে মিছে তর্কে ? বুদ্ধির বিপাকে  
চাহি না পড়িতে । আমি জানি এক পথ  
আছে—সেই পথ বিশ্বাসের পথ । সেই  
সিধে পথ বেয়ে চিরদিন চলে যাবে

অবোধ অধম ভৃত্য এ নয়ন রায় । [ গ্রহান

অয়সিংহ ।

চিন্তা কেন দেব ? এমনি বিশ্বাসবলে

মোরাও করিব কাজ । কারে ভয় প্রভু ?  
 সৈন্তবলে কোন কাজ ? অস্ত্র কোন ছার !  
 যার 'পরে রয়েছে যে ভার—বল তার  
 আছে সে কাজের । করিবই মার পূজা  
 যদি সত্য মায়ের সেবক হই মোরা ।  
 চলো প্রভু,—বাজাই মায়ের ডঙ্কা, ডেকে  
 আনি পুরবাসিগণে । মন্দিরের দ্বার  
 খুলে দিই ।—ওরে আয় তোরা, আয়, আয়,  
 অভয় পূজা হবে—নির্ভয়ে আয় রে  
 তোরা মায়ের সন্তান ! আয় পুরবাসী !

[ জয়সিংহ ও রঘুপতির প্রস্থান ]

### পুরবাসিগণের প্রবেশ

অক্রুর । ওরে আয় রে আয় ।  
 সকলে । জয় মা ।  
 হারু । আয় রে মায়ের সামনে বাহু তুলে নৃত্য করি ।

### গান

উলঙ্কিনী নাচে রণরঙ্গে  
 আমরা নৃত্য করি সঙ্গে ।  
 দশ দিক আঁধার করে মাতিল দিগ্‌বসনা,  
 জলে বহ্নিশিখা রাঙা রসনা,  
 দেখে মরিবারে ধাইছে পতঙ্গে !  
 কালো কেশ উড়িল আকাশে,  
 রবি সোম সূকাল তরাসে ।  
 রাঙা রক্তধারা বরে কালো অঙ্গে,  
 ত্রিভুবন কাঁপে তুরুভঙ্গে ।

সকলে । জয় মা ।  
 গণেশ । আর ভয় নেই ।  
 হারু । ওরে সেই দক্ষিণদ'র মাছুরগুলো এখন গেল কোথায় ।  
 গণেশ । মায়ের ঐশ্বর্য বেটাদের সইল না । তারা ভেগেছে ।

হারু। কেবল মায়ের ঐশ্বর্য নয়, আমি তাদের এমনি শাসিয়ে দিয়েছি, তারা আর এ-মুখো হবে না। বুকলে অক্রুরদা, আমার মামাতো ভাই দকাদারের নাম করবামাত্র তাদের মুখ চুন হয়ে গেল।

অক্রুর। আমাদের নিতাই সেদিন তাদের খুব কড়া কড়া ছোটো কথা শুনিয়ে দিয়েছিল। ওই বার ছুঁচপারা মুখ সেই বেটা তেড়ে উত্তর দিতে এসেছিল; আমাদের নিতাই বললে, “ওরে তোরা দক্ষিণদেশে থাকিস, তোরা উত্তরের কী জানিস? উত্তর দিতে এসেছিস, উত্তরের জানিস কী?” শুনে আমরা হেসে কে কার গায়ে পড়ি।

গণেশ। ইদিকে ঐ ভালোমাহুষ কিন্তু নিতাইয়ের সঙ্গে কথায় আঁটবার জো নেই।

হারু। নিতাই আমার পিসে হয়।

কাহ্নু। শোনো এক বার কথা শোনো। নিতাই আবার তোর পিসে হল কবে?

হারু। তোমরা আমার সকল কথাই ধরতে আরম্ভ করেছ। আচ্ছা, পিসে নয় তো পিসে নয়। তাতে তোমার স্বর্গটা কী হল? আমার হল না বলে কি তোমারি পিসে হল?

### রঘুপতি ও জয়সিংহের প্রবেশ

রঘুপতি। সুনন্দ সৈন্ত আসছে। জয়সিংহ অস্ত্র নিয়ে তুমি এখানে দাঁড়াও। তোরা আর, তোরা এইখানে দাঁড়া। মন্দিরের দ্বার আগলাতে হবে। আমি তোদের অস্ত্র এনে দিচ্ছি।

গণেশ। অস্ত্র কেন ঠাকুর?

রঘুপতি। মায়ের পুজো বন্ধ করবার জন্য রাজার সৈন্ত আসছে।

হারু। সৈন্ত আসছে! প্রভু, তবে প্রণাম হই।

কাহ্নু। আমরা ক-জনা, সৈন্ত এলে কী করতে পারব?

হারু। করতে সবই পারি—কিন্তু সৈন্ত এলে এখানে জায়গা হবে কোথায়? লড়াই তো পরের কথা, এখানে দাঁড়াব কোনখানে?

অক্রুর। তোর কথা রেখে দে। দেখছিস নে, প্রভু রাগে কাঁপছেন। তা ঠাকুর অহুমতি করেন তো আমাদের দলবল সমস্ত ডেকে নিয়ে আসি।

হারু। সেই ভালো। অমনি আমার মামাতো ভাইকে ডেকে আনি। কিন্তু আর একটুও বিলম্ব করা উচিত নয়।

[ সকলের প্রস্থানোত্তম

রঘুপতি । ( সরোষে ) দাঁড়া তোর।  
 জয়সিংহ । ( করজোড়ে ) যেতে দাও প্রভু—প্রাণভয়ে ভীত এরা  
 বুদ্ধিহীন—আগে হতে রয়েছে মরিয়া ।  
 আমি আছি মায়ের সৈনিক । এক দেহে  
 সহস্র সৈন্তের বল । অস্ত্র থাক পড়ে ।  
 ভীকদের যেতে দাও !

রঘুপতি । ( স্বগত ) সে-কাল গিয়েছে ।  
 অস্ত্র চাই, অস্ত্র চাই—শুধু ভক্তি নয় ।  
 ( প্রকাশে ) জয়সিংহ, তবে বলি আনো, করি পূজা ।

### বাহিরে বাঙোড়ম

জয়সিংহ । সৈন্ত নহে প্রভু, আসিছে রানীর পূজা ।

### রানীর অনুচর ও পুরবাসিগণের প্রবেশ

সকলে । ওরে ভয় নেই—সৈন্ত কোথায় ? মার পূজা আসছে ।  
 হারু । আমরা আছি খবর পেয়েছে, সৈন্তেরা শীত্র এদিকে আসছে না  
 কারু । ঠাকুর, রানীমা পূজো পাঠিয়েছেন ।  
 রঘুপতি । জয়সিংহ, শীত্র পূজার আয়োজন করো ।

[ জয়সিংহের প্রস্থান ]

### পুরবাসিগণের নৃত্যগীত । গোবিন্দমাণিক্যের প্রবেশ

গোবিন্দমাণিক্য । চলে যাও হেথা হতে—নিরে যাও বলি !

রঘুপতি, শোন নাই আদেশ আমার ?

রঘুপতি । শুনি নাই ।

গোবিন্দমাণিক্য । তবে তুমি এ রাজ্যের নহ ।

রঘুপতি । নহি আমি । আমি আছি যেথা, সেথা এলে

রাজদণ্ড ধসে যায় রাজহস্ত হতে,

মুকুট ধুলায় পড়ে লুটে । কে আছিল,

আনু মার পূজা ।

### বাঙোড়ম



গোবিন্দমাণিক্য ।           চূপ করু ! ( অহুচরের প্রতি ) কোথা আছে  
সেনাপতি, ডেকে আনো । হার রঘুপতি,  
অবশেষে সৈন্ত দিয়ে ঘিরিতে হইল  
ধর্ম ! লজ্জা হয় ডাকিতে সৈনিকদল,  
বাহুবল দুর্বলতা করায় স্মরণ ।

রঘুপতি ।           অবিশ্বাসী, সত্যই কি হয়েছে ধারণা  
কলিযুগে ব্রহ্মভেজ গেছে—তাই এত  
দুঃসাহস ? যায় নাই । যে দীপ্ত অনল  
জ্বলিছে অন্তরে, সে তোমার সিংহাসনে  
নিশ্চয় লাগিবে । নতুবা এ মনানলে  
ছাই করে পুড়াইব সব শাস্ত্র, সব  
ব্রহ্মগর্ব, সমস্ত তেত্রিশ কোটি মিথ্যা ।  
আজ নহে মহারাজ রাজ-অধিরাজ  
এই দিন মনে ক'রো আর এক দিন ।  
নয়ন রায় ও চাঁদপালের প্রবেশ

গোবিন্দমাণিক্য । ( নয়নের প্রতি )  
সৈন্ত লয়ে থাকো হেথা নিষেধ করিতে  
জীববলি ।

নয়ন রায় ।           কমা করো অধম কিংকরে ।  
অকম রাজার ভৃত্য দেবতা-মন্দিরে ।  
যত দূর যেতে পারে রাজার প্রতাপ  
মোরা ছায়া সঙ্গে যাই ।

চাঁদপাল ।           ধামো সেনাপতি,  
দীপশিখা থাকে এক ঠাই, দীপালোক  
যায় বহুদূরে । রাজ-ইচ্ছা যেথা যাবে  
সেথা যাব মোরা ।

গোবিন্দমাণিক্য ।           সেনাপতি, মোর আজ্ঞা  
তোমার বিচারাধীন নহে । ধর্মান্বিত  
লাভকতি রহিল আমার, কার্ব শুধু  
তব হাতে ।

নয়ন রায় ।

এ-কথা স্বপ্ন নাহি মানে ।

মহারাজ, ভৃত্য বটে, তবুও মানুষ  
আমি । আছে বুদ্ধি, আছে ধর্ম, আছে প্রভু,  
আছেন দেবতা ।

গোবিন্দমাণিক্য ।

তবে ফেলো অস্ত্র তব ।

চাঁদপাল, তুমি হলে সেনাপতি, দুই  
পদ রহিল তোমার । সাবধানে সৈন্ত  
লয়ে মন্দির করিবে রক্ষা ।

চাঁদপাল ।

যে আদেশ

মহারাজ ।

গোবিন্দমাণিক্য ।

নয়ন, তোমার অস্ত্র দাও

চাঁদপালে ।

নয়ন রায় ।

চাঁদপালে ? কেন মহারাজ ?

এ অস্ত্র তোমার পূর্ব রাজপিতামহ  
দিয়েছেন আমাদের পিতামহে । ফিরে  
নিতে চাও যদি, তুমি লও । স্বর্গে আছ  
তোমরা হে পিতৃপিতামহ, সাক্ষী থাকো  
এত দিন যে-রাজবিশ্বাস পালিয়াছ  
বহু যত্নে, সায়িকের পুণ্য অগ্নি সম,  
যার ধন তারি হাতে ফিরে দিহু আজ  
কলঙ্কবিহীন ।

চাঁদপাল ।

কথা আছে ভাই ।

নয়ন রায় ।

ধিক ।

চূপ করো ! মহারাজ, বিদায় হলেম ।

[ প্রণামপূর্বক প্রস্থান ]

গোবিন্দমাণিক্য । ক্ষুদ্র স্নেহ নাই রাজকাজে । দেবতার  
কার্যভার তুচ্ছ মানবের গরে, হার  
কী কঠিন ।

রঘুপতি ।

এমনি করিয়া ব্রহ্মশাপ

ফলে, বিশ্বাসী হৃদয় ক্রমে দূরে যাব,  
ভেঙে যাব দাঁড়াবার স্থান ।

জয়সিংহের প্রবেশ

জয়সিংহ ।

আয়োজন

হয়েছে পূজার । প্রস্তুত রয়েছে বলি ।

গোবিন্দমায়িক্য । বলি কার তরে ?

জয়সিংহ ।

মহারাজ, তুমি হেথা !

তবে শোনো নিবেদন—একান্ত মিনতি

যুগল চরণতলে, প্রভু, ফিরে লও

তব গর্বিত আদেশ । মানব হইয়া

দাঁড়ায়ে না দেবীয়ে আচ্ছন্ন করি—

রঘুপতি ।

ধিক !

জয়সিংহ, ওঠো, ওঠো । চরণে পতিত

কার কাছে ? আমি যাব গুরু, এ সংসারে

এই পদতলে তার একমাত্র স্থান ।

মূঢ়, ফিরে দেখ—গুরুর চরণ ধরে

কমা ভিক্ষা কর । রাজার আদেশ নিয়ে

করিব দেবীর পূজা,—করাল কালিকা,

এত কি হয়েছে তোমর অধঃপাত ? থাক

পূজা, থাক বলি,—যেখিব রাজার দর্প

কত দিন থাকে । চলে এস জয়সিংহ ।

[ রঘুপতি ও জয়সিংহের প্রস্থান

গোবিন্দমায়িক্য । এ সংসারে বিনয় কোথায় ? মহাদেবী,

যারা করে বিচরণ তব পদতলে

তারাও শেখে নি হার কত ক্ষুদ্র তারা ।

হরণ করিয়া লয়ে তোমার মহিমা

আপনার দেহে বহে, এত অহংকার ! [ প্রস্থান

## দ্বিতীয় অঙ্ক

## প্রথম দৃশ্য

## মন্দির

রঘুপতি, জয়সিংহ ও নক্ষত্র রায়

নক্ষত্র রায় । কী জন্ত ডেকেছ গুরুদেব ?  
 রঘুপতি । কাল রাত্রে  
 স্বপন দিয়েছে দেবী, তুমি হবে রাজা ।  
 নক্ষত্র রায় । আমি হব রাজা ! হা, হা ! বল কী ঠাকুর ।  
 রাজা হব ? এ-কথা নূতন শোনা গেল !  
 রঘুপতি । তুমি রাজা হবে ।  
 নক্ষত্র রায় । বিশ্বাস না হয় মোর ।  
 রঘুপতি । দেবীর স্বপন সত্য । রাজ্যটিকা পাবে  
 তুমি, নাহিকো সন্দেহ ।  
 নক্ষত্র রায় । নাহিকো সন্দেহ !  
 কিন্তু যদি নাই পাই ?  
 রঘুপতি । আমার কথায়  
 অবিশ্বাস ?  
 নক্ষত্র রায় । অবিশ্বাস কিছুমাত্র নেই,  
 কিন্তু দৈবাতের কথা যদি নাই হয় ।  
 রঘুপতি । অন্তথা হবে না কত্ ।  
 নক্ষত্র রায় । অন্তথা হবে না ?  
 দেখো প্রভু, কথা যেন ঠিক থাকে শেষে ।  
 রাজা হয়ে মন্ত্রীটারে দেব দূর করে,  
 সর্বদাই দৃষ্টি তার রয়েছে পড়িয়া  
 আমা 'পরে, যেন সে বাপের পিতামহ ।  
 বড়ো ভয় করি তারে—বুঝেছ ঠাকুর,  
 তোমারে করিব মন্ত্রী ।

রঘুপতি ।

মন্ত্রিস্বের পদে  
পদাঘাত করি আমি ।

নক্ষত্র রায় ।

আচ্ছা, জয়সিংহ  
মন্ত্রী হবে । কিন্তু হে ঠাকুর, নবি যদি  
জান তুমি, বলো দেখি কবে রাজা হব ?  
রাজরক্ত চান দেবী ।

রঘুপতি ।

নক্ষত্র রায় ।

রাজরক্ত চান !

রঘুপতি ।

রাজরক্ত আগে আনো পরে রাজা হবে ।

নক্ষত্র রায় ।

পাব কোথা ।

রঘুপতি ।

ঘরে আছে গোবিন্দমাণিক্য  
ঠারি রক্ত চাই ।

নক্ষত্র রায় ।

ঠারি রক্ত চাই !

রঘুপতি ।

হির  
হয়ে থাকো, জয়সিংহ, হরো না চকল !  
—বুঝেছ কি ? শোনো তবে,—গোপনে ঠাহারে  
বধ করে আনিবে সে তপ্ত রাজরক্ত  
দেবীর চরণে ।

জয়সিংহ, হির যদি

না থাকিতে পার, চলে যাও অস্ত্র ঠাই !

—বুঝেছ নক্ষত্র রায়, দেবীর আদেশ

রাজরক্ত চাই—প্রাণের শেষ রাত্রে ।

তোমরা রয়েছ ছুই রাজপ্রাতা—জ্যেষ্ঠ

যদি অব্যাহতি পার—তোমার শোণিত

আছে । তুণ্ডিত হয়েছে যবে মহাকালী,

তখন সময় আর নেই বিচারের ।

নক্ষত্র রায় ।

সর্বনাশ ! হে ঠাকুর, কাজ কী রাজঘে ।

রাজরক্ত থাক রাজদেহে, আমি যাহা

আছি সেই ভালো ।

রঘুপতি ।

মুক্তি নাই, মুক্তি নাই  
কিছুতেই । রাজ রক্ত আনিতেই হবে ।

নন্দ্রায় । বলে দাও, হে ঠাকুর, কী করিতে হবে ।  
 রঘুপতি । প্রস্তুত হইয়া থাকো । যখন যা বলি  
 অবিলম্বে করিবে সাধন ; কার্ষসিদ্ধি  
 যত দিন নাহি হয়, বন্ধ রেখো মুখ ।  
 এখন বিদায় হও ।

নন্দ্রায় । হে মা কাত্যায়নী । [ প্রস্থান  
 জয়সিংহ । এ কী সুনিনাম । দয়াময়ী মাত, এ কী  
 কথা । তোমর আজ্ঞা ? ভাই দিয়ে ভ্রাতৃহত্যা ?  
 বিশ্বের জননী ! গুরুদেব ! হেন আজ্ঞা  
 মাতৃ-আজ্ঞা বলে করিলে প্রচার !

রঘুপতি । আর  
 কী উপায় আছে বলো ।

জয়সিংহ । উপায় ? কিসের  
 উপায় প্রভু । হা দিক ! জননী, তোমার  
 হস্তে খড়্গ নাই ? রোষে তব বজ্রানল  
 নাহি চণ্ডী ? তব ইচ্ছা উপায় খুঁজিছে,  
 খুঁড়িছে সুরভপথ চোরের মতন  
 রসাতলগামী ? এ কী পাপ !

রঘুপতি । পাপপুণ্য  
 তুমি কী বা জান ।

জয়সিংহ । শিখেছি তোমারি কাছে ।  
 রঘুপতি । তবে এস বৎস, আর এক শিক্ষা দিই ।  
 পাপপুণ্য কিছু নাই । কে বা ভ্রাতা, কে বা  
 আত্মপর । কে বলিল হত্যাকাণ্ড পাপ ?  
 এ অগৎ মহা হত্যাশালা । জান না কি  
 প্রত্যেক পলকপাতে লক্ষকোটি প্রাণী  
 চির আঁধি মুদিতছে । সে কাহার খেলা ?  
 হত্যায় খচিত এই ধরণীর ধূলি ।  
 প্রতিপদে চরণে দলিত শত কীট ;  
 তাহারা কী জীব নহে ? যন্তের অক্ষরে

অবিষ্টাম লিখিতেছে বৃদ্ধ মহাকাল  
 বিশ্বপত্রে জীবের কপিক ইতিহাস ।  
 হত্যা অরণ্যের মাঝে, হত্যা লোকালয়ে,  
 হত্যা বিহ্বলের নীড়ে, কীটের গহ্বরে,  
 অগাধ সাগর-জলে, নির্ঝল আকাশে,  
 হত্যা জীবিকার ভরে, হত্যা খেলাচ্ছলে,  
 হত্যা অকারণে, হত্যা অনিচ্ছার বশে,  
 চলেছে নিখিল বিশ্ব হত্যার তাড়নে  
 উর্ধ্বধামে প্রাণপণে—ব্যাত্তের আক্রমে  
 মৃগসম, মুহূর্ত দাঁড়াতে নাহি পারে ।  
 মহাকালী কালস্বরূপিণী, রয়েছে  
 দাঁড়াইয়া তৃষাতীক্ৰ লোলজিহ্বা মেলি,—  
 বিশ্বের চৌদিক বেয়ে চির রক্তধারা  
 ফেটে পড়িতেছে, নিষ্পেষিত জ্বালা হতে  
 রসের মতন অনন্ত ধর্পরে তাঁর—

অন্নসিংহ ।

ধামো, ধামো, ধামো । মায়াবিনী, পিশাচিনী,  
 মাতৃহীন এ সংসারে এসেছিস তুই  
 মার ছদ্মবেশ ধরে রক্তপানলোভে ?  
 কুখিত বিহ্বলিশিও অরক্ষিত নীড়ে  
 চেয়ে থাকে মার প্রত্যাশায়, কাছে আসে  
 লুক্ক কাক, বাগ্রকণ্ঠে অন্ধ শাবকেরা  
 মা মনে করিয়া তারে করে ডাকডাকি,  
 হারার কোমল প্রাণ হিংস্রচকুঘাতে,  
 তেমনি কি তোর ব্যবসায় ? প্রেম মিথ্যা,  
 স্নেহ মিথ্যা, দয়া মিথ্যা, মিথ্যা আর সব,  
 সত্য শুধু অনাদি অনন্ত হিংসা ? তবে  
 কেন মেঘ হতে ঝরে আশীর্বাদসম  
 বৃষ্টিধারা দল্ল ধরণীর বক্ষ 'পরে,  
 গলে আসে পাবাণ হইতে দয়াময়ী  
 স্রোতধিনী মরুমাঝে, কোটি কণ্টকের

শিরোভাগে কেন ফুল ওঠে বিকশিতা ?  
 চলনা করেছ মোরে প্রভু । দেখিতেছ  
 মাতৃভক্তি রক্তসম হৃদয় টুটিয়া  
 ফেটে পড়ে কি না । আমারি হৃদয় বলি  
 দিলে মাতৃপদে । ঐ দেখো হাসিতেছে  
 মা আমার স্নেহপরিহাসবশে । বটে,  
 তুই রাক্ষসী পাষণী বটে, মা আমার  
 রক্ত-পিয়াসিনী । নিবি মা আমার রক্ত—  
 ঘুচাবি সন্তানজন্ম এ জন্মের তরে,  
 দিব ছুরি বুকে ? এই শিরা-ছেঁড়া রক্ত  
 বড়ো কি লাগিবে ভালো ? ওরে মা আমার  
 রাক্ষসী পাষণী বটে ! ডাকিছ কি মোরে  
 গুরুদেব ? চলনা বুঝেছি আমি তব ।  
 ভক্তহিয়া-বিদারিত এই রক্ত চাও !  
 দিয়াছিলে এই যে বেদনা, তারি পরে  
 জননীর স্নেহ-হস্ত পড়িয়াছে । হৃৎ  
 চেয়ে স্বপ্ন শত গুণ । কিন্তু রাজরক্ত !  
 ছি, ছি, ভক্তিপিপাসিতা মাতা, তাঁরে বল  
 রক্তপিপাসিনী !

রঘুপতি ।

বন্ধ হ'ক বলিদান

তবে ।

জয়সিংহ ।

হ'ক-বন্ধ । না, না, গুরুদেব, তুমি  
 জান ভালোমন্দ । সরল ভক্তির বিধি  
 শাস্ত্রবিধি নহে । আপন-আলোকে আধি  
 দেখিতে না পার, আলোক আকাশ হতে  
 আসে । প্রভু, কমা করো, কমা করো দাসে ।  
 কমা করো স্পর্ধা মূঢ়তার । কমা করো  
 নিতান্ত বেদনাবশে উদ্ভ্রান্ত প্রলাপ ।  
 বলো প্রভু, সত্যই কি রাজরক্ত চান  
 মহাদেবী ?



- রঘুপতি । হায় বৎস, হায় । অবশেষে  
অবিশ্বাস মোর প্রতি ?
- জয়সিংহ । অবিশ্বাস ? কতু  
নহে । তোমারে ছাড়িলে বিশ্বাস আমার  
দাঁড়াবে কোথায় ? বাহুকির শিরশ্চ্যুত  
বসুধার মতো, শূন্য হতে শূন্যে পাবে  
লোপ । রাজরক্ত চায় তবে মহামারা,  
সে রক্ত আনিব আমি । দিব না ষটিতে  
স্নাত্তহত্যা ।
- রঘুপতি । দেবতার আজ্ঞা পাপ নহে ।  
জয়সিংহ । পুণ্য তবে, আমিই সে করিব অর্জন ।  
রঘুপতি । সত্য করে বলি বৎস তবে । তোরে আমি  
ভালোবাসি প্রাণের অধিক—পালিয়াছি  
শিশুকাল হতে তোরে মায়ের অধিক  
স্নেহে, তোরে আমি নারিব হারাতে ।
- জয়সিংহ । মোর  
স্নেহে ষটিতে দিব না পাপ, অভিশাপ  
আনিব না এ স্নেহের 'পরে ।
- রঘুপতি । ভালো ভালো  
সে কথা হইবে পরে—কল্যা হবে হির ।

[ উভয়ের প্রস্থান ]



## দ্বিতীয় দৃশ্য

মন্দির

অপর্ণা

গান

ওগো পুরবাসী

আমি ঘরে দাঁড়ায়ে আছি উপবাসী ।

অপর্ণা ।

জয়সিংহ, কোথা জয়সিংহ ! কেহ নাই  
এ মন্দিরে ! তুমি কে দাঁড়ায়ে আছ হোথাঅচল মুরতি—কোনো কথা না বলিয়া  
হরিতেছ জগতের সার-ধন যত !আমরা যাহার লাগি কাতর কাড়াল  
ফিরে মরি পথে পথে, সে আপনি এসে  
তব পদতলে করে আত্মসমর্পণ ।তাহে তোর কোন্ প্রয়োজন ? কেন তারে  
কৃপণের ধন-সম রেখে দিস পুঁতে  
মন্দিরের তলে—দরিদ্র এ সংসারের  
সর্ব ব্যবহার হতে করিয়া গোপন ।জয়সিংহ, এ পাষাণী কোন্ সুখ দেয়,  
কোন্ কথা বলে তোমা কাছে, কোন্ চিন্তা  
করে তোমা তরে—প্রাণের গোপন পায়ে  
কোন্ সাধনার সুধা চিররাজিদিন  
রেখে দেয় করিয়া সঞ্চিত ? ওরে চিত্ত  
উপবাসী, কার ক্রন্দ ঘরে আছ বসে ?

গান

ওগো পুরবাসী

আমি ঘরে দাঁড়ায়ে আছি উপবাসী ।

হেঁরিতেছি সুখমেলা, ঘরে ঘরে কত খেলা,  
ভনিতেছি সারাবেলা সুমধুর বাণি ।

রঘুপতির প্রবেশ

রঘুপতি । কে রে তুই এ মন্দিরে ?  
 অপর্ণা । আমি তিথারিনী ।  
 জয়সিংহ কোথা ?  
 রঘুপতি । দূর হ এখান হতে  
 মায়াবিনী । জয়সিংহে চাহিস কাড়িতে  
 দেবীর নিকট হতে ওরে উপদেবী ।  
 অপর্ণা । আমা হতে দেবীর কী ভয় ? আমি ভয়  
 করি তারে, পাছে মোর সব করে গ্রাস ।

গাহিতে গাহিতে প্রস্থান

চাহি না অনেক ধন                      যব না অধিক কণ  
 যেথা হতে আসিয়াছি সেথা যাব ভাসি ।  
 তোমরা আনন্দে রবে                      নব নব উৎসবে  
 কিছু মন নাহি হবে গৃহভরা হাসি ।

তৃতীয় দৃশ্য

মন্দিরের সম্মুখ-পথ

জয়সিংহ

জয়সিংহ । দূর হ'ক চিন্তাজাল । বিধা দূর হ'ক ।  
 চিন্তার নরক চেয়ে কার্ণ ভালো, বত  
 ক্রুর, বতই কঠোর হ'ক । কার্ণের তো  
 শেষ আছে, চিন্তার সীমানা নাই কোথা,—  
 ধরে সে সহস্র মূর্তি পলকে পলকে  
 বাষ্পের মতন,—চারি দিকে বতই নে

পথ খুঁজে যবে, পথ তত লুপ্ত হয়ে  
 যায়। এক ভালো অনেকের চেয়ে। তুমি  
 সত্য, গুরুদেব, তোমারি আদেশ সত্য—  
 সত্যপথ তোমারি ইঙ্গিতমুখে। হত্যা  
 পাপ নহে, ভ্রাতৃহত্যা পাপ নহে, নহে  
 পাপ রাজহত্যা!—সেই সত্য, সেই সত্য।  
 পাপপুণ্য নাই, সেই সত্য। থাক্ চিন্তা,  
 থাক্ আত্মদাহ, থাক্ বিচার বিবেক।  
 কোথা যাও ভাই সব, মেলা আছে বুঝি  
 নিশিপুরে,—কুকী রমণীর নৃত্য হবে ?  
 আমিও যেতেছি।—এ ধরায় কত সুখ  
 আছে—নিশ্চিন্ত আনন্দসুখে নৃত্য করে  
 নারীদল,—মধুর অঙ্গের রঙ্গভঙ্গ  
 উজ্জ্বলিয়া উঠে চারি দিকে, তটপ্রাবী  
 তরঙ্গীগীতম। নিশ্চিন্ত আনন্দে সবে  
 ধায় চারি দিক হতে—উঠে গীতগান,  
 বহে হান্তপরিহাস, ধরণীর শোভা  
 উজ্জল মুরতি ধরে। আমিও চলিছ।

### গান

আমারে কে নিবি ভাই, মগ্নিতে চাই আপনারে।  
 আমার এই মন গলিয়ে কাজ ভুলিয়ে সঙ্গে তোদের নিয়ে যা রে ॥  
 তোরা কোন্ রূপের হাটে, চলেছিস ভবের বাটে  
 পিছিয়ে আছি আমি আপন ভারে।  
 তোদের ঐ হাসিখুশি দিবানিশি  
 দেখে মন কেমন করে ॥  
 আমার এই বাধা টুটে নিয়ে যা লুটেপুটে,  
 পড়ে থাক্ মনের বোঝা ঘরের দ্বারে।  
 যেমন ঐ এক নিমেষে বস্তু এসে  
 ভাসিয়ে নে যায় পারাবারে ॥

এত যে আনাগোনা, কে আছে জানাশোনা

কে আছে নাম ধরে মোর ডাকতে পারে ।

যদি সে বারেক এসে দাঁড়ায় হেসে

চিনতে পারি দেখে তারে ।

### দূরে অপর্ণার প্রবেশ

ও কী ও অপর্ণা, দূরে দাঁড়াইয়া কেন ।

তুনিতেছ অবাক হইয়া, জয়সিংহ

গান গাহে ? সব মিথ্যা, বৃহৎ বকনা,

তাই হাসিতেছি, তাই গাহিতেছি গান ।

ওই দেখো পথ দিয়ে তাই চলিতেছে

লোক নির্ভাবনা, তাই ছোটো কথা নিয়ে

এতই কৌতুকহাসি, এত কুতূহল,

তাই এত ষড়ভরে সেজেছে যুবতী ।

সত্য যদি হত, তবে হত কি এমন ?

সহজে আনন্দ এত বহিত কি হেথা ?

তাহা হলে বেদনার বিদীর্ণ ধরায়

বিশ্বব্যাপী ব্যাকুল ক্রন্দন খেমে গিয়ে,

মুক হয়ে রহিত অনন্তকাল ধরি ।

বাশি যদি সত্যই কাদিত বেদনার—

ফেটে গিয়ে সংগীত নীরব হত তার ।

মিথ্যা বলে তাই এত হাসি ; শ্মশানের

কোলে বসে খেলা, বেদনার পাশে শুয়ে

গান, হিংসা-ব্যাজ্রিণীর খরনখতলে

চলিতেছে প্রতিদিবসের কর্মকাজ ।

সত্য হলে এমন কি হত ? হা অপর্ণা,

তুমি আমি কিছু সত্য নই, তাই জেনে

স্বথী হও—বিষণ্ন বিশ্বয়ে মুগ্ধ আঁধি

তুলে কেন রয়েছিস চেয়ে । আর স্বথী

চিরদিন চলে যাই ছুই জনে মিলে

সংসারের 'পর দিয়ে—শূন্য নভন্তলে  
ছুই লঘু মেঘখণ্ড সম ।

### রঘুপতির প্রবেশ

রঘুপতি ।

অয়সিংহ !

অয়সিংহ ।

তোমারে চিনি নে আমি । আমি চলিয়াছি  
আমার অদৃষ্টভরে ভেসে নিজ পথে,  
পথের সহস্র লোক যেমন চলেছে ।  
তুমি কে বলিছ মোরে দাঁড়াইতে ? তুমি  
চলে যাও—আমি চলে যাই ।

রঘুপতি ।

অয়সিংহ !

অয়সিংহ

ওই তো সন্মুখে পথ চলেছে সরল—  
চলে যাব ভিক্ষাপাত্র হাতে, সঙ্গে লয়ে  
ভিখারিনী সখী মোর ।—কে বলিল এই  
সংসারের রাজপথ দুর্লভ জটিল ।  
যেমন করেই যাই, দিবা-অবসানে  
পহুঁছিব জীবনের অন্তিম পলকে ;  
আচার-বিচার তর্ক-বিতর্কের জাল  
কোথা মিশে যাবে । ক্ষুদ্র এই পরিশ্রান্ত  
নরজন্ম সমগ্ণিব ধরণীর কোলে ;  
দু-চারি দিনের এই সমষ্টি আমার,  
দু-চারিটা তুলস্রাস্তি ভয় দুঃখসুখ  
কীণ হৃদয়ের আশা, দুর্বলতাবশে  
ভ্রষ্ট ভগ্ন এ জীবনভার, কিরে দিয়ে  
অনন্তকালের হাতে গভীর বিশ্বাস ।  
এই তো সংসার । কী কাজ শাস্ত্রের বিধি,  
কী কাজ শুরুতে ।

প্রভু, পিতা, গুরুদেব,

কী বলিতেছিছ ! অগ্নে ছিছ এত কণ ।

এই সে মন্দির—ওই সেই মহাবট

দাঁড়ারে রয়েছে, অটল কঠিন দৃঢ়  
নিষ্ঠুর সত্যের মতো। কী আদেশ, দেব।  
ভুলি নাই কী করিতে হবে। এই দেখো,  
( ছুরি দেখাইয়া )  
তোমার আদেশ-স্বৃতি অন্তরে বাহিরে  
হতেছে শাপিত। আরো কী আদেশ আছে  
প্রভু।

রঘুপতি।                 দূর করে দাও ওই বালিকারে  
মন্দির হইতে। মায়াবিনী, জানি আমি  
তোদের কুহক। দূর করে দাও ওরে।

জয়সিংহ।               দূর করে দিব ? দরিদ্র আমারি মতো  
মন্দির-আশ্রিত, আমারি মতন হাষ  
সজিহীন, অকণ্টক পুষ্পের মতন  
নির্দোষ নিম্পাপ শুভ্র সূক্ষ্ম সরল  
স্বকোমল বেদনাকাতর, দূর করে  
দিতে হবে ওরে ? তাই দিব, গুরুদেব।  
চলে যা অপর্ণা। দয়ামায়া স্নেহপ্রেম  
সব মিছে। মরে যা অপর্ণা। সংসারের  
বাহিরেতে কিছুই না থাকে যদি, আছে  
ভবু দয়াময় মৃত্যু। চলে যা অপর্ণা।

অপর্ণা।                 তুমি চলে এস জয়সিংহ এ মন্দির  
ছেড়ে, দুই জনে চলে যাই।

জয়সিংহ।                 দুই জনে  
চলে যাই ! এ তো স্বপ্ন নয়। এক বার  
স্বপ্নে মনে করেছিলাম স্বপ্ন এ জগৎ।  
তাই হেসেছিলাম সুখে, গান গেয়েছিলাম।  
কিন্তু সত্য এ যে। ব'লো না সুখের কথা  
আর, দেখায়ো না স্বাধীনতা-প্রলোভন—  
বন্দী আমি সত্য-কারাগারে !

রঘুপতি।                 জয়সিংহ,

কাল নাই মিষ্ট আলাপের । দূর করে  
দাও ওই বালিকারে ।

জয়সিংহ ।

চলে যা অপর্ণা ।

অপর্ণা ।

কেন যাব ?

জয়সিংহ ।

এই নারী-অভিমান তোমার ?

অপর্ণা ।

অভিমান কিছু নাই আর । জয়সিংহ,  
তোমার বেদনা, আমার সকল ব্যথা  
সব গর্ব চেয়ে বেশি । কিছু মোর নাই  
অভিমান ।

জয়সিংহ ।

তবে আমি যাই । মুখ তোমার  
দেখিব না, যত ক্ষণ রহিবি হেথায় ।  
চলে যা অপর্ণা ।

অপর্ণা ।

নিষ্ঠুর ব্রাহ্মণ, ধিক  
থাক ব্রাহ্মণত্বে তব । আমি ক্ষুদ্র নারী  
অভিশাপ দিয়ে গেলু তোরে, এ বন্ধনে  
জয়সিংহে পারিবি না বাধিয়া রাখিতে ।

[ প্রস্থান

রঘুপতি ।

বৎস, তোলো মুখ, কথা কও এক বার ।  
প্রাণপ্রিয় প্রাণাধিক, আমার কি প্রাণে  
অগাধ সমুদ্রসুম স্নেহ নাই । আরো  
চাস ? আমি আজন্মের বন্ধু, দু-দণ্ডের  
মায়াপাশ ছিন্ন হয়ে যায় যদি, তাহে  
এত ক্লেশ ?

জয়সিংহ ।

থাক প্রভু, ব'লো না স্নেহের  
কথা আর । কর্তব্য রহিল শুধু মনে ।  
স্নেহপ্রেম তরুলতাপত্রপুষ্পসম  
ধরণীর উপরেতে শুধু, আসে যায়  
শুকার মিলায় নব নব স্বপ্নবৎ ।  
নিম্নে থাকে শুষ্ক রুচ পাষাণের স্তূপ  
রাত্রিদিন, অনন্ত হৃদয়ভারসম ।

[ প্রস্থান

রঘুপতি ।

জয়সিংহ, কিছুতে পাই নে তোমার মন,  
এত যে সাধনা করি নানা ছলে বলে ।

[ প্রস্থান



## চতুর্থ দৃশ্য

### মন্দির-প্রাঙ্গণ

#### জনতা

গণেশ । এবারে মেলায় তেমন লোক হল না ।

অক্রুর । এবারে আর লোক হবে কী করে ? এ তো আর হিঁচুর রাজত্ব রইল না । এ যেন নবাবের রাজত্ব হয়ে উঠল ! ঠাকরনের বলিই বন্ধ হয়ে গেল, তো মেলায় লোক আসবে কী !

কান্নু । ভাই, রাজার তো এ বুদ্ধি ছিল না, বোধ হয় কিসে তাকে পেয়েছে ।

অক্রুর । যদি পেয়ে থাকে তো কোন্ মুসলমানের ভূতে পেয়েছে, নইলে বলি উঠিয়ে দেবে কেন ?

গণেশ । কিন্তু যাই বল, এ রাজ্যের মঙ্গল হবে না ।

কান্নু । পুরুত ঠাকুর তো স্বয়ং বলে দিয়েছেন তিন মাসের মধ্যে মড়কে দেশ উচ্ছন্ন যাবে ।

হাক্ক । তিন মাস কেন, যে রকম দেখছি তাতে তিন দিনের ভর সইবে না । এই দেখো না কেন, আমাদের মোধো এই আড়াই বছর ধরে ব্যামোর ভুগে ভুগে বরাবরই তো বেঁচে এসেছে, ঐ যেমন বলি বন্ধ হল অমনি মারা গেল ।

অক্রুর । না রে, সে তো আজ তিন মাস হল মরেছে ।

হাক্ক । না হয় তিন মাসই হল কিন্তু এই বছরেই তো মরেছে বটে ।

কাস্তমণি । ওগো, তা কেন, আমার ভাস্করপো, সে যে মরবে কে জানত ! তিন দিনের জ্বর । ঐ যেমনি কবিরাজের বড়িটি খাওয়া অমনি চোখ উল্টে গেল ।

গণেশ । সেদিন মথুরহাটির গঞ্জে আগুন লাগল, একখানি চালা বাকি রইল না ।

চিন্তামণি । অত কথায় কাজ কী । দেখো না কেন, এ বছর ধান যেমন সস্তা হয়েছে এমন আর কোনো বার হয় নি । এ বছর চাষার কপালে কী আছে কে জানে ।

হাক্ক । ঐ রে রাজা আসছে । সকালবেলাতেই আমাদের এমন রাজার মুখ দেখলুম, দিন কেমন যাবে কে জানে । চল এখান থেকে সরে পড়ি ।

[ সকলের প্রস্থান ]

## চাঁদপাল ও গোবিন্দমাণিক্যের প্রবেশ

চাঁদপাল । মহারাজ, সাবধানে খেকো । চারি দিকে  
চক্ষুর্কর্ণ পেতে আছি, রাজ-ইষ্টানিষ্ট  
কিছু না এড়ায় মোর কাছে । মহারাজ,  
তব প্রাণহত্যা তরে গুপ্ত আলোচনা  
স্বকর্ণে শুনেছি ।

গোবিন্দমাণিক্য । প্রাণহত্যা ! কে করিবে ?

চাঁদপাল । বলিতে সংকোচ মানি । ভয় হয় পাছে  
সত্যকার ছুরি চেয়ে নিষ্ঠুর সংবাদ  
অধিক আঘাত করে রাজার হৃদয়ে ।

গোবিন্দমাণিক্য । অসংকোচে বলে যাও । রাজার হৃদয়  
সতত প্রস্তুত থাকে আঘাত সহিতে ।  
কে করেছে হেন পরামর্শ ?

চাঁদপাল । যুবরাজ  
নক্ষত্র রায় ।

গোবিন্দমাণিক্য । নক্ষত্র ?

চাঁদপাল । স্বকর্ণে শুনেছি  
মহারাজ, রঘুপতি যুবরাজে মিলে  
গোপনে মন্দিরে বসে স্থির হয়ে গেছে  
সব কথা ।

গোবিন্দমাণিক্য । দুই দণ্ডে স্থির হয়ে গেল  
আজ্ঞের বন্ধন টুটিতে ! হায় বিধি !

চাঁদপাল । দেবতার কাছে তব রক্ত এনে দেবে—

গোবিন্দমাণিক্য । দেবতার কাছে ! তবে আর নক্ষত্রের  
নাই দোষ । জানিয়াছি, দেবতার নামে  
মহুশ্বত্বে হারায় মানুষ । ভয় নাই  
যাও তুমি কাজে । সাবধানে রব আমি ।

[ চাঁদপালের প্রস্থান

রক্ত নহে, ফুল আনিয়াছি, মহাদেবী,

ভক্তি শুধু, হিংসা নহে, বিদ্ভীষিকা নহে ।  
 এ জগতে দুর্বলেরা বড়ো অসহায়  
 মা জননী, বাহুবল বড়োই নিষ্ঠুর,  
 স্বার্থ বড়ো ক্রুর, লোভ বড়ো নিদারুণ,  
 অজ্ঞান একান্ত অন্ধ, গর্ব চলে যায়  
 অকাতরে ক্ষুদ্রেতে দলিয়া পদতলে ।  
 হেথা স্নেহ-প্রেম অতি কীণ-বৃন্তে থাকে  
 পলকে খসিয়া পড়ে স্বার্থের পরশে ।  
 তুমিও জননী যদি খড়্গ উঠাইলে,  
 মেলিলে রসনা, তবে সব অন্ধকার !  
 ভাই ভাই ভাই নহে আর, পতি প্রতি  
 সতী বাম, বন্ধু শত্রু, শোণিতে পঙ্কিল  
 মানবের বাসগৃহ, হিংসা পুণা, দয়া  
 নির্বাসিত । আর নহে, আর নহে, ছাড়ো  
 ছদ্মবেশ । এখনো কি হয় নি সময় ?  
 এখনো কি রহিবে প্রলয়-রূপ তব ?  
 এই যে উঠিছে খড়্গ চারি দিক হতে  
 মোর শির লক্ষ্য করি', মাত একি তোরি  
 চারি ভুজ হতে ? ভাই হবে ! তবে ভাই  
 হ'ক । বুঝি মোর রক্তপাতে হিংসানল  
 নিবে যাবে । ধরণীর সহিবে না এত  
 হিংসা । রাজহত্যা ! ভাই দিয়ে মাতৃহত্যা  
 সমস্ত প্রজার বুকে লাগিবে বেদনা,  
 সমস্ত ভায়ের প্রাণ উঠিবে কাঁদিয়া ।  
 মোর রক্তে হিংসার ঘুচিবে মাতৃবেশ  
 প্রকাশিবে রাক্ষসী-আকার । এই যদি  
 দয়ার বিধান তোর, তবে ভাই হ'ক !

জয়সিংহের প্রবেশ

জয়সিংহ ।

বল্ চণ্ডী, সত্যই কি রাজরক্ত চাই ?  
 এই বেলা বল্—বল্ নিজ মুখে, বল্



রাঙা' তোর আঁধি । তোম্ তোর খড়া । আন্  
তোর শ্বশানের দল । আমি নাহি ডরি ।

[ গোবিন্দমাণিক্যের প্রস্থান

এ কী হল হায় । দেবী গুরু বাহা ছিল  
এক দণ্ডে বিসর্জন দিলু—বিশ্বমাঝে  
কিছু রহিল না আর ।

রঘুপতির প্রবেশ

রঘুপতি । সকল শুনেছি  
আমি । সব পণ্ড হল । কী করিলি, ওরে  
অকৃতজ্ঞ ।

জয়সিংহ । দণ্ড দাও প্রভু ।

রঘুপতি । সব ভেঙে  
দিলি । ব্রহ্মশাপ ফিরাইলি অর্ধপথ  
হতে । লজ্জিলি গুরুর বাক্য । ব্যর্থ করে  
দিলি দেবীর আদেশ । আপন বুদ্ধিরে  
করিলি সকল হতে বড়ো । আজ্ঞোর  
স্নেহখন শুধিলি এমন করে !

জয়সিংহ । দণ্ড  
দাও পিতা ।

রঘুপতি । কোন্ দণ্ড দিব ?

জয়সিংহ । প্রাণদণ্ড ।

রঘুপতি । নহে । তার চেয়ে গুরুদণ্ড চাই । স্পর্শ  
করু দেবীর চরণ ।

জয়সিংহ । করিলু পরশ ।

রঘুপতি । বলু তবে, "আমি এনে দিব রাজরক্ত  
প্রাণের শেষ রাত্রে দেবীর চরণে ।"

জয়সিংহ । আমি এনে দিব রাজরক্ত, প্রাণের  
শেষ রাত্রে দেবীর চরণে ।

রঘুপতি । চলে যাও ।

## তৃতীয় অঙ্ক প্রথম দৃশ্য

মন্দির

জনতা । রঘুপতি ও জয়সিংহ

রঘুপতি । তোরা এখানে সব কী করতে এলি ?

সকলে । আমরা ঠাকরুন দর্শন করতে এসেছি ।

রঘুপতি । বটে ! দর্শন করতে এসেছ ? এখনো তোমাদের চোখ দুটো যে আছে সে কেবল বাপের পুণ্যে । ঠাকরুন কোথায় ? ঠাকরুন এ রাজ্য ছেড়ে চলে গেছেন । তোরা ঠাকরুনকে রাখতে পারলি কই ? তিনি চলে গেছেন ।

সকলে । কী সর্বনাশ । সে কী কথা ঠাকুর । আমরা কী অপরাধ করেছি ?

নিস্তারিণী । আমার বোনপোর ব্যামো ছিল বলেই যা আমি ক-দিন পুজো দিতে আসতে পারি নি ।

গোবর্ধন । আমার পাঠা দুটো ঠাকরুনকেই দেব বলে অনেক দিন থেকে মনে করে রেখেছিলুম, এরি মধ্যে রাজা বলি বন্ধ করে দিলে তো আমি কী করব ।

হাক । এই আমাদের গন্ধমাদন যা মানত করেছিল তা মাকে দেয় নি বটে কিন্তু মাও তো তেমনি তাকে শাস্তি দিয়েছেন । তার পিলে বেড়ে ঢাক হয়ে উঠেছে— আজ ছ-টি মাস বিছানায় পড়ে । তা বেশ হয়েছে, আমাদেরই যেন সে মহাজন, তাই বলে কি মাকে ঠাকি দিতে পারবে ।

অক্রুর । চূপ কর তোরা । মিছে গোল করিস নে ! আচ্ছা ঠাকুর, যা কেন চলে গেলেন, আমাদের কী অপরাধ হয়েছিল ?

রঘুপতি । মার জন্তে এক ফোটা রক্ত দিতে পারিস নে, এই তো তোদের ভক্তি ?

অনেকে । রাজার আজ্ঞা, তা আমরা কী করব ?

রঘুপতি । রাজা কে ? মার সিংহাসন তবে কি রাজার সিংহাসনের নিচে ? তবে এই মাতৃহীন দেশে তোদের রাজাকে নিয়েই থাক, দেখি তোদের রাজা কী করে রক্ষা করে ।

সকলের সময়ে গুন গুন স্বরে কথা

অক্রুর । চূপ কর । সন্তান যদি অপরাধ করে থাকে মা তাকে দণ্ড দিক, কিন্তু একেবারে ছেড়ে চলে যাবে এ কি মার মতো কাজ ? বলে দাঁও কী করলে মা ফিরবে ।

রঘুপতি । তোদের রাজা যখন রাজ্য ছেড়ে যাবে, মাও তখন রাজ্যে ফিরে পদার্পণ করবে ।

নিস্তরু ভাবে পরস্পরের মুখাবলোকন

রঘুপতি । তবে তোরা দেখবি ? এইখানে আয় । অনেক দূর থেকে অনেক আশা করে ঠাকরুনকে দেখতে এসেছিগ, তবে একবার চেয়ে দেখ ।

মন্দিরের দ্বারোদ্ঘাটন । প্রতিমার পশ্চাৎদাগ দৃশ্যমান

সকলে । ও কী । মার মুখ কোন্ দিকে ?

অক্রুর । ওরে, মা বিমুখ হয়েছেন ।

সকলে । ও মা, ফিরে দাঁড়া মা । ফিরে দাঁড়া মা । ফিরে দাঁড়া মা । এক বার ফিরে দাঁড়া । মা কোথায় । মা কোথায় । আমরা তোকে ফিরিয়ে আনব মা । আমরা তোকে ছাড়ব না । চাই নে আমাদের রাজা । যাক রাজা । মরুক রাজা ।

অয়সিংহ । ( রঘুপতির নিকট আসিয়া ) প্রভু, আমি কি একটি কথাও কব না ?

রঘুপতি । না ।

অয়সিংহ । সম্মেহের কি কোনো কারণ নেই ?

রঘুপতি । না ।

অয়সিংহ । সমস্তই কি বিশ্বাস করব ?

রঘুপতি । হ্যাঁ ।

অপর্ণার প্রবেশ

অপর্ণা । ( পার্শ্বে আসিয়া )

অয়সিংহ ! এস অয়সিংহ, শীঘ্র এস

এ মন্দির ছেড়ে ।

অয়সিংহ ।

বিদীর্ণ হইল বন্ধ ।

[ রঘুপতি, অপর্ণা ও অয়সিংহের প্রস্থান ]

## রাজার প্রবেশ

প্রজাগণ । রক্ষা করো মহারাজ, আমাদের রক্ষা  
করো—মাকে ফিরে দাও !

গোবিন্দমাণিক্য । বৎসগণ, করো  
অবধান । সেই মোর প্রাণপণ সাধ  
জননীরে ফিরে এনে দেব ।

প্রজাগণ । জয় হ'ক  
মহারাজ, জয় হ'ক তব ।

গোবিন্দমাণিক্য । এক বার  
শুধাই তোদের, তোরা কি মায়ের গর্ভে  
নিস নি জনম ? মাতৃগণ, তোমরা তো  
অহুভব করিয়াছ কোমল হৃদয়ে  
মাতৃস্নেহসুখা ; বলো দেখি মা কি নেই ?  
মাতৃস্নেহ সব হতে পবিত্র প্রাচীন ;  
সৃষ্টির প্রথম দণ্ডে মাতৃস্নেহ শুধু  
একেলা জাগিয়া বসে ছিল, নতনেত্রে  
তরুণ বিশ্বেরে কোলে লয়ে । আজিও সে  
পুরাতন মাতৃস্নেহ রয়েছে বসিয়া  
ধৈর্ষের প্রতিমা হয়ে । সহিয়াছে কত  
উপদ্রব, কত শোক, কত ব্যথা, কত  
অনাদর,—চোখের সম্মুখে ভায়ে ভায়ে  
কত রক্তপাত, কত নিষ্ঠুরতা, কত  
অবিশ্বাস—বাক্যহীন বেদনা বহিরা  
তবু সে জননী আছে বসে, দুর্বলের  
তরে কোল পাতি, একান্ত যে নিরুপায়  
তারি তরে সমস্ত হৃদয় দিয়ে । আজ  
কী এমন অপরাধ করিয়াছি মোরা  
যার লাগি সে অসীম স্নেহ চলে গেল  
চিরমাতৃহীন করে অনাথ সংসার !



বৎসগণ, মাতৃগণ বলো, শুলে বলো,  
কী এমনি করিয়াছি অপরাধ ?

কেহ কেহ ।

মার

বলি নিষেধ করেছ । বন্ধ মার পূজা ।

গোবিন্দমাণিক্য ।

নিষেধ করেছি বলি, সেই অভিমানে  
বিমুখ হয়েছে মাতা, আসিছে মড়ক,  
উপবাস, অনাবৃষ্টি, অগ্নি, রক্তপাত,  
মা মোদের এমনি মা বটে ! দণ্ডে দণ্ডে  
কীণ শিশুটিরে স্তম্ভ দিয়ে বাঁচাইয়ে  
তোলে মাতা, সে কি তার রক্তপানলোভে ?  
হেন মাতৃ-অপমান মনে স্থান দিলি  
যবে, আঙ্গনের মাতৃস্নেহস্বতিমাবে  
বাধা বাজিল না ? মনে পড়িল না মার  
মুখ ?—রক্ত চাই, রক্ত চাই, গরজন  
করিছে জননী, অবোলা দুর্বল জীব  
প্রাণভয়ে কাঁপে ধরধর,—নৃত্য করে  
দয়াহীন নরনারী রক্তমস্ততায়,  
এই কি মায়ের পরিবার ? পূজগণ,  
এই কি মায়ের স্নেহছবি ?

প্রজাগণ ।

মূর্খ মোরা

বুঝিতে পারি নে ।

গোবিন্দমাণিক্য ।

বুঝিতে পার না ! শিশু  
ছ-দিনের, কিছু যে বোঝে না আর, সেও  
তার জননীকে বোঝে । সেও বোঝে ভয়  
পেলে নির্ভয় মায়ের কাছে, সেও বোঝে  
দুখা পেলে দুঃ আছে মাতৃস্তনে, সেও  
বাধা পেলে কাঁদে মার মুখ চেয়ে ।—তোরা  
এমনি কি ভুলে ভ্রান্ত হলি, মাকে গেলি  
ভুলে ? বুঝিতে পার না মাতা দয়াময়ী ?  
বুঝিতে পার না জীবজননীর পূজা

জীবরক্ত দিয়ে নহে, ভালোবাসা দিয়ে !  
 বুঝিতে পার না—ভয় যেথা মা সেখানে  
 নয়, হিংসা যেথা মা সেখানে নাই, রক্ত  
 যেথা মার সেথা অশ্রুজল । ওরে বৎস,  
 কী করিয়া দেখাব তোদের, কী বেদনা  
 দেখেছি মায়ের মুখে, কী কাতর দয়া,  
 কী ভৎসনা অভিমানভরা ছলছল  
 নেত্রে তাঁর । দেখাইতে পারিতাম যদি,  
 সেই দণ্ডে চিনিতিস আপনার মাকে ।  
 দয়া এল দীন বেশে মন্দিরের দ্বারে,  
 অশ্রুজলে মুছে দিতে কলঙ্কের দাগ  
 মার সিংহাসন হতে, সেই অপরাধে  
 মাতা চলে গেল রোষভরে, এই তোরা  
 করিলি বিচার ?

### অপর্ণার প্রবেশ

প্রভাগণ ।

আপনি চাহিয়া দেখো,

বিমুখ হয়েছে মাতা সন্তানের 'পরে ।

অপর্ণা ।

( মন্দিরের দ্বারে উঠিয়া )

বিমুখ হয়েছে মাতা ! আয় তো মা, দেখি,

আয় তো সমুখে এক বার ।

( প্রতিমা ফিরাইয়া ) এই দেখো

মুখ ফিরায়েছে মাতা ।

সকলে ।

ফিরেছে জননী !

জয় হ'ক জয় হ'ক । মাত, জয় হ'ক ।

### সকলে মিলিয়া গান

থাকতে আর তো পারলি নে মা, পারলি কই ?

কোলের সন্তানেরে ছাড়লি কই ?

দেবী আছি অনেক দোষে, ছিলি বসে কণিক রোষে,  
মুখ তো কিরালি শেষে, অভয় চরণ কাড়লি কই ?

[ সকলের গ্রহান

জয়সিংহ ও রঘুপতির প্রবেশ

জয়সিংহ ।

সত্য বলো, প্রভু, তোমারি এ কাজ ।

রঘুপতি ।

সত্য

কেন না বলিব ? আমি কি ডরাই সত্য  
বলিবারে ? আমারি এ কাজ । প্রতিমার  
মুখ কিরারে দিগেছি আমি । কী বলিতে  
চাও বলো । হয়েছ গুরু গুরু ভূমি,  
কী ভৎসনা করিবে আমারে ? দিবে কোন্  
উপদেশ ?

জয়সিংহ ।

বলিবার কিছু নাই মোর ।

রঘুপতি ।

কিছু নাই ? কোনো প্রহ্ন নাই মোর কাছে ?  
সন্দেহ জগিলে মনে মীমাংসার ভরে  
চাহিবে না গুরু-উপদেশ ? এত দূরে  
গেছ ? মনে এতই কি ঘটেছে বিচ্ছেদ ?  
মূঢ়, শোনো । সত্যই তো বিমূখ হয়েছ  
দেবী, কিন্তু তাই বলে প্রতিমার মুখ  
নাহি কিরে । মন্দিরে যে রক্তপাত করি  
দেবী তাহা করে পান, প্রতিমার মুখে  
সে রক্ত উঠে না । দেবতার অসন্তোষ  
প্রতিমার মুখে প্রকাশ না পায় । কিন্তু  
মূর্খদের কেমনে বুঝাব । চোখে চাহে  
দেখিবারে, চোখে যাহা দেখিবার নয় ।  
মিথ্যা দিগে সত্যেরে বুঝাতে হয় তাই ।  
মূর্খ, তোমার আমার হাতে সত্য নাই ।  
সত্যের প্রতিমা সত্য নহে, কথা সত্য  
নহে, লিপি সত্য নহে, মূর্তি সত্য নহে,

চিন্তা সত্য নহে । সত্য কোথা আছে, কেহ  
 নাহি জানে তারে, কেহ নাহি পায় তারে ।  
 সেই সত্য কোটি মিথ্যারূপে চারি দিকে  
 ফাটিয়া পড়েছে ; সত্য তাই নাম ধরে  
 মহামায়া, অর্থ তার মহামিথ্যা । সত্য  
 মহারাজ বসে থাকে রাজ-অস্তঃপুরে—  
 শত মিথ্যা প্রতিনিধি তার, চতুর্দিকে  
 মরে খেটে খেটে ।—শিরে হাত দিয়ে বসে  
 বসে ভাবো—আমার অনেক কাজ আছে ।  
 আবার গিয়েছে ফিরে প্রজাদের মন ।  
 যে তরঙ্গ তীরে নিয়ে আসে, সেই ফিরে  
 অকুলের মাঝখানে টেনে নিয়ে যায় ।  
 সত্য নহে, সত্য নহে, সত্য নহে ; সবি  
 মিথ্যা, মিথ্যা, মিথ্যা । দেবী নাই প্রতিমার  
 মাঝে, তবে কোথা আছে ? কোথাও সে নাই  
 দেবী নাই । ধস্ত ধস্ত ধস্ত মিথ্যা তুমি ।

জয়সিংহ ।

## দ্বিতীয় দৃশ্য

প্রাসাদ-কক্ষ

গোবিন্দমাণিক্য ও চাঁদপাল

চাঁদপাল ।

প্রজারা করিছে কুমন্ত্রণা । মোগলের  
 সেনাপতি চলিয়াছে আসামের দিকে  
 যুদ্ধ লাগি,—নিকটেই আছে, দুই-চারি  
 দিবসের পথে । প্রজারা তাহারি কাছে  
 পাঠাবে প্রস্তাব—তোমারে করিতে দূর  
 সিংহাসন হতে ।

গোবিন্দমাণিক্য ।                               আমারে করিবে দূর ?

মোর 'পরে এত অনন্তোষ ?

চাঁদপাল ।                                       মহারাজ,

সেবকের অহুন্নর রাখো—পশুরক্ত

এত যদি ভালো লাগে নিষ্ঠুর প্রজার,

দাও তাহাদের পশু,—রাক্ষসী প্রবৃত্তি

পশুর উপর দিরা থাক ।   সর্বদাই

ভয়ে ভয়ে আছি কখন কী হয়ে পড়ে ।

গোবিন্দমাণিক্য ।   আছে ভয় জানি চাঁদপাল ।   রাজকাৰ্য

সেও আছে ।   পাথার ভীষণ, তবু তরী

ভীরে নিয়ে যেতে হবে ।   গেছে কি প্রজার

দূত যোগলের কাছে ?

চাঁদপাল ।                                       এত ক্ষণে গেছে ।

গোবিন্দমাণিক্য ।   চাঁদপাল, তুমি তবে যাও এই বেলা,

যোগলের শিবিরের কাছাকাছি থেকে—

যখন যা ঘটে সেখা পাঠায়ো সংবাদ ।

চাঁদপাল ।                                       মহারাজ, সাবধানে থেকে হেথা প্রভু,

অন্তরে বাহিরে শত্রু ।                               [ প্রস্থান

### গুণবতীর প্রবেশ

গোবিন্দমাণিক্য ।                               প্রিয়ে, বড়ো শুক,

বড়ো শূন্ত এ সংসার ।   অন্তরে বাহিরে

শত্রু ।   তুমি এসে ক্ষণেক দাঁড়াও হেসে,

ভালোবেসে চাও মুখপানে ।   প্রেমহীন

অঙ্ককার বড়বস্ত্র বিপদ বিধেব

সবার উপরে হ'ক তব স্ত্রধামর

আবির্ভাব, ঘোর নিশীথের শিরোদেশে

নির্নিমেঘ চন্দ্রের মতন ।   প্রিয়তমে,

নিরুত্তর কেন ?   অপরাধ-বিচারের

এই কি সময় ?   তুষার্ত্ত হৃদয় হবে

মুমূর্ষুর মতো চাহে মরুভূমি মাঝে  
স্বধাপাত্র হাতে নিয়ে কিরে চলে যাবে ?

[ গুণবতীর প্রস্থান

চলে গেলে ! হায়, মোর দুর্বহ জীবন ।

### নক্ষত্র রায়ের প্রবেশ

নক্ষত্র রায় । ( স্বগত ) যেথা যাই সকলেই বলে “রাজা হবে ?”  
“রাজা হবে ?” এ বড়ো আশ্চর্য কাণ্ড । একা  
বসে থাকি তবু শুনি কে যেন বলিছে—  
রাজা হবে ? রাজা হবে ? দুই কানে যেন  
বাসা করিয়াছে দুই টিমে পাখি—এক  
বুলি জানে শুধু—রাজা হবে ? রাজা হবে ?  
ভালো বাপু তাই হব—কিন্তু রাজ্যরক্ত  
সে কি তোরা এনে দিবি ?

গোবিন্দমাণিক্য ।

নক্ষত্র ! [ নক্ষত্র সচকিত

নক্ষত্র !

আমারে মারিবে তুমি ? বলো, সত্য বলো,  
আমারে মারিবে ? এই কথা জাগিতেছে  
হৃদয়ে তোমার নিশিদিন ? এই কথা  
মনে নিয়ে মোর সাথে হাসিয়া বলেছ  
কথা, প্রণাম করেছ পায়ে, আশীর্বাদ  
করেছ গ্রহণ, মধ্যাহ্নে আহার-কালে  
এক অন্ন ভাগ করে করেছ ভোজন,  
এই কথা নিয়ে ? বুকে ছুরি দেবে ? ওরে  
ভাই, এই বুকে টেনে নিয়েছি তোর  
এ কঠিন মর্ত্যভূমি প্রথম চরণে  
তোমার বেজেছিল যবে,—এই বুকে টেনে  
নিয়েছি তোর, যেদিন জননী, তোর  
শিরে শেষ স্নেহ-হস্ত রেখে, চলে গেল  
ধরাধাম শূন্য করি—আজ সেই তুই

সেই বুকে ছুরি দিবি ? এক রক্তধারা  
বহিতেছে দোহার শরীরে, যেই রক্ত  
পিতৃপিতামহ হতে বহিয়া এসেছে'  
চিরদিন ভাইদের শিরায় শিরায়,  
সেই শিরা ছিন্ন ক'রে দিয়ে সেই রক্ত  
ফেলিবি ভূতলে ? এই বন্ধ করে দিছ  
যার, এই নে আমার তরবারি, মার  
অবারিত বন্ধে, পূর্ণ হ'ক মনস্কাম ।

নকত্র রায় । কমা করো ! কমা করো ভাই ! কমা করো !

গোবিন্দমাণিক্য । এস বৎস, ফিরে এস । সেই বন্ধে ফিরে  
এস । কমা ভিন্কা করিতেছ ? এ সংবাদ  
তুনেছি যখন, তখনি করেছি কমা ।  
তোরে কমা না করিতে অক্ষম যে আমি ।

নকত্র রায় । রঘুপতি দেয় কুমন্ত্রণা । রক্ত মোরে  
তার কাছ হতে ।

গোবিন্দমাণিক্য । কোনো ভয় নেই, ভাই ।

## তৃতীয় দৃশ্য

অস্ত্রপুর-কক্ষ

গুণবতী

গুণবতী । তবু তো হল না । আশা ছিল মনে মনে  
কঠিন হইয়া থাকি কিছু দিন যদি  
তাহা হলে আপনি আসিবে ধরা দিতে  
প্রেমের তুষার ! এত অহংকার ছিল  
মনে । মুখ ফিরে থাকি, কথা নাহি কই  
অশ্রুও ফেলি নে, শুধু শুধু রোষ, শুধু

অবহেলা, এমন তো কত দিন গেল ।  
 শুনেছি নারীর রোষ পুরুষের কাছে  
 শুধু শোভা আভ্যাস, তাপ নাহি তাহে  
 হীরকের দীপ্তিসম । দিক থাক শোভা ।  
 এ রোষ বজ্রের মতো হত যদি, তবে  
 পড়িত প্রাসাদ 'পরে, ভাঙিত রাজ্যের  
 নিভ্রা, চূর্ণ হত রাজ-অহংকার, পূর্ণ  
 হত রানীর মহিমা । আমি রানী, কেন  
 জন্মাইলে এ মিথ্যা বিশ্বাস ? হৃদয়ের  
 অধীশ্বরী তব—এই মন্ত্র প্রতিদিন  
 কেন দিলে কানে ? কেন না জানালে মোরে  
 আমি ক্রীতদাসী, রাজ্যের কিংকরী শুধু,  
 রানী নহি,—তাহা হলে আঙ্গিকে সহসা  
 এ আঘাত, এ পতন সহিতে হত না ।

### ক্রবের প্রবেশ

কোথা ঘাস তুই ?

ক্রব ।

আমারে ডেকেছে রাজা । [ প্রস্থান

গুণবতী ।

রাজ্যের হৃদয়-রত্ন এই সে বালক ।  
 ওরে শিশু, চুরি করে নিয়েছিস তুই  
 আমার সম্মানতরে যে আসন ছিল ।  
 না আসিতে আমার বাছারা, তাহাদের  
 পিতৃশ্নেহ 'পরে তুই বসাইলি ভাগ ।  
 রাজ-হৃদয়ের সুধাপাত্র হতে তুই  
 নিলি প্রথম অঞ্জলি, রাজপুত্র এসে  
 তোরি কি প্রসাদ পাবে ওরে রাজদ্রোহী ।  
 মাগো মহামারা, এ কী তোর অবিচার ।  
 এত সৃষ্টি, এত খেলা তোর—খেলাচ্ছলে  
 দে আমারে একটি সম্মান,—দে জননী,  
 শুধু এইটুকু শিশু, কোলটুকু ভরে



যায় যাচ্ছে। তুই বা বাসিন ভালো, তাই  
দিব তোরে।

নক্ষত্র রায়ের প্রবেশ

নক্ষত্র, কোথায় যাও। কিরে  
যাও কেন। এত ভয় করে তব? আমি  
নারী, অশ্রুহীন, বলহীন, নিকপায়,  
অসহায়,—আমি কি ভীষণ এত?

নক্ষত্র রায়। না, না,  
মোরে ডাকিয়ে না।

গুণবতী। কেন কী হয়েছে?

নক্ষত্র রায়। আমি  
রাজা নাহি হব।

গুণবতী। নাই হলে। তাই বলে  
এত আশ্ফালন কেন?

নক্ষত্র রায়। চিরকাল বেঁচে  
থাক রাজা, আমি যেন যুবরাজ থেকে  
মরি।

গুণবতী। তাই মরো। নীত্র মরো। পূর্ণ হ'ক  
মনোরথ। আমি কি তোমারে পায়ে ধরে  
বেখেছি বাঁচিয়ে?

নক্ষত্র রায়। তবে কী বলিবে বলো।

গুণবতী। যে চোর করিছে চুরি তোমার মুকুট  
তাহারে সরিয়ে দাও। বুকেছ কি?

নক্ষত্র রায়। সব  
বুঝিয়াছি, শুধু কে সে চোর বুঝি নাই।

গুণবতী। ওই যে বালক ক্রব। বাড়িছে রাজার  
কোলে, দিনে দিনে উচু হয়ে উঠিতেছে  
মুকুটের পানে।

নক্ষত্র রায়। তাই বটে। এত কণে

বুঝিলাম সব । মুকুট দেখেছি বটে  
 ক্রবের মাথায় । আমি বলি শুধু খেলা ।  
 গুণবতী । মুকুট লইয়া খেলা ? বড়ো কাল-খেলা ।  
 এই বেলা ভেঙে দাও খেলা—নহে তুমি  
 সে খেলার হইবে খেলনা ।  
 নন্দ্র রায় । তাই বটে ।  
 এ তো ভালো খেলা নয় ।  
 গুণবতী । অর্ধরাজে আমি  
 গোপনে লইয়া তারে দেবীর চরণে  
 মোর নামে করো নিবেদন । তার রক্তে  
 নিবে যাবে দেব-রোমানল, স্থায়ী হবে  
 সিংহাসন এই রাজবংশে—পিতৃলোক  
 গাহিবেন কল্যাণ তোমার । বুঝেছ কি ?  
 নন্দ্র রায় । বুঝিয়াছি ।  
 গুণবতী । তবে যাও । যা বলিছ করো ।  
 মনে রেখো, মোর নামে ক'রো নিবেদন ।  
 নন্দ্র রায় । তাই হবে । মুকুট লইয়া খেলা ! এ কী  
 সর্বনাশ ! দেবীর সন্তোষ, রাজ্যরক্ষা,  
 পিতৃলোক—বুঝিতে কিছুই বাকি নেই ।

## চতুর্থ দৃশ্য

### মন্দির-সোপান

#### জয়সিংহ

জয়সিংহ । দেবী, আছ, আছ তুমি ! দেবী, থাকো তুমি !  
 এ অসীম রজনীর সর্বপ্রান্তশেষে  
 যদি থাক কণামাত্র হয়ে, সেথা হতে

কীৰ্ত্তম স্বরে সাড়া দাও, বলো মোরে  
 "বৎস আছি।"—নাই, নাই, নাই, দেবী নাই।  
 নাই? দয়া করে থাকো। অঘি মায়াময়ী  
 মিথ্যা, দয়া কবু, দয়া কবু জয়সিংহে,  
 সত্য হয়ে ওঠ। আশৈশব ভক্তি মোর,  
 আত্মের প্রেম তোরে প্রাণ দিতে নারে?  
 এত মিথ্যা তুই? এ জীবন করে দিলি  
 জয়সিংহ। সব ফেলে দিলি সত্যশূত্র  
 'দয়াশূত্র মাতৃশূত্র সর্বশূত্র মাঝে।

### অপর্ণার প্রবেশ

অপর্ণা, আবার এসেছিস? তাড়ালেম  
 মন্দির-বাহিরে, তবু তুই অক্ষুণ্ণ  
 আশেপাশে চারি দিকে ঘুরিয়া বেড়াস  
 স্তম্ভের ছায়া সম দরিত্রের মনে?  
 সত্য আর মিথ্যার প্রভেদ শুধু এই।  
 মিথ্যারে রাখিয়া দিই মন্দিরের মাঝে  
 বহুক্ষেত্রে, তবুও সে থেকেও থাকে না।  
 সত্যেরে তাড়িয়ে দিই মন্দির-বাহিরে  
 অনাদরে, তবুও সে ফিরে ফিরে আসে।  
 অপর্ণা, বাস নে তুই, তোরে আমি আর  
 ফিরাব না; আর এইখানে বসি দৌছে।  
 অনেক হয়েছে রাত। কৃষ্ণকশলী  
 উঠিতেছে তরু-অস্তরালে। চরাচর  
 স্তম্ভিময়, শুধু মোরা দৌছে নিজাহীন।  
 অপর্ণা, বিষাদময়ী, তোরেও কি গেছে  
 কাকি দিবে মায়ার দেবতা? দেবতার  
 কোন্ আবশ্যক! কেন তারে ডেকে আনি  
 আমাদের ছোটোখাটো স্তম্ভের সংসারে?  
 তারা কি মোদের ব্যথা বুকে? পাষাণের

মতো শুধু চেয়ে থাকে ; আপন ভায়েরে  
 প্রেম হতে বঞ্চিত করিয়া, সেই প্রেম  
 দিই তারে, সে কি তার কোনো কাজে লাগে ?  
 এ সুন্দরী সুখময়ী ধরনী হইতে  
 মুখ ফিরাইয়া তার দিকে চেয়ে থাকি,  
 সে কোথায় চায় ? তার কাছে ক্ষুদ্র বটে  
 তুচ্ছ বটে, তবু তো আমার মাতৃধরা ;  
 তার কাছে কীটবৎ তবু তো আমার  
 ভাই ; অবহেলে অঙ্কুরখচক্রতলে  
 দলিয়া চলিয়া যায়, তবু সে দলিত  
 উপেক্ষিত, তারা তো আমার আপনার ।  
 আয় ভাই, নির্ভয়ে দেবতাহীন হয়ে  
 আরো কাছাকাছি সবে বেঁধে বেঁধে থাকি ।  
 রক্ত চাই ? স্বর্গের ঐশ্বর্য ত্যজিয়া  
 এ দরিদ্র ধরাতলে ভাই কি এসেছ ?  
 সেখায় মানব নেই, জীব নেই কেহ,  
 রক্ত নেই, ব্যথা পাবে হেন কিছু নেই,  
 তাই স্বর্গে হয়েছে অরুচি ? আসিয়াছ  
 মৃগয়া করিতে, নির্ভয় বিশ্বাসহুখে  
 যেথা বাসা বেঁধে আছে মানবের ক্ষুদ্র  
 পরিবার ? অপর্ণা, বালিকা, দেবী নাই ।  
 অপর্ণা । জয়সিংহ, তবে চলে এস, এ মন্দির  
 ছেড়ে ।

জয়সিংহ ।

যাব, যাব, তাই যাব, ছেড়ে চলে  
 যাব । হায় রে অপর্ণা, তাই যেতে হবে ।  
 তবু যে রাজত্বে আশ্রয় করেছি বাস  
 পরিশোধ করে দিয়ে তার রাজকর  
 তবে যেতে পাব । থাক্ ও সকল কথা ।  
 দেখ্ চেয়ে গোমতীর শীর্ণ জলরেখা  
 জ্যোৎস্নালোকে পুলকিত,—কলধ্বনি তার

এক কথা শত বার করিছে প্রকাশ ।  
 আকাশেতে অর্ধচন্দ্রে পাণ্ডুমুখচ্ছবি  
 প্রাস্তিকীর্ণ—বহু রাজসিঁদুরগণে যেন  
 পড়েছে চাঁদের চোখে আধেক পল্লব  
 ঘুমভারে । সুন্দর জগৎ । হা অপর্ণা,  
 এমন রাজির মাঝে দেবী নাই । থাক  
 দেবী । অপর্ণা, জানিস কিছু সুখভরা  
 সুখভরা কোনো কথা ? শুধু তাই বল ।  
 যা শুনিলে মুহুর্তে অতলে মগ্ন হয়ে  
 ভুলে যাব জীবনের তাপ, মরণ যে  
 কত মধুরতাময় আগে হতে পাব  
 তার স্বাদ । অপর্ণা, এমন কিছু বল  
 ওই মধুকণ্ঠে তোর, ওই মধু-আধি  
 রেখে মোর মুখপানে, এই জনহীন  
 শুক রজনীতে, এই বিশ্বজগতের  
 নিদ্রামাঝে, বল রে অপর্ণা, যা শুনিলে  
 মনে হবে চারি দিকে আর কিছু নাই,  
 শুধু ভালোবাসা ভাসিতেছে, পূর্ণিমার  
 সুপ্তরাজ্যে রজনীগন্ধার গন্ধসম ।

অপর্ণা । হায় জয়সিংহ, বলিতে পারি নে কিছু,  
 বুঝি মনে আছে কত কথা ।

জয়সিংহ । তবে আরো  
 কাছে আর, মন হতে মনে যাক কথা ।  
 —এ কী করিতেছি আমি অপর্ণা, অপর্ণা,  
 চলে যা মন্দির ছেড়ে, গুরুর আদেশ ।

অপর্ণা । জয়সিংহ, হ'য়ো না নিষ্ঠুর । বার বার  
 ফিরায়ে না । কী সহিছি অন্তর্ধামী জানে ।

জয়সিংহ । তবে আমি যাই । এক দণ্ড হেথা নহে ।

( কিয়দূর গিয়া ফিরিয়া )

অপর্ণা, নিষ্ঠুর আমি ? এই কি রহিবে

তোর মনে, জয়সিংহ নিষ্ঠুর, কঠিন !  
 কখনো কি হাসিমুখে কহি নাই কথা ?  
 কখনো কি ডাকি নাই কাছে ? কখনো কি  
 ফেলি নাই অশ্রুজল তোর অশ্রু দেখে ?  
 অপর্ণা, সে সব কথা পড়িবে না মনে,  
 শুধু মনে রহিবে আগিমা, জয়সিংহ  
 নিষ্ঠুর পাষণ ? যেমন পাষণ ওই  
 পাষণের ছবি, দেবী বলিতাম যারে ?  
 হায় দেবী, তুই যদি দেবী হইতিস,  
 তুই যদি বৃষ্টিতিস এই অস্তর্দাহ ।

অপর্ণা ।  
 বুদ্ধিহীন ব্যথিত এ ক্ষুদ্র নারী-হিমা,  
 কমা করো এবে । এই বেলা চলে এস,  
 জয়সিংহ, এস মোরা এ মন্দির ছেড়ে  
 যাই !

জয়সিংহ ।  
 রক্ষা করো । অপর্ণা, করুণা করো ।  
 দয়া করে মোরে ফেলে চলে যাও । এক  
 কাজ বাকি আছে এ জীবনে, সেই হ'ক  
 প্রাণেশ্বর, তার স্থান তুমি কাড়িয়ে না । [ ক্রত গ্রহান  
 অপর্ণা ।  
 শত বার সহিয়াছি, আজ কেন আর  
 নাহি সহে ? আজ কেন ভেঙে পড়ে প্রাণ ?

পঞ্চম দৃশ্য

মন্দির

নক্ষত্র রায়, রঘুপতি ও নিদ্রিত ক্রব

রঘুপতি ।

কৈদে কৈদে ঘুমিয়ে পড়েছে । অয়সিংহ  
এসেছিল মোর কোলে অমনি শৈশবে  
পিতৃমাতৃহীন । সেদিন অমনি করে  
কৈদেছিল নূতন দেখিয়া চারি দিক,  
হতাশাস শ্রান্ত শোকে অমনি করিয়া  
ঘুমিয়ে পড়িয়াছিল সজ্জা হয়ে গেলে  
ওইখানে দেবীর চরণে ! ওরে দেখে  
তার সেই শিশু-মুখ শিশুর ক্রন্দন  
মনে পড়ে ।

নক্ষত্র রায় ।

ঠাকুর ক'রো না দেরি আর,

ভয় হয় কখন সংবাদ পাবে রাজা ।

রঘুপতি ।

সংবাদ কেমন করে পাবে ? চারি দিক  
নিশীথের নিদ্রা দিয়ে ঘেরা ।

নক্ষত্র রায় ।

এক বার

মনে হল যেন দেখিলাম কার ছায়া ।

রঘুপতি ।

আপন ভয়ের ।

নক্ষত্র রায় ।

তুলিলাম যেন কার

ক্রন্দনের স্বর ।

রঘুপতি ।

আপনার হৃদয়ের ।

দূর হ'ক নিরানন্দ । এস পান করি

কারণ-সলিল । [ মস্তপান

মনোভাব যত কণ

মনে থাকে, তত কণ দেখায় বৃহৎ,—

কার্ধকালে ছোটো হয়ে আসে, বহু বাষ্প

গলে গিয়ে এক বিন্দু জল । কিছুই না,

শুধু মুহূর্তের কাজ । শুধু শীর্ণশিখা  
 প্রদীপ নিবাত্তে যত ক্ষণ । ঘুম হতে  
 চকিতে মিলায়ে যাবে গাঢ়তম ঘুমে  
 ওই প্রাণরেখাটুকু,—শ্রাবণ-নিশীথে  
 বিজুলি-ঝলক সম, শুধু বজ্র তার  
 চিরদিন বিঁধে রবে রাজদম্ভমাঝে ।  
 এস এস যুবরাজ, স্নান হয়ে কেন  
 বসে আছ এক পাশে মুখে কথা নেই,  
 হাসি নেই, নির্বাপিতপ্রায় । এস পান  
 করি আনন্দ-সলিল ।

নক্ষত্র রায় ।

অনেক বিলম্ব

হয়ে গেছে । আমি বলি আজ থাক । কাল  
 পূজা হবে ।

রঘুপতি ।

বিলম্ব হয়েছে বটে । রাজি

শেষ হয়ে আসে ।

নক্ষত্র রায় ।

ওই শোনো পদধ্বনি ।

রঘুপতি ।

কই ? নাহি শুনি ।

নক্ষত্র রায় ।

ওই শোনো, ওই দেখো

আলো ।

রঘুপতি ।

সংবাদ পেয়েছে রাজা । আর তবে

এক পল দেয় নয় । জয় মহাকালী ।

[ বজ্র উত্তোলন

গোবিন্দমাণিক্য ও প্রহরীগণের দ্রুত প্রবেশ । রাজার নির্দেশ-

ক্রমে প্রহরীর দ্বারা রঘুপতি ও নক্ষত্র রায় ধৃত হইল ।

গোবিন্দমাণিক্য । নিয়ে যাও কারাগারে, বিচার হইবে ।



## চতুর্থ অঙ্ক প্রথম দৃশ্য

বিচারসভা

গোবিন্দমাণিক্য, রঘুপতি, নকুল রায়,

সভাসদৃগণ ও প্রহরিগণ

গোবিন্দমাণিক্য । ( রঘুপতিকে ) আর কিছু বলিবার আছে ?

রঘুপতি ।

কিছু নাই ।

গোবিন্দমাণিক্য । অপরাধ করিছ স্বীকার ?

রঘুপতি ।

অপরাধ ?

অপরাধ করিয়াছি বটে । দেবীপূজা  
করিতে পারি নি শেষ,—মোহে মুঢ় হয়ে  
বিলম্ব করেছি অকারণে । তার শাস্তি  
দিতেছেন দেবী, তুমি উপলক্ষ শুধু ।

গোবিন্দমাণিক্য । তুমি সর্বলোক, আমার নিয়ম এই—

পবিত্র পূজার ছলে দেবতার কাছে  
যে মোহাঙ্ক দিবে জীববলি, কিংবা তারি  
করিবে উচ্চোগ রাজ-আজ্ঞা তুচ্ছ করি,  
নির্বাসনদণ্ড তার প্রতি । রঘুপতি,  
অষ্ট বর্ষ নির্বাসনে করিবে যাপন ;  
তোমাতে আসিবে রেখে সৈন্ত চারি জন  
রাজ্যের বাহিরে ।

রঘুপতি ।

দেবী ছাড়া এ জগতে

এ জাহ্নু হয় নি নত আর কারো কাছে ।  
আমি বিপ্র তুমি শূদ্র, তবু জোড়করে  
নতজাহ্নু আজ আমি প্রার্থনা করিব  
তোমা কাছে, দুই দিন দাঁও অবসর  
প্রাপ্তের শেষ দুই দিন । তার পরে  
শরতের প্রথম প্রত্যুষে—চলে যাব

তোমার এ অভিশপ্ত দণ্ড রাজ্য ছেড়ে,  
আর কিরাব না মুখ ।

গোবিন্দমাণিক্য ।

ছুই দিন দিছ

অবসর ।

রঘুপতি ।

মহারাজ রাজ-অধিরাজ,

মহিমাগগর তুমি কৃপা-অবতার ।

ধূলির অধম আমি, দীন অভাজন । [ প্রশ্নান

গোবিন্দমাণিক্য । নক্স, স্বীকার করো অপরাধ তব ।

নক্স রায় ।

মহারাজ, দোষী আমি । সাহস না হয়

মার্জনা করিতে ভিক্ষা ।

[ পদতলে পতন

গোবিন্দমাণিক্য ।

বলো, তুমি কার

মন্ত্রণায় ভুলে এ কাজে দিয়েছ হাত ?

স্বভাবকোমল তুমি, নিদারুণ বুদ্ধি

এ তোমার নহে ।

নক্স রায় ।

আর করে দিব দোষ !

লব না এ পাপমুখে আর কারো নাম ।

আমি শুধু একা অপরাধী । আপনার

পাপমন্ত্রণায় আপনি ভুলেছি । শত

দোষ ক্ষমা করিয়াছ নির্বোধ ভ্রাতার,

আরবার ক্ষমা করো ।

গোবিন্দমাণিক্য ।

নক্স, চরণ

ছেড়ে ওঠো, শোনো কথা । ক্ষমা কি আমার

কাজ ? বিচারক আপন শাসনে বদ্ধ,

বন্দী হতে বেশি বন্দী । এক অপরাধে

দণ্ড পাবে এক জনে, মুক্তি পাবে আর

এমন ক্ষমতা নাই বিধাতার, আমি

কোথা আছি !

সকলে ।

ক্ষমা করো, ক্ষমা করো প্রভু ।

নক্স তোমার ভাই ।

গোবিন্দমাণিক্য ।

দ্বির হও সবে ।

ভাই বন্ধু কেহ নাহি মোর, এ আসনে  
বস কণ আছি। প্রমাণ হইয়া গেছে  
অপরাধ। ছাড়ারে ত্রিপুররাজ্যসীমা  
ব্রহ্মপুত্র নদীতীরে, আছে রাজগৃহ  
তীর্থস্থানতরে, সেখায় নক্ষত্র রায়  
অষ্ট বর্ষ নির্বাসন করিবে যাপন।

প্রহরিগণ নক্ষত্রকে লইয়া যাইতে উচ্চত। রাজার  
সিংহাসন হইতে অবরোহণ।

দিয়ে যাও বিদায়ের আলিঙ্গন। ভাই,  
এ দণ্ড তোমার শুধু একেলার নহে,  
এ দণ্ড আমার। আজ হতে রাজগৃহ  
সুচিকণ্টকিত হয়ে বিধিবে আমার।  
রহিল তোমার সাথে আশীর্বাদ মোর ;  
যত দিন দূরে রবি রাখিবেন তোরে  
দেবগণ। [ নক্ষত্রের প্রস্থান

[ সভাসদগণের প্রতি ) সভাগৃহ ছেড়ে যাও সবে,  
কণেক একেলা রব আমি। [ সকলের প্রস্থান

ক্রম নয়ন রায়ের প্রবেশ

নয়ন রায়।

মহারাজ,

সমূহ বিপদ।

গোবিন্দমাণিক্য।

রাজা কি মাহুষ নহে ?

হার বিধি, হৃদয় তাহার গড় নি কি  
অতি দীনদরিদ্রের সমান করিয়া ?

দুঃখ দিবে সবার মতন, অশ্রুজল  
ফেলিবার অবসর দিবে না কি শুধু ?  
কিসের বিপদ, বলে যাও শীঘ্র করি।

নয়ন রায়।

যোগলের সৈন্ত সাথে আসে চাঁদপাল,  
নাশিতে ত্রিপুরা।

গোবিন্দমাণিক্য।

এ নহে নয়ন রায়

তোমার উচিত । শত্রু বটে চাঁদপাল,  
তাই বলে তার নামে হেন অপবাদ ?  
নয়ন রায় । অনেক দিয়েছ দণ্ড দীন অধীনেরে,  
আজ এই অবিশ্বাস সব চেয়ে বেশি ।  
শ্রীচরণচ্যুত হয়ে আছি, তাই বলে  
গিয়েছি কি এত অধঃপাতে ।

গোবিন্দমাণিক্য । ভালো করে  
বলো আরবার, বুঝে দেখি সব ।

নয়ন রায় । যোগ  
দিয়ে মোগলের সাথে চাহে চাঁদপাল  
তোমারে করিতে রাজ্যচ্যুত ।

গোবিন্দমাণিক্য । তুমি কোথা  
পেলে এ সংবাদ ?

নয়ন রায় । যেদিন আমারে প্রভু  
নিরস্ত্র করিলে, অস্ত্রহীন লাজে, চলে  
গেলু দেশান্তরে ; শুনলাম আসামের  
সাথে মোগলের বাধিছে বিবাদ ; তাই  
চলেছি স্বেচ্ছাকার রাজসন্নিধানে  
মাগিতে সৈনিকপদ । পথে দেখিলাম  
আসিছে মোগল সৈন্য ত্রিপুরার পানে  
সঙ্গে চাঁদপাল । সঙ্কানে জেনেছি তার  
অভিসন্ধি । ছুটিয়া এসেছি রাজপদে ।

গোবিন্দমাণিক্য । সহসা এ কী হল সংসারে, হে বিধাত ।  
শুধু দুই-চারি দিন হল ধরণীর  
কোন্‌খানে ছিন্নপথ হয়েছে বাহির,  
সমুদয় নাগবংশ রসাতল হতে  
উঠিতেছে চারি দিকে পৃথিবীর 'পরে,  
পদে পদে তুলিতেছে ফণা । এসেছে কি  
প্রলয়ের কাল ? এখন সময় নহে  
বিস্ময়ের । সেনাপতি, লহ সৈন্যভার ।

## দ্বিতীয় দৃশ্য

মন্দির প্রাঙ্গণ

জয়সিংহ ও রঘুপতি

রঘুপতি ।

গেছে গর্ব, গেছে তেজ, গেছে ব্রাহ্মণত্ব ।  
 ওরে বৎস, আমি তোরে গুরু নহি আর ।  
 কাল আমি অসংশয়ে করেছি আদেশ  
 গুরুর গৌরবে, আজ শুধু সাহুনে  
 ভিক্ষা মাগিবার মোর আছে অধিকার ।  
 অস্তরেতে সে দীপ্তি নিবেছে, যার বলে  
 তুচ্ছ করিতাম আমি ঐশ্বৰ্যের জ্যোতি,  
 রাজার প্রতাপ । নরক পড়িলে খসি  
 তার চেয়ে শ্রেষ্ঠতর মাটির প্রদীপ ।  
 তাহারে খুঁজিয়া ফিরে পরিহাসভরে  
 খণ্ডোত ধুলির মাঝে, খুঁজিয়া না পায় ।  
 দীপ প্রতিদিন নেবে, প্রতিদিন জলে,  
 বারেক নিবিলে তারা চির-অন্ধকার ।  
 আমি সেই চিরদীপ্তিহীন ; সামান্ত এ  
 পরমায়ু, দেবতার অতি ক্ষুদ্র দান,  
 ভিক্ষা মেগে লইয়াছি তারি দুটো দিন  
 রাজদ্বারে নতজাহ্নু হয়ে । জয়সিংহ,  
 সেই দুই দিন যেন বার্থ নাহি হয় ।  
 সেই দুই দিন যেন আপন কলঙ্ক  
 স্ফুটায় মরিয়া যায় । কালামুখ তার  
 রাজরক্তে রাঙা করে তবে যায় যেন ।  
 বৎস, কেন নিরুত্তর ? গুরুর আদেশ  
 নাহি আর ; তবু তোরে করেছি পালন  
 আশৈশব, কিছু নহে তার অসুরোধ ?

নহি কি রে আমি তোর পিতার অধিক  
 পিতৃবিহীনের পিতা বলে ? এই দুঃখ,  
 এত করে স্মরণ করাতে হল । কৃপা-  
 ভিক্ষা সম্ব হয়, ভালোবাসা ভিক্ষা করে  
 যে অভাগা, ভিক্ষকের অধম ভিক্ষক  
 সে যে । বৎস, তবু নিরুত্তর ? জানু তবে  
 আরবার নত হ'ক । কোলে এসেছিল  
 যবে, ছিল এতটুকু, এ জানুর চেয়ে  
 ছোটো, তার কাছে নত হ'ক জানু । পুত্র,  
 ভিক্ষা চাই আমি ।

জয়সিংহ ।

পিতা, এ বিদীর্ণ বৃকে,  
 আর হানিয়ো না বজ্র । রাজরক্ত চাহে  
 দেবী, তাই তারে এনে দিব । যাহা চাহে  
 সব দিব । সব ঋণ শোধ করে দিয়ে  
 যাব । তাই হবে । তাই হবে । [ প্রশ্নান

রঘুপতি ।

তবে তাই  
 হ'ক । দেবী চাহে, তাই বলে দিস । আমি  
 কেহ নই । হায় অকৃতজ্ঞ, দেবী তোর  
 কী করেছে ? শিশুকাল হতে দেবী তোরে  
 প্রতিদিন করেছে পালন ? রোগ হলে  
 করিয়াছে সেবা ? ক্ষুধায় দিয়াছে অন্ন ?  
 মিটায়েছে জ্ঞানের পিপাসা ? অবশেষে  
 এই অকৃতজ্ঞতার ব্যথা নিয়েছে কি  
 দেবী বৃক পেতে ? হায়, কলিকাল । থাক্ ।

## তৃতীয় দৃশ্য

প্রাসাদ-কক্ষ

গোবিন্দমাণিক্য

নয়ন রায়ের প্রবেশ

নয়ন রায় । বিদ্রোহী সৈনিকদের এনেছি কিরারে,  
যুদ্ধসজ্জা হয়েছে প্রস্তুত । আজ্ঞা দাও  
মহারাজ, অগ্রসর হই—আশীর্বাদ  
করো—

গোবিন্দমাণিক্য । চলো সেনাপতি, নিজের আমি যাব  
রণকেন্দ্রে ।

নয়ন রায় । যত কণ এ দাসের দেহে  
প্রাণ আছে, তত কণ মহারাজ, কান্ত  
ধাকো, বিপদের মুখে গিয়ে—

গোবিন্দমাণিক্য । সেনাপতি,  
সবার বিপদ-অংশ হতে মোর অংশ  
নিতে চাই আমি । মোর রাজ-অংশ সব  
চেরে বেদি । এস সৈন্তগণ, লহ মোরে  
তোমাদের মাঝে । তোমাদের নৃপতিরে  
দূর সিংহাসনচূড়ে নির্বাসিত করে  
সমর-গৌরব হতে বঞ্চিত ক'রো না ।

চরের প্রবেশ

চর । নির্বাসনপথ হতে লয়েছে কাড়িয়া  
কুমার নকত্র রায়ে যোগলের সেনা ;  
রাজপদে বসিয়াছে তাঁরে । আনিছেন  
সৈন্ত লয়ে রাজধানী পানে ।

গোবিন্দমাণিক্য । চুকে গেল  
আর ভয় নাই । যুদ্ধ তবে গেল মিটে ।





এ তার রচনা নহে ।—রচনা বাহারি  
 হ'ক, অক্ষর তো তারি বটে । নিজ হস্তে  
 লিখেছে তো সেই । যে সর্পেরি বিষ হ'ক,  
 নিজের অক্ষর মুখে মাখায়ে দিয়েছে—  
 হেনেছে আমার বুকে ।—বিধি, এ তোমার  
 শাস্তি,—তার নহে । নির্বাসন । তাই হ'ক  
 তার নির্বাসনদণ্ড তার হয়ে আমি  
 নীরবে বিনম্র শিরে করিব বহন ।

## পঞ্চম অঙ্ক

### প্রথম দৃশ্য

মন্দির । বাহিরে ঝড়

পূজোপকরণ লইয়া রঘুপতি

রঘুপতি ।

এত দিনে, আজ বুঝি আগিয়াছ দেবী !  
 ওই রোষ-হহংকার ! অভিশাপ হাঁকি  
 নগরের 'পর দিয়া খেয়ে চলিয়াছ  
 তিমিররূপিনী । ওরা ওই বুঝি তোর  
 প্রলয়-সজিনীগণ দারুণ ক্রোধায়  
 প্রাণপণে নাড়া দেয় বিশ্বমহাতরু ।  
 আজ মিটাইব তোর দীর্ঘ উপবাস ।  
 ভক্তেরে সংশয়ে কেলি এত দিন ছিলি  
 কোথা দেবী ? তোর ধড়গ ভুই না তুলিলে  
 আমরা কি পারি ? আজ কী আনন্দ, তোর  
 চতুর্মূর্তি দেখে । সাহসে ভরেছে চিত্ত,  
 সংশয় গিয়েছে ; হতমান নতশির

## রবীন্দ্র-রচনাবলী

উঠেছে নূতন তেজে । ওই পদধ্বনি  
 শুনা যায়, ওই আসে তোর পূজা । জয়  
 মহাদেবী ।

### অপর্ণার প্রবেশ

দূর হ দূর হ মায়াবিনী,  
 জয়সিংহে চাস তুই ? আরে সর্বনাশী  
 মহাপাতকিনী । [ অপর্ণার প্রস্থান

এ কী অকাল-ব্যাঘাত ।

জয়সিংহ যদি নাই আসে । কতু নহে ।  
 সত্যভঙ্গ কতু নাহি হবে তার ।—জয়  
 মহাকালী, সিদ্ধিদাত্রী, জয় ভয়ংকরী ।—  
 যদি বাধা পায়—যদি ধরা পড়ে শেষে—  
 যদি প্রাণ যায় তার প্রহরীর হাতে ?  
 জয় মা অভয়া, জয় ভক্তের সহায় ।  
 জয় মা জাগ্রত দেবী, জয় সর্বভয়া !  
 ভক্তবৎসলার যেন দুর্নাম না রটে  
 এ সংসারে, শক্রপক্ষ নাহি হাसे যেন  
 নিঃশঙ্ক কৌতুকে । মাতৃ-অহংকার যদি  
 চূর্ণ হয় সন্তানের, মা বলিয়া তবে  
 কেহ ডাকিবে না তোরে । ওই পদধ্বনি ।  
 জয়সিংহ বটে । জয় নৃসুণ্ডমালিনী,  
 পাশুপতলনী মহাশক্তি ।

### জয়সিংহের দ্রুত প্রবেশ

জয়সিংহ,

রাজরক্ত কই ?

জয়সিংহ ।

আছে আছে । ছাড়া মোরে ।

নিজে আমি করি নিবেদন ।

রাজরক্ত

চাই তোর, দয়াময়ী, অগংগালিনী



যৌবনে রঘুপতির ভূমিকায় রবীন্দ্রনাথ

জয়সিংহের ভূমিকায় অরুণেঞ্জনাথ ঠাকুর



রঘুপতি ।

মাতা ? নহিলে কিছুতে তোর মিটিবে না  
 তৃষা ? আমি রাজপুত্র, পূর্ব পিতামহ  
 ছিল রাজা, এখনো রাজত্ব করে মোর  
 মাতামহবংশ—রাজরক্ত আছে দেহে ।  
 এই রক্ত দিব । এই যেন শেষ রক্ত  
 হয় মাতা, এই রক্তে শেষ মিটে যেন  
 অনন্ত পিপাসা তোর, রক্ততৃষাতুরা । [বকে ছুরি বিদ্ধন  
 জয়সিংহ ! জয়সিংহ ! নির্দয়, নিষ্ঠুর !  
 এ কী সর্বনাশ করিলি রে ? জয়সিংহ,  
 অকৃতজ্ঞ, গুরুদ্রোহী, পিতৃমর্মঘাতী,  
 বেচ্ছাচারী ! জয়সিংহ কুলিশকঠিন !  
 ওরে জয়সিংহ, মোর একমাত্র প্রাণ,  
 প্রাণাধিক, জীবন-মহন-করা ধন ।  
 জয়সিংহ, বৎস মোর, হে গুরুবৎসল !  
 ফিরে আয়, ফিরে আয়, তোরে ছাড়া আর  
 কিছু নাহি চাহি ; অহংকার অভিমান  
 দেবতা ব্রাহ্মণ সব থাক ! তুই আয় !

### অপর্ণার প্রবেশ

অপর্ণা ।

পাগল করিবে মোরে । জয়সিংহ, কোথা  
 জয়সিংহ ।

রঘুপতি ।

আয় মা অমৃতময়ী ! ডাক  
 তোর সুধাকণ্ঠে, ডাক ব্যগ্রস্বরে, ডাক  
 প্রাণপণে ! ডাক জয়সিংহে ! তুই তারে  
 নিয়ে যা মা আপনার কাছে, আমি নাহি  
 চাহি । [ অপর্ণার মুছা  
 ( প্রতিমার পদতলে মাথা রাখিয়া )

ফিরে দে, ফিরে দে, ফিরে দে, ফিরে দে ।

## দ্বিতীয় দৃশ্য

প্রাসাদ

গোবিন্দমাণিক্য ও নয়ন রায়

গোবিন্দমাণিক্য । এখনি আনন্দধ্বনি ! এখনি পরেছে  
 দীপমালা নির্লঙ্ক প্রাসাদ ! উঠিয়াছে  
 রাজধানী-বহির্দ্বারে বিজয়-তোরণ  
 পুলকিত নগরের আনন্দ-উৎকিণ্ত  
 দুই বাহুসম ! এখনো প্রাসাদ হতে  
 বাহিরে আসি নি—হাড়ি নাই সিংহাসন ।  
 এত দিন রাজা ছিহু—কারো কি করি নি  
 উপকার ? কোনো অবিচার করি নাই  
 দূর ? কোনো অত্যাচার করি নি শাসন ?  
 ধিক ধিক নির্বাসিত রাজা ! আপনারে  
 আপনি বিচার করি আপনার শোকে  
 আপনি ফেলিস অশ্রু ।

মর্ত্যরাজ্য গেল,  
 আপনার রাজা তবু আমি । মহোৎসব  
 হ'ক আজি অন্তরের সিংহাসনতলে ।

গুণবতীর প্রবেশ

গুণবতী । প্রিয়তম, প্রাণেশ্বর, আর কেন নাথ ?  
 এইবার শুনেছ তো দেবীর নিষেধ ।  
 এস প্রভু, আজ রাতে শেষ পূজা করে  
 রামজানকীর মতো যাই নির্বাসনে ।

গোবিন্দমাণিক্য । অয়ি প্রিয়তমে, আজি শুভদিন যোব  
 রাজ্য গেল, তোমায়ে পেলাম ফিরে । এস  
 প্রিয়ে, যাই দৌছে দেবীর মন্দিরে, শুধু  
 প্রেম নিয়ে, শুধু পুস্প নিয়ে, মিলনের

অশ্রু নিয়ে, বিদায়ের-বিষম্ব বিবাদ  
নিয়ে, আজ রক্ত নয়, হিংসা নয় ।

গুণবতী ।

ভিক্ষা

রাখো নাথ ।

গোবিন্দমাণিক্য ।

বলো দেবী ।

গুণবতী ।

হ'য়ে না পাষণ ।

রাজগর্ভ ছেড়ে দাও । দেবতার কাছে  
পরাস্তব না মানিতে চাও যদি, তবু  
আমার যত্ননা দেখে গলুক হৃদয় ।  
তুমি তো নিষ্ঠুর কত্ব ছিলে নাকো প্রভু,  
কে তোমায়ে করিল পাষণ ? কে তোমায়ে  
আমার সৌভাগ্য হতে লইল কাড়িয়া ।  
করিল আমায়ে রাজাহীন রানী ।

গোবিন্দমাণিক্য ।

প্রিয়ে,

আমায়ে বিশ্বাস করো এক বার শুধু,  
না বুঝিয়া বোঝো মোর পানে চেয়ে । অশ্রু  
দেখে বোঝো, আমায়ে যে ভালোবাস, সেই  
ভালোবাসা দিয়ে বোঝো,—আর রক্তপাত  
নহে । মুখ কিরায়ে না দেবী, আর মোরে  
ছাড়িয়ে না, নিরাশ ক'রো না আশা দিয়ে ।  
যাবে যদি মার্জনা করিয়া যাও তবে ।

[ গুণবতীর প্রস্থান

গেলে চলি ! কী কঠিন নিষ্ঠুর সংসার ।—  
ওরে কে আছিস ?—কেহ নাই ? চলিলাম ।  
বিদায় হে সিংহাসন । হে পুণ্য প্রাসাদ,  
আমার পৈতৃক ক্রোড়, নির্বাসিত পুত্র  
তোমায়ে প্রণাম করে লইল বিদায় ।

## তৃতীয় দৃশ্য

অন্তঃপুর-কক্ষ

গুণবতী

গুণবতী ।

বাজা বাণ্ড বাজা, আজ রাত্রে পূজা হবে,  
 আজ মোর প্রতিজ্ঞা পূরিবে । আন্ বলি ।  
 আন্ জ্বাফুল । রহিলি দাড়ায়ে ? আজ্ঞা  
 শুনিবি নে ? আমি কেহ নই ? রাজ্য গেছে  
 তাই বলে এতটুকু রানী বাকি নেই  
 আদেশ শুনিবে যার কিংকর-কিংকরী ?  
 এই নে কঙ্কণ, এই নে হীরার কঙ্কী—  
 এই নে ষতেক আভরণ । ছরা করে  
 করু গিয়ে আয়োজন দেবীর পূজার ।  
 মহামায়া, এ দাসীয়ে রানিয়ো চরণে ।

## চতুর্থ দৃশ্য

মন্দির

রঘুপতি

রঘুপতি ।

দেখো, দেখো, কী করে দাড়ায়ে আছে , অড়  
 পাষণের স্তম্ভ, মূঢ় নির্বোধের মতো ।  
 যুক, পঙ্কু, অন্ধ ও বধির ! তোরি কাছে  
 সমস্ত ব্যথিত বিশ্ব কাঁদিয়া মরিছে !  
 পাষণ চরণে তোর, মহৎ হৃদয়  
 আপনারে ভাঙিছে আছাড়ি । হা হা হা হা !  
 কোন্ দানবের এই ক্রুর পরিহাস  
 জগতের মাঝখানে রয়েছে বসিয়া ।



মা বলিয়া ডাকে বত জীব, হাসে তত  
 ঘোরতর অট্টহাস্তে নির্দয় বিক্রম ।  
 দে কিরায়ে অয়সিংহে মোর । দে কিরায়ে ।  
 দে কিরায়ে রাক্ষসী পিশাচী ।

( নাড়া দিয়া ) শুনিতে কি  
 পাস ? আছে কর্ণ ? জানিস কী করেছিস ?  
 কার রক্ত করেছিস পান ? কোন্ পুণ্য  
 জীবনের ? কোন্ স্নেহদয়াপ্রীতিভরা  
 মহা হৃদয়ের ?

থাক তুই চিরকাল  
 এই মতো—এই মন্দিরের সিংহাসনে,  
 সরল ভক্তির প্রতি গুপ্ত উপহাস ।  
 দিব তোর পূজা প্রতিদিন, পদতলে  
 করিব প্রণাম, দয়াময়ী মা বলিয়া  
 ডাকিব তোমারে । তোর পরিচয় কারো  
 কাছে নাহি প্রকাশিব, শুধু ফিরায়ে দে  
 মোর অয়সিংহে । কার কাছে কাঁদিতেছি !  
 তবে দূর, দূর, দূর, দূর করে দাও  
 হৃদয়-দলনী পাষণীরে । লঘু হ'ক  
 অগতের বন্ধ ।

[ দূরে গোমতীর জলে প্রতিমা নিক্ষেপ

মশাল লইয়া বাত্ব বাজাইয়া গুণবতীর প্রবেশ

গুণবতী

অয় অয় মহাদেবী ।

দেবী কই ?

রঘুপতি ।

দেবী নাই ।

গুণবতী ।

ফিরাও দেবীয়ে

গুরুদেব, এনে দাও তাঁরে, রোব শান্তি  
 করিব তাঁহার । আনিয়াছি মার পূজা ।  
 রাজ্য পতি সব ছেড়ে পালিয়াছি শুধু

প্রতিজ্ঞা আমার । দয়া করো, দয়া করে  
দেবীয়ে কিরায়ে আনো শুধু আজি এই  
এক রাত্রি তরে । কোথা দেবী ।

রঘুপতি । কোথাও সে  
নাই । উষ্মে নাই, নিম্নে নাই, কোথাও সে  
নাই, কোথাও সে ছিল না কখনো ।

গুণবতী । প্রভু,  
এইখানে ছিল না কি দেবী ?

রঘুপতি । দেবী বল  
তারে ? এ সংসারে কোথাও থাকিত দেবী  
—তবে সেই পিশাচীয়ে দেবী বলা কত  
সহ কি করিত দেবী ? মহত্ব কি তবে  
ফেলিত নিফল রক্ত হৃদয় বিদারি  
মূঢ় পাষণের পদে ? দেবী বল তারে ?  
পুণ্যরক্ত পান ক'রে সে মহারাঙ্গসী  
ফেটে মরে গেছে ।

গুণবতী । গুরুদেব, বধিযো না  
মোরে । সত্য করে বলা আরবার । দেবী  
নাই ?

রঘুপতি । নাই ।

গুণবতী । দেবী নাই ?

রঘুপতি । নাই ।

গুণবতী । দেবী নাই ?

তবে কে রয়েছে ?

রঘুপতি । কেহ নাই । কিছু নাই ।

গুণবতী । নিয়ে যা, নিয়ে যা পূজা । কিরে যা, কিরে যা ।  
বল শীঘ্র কোন্ পথে গেছে মহারাজ ।

অপর্ণার প্রবেশ

অপর্ণা । পিতা ।

রঘুপতি । জননী, জননী, জননী আমার ।

পিতা ! এ তো নহে ভৎসনার নাম । পিতা !  
 মা জননী, এ পুত্রঘাতীয়ে পিতা বলে  
 যে জন ডাকিত, সেই রেখে গেছে ওই  
 'সুধামাধা' নাম তোর কণ্ঠে, এইটুকু  
 দয়া করে গেছে । আহা, ডাক আরবার ।  
 অপর্ণা । পিতা, এস এ মন্দির ছেড়ে বাই মোরা ।

পুষ্প-অর্ঘ্য লইয়া গোবিন্দমাণিক্যের প্রবেশ

গোবিন্দমাণিক্য । দেবী কই ?

রঘুপতি । দেবী নাই ।

গোবিন্দমাণিক্য । এ কি রক্তধারা ?

রঘুপতি । এই শেষ পুণ্যরক্ত এ পাপ-মন্দিরে !  
 জয়সিংহ নিবায়েছে নিজ রক্ত দিয়ে  
 হিংসারক্ত শিখা ।

গোবিন্দমাণিক্য । ধস্ত ধস্ত জয়সিংহ,  
 এ পুত্রার পুষ্পাঞ্জলি সঁপিছ তোমারে ।

গুণবতী । মহারাজ ।

গোবিন্দমাণিক্য । প্রিয়তমে ।

গুণবতী । আজ দেবী নাই—

তুমি মোর একমাত্র রয়েছ দেবতা । [ প্রণাম

গোবিন্দমাণিক্য । গেছে পাপ । দেবী আজ এসেছে ফিরিয়া  
 আমার দেবীর মাঝে ।

অপর্ণা । পিতা চলে এস ।

রঘুপতি । পাবাণ ডাঙিয়া গেল,—জননী আমার  
 এবারে দিয়েছে দেখা প্রত্যক্ষ প্রতিমা ।  
 জননী অমৃতময়ী ।

অপর্ণা । পিতা চলে এস ।



উপন্যাস ও গল্প



রাজর্ষি





## সূচনা

রাজর্ষি সম্বন্ধে কিছু বলবার জন্মে অনুরোধ পেয়েছি। বলবার বিশেষ কিছু নেই। এর প্রধান বক্তব্য এই যে এ আমার স্বপ্নলব্ধ উপন্যাস।

বালক পত্রের সম্পাদিকা আমাকে ঐ মাসিকের পাতে নিয়মিত পরিবেশনের কাজে লাগিয়ে দিয়েছিলেন। তার ফল হ'ল এই যে প্রায় একমাত্র আমিই হলাম তার ভোজের জোগানদার। একটু সময় পেলেই মনটা কী লিখি কী লিখি করতে থাকে।

রাজনারায়ণ বাবু ছিলেন দেওঘরে। তাঁকে দেখতে যাব বলে বেরনো গেল। রাত্রে গাড়ির আলোটা বিশ্রামের ব্যাঘাত করবে বলে তার নিচেকার আবরণটা টেনে দিলাম। এংলোইণ্ডিয়ান সহযাত্রীর মন তাতে প্রসন্ন হ'ল না, টাকা খুলে দিলেন। জাগা অনিবার্য ভেবে একটা গল্পের প্লট মনে আনতে চেষ্টা করলাম। ঘুম এসে গেল। স্বপ্নে দেখলাম একটা পাথরের মন্দির। ছোটো মেয়েকে নিয়ে বাপ এসেছেন পূজো দিতে। সাদাপাথরের সিঁড়ির উপর দিয়ে বলির রক্ত গড়িয়ে পড়ছে। দেখে মেয়েটির মুখে কী ভয় কী বেদনা। বাপকে সে বার বার করুণ স্বরে বলতে লাগল, বাবা এত রক্ত কেন। বাপ কোনো মতে মেয়ের মুখ চাপা দিতে চায়, মেয়ে তখন নিজের আঁচল দিয়ে রক্ত মুছতে লাগল। জেগে উঠেই বললাম গল্প পাওয়া গেল। এই স্বপ্নের বিবরণ জীবন স্মৃতিতে পূর্বেই লিখেছি, পুনরুক্তি করতে হ'ল। আসল গল্পটা ছিল প্রেমের অহিংস পূজার সঙ্গে হিংস্র শক্তিপূজার বিরোধ। কিন্তু মাসিক পত্রের পেটুক দাবি সাহিত্যের বৈধ ক্ষুধার মাপে পরিমিত হতে চায় না। ব্যঙ্গনের পদ-সংখ্যা বাড়িয়ে চলতে হোলো।

বস্তুত উপন্যাসটি সমাপ্ত হয়েছে পঞ্চদশ পরিচ্ছেদে। ফসল খেতের যেখানে কিনারা সেদিকটাতে চাষ পড়েনি, আগাছায় জঙ্গল হয়ে উঠেছে। সাময়িক পত্রের অবিবেচনায় প্রায়ই লেখনীর জাত নষ্ট হয়। বিশেষ যেখানে শিশু পাঠকই লক্ষ্য সেখানে বাজে বাচালতার সংকোচ থাকে না। অল্প বয়সের ছেলেদেরও সম্মান রাখার দরকার আছে এ কথা শিশুসাহিত্য-লেখকেরা প্রায় ভোলেন। সাহিত্য রচনায় গুণী লেখনীর সতর্কতা যদি না থাকে যদি সে রচনা বিনা লজ্জায় অকিঞ্চিৎকর হয়ে ওঠে তবে সেটা অস্বাস্থ্যকর হবেই বিশেষত ছেলেদের পাকযন্ত্রের পক্ষে। ছুধের বদলে পিঠুলি গোলা যদি ব্যবসার খাতিরে চালাতেই হয় তবে সে ফাঁকি বরঞ্চ চালানো যেতে পারে বয়স্কদের পাত্রে তাতে তাঁদের রুচির পরীক্ষা হবে কিন্তু ছেলেদের ভোগে নৈব নৈব চ।

# রাজর্ষি

## প্রথম পরিচ্ছেদ

তুবনেশ্বরী মন্দিরের পাথরের ঘাট গোমতী নদীতে গিয়া প্রবেশ করিয়াছে। ত্রিপুরার মহারাজা গোবিন্দমাণিক্য এক দিন গ্রীষ্মকালের প্রভাতে স্নান করিতে আসিয়াছেন, সঙ্গে তাঁহার ভাই নরুজ রায়ও আসিয়াছেন। এমন সময়ে একটি ছোটো মেয়ে তাহার ছোটো ভাইকে সঙ্গে করিয়া সেই ঘাটে আসিল। রাজার কাপড় টানিয়া জিজ্ঞাসা করিল, “তুমি কে?”

রাজা ঈষৎ হাসিয়া বলিলেন, “মা, আমি তোমার সন্তান।”

মেয়েটি বলিল, “আমাকে পূজার ফুল পাড়িয়া দাও না।”

রাজা বলিলেন, “আচ্ছা চলো।”

অনুচরণ অস্থির হইয়া উঠিল। তাহার কহিল, “মহারাজ, আপনি কেন যাইবেন, আমরা পাড়িয়া দিতেছি।”

রাজা বলিলেন, “না, আমাকে যখন বলিয়াছে আমিই পাড়িয়া দিব।”

রাজা সেই মেয়েটির মুখের দিকে চাহিয়া দেখিলেন। সেদিনকার বিমল উষার সঙ্গে তাহার মুখের সাদৃশ্য ছিল। রাজার হাত ধরিয়া যখন সে মন্দির-সংলগ্ন ফুলবাগানে বেড়াইতেছিল তখন চারি দিকের শুভ্র বেলফুলগুলির মতো তাহার ফুটফুটে মুখখানি হইতে যেন একটি বিমল সৌরভের ভাব উখিত হইয়া প্রভাতের কাননে ব্যাপ্ত হইতেছিল। ছোটো ভাইটি দিদির কাপড় ধরিয়া দিদির সঙ্গে সঙ্গে বেড়াইতেছিল। সে কেবল একমাত্র দিদিকেই জানে, রাজার সঙ্গে তাহার বড়ো একটা ভাব হইল না।

রাজা মেয়েটিকে জিজ্ঞাসা করিলেন, “তোমার নাম কী মা।”

মেয়ে বলিল, “হাসি।”

রাজা ছেলোটিকে জিজ্ঞাসা করিলেন, “তোমার নাম কী।” ছেলেটি বড়ো বড়ো চোখ মেলিয়া দিদির মুখের দিকে চাহিয়া রহিল, কিছু উত্তর করিল না।

হাসি তাহার গায়ে হাত দিয়া কহিল, “বল না ভাই, আমার নাম তাতা।”

ছেলেটি তাহার অতি ছোটো ছুইখানি ঠোট একটুখানি খুলিয়া গম্ভীরভাবে দিদির কথার প্রতিধ্বনির মতো বলিল, “আমার নাম তাতা।” বলিয়া দিদির কাপড় আরও শক্ত করিয়া ধরিল।

হাসি রাজাকে বুঝাইয়া বলিল, “ও কিনা ছেলেমানুষ, তাই ওকে সকলে তাতা বলে।” ছোটো ভাইটির দিকে মুখ ফিরাইয়া কহিল, “আচ্ছা, বল দেখি মন্দির।”

ছেলেটি দিদির দিকে চাহিয়া কহিল, “লন্দ।”

হাসি হাসিয়া উঠিয়া কহিল, “তাতা মন্দির বলিতে পারে না, বলে লন্দ।— আচ্ছা, বল দেখি কড়াই।”

ছেলেটি গম্ভীর হইয়া বলিল, “বলাই।”

হাসি আবার হাসিয়া উঠিয়া কহিল, “তাতা আমাদের কড়াই বলিতে পারে না, বলে বলাই।” বলিয়া তাতাকে ধরিয়া চুমো খাইয়া খাইয়া অস্থির করিয়া দিল।

তাতা সহসা দিদির এত হাসি ও এত আদরের কোনোই কারণ খুঁজিয়া পাইল না, সে কেবল মস্ত চোখ মেলিয়া চাহিয়া রহিল। বাস্তবিকই মন্দির এবং কড়াই শব্দ উচ্চারণ সম্বন্ধে তাতার সম্পূর্ণ ক্রটি ছিল, ইহা অস্বীকার করা যায় না; তাতার বয়সে হাসি মন্দিরকে কখনোই লন্দ বলিত না, সে মন্দিরকে বলিত পালু, আর সে কড়াইকে বলাই বলিত কি না জানি না কিন্তু কড়িকে বলিত ঘম্বি, সুতরাং তাতার এরূপ বিচিত্র উচ্চারণ শুনিয়া তাহার যে অভ্যস্ত হাসি পাইবে, তাহাতে আর আশ্চর্য কী। তাতা সম্বন্ধে নানা ঘটনা সে রাজাকে বলিতে লাগিল। এক বার এক জন বুড়োমানুষ কখন কড়াইয়া আসিয়াছিল, তাতা তাহাকে ভাবুক বলিয়াছিল, এমনি তাতার মন্দ বুদ্ধি। আর এক বার তাতা গাছের আতা-কলগুলিকে পাখি মনে করিয়া মোটা মোটা ছোটো ছুটি হাতে তালি দিয়া তাহাদিগকে উড়াইয়া দিবার চেষ্টা করিয়াছিল। তাতা যে হাসির চেয়ে অনেক ছেলেমানুষ, ইহা তাতার দিদি বিস্তর উদাহরণ দ্বারা সম্পূর্ণরূপে প্রমাণ করিয়া দিল। তাতা নিজের বুদ্ধির পরিচয়ের কথা সম্পূর্ণ অবিচলিত চিন্তে শুনিতেছিল, যতটুকু বুদ্ধিতে পারিল, তাহাতে ক্ষোভের কারণ কিছুই দেখিতে পাইল না। এইরূপে সেদিনকার সকালে ফুল তোলা শেষ হইল। ছোটো মেয়েটির আঁচল ভরিয়া যখন ফুল দিলেন, তখন রাজার মনে হইল যেন তাঁহার পূজা শেষ হইল; এই ছুইটি সরল প্রাণের স্নেহের দৃশ্য দেখিয়া এই পবিত্র স্থানের আশ মিটাইয়া ফুল তুলিয়া দিয়া তাঁহার যেন দেবপূজার কাজ হইল।

## দ্বিতীয় পরিচ্ছেদ

তাহার পরদিন হইতে ঘুম ভাঙিলে স্বর্ষ উঠিলেও রাজার প্রভাত হইত না, ছোটো ছুটি ভাইবোনের মুখ দেখিলে তবে তাহার প্রভাত হইত। প্রতিদিন তাহাদিগকে ফুল তুলিয়া দিয়া তবে তিনি স্নান করিতেন; দুই ভাইবোনে ঘাটে বসিয়া তাহার স্নান দেখিত। যেদিন সকালে এই ছুটি ছেলেমেয়ে না আসিত, সেদিন তাহার সন্ধ্যা-আহ্নিক ঘেন সম্পূর্ণ হইত না।

হাসি ও তাতার বাপ মা কেহ নাই। কেবল একটি কাকা আছে। কাকার নাম কেদারেশ্বর। এই ছুটি ছেলেমেয়েই তাহার জীবনের একমাত্র সুখ ও সখল।

এক বৎসর কাটিয়া গেল। তাতা এখন মন্দির বলিতে পারে কিন্তু এখনও কড়াই বলিতে বলাই বলে। অধিক কথা সে কয় না। গোমতী নদীর ধারে নাগকেশর গাছের তলায় পা ছড়াইয়া তাহার দিদি তাহাকে যে কোনো গল্পই বলিত, সে তাহাই ডাবাডাবা চোখে অবাক হইয়া শুনিত। সে গল্পের কোনো মাথামুণ্ড ছিল না; কিন্তু সে যে কী বৃষ্টিত সে-ই জানে; গল্প শুনিয়া সেই গাছের তলায় সেই সূর্যের আলোতে, সেই মুক্ত সমীরণে একটি ছোটো ছেলের ছোটো হৃদয়টুকুতে যে কত কথা কত ছবি উঠিত, তাহা আমরা কী জানি। তাহা আর কোনো ছেলের সঙ্গে খেলা করিত না, কেবল তাহার দিদির সঙ্গে সঙ্গে ছায়ায় মতো বেড়াইত।

আষাঢ় মাস। সকাল হইতে ঘন মেঘ করিয়া রহিয়াছে। এখনও বৃষ্টি পড়ে নাই, কিন্তু বাদলা হইবার উপক্রম দেখা যাইতেছে। দূরদেশের বৃষ্টির কথা বহিয়া শীতল বাতাস বহিতেছে। গোমতী নদীর জলে এবং গোমতী নদীর উভয় পারের অরণ্যে অঙ্কুর আকাশের ছায়া পড়িয়াছে। কাল রাত্রে অমাবস্তা ছিল, কাল সূর্যনেশ্বরী পূজা হইয়া গিয়াছে।

যথাসময়ে হাসি ও তাতার হাত ধরিয়া রাজা স্নান করিতে আসিয়াছেন। একটি রক্তস্রোতের রেখা শ্বেত প্রস্তরের ঘাটের সোপান বাহিয়া জলে গিয়া শেষ হইয়াছে। কাল রাত্রে যে এক-শ-এক মহিষ বলি হইয়াছে, তাহারই রক্ত।

হাসি সেই রক্তের রেখা দেখিয়া সহসা এক প্রকার সংকোচে সরিয়া গিয়া রাজাকে জিজ্ঞাসা করিল, “এ কিসের দাগ বাবা।”

রাজা বলিলেন, “রক্তের দাগ মা।”

সে কহিল, “এত রক্ত কেন।” এমন এক প্রকার কাতর স্বরে যেয়েটি জিজ্ঞাসা

কবিল “এত রক্ত কেন”, যে, রাজারও হৃদয়ের মধ্যে ক্রমাগত এই প্রশ্ন উঠিতে লাগিল, “এত রক্ত কেন।” তিনি সহসা শিহরিয়া উঠিলেন।

বহু দিন ধরিয়া প্রতিবৎসর রক্তের স্রোত দেখিয়া আসিতেছেন, একটি ছোটো মেয়ের প্রশ্ন শুনিয়া তাঁহার মনে উদ্ভিত হইতে লাগিল, “এত রক্ত কেন।” তিনি উত্তর দিতে ভুলিয়া গেলেন। অন্তমনে স্নান করিতে করিতে ঐ প্রশ্নই ভাবিতে লাগিলেন।

হাসি জলে ঝাঁচল ভিজাইয়া সিঁড়িতে বসিয়া ধীরে ধীরে রক্তের রেখা মুছিতে লাগিল, তাহার দেখাদেখি ছোটো হাত দুটি দিয়া তাতাও তাহাই করিতে লাগিল। হাসির ঝাঁচলখানি রক্তে লাল হইয়া গেল। রাজার যখন স্নান হইয়া গেল, তখন দুই ভাইবোনে মিলিয়া রক্তের দাগ মুছিয়া ফেলিয়াছে।

সেইদিন বাড়ি ফিরিয়া গিয়া হাসির জ্বর হইল। তাতা কাছে বসিয়া দুটি ছোটো আঙুলে দিদির মুদ্রিত চোখের পাতা খুলিয়া দিবার চেষ্টা করিয়া মাঝে মাঝে ডাকিতেছে, “দিদি।” দিদি অমনি সচকিতে একটুখানি জাগিয়া উঠিতেছে। “কী তাতা” বলিয়া তাতাকে কাছে টানিয়া লইতেছে; আবার তাহার চোখ ঢুলিয়া পড়িতেছে। তাতা অনেক ক্ষণ ধরিয়া চূপ করিয়া দিদির মুখের দিকে চাহিয়া থাকে, কোনো কথাই বলে না। অবশেষে অনেক ক্ষণ পরে ধীরে ধীরে দিদির গলা অড়াইয়া ধরিয়া দিদির মুখের কাছে মুখ দিয়া আন্তে আন্তে বলিল, “দিদি, তুই উঠবি নে?” হাসি চমকিয়া জাগিয়া তাতাকে বুকে চাপিয়া কহিল, “কেন উঠব না ধন।” কিন্তু দিদির উঠিবার আর সাধ্য নাই। তাতার ক্ষুদ্র হৃদয় যেন অত্যন্ত অঙ্ককার হইয়া গেল। তাতার সমস্ত দিনের খেলাধুলা আনন্দের আশা একেবারে স্নান হইয়া গেল। আকাশ অত্যন্ত অঙ্ককার, ঘরের চালের উপর ক্রমাগতই বৃষ্টির শব্দ শুনা যাইতেছে, প্রাঙ্গণের তেঁতুল গাছ জলে ভিজিতেছে, পথে পথিক নাই। কেদারেশ্বর এক জন বৈষ্ণবে সঙ্গে করিয়া আনিল। বৈষ্ণু নাড়ি টিপিয়া অবস্থা দেখিয়া ভালো বোধ করিল না।

তাহার পর দিন স্নান করিতে আসিয়া রাজা দেখিলেন, মন্দিরে দুইটি ভাইবোন তাঁহার অপেক্ষায় বসিয়া নাই। মনে করিলেন, এই ঘোরতর বর্ষায় তাহারা আসিতে পারে নাই। স্নান-তর্পণ শেষ করিয়া শিবিকার চড়িয়া বাহকদিগকে কেদারেশ্বরের কুটিরে যাইতে আজ্ঞা দিলেন। অহুচরেরা সকলে আশ্চর্য হইয়া গেল, কিন্তু রাজার উপরে আর কথা কহিতে পারিল না।

রাজার শিবিকা প্রাঙ্গণে গিয়া পৌঁছিলে কুটিরে অত্যন্ত গোলযোগ পড়িয়া গেল।

সে গোলমালে রোগীর রোগের কথা সকলেই তুলিয়া গেল। কেবল তাতা নড়িল না, সে অচেতন দিদির কোলের কাছে বসিয়া দিদির কাপড়ের এক প্রান্ত মুখের ভিতর পুরিয়া চূপ করিয়া চাহিয়া রহিল।

রাজাকে ঘরে আসিতে দেখিয়া তাতা জিজ্ঞাসা করিল, “কী হয়েছে।”

উদ্বিগ্নহৃদয় রাজা কিছুই উত্তর দিলেন না। তাতা ঘাড় নাড়িয়া নাড়িয়া আবার জিজ্ঞাসা করিল, “দিদির নেগেছে?”

খুড়ো কেশবরেশ্বর কিছু বিরক্ত হইয়া উত্তর দিল, “হাঁ, নেগেছে।”

অমনি তাতা দিদির কাছে গিয়া দিদির মুখ তুলিয়া ধরিবার চেষ্টা করিয়া গলা জড়াইয়া জিজ্ঞাসা করিল, “দিদি, তোমার কোথায় নেগেছে।” মনের অভিপ্রায় এই যে, সেই আয়গাটাতে হুঁ দিয়া হাত বুলাইয়া দিদির সমস্ত বেদনা দূর করিয়া দিবে। কিন্তু যখন দিদি কোনো উত্তর দিল না, তখন তাহার আর সঙ্ক হইল না— ছোটো ছুইটি ঠোঁট উত্তরোত্তর ফুলিতে লাগিল, অভিমানে কাঁদিয়া উঠিল। কাল হইতে বসিয়া আছে, একটি কথা নাই কেন। তাতা কী করিয়াছে যে, তাহার উপর এত অনাদর। রাজার সম্মুখে তাতার এইরূপ ব্যবহার দেখিয়া কেশবরেশ্বর অত্যন্ত শশব্যস্ত হইয়া উঠিল। সে বিরক্ত হইয়া তাতার হাত ধরিয়া অস্ত্র ঘরে টানিয়া লইয়া গেল। তবুও দিদি কিছু বলিল না।

রাজবৈজ্ঞ আসিয়া সন্দেহ প্রকাশ করিয়া গেল। রাজা সন্ধ্যাবেলায় আবার হাসিকে দেখিতে আসিলেন। তখন বালিকা প্রলাপ বকিতেছে। বলিতেছে, “মাগো, এত রক্ত কেন।”

রাজা কহিলেন, “মা, এ রক্তশ্রোত আমি নিবারণ করিব।”

বালিকা বলিল, “আয় ভাই তাতা, আমরা ছু-জনে এ রক্ত মুছে ফেলি।”

রাজা কহিলেন “আয় মা আমিও মুছি।”

সন্ধ্যার কিছু পরেই হাসি এক বার চোখ খুলিয়াছিল। এক বার চারি দিকে চাহিয়া কাহাকে যেন খুঁজিল। তখন তাতা অস্ত্র ঘরে কাঁদিয়া কাঁদিয়া ঘুমাইয়া পড়িয়াছে। কাহাকে যেন না দেখিতে পাইয়া হাসি চোখ বুজিল। চক্ষু আর খুলিল না। রাজি বিপ্রহরের সময় রাজার কোলে হাসির মৃত্যু হইল।

হাসিকে যখন চিরদিনের অন্ত কুটির হইতে লইয়া গেল, তখন তাতা অজ্ঞান হইয়া ঘুমাইতেছিল। সে যদি জানিতে পাইত, তবে সেও বুঝি দিদির সঙ্গে সঙ্গে ছোটো ছায়াটির মতো চলিয়া যাইত।

## তৃতীয় পরিচ্ছেদ

রাজার সভা বসিয়াছে। ভুবনেশ্বরী-দেবী-মন্দিরের পুরোহিত কার্ষবশত রাজদর্শনে আসিয়াছেন।

পুরোহিতের নাম রঘুপতি। এ দেশে পুরোহিতকে চোস্তাই বলিয়া থাকে। ভুবনেশ্বরী দেবীর পূজার চৌদ্দ দিন পরে গভীর রাতে চতুর্দশ দেবতার এক পূজা হয়। এই পূজার সময় এক দিন দুই রাত্রি কেহ ঘরের বাহির হইতে পারে না, রাজাও না। রাজা যদি বাহির হন, তবে চোস্তাইয়ের নিকটে তাঁহাকে অর্ধদণ্ড দিতে হয়। প্রবাদ আছে, এই পূজার রাতে মন্দিরে নরবলি হয়। এই পূজা উপলক্ষে সর্বপ্রথমে যে সকল পশু বলি হয়, তাহা রাজবাড়ির দান বলিয়া গৃহীত হয়। এই বলির পশু গ্রহণ করিবার জন্য চোস্তাই রাজসমীপে আসিয়াছেন। পূজার আর বারো দিন বাকি আছে।

রাজা বলিলেন, “এ বৎসর হইতে মন্দিরে জীববলি আর হইবে না।”

সভাস্থল অবাক হইয়া গেল। রাজভ্রাতা নন্দ্র রায়ের মাথার চুল পর্ষন্ত দাঁড়াইয়া উঠিল।

চোস্তাই রঘুপতি বলিলেন, “আমি এ কি স্বপ্ন দেখিতেছি।”

রাজা বলিলেন, “না ঠাকুর, এত দিন আমরা স্বপ্ন দেখিতেছিলাম, আজ আমাদের চেতনা হইয়াছে। একটি বালিকার মূর্তি ধরিয়া মা আমাকে দেখা দিয়াছিলেন। তিনি বলিয়া গিয়াছেন, করুণাময়ী জননী হইয়া মা তাঁহার জীবের রক্ত আর দেখিতে পারেন না।”

রঘুপতি কহিলেন, “মা তবে এত দিন ধরিয়া জীবের রক্ত পান করিয়া আসিতেছেন কী করিয়া।”

রাজা কহিলেন, “না, পান করেন নাই। তোমরা যখন রক্তপাত করিতে তখন তিনি মুখ ফিরাইয়া থাকিতেন।”

রঘুপতি বলিলেন, “মহারাজ, রাজকাৰ্ঘ আপনি ভালো বুঝেন সন্দেহ নাই, কিন্তু পূজা সম্বন্ধে আপনি কিছুই জানেন না। দেবীর যদি কিছুতে অসন্তোষ হইত, আমিই আগে জানিতে পারিতাম।”

নন্দ্র রায় অত্যন্ত বুদ্ধিমানের মতো ঘাড় নাড়িয়া কহিলেন, “হাঁ এ ঠিক কথা। দেবীর যদি কিছুতে অসন্তোষ হইত, ঠাকুরমহাশয়ই আগে জানিতে পাইতেন।”



রাজা বলিলেন, “হৃদয় যার কঠিন হইয়া গিয়াছে, দেবীর কথা সে শুনিতে পায় না।”

নকত্র রায় পুরোহিতের মুখের দিকে চাহিলেন—ভাবটা এই যে, এ কথার একটা উত্তর দেওয়া আবশ্যিক।

রঘুপতি আগুন হইয়া উঠিয়া বলিলেন, “মহারাজ, আপনি পাষাণ নাস্তিকের মতো কথা কহিতেছেন।”

নকত্র রায় বৃহু প্রতিধ্বনির মতো বলিলেন, “হাঁ নাস্তিকের মতো কথা কহিতেছেন।”

গোবিন্দমালিকা উদ্দীপ্তমূর্তি পুরোহিতের মুখের দিকে চাহিয়া বলিলেন, “ঠাকুর, রাজসভায় বসিয়া আপনি মিথ্যা সময় নষ্ট করিতেছেন। মন্দিরের কাজ বহিয়া যাইতেছে, আপনি মন্দিরে যান। যাইবার সময় পথে প্রচার করিয়া দিবেন যে, আমার রাজ্যে যে ব্যক্তি দেবতার নিকট জীব বলি দিবে তাহার নির্বাসনদণ্ড হইবে।”

তখন রঘুপতি কাঁপিতে কাঁপিতে উঠিয়া দাঁড়াইয়া পইতা স্পর্শ করিয়া বলিলেন, “তবে তুমি উচ্ছন্ন যাও”—চারি দিক হইতে হাঁ হাঁ করিয়া সভাসদগণ পুরোহিতের উপর গিয়া পড়িলেন। রাজা ইচ্ছিতে সকলকে নিষেধ করিলেন, সকলে সরিয়া দাঁড়াইলেন। রঘুপতি বলিতে লাগিলেন, “তুমি রাজা, তুমি ইচ্ছা করিলে প্রজার সর্বস্ব হরণ করিতে পার, তাই বলিয়া তুমি মায়ের বলি হরণ করিবে! বটে! কী তোমার সাধ্য। আমি রঘুপতি মায়ের সেবক থাকিতে কেমন তুমি পূজার ব্যাঘাত কর দেখিব।”

মন্ত্রী রাজার স্বভাব বিলক্ষণ অবগত আছেন। তিনি জানেন সংকল্প হইতে রাজাকে শীঘ্র বিচলিত করা যায় না। তিনি ধীরে ধীরে সভয়ে কহিলেন, “মহারাজ, আপনার স্বর্গীয় পিতৃপুরুষগণ বরাবর দেবীর নিকটে নিয়মিত বলি দিয়া আসিতেছেন। কখনো এক দিনের জন্য ইহার অন্তর্থা হয় নাই।” মন্ত্রী থামিলেন।

রাজা চূপ করিয়া রহিলেন। মন্ত্রী বলিলেন, “আজ এত দিন পরে আপনার পিতৃপুরুষদের প্রতিষ্ঠিত সেই প্রাচীন পূজার ব্যাঘাত সাধন করিলে স্বর্গে তাঁহারা অসন্তুষ্ট হইবেন।”

মহারাজ ভাবিতে লাগিলেন। নকত্র রায় বিজ্ঞতাসহকারে বলিলেন, “হাঁ, স্বর্গে তাঁহারা অসন্তুষ্ট হইবেন।”

মন্ত্রী আবার বলিলেন, “মহারাজ, এক কাজ করুন, যেখানে সহস্র বলি হইয়া থাকে সেইখানে এক শত বলির আদেশ করুন।”

সভাসদেরা বজ্রাহতের মতো অবাক হইয়া রহিল, গোবিন্দমাণিক্যও বসিয়া ভাবিতে লাগিলেন। ক্রুদ্ধ পুরোহিত অধীর হইয়া সভা হইতে উঠিয়া যাইতে উদ্ভত হইলেন।

এমন সময়ে কেমন করিয়া গ্রহরীদের হাত এড়াইয়া খালি-পায়ে খালি-পায়ে একটি ছোটো ছেলে সভায় প্রবেশ করিল। রাজসভার মাঝখানে দাঁড়াইয়া রাজার মুখের দিকে বড়ো বড়ো চোখ তুলিয়া জিজ্ঞাসা করিল, “দিদি কোথায়।”

বৃহৎ রাজসভার সমস্ত যেন সহসা নিস্তব্ধ হইয়া গেল। দীর্ঘ গৃহে কেবল একটি ছেলের কণ্ঠধ্বনি প্রতিধ্বনিত হইয়া উঠিল, “দিদি কোথায়।”

রাজা তৎক্ষণাৎ সিংহাসন হইতে নামিয়া ছেলেকে কোলে করিয়া দৃঢ়স্বরে মন্ত্রীকে বলিলেন, “আজ হইতে আমার রাজ্যে বলিদান হইতে পারিবে না। ইহার উপর আর কথা কহিয়ো না।”

মন্ত্রী কহিলেন, “যে আশ্চে।”

তাতা রাজাকে জিজ্ঞাসা করিল, “আমার দিদি কোথায়।”

রাজা বলিলেন, “মায়ের কাছে।”

তাতা অনেক ক্ষণ মুখে আঙুল দিয়া চূপ করিয়া রহিল, একটা যেন ঠিকানা পাইল এমনি তাহার মনে হইল। আজ হইতে রাজা তাতাকে নিজের কাছে রাখিলেন। খুড়ো কেদারেশ্বর রাজবাড়িতে স্থান পাইল।

সভাসদেরা আপনাআপনি বলাবলি করিতে লাগিল, “এ যে মগের মুল্লুক হইয়া দাঁড়াইল। আমরা তো জানি বৌদ্ধ মগেরাই রক্তপাত করে না, অবশেষে আমাদের হিন্দুদের দেশেও কি সেই নিয়ম চলিবে না কি।”

নক্ষত্র রায়ও তাহাদের মতে সম্পূর্ণ মত দিয়া কহিলেন, “হাঁ, শেষে হিন্দুদের দেশেও কি সেই নিয়ম চলিবে না কি।”

সকলেই ভাবিল, অবনতির লক্ষণ ইহা হইতে আর কী হইতে পারে। মগে হিন্দুতে তফাত রহিল কী।

## চতুর্থ পরিচ্ছেদ

ভুবনেশ্বরী-দেবী-মন্দিরের ভৃত্য জয়সিংহ জাতিতে রাজপুত্র, কত্রিয়। তাঁহার বাপ স্বচেত সিংহ ত্রিপুরার রাজবাটীর একজন পুরাতন ভৃত্য ছিলেন। স্বচেত সিংহের মৃত্যুকালে জয়সিংহ নিতান্ত বালক ছিলেন। এই অনাথ বালককে রাজা মন্দিরের কাজে নিযুক্ত করেন। জয়সিংহ মন্দিরের পুরোহিত রঘুপতির দ্বারাই পালিত ও শিক্ষিত হইয়াছেন। ছেলেবেলা হইতে মন্দিরে পালিত হইয়া জয়সিংহ মন্দিরকে গৃহের মতো ভালোবাসিতেন, মন্দিরের প্রত্যেক সোপান, প্রত্যেক প্রস্তরখণ্ডের সহিত তাঁহার পরিচয় ছিল। তাঁহার মা ছিলেন না, ভুবনেশ্বরী প্রতিমাকেই তিনি মায়ের মতো দেখিতেন, প্রতিমার সম্মুখে বসিয়া তিনি কথা কহিতেন, তাঁহার একলা বোধ হইত না। তাঁহার আরো সঙ্গী ছিল। মন্দিরের বাগানের অনেকগুলি গাছকে তিনি নিজের হাতে মানুষ করিয়াছেন, তাঁহার চারি দিকে প্রতিদিন তাঁহার গাছগুলি বাড়িতেছে, লতাগুলি জড়াইতেছে, শাখা পুষ্পিত হইতেছে, ছায়া বিস্তৃত হইতেছে, শ্রামল বনরীর পল্লব-স্তবকে যৌবনগর্বে নিকুঞ্জ পরিপূর্ণ হইয়া উঠিতেছে। কিন্তু জয়সিংহের এ সকল প্রাণের কথা, ভালোবাসার কথা বড়ো কেহ একটা জানিত না; তাঁহার বিপুল বল ও সাহসের জন্তই তিনি বিখ্যাত ছিলেন।

মন্দিরের কাজকর্ম শেষ করিয়া জয়সিংহ তাঁহার কুটিরের দ্বারে বসিয়া আছেন। সম্মুখে মন্দিরের কানন। বিকাল হইয়া আসিয়াছে। অত্যন্ত ঘন মেঘ করিয়া বৃষ্টি হইতেছে। নববর্ষার জলে জয়সিংহের গাছগুলি স্নান করিতেছে, বৃষ্টিবিন্দুব নৃত্যে পাতার পাতার উৎসব পড়িয়া গিয়াছে, বর্ষাজলের ছোটো ছোটো শত শত প্রবাহ ঘোলা হইয়া কলকল করিয়া গোমতী নদীতে গিয়া পড়িতেছে—জয়সিংহ পরমানন্দে তাঁহার কাননের দিকে চাহিয়া চূপ করিয়া বসিয়া আছেন। চারি দিকে মেঘের স্নিগ্ধ অঙ্ককার, বনের ছায়া, ঘনপল্লবের শ্রামশ্রী, ভেকের কোলাহল, বৃষ্টির অবিশ্রান্ত ঝরঝর শব্দ—কাননের মধ্যে এইরূপ নববর্ষার ঘোরঘটা দেখিয়া তাঁহার প্রাণ জুড়াইয়া যাইতেছে।

ভিজিতে ভিজিতে রঘুপতি আসিয়া উপস্থিত হইলেন। জয়সিংহ তাড়াতাড়ি উঠিয়া পা ধুইবার জল ও শুকনো কাপড় আনিয়া দিলেন।

রঘুপতি বিরক্ত হইয়া বলিলেন, “তোমাকে কাপড় আনিতে কে বলিল।” বলিয়া কাপড়গুলো লইয়া ঘরের মধ্যে ফেলিয়া দিলেন।

জয়সিংহ পা ধুইবার জল লইয়া অগ্রসর হইলেন। রঘুপতি বিরক্তির স্বরে কহিলেন, “থাক থাক, তোমার ও জল রাখিয়া দাও।” বলিয়া পা দিয়া জলের ঘটি ঠেলিয়া ফেলিলেন।

জয়সিংহ সহসা একরূপ ব্যবহারের কারণ বুঝিতে না পারিয়া অবাক হইলেন— কাপড় ভুমি হইতে তুলিয়া যথাস্থানে রাখিতে উত্তত হইলেন—রঘুপতি পুনশ্চ বিরক্ত-ভাবে কহিলেন, “থাক থাক, ও কাপড়ে তোমার হাত দিতে হইবে না।” বলিয়া নিজের গিয়া কাপড় ছাড়িয়া আসিলেন। জল লইয়া পা ধুইলেন।

জয়সিংহ ধীরে ধীরে কহিলেন, “প্রভু, আমি কি কোনো অপরাধ করিয়াছি।”

রঘুপতি কিঞ্চিৎ উগ্রস্বরে কহিলেন, “কে বলিতেছে যে তুমি অপরাধ করিয়াছ।” জয়সিংহ ব্যথিত হইয়া চূপ করিয়া বসিয়া রহিলেন।

রঘুপতি অস্থিরভাবে কুটিরের দাওয়ায় বেড়াইতে লাগিলেন। এইরূপে রাত্রি অনেক হইল; ক্রমাগত বৃষ্টি পড়িতে লাগিল। অবশেষে রঘুপতি জয়সিংহের পিঠে হাত দিয়া কোমলস্বরে কহিলেন, “বৎস, শয়ন করিতে যাও, রাত্রি অনেক হইল।”

জয়সিংহ রঘুপতির স্নেহের স্বরে বিচলিত হইয়া কহিলেন, “প্রভু আগে শয়ন করিতে যান, তার পরে আমি যাইব।”

রঘুপতি কহিলেন, “আমার বিলম্ব আছে। দেখো পুত্র, তোমার প্রতি আমি আজ কঠোর ব্যবহার করিয়াছি, কিছু মনে করিষো না। আমার মন ভালো ছিল না। সবিশেষ বৃত্তান্ত তোমাকে কাল প্রভাতে বলিব। আজ তুমি শয়ন কর গে।” জয়সিংহ কহিলেন, “যে আছে।” বলিয়া শয়ন করিতে গেলেন। রঘুপতি সমস্ত রাত বেড়াইতে লাগিলেন।

প্রভাতে জয়সিংহ গুরুকে প্রণাম করিয়া দাঁড়াইলেন। রঘুপতি কহিলেন, “জয়সিং, মায়ের বলি বন্ধ হইয়াছে।” জয়সিংহ বিস্মিত হইয়া কহিলেন, “সে কী কথা প্রভু।”

রঘুপতি। “রাজার এইরূপ আদেশ।”

জয়সিংহ। “কোন্ রাজার।”

রঘুপতি বিরক্ত হইয়া কহিলেন, “এখানে রাজা আবার কয় গণ্ডা আছে। মহারাজ গোবিন্দমাণিক্য আদেশ করিয়াছেন, মন্দিরে জীববলি হইতে পারিবে না।”

জয়সিংহ। “নরবলি ?”

রঘুপতি। “আঃ কী উৎপাত। আমি বলিতেছি জীববলি, তুমি শুনিতেছ নরবলি।”

জয়সিংহ । “কোনো জীববলিই হইতে পারিবে না ?”

রঘুপতি । “না ।”

জয়সিংহ । “মহারাজ গোবিন্দমাণিক্য এইরূপ আদেশ করিয়াছেন ?”

রঘুপতি । “হাঁ গো, এক কথা কত বার বলিব ।”

জয়সিংহ অনেক ক্ষণ কিছুই বলিলেন না, কেবল আপন মনে বলিতে লাগিলেন, “মহারাজ গোবিন্দমাণিক্য ।” গোবিন্দমাণিক্যকে জয়সিংহ ছেলেবেলা হইতে দেবতা বলিয়া জানিতেন । আকাশের পূর্ণচন্দ্রের প্রতি শিশুদের যেমন এক প্রকার আসক্তি আছে, গোবিন্দমাণিক্যের প্রতি জয়সিংহের সেইরূপ মনের ভাব ছিল । গোবিন্দমাণিক্যের প্রশান্ত স্নন্দর মুখ দেখিয়া জয়সিংহ প্রাণ বিসর্জন করিতে পারিতেন ।

রঘুপতি কহিলেন, “ইহার একটা তো প্রতিবিধান করিতে হইবে ।”

জয়সিংহ কহিলেন, “তা অবশ্য । আমি মহারাজের কাছে যাই, তাঁহাকে মিনতি করিয়া বলি—”

রঘুপতি । “সে চেষ্টা বৃথা ।”

জয়সিংহ । “তবে কী করিতে হইবে ।”

রঘুপতি কিয়ৎক্ষণ ভাবিয়া বলিলেন, “সে কাল বলিব । কাল তুমি প্রভাতে কুমার নন্দ্র রায়ের নিকটে গিয়া তাঁহাকে গোপনে আমার সহিত সাক্ষাৎ করিতে অস্বরোধ করিবে ।”

## পঞ্চম পরিচ্ছেদ

প্রভাতে নন্দ্র রায় আসিয়া রঘুপতিকে প্রণাম করিয়া জিজ্ঞাসা করিলেন, “ঠাকুর, কী আদেশ করেন ।”

রঘুপতি কহিলেন, “তোমার প্রতি মায়ের আদেশ আছে । আগে মাকে প্রণাম করিবে চলো ।”

উভয়ে মন্দিরে গেলেন । জয়সিংহও সঙ্গে সঙ্গে গেলেন । নন্দ্র রায় ভুবনেশ্বরী প্রতিমার সন্মুখে সাষ্টাঙ্গ প্রণিপাত করিলেন ।

রঘুপতি নন্দ্র রায়কে কহিলেন, “কুমার, তুমি রাজা হইবে ।”

নন্দ্র রায় কহিলেন, “আমি রাজা হইব ? ঠাকুরমশায় যে কী বলেন তার ঠিক নাই ।” বলিয়া নন্দ্র রায় অত্যন্ত হাসিতে লাগিলেন ।

রঘুপতি কহিলেন, “আমি বলিতেছি তুমি রাজা হইবে ।”

নক্ষত্র রায় কহিলেন, “আপনি বলিতেছেন আমি রাজা হইব।” বলিয়া রঘুপতির মুখের দিকে তাকাইয়া রহিলেন।

রঘুপতি কহিলেন, “আমি কি মিথ্যা কথা বলিতেছি।”

নক্ষত্র রায় কহিলেন, “আপনি কি মিথ্যা কথা বলিতেছেন, সে কেমন করিয়া হইবে। দেখুন ঠাকুরমশায়, আমি কাল ব্যাঙের স্বপ্ন দেখিয়াছি। আচ্ছা, ব্যাঙের স্বপ্ন দেখিলে কী হয় বলুন দেখি।”

রঘুপতি হান্ত সংবরণ করিয়া কহিলেন, “কেমনতরো ব্যাঙ বলো দেখি। তাহার মাথায় দাগ আছে তো?”

নক্ষত্র রায় সর্গর্বে কহিলেন, “তাহার মাথায় দাগ আছে বই কি। দাগ না থাকিলে চলিবে কেন।”

রঘুপতি কহিলেন, “বটে। তবে তো তোমার রাজ্যটিকা লাভ হইবে।”

নক্ষত্র রায় কহিলেন, “তবে আমার রাজ্যটিকা লাভ হইবে। আপনি বলিতেছেন আমার রাজ্যটিকা লাভ হইবে। আর যদি না হয়।”

রঘুপতি কহিলেন, “আমার কথা ব্যর্থ হইবে? বল কী।”

নক্ষত্র রায় কহিলেন, “না, না, সে কথা হইতেছে না। আপনি কিনা বলিতেছেন আমার রাজ্যটিকা লাভ হইবে, মনে করুন যদিই না হয়। দৈবাৎ কি এমন হয় না যে—”

রঘুপতি কহিলেন, “না না, ইহার অন্তথা হইবে না।”

নক্ষত্র রায়। “ইহার অন্তথা হইবে না। আপনি বলিতেছেন ইহার অন্তথা হইবে না। দেখুন ঠাকুরমশায়, আমি রাজা হইলে আপনাকে মন্ত্রী করিব।”

রঘুপতি। “মন্ত্রিত্বের পদে আমি পদাঘাত করি।”

নক্ষত্র রায় উদারভাবে কহিলেন, “আচ্ছা, জয়সিংহকে মন্ত্রী করিব।”

রঘুপতি কহিলেন, “সে কথা পরে হইবে। রাজা হইবার আগে কী করিতে হইবে সেটা শোনো আগে। মা রাজরক্ত দেখিতে চান, স্বপ্নে আমার প্রতি এই আদেশ হইয়াছে।”

নক্ষত্র রায় কহিলেন, “মা রাজরক্ত দেখিতে চান, স্বপ্নে আপনার প্রতি এই আদেশ হইয়াছে। এ তো বেশ কথা।”

রঘুপতি কহিলেন, “তোমাকে গোবিন্দমাণিক্যের রক্ত আনিতে হইবে।”

নক্ষত্র রায় খানিকটা হাঁ করিয়া রহিলেন। এ কথাটা শুত “বেশ” বলিয়া মনে হইল না।

রঘুপতি তীব্রস্বরে কহিলেন, “সহসা ভ্রাতৃশ্নেহের উদয় হইল না কি।”

নক্ষত্র রায় কাষ্ঠহাসি হাসিয়া বলিলেন, “হাঃ, হাঃ, ভ্রাতৃশ্নেহ। ঠাকুরমশায় বেশ বলিলেন, বা-হ'ক, ভ্রাতৃশ্নেহ।” এমন মজার কথা এমন হাসিবার কথা যেন আর হয় না। ভ্রাতৃশ্নেহ; কী লজ্জার বিষয়। কিন্তু অন্তর্ধামী জানেন, নক্ষত্র রায়ের প্রাণের ভিতরে ভ্রাতৃশ্নেহ জাগিতেছে, তা হাসিয়া উড়াইবার ঘো নাই।

রঘুপতি কহিলেন, “তা হইলে কী করিবে বলো।”

নক্ষত্র রায় কহিলেন, “কী করিব বলুন।”

রঘুপতি। “কথাটা ভালো করিয়া শোনো। তোমাকে গোবিন্দমাণিক্যের রক্ত মাঘের দর্শনার্থ আনিতে হইবে।”

নক্ষত্র রায় মস্তের মতো বলিয়া গেলেন, “গোবিন্দমাণিক্যের রক্ত মাঘের দর্শনার্থ আনিতে হইবে।”

রঘুপতি নিতান্ত ঘৃণার সহিত বলিয়া উঠিলেন, “নাঃ, তোমার দ্বারা কিছু হইবে না।”

নক্ষত্র রায় কহিলেন, “কেন হইবে না। যাহা বলিবেন তাহাই হইবে। আপনি তো আদেশ করিতেছেন?”

রঘুপতি। হাঁ, আমি আদেশ করিতেছি।

নক্ষত্র রায়। “কী আদেশ করিতেছেন।”

রঘুপতি বিরক্ত হইয়া কহিলেন, “মাঘের ইচ্ছা, তিনি রাজরক্ত দর্শন করিবেন। তুমি গোবিন্দমাণিক্যের রক্ত দেখাইয়া তাঁহার ইচ্ছা পূর্ণ করিবে, এই আমার আদেশ।”

নক্ষত্র রায়। “আমি আজই গিয়া ফতে খাঁকে এই কাজে নিযুক্ত করিব।”

রঘুপতি। না না, আর কোনো লোককে ইহার বিন্দুবিসর্গ জানাইয়ো না। কেবল জয়সিংহকে তোমার সাহায্যে নিযুক্ত করিব। কাল প্রাতে আসিয়ো, কী উপায়ে এ কার্য সাধন করিতে হইবে কাল বলিব।”

নক্ষত্র রায় রঘুপতির হাত এড়াইয়া বাঁচিলেন। বস্ত শীঘ্র পারিলেন বাহির হইয়া গেলেন।

## ষষ্ঠ পরিচ্ছেদ

নক্ষত্র রায় চলিয়া গেলে জয়সিংহ কহিলেন, “গুরুদেব, এমন ভয়ানক কথা কখনো শুনি নাই। আপনি মায়ের সম্মুখে মায়ের নাম করিয়া ভাইকে দিয়া আত্মহত্যার প্রস্তাব করিলেন, আর আমাকে তাই গাড়াইয়া শুনিতে হইল।”

রঘুপতি বলিলেন, “আর কী উপায় আছে বলা।”

জয়সিংহ কহিলেন, “উপায়। কিসের উপায়।”

রঘুপতি। “তুমিও যে নক্ষত্র রায়ের মতো হইলে দেখিতেছি। এত কণ তবে কী শুনিবে।”

জয়সিংহ। “যাহা শুনিলাম তাহা শুনিবার যোগ্য নহে, তাহা শুনিবে পাপ আছে।”

রঘুপতি। “পাপপুণ্যের তুমি কি বুঝ।”

জয়সিংহ। “এত কাল আপনার কাছে শিক্ষা পাইলাম, পাপপুণ্যের কিছুই বুঝি না কি।”

রঘুপতি। “শোনো বৎস, তোমাকে তবে আর এক শিক্ষা দিই। পাপপুণ্য কিছুই নাই। কেই বা পিতা, কেই বা ভ্রাতা, কেই বা কে। হত্যা যদি পাপ হয় তো সকল হত্যাই সমান। কিন্তু কে বলে হত্যা পাপ। হত্যা তো প্রতিদিনই হইতেছে। কেহ বা মাথায় এক খণ্ড পাথর পড়িয়া হত হইতেছে, কেহ বা বস্ত্রায় ভাসিয়া গিয়া হত হইতেছে, কেহ বা মড়কের মুখে পড়িয়া হত হইতেছে, কেহ বা মনুষ্যের ছুরিকাঘাতে হত হইতেছে। কত পিপীলিকা আমরা প্রত্যহ পদতলে দলন করিয়া যাইতেছি, আমরা তাহাদের অপেক্ষা এমনই কি বড়ো। এই সকল ক্ষুদ্র প্রাণীদের জীবন-মৃত্যু খেলা বই তো নয়—মহাশক্তির মায়া বই তো নয়। কালরূপিণী মহামায়ার নিকটে প্রতিদিন এমন কত লক্ষ কোটি প্রাণীর বলিদান হইতেছে—জগতের চতুর্দিক হইতে জীব-শোণিতের স্রোত তাঁহার মহা ধর্পরে আসিয়া গড়াইয়া পড়িতেছে—আমিই না হয় সেই স্রোতে আর একটি কণা যোগ করিয়া দিলাম। তাঁহার বলি তিনিই এক কালে গ্রহণ করিতেন, আমি না হয় মাঝখানে থাকিয়া উপলক্ষ হইলাম।”

তখন জয়সিংহ প্রতিমার দিকে কিরিয়া কহিতে লাগিলেন, “এই জন্তই কি তোকে সকলে মা বলে, মা। তুই এমন পাবাণী। রাক্ষসী, সমস্ত জগৎ হইতে রক্ত নিশ্চেষণ



করিয়া লইয়া উদরে পুরিবার জন্ত তুই ঐ লোল জিহ্বা বাহির করিয়াছিস। সেহ প্রেম মমতা সৌন্দর্য ধর্ম সমস্তই মিথ্যা, সত্য কেবল তোরা ঐ অনন্ত রক্ত-তৃষা। তোরাই উদর পূরণের জন্ত মাছুষ মাছুষের গলায় ছুরি বসাইবে, ভাই ভাইকে খুন করিবে, পিতাপুত্রের কাঁটাকাটি করিবে। নিষ্ঠুর, সত্যসত্যই এই যদি তোরা ইচ্ছা তবে যেহ রক্তবর্ষণ করে না কেন, করুণারূপিণী নদী রক্তস্রোত লইয়া রক্তসমুদ্রে গিয়া পড়ে না কেন। না না মা, তুই প্রকাশ করিয়া বল—এ শিক্ষা মিথ্যা, এ শাস্ত্র মিথ্যা—আমার মাকে মা বলে না, সন্তানরক্তপিপাসু রাক্ষসী বলে—এ কথা আমি সহিতে পারিব না।” জয়সিংহের চক্ষু দিয়া অশ্রু ঝরিয়া পড়িতে লাগিল—তিনি নিজের কথা লইয়া নিজেই ভাবিতে লাগিলেন। এত কথা ইতিপূর্বে কখনও তাঁহার মনে হয় নাই, রঘুপতি যদি তাঁহাকে নূতন শাস্ত্র শিক্ষা দিতে না আসিতেন, তবে কখনোই তাঁহার এত কথা মনেই আসিত না।

রঘুপতি ঈষৎ হাসিয়া বলিলেন, “তবে তো বলিদানের পালা একেবারে উঠাইয়া দিতে হয়।”

জয়সিংহ অতি শৈশবকাল হইতে প্রতিদিন বলিদান দেখিয়া আসিতেছেন। এই জন্ত মন্দিরে যে বলিদান কোনো কালে বন্ধ হইতে পারে কিংবা বন্ধ হওয়া উচিত এ কথা কিছুতেই তাঁহার মনে লাগে না। এমন কি এ কথা মনে করিতে তাঁহার হৃদয়ে আঘাত লাগে। এই জন্ত রঘুপতির কথার উত্তরে জয়সিংহ বলিলেন, “সে স্বতন্ত্র কথা। তাঁহার অঙ্গ কোনো অর্থ আছে। তাহাতে তো কোনো পাপ নাই। কিন্তু তাই বলিয়া ভাইকে ভাই হত্যা করিবে! তাই বলিয়া মহারাজ গোবিন্দমাণিক্যকে—প্রভু, আপনার পায়ে ধরিয়া জিজ্ঞাসা করি, আমাকে প্রবঞ্চনা করিবেন না, সত্যই কি মা স্বপ্নে কহিয়াছেন—রাজরক্ত নহিলে তাঁর তৃপ্তি হইবে না।”

রঘুপতি কিয়ৎক্ষণ চুপ করিয়া থাকিয়া কহিলেন, “সত্য নহিলে কি মিথ্যা কহিতেছি। তুমি কি আমাকে অবিশ্বাস কর।”

জয়সিংহ রঘুপতির পদধূলি লইয়া কহিলেন, “গুরুদেবের প্রতি আমার বিশ্বাস শিথিল না হয় যেন। কিন্তু নক্ষত্র রায়েরও তো রাজকূলে জন্ম।”

রঘুপতি কহিলেন, “দেবতাদের স্বপ্ন ইচ্ছিত মাত্র; সকল কথা শুনা যায় না, অনেকটা বুঝিয়া লইতে হয়। স্পষ্টই দেখা যাইতেছে, গোবিন্দমাণিক্যের প্রতি দেবীর অসন্তোষ হইয়াছে, অসন্তোষের সম্পূর্ণ কারণও জন্মিয়াছে। অতএব দেবী যখন রাজরক্ত চাহিয়াছেন, তখন বুঝিতে হইবে তাহা গোবিন্দমাণিক্যেরই রক্ত।”

জয়সিংহ কহিলেন, “তা যদি সত্য হয়, তবে আমিই রাজরক্ত আনিব—নরকর  
রায়কে পাশে লিপ্ত করিব না।”

রঘুপতি কহিলেন, “দেবীর আদেশ পালন করিতে কোনো পাপ নাই।”

জয়সিংহ। “পুণ্য আছে তো প্রভু। সে পুণ্য আমিই উপার্জন করিব।”

রঘুপতি কহিলেন, “তবে সত্য করিয়া বলি বৎস। আমি তোমাকে শিশুকাল  
হইতে পুত্রের অধিক যত্নে প্রাণের অধিক ভালোবাসিয়া পালন করিয়া আসিয়াছি,  
আমি তোমাকে হারাইতে পারিব না। নরকর রায় যদি গোবিন্দমায়িক্যকে বধ  
করিয়া রাজা হয়, তবে কেহ তাহাকে একটি কথা কহিবে না—কিন্তু তুমি যদি রাজার  
গায়ে হাত তোল তো তোমাকে আর আমি ফিরিয়া পাইব না।”

জয়সিংহ কহিলেন, “আমার স্নেহে! পিতা, আমি অপদার্থ, আমার স্নেহে তুমি  
একটি পিপীলিকারও হানি করিতে পাইবে না। আমার প্রতি স্নেহে তুমি যদি পাশে  
লিপ্ত হও, তবে তোমার সে স্নেহ আমি বেশি দিন ভোগ করিতে পারিব না, সে  
স্নেহের পরিণাম কখনোই ভালো হইবে না।”

রঘুপতি তাড়াতাড়ি কহিলেন, “আচ্ছা, আচ্ছা, সে কথা পরে হইবে। কাল  
নরকর রায় আসিলে যা হয় একটা ব্যবস্থা হইবে।”

জয়সিংহ মনে মনে প্রতিজ্ঞা করিলেন, “আমিই রাজরক্ত আনিব। মায়ের নামে  
গুরুদেবের নামে ভ্রাতৃহত্যা ঘটিতে দিব না।”

## সপ্তম পরিচ্ছেদ

জয়সিংহের সমস্ত রাজি নিদ্রা হইল না। গুরুর সহিত যে কথা লইয়া আলোচনা  
হইয়াছিল, দেখিতে দেখিতে তাহার শাখা-প্রশাখা বাহির হইতে লাগিল। অধিকাংশ  
সময়েই আরম্ভ আমাদের আয়ত্ত, শেষ আমাদের আয়ত্ত নহে। চিন্তা সবদেও  
এই কথা খাটে। জয়সিংহের মনে অনিবার্য বেগে এমন সকল কথা উঠিতে লাগিল  
যাহা তাঁহার আশৈশব বিশ্বাসের মূলে অবিশ্রাম আঘাত করিতে লাগিল। জয়সিংহ  
পীড়িত ক্লিষ্ট হইতে লাগিলেন।

কিন্তু দুঃস্বপ্নের মতো ভাবনা কিছুতেই দৃষ্টি হইতে চায় না। যে দেবীকে  
জয়সিংহ এত দিন মা বলিয়া জানিতেন, গুরুদেব আজ কেন তাঁহার মাতৃস্ব  
অপহরণ  
করিলেন, কেন তাঁহাকে হৃদয়হীন শক্তি বলিয়া ব্যাখ্যা করিলেন। শক্তির সন্তোষই

কী, আর অসন্তোষই বা কী। শক্তির চক্ষুই বা কোথায়, কর্ণই বা কোথায়। শক্তি তো মহারথের স্তায় তাহার সহস্র চক্রের তলে জগৎ কর্ষিত করিয়া ঘর্ষর শব্দে চলিয়া যাইতেছে, তাহাকে অবলম্বন করিয়া কে চলিল, তাহার তলে পড়িয়া কে চূর্ণ হইল, তাহার উপরে উঠিয়া কে উৎসব করিতেছে, তাহার নিম্নে পড়িয়া কে আর্তনাদ করিতেছে, সে তাহার কী জানিবে। তাহার সারথি কি কেহ নাই। পৃথিবীর নিরীহ অসহায় ভীকু জীবদিগের রক্ত বাহির করিয়া কালরূপিনী নিষ্ঠুর শক্তির তৃষা নির্বাণ করিতে হইবে এই কি আমার ব্রত। কেন। সে তো আপনার কাজ আপনিই করিতেছে—তাহার দুর্ভিক্ষ আছে, বন্না আছে, ভূমিকম্প আছে, জরা মারী অগ্নিদাহ আছে, নির্দয় মানব-হৃদয়স্থিত হিংসা আছে, ক্ষুদ্র আমাকে তাহার আবশ্যক কী।

তাহার পরদিন যে প্রভাত হইল তাহা অতি মনোহর প্রভাত। বৃষ্টির শেষ হইয়াছে। পূর্বদিকে মেঘ নাই। সূর্যকিরণ যেন বর্ষার জলে ধৌত ও স্নিগ্ধ। বৃষ্টিবিন্দু ও সূর্যকিরণে দশ দিক ঝলমল করিতেছে। শুভ্র আনন্দপ্রভা আকাশে প্রাস্তরে অরণ্যে নদীশ্রোতে বিকশিত শ্বেত শতদলের স্তায় পরিষ্কৃত হইয়া উঠিয়াছে। নীল আকাশে চিল ভাসিয়া যাইতেছে—ইন্দ্রধনুর তোরণের নিচে দিয়া বকের শ্রেণী উড়িয়া চলিয়াছে; কাঠবিড়ালিরা গাছে গাছে ছুটাছুটি করিতেছে। দুই-একটি অতি ভীকু ধরগোশ সচকিতে ঝোপের ভিতর হইতে বাহির হইয়া আবার আড়াল খুঁজিতেছে। ছাগশিকুরা অতি দুর্গম পাহাড়ে উঠিয়া ঘাস ছিঁড়িয়া খাইতেছে। গোকুলি আজ মনের আনন্দে মাঠময় ছড়াইয়া পড়িয়াছে। রাখাল গান ধরিয়াছে। কলস-কলস মায়ের আঁচল ধরিয়া আজ ছেলেমেয়েরা বাহির হইয়াছে। বৃক্ষ পূজার জন্ত ফুল তুলিতেছে। স্থানের জন্ত নদীতে আজ অনেক লোক সমবেত হইয়াছে, কলকল স্বরে তাহারা গল্প করিতেছে—নদীর কলধ্বনিরও বিরাম নাই। আষাঢ়ের প্রভাতে এই জীবময়ী আনন্দময়ী ধরণীর দিকে চাহিয়া দীর্ঘনিশ্বাস ফেলিয়া জয়সিংহ মন্দিরে প্রবেশ করিলেন।

জয়সিংহ প্রতিমার দিকে চাহিয়া জোড়হস্তে কহিলেন, “কেন মা, আজ এত অপ্রসন্ন কেন। এক দিন তোমার জীবের রক্ত ভূমি দেখিতে পাও নাই বলিয়া এত ক্রকুটি। আমাদের হৃদয় মধ্যে চাহিয়া দেখো, ভক্তির কি কিছু অভাব দেখিতেছ। ডক্তের হৃদয় পাইলেই কি তোমার তৃপ্তি হয় না, নিরপরাধের শোণিত চাই? আজ মা, সত্য করিয়া বল দেখি, পুণ্যের শরীর গোবিন্দমাণিক্যকে পৃথিবী হইতে অপসৃত করিয়া এখানে দানবের রাজত্ব স্থাপন করাই কি তোমার অভিপ্রায়। রাজরক্ত কি

নিতাস্তই চাই। তোর মুখের উত্তর না শুনিলে আমি কখনোই রাজহত্যা ঘটতে দিব না, আমি ব্যাঘাত করিব। বল, হাঁ কি না।”

সহসা বিজন মন্দিরে শব্দ উঠিল, হাঁ।

জয়সিংহ চমকিয়া পশ্চাতে চাহিয়া দেখিলেন, কাহাকেও দেখিতে পাইলেন না, মনে হইল যেন ছায়ার মতো কী একটা কাঁপিয়া গেল। স্বর শুনিয়া প্রথমেই তাঁহার মনে হইয়াছিল যেন তাঁর গুরু কণ্ঠস্বর। পরে মনে করিলেন, যা তাঁহাকে তাঁহার গুরু কণ্ঠস্বরেই আদেশ করিলেন ইহাই সম্ভব। তাঁহার গাত্র রোমাঞ্চিত হইয়া উঠিল। তিনি প্রতিমাকে ভূমিষ্ঠ প্রণাম করিয়া সশস্ত্রে বাহির হইয়া পড়িলেন।

## অষ্টম পরিচ্ছেদ

গোমতী নদীর দক্ষিণ দিকের এক স্থানের পাড় অতিশয় উচ্চ। বর্ষার ধারা ও ছোটো ছোটো স্রোত এই উন্নত ভূমিকে নানা গুহাগহ্বরে বিভক্ত করিয়া ফেলিয়াছে। ইহার কিছু দূরে প্রায় অর্ধচন্দ্রাকায়ে বড়ো বড়ো শাল ও গাভারি গাছে এই শতধা-বিদীর্ণ ভূমিখণ্ডকে ঘিরিয়া রাখিয়াছে, কিন্তু মাঝখানের এই জমিটুকুর মধ্যে বড়ো গাছ একটিও নাই। কেবল স্থানে স্থানে চিপির উপর ছোটো ছোটো শাল গাছ বাড়িতে পারিতেছে না, কেবল ঝাকিয়া কালো হইয়া পড়িয়াছে। বিস্তর পাথর ছড়ানো। এক হাত দুই হাত প্রশস্ত ছোটো ছোটো জলস্রোত কত শত আকাবাকা পথে ঘুরিয়া ফিরিয়া মিলিয়া বিভক্ত হইয়া, নদীতে গিয়া পড়িতেছে। এই স্থান অতি নির্জন—এখানকার আকাশ গাছের দ্বারা অবরুদ্ধ নহে। এখান হইতে গোমতী নদী ও তাহার পরপারের বিচিত্রবর্ণ শস্তক্ষেত্রসকল অনেক দূর পর্যন্ত দেখা যায়। প্রতিদিন প্রাতে রাজা গোবিন্দমাণিক্য এইখানে বেড়াইতে আসিতেন, সঙ্গে একটি সঙ্গী বা একটি অহুচরও আসিত না। জেলেরা কখনো কখনো গোমতীতে মাছ ধরিতে আসিয়া দূর হইতে দেখিতে পাইত, তাহাদের সৌম্যমূর্তি রাজা যোগীর স্তায় স্থিরভাবে চক্ষু মুদ্রিত করিয়া বসিয়া আছেন, তাঁহার মুখে প্রভাতের জ্যোতি কি তাঁহার আশ্রয় জ্যোতি বুঝা যাইত না। আজকাল বর্ষার দিনে প্রতিদিন এখানে আসিতে পারিতেন না, কিন্তু বর্ষা-উপশমে যেদিন আসিতেন, সেদিন ছোটো তাতাকে সঙ্গে করিয়া আনিতেন।

তাতাকে আর তাতা বলিতে ইচ্ছা করে না। একমাত্র বাহার মুখে তাতা সন্মোদন মানাইত সে তো আর নাই। পাঠকের কাছে তাতা শব্দের কোনো অর্থ নাই—কিন্তু হাসি যখন সকালবেলায় শালবনে ছুটু মি করিয়া শালগাছের আড়ালে লুকাইয়া তাহার স্মৃতিতে তীক্ষ্ণ করে তাতা বলিয়া ডাকিত এবং তাহার উত্তরে গাছে গাছে দোয়েল ডাকিয়া উঠিত—দূর কানন হইতে প্রতিধ্বনি ফিরিয়া আসিত, তখন সেই তাতা শব্দ অর্থে পরিপূর্ণ হইয়া কানন ব্যাপ্ত করিত, তখন সেই তাতা সন্মোদন একটি বালিকার ক্ষুদ্র হৃদয়ের অতি কোমল স্নেহনীড় পরিত্যাগ করিয়া পাখির মতো স্বর্গের দিকে উড়িয়া যাইত—তখন সেই একটি স্নেহসিক্ত মধুর সন্মোদন প্রভাতের সমুদয় পাখির গান লুটিয়া লইত—প্রভাত-প্রকৃতির আনন্দময় সৌন্দর্যের সহিত একটি ক্ষুদ্র বালিকার আনন্দময় স্নেহের ঐক্য দেখাইয়া দিত। এখন সে বালিকা নাই—বালকটি আছে কিন্তু তাতা নাই, বালকটি এ সংসারের সহস্র লোকের, সহস্র বিষয়ের, কিন্তু তাতা কেবলমাত্র সেই বালিকারই। মহারাজ গোবিন্দমাণিক্য এই বালককে ক্রব বলিয়া ডাকিতেন—আমরাও তাহাই বলিয়া ডাকিব।

মহারাজ পূর্বে একা গোমতী-তীরে আসিতেন, এখন ক্রবকে সঙ্গে করিয়া আনেন। তাহার পবিত্র সরল মুখচ্ছবিতে তিনি দেবলোকের ছায়া দেখিতে পান। মধ্যাহ্নে সংসারের আবর্তের মধ্যে রাজা যখন প্রবেশ করেন, তখন বৃদ্ধ বিজ্ঞ যত্নীয়া তাঁহাকে ঘিরিয়া দাঁড়ায়, তাঁহাকে পরামর্শ দেয়—আর প্রভাত হইলে একটি শিশু তাঁহাকে সংসারের বাহিরে লইয়া আসে—তাহার বড়ো দুটি নীরব চক্ষুর সম্মুখে বিষয়ের সহস্র কুটিলতা সংকুচিত হইয়া যায়—শিশুর হাত ধরিয়া মহারাজ বিশ্বজগতের মধ্যবর্তী অনন্তের দিকে প্রসারিত একটি উদার সরল বিস্তৃত রাজপথে গিয়া দাঁড়ান, সেখানে অনন্ত সুনীল আকাশ-চন্দ্রাতপের নিয়ন্ত্রিত বিশ্বব্রহ্মাণ্ডের মহাসভা দেখিতে পাওয়া যায়; ভূলোক ভুবর্লোক স্বর্লোক সপ্তলোকের সংগীতের আভাস শুনা যায়, সেখানে সরল পথে সকলই সরল সহজ শোভন বলিয়া বোধ হয়, কেবলি অগ্রসর হইতে উৎসাহ হয়—উৎকট ভাবনা-চিন্তা অস্থ-অশান্তি দূর হইয়া যায়। মহারাজ সেই প্রভাতে নির্জনে বনের মধ্যে, নদীর তীরে মুক্ত আকাশে একটি শিশুর প্রেমে নিমগ্ন হইয়া অসীম প্রেমসমুদ্রের পথ দেখিতে পান।

গোবিন্দমাণিক্য ক্রবকে কোলে করিয়া লইয়া তাহাকে ক্রবোপাখ্যান শুনাইতেছেন, সে যে বড়ো একটা কিছু বুঝিতেছে তাহা নহে—কিন্তু রাজার ইচ্ছা ক্রবের মুখে আধো-আধো করে এই ক্রবোপাখ্যান আবার ফিরিয়া শুনে।

গল্প শুনিতে শুনিতে ক্রব বলিল, “আমি বনে যাব।”

রাজা বলিলেন, “কী করতে বনে যাবে।”

শ্রব বলিল, “হরিকে দেখতে যাব।”

রাজা বলিলেন, “আমরা তো বনে এসেছি, হরিকে দেখতে এসেছি।”

শ্রব। “হরি কোথায়।”

রাজা। “এইখানেই আছেন।”

শ্রব কহিল, “দিদি কোথায়।” বলিয়া উঠিয়া দাঁড়াইয়া পিছনে চাহিয়া দেখিল—  
তাহার মনে হইল, দিদি যেন আগেকার মতো পিছন হইতে সহসা তাহার চোখ  
টিপিবার জন্য আসিতেছে, কাহাকেও না পাইয়া ঘাড় নামাইয়া চোখ তুলিয়া  
স্বিক্রাসা করিল, “দিদি কোথায়।”

রাজা কহিলেন, “হরি তোমার দিদিকে ডেকে নিয়েছেন।”

শ্রব কহিল, “হরি কোথায়।”

রাজা কহিলেন, “তাকে ডাকো বৎস। তোমাকে সেই যে শ্লোক শিখিয়ে  
দিয়েছিলেম সেইটে বলো।”

শ্রব ছলিয়া ছলিয়া বলিতে লাগিল—

হরি তোমায় ডাকি—বালক একাকী,

আঁধার অরণ্যে ধাই হে।

গহন তিমিরে নয়নের নীরে

পথ খুঁজে নাহি পাই হে।

সদা মনে হয় কী করি কী করি,

কখন আসিবে কাল-বিভাবরী,

তাই ভয়ে মরি ডাকি হরি হরি

হরি বিনা কেহ নাই হে।

নয়নের জল হবে না বিফল,

তোমায় সবে বলে ভকতবৎসল,

সেই আশা মনে করেছি সফল,

বেঁচে আছি আমি তাই হে।

আঁধারেতে আগে তোমার আধিতারা

তোমার ভক্ত কভু হয় না পথহারা,

শ্রব তোমায় চাহে তুমি শ্রবতারা,

আর কার পানে চাই হে ॥

'র'য়ে 'ল'য়ে 'ড'য়ে 'দ'য়ে উগটপাগট করিয়া অর্ধেক কথা মুখের মধ্যে রাখিয়া অর্ধেক কথা উচ্চারণ করিয়া ঋব তুলিয়া তুলিয়া সুধাময় কণ্ঠে এই শ্লোক পাঠ করিল। শুনিয়া রাজার প্রাণ আনন্দে নিমগ্ন হইয়া গেল, প্রভাত ষিগুণ মধুর হইয়া উঠিল, চারিদিকে নদী-কানন তরুলতা হাসিতে লাগিল। কনকসুধাসিক্ত নীলাকাশে তিনি কাহার অল্পম সুন্দর সহস্র মুখচ্ছবি দেখিতে পাইলেন। ঋব যেমন তাঁহার কোলে বসিয়া আছে—তাঁহাকেও তেমনি কে যেন বাহুপাশের মধ্যে কোলের মধ্যে তুলিয়া লইল। তিনি আপনাকে আপনার চারি দিকের সকলকে, বিশ্বচরাচরকে কাহার কোলের উপর দেখিতে পাইলেন। তাঁহার আনন্দ ও প্রেম সূর্যকিরণের স্তায় দশ দিকে বিকিরিত হইয়া আকাশ পূর্ণ করিল।

এমন সময় শশত্রু জয়সিংহ গুহাপথ দিয়া সহসা রাজার সম্মুখে আসিয়া উদ্ভিত হইলেন।

রাজা তাঁহাকে দুই হাত বাড়াইয়া দিলেন, কহিলেন, "এস জয়সিংহ, এস।" রাজা তখন শিশুর সহিত মিশিয়া শিশু হইয়াছেন, তাঁহার রাজমর্বাদা কোথায়।

জয়সিংহ রাজাকে ভূমিষ্ঠ হইয়া প্রণাম করিলেন। জয়সিংহ কহিলেন, "মহারাজ, এক নিবেদন আছে।"

রাজা কহিলেন, "কী বলো।"

জয়সিংহ। "মা আপনার প্রতি অপ্রসন্ন হইয়াছেন।"

রাজা। "কেন, আমি তাঁর অসন্তোষের কাজ কী করিয়াছি।"

জয়সিংহ। "মহারাজ বলি বদ্ধ করিয়া দেবীর পূজার ব্যাঘাত করিয়াছেন।"

রাজা বলিয়া উঠিলেন, "কেন জয়সিংহ—কেন এ হিংসার লালসা। মাতৃকোড়ে সন্তানের রক্তপাত করিয়া ভূমি মাকে প্রসন্ন করিতে চাও।"

জয়সিংহ ধীরে ধীরে রাজার পায়ে কাছ বসিলেন। ঋব তাঁহার তলোয়ার লইয়া খেলা করিতে লাগিল।

জয়সিংহ কহিলেন, "কেন মহারাজ, শাস্ত্রে তো বলিদানের ব্যবস্থা আছে।"

রাজা কহিলেন, "শাস্ত্রের বখার্ব বিধি কেই বা পালন করে। আপনার প্রবৃত্তি অমুসারে সকলেই শাস্ত্রের ব্যাখ্যা করিয়া থাকে। যখন দেবীর সম্মুখে বলির সর্কর্ম রক্ত সর্বাঙ্গে মাখিয়া সকলে উৎকট চীৎকারে ভীষণ উল্লাসে প্রাণে নৃত্য করিতে থাকে, তখন কি তাহারা মায়ে পূজা করে, না নিজের হৃদয়ের মধ্যে যে হিংসা-রাক্ষসী আছে সেই রাক্ষসীটার পূজা করে। হিংসার নিকটে বলিদান দেওয়া শাস্ত্রের বিধি নহে, হিংসাকে বলি দেওয়াই শাস্ত্রের বিধি।"

জয়সিংহ অনেক ক্ষণ চুপ করিয়া রহিলেন। কল্যা রাত্রি হইতে তাঁহার মনেও এমন অনেক কথা তোলপাড় হইয়াছে।

অবশেষে বলিলেন, “আমি মায়ের স্বমুখে শুনিয়াছি—এ বিষয়ে আর কোনো সংশয় থাকিতে পারে না। তিনি স্বয়ং বলিয়াছেন, তিনি মহারাজের রক্ত চান।” বলিয়া জয়সিংহ প্রভাতের মন্দিরের ঘটনা রাজাকে বলিলেন।

রাজা হাসিয়া বলিলেন, “এ তো মায়ের আদেশ নয়, এ রঘুপতির আদেশ। রঘুপতিই অস্তুরাল হইতে তোমার কথার উত্তর দিয়াছিলেন।”

রাজার মুখে এই কথা শুনিয়া জয়সিংহ একেবারে চমকিয়া উঠিলেন। তাঁহার মনেও এইরূপ সংশয় এক বার চকিতের মতো উঠিয়াছিল, কিন্তু আবার বিছাতের মতো অস্তহিত হইয়াছিল। রাজার কথায় সেই সন্দেহে আবার আঘাত লাগিল।

জয়সিংহ অত্যন্ত কাতর হইয়া বলিয়া উঠিলেন, “না মহারাজ, আমাকে ক্রমাগত সংশয় হইতে সংশয়ান্তরে লইয়া যাইবেন না—আমাকে তীর হইতে ঠেলিয়া সমুদ্রে ফেলিবেন না—আপনার কথায় আমার চারিদিকের অঙ্ককার কেবল বাড়িতেছে। আমার যে বিশ্বাস যে ভক্তি ছিল, তাই থাক—তাহার পরিবর্তে এ কুশাশা আমি চাই না। মায়ের আদেশই হউক আর গুরুর আদেশই হউক, সে একই কথা—আমি পালন করিব।” বলিয়া বেগে উঠিয়া তাঁহার তলোয়ার খুলিলেন—তলোয়ার রৌদ্রকিরণে বিছাতের মতো চকমক করিয়া উঠিল। ইহা দেখিয়া ঋব উর্ধ্বস্বরে কাঁদিয়া উঠিল, তাহার ছোটো দুইটি হাতে রাজাকে জড়াইয়া রাজাকে প্রাণপণে আচ্ছাদন করিয়া ধরিল—রাজা জয়সিংহের প্রতি লক্ষ্য না করিয়া ঋবকেই বন্ধে চাপিয়া ধরিলেন।

জয়সিংহ তলোয়ার দূরে ফেলিয়া দিলেন। ঋবের পিঠে হাত বুলাইয়া বলিলেন, “কোনো ভয় নেই বৎস, কোনো ভয় নেই। আমি এই চলিলাম, তুমি ঐ মহৎ আশ্রয়ে থাকো, ঐ বিশাল বন্ধে বিরাজ করো—তোমাকে কেহ বিচ্ছিন্ন করিবে না।” বলিয়া রাজাকে প্রণাম করিয়া প্রস্থান করিতে উদ্যত হইলেন।

সহসা আবার কী ভাবিয়া ফিরিয়া কহিলেন, “মহারাজকে সাবধান করিয়া দিই, আপনার ভ্রাতা নরুজ রায় আপনার বিনাশের পরামর্শ করিয়াছেন। ২৯শে আষাঢ় চতুর্দশ দেবতার পূজার রাত্রে আপনি সতর্ক থাকিবেন।”

রাজা হাসিয়া কহিলেন, “নরুজ কোনো মতেই আমাকে বধ করিতে পারিবে না, সে আমাকে ভালোবাসে।” জয়সিংহ বিদায় লইয়া গেলেন।

রাজা ঋবের দিকে চাহিয়া ভক্তিভাবে কহিলেন, “তুমিই আজ রক্তপাত হইতে



ধরনীকে রক্ষা করিলে, সেই উদ্দেশ্যেই তোমার দিদি তোমাকে বাধিয়া গিয়াছেন।” বলিয়া ঋবের অশ্রুসিক্ত দুইটি কপোল মুছাইয়া দিলেন।

ঋব গভীর মুখে কহিল, “দিদি কোথায়।”

এমন সময় মেন্দ আসিয়া সূর্যকে আচ্ছন্ন করিয়া ফেলিল, নদীর উপর কালো ছায়া পড়িল। দূরের বনান্ত মেঘের মতোই কালো হইয়া উঠিল। বৃষ্টিপাতের লক্ষণ দেখিয়া রাজা প্রাসাদে ফিরিয়া আসিলেন।

## নবম পরিচ্ছেদ

মন্দির অনেক দূরে নয়। কিন্তু জয়সিংহ বিজন নদীর ধার দিয়া অনেক ঘুরিয়া ধীরে ধীরে মন্দিরের দিকে চলিলেন। বিস্তর ভাবনা তাঁহার মনে উদয় হইতে লাগিল। এক জায়গায় নদীর তীরে গাছের তলায় বসিয়া পড়িলেন। দুই হস্তে মুখ আচ্ছাদন করিয়া ভাবিতে লাগিলেন, “একটা কাজ করিয়া ফেলিয়াছি অথচ সংশয় ঘাইতেছে না। আজ হইতে কেই বা আমার সংশয় ঘুচাইবে। কোনটা ভালো কোনটা মন্দ আজ হইতে কে তাহা আমাকে বুঝাইয়া দিবে। সংসারের সহস্র কোটি পথের মোহানায় দাঁড়াইয়া কাহাকে জিজ্ঞাসা করিব কোনটা ষথার্থ পথ। প্রান্তরের মধ্যে আমি অন্ধ একাকী দাঁড়াইয়া আছি, আজ আমার যষ্টি ভাঙিয়া গেছে।”

জয়সিংহ যখন উঠিলেন তখন বৃষ্টি পড়িতে আরম্ভ করিয়াছে। বৃষ্টিতে ভিজিতে ভিজিতে মন্দিরের দিকে চলিলেন। দেখিলেন বিস্তর লোক কোলাহল করিতে করিতে মন্দিরের দিক হইতে দল বাধিয়া চলিয়া আসিতেছে।

বুড়া বলিতেছে, “বাপ-পিতামহর কাল থেকে এই তো চলে আসছে জানি, আজ রাজার বুদ্ধি কি তাঁদের সকলকেই ছাড়িয়ে উঠল।”

বুঝা বলিতেছে, “এখন আর মন্দিরে আসতে ইচ্ছে করে না, পূজার সে ধুম নেই।”

কেহ বলিল, “এ যে নবাবের রাজত্ব হয়ে দাঁড়াল।” তাহার ভাব এই যে, বলিদান সবচেয়ে বিধা এক জন মুসলমানের মনেই জন্মাইতে পারে, কিন্তু এক জন হিন্দুর মনে জন্মানো অত্যন্ত আশ্চর্য।

যেদেরা বলিতে লাগিল, “এ রাজ্যের মঙ্গল হবে না।”

এক জন কহিল, “পুরুত-ঠাকুর তো স্বয়ং বললেন যে, মা স্বপ্নে বলেছিলেন তিন মাসের মধ্যে এ দেশ মড়কে উচ্ছন্ন যাবে।”

হারু বলিল, “এই দেখো না কেন, মোখো আজ দেড় বছর ধরে ব্যামো ভুগে বরাবর বেঁচে এসেছে, যেই বলি বন্ধ হল অমনি সে মারা গেল।”

কান্ত বলিল, “তা কেন, আমার ভাণ্ডরপো, সে যে মরবে এ কে জানত। তিন দিনের জ্বর। যেমনি কবিরাজের বড়িটি খাওয়া অমনি চোখ উলটে গেল।” ভাণ্ডরপোর শোকে এবং রাজ্যের অমঙ্গল-আশঙ্কায় কান্ত কাতর হইয়া পড়িল।

তিনকড়ি কহিল, “সেদিন মথুরহাটির গল্পে আগুন লাগল একখানা চালাও বাকি রইল না।”

চিন্তামণি চাষা তাহার এক জন সঙ্গী চাষাকে কহিল, “অত কথায় কাজ কী, দেখো না কেন এ বছর যেমন ধান সস্তা হয়েছে এমন অল্প কোনো বছর হয় নি। এ বছর চাষার কপালে কী আছে কে জানে।”

বলিদান বন্ধ হইবার পরে এবং পূর্বেও যাহার যাহা কিছু ক্ষতি হইয়াছে, সর্বসম্মতিক্রমে ঐ বলি বন্ধ হওয়াই তাহার একমাত্র কারণ নির্দিষ্ট হইল। এ দেশ পরিত্যাগ করিয়া যাওয়াই ভালো এইরূপ সকলের মত হইল। এ মত কিছুতেই পরিবর্তিত হইল না বটে, কিন্তু দেশেই সকলে বাস করিতে লাগিল।

জয়সিংহ অন্তমনস্ক ছিলেন। ইহাদের প্রতি কিছুমাত্র মনোযোগ না করিয়া তিনি মন্দিরে গিয়া উপস্থিত হইলেন, দেখিলেন, পূজা শেষ করিয়া রঘুপতি মন্দিরের বাহিরে বসিয়া আছেন।

ক্রতগতি রঘুপতির নিকটে গিয়াই জয়সিংহ কাতর অথচ দৃঢ় স্বরে তাঁহাকে জিজ্ঞাসা করিলেন, “গুরুদেব, মায়ের আদেশ গ্রহণ করিবার জন্য আজ প্রভাতে আমি যখন মাকে প্রণাম জিজ্ঞাসা করিলাম, আপনি কেন তাহার উত্তর দিলেন।”

রঘুপতি একটু ইতস্তত করিয়া বলিলেন, “মা তো আমার দ্বারাই তাঁহার আদেশ প্রচার করিয়া থাকেন, তিনি নিজ-মুখে কিছু বলেন না।”

জয়সিংহ কহিলেন, “আপনি সম্মুখে উপস্থিত হইয়া বলিলেন না কেন। অন্তরালে লুক্কায়িত থাকিয়া আমাকে ছলনা করিলেন কেন।”

রঘুপতি ক্রুদ্ধ হইয়া বলিলেন, “চূপ করো। আমি কী ভাবিয়া কী করি তুমি তাহার কী বুঝিবে। বাচালের মতো যাহা মুখে আসে তাহাই বলিবে না। আমি যাহা আদেশ করিব তুমি কেবল তাহাই পালন করিবে, কোনো প্রণাম জিজ্ঞাসা করিবে না।”

জয়সিংহ চূপ করিয়া রহিলেন। তাঁহার সংশয় বাড়িল বই কমিল না। কিছু ক্ষণ পরে বলিলেন, “আজ প্রাতে আমি মায়ের কাছে বলিয়াছিলাম যে, তিনি যদি স্বমুখে আমাকে আদেশ না করেন তবে আমি কখনোই রাজহত্যা ঘটতে দিব না, তাহার ব্যাঘাত করিব। যখন স্থির বুলিলাম যা আদেশ করেন নাই, তখন মহারাজের নিকট নক্ষত্র মায়ের সংকল্প প্রকাশ করিয়া দিতে হইল, তাঁহাকে সতর্ক করিয়া দিলাম।”

রঘুপতি কিয়ৎক্ষণ চূপ করিয়া বসিয়া রহিলেন। উদ্বেল ক্রোধ দমন করিয়া দৃঢ়স্বরে বলিলেন, “মন্দিরে প্রবেশ করো।”

উভয়ে মন্দিরে প্রবেশ করিলেন।

রঘুপতি কহিলেন, “মায়ের চরণ স্পর্শ করিয়া শপথ করো—বলো যে ২২শে আষাঢ়ের মধ্যে আমি রাজরক্ত আনিয়া এই চরণে উপহার দিব।”

জয়সিংহ ঘাড় হেঁট করিয়া কিছু ক্ষণ চূপ করিয়া রহিলেন। পরে এক বার গুরুত্ব মুখের দিকে এক বার প্রতিমার মুখের দিকে চাহিলেন। প্রতিমা স্পর্শ করিয়া ধীরে ধীরে বলিলেন, “২২শে আষাঢ়ের মধ্যে আমি রাজরক্ত আনিয়া এই চরণে উপহার দিব।”

## দশম পরিচ্ছেদ

গৃহে কিরিয়া আসিয়া মহারাজ নিয়মিত রাজকাৰ্য সমাপন করিলেন। প্রাতঃকালের সূৰ্যালোক আচ্ছন্ন হইয়া গেছে। মেঘের ছায়ার দিন আবার অন্ধকার হইয়া আসিয়াছে। মহারাজ অত্যন্ত বিমনা আছেন। অন্তদিন রাজসভায় নক্ষত্র মায় উপস্থিত থাকিতেন, আজ তিনি উপস্থিত ছিলেন না। রাজা তাঁহাকে ডাকিয়া পাঠাইলেন, তিনি ওজর করিয়া বলিয়া পাঠাইলেন তাঁহার শরীর অস্থস্থ। রাজা স্বয়ং নক্ষত্র মায়ের কক্ষে গিয়া উপস্থিত হইলেন। নক্ষত্র মুখ তুলিয়া রাজার মুখের দিকে চাহিতে পারিলেন না। একখানা লিখিত কাগজ লইয়া ব্যস্ত আছেন এমনি ভান করিলেন। রাজা বলিলেন, “নক্ষত্র, তোমার কি অস্থথ করিয়াছে।”

নক্ষত্র কাগজের এ-পিঠ ও-পিঠ উল্টাইয়া হাতের অঙ্গুরি নিরীক্ষণ করিয়া বলিলেন, “অস্থথ ? না, অস্থথ ঠিক নয়—এই একটুখানি কাজ ছিল—হাঁ হাঁ অস্থথ হয়েছিল—কতকটা অস্থথের মতন বটে।”

নন্দ্র রায় নিতান্ত অধীর হইয়া উঠিলেন। গোবিন্দমাণিক্য অতিশয় বিষন্ন মুখে নন্দ্রের মুখের দিকে চাহিয়া রহিলেন। তিনি ভাবিতে লাগিলেন—হার হার, স্নেহের নীড়ের মধ্যেও হিংসা ঢুকিয়াছে, সে সাপের মতো লুকাইতে চায়, মুখ দেখাইতে চায় না। আমাদের অরণ্যে কি হিংস্র পশু যথেষ্ট নাই; শেষে কি মানুষেও মানুষকে ভয় করিবে, ভাইও ভাইয়ের পাশে গিয়া নিঃশঙ্কচিত্তে বসিতে পাইবে না। এ সংসারে হিংসা-লোভই এত বড়ো হইয়া উঠিল, আর স্নেহ-প্রেম কোথাও ঠাই পাইল না। এই আমার ভাই, ইহার সহিত প্রতিদিন এক গৃহে বাস করি, একাসনে বসিয়া থাকি, হাসিমুখে কথা কই—এও আমার পাশে বসিয়া মনের মধ্যে ছুরি শানাইতেছে। গোবিন্দমাণিক্যের নিকট তখন সংসার হিংস্রজঙ্ঘপূর্ণ অরণ্যের মতো বোধ হইতে লাগিল। ঘন অন্ধকারের মধ্যে কেবল চারিদিকে দস্ত ও নখের ছটা দেখিতে পাইলেন। দীর্ঘনিঃশ্বাস ফেলিয়া মহারাজ মনে করিলেন, এই স্নেহপ্রেমহীন হানাহানির রাজ্যে বাঁচিয়া থাকিয়া আমি আমার স্বভ্রাতার আমার ভাইদের মনে কেবলই হিংসা লোভ ও ঘেষের অনল জ্বলাইতেছি—আমার সিংহাসনের চারি দিকে আমার প্রাণাধিক আত্মীয়েরা আমার দিকে চাহিয়া মনে মনে মূগ বক্র করিতেছে, দস্ত ঘর্ষণ করিতেছে, শৃঙ্খলবদ্ধ ভীষণ কুকুরের মতো চারি দিক হইতে আমার উপরে ঝাঁপাইয়া পড়িবার অবসর খুঁজিতেছে। ইহা অপেক্ষা ইহাদের ধরনধরাঘাতে ছিন্নবিচ্ছিন্ন হইয়া ইহাদের রক্তের তৃষা মিটাইয়া এখন হইতে অপমৃত হওয়াই ভালো। প্রভাত-আকাশে গোবিন্দমাণিক্য যে প্রেমচ্ছবি দেখিয়াছিলেন তাহা কোথায় মিলাইয়া গেল।

উঠিয়া দাঁড়াইয়া মহারাজ গম্ভীরস্বরে বলিলেন, “নন্দ্র, আজ অপরাহ্নে গোমতী-তীরের নির্জন অরণ্যে আমরা দুই জনে বেড়াইতে যাইব।”

রাজার এই গম্ভীর আদেশবাণীর বিরুদ্ধে নন্দ্রের মুখে কথা সরিল না, কিন্তু সংশয়ে ও আশঙ্কায় তাঁহার মন আকুল হইয়া উঠিল। তাঁহার মনে হইতে লাগিল, মহারাজ এত ক্ষণ নীরবে দুই চক্ষু তাঁহারই মনের দিকে নিবিষ্ট করিয়া বসিয়াছিলেন—সেখানে অন্ধকার গর্ভের মধ্যে যে ভাবনাগুলো কীটের মতো কিলবিল করিতেছিল, সেগুলো যেন সহসা আলো দেখিয়া অস্থির হইয়া বাহির হইয়া পড়িয়াছে। ভয়ে ভয়ে নন্দ্র রায় রাজার মুখের দিকে এক বার চাহিলেন—দেখিলেন, তাঁহার মুখে কেবল সুগভীর বিষন্ন শাস্তির ভাব, সেখানে রোষের রেখামাত্র নাই। মানব-হৃদয়ের কঠিন নিষ্ঠুরতা দেখিয়া কেবল সুগভীর শোক তাঁহার হৃদয়ে বিরাজ করিতেছিল।

বেলা পড়িয়া আসিল। তখনো মেঘ করিয়া আছে। নন্দ্র রায়কে সঙ্গে লইয়া

মহারাজ পদব্রজে অরণ্যের দিকে চলিলেন। এখনো সন্ধ্যা হইতে বিলম্ব আছে, কিন্তু মেঘের অন্ধকারে সন্ধ্যা বলিয়া ভ্রম হইতেছে—কাকেরা অরণ্যের মধ্যে কিরিয়া আসিয়া অবিশ্রাম চীৎকার করিতেছে, কিন্তু ছুই-একটা চিল এখনো আকাশে সাঁতার দিতেছে। ছুই ভাই যখন নির্জন বনের মধ্যে প্রবেশ করিলেন, তখন নক্ষত্র রায়ে গা ছমছম করিতে লাগিল। বড়ো বড়ো প্রাচীন গাছ জটলা করিয়া দাঁড়াইয়া আছে—তাহারা একটি কথা কহে না, কিন্তু স্থির হইয়া যেন কীটের পদশব্দটুকু পর্যন্তও শোনে, তাহারা কেবল নিজের ছায়ার দিকে, তলস্থিত অন্ধকারের দিকে অনিমেঘ নেত্রে চাহিয়া থাকে। অরণ্যে সেই অটল রহস্যের ভিতরে পদক্ষেপ করিতে নক্ষত্র রায়ে পা যেন আর উঠে না—চারি দিকে সুগভীর নিস্তব্ধতার অন্ধুটি দেখিয়া হৃৎকম্প উপস্থিত হইতে লাগিল; নক্ষত্র রায়ে অত্যন্ত সন্দেহ ও ভয় জন্মিল; ভীষণ অদৃষ্টের মতো নীরব রাজা এই সন্ধ্যাকালে এই পৃথিবীর অস্তরাল দিয়া তাঁহাকে কোথাও লইয়া যাইতেছেন, কিছুই ঠাহর পাইলেন না। নিশ্চয় মনে করিলেন, রাজার কাছে ধরা পড়িয়াছেন, এবং গুরুতর শাস্তি দিবার জন্যই রাজা তাঁহাকে এই অরণ্যের মধ্যে আনিয়া ফেলিয়াছেন। নক্ষত্র রায় উর্ধ্ব্বাসে পালাইতে পারিলে বাচেন, কিন্তু মনে হইল কে যেন তাঁহার হাত-পা বাধিয়া টানিয়া লইয়া যাইতেছে। কিছুতেই আর পরিজ্ঞান নাই।

অরণ্যের মধ্যস্থলে একটা ফাঁকা। একটা স্বাভাবিক জলাশয়ের মতো আছে, বর্ষাকালে তাহা জলে পরিপূর্ণ। সেই জলাশয়ের ধারে সহসা কিরিয়া দাঁড়াইয়া রাজা বলিলেন "দাঁড়াও।"

নক্ষত্র রায় চমকিয়া দাঁড়াইলেন। মনে হইল, রাজার আদেশ শুনিয়া সেই মুহূর্ত্তে কালের স্রোত যেন বন্ধ হইল—সেই মুহূর্ত্তেই যেন অরণ্যের বৃক্ষগুলি যে যেখানে ছিল বুকিয়া দাঁড়াইল—নিচে হইতে ধরণী এবং উপর হইতে আকাশ যেন নিঃশ্বাস রুদ্ধ করিয়া দৃক হইয়া চাহিয়া রহিল। কাকের কোলাহল থামিয়া গেছে, বনের মধ্যে একটি শব্দ নাই। কেবল সেই "দাঁড়াও" শব্দ অনেক ক্ষণ ধরিয়া যেন গম গম করিতে লাগিল—সেই "দাঁড়াও" শব্দ যেন তড়িৎপ্রবাহের মতো বৃক্ষ হইতে বৃক্ষান্তরে, শাখা হইতে প্রশাখার প্রবাহিত হইতে লাগিল, অরণ্যের প্রত্যেক পাতাটা যেন সেই শব্দের কম্পনে রী রী করিতে লাগিল। নক্ষত্র রায়ও যেন গাছের মতোই শুক হইয়া দাঁড়াইলেন।

রাজা তখন নক্ষত্র রায়ে মুখের দিকে মর্মভেদী স্থির বিষণ্ণ দৃষ্টি স্থাপিত করিয়া প্রশান্ত গভীর স্বরে ধীরে ধীরে কহিলেন, "নক্ষত্র, তুমি আমাকে মারিতে চাও?"

নক্ষত্র বজ্রাহতের মতো দাঁড়াইয়া রহিলেন, উত্তর দিবার চেঁচাও করিতে পারিলেন না।

রাজা কহিলেন, “কেন মারিবে ভাই। রাজ্যের লোভে? তুমি কি মনে কর রাজা কেবল সোনার সিংহাসন, হীরার মুকুট ও রাজচ্ক্র। এই মুকুট, এই রাজচ্ক্র, এই রাজদণ্ডের ভার কত তাহা জান? শত-সহস্র লোকের চিন্তা এই হীরার মুকুট দিয়া ঢাকিয়া রাখিয়াছি। রাজ্য পাইতে চাও তো সহস্র লোকের দুঃখকে আপনার দুঃখ বলিয়া গ্রহণ করো, সহস্র লোকের বিপদকে আপনার বিপদ বলিয়া বরণ করো, সহস্র লোকের দারিদ্র্যকে আপনার দারিদ্র্য বলিয়া স্বছে বহন করো—এ যে করে সে-ই রাজা, সে পর্ণকুটিরেই থাক আর প্রাসাদেই থাক। যে ব্যক্তি সকল লোককে আপনার বলিয়া মনে করিতে পারে, সকল লোক তো তাহারই। পৃথিবীর দুঃখহরণ যে করে সেই পৃথিবীর রাজা। পৃথিবীর রক্ত ও অর্থ শোষণ যে করে, সে তো দম্বা—সহস্র অভাগার অশ্রুজল তাহার মস্তকে অহনিশি বর্ষিত হইতেছে, সেই অভিশাপ-ধারা হইতে কোনো রাজচ্ক্র তাহাকে রক্ষা করিতে পারে না। তাহার প্রচুর রাজভোগের মধ্যে শত শত উপবাসীর ক্ষুধা লুকাইয়া আছে, অনাথের দারিদ্র্য গলাইয়া সে সোনার অলংকার করিয়া পরে, তাহার ভূমিবিস্তৃত রাজবস্ত্রের মধ্যে শত শত শীতাতুরের মলিন ছিন্ন কঁচা আছে। রাজাকে বধ করিয়া রাজত্ব মেলে না ভাই—পৃথিবীকে বশ করিয়া রাজা হইতে হয়।”

গোবিন্দমণিক্য খামিলেন। চারি দিকে গভীর স্তব্ধতা বিরাজ করিতে লাগিল। নক্ষত্র রায় মাথা নত করিয়া চূপ করিয়া রহিলেন।

মহারাজ ধাপ হইতে তরবারি খুলিলেন। নক্ষত্র রায়ের সম্মুখে ধরিয়া বলিলেন—“ভাই, এখানে লোক নাই, সাক্ষ্য নাই, কেহ নাই—ভাইয়ের বক্ষে ভাই যদি ছুরি মারিতে চায় তাহার স্থান এই, সময় এই—এখানে কেহ তোমাকে নিবারণ করিবে না, কেহ তোমাকে নিন্দা করিবে না। তোমার শিরায় আর আমার শিরায় একই রক্ত বহিতেছে, একই পিতা, একই পিতামহের রক্ত—তুমি সেই রক্তপাত করিতে চাও করো, কিন্তু মস্তকের আবাসস্থলে করিও না। কারণ, যেখানে এই রক্তের বিন্দু পড়িবে, সেইখানেই অলঙ্ক্য ভ্রাতৃশ্বের পবিত্র বন্ধন শিথিল হইয়া যাইবে। পাপের শেষ কোথায় গিয়া হয় কে জানে। পাপের একটি বীজ যেখানে পড়ে সেখানে যেখানে দেখিতে গোপনে কেমন করিয়া সহস্র বৃক্ষ জন্মায়, কেমন করিয়া অল্পে অল্পে স্তম্ভোত্তম মানব সমাজ অরণ্যে পরিণত হইয়া যায় তাহা কেহ জানিতে পারে না। অতএব নগরে গ্রামে যেখানে নিশ্চিন্ত চিন্তে পরম স্নেহে ভাইয়ে ভাইয়ে গলাগলি করিয়া

আছে, সেই ভাইদের নীড়ের মধ্যে ভাইয়ের রক্তপাত করিযো না। এই বস্তু তোমাকে আজ অরণ্যে ডাকিয়া আনিয়াছি।”

এই বলিয়া রাজা নক্ষত্র রায়ের হাতে তরবারি দিলেন। নক্ষত্র রায়ের হাত হইতে তরবারি মাটিতে পড়িয়া গেল। নক্ষত্র রায় ছই হাতে মুখ ঢাকিয়া কাঁদিয়া উঠিয়া রুদ্ধকণ্ঠে কহিলেন, “দাদা, আমি দোষী নই—এ কথা আমাদের মনে কখনো উদয় হয় নাই—”

রাজা তাঁহাকে আলিঙ্গন করিয়া বলিলেন, “আমি তাহা জানি। তুমি কি কখনো আমাকে আঘাত করিতে পার—তোমাকে পাঁচ জনে মন্দ পরামর্শ দিয়াছে।”

নক্ষত্র রায় বলিলেন, “আমাকে রঘুপতি কেবল এই উপদেশ দিতেছে।”

রাজা বলিলেন, “রঘুপতির কাছ হইতে দূরে থাকিযো।”

নক্ষত্র রায় বলিলেন, “কোথায় যাইব বলিয়া দিন। আমি এখানে থাকিতে চাই না। আমি এখান হইতে—রঘুপতির কাছ হইতে পলাইতে চাই।”

রাজা বলিলেন, “তুমি আমারই কাছে থাকো—আর কোথাও যাইতে হইবে না—রঘুপতি তোমার কি করিবে।”

নক্ষত্র রায় রাজার হাত দৃঢ় করিয়া ধরিলেন, রঘুপতি তাঁহাকে টানিয়া লইবে বলিয়া আশঙ্কা হইতেছে।

## একাদশ পরিচ্ছেদ

নক্ষত্র রায় রাজার হাত ধরিয়া অরণ্যের মধ্য দিয়া যখন গৃহে ফিরিয়া আসিতেছেন তখনো আকাশ হইতে অন্ন অন্ন আলো আসিতেছিল—কিন্তু অরণ্যের নিচে অত্যন্ত অন্ধকার হইয়াছে। যেন অন্ধকারের বস্তা আসিয়াছে, কেবল গাছগুলোর মাথা উপরে জাগিয়া আছে। ক্রমে তাহাও ডুবিয়া যাইবে—তখন অন্ধকারে পূর্ণ হইয়া আকাশে পৃথিবীতে এক হইয়া যাইবে।

প্রাসাদের পথে না গিয়া রাজা মন্দিরের দিকে গেলেন। মন্দিরের সজ্জা-আরতি সমাপন করিয়া একটি দীপ আলিয়া রঘুপতি ও অয়সিংহ কুটিরে বসিয়া আছেন। উভয়েই নীরবে আপন আপন ভাবনা লইয়া আছেন। দীপের ক্ষীণ আলোকে কেবল তাঁহাদের ছই জনের মুখে অন্ধকার দেখা যাইতেছে। নক্ষত্র রায় রঘুপতিকে দেখিয়া

মুখ তুলিতে পারিলেন না ; রাজার ছায়ায় দাঁড়াইয়া মাটির দিকে চাহিয়া রহিলেন—  
রাজা তাঁহাকে পাশে টানিয়া লইয়া দৃঢ়রূপে তাঁহার হাত ধরিয়া দাঁড়াইলেন ও স্থির-  
নেত্রে রঘুপতির মুখের দিকে এক বার চাহিলেন ; রঘুপতি তীব্রদৃষ্টিতে নক্ষত্র রায়ে  
প্রতি কটাক্ষপাত করিলেন। অবশেষে রাজা রঘুপতিকে প্রণাম করিলেন, নক্ষত্র  
রায়ও তাঁহার অঙ্গুসরণ করিলেন—রঘুপতি প্রণাম গ্রহণ করিয়া গভীর স্বরে কহিলেন,  
“জ্যোন্ত—রাজ্যের কুশল ?”

রাজা একটুখানি ধামিয়া বলিলেন, “ঠাকুর আশীর্বাদ করুন, রাজ্যের অকুশল না  
ঘটুক। এ রাজ্যে মায়ের সকল সম্ভান যেন সম্ভাবে প্রেমে মিলিয়া থাকে, এ রাজ্যে  
ভাইয়ের কাছ হইতে ভাইকে কেহ যেন কাড়িয়া না লয়, যেখানে প্রেম আছে সেখানে  
কেহ যেন হিংসার প্রতিষ্ঠা না করে। রাজ্যের অমঙ্গল আশঙ্কা করিয়াই আসিয়াছি।  
পাপ-সংকল্পের সংঘর্ষে দাবানল জলিয়া উঠিতে পারে—নির্বাণ করুন, শান্তির বারি  
বর্ষণ করুন, পৃথিবী শীতল করুন।”

রঘুপতি কহিলেন, “দেবতার রোধানল জলিয়া উঠিলে কে তাহা নির্বাণ করিবে।  
এক অপরাধীর জন্ত সহস্র নিরপরাধ সে অনলে দগ্ধ হয়।”

রাজা বলিলেন, “সেই তো ভয়, সেই জন্তই তো কাঁপিতেছি। সে কথা কেহ  
বুঝিয়াও বোঝে না কেন। আপনি কি জানেন না, এ রাজ্যে দেবতার নাম করিয়া  
দেবতার নিয়ম লঙ্ঘন করা হইতেছে। সেই জন্তই অমঙ্গল-আশঙ্কায় আজ সন্ধ্যাবেলায়  
এখানে আসিয়াছি—এখানে পাপের বৃক্ষ রোপণ করিয়া আমার এই ধনধান্তময় সুখের  
রাজ্যে দেবতার বজ্র আহ্বান করিয়া আনিবেন না। আপনাকে এই কথা বলিয়া  
গেলাম, এই কথা বলিবার জন্তই আজ আমি আসিয়াছিলাম।” বলিয়া মহারাজ  
রঘুপতির মুখের উপর তাঁহার মর্মভেদী দৃষ্টি স্থাপন করিলেন। রাজার স্বগভীর  
দৃঢ় স্বর রুদ্ধ ঝটিকার মতো কুটিরের মধ্যে কাঁপিতে লাগিল। রঘুপতি একটি উত্তর  
দিলেন না, পইতা লইয়া নাড়িতে লাগিলেন। রাজা প্রণাম করিয়া নক্ষত্র রায়ে  
হাত ধরিয়া বাহির হইয়া আসিলেন, সঙ্গে সঙ্গে জয়সিংহও বাহির হইলেন। ঘরের  
মধ্যে কেবল একটি দীপ, রঘুপতি এবং রঘুপতির বৃহৎ ছায়া রহিল।

তখন আকাশের আলো নিবিয়া গেছে। মেঘের মধ্যে তারা নিমগ্ন। আকাশের  
কানায় কানায় অন্ধকার। পূবে বাতাসে সেই ঘোর অন্ধকারের মধ্যে কোথা হইতে  
কদম ফুলের গন্ধ পাওয়া যাইতেছে এবং অরণ্যের মর্মর শব্দ শুনা যাইতেছে। তাবনার  
নিমগ্ন হইয়া পরিচিত পথ দিয়া রাজা চলিতেছেন, সহসা পশ্চাৎ হইতে শুনিলেন,  
কে ডাকিল, “মহারাজ।”



রাজা ফিরিয়া জিজ্ঞাসা করিলেন, “কে তুমি।”

পরিচিত স্বর কহিল, “আমি আপনার অধম সেবক, আমি জয়সিংহ। মহারাজ আপনি আমার গুরু, আমার প্রহরী। আপনি ছাড়া আমার আর কেহ নাই। যেমন আপনি আপনার কনিষ্ঠ ভ্রাতার হাত ধরিয়া অঙ্ককারের মধ্য দিয়া লইয়া যাইতেছেন, তেমনি আমারও হাত ধরুন, আমাকে সঙ্গে লইয়া যান; আমি গুরুতর অঙ্ককারের মধ্য পড়িয়াছি। আমার কিসে ভালো হইবে, কিসে মন্দ হইবে কিছুই জানি না। আমি এক বার বামে যাইতেছি, এক বার দক্ষিণে যাইতেছি, আমার কর্ণধার কেহ নাই।” সেই অঙ্ককারে অশ্রু পড়িতে লাগিল, কেহ দেখিতে পাইল না, কেবল আবেগভরে জয়সিংহের আর্দ্র স্বর কাঁপিতে কাঁপিতে রাজার কর্ণে প্রবেশ করিতে লাগিল। শুষ্ক হির অঙ্ককার, বায়ুচঞ্চল সমুদ্রের মতো কাঁপিতে লাগিল। রাজা জয়সিংহের হাত ধরিয়া বলিলেন, “চলো, আমার সঙ্গে প্রাসাদে চলো।”

## দ্বাদশ পরিচ্ছেদ

তাহার পরদিন যখন জয়সিংহ মন্দিরে ফিরিয়া আসিলেন, তখন পূজার সময় অভীত হইয়া গিয়াছে। রঘুপতি বিমর্ষ মুখে একাকী বসিয়া আছেন। ইহার পূর্বে কখনো এরূপ অনিয়ম হয় নাই।

জয়সিংহ আসিয়া গুরুর কাছে না গিয়া তাঁহার বাগানের মধ্যে গেলেন। তাঁহার গাছপালাগুলির মধ্যে গিয়া বসিলেন। তাহার ঠাঁহার চারি দিকে কাঁপিতে লাগিল, নড়িতে লাগিল, ছায়া নাচাইতে লাগিল। তাঁহার চারি দিকে পুষ্পখচিত পল্লবের স্তর, শ্রামল স্তরের উপর স্তর, ছায়াপূর্ণ সুকোমল শ্বেহের আচ্ছাদন, সুমধুর আহ্বান, প্রকৃতির প্রীতিপূর্ণ আলিঙ্গন। এখানে সকলে অপেক্ষা করিয়া থাকে, কথা জিজ্ঞাসা করে না, ভাবনার ব্যাঘাত করে না, চাহিলে তবে চায়, কথা কহিলে তবে কথা কয়। এই নীরব গুপ্তবার মধ্যে, প্রকৃতির এই অস্তঃপুরের মধ্যে বসিয়া জয়সিংহ ভাবিতে লাগিলেন। রাজা তাঁহাকে যে সকল উপদেশ দিয়াছিলেন, তাহাই মনে মনে আলোচনা করিতে লাগিলেন।

এমন সময় ধীরে ধীরে রঘুপতি আসিয়া তাঁহার পিঠে হাত দিলেন। জয়সিংহ সচকিত হইয়া উঠিলেন। রঘুপতি তাঁহার পাশে বসিলেন। জয়সিংহের মুখের

দিকে চাহিয়া কম্পিতস্বরে কহিলেন, “বৎস, তোমার এমন ভাব দেখিতেছি কেন। আমি তোমার কী করিয়াছি যে, তুমি অল্পে অল্পে আমার কাছ হইতে সরিয়া যাইতেছ।”

জয়সিংহ কী বলিতে চেষ্টা করিলেন, রঘুপতি তাহাতে বাধা দিয়া বলিতে লাগিলেন, “এক মুহূর্তের জন্য কি আমার স্নেহের অভাব দেখিয়াছ। আমি কি তোমার কাছে কোনো অপরাধ করিয়াছি, জয়সিংহ। যদি করিয়া থাকি—তবে আমি তোমার গুরু, তোমার পিতৃতুল্য, আমি তোমার কাছে ক্ষমা ভিক্ষা চাহিতেছি, আমাকে মার্জনা করো।”

জয়সিংহ বজ্রাহতের গায় চমকিয়া উঠিলেন—গুরুর চরণ ধরিয়া কাঁদিতে লাগিলেন, বলিলেন, “পিতা, আমি কিছুই জানি না, আমি কিছুই বুঝিতে পারি না, আমি কোথায় যাইতেছি দেখিতে পাইতেছি না।”

রঘুপতি জয়সিংহের হাত ধরিয়া বলিলেন, “বৎস, আমি তোমাকে তোমার শৈশব হইতে মাতার গায় স্নেহে পালন করিয়াছি, পিতার অধিক যত্নে শাস্ত্রশিক্ষা দিয়াছি—তোমার প্রতি সম্পূর্ণ বিশ্বাস স্থাপন করিয়া সখার গায় তোমাকে আমার সমুদয় মঙ্গলার সহযোগী করিয়াছি। আজ তোমাকে কে আমার পাশ হইতে টানিয়া লইতেছে, এতদিনকার স্নেহমমতার বন্ধনকে বিচ্ছিন্ন করিতেছে। তোমার উপর আমার যে দেব-দত্ত অধিকার জন্মিয়াছে সে পবিত্র অধিকারে কে হস্তক্ষেপ করিয়াছে। বলো, বৎস, সেই মহাপাতকীর নাম বলো।”

জয়সিংহ বলিলেন, “প্রভু, আপনার কাছ হইতে আমাকে কেহ বিচ্ছিন্ন করে নাই—আপনিই আমাকে দূর করিয়া দিয়াছেন। আমি ছিলাম গৃহের মধ্যে, আপনি সহসা আমাকে পথের মধ্যে বাহির করিয়া দিয়াছেন। আপনি বলিয়াছেন, কেই বা পিতা, কেই বা মাতা, কেই বা ভ্রাতা। আপনি বলিয়াছেন, পৃথিবীতে কোনো বন্ধন নাই, স্নেহপ্রেমের পবিত্র অধিকার নাই। যাঁহাকে মা বলিয়া জানিতাম, আপনি তাঁহাকে বলিয়াছেন শক্তি; যে যেখানে হিংসা করিতেছে, যে যেখানে রক্তপাত করিতেছে যেখানেই ভাইয়ে ভাইয়ে বিবাদ, যেখানেই দুই জন মাতুষে যুদ্ধ, সেইখানেই এই তুষিত শক্তি রক্তলালসায় তাঁহার খর্পর লইয়া দাঁড়াইয়া আছেন। আপনি মায়ের কোল হইতে আমাকে এ কী রাক্ষসীর দেশে নির্বাসিত করিয়া দিয়াছেন।”

রঘুপতি অনেক ক্ষণ স্তম্ভিত হইয়া বসিয়া রহিলেন। অবশেষে নিঃশ্বাস ফেলিয়া বলিলেন, “তবে তুমি স্বাধীন হইলে, বন্ধনমুক্ত হইলে, তোমার উপর হইতে আমার সমস্ত অধিকার আমি প্রত্যাহরণ করিলাম, তাহাতেই যদি তুমি সুখী হও, তবে তাই হউক।” বলিয়া উঠিবার উদ্যোগ করিলেন।

জয়সিংহ তাঁহার পা ধরিয়া বলিলেন, “না না না প্রভু,—আপনি আমাকে ত্যাগ করিলেও আমি আপনাকে ত্যাগ করিতে পারি না। আমি রহিলাম—আপনার পদতলেই রহিলাম, আপনি যাহা ইচ্ছা করিবেন। আপনার পথ ছাড়া আমার অন্য পথ নাই।”

রঘুপতি তখন জয়সিংহকে আলিঙ্গন করিয়া ধরিলেন—তাঁহার অশ্রু প্রবাহিত হইয়া জয়সিংহের স্বর্কে পড়িতে লাগিল।

## ত্রয়োদশ পরিচ্ছেদ

মন্দিরে অনেক লোক জমা হইয়াছে। খুব কোলাহল উঠিয়াছে। রঘুপতি রুক্মশ্বরে সিজ্ঞাসা করিলেন, “তোমরা কী করিতে আসিয়াছ।”

তাহারা নানা কণ্ঠে বলিয়া উঠিল, “আমরা ঠাকরন দর্শন করিতে আসিয়াছি।”

রঘুপতি বলিয়া উঠিলেন, “ঠাকরন কোথায়। ঠাকরন এ রাজ্য থেকে চলে গেছেন। তোরা ঠাকরনকে রাখতে পারলি কই। তিনি চলে গেছেন।”

ভারি গোলমাল উঠিল—নানা দিক হইতে নানা কথা শুনা যাইতে লাগিল।

“সে কী কথা ঠাকুর।”

“আমরা কী অপরাধ করেছি ঠাকুর।”

“মা কি কিছুতেই প্রসন্ন হবেন না?”

“আমার ভাইপোর ব্যামো ছিল বলে আমি ক-দিন পূজো দিতে আসি নি।”  
( তার দৃঢ় বিশ্বাস, তাহারই উপেক্ষা সহিতে না পারিয়া দেবী দেশ ছাড়িতেছেন। )

“আমার পাঠা ছুটি ঠাকরনকে দেব মনে করেছিলুম, বিস্তর দূর বলে আসতে পারি নি।” ( ছোটো পাঠা দিতে দেরি করিয়া রাজ্যের যে একরূপ অমঙ্গল ঘটিল, ইহাই মনে করিয়া সে কাতর হইতেছিল। )

“গোবর্ধন যা মানত করেছিল তা মাকে দেয় নি বটে কিন্তু মাও তো তেমনি তাকে শান্তি দিয়েছেন। তার পিলে বেড়ে ঢাক হয়েছে, সে আজ ছ-মাস বিছানায় পড়ে।” ( গোবর্ধন তাহার প্রীহার আতিশয্য লইয়া চুলায় থাক, যা দেশে থাকুন— এইরূপ সে মনে মনে প্রার্থনা করিল। সকলেই অভাগা গোবর্ধনের প্রীহার প্রচুর উন্নতি কামনা করিতে লাগিল। )

ভিড়ের মধ্যে একটি দীর্ঘপ্রস্থ লোক ছিল, সে সকলকে ধমক দিয়া থামাইল

এবং রঘুপতিকে জোড়হস্তে কহিল, “ঠাকুর, মা কেন চলিয়া গেলেন, আমাদের কী অপরাধ হইয়াছিল।”

রঘুপতি কহিলেন, “তোরা মায়ের জন্ত এক ফোটা রক্ত দিতে পারিস নে, এই তো তোদের ভক্তি।”

সকলে চূপ করিয়া রহিল। অবশেষে কথা উঠিতে লাগিল। অম্পট স্বরে কেহ কেহ বলিতে লাগিল, “রাজার নিবেদ, আমরা কী করিব।”

জয়সিংহ প্রস্তরের পুস্তলিকার মতো স্থির হইয়া বসিয়াছিলেন। “মায়ের নিবেদ” এই কথা তড়িৎবেগে তাঁহার রসনাগ্রে উঠিয়াছিল—কিন্তু তিনি আপনাকে দমন করিলেন, একটি কথা কহিলেন না।

রঘুপতি তীব্রস্বরে বলিয়া উঠিলেন, “রাজা কে। মায়ের সিংহাসন কি রাজার সিংহাসনের নিচে। তবে এই মাতৃহীন দেশে তোদের রাজাকে লইয়াই তোরা থাক। দেখি তোদের কে রক্ষা করে।”

জনতার মধ্যে গুন গুন শব্দ উঠিল। সকলেই সাবধানে কথা কহিতে লাগিল।

রঘুপতি দাঁড়াইয়া উঠিয়া বলিলেন, “রাজাকেই বড়ো করিয়া লইয়া তোদের মাকে তোরা রাজ্য হইতে অপমান করিয়া বিদায় করিলি। স্থখে থাকিবি মনে করিস নে। আর তিন বৎসর পরে এত বড়ো রাজ্যে তোদের ভিটের চিহ্ন থাকিবে না—তোদের বংশে বাতি দিবার কেহ থাকিবে না।”

জনতার মধ্যে সাগরের গুন গুন শব্দ ক্রমশ ক্ষীণ হইয়া উঠিতে লাগিল। জনতাও ক্রমে বাড়িতেছে। সেই দীর্ঘ লোকটি জোড়হাত করিয়া রঘুপতিকে কহিল, “সম্মান যদি অপরাধ করে থাকে তবে মা তাকে শাস্তি দিন,—কিন্তু মা সম্মানকে একেবারে পরিত্যাগ করে যাবেন এ কি কখনো হয়। প্রভু, বলে দিন কী করলে মা কিরে আসবেন।”

রঘুপতি কহিলেন, “তোদের এই রাজা যখন এ রাজ্য হইতে বাহির হইয়া যাইবেন, মাও তখন এই রাজ্যে পুনর্বার পদার্পণ করিবেন।”

এই কথা শুনিয়া জনতার গুন গুন শব্দ হঠাৎ থামিয়া গেল। হঠাৎ চতুর্দিক স্তব্ধ হইয়া গেল, অবশেষে পরম্পর পরম্পরের মুখের দিকে চাহিতে লাগিল; কেহ সাহস করিয়া কথা কহিতে পারিল না।

রঘুপতি মেঘগম্ভীর স্বরে কহিলেন, “তবে তোরা দেখিবি! আর, আমার সঙ্গে আর। অনেক দূর হতে অনেক আশা করিয়া তোরা ঠাকুরনকে দর্শন করিতে আসিয়াছিস—চল এক বার মন্দিরে চল।”

সকলে সতয়ে মন্দিরের প্রাঙ্গণে আসিয়া সমবেত হইল। মন্দিরের দ্বার বন্ধ ছিল—রঘুপতি ধীরে ধীরে দ্বার খুলিয়া দিলেন।

কিয়ৎকণ কাহারও মুখে বাক্যফুঁতি হইল না। প্রতিমার মুখ দেখা যাইতেছে না, প্রতিমার পশ্চাঙ্গাগ কর্ণকের দিকে স্থাপিত। মা বিমুখ হইয়াছেন। সহসা জনতার মধ্য হইতে কন্দনধ্বনি উঠিল, “এক বার কিরে দাঁড়া মা। আমরা কী অপরাধ করেছি।” চারি দিকে “মা কোথায়, মা কোথায়” রব উঠিল। প্রতিমা পাষণ বলিয়াই ফিরিল না। অনেকে মূর্ছা গেল। ছেলেরা কিছু না বুঝিয়া কাঁদিয়া উঠিল। বুকেরা মাতৃহারা শিশুসন্তানের মতো কাঁদিতে লাগিল, “মা, ওমা।” স্ত্রীলোকদের ঘোমটা খুলিয়া গেল, অঞ্চল খসিয়া পড়িল, তাহারা বক্ষে করাঘাত করিতে লাগিল। যুবকেরা কম্পিত উর্ধ্বরে বলিতে লাগিল, “মা, তোকে আমরা ফিরিয়ে আনব—তোকে আমরা ছাড়ব না।” এক জন পাগল গাহিয়া উঠিল,

“মা আমার পাষণের মেয়ে.

সন্তানেরে দেখলি নে চেয়ে।”

মন্দিরের দ্বারে দাঁড়াইয়া সমস্ত রাজ্য যেন মা মা করিয়া বিলাপ করিতে লাগিল—কিন্তু প্রতিমা ফিরিল না। মধ্যাহ্নের সূর্য প্রথর হইয়া উঠিল, প্রাঙ্গণে উপবাসী জনতার বিলাপ থামিল না।

তখন জয়সিংহ কম্পিত পদে আসিয়া রঘুপতিকে কহিলেন, “প্রভু, আমি কি একটি কথাও কহিতে পাইব না।”

রঘুপতি কহিলেন, “না, একটি কথাও না।”

জয়সিংহ কহিলেন, “সন্দেহের কি কোনো কারণ নাই।”

রঘুপতি দৃঢ়স্বরে কহিলেন, “না।”

জয়সিংহ দৃঢ়স্বরে মুষ্টি বদ্ধ করিয়া কহিলেন, “সমস্তই কি বিশ্বাস করিব।”

রঘুপতি জয়সিংহকে স্তম্ভীত দৃষ্টিদ্বারা দৃষ্টি করিয়া কহিলেন, “হাঁ।”

জয়সিংহ বক্ষে হাত দিয়া কহিলেন, “আমার বক্ষ বিদীর্ণ হইয়া যাইতেছে।” তিনি জনতার মধ্য হইতে ছুটিয়া বাহির হইয়া গেলেন।

## চতুর্দশ পরিচ্ছেদ

তাহার পরদিন ২২শে আষাঢ়। আজ রাতে চতুর্দশ দেবতার পূজা। আজ প্রভাতে তালবনের আড়ালে সূর্য যখন উঠিতেছে, তখন পূর্ব দিকে মেঘ নাই। কনককিরণপ্রাবিত আনন্দমগ্ন কাননের মধ্যে গিয়া জয়সিংহ যখন বসিলেন তখন তাঁহার পুরাতন স্মৃতিসকল মনে উঠিতে লাগিল। এই বনের মধ্যে এই পাষণ-মন্দিরের পাষণ-সোপানাবলীর মধ্যে, এই গোমতী-তীরে সেই বৃহৎ বটের ছায়ায়, সেই ছায়া-দিয়া-ঘেরা পুকুরের ধারে তাঁহার বাল্যকাল স্নমধুর স্বপ্নের মতো মনে পড়িতে লাগিল। যে সকল মধুর দৃশ্য তাঁহার বাল্যকালকে স্নেহে ঘিরিয়া থাকিত তাহারা আজ হাসিতেছে, তাঁহাকে আবার আহ্বান করিতেছে, কিন্তু তাঁহার মন বলিতেছে, “আমি যাত্রা করিয়া বাহির হইয়াছি, আমি বিদায় লইয়াছি, আমি আর ফিরিব না।” শ্বেত পাষণের মন্দিরের উপর সূর্যকিরণ পড়িয়াছে এবং তাহার বাম দিকের ভিত্তিতে বকুলশাখার কম্পিত ছায়া পড়িয়াছে। ছেলেবেলায় এই পাষণ-মন্দিরকে যেমন সচেতন বোধ হইত—এই সোপানের মধ্যে একলা বসিয়া যখন খেলা করিতেন, তখন এই সোপানগুলির মধ্যে যেমন সঙ্গ পাইতেন, আজ প্রভাতের সূর্যকিরণে মন্দিরকে তেমনি সচেতন, তাহার সোপানগুলিকে তেমনি শৈশবের চক্ষে দেখিতে লাগিলেন; মন্দিরের ভিতরে মাকে আঙ্গ আবার মা বলিয়া মনে হইতে লাগিল। কিন্তু অভিমানে তাঁহার হৃদয় পুরিয়া গেল, তাঁহার ছুই চক্ষু ভাসিয়া জল পড়িতে লাগিল।

রঘুপতিকে আসিতে দেখিয়া জয়সিংহ চোখের জল মুছিয়া ফেলিলেন। গুরুকে প্রণাম করিয়া দাঁড়াইলেন। রঘুপতি কহিলেন, “আজ পূজার দিন। মায়ের চরণ স্পর্শ করিয়া কী শপথ করিয়াছিলে মনে আছে?”

জয়সিংহ কহিলেন, “আছে।”

রঘুপতি। “শপথ পালন করিবে তো?”

জয়সিংহ। “হাঁ।”

রঘুপতি। “দেখিও বৎস, সাবধানে কাজ করিও। বিপদের আশঙ্কা আছে। আমি তোমাকে রক্ষা করিবার জন্যই :প্রজাদিগকে রাজার বিরুদ্ধে উত্তেজিত করিয়াছি।”

জয়সিংহ চূপ করিয়া রঘুপতির মুখের দিকে চাহিয়া রহিলেন, কিছুই উত্তর

করিলেন না ; রঘুপতি তাঁহার মাথায় হাত দিয়া বলিলেন, “আমার আশীর্বাদে নির্বিঘ্নে তুমি তোমার কার্য সাধন করিতে পারিবে, মায়ের আদেশ পালন করিতে পারিবে।” এই বলিয়া চলিয়া গেলেন।

অপরাত্রে একটি ঘরে বসিয়া রাজা ক্রবের সহিত খেলা করিতেছেন। ক্রবের আদেশমতে এক বার মাথায় মুকুট খুলিতেছেন এক বার পরিত্যাগ করিতেছেন, ক্রব মহারাজের এই দুর্দশা দেখিয়া হাসিয়া অস্থির হইতেছে। রাজা ঈষৎ হাসিয়া বলিলেন, “আমি অভ্যাস করিতেছি। তাঁহার আদেশে এ মুকুট যেন সহজে পরিত্যাগ পারি, তাঁহার আদেশে এ মুকুট যেন তেমনি সহজে খুলিতে পারি। মুকুট পরা শক্ত কিন্তু মুকুট ত্যাগ করা আরও কঠিন।”

ক্রবের মনে সহসা একটা ভাবোদয় হইল—কিয়ৎক্ষণ রাজার মুখের দিকে চাহিয়া মুখে আঙুল দিয়া বলিল, “তুমি আজ্ঞা।” রাজা শব্দ হইতে “র” অক্ষর একেবারে সমূলে লোপ করিয়া দিয়াও ক্রবের মনে কিছুমাত্র অনুতাপের উদয় হইল না। রাজার মুখের সামনে রাজাকে আজ্ঞা বলিয়া সে সম্পূর্ণ আত্মপ্রসাদ লাভ করিল।

রাজা ক্রবের এই ধৃষ্টতা সহ্য করিতে না পারিয়া বলিলেন, “তুমি আজ্ঞা।”

ক্রব বলিল, “তুমি আজ্ঞা।”

এ বিষয়ে তর্কের শেষ হইল না। কোনো পক্ষে কোনো প্রমাণ নাই, তর্ক কেবলই গায়ের জোরে অবশেষে রাজা নিজের মুকুট লইয়া ক্রবের মাথায় চড়াইয়া দিলেন। তখন ক্রবের আর কথাটি কহিবার জো রহিল না, সম্পূর্ণ হার হইল। ক্রবের মুখের আধখানা সেই মুকুটের নিচে ডুবিয়া গেল। মুকুটসমেত মস্ত মাথা ছুলাইয়া ক্রব মুকুটহীন রাজার প্রতি আদেশ করিল, “একটা গল্প বলো।”

রাজা বলিলেন, “কী গল্প বলিব।”

ক্রব কহিল, “দিদির গল্প বলো।” গল্পমাত্রকেই ক্রব দিদির গল্প বলিয়া জানিত। সে জানিত, দিদি যে সকল গল্প বলিত তাহা ছাড়া পৃথিবীতে আর গল্প নাই।

রাজা তখন মস্ত এক পৌরাণিক গল্প ফাঁদিয়া বসিলেন। তিনি বলিতে লাগিলেন, “হিরণ্যকশিপু নামে এক রাজা ছিল।”

রাজা শুনিয়া ক্রব বলিয়া উঠিল, “আমি আজ্ঞা।” মস্ত চিলে মুকুটের জোরে হিরণ্যকশিপুর রাজপদ সে একেবারে অগ্রাহ্য করিল।

চাটুভাবী সভাসদের জায় গোবিন্দমাণিক্য সেই কিরীটি শিশুকে সন্তুষ্ট করিবার জন্য বলিলেন, “তুমিও আজ্ঞা, সেও আজ্ঞা।”

ক্রব তাহাতেও হৃৎপট অসম্মতি প্রকাশ করিয়া বলিল, “না, আমি আজ্ঞা।”

অবশেষে মহারাজ যখন বলিলেন, “হিরণ্যকশিপু আজ্ঞা নয়, সে আকস” তখন ঋব তাহাতে আপত্তি করিবার কিছুই দেখিল না।

এমন সময় নক্ষত্র রায় গৃহে প্রবেশ করিলেন—কহিলেন, “শুনিলাম রাজকার্যোপলক্ষ্যে মহারাজ আমাকে ডাকিয়াছেন। আদেশের অন্ত প্রতীক্ষা করিতেছি।”

রাজা কহিলেন, আর একটু অপেক্ষা করো গল্পটা শেষ করিয়া লই।” বলিয়া গল্পটা সমস্ত শেষ করিলেন। “আকস ছুঁ” —গল্প শুনিয়া সংক্ষেপে ঋব এইরূপ মত প্রকাশ করিল।

ঋবের মাথায় মুকুট দেখিয়া নক্ষত্র রায়ের ভালো লাগে নাই। ঋব যখন দেখিল নক্ষত্র রায়ের দৃষ্টি তাহার দিকে স্থাপিত রহিয়াছে, তখন সে নক্ষত্র রায়কে গম্ভীরভাবে জানাইয়া দিল, “আমি আজ্ঞা।”

নক্ষত্র বলিলেন, “ছি, ও কথা বলিতে নাই।” বলিয়া ঋবের মাথা হইতে মুকুট তুলিয়া লইয়া রাজার হাতে দিতে উদ্যত হইলেন। ঋব মুকুট-হরণের সম্ভাবনা দেখিয়া সত্যকার রাজাদের মতো চীৎকার করিয়া উঠিল। গোবিন্দমাণিক্য তাহাকে এই আসন্ন বিপদ হইতে উদ্ধার করিলেন, নক্ষত্রকে নিবারণ করিলেন।

অবশেষে গোবিন্দমাণিক্য নক্ষত্র রায়কে কহিলেন, “শুনিয়াছি রঘুপতি ঠাকুর অসং উপায়ে প্রজাদের অসন্তোষ উদ্বেক করিয়া দিতেছেন। তুমি স্বয়ং নগরের মধ্যে গিয়া এ বিষয়ে তদারক করিয়া আসিবে এবং সত্যমিথ্যা অবধারণ করিয়া আমাকে জানাইবে।”

নক্ষত্র রায় কহিলেন, “যে আজ্ঞে” বলিয়া চলিয়া গেলেন কিন্তু ঋবের মাথায় মুকুট তাহার কিছুতেই ভালো লাগিল না।

প্রহরী আসিয়া কহিল, “পুরোহিত ঠাকুরের সেবক জয়সিংহ সাক্ষাৎ প্রার্থনার দ্বারে দাঁড়াইয়া।”

রাজা তাহাকে প্রবেশের অমুমতি দিলেন।

জয়সিংহ মহারাজকে প্রণাম করিয়া করজোড়ে কহিলেন, “মহারাজ, আমি বহুদূরদেশে চলিয়া যাইতেছি। আপনি আমার রাজা, আমার গুরু, আপনার আশীর্বাদ লইতে আসিয়াছি।”

রাজা জিজ্ঞাসা করিলেন, “কোথায় যাইবে জয়সিংহ।”

জয়সিংহ কহিলেন, “জানি না মহারাজ, কোথায় তাহা কেহ বলিতে পারে না।” রাজা কথা কহিতে উদ্যত দেখিয়া জয়সিংহ কহিলেন, “নিষেধ করিবেন না মহারাজ। আপনি নিষেধ করিলে আমার যাত্রা শুভ হইবে না; আশীর্বাদ করুন, এখানে



আমার যে সকল সংশয় ছিল, সেখানে যেন সে সকল সংশয় দূর হইয়া যায়। এখনকার মেঘ সেখানে যেন কাটিয়া যায়। যেন আপনার মতো রাজার রাজস্বে যাই, যেন শান্তি পাই।”

রাজা ভিজ্ঞাসা করিলেন, “কবে যাইবে।”

জয়সিংহ কহিলেন, “আজ সন্ধ্যাকালে। অধিক সময় নাই মহারাজ, আজ আমি তবে বিদায় হই।” বলিয়া রাজাকে প্রণাম করিয়া রাজার পদধূলি লইলেন, রাজার চরণে দুই ফোটা অশ্রু পড়িল।

জয়সিংহ উঠিয়া যখন যাইতে উদ্যত হইলেন তখন ঋষ ধীরে ধীরে গিয়া তাঁহার কাপড় টানিয়া কহিল, “তুমি যেয়ো না।”

জয়সিংহ হাসিয়া ফিরিয়া দাঁড়াইলেন, ঋষকে কোলে তুলিয়া লইয়া তাহাকে চুষন করিয়া কহিলেন, “কার কাছে থাকিব বৎস। আমার কে আছে।”

ঋষ কহিল, “আমি আজ।”

জয়সিংহ কহিলেন, “তোমরা রাজার রাজা, তোমরাই সকলকে বন্দী করিয়া রাখিয়াছ।” ঋষকে কোল হইতে নামাইয়া জয়সিংহ গৃহ হইতে বাহির হইয়া গেলেন। মহারাজ গভীরমুখে অনেক কণ ধরিয়া ভাবিতে লাগিলেন।

## পঞ্চদশ পরিচ্ছেদ

চতুর্দশ তিথি। যেষণ করিয়াছে, চাঁদও উঠিয়াছে। আকাশের কোথাও আলো কোথাও অন্ধকার। কখনো চাঁদ বাহির হইতেছে, কখনো চাঁদ লুকাইতেছে। গোমতী-তীরের অরণ্যগুলি চাঁদের দিকে চাহিয়া তাহাদের গভীর অন্ধকারাশির মর্মভেদ করিয়া মাঝে মাঝে নিঃশ্বাস ফেলিতেছে।

আজ রাত্রে পথে লোক বাহির হওয়া নিষেধ। রাত্রে পথে লোক কেই বা বাহির হয়। কিন্তু নিষেধ আছে বলিয়া পথের বিজনতা আজ আরও গভীর বোধ হইতেছে। নগরবাসীরা সকলেই আপনার ঘরের দীপ নিবাইয়া দ্বার রুদ্ধ করিয়া দিয়াছে। পথে একটি প্রহরী নাই। চোরও আজ পথে বাহির হয় না। যাহারা শ্রমশানে শব্দাহ করিতে যাইবে তাহারা মৃতদেহ ঘরে লইয়া প্রভাতের অল্প প্রতীক্য করিয়া আছে। ঘরে যাহাদের সন্তান মৃগুর্ তাহারা বৈষ্ণু ভাবিতে বাহির হয়

না। যে-ভিক্ষুক পথপ্রান্তে বৃক্ষতলে শয়ন করিত, সে আজ গৃহস্থের গোশালার আশ্রয় লইয়াছে।

সে রাত্রে শৃগাল-কুকুর নগরের পথে পথে বিচরণ করিতেছে, দুই-একটা চিতাবাঘ গৃহস্থের ঘরের কাছে আসিয়া উকি মারিতেছে। মানুষের মধ্যে কেবল এক জন মাত্র আজ গৃহের বাহিরে আছে—আর মানুষ নাই। সে একখানা ছুরি লইয়া নদীতীরে পাথরের উপর শান দিতেছে, এবং অশ্রুমনস্ক হইয়া কী ভাবিতেছে। ছুরির ধার যথেষ্ট ছিল, কিন্তু সে বোধ করি ছুরির সঙ্গে সঙ্গে ভাবনাতেও শান দিতেছিল, তাই তার শান দেওয়া আর শেষ হইতেছিল না। প্রস্তরের ঘর্ষণে তীক্ষ্ণ ছুরি হিস হিস শব্দ করিয়া হিংসার লালসায় তপ্ত হইয়া উঠিতেছিল। অন্ধকারের মধ্যে অন্ধকার নদী বহিয়া যাইতেছিল। জগতের উপর দিয়া অন্ধকার রজনীর গ্রহর বহিয়া যাইতেছিল। আকাশের উপর দিয়া অন্ধকার ঘনমেঘের স্রোত ভাসিয়া যাইতেছিল।

অবশেষে যখন মূলধারে বৃষ্টি পড়িতে আরম্ভ হইল, তখন জয়সিংহের চেতনা হইল। তপ্ত ছুরি খাপের মধ্যে পুরিয়া উঠিয়া দাঁড়াইলেন। পূজার সময় নিকটবর্তী হইয়াছে। তাঁহার শপথের কথা মনে পড়িয়াছে। আর এক দণ্ডও বিলম্ব করিলে চলিবে না।

মন্দির আজ সহস্র দীপে আলোকিত। ত্রয়োদশ দেবতার মাঝখানে কালী দাঁড়াইয়া নররক্তের জন্ত জিহ্বা মেলিয়াছেন। মন্দিরের সেবকদিগকে বিদায় করিয়া দিয়া চতুর্দশ দেবপ্রতিমা সম্মুখে করিয়া রঘুপতি একাকী মন্দিরে বসিয়া আছেন। তাঁহার সম্মুখে এক দীর্ঘ খাঁড়া। উলঙ্গ উজ্জ্বল খড়্গ দীপালোকে বিভাসিত হইয়া স্থির বস্তুর ন্যায় দেবীর আদেশের জন্ত অপেক্ষা করিয়া আছে।

অর্ধরাত্রে পূজা। সময় নিকটবর্তী। রঘুপতি অত্যন্ত অস্থির চিন্তে জয়সিংহের জন্ত অপেক্ষা করিয়া আছেন। সহসা ঝড়ের মতো বাতাস উঠিয়া মূলধারে বৃষ্টি পড়িতে আরম্ভ হইল। বাতাসে মন্দিরের সহস্র দীপশিখা কাপিতে লাগিল, উলঙ্গ খড়্গের উপর বিদ্যুৎ খেলিতে লাগিল। চতুর্দশ দেবতা এবং রঘুপতির ছায়া যেন জীবন পাইয়া দীপশিখার নৃত্যের তালে তালে মন্দিরের ভিত্তিময় নাচিতে লাগিল। একটা নরকপাল ঝড়ের বাতাসে ঘরময় গড়াইতে লাগিল। মন্দিরের মধ্যে দুইটা চামচিকা আসিয়া শুষ্ক পত্রের মতো ক্রমাগত উড়িয়া বেড়াইতে লাগিল—দেয়ালে তাহাদের ছায়া উড়িতে লাগিল।

দ্বিপ্রহর হইল। প্রথমে নিকটে পরে দূর দূরান্তরে শৃগাল ডাকিয়া উঠিল।

ঋড়ের বাতাসও তাহাদের সঙ্গে মিশিয়া হু হু করিয়া কাঁদিতে লাগিল। পূজার সময় আসিয়াছে। রঘুপতি অমঙ্গল-আশঙ্কায় অত্যন্ত চঞ্চল হইয়া উঠিয়াছেন।

এমন সময় জীবন্ত বড়বৃষ্টিবিদ্যাতের মতো জয়সিংহ নিশীথের অঙ্ককারের মধ্য হইতে সহসা মন্দিরের আলোকের মধ্যে প্রবেশ করিলেন। দীর্ঘ চাদরে দেহ আচ্ছাদিত, সর্বাঙ্গ বাহিয়া বৃষ্টিধারা পড়িতেছে, নিখাস বেগে বহিতেছে, চক্ষুতারকায় অগ্নিকণা জলিতেছে।

রঘুপতি তাঁহাকে ধরিয়া কানের কাছে মুখ দিয়া কহিলেন, “রাজরক্ত আনিয়াছ ?”

জয়সিংহ তাঁহার হাত ছাড়াইয়া উচ্চস্বরে কহিলেন, “আনিয়াছি। রাজরক্ত আনিয়াছি। আপনি সরিয়া দাঁড়ান, আমি দেবীকে নিবেদন করি।” শব্দে মন্দির কাঁপিয়া উঠিল।

কালীর প্রতিমার সম্মুখে দাঁড়াইয়া বলিতে লাগিলেন “সত্যই কি তবে তুই সন্তানের রক্ত চাস মা। রাজরক্ত নহিলে তোর তৃষা মিটিবে না। জন্মাবধি আমি তোকেই মা বলিয়া আসিয়াছি, আমি তোরই সেবা করিয়াছি, আমি আর কাহারও দিকে চাই নাই, আমার জীবনের আর কোনো উদ্দেশ্য ছিল না। আমি রাজপুত্র, আমি ক্ষত্রিয়, আমার প্রপিতামহ রাজা ছিলেন, আমার মাতামহবংশীয়েয়া আজও রাজত্ব করিতেছেন। এই নে তবে তোর সন্তানের রক্ত, তোর রাজরক্ত এই নে।” গাত্র হইতে চাদর পড়িয়া গেল। কটিবন্ধ হইতে ছুরি বাহির করিলেন—বিছাৎ নাচিয়া উঠিল—চকিতের মধ্যে সেই ছুরি আমূল তাঁহার হৃদয়ে নিহিত করিলেন, মরণের তীক্ষ্ণ জিহ্বা তাঁহার বক্ষে বিদ্ধ হইল। প্রতিমার পদতলে পড়িয়া গেলেন; পাষণ্ড-প্রতিমা বিচলিত হইল না।

রঘুপতি চীৎকার করিয়া উঠিলেন—জয়সিংহকে তুলিবার চেষ্টা করিলেন, তুলিতে পারিলেন না। তাঁহার মৃতদেহের উপর পড়িয়া রহিলেন। রক্ত গড়াইয়া মন্দিরের খেত প্রস্তরের উপর প্রবাহিত হইতে লাগিল। ক্রমে দীপগুলি একে একে নিবিয়া গেল। অঙ্ককারের মধ্যে সমস্ত রাত্রি একটি প্রাণীর নিঃশ্বাসের শব্দ শোনা গেল। রাত্রি তৃতীয় প্রহরের সময় বড় খামিয়া চারিদিক নিস্তব্ধ হইয়া গেল। রাত্রি চতুর্থ প্রহরের সময় মেঘের ছিত্র দিয়া চন্দ্রালোক মন্দিরের মধ্যে প্রবেশ করিল। চন্দ্রালোক জয়সিংহের পাণ্ডুবর্ণ মুখের উপর পড়িল, চতুর্দশ দেবতা শিয়রে দাঁড়াইয়া তাহাই দেখিতে লাগিল। প্রভাতে বন হইতে বধন পাখি ডাকিয়া উঠিল, তখন রঘুপতি মৃতদেহ ছাড়িয়া উঠিয়া গেলেন।

## ষোড়শ পরিচ্ছেদ

রাজার আদেশমতো প্রজাদের অসন্তোষের কারণ অহুসঙ্কানের জন্ত নরুত্র রায় স্বয়ং প্রাতঃকালে বাহির হইয়াছেন। তাঁহার ভাবনা হইতে লাগিল, মন্দিরে কী করিয়া যাই। রঘুপতি সম্মুখে পড়িলে তিনি কেমন অস্থির হইয়া পড়েন, আত্মসংবরণ করিতে পারেন না। রঘুপতির সম্মুখে পড়িতে তাঁহার সম্পূর্ণ অনিচ্ছা। এই জন্ত তিনি স্থির করিয়াছেন, রঘুপতির দৃষ্টি এড়াইয়া গোপনে জয়সিংহের কক্ষে গিয়া তাঁহার নিকট হইতে সবিশেষ বিবরণ অবগত হইতে পারিবেন।

নরুত্র রায় ধীরে ধীরে জয়সিংহের কক্ষে প্রবেশ করিলেন। প্রবেশ করিয়াই মনে করিলেন, ফিরিতে পারিলে বাঁচি। দেখিলেন জয়সিংহের পুঁথি, তাঁহার বসন, তাঁহার গৃহসজ্জা চারি দিকে ছড়ানো রহিয়াছে, মাঝখানে রঘুপতি বসিয়া। জয়সিংহ নাই। রঘুপতির লোহিত চক্ষু অন্ধারের ত্যায় জলিতেছে, তাঁহার কেশপাশ বিশৃঙ্খল। তিনি নরুত্র রায়কে দেখিয়াই দৃঢ় মুষ্টিতে তাঁহার হাত ধরিলেন। বলপূর্বক তাঁহাকে মাটিতে বসাইলেন। নরুত্র রায়ের প্রাণ উড়িয়া গেল। রঘুপতি তাঁহার অঙ্গার-নয়নে নরুত্র রায়ের মর্মস্থান পর্যন্ত দৃষ্টি করিয়া পাগলের মতো বলিলেন, “রক্ত কোথায়।” নরুত্র রায়ের হৃৎপিণ্ডে রক্তের তরঙ্গ উঠিতে লাগিল, মুখ দিয়া কথা সরিল না।

রঘুপতি উচ্চস্বরে বলিলেন, “তোমায় প্রতিজ্ঞা কোথায়। রক্ত কোথায়।”

নরুত্র রায় হাত নাড়িলেন, পা নাড়িলেন, বামে সরিয়া বসিলেন, কাপড়ের প্রান্ত ধরিয়া টানিতে লাগিলেন—তাঁহার ঘর্ম বহিতে লাগিল, তিনি শুকমুখে বলিলেন, “ঠাকুর—”

রঘুপতি কহিলেন, “এবার মা যে স্বয়ং খড়গ তুলিয়াছেন, এবার চারি দিকে যে রক্তের স্রোত বহিতে থাকিবে—এবার তোমাদের বংশে এক কোঁটা রক্ত যে থাকি থাকিবে না। তখন দেখিব নরুত্র রায়ের ভ্রাতৃস্নেহ।”

“ভ্রাতৃস্নেহ। হাঃ হাঃ হাঃ। ঠাকুর”—নরুত্র রায়ের হাসি আর বাহির হইল না, গলা শুকাইয়া গেল।

রঘুপতি কহিলেন, “আমি গোবিন্দমাণিক্যের রক্ত চাই না। পৃথিবীতে গোবিন্দমাণিক্যের যে প্রাণের অপেক্ষা প্রিয়, আমি তাহাকেই চাই। তাহার রক্ত লইয়া আমি গোবিন্দমাণিক্যের গায়ে মাখাইতে চাই—তাহার বক্ষস্থল রক্তবর্ণ হইয়া যাইবে—সে রক্তের চিহ্ন কিছুতেই মুছিবে না। এই দেখো—চাহিয়া দেখো।”

বলিয়া উত্তরীর মোচন করিলেন, তাঁহার দেহ রক্তে লিপ্ত, তাঁহার বক্ষদেশে স্থানে স্থানে রক্ত জমিয়া আছে।

নক্ষত্র রায় শিহরিয়া উঠিলেন। তাঁহার হাত-পা কাঁপিতে লাগিল। রঘুপতি বহুমুষ্টিতে নক্ষত্র রায়ের হাত চাপিয়া ধরিয়া বলিলেন, “সে কে? কে গোবিন্দ-মাণিক্যের প্রাণের অপেক্ষা প্রিয়। কে চলিয়া গেলে গোবিন্দমাণিক্যের চক্ষে পৃথিবী শ্মশান হইয়া যাইবে, তাঁহার জীবনের উদ্দেশ্য চলিয়া যাইবে। সকালে শয্যা হইতে উঠিয়াই কাহার মুখ তাঁহার মনে পড়ে, কাহার স্মৃতি স্নেহ করিয়া তিনি রাজ্যে শয়ন করিতে যান, তাঁহার হৃদয়ের নীড় পরিপূর্ণ করিয়া কে বিরাজ করিতেছে। সে কে? সে কি তুমি?” বলিয়া, ব্যাত্ৰ লক্ষ দিবার পূর্বে কম্পিত হরিণশিঙুর দিকে যেমন একদৃষ্টিতে চায়, রঘুপতি তেমনি নক্ষত্রের দিকে চাহিলেন।

নক্ষত্র রায় তাড়াতাড়ি বলিয়া উঠিলেন, “না, আমি না।” কিন্তু কিছুতেই রঘুপতির মুষ্টি ছাড়াইতে পারিলেন না।

রঘুপতি বলিলেন, “তবে বলো সে কে?”

নক্ষত্র রায় বলিয়া ফেলিলেন, “সে ক্রব।”

রঘুপতি বলিলেন, “ক্রব কে।”

নক্ষত্র রায়। “সে একটি শিশু—”

রঘুপতি বলিলেন, “আমি জানি, তাহাকে জানি। রাজ্যের নিজের সম্ভান নাই, তাহাকেই সম্ভানের মতো পালন করিতেছেন। নিজের সম্ভানকে লোকে কেমন ভালোবাসে জানি না, কিন্তু পালিত সম্ভানকে প্রাণের চেয়ে ভালোবাসে তাহা জানি। আপনার সমুদয় সম্পদের চেয়ে তাহার সুখ রাজ্যের বেশি মনে হয়। আপনার মাথায় মুকুটের চেয়ে তাহার মাথায় মুকুট দেখিলে রাজ্যের বেশি আনন্দ হয়।”

নক্ষত্র রায় আশ্চর্য হইয়া বলিয়া উঠিলেন, “ঠিক কথা।”

রঘুপতি কহিলেন, “ঠিক কথা নয় তো কী। রাজা তাহাকে কতখানি ভালোবাসেন তাহা কি আমি জানি না। আমি কি বুঝিতে পারি না। আমিও তাহাকে চাই।”

নক্ষত্র রায় হাঁ করিয়া রঘুপতির দিকে চাহিয়া রহিলেন। আপন মনে বলিলেন, “তাহাকেই চাই।”

রঘুপতি কহিলেন, “তাহাকে আনিতেই হইবে—আজই আনিতে হইবে—আজ রাজ্যেই চাই।” নক্ষত্র রায় প্রতিধ্বনির মতো কহিলেন, “আজ রাজ্যেই চাই!”

নক্ষত্র রায়ের মুখের দিকে কিছু কণ চাহিয়া গলার স্বর নামাইয়া রঘুপতি বলিলেন,

“এই শিশুই তোমার শত্রু, তাহা জান? তুমি রাজবংশে জন্মিয়াছ—কোথাকার এক অজ্ঞাতকুলশীল শিশু তোমার মাথা হইতে মুকুট কাড়িয়া লইতে আসিয়াছে তাহা কি জান? যে সিংহাসন তোমার জন্ত অপেক্ষা করিতেছিল, সেই সিংহাসনে তাহার জন্ত স্থান নির্দিষ্ট হইয়াছে তাহা কি ছুটো চক্ষু থাকিতে দেখিতে পাইতেছ না।”

নক্ষত্র রায়ের কাছে এ সকল কথা নূতন নহে। তিনিও পূর্বে এইরূপ ভাবিয়া-ছিলেন। সগর্বে বলিলেন, “তা কি আর বলিতে হইবে ঠাকুর। আমি কি আর এইটে দেখিতে পাই না।”

রঘুপতি কহিলেন, “তবে আর কী। তবে আমাকে আনিয়া দাও। তোমার সিংহাসনের বাধা দূর করি। এই ক-টা প্রহর কোনোমতে কাটিবে, তার পর—তুমি কখন আনিবে?”

নক্ষত্র রায়। “আজ সন্ধ্যাবেলায়—অন্ধকার হইলে।”

পইতা স্পর্শ করিয়া রঘুপতি বলিলেন, “যদি না আনিতে পার তো ব্রাহ্মণের অভিশাপ লাগিবে। তা হইলে, যে মুখে তুমি প্রতিজ্ঞা উচ্চারণ করিয়া পালন না কর, ত্রিরাত্রি না পোহাইতে সেই মুখের মাংস শকুনি ছিঁড়িয়া ছিঁড়িয়া খাইবে।”

শুনিয়া নক্ষত্র রায় চমকিয়া মুখে হাত বুলাইলেন—কোমল মাংসের উপরে শকুনির চঞ্চুপাত কল্পনা তাঁহার নিতান্ত দুঃসহ বোধ হইল। রঘুপতিকে প্রণাম করিয়া তিনি তাড়াতাড়ি বিদায় লইলেন। সে-ঘর হইতে আলোক বাতাস ও জনকোলাহলের মধ্যে গিয়া নক্ষত্র রায় পুনর্জীবন লাভ করিলেন।

## সপ্তদশ পরিচ্ছেদ

সেই দিন সন্ধ্যাবেলায় নক্ষত্র রায়কে দেখিয়া ঋব “কাকা” বলিয়া ছুটিয়া আসিল, দুটি ছোটো হাতে তাঁহার গলা জড়াইয়া তাঁহার কপোলে কপোল দিয়া মুখের কাছে মুখ রাখিল। চুপি চুপি বলিল, “কাকা।”

নক্ষত্র কহিলেন, “ছি, ও-কথা ব’লো না, আমি তোমার কাকা না।”

ঋব তাঁহাকে এতকাল বরাবর কাকা বলিয়া আসিতেছিল, আজ সহসা বারণ শুনিয়া সে ভারি আশ্চর্য হইয়া গেল। গম্ভীর মুখে কিছুক্ষণ চুপ করিয়া বসিয়া রহিল—তার পরে নক্ষত্রের মুখের দিকে বড়ো বড়ো চোখ তুলিয়া জিজ্ঞাসা করিল, “তুমি কে।”

নক্ষত্র রায় কহিলেন, “আমি তোমার কাকা নই।

শুনিয়া সহসা ঋবের অত্যন্ত হাসি পাইল—এত বড়ো অসম্ভব কথা সে ইতিপূর্বে

আর কখনো শুনে নাই—সে হাসিয়া বলিল, “তুমি কাকা।” নক্ষত্র যত নিবেদন করিতে লাগিলেন, সে ততই বলিতে লাগিল, “তুমি কাকা। তাহার হাসিও ততই বাড়িতে লাগিল। সে নক্ষত্র রায়কে কাকা বলিয়া খেপাইতে লাগিল। নক্ষত্র বলিলেন, “ঋব, তোমার দিদিকে দেখিতে যাইবে?”

ঋব তাড়াতাড়ি নক্ষত্রের গলা ছাড়িয়া দাঁড়াইয়া উঠিয়া বলিল, “দিদি কোথায়?”

নক্ষত্র বলিলেন, “মায়ের কাছে।”

ঋব কহিল, “মা কোথায়?”

নক্ষত্র। “মা আছেন এক জায়গায়। আমি সেখানে তোমাকে নিয়ে যেতে পারি।”

ঋব হাততালি দিয়া জিজ্ঞাসা করিল, “কখন নিয়ে যাবে কাকা।”

নক্ষত্র। “এখন।”

ঋব আনন্দে চীৎকার করিয়া উঠিয়া সজোরে নক্ষত্রের গলা জড়াইয়া ধরিল; নক্ষত্র তাহাকে কোলে তুলিয়া লইয়া চাদরে আচ্ছাদন করিয়া গুপ্ত দ্বার দিয়া বাহির হইয়া গেলেন।

আজ রাত্রেও পথে লোক বাহির হওয়া নিষেধ। এই জন্ত পথে গ্রহরী নাই। আকাশে পূর্ণচন্দ্র।

মন্দিরে গিয়া নক্ষত্র রায় ঋবকে রঘুপতির হাতে সমর্পণ করিতে উদ্বৃত্ত হইলেন। রঘুপতিকে দেখিয়া ঋব সবলে নক্ষত্র রায়কে জড়াইয়া ধরিল, কোনোমতে ছাড়িতে চাহিল না। রঘুপতি তাহাকে বলপূর্বক কাড়িয়া লইলেন। ঋব “কাকা” বলিয়া কাদিয়া উঠিল। নক্ষত্র রায়ের চক্ষে জল আসিল—কিন্তু রঘুপতির কাছে এই ক্ষম্যের দুর্বলতা দেখাইতে তাহার নিতান্ত লজ্জা করিতে লাগিল। তিনি ভান করিলেন যেন তিনি পাষাণে গঠিত। তখন ঋব কাদিয়া কাদিয়া “দিদি” “দিদি” বলিয়া ডাকিতে লাগিল, দিদি আসিল না। রঘুপতি বজ্রস্বরে এক ধমক দিয়া উঠিলেন। ভয়ে ঋবের কান্না থামিয়া গেল। কেবল তাহার কান্না ফাটিয়া ফাটিয়া বাহির হইতে লাগিল। চতুর্দশ দেবমূর্তি চাহিয়া রহিল।

গোবিন্দমায়িক্য নিশীথে স্বপ্নে ক্রন্দন শুনিয়া আগিয়া উঠিলেন। সহসা শুনিতে পাইলেন, তাহার বাতায়নের নিচে হইতে কে কাতরস্বরে ডাকিতেছে, “মহারাজ—মহারাজ।”

রাজা সত্বর উঠিয়া গিয়া চন্দ্রালোকে দেখিতে পাইলেন, ঋবের পিতৃব্য কেদারেশ্বর। জিজ্ঞাসা করিলেন, “কী হইয়াছে?”

কেদারেশ্বর কহিলেন, “মহারাজ, আমার ঋব কোথায়।”

রাজা কহিলেন, “কেন, তাহার শয্যাতে নাই?”

“না।”

কেদারেশ্বর বলিতে লাগিলেন, “অপরাক্ত হইতে ক্রবকে না দেখিতে পাওয়ার জিজ্ঞাসা করাতে যুবরাজ নরকর রায়ের ভৃত্য কহিল, ‘ক্রব অস্তঃপুরে যুবরাজের কাছে আছে।’ শুনিয়া আমি নিশ্চিত ছিলাম। অনেক রাত হইতে দেখিয়া আমার আশঙ্কা জন্মিল—অনুসন্ধান করিয়া জানিলাম, যুবরাজ নরকর রায়ের প্রাসাদে নাই। আমি মহারাজের সহিত সাক্ষাৎ প্রার্থনার জন্ত অনেক চেষ্টা করিয়াছিলাম, কিন্তু প্রহরীরা কিছুতেই আমার কথা গ্রাহ্য করিল না—এই জন্ত বাতায়নের নিচে হইতে মহারাজকে ডাকিয়াছি, আপনার নিদ্রাভঙ্গ করিয়াছি, আমার এই অপরাধ মার্জনা করিবেন।”

রাজার মনে একটা ভাব বিদ্যাতের মতো চমকিয়া উঠিল। তিনি চারি জন প্রহরীকে ডাকিলেন, কহিলেন, “সশস্ত্রে আমার অনুসরণ করো।”

এক জন কহিল, “মহারাজ, আজ রাত্রে পথে বাহির হওয়া নিষেধ।”

রাজা কহিলেন, “আমি আদেশ করিতেছি।”

কেদারেশ্বর সঙ্গে যাইতে উত্তত হইলেন, রাজা তাঁহাকে ফিরিয়া যাইতে কহিলেন।

বিজন পথে চন্দ্রালোকে রাজা মন্দিরাভিমুখে চলিলেন।

মন্দিরের দ্বার যখন সহসা খুলিয়া গেল, দেখা গেল খড়্গ সন্মুখে করিয়া নরকর এবং রঘুপতি মদ্যপান করিতেছেন। আলোক অধিক নাই, একটি নীপ জলিতেছে। ক্রব কোথায়। ক্রব কালীপ্রতিমার পায়ের কাছে শুইয়া ঘুমাইয়া পড়িয়াছে—তাহার কপোলের অশ্রু রেখা শুকাইয়া গেছে, ঠোঁট দুটি একটু খুলিয়া গেছে, মুখে ভয় নাই, ভাবনা নাই—এ যেন পাষণ-শয্যা নয়, যেন সে দিদির কোলের উপরে শুইয়া আছে। দিদি যেন চুমো খাইয়া তাহার চোখের জল মুছাইয়া দিয়াছে।

মদ খাইয়া নরকরের প্রাণ খুলিয়া গিয়াছিল, কিন্তু রঘুপতি স্থির হইয়া বসিয়া পূজার লগ্নের জন্ত অপেক্ষা করিতেছিলেন—নরকরের প্রলাপে কিছুমাত্র কান দিতেছিলেন না। নরকর বলিতেছিলেন, “ঠাকুর, তোমার মনে মনে ভয় হচ্ছে। তুমি মনে করছ আমিও ভয় করছি। কিন্তু ভয় নেই ঠাকুর। ভয় কিসের। ভয় কাকে। আমি তোমাকে রক্ষা করব। তুমি কি মনে কর আমি রাজাকে ভয় করি। আমি শাস্ত্রীকে ভয় করি নে, আমি শাহজাহানকে ভয় করি নে। ঠাকুর, তুমি বললে না কেন, আমি রাজাকে ধরে আনতুম, দেবীকে সন্তুষ্ট করে দেওয়া যেত। ওইটুকু ছেলের কতটুকুই বা রক্ত।”



এমন সময় সহসা মন্দিরের ভিত্তির উপরে ছায়া পড়িল। নক্ষত্র রাগ পশ্চাতে চাহিয়া দেখিলেন, রাজা। চকিতের মধ্যে নেশা সম্পূর্ণ ছুটিয়া গেল। নিজের ছায়ার চেয়ে নিজে মলিন হইয়া গেলেন। ক্ষতবেগে নিস্ত্রিত ঋবকে কোলে তুলিয়া লইয়া গোবিন্দমায়িক্য প্রহরীদিগকে কহিলেন, “ইহাদের দু-জনকে বন্দী করো।”

চারি জন প্রহরী রঘুপতি ও নক্ষত্র রাগের দুই হাত ধরিল। ঋবকে বুকের মধ্যে চাপিয়া ধরিয়া বিজন পথে জ্যোৎস্নালোকে রাজা প্রাসাদে ফিরিয়া আসিলেন। রঘুপতি ও নক্ষত্র রাগ সে রাত্রে কারাগারে রহিলেন।

## অষ্টাদশ পরিচ্ছেদ

তাহার পরদিন বিচার। বিচারশালা লোকে লোকারণ্য। বিচারাসনে রাজা বসিয়াছেন, সভাসদেরা চারি দিকে বসিয়াছেন। সম্মুখে দুই জন বন্দী। কাহারও হাতে শৃঙ্খল নাই। কেবল সশস্ত্র প্রহরী তাঁহাদিগকে ঘেরিয়া আছে, রঘুপতি পাষণ-মূর্তির মতো দাঁড়াইয়া আছেন, নক্ষত্র রাগের মাথা নত।

রঘুপতির দোষ সপ্রমাণ করিয়া রাজা তাঁহাকে বলিলেন, “তোমার কী বলিবার আছে?”

রঘুপতি কহিলেন, “আমার বিচার করিবার অধিকার আপনার নাই।”

রাজা কহিলেন, “তবে তোমার বিচার কে করিবে?”

রঘুপতি। “আমি ব্রাহ্মণ, আমি দেব-সেবক, দেবতা আমার বিচার করিবেন।”

রাজা। “পাপের দণ্ড ও পুণ্যের পুরস্কার দিবার জন্য জগতে দেবতার সহস্র অস্থচর আছে। আমরাও তাহার এক জন। সে কথা লইয়া আমি তোমার সহিত বিচার করিতে চাই না—আমি জিজ্ঞাসা করিতেছি, কাল সন্ধ্যাকালে বলির মানসে তুমি একটি শিশুকে হরণ করিয়াছিলে কি না।”

রঘুপতি কহিলেন, “হ্যাঁ।”

রাজা কহিলেন, “তুমি অপরাধ স্বীকার করিতেছ?”

রঘুপতি। “অপরাধ! অপরাধ কিসের। আমি মায়ের আদেশ পালন করিতেছিলাম, মায়ের কার্য করিতেছিলাম, তুমি তাহার ব্যাঘাত করিয়াছ—অপরাধ তুমি করিয়াছ—আমি মায়ের সমক্ষে তোমাকে অপরাধী করিতেছি, তিনি তোমার বিচার করিবেন।”

রাজা তাঁহার কথার কোনো উত্তর না দিয়া কহিলেন, “আমার রাজ্যের নিয়ম এই—যে ব্যক্তি দেবতার উদ্দেশে জীব বলি দিবে বা দিতে উচ্চত হইবে, তাহার নির্বাসনদণ্ড। সেই দণ্ড আমি তোমার প্রতি প্রয়োগ করিলাম। আট বৎসরের জন্ত তুমি নির্বাসিত হইলে। প্রহরীরা তোমাকে আমার রাজ্যের বাহিরে রাখিয়া আসিবে।”

প্রহরীরা রঘুপতিকে সভাগৃহ হইতে লইয়া যাইতে উচ্চত হইল। রঘুপতি তাহাদিগকে কহিলেন, “স্থির হও।” রাজার দিকে চাহিয়া কহিলেন, “তোমার বিচার শেষ হইল, এখন আমি তোমার বিচার করিব, তুমি অবধান করো। চতুর্দশ দেবতা পূজার দুই রাত্রে যে কেহ পথে বাহির হইবে, পুরোহিতের কাছে সে দণ্ডিত হইবে, এই আমাদের মন্দিরের নিয়ম। সেই প্রাচীন নিয়ম অনুসারে তুমি আমার নিকটে দণ্ডার্থ।”

রাজা কহিলেন, “আমি তোমার দণ্ড গ্রহণ করিতে প্রস্তুত আছি।”

সভাসদেরা কহিলেন, “এ অপরাধের কেবল অর্ধদণ্ড হইতে পারে।”

পুরোহিত কহিলেন, “আমি তোমার দুই লক্ষ মুদ্রা দণ্ড করিতেছি। এখন দিতে হইবে।”

রাজা কিয়ৎক্ষণ ভাবিলেন—পরে বলিলেন, “তথাস্তু।” কোষাধ্যক্ষকে ডাকিয়া দুই লক্ষ মুদ্রা আদেশ করিয়া দিলেন। প্রহরীরা রঘুপতিকে বাহিরে লইয়া গেল।

রঘুপতি চলিয়া গেলে নক্ষত্র রায়ের দিকে চাহিয়া রাজা দৃঢ়স্বরে কহিলেন, “নক্ষত্র রায় তোমার অপরাধ তুমি স্বীকার কর কি না।”

নক্ষত্র রায় বলিলেন, “মহারাজ, আমি অপরাধী, আমাকে মার্জনা করুন।” বলিয়া ছুটিয়া আসিয়া রাজার পা জড়াইয়া ধরিলেন।

মহারাজ বিচলিত হইলেন—কিছু ক্ষণ বাক্যক্ষুণ্ণ হইল না। অবশেষে আত্মসংবরণ করিয়া বলিলেন, “নক্ষত্র রায়, ওঠো, আমার কথা শোনো। আমি মার্জনা করিবার কে। আমি আপনার শাসনে আপনি বদ্ধ। বন্দীও যেমন বদ্ধ, বিচারকও তেমনি বদ্ধ। একই অপরাধে আমি এক জনকে দণ্ড দিব, এক জনকে মার্জনা করিব, এ কী করিয়া হয়। তুমিই বিচার করো।”

সভাসদেরা বলিয়া উঠিলেন, “মহারাজ, নক্ষত্র রায় আপনার ভাই, আপনার ভাইকে মার্জনা করুন।”

রাজা দৃঢ়স্বরে কহিলেন, “তোমরা সকলে চূপ করো। যত ক্ষণ আমি এই আসনে আছি, তত ক্ষণ আমি কাহারও ভাই নহি, কাহারও বন্ধু নহি।”

সভাসদেরা চারি দিকে চূপ করিলেন। সভা নিস্তব্ধ হইল। রাজা গভীর স্বরে কহিতে লাগিলেন “তোমরা সকলেই শুনিয়াছ—আমার রাজ্যে নিয়ম এই যে, যে ব্যক্তি দেবতার উদ্দেশে জীব বলি দিবে, বা দিতে উদ্বৃত্ত হইবে তাহার নির্বাসন-দণ্ড। কাল সন্ধ্যাকালে নক্ষত্র রায় পুরোহিতের সহিত বড়বয়স করিয়া বলির মানসে একটি শিশুকে হরণ করিয়াছিলেন। এই অপরাধ সপ্রমাণ হওয়াতে আমি তাঁহার আট বৎসর নির্বাসন দণ্ড বিধান করিলাম।”

প্রহরীরা যখন নক্ষত্র রায়কে লইয়া যাইতে উদ্বৃত্ত হইল, তখন রাজা আসন হইতে নামিয়া নক্ষত্র রায়কে আলিঙ্গন করিলেন, ক্রুদ্ধকণ্ঠে কহিলেন, “বৎস, কেবল তোমার দণ্ড হইল না, আমারও দণ্ড হইল। না জানি পূর্বজন্মে কী অপরাধ করিয়াছিলাম। যত দিন তুমি বন্ধুদের কাছ হইতে দূরে থাকিবে দেবতা তোমার সঙ্গে সঙ্গে থাকুন, তোমার মঙ্গল করুন।”

সংবাদ দেখিতে দেখিতে রাষ্ট্র হইল। অস্থঃপুরে ক্রন্দনধ্বনি উঠিল। রাজা নিস্তব্ধ কণ্ঠে হার ক্রুদ্ধ করিয়া বসিয়া পড়িলেন। জোড়হাতে কহিতে লাগিলেন, “প্রভু, আমি যদি কখনো অপরাধ করি, আমাকে মার্জনা করিও না, আমাকে কিছুমাত্র দণ্ড করিও না। আমাকে আমার পাপের শাস্তি দাও। পাপ করিয়া শাস্তি বহন করা যায়, কিন্তু মার্জনা-ভার বহন করা যায় না প্রভু।”

নক্ষত্র রায়ের প্রেম রাজার মনে দ্বিগুণ আগিতে লাগিল। নক্ষত্র রায়ের ছেলেবেলাকার মুখ তাঁহার মনে পড়িতে লাগিল। সে যে-সকল খেলা করিয়াছে, কথা কহিয়াছে, কাজ করিয়াছে, তাহা একে একে তাঁহার মনে উঠিতে লাগিল। এক-একটা দিন, এক-একটা রাত্রি তাঁহার স্মৃথালোকের মধ্যে, তাহার তারাবচিত আকাশের মধ্যে শিশু নক্ষত্র রায়কে লইয়া তাঁহার সম্মুখে উদয় হইল। রাজার দুই চক্ষু দিয়া জল পড়িতে লাগিল।

## উনবিংশ পরিচ্ছেদ

নির্বাসনোত্তর রঘুপতিকে যখন প্রহরীরা জিজ্ঞাসা করিল, “ঠাকুর কোন্ দিকে যাইবেন।” তখন রঘুপতি উত্তর করিলেন, “পশ্চিম দিকে যাইব।”

নয় দিন পশ্চিম মুখে যাত্রার পর বন্দী ও প্রহরীরা ঢাকা শহরের কাছাকাছি আসিয়া পৌছিল। তখন প্রহরীরা রঘুপতিকে ছাড়িয়া দিয়া রাজধানীতে ফিরিয়া আসিল।

রঘুপতি মনে মনে বলিলেন, “কলিতে ব্রহ্মশাপ ফলে না—দেখা যাক ব্রাহ্মণের বুদ্ধিতে কতটা হয়। দেখা যাক, গোবিন্দমাণিক্যই বা কেমন রাজা, আর আবিই বা কেমন পুরোহিত ঠাকুর।”

ত্রিপুরার প্রান্তে মন্দিরের কোণে মোগল-রাজ্যের সংবাদ বড়ো পৌঁছিত না। এই নিমিত্ত রঘুপতি ঢাকা শহরে গিয়া মোগলদিগের রীতিনীতি ও রাজ্যের অবস্থা জানিতে কৌতূহলী হইলেন।

তখন মোগল সম্রাট শাজাহানের রাজত্বকাল। তখন তাঁহার তৃতীয় পুত্র ঔরঙ্গজীব দক্ষিণপথে বিজাপুর আক্রমণে নিযুক্ত ছিলেন। তাঁহার দ্বিতীয় পুত্র সুলতা বাংলার অধিপতি ছিলেন—রাজমহলে তাঁহার রাজধানী। কনিষ্ঠ পুত্র কুমার মুরাদ গুজরাটের শাসনকর্তা। জ্যেষ্ঠ যুবরাজ দারা রাজধানী দিল্লিতেই বাস করিতেছেন। সম্রাটের বয়স ৬৭ বৎসর। তাঁহার শরীর অসুস্থ বলিয়া দারার উপরেই সাম্রাজ্যের ভার পড়িয়াছে।

রঘুপতি কিয়ৎকাল ঢাকায় বাস করিয়া উর্দুভাষা শিক্ষা করিলেন ও অবশেষে রাজমহল অভিমুখে যাত্রা করিলেন।

রাজমহলে যখন পৌঁছিলেন, তখন ভারতবর্ষে হলস্থল পড়িয়া গিয়াছে। সংবাদ রাষ্ট্র হইয়াছে যে, শাজাহান মৃত্যুশয্যায় শয়ান। এই সংবাদ পাইবামাত্র সুলতা সৈন্ত সহিত দিল্লি অভিমুখে ধাবমান হইয়াছেন। সম্রাটের চারি পুত্রই মুম্বু শাজাহানের মাথার উপর হইতে মুকুটটা একেবারে ছোঁ মারিয়া উড়াইয়া লইবার উদ্ভোগ করিতেছেন।

ব্রাহ্মণ তৎক্ষণাৎ অরাজক রাজমহল ত্যাগ করিয়া সুলতার অঙ্গসরণে প্রবৃত্ত হইলেন। লোকজন, বাহক প্রভৃতিকে বিদায় করিয়া দিলেন। সঙ্গে যে দুই লক্ষ টাকা ছিল তাহা রাজমহলের নিকটবর্তী এক বিজন প্রান্তরে পুঁতিয়া ফেলিলেন। তাহার উপরে এক চিহ্ন রাখিয়া গেলেন। অতি অল্প টাকাই সঙ্গে লইলেন। দ্বন্দ্ব কুটির, পরিত্যক্ত গ্রাম, মর্দিত শস্তক্ষেত্র লক্ষ্য করিয়া রঘুপতি অবিশ্রাম অগ্রসর হইতে লাগিলেন। রঘুপতি সন্ন্যাসীর বেশ ধারণ করিলেন। কিন্তু সন্ন্যাসীর বেশ সঙ্গেও আতিথ্য পাওয়া দুর্বল। কারণ পদ্মপালের স্ত্রীর সৈন্তেরা বে-পথ দিয়া চলিয়া গিয়াছে, তাহার উভয় পার্শ্বে কেবল দুভিক্ষ বিরাজ করিতেছে। সৈন্তেরা অর্থ ও হস্তিপালের জন্য অপক শস্ত কাটিয়া লইয়া গিয়াছে। কৃষকের মরাইরে একটি কণা অবশিষ্ট নাই। চারি দিকে কেবল লুণ্ঠনাবশিষ্ট বিপুলতা। অধিকাংশ লোক গ্রাম ছাড়িয়া পালাইয়াছে। দৈবাৎ যে দু-এক জনকে দেখা যায় তাহাদের মুখে হস্ত

নাই। তাহারা চকিত হরিণের স্তায় সতর্ক, কাহাকেও তাহারা বিশ্বাস করে না, দয়া করে না। বিজন পথের পার্শ্বে গাছের তলায় লাঠি-হাতে দুই-চারি জনকে বসিয়া থাকিতে দেখা যায়—পথিক-শিকায়ের জন্য তাহারা সমস্ত দিন অপেক্ষা করিয়া আছে। ধূমকেতুর-পশ্চাৎভর্তী উকারাশির স্তায় দস্যুরা সৈনিকদের অহুসরণ করিয়া লুণ্ঠনাবশেষ লুটিয়া লইয়া যায়। এমন কি মৃতদেহের উপর শৃগাল-কুকুরের স্তায় মাঝে মাঝে সৈন্তদলে ও দস্যুদলে লড়াই বাধিয়া যায়। নিষ্ঠুরতা সৈন্তদের খেলা হইয়াছে, পার্শ্ববর্তী নিরীহ পথিকের পেটে খপ করিয়া একটা তলোয়ারের খোঁচা বসাইয়া দেওয়া, বা তাহার মুণ্ড হইতে পাগড়ি সমেত খানিকটা খুলি উড়াইয়া দেওয়া তাহারা সামান্ত উপহাসমাত্র মনে করে। গ্রামের লোকেরা তাহাদের দেখিয়া ভয় পাইতেছে দেখিলে, তাহাদের পরম কৌতুক বোধ হয়। লুণ্ঠনাবশেষে তাহারা গ্রামের লোকদের উৎপীড়ন করিয়া আনন্দ উপভোগ করে। দুই জন মাত্র ব্রাহ্মণকে পিঠে পিঠে সংলগ্ন করিয়া টিকিতে টিকিতে বাধিয়া উভয়ের নাকে নস্ত প্রয়োগ করে। দুই ঘোড়ার পিঠে এক জন মানুষকে চড়াইয়া ঘোড়াছুটোকে চাবুক মারে, দুই ঘোড়া দুই বিপরীত দিকে ছুটিয়া যায়, মাঝখানে মানুষটা পড়িয়া গিয়া হাত-পা ভাঙে—এইরূপ প্রতিদিন নূতন নূতন খেলা তাহারা আবিষ্কার করে। অকারণে গ্রাম জ্বলাইয়া দিয়া যায়। বলে যে, বাদশাহের সম্মানার্থ বাজি পুড়াইতেছে। সৈন্তদের পথে এইরূপ অত্যাচারের শত শত চিহ্ন পড়িয়া আছে। এখানে রঘুপতি আতিথ্য পাইবেন কোথায়। কোনো দিন অনাহারে কোনো দিন স্বপ্নাহারে কাটিতে লাগিল। রাজ্যে অন্ধকারে এক ভয় পরিত্যক্ত কুটিরে শ্রান্তদেহে শয়ন করিয়াছিলেন, সকালে উঠিয়া দেখেন এক ছিন্নশির মৃতদেহকে সমস্ত রাত্রি বালিশ করিয়া শুইয়াছিলেন। এক দিন মধ্যাহ্নে রঘুপতি ক্ষুধিত হইয়া কোনো কুটিরে গিয়া দেখিলেন, এক জন লোক তাহার ভাঙা সিন্দূকের উপরে হুমড়ি খাইয়া পড়িয়া আছে, বোধ হয় তাহার লুপ্তিত ধনের জন্য শোক করিতেছিল, কাছে গিয়া ঠেলিতেই সে গড়াইয়া পড়িয়া গেল। মৃতদেহ মাত্র—তাহার জীবন অনেক কাল হইল চাষিয়া গিয়াছে।

এক দিন রঘুপতি এক কুটিরে শুইয়া আছেন। রাত্রি অবসান হয় নাই, কিছু বিলম্ব আছে। এমন সময় ধীরে ধীরে দ্বার খুলিয়া গেল। শরতের চন্দ্রালোকের সঙ্গে সঙ্গে কতকগুলি ছায়া ঘরের মধ্যে আসিয়া পড়িল। কিস কিস করিয়া শব্দ শুনা গেল। রঘুপতি চমকিয়া উঠিয়া বসিলেন। তিনি উঠিতেই কতকগুলি স্ত্রীকণ্ঠ সভয়ে বলিয়া উঠিল। “ও যা গো।” এক জন পুরুষ অগ্রসর হইয়া বলিল, “কোন্ দ্বার রে।”

রঘুপতি কহিলেন, “আমি ব্রাহ্মণ, পথিক। তোমরা কে?”

“আমাদের এই ঘর। আমরা ঘর ছাড়িয়া পালাইয়াছিলাম। যোগল সৈন্ত চলিয়া গিয়াছে তুমি তবে এখানে আসিয়াছি।”

রঘুপতি ত্রিভঙ্গা করিলেন, “যোগল সৈন্ত কোন্ দিকে গিয়াছে।”

তাহারা কহিল, “বিজয়গড়ের দিকে। এত ক্ষণ বিজয়গড়ের বনের মধ্যে প্রবেশ করিয়াছে।”

রঘুপতি আর অধিক কিছু না বলিয়া তৎক্ষণাৎ যাত্রা করিলেন।

## বিংশ পরিচ্ছেদ

বিজয়গড়ের দীর্ঘ বন ঠগীদের আড্ডা। বনের মধ্য দিয়া যে পথ গিয়াছে সেই পথের দুই পার্শ্বে কত মনুষ্য-কঙ্কাল নিহিত আছে, তাহাদের উপরে কেবল বনফুল ফুটিতেছে, আর কোনো চিহ্ন নাই। বনের মধ্যে বট আছে, বাবলা আছে, নিম আছে, শত শত প্রকারের লতা ও গুল্ম আছে। স্থানে স্থানে ডোবা অথবা পুকুরের মতো দেখা যায়। অবিভ্রাম পাতা পচিয়া পচিয়া তাহার জল একেবারে সবুজ হইয়া উঠিয়াছে। ছোটো ছোটো খুঁড়ি পথ এদিকে ওদিকে আঁকিয়া বাঁকিয়া সাপের মতো অন্ধকার জঙ্গলের মধ্যে প্রবেশ করিয়াছে। গাছের ডালে ডালে, পালে পালে হনুমান। বটগাছের ডালের উপর হইতে শত শত শিকড় এবং হনুমানের লেঙ্গ বুলিতেছে। ভাঙা মন্দিরের প্রাঙ্গণে শিউলি ফুলের গাছ সাদা সাদা ফুলে এবং হনুমানের দস্তবিকাশে একেবারে আচ্ছন্ন। সন্ধ্যাবেলায় বড়ো বড়ো ঝাঁকড়া গাছের উপরে ঝাঁকে ঝাঁকে টিয়াপাখির চীৎকারে বনের ঘোর অন্ধকার যেন দীর্ঘ বিদীর্ণ হইতে থাকে। আজ এই বৃহৎ বনের মধ্যে প্রায় কুড়ি হাজার সৈন্ত প্রবেশ করিয়াছে। এই ডালে-পালায় লতায়-পাতায় তুণে-গুল্মে জড়িত বৃহৎ গোলাকার অরণ্য, কুড়ি হাজার খরনখচক্ষু সৈনিক বাজপক্ষীদের একটিমাত্র নীড় বলিয়া বোধ হইতেছে। সৈন্তসমাগম দেখিয়া অসংখ্য কাক কা কা করিয়া দল বাঁধিয়া আকাশে উড়িয়া বেড়াইতেছে—সাহস করিয়া ডালের উপর আসিয়া বসিতেছে না। কোনো প্রকার গোলমাল করিতে সেনাপতির নিষেধ আছে। সৈন্তেরা সমস্ত দিন চলিয়া সন্ধ্যাবেলায় বনে আসিয়া শুক কাঠ কুড়াইয়া রন্ধন করিতেছে ও পরস্পর চুপি চুপি কথা কহিতেছে—তাহাদের সেই গুন গুন শব্দে সমস্ত অরণ্য গমগম করিতেছে, সন্ধ্যাবেলায় ঝাঁঝি পোকের ডাক শোনা যাইতেছে না। গাছের গুঁড়িতে বাঁধা অশ্বেরা মাঝে মাঝে খুর দিয়া মাটি খুঁড়িতেছে

ও হুঁসখনি করিয়া উঠিতেছে—সমস্ত বনের তাহাতে চমক লাগিতেছে। ভাঙা মন্দিরের কাছে ফাঁকা জায়গায় শাস্ত্রীর শিবির পড়িয়াছে। আর সকলের আজ বৃকতলেই অবস্থান।

সমস্ত দিন অবিখ্যাম চলিয়া রঘুপতি বনের মধ্যে প্রবেশ করিলেন, তখন রাজি হইয়াছে। অধিকাংশ সৈন্য নিস্তকে ঘুমাইতেছে, অল্পমাত্র সৈন্য নীরবে পাহারা দিতেছে। মাঝে মাঝে এক-এক জায়গায় আগুন জলিতেছে—অন্ধকার যেন বহু কটে নিভ্রাক্রান্ত রাজা চক্ষু মেলিয়াছে। রঘুপতি বনের মধ্যে পা দিয়াই কুড়ি হাজার সৈনিকের নিঃশ্বাস-প্রশ্বাস যেন শুনিতে পাইলেন। বনের সহস্র গাছ শাখা বিস্তার করিয়া পাহারা দিতেছে। কালপেচক তাহার সজ্জোজাত শাবকের উপর যেমন পক্ষ বিস্তারিত করিয়া বসিয়া থাকে, তেমনি অরণ্যের বাহিরকার বিরাট রাজি অরণ্যের ভিতরকার গাঢ়তর রাজির উপর চাপিয়া ডানা ঝাঁপিয়া নীরবে বসিয়া আছে—অরণ্যের ভিতরকার এক রাজি মুখ শুঁজিয়া ঘুমাইয়া আছে, অরণ্যের বাহিরে এক রাজি মাথা তুলিয়া জাগিয়া আছে। রঘুপতি সে-রাজে বনপ্রান্তে শুইয়া রহিলেন।

সকালে গোটা দুই-চার খোঁচা খাইয়া ধড়কড় করিয়া জাগিয়া উঠিলেন। দেখিলেন, জন-কত পাগড়ি-বাধা দাড়িপরিপূর্ণ তুরানি সৈন্য বিদেশী ভাষায় তাঁহাকে কী বলিতেছে; শুনিয়া তিনি নিশ্চয় অহুমান করিয়া লইলেন, গালি। তিনিও বঙ্গভাষায় তাহাদের ক্রালক-সম্বন্ধ প্রচার করিয়া দিলেন। তাহারা তাঁহাকে টানাটানি করিতে লাগিল।

রঘুপতি বলিলেন, "ঠাট্টা পেয়েছিস?" কিন্তু তাহাদের আচরণে ঠাট্টার লক্ষণ কিছুমাত্র প্রকাশ পাইল না। বনের মধ্য দিয়া তাহারা তাঁহাকে অকাতরে টানিয়া লইয়া বাইতে লাগিল।

তিনি সবিশেষ অসন্তোষ প্রকাশ করিয়া বলিলেন, "টানাটানি কর কেন। আমি আপনিই যাচ্ছি। এত পথ আমি এলুম কী করতে।"

সৈন্তেরা হাসিতে লাগিল ও তাঁহার বাংলা কথা নকল করিতে লাগিল। ক্রমে ক্রমে তাঁহার চতুর্দিকে বিস্তর সৈন্য জড়ো হইল, তাঁহাকে লইয়া ভারি গোল পড়িয়া গেল। উৎপীড়নের সীমা রহিল না। এক জন সৈন্য একটা কাঠবিড়ালির লেজ ধরিয়া তাঁহার মুণ্ডিত মাথায় ছাড়িয়া দিল—দেখিবার ইচ্ছা, ফল মনে করিয়া খায় কি না। এক জন সৈন্য তাঁহার নাকের সম্মুখে একটা মোটা বেত বাঁকাইয়া ধরিয়া তাঁহার সঙ্গে সঙ্গে চলিল, সেটা ছাড়িয়া দিলে রঘুপতির মুখের উপর হইতে নাকের সম্মুখত মহিমা একেবারে সমূলে লোপ হইবার সম্ভাবনা। সৈন্তদের হস্তে কানন ধ্বনিত হইতে লাগিল। মধ্যাহ্নে আজ বৃক করিতে হইবে, সকালে তাই রঘুপতিকে লইয়া

তাহাদের ভারি খেলা পড়িয়া গেল। খেলার সাধ মিটিলে পর ব্রাহ্মণকে সূজার শিবিরে লইয়া গেল।

সূজাকে দেখিয়া রঘুপতি সেলাম করিলেন না। তিনি দেবতা ও স্বৰ্ণ ছাড়া আর কাহারও কাছে কখনও মাথা নত করেন নাই। মাথা তুলিয়া দাঁড়াইয়া রহিলেন— হাত তুলিয়া বলিলেন, “শাহেন শার জয় হউক।”

সূজা মদের পেয়াল লইয়া সভাসদ সমেত বসিয়াছিলেন; আলস্তবিজড়িত স্বরে নিতান্ত উপেক্ষাভরে কহিলেন, “কী, ব্যাপার কী।”

সৈন্তেরা কহিল, “জনাব, শত্রুপক্ষের চর গোপনে আমাদের বলাবল জানিতে আসিয়াছিল; আমরা তাহাকে প্রভুর কাছে ধরিয়া আনিয়াছি।”

সূজা কহিলেন, “আচ্ছা আচ্ছা; বেচারী দেখিতে আসিয়াছে, উহাকে ভালো করিয়া সমস্ত দেখাইয়া ছাড়িয়া দাও। দেশে গিয়া গল্প করিবে।”

রঘুপতি বদ হিন্দুস্থানিতে কহিলেন, “সরকারের অধীনে আমি কর্ম প্রার্থনা করি।”

সূজা আলস্তভরে হাত নাড়িয়া তাঁহাকে ক্ষত চলিয়া যাইতে ইঙ্গিত করিলেন। বলিলেন, “গরম।” যে বাতাস করিতেছিল, সে দ্বিগুণ জোরে বাতাস করিতে লাগিল।

দারা তাঁহার পুত্র সুলেমানকে রাজা জয়সিংহের অধীনে সূজার আক্রমণ প্রতিরোধ করিতে পাঠাইয়াছেন। তাঁহাদের বৃহৎ সৈন্তদল নিকটবর্তী হইয়াছে, সংবাদ আসিয়াছে। তাই বিজয়গড়ের কেলা অধিকার করিমা সেইখানে সৈন্ত সমবেত করিবার জন্য সূজা ব্যস্ত হইয়া পড়িয়াছেন। সূজার হাতে কেলা এবং সরকারী খাজনা সমর্পণ করিবার প্রস্তাব লইয়া বিজয়গড়ের অধিপতি বিক্রমসিংহের নিকট দূত গিয়াছিল। বিক্রমসিংহ সেই দূতমুখে বলিয়া পাঠাইলেন, “আমি কেবল দিল্লীখর শাহজাহান এবং জগদীশ্বর ভবানীপতিকে জানি। সূজা কে, আমি তাহাকে জানি না।”

সূজা জড়িত স্বরে কহিলেন, “ভারি বেআদব। নাহক আবার লড়াই করিতে হইবে। ভারি হাদ্যাম।”

রঘুপতি এই সমস্ত শুনিতে পাইলেন। সৈন্তদের হাত এড়াইবামাত্র বিজয়গড়ের দিকে চলিয়া গেলেন।



## একবিংশ পরিচ্ছেদ

পাহাড়ের উপরে বিজয়গড়। বিজয়গড়ের অরণ্য গড়ের কাছাকাছি গিয়া শেষ হইয়াছে। অরণ্য হইতে বাহির হইয়া রঘুপতি সহসা দেখিলেন, দীর্ঘ পাষাণ-দুর্গ যেন নীল আকাশে হেলান দিয়া দাঁড়াইয়া আছে। অরণ্য যেমন তাহার সহস্র তরুজালে প্রচ্ছন্ন, দুর্গ তেমনি আপনার পাষাণের মধ্যে আপনি রুদ্ধ। অরণ্য সাবধানী, দুর্গ সতর্ক। অরণ্য বাত্মের মতো শুঁড়ি মারিয়া লেজ পাকাইয়া বসিয়া আছে, দুর্গ সিংহের মতো কেশর ফুলাইয়া ঘাড় বাকাইয়া দাঁড়াইয়া আছে। অরণ্য মাটিতে কান পাতিয়া শুনিতেছে, দুর্গ আকাশে মাথা তুলিয়া দেখিতেছে।

রঘুপতি অরণ্য হইতে বাহির হইবামাত্র দুর্গপ্রাচীরের উপরে সৈন্তেরা সচকিত হইয়া উঠিল। শূন্য বাজিয়া উঠিল। দুর্গ যেন সহসা সিংহনাদ করিয়া দাঁত নখ মেলিয়া জুকুটি করিয়া দাঁড়াইল। রঘুপতি পইতা দেখাইয়া হাত তুলিয়া ইঙ্গিত করিতে লাগিলেন। সৈন্তেরা সতর্ক হইয়া দাঁড়াইয়া রহিল। রঘুপতি যখন দুর্গপ্রাচীরের কাছাকাছি গেলেন, তখন সৈন্তেরা জিজ্ঞাসা করিয়া উঠিল, “তুমি কে?”

রঘুপতি বলিলেন, “আমি ব্রাহ্মণ, অতিথি।”

দুর্গাধিপতি বিক্রমসিংহ পরম ধর্মনিষ্ঠ। দেবতা ব্রাহ্মণ ও অতিথি সেবার নিযুক্ত। পইতা থাকিলে দুর্গপ্রবেশের অস্ত্র আর কোনো পরিচয়ের আবশ্যক ছিল না। কিন্তু আজ যুদ্ধের দিনে কী করা উচিত সৈন্তেরা ভাবিয়া পাইতেছিল না।

রঘুপতি কহিলেন, “তোমরা আশ্রয় না দিলে মুসলমানের হাতে আমাকে মরিতে হইবে।”

বিক্রমসিংহের কানে যখন এ-কথা গেল তখন তিনি ব্রাহ্মণকে দুর্গের মধ্যে আশ্রয় দিতে অস্বমতি করিলেন। প্রাচীরের উপর হইতে একটা মহি নামানো হইল, রঘুপতি দুর্গের মধ্যে প্রবেশ করিলেন।

দুর্গের মধ্যে যুদ্ধের প্রতীকার সকলেই ব্যস্ত। বৃদ্ধ খুড়াসাহেব ব্রাহ্মণ-অভ্যর্থনার ভার স্বয়ং লইলেন। তাঁহার প্রকৃত নাম খড়্গসিংহ, কিন্তু তাঁহাকে কেহ বলে খুড়াসাহেব, কেহ বলে সুবাদার-সাহেব—কেন যে বলে তাহার কোনো কারণ পাওয়া যায় না। পৃথিবীতে তাঁহার আত্মপুত্র নাই, ভাই নাই, তাঁহার খুড়া হইবার কোনো অধিকার বা স্বদ্র সম্ভাবনা নাই এবং তাঁহার আত্মপুত্র যতগুলি তাঁহার সুবা তাহার অপেক্ষা অধিক নহে কিন্তু আজ পর্বত কেহ তাঁহার উপাধি সযত্নে কোনো প্রকার আপত্তি অথবা সন্দেহ

উত্থাপিত করে নাই। বাহারা বিনা ভাইপোর খুড়া, বিনা স্ববার স্ববার, সংসারের অনিত্যতা ও লক্ষীর চপলতানিবন্ধন তাহাদের পদচ্যুতির কোনো আশঙ্কা নাই।

খুড়াসাহেব আসিয়া কহিলেন, “বাহবা, এই তো ব্রাহ্মণ বটে।” বলিয়া ভক্তিতরে প্রণাম করিলেন। রঘুপতির একপ্রকার তেজীমান দীপশিখার মতো আকৃতি ছিল, বাহা দেখিয়া সহসা পতকেরা মুগ্ধ হইয়া যাইত।

খুড়াসাহেব জগতের বর্তমান শোচনীয় অবস্থায় বিষম হইয়া কহিলেন, “ঠাকুর, তেমন ব্রাহ্মণ আজকাল ক-টা মেলে।”

রঘুপতি কহিলেন, “অতি অল্প।”

খুড়াসাহেব কহিলেন, “আগে ব্রাহ্মণের মুখে অগ্নি ছিল, এখন সমস্ত অগ্নি জঠরে আশ্রয় লইয়াছে।”

রঘুপতি কহিলেন, “তাও কি আগেকার মতো আছে।”

খুড়াসাহেব মাথা নাড়িয়া কহিলেন, “ঠিক কথা। অগস্ত্য মুনি যে-আন্দাজ পান করিয়াছিলেন সে-আন্দাজ যদি আহার করিতেন তাহা হইলে এক বার বুঝিয়া দেখুন।”

রঘুপতি কহিলেন, “আরও দৃষ্টান্ত আছে।”

খুড়াসাহেব। হাঁ আছে বৈ কি। অহু মুনির পিপাসার কথা শুনা যায়, তাঁহার ক্ষুধার কথা কোথাও লেখে নাই কিন্তু একটা অহুমান করা যাইতে পারে। হঠকি খাইলেই যে কম খাওয়া হয় তাহা নহে, ক-টা করিয়া হঠকি তাঁহারা রোজ খাইতেন তাহার একটা হিসাব থাকিলে তবু বুঝিতে পারিতাম।”

রঘুপতি ব্রাহ্মণের মাহাত্ম্য স্মরণ করিয়া গম্ভীর ভাবে কহিলেন, “না সাহেব, আহারের প্রতি তাঁহাদের যথেষ্ট মনোযোগ ছিল না।”

খুড়াসাহেব ত্রিভু কাটিয়া কহিলেন, “রাম রাম, বলেন কী ঠাকুর। তাঁহাদের জঠরানল যে অত্যন্ত প্রবল ছিল তাহার বিশিষ্ট প্রমাণ আছে। দেখুন না কেন, কালক্রমে আর সকল অগ্নিই নিবিয়া গেল, হোমের অগ্নিও জলে না, কিন্তু—”

রঘুপতি কিঞ্চিৎ স্তম্ভ হইয়া কহিলেন, “হোমের অগ্নি আর জলিবে কী করিয়া। দেশে ঘি রহিল কই। পাষাণেরা সমস্ত গোক পান করিয়া দিতেছে, এখন হব্য পাওয়া যায় কোথায়। হোমায়ি না জলিলে ব্রহ্মভেজ আর কত দিন টেকে।” বলিয়া রঘুপতি নিজের প্রচ্ছন্ন দাহিকাশক্তি অত্যন্ত অহুভব করিতে লাগিলেন।

খুড়াসাহেব কহিলেন, “ঠিক বলিয়াছেন ঠাকুর, গোকগুলো যরিয়া আজকাল যমুদ্রালোকে জয়গ্রহণ করিতে আরম্ভ করিয়াছে কিন্তু তাহাদের কাছ হইতে ঘি পাইবার প্রত্যাশা করা যায় না। মগজের সম্পূর্ণ অভাব। ঠাকুরের কোথা হইতে আসা হইতেছে।”

রঘুপতি কহিলেন, “ত্রিপুরার রাজবাটী হইতে ।”

বিজয়গড়ের বহিঃস্থিত ভারতবর্ষের ভূগোল অথবা ইতিহাস সম্বন্ধে খুড়াসাহেবের যৎসামান্য জ্ঞান ছিল। বিজয়গড় ছাড়া ভারতবর্ষের আনিবার যোগ্য যে আর কিছু “আছে তাহাও তাঁহার বিশ্বাস নহে। সম্পূর্ণ অহুমানের উপর নির্ভর করিয়া বলিলেন, “আহা, ত্রিপুরার রাজ্য মত্ত রাজ্য।”

রঘুপতি তাহা সম্পূর্ণ অহুমোদন করিলেন।

খুড়াসাহেব। “ঠাকুরের কী করা হয় ?”

রঘুপতি। “আমি ত্রিপুরার রাজপুরোহিত।”

খুড়াসাহেব চোখ বুজিয়া মাথা নাড়িয়া কহিলেন, “আহা।” রঘুপতির উপরে তাঁহার ভক্তি অত্যন্ত বাড়িয়া উঠিল। “কী করিতে আসা হইয়াছে ?”

রঘুপতি কহিলেন, “তীর্থদর্শন করিতে।”

হুম করিয়া আওরাজ হইল। শত্রুপক্ষ দুর্গ আক্রমণ করিয়াছে। খুড়াসাহেব হাসিয়া চোখ চিপিয়া কহিলেন, “ও কিছু নয়, ঢেলা ছুঁড়িতেছে।” বিজয়গড়ের উপরে খুড়াসাহেবের বিশ্বাস যত দৃঢ়, বিজয়গড়ের পাবাণ তত দৃঢ় নহে। বিদেশী পশ্চিম দুর্গের মধ্যে প্রবেশ করিলেই খুড়াসাহেব তাহাকে সম্পূর্ণ অধিকার করিয়া বসেন এবং বিজয়গড়ের মাহাত্ম্য তাহার মনে বহুয়ুল করিয়া দেন। ত্রিপুরার রাজবাটী হইতে রঘুপতি আসিয়াছেন, এমন অতিথি সচরাচর মেলে না, খুড়াসাহেব অত্যন্ত উল্লাসে আছেন। অতিথির সঙ্গে বিজয়গড়ের পুরাতত্ত্ব সম্বন্ধে আলোচনা করিতে লাগিলেন। তিনি বলিলেন, “ব্রহ্মার অণু এবং বিজয়গড়ের দুর্গ যে প্রায় একই সময়ে উৎপন্ন হইয়াছে এবং ঠিক যত্ন পর হইতে মহারাজ বিক্রমসিংহের পূর্বপুরুষেরা যে এই দুর্গ ভোগদখল করিয়া আসিতেছেন সে-বিষয়ে সংশয় থাকিতে পারে না।” এই দুর্গের প্রতি শিবের কী বর আছে এবং এই দুর্গে কার্তবীৰ্য্যচূর্ন যে কিরূপে বন্দী হইয়াছিলেন তাহাও রঘুপতির অগোচর রহিল না।

সন্ধ্যার সময় সংবাদ পাওয়া গেল শত্রুপক্ষ দুর্গের কোনো ক্ষতি করিতে পারে নাই। তাহার কামান পাতিয়াছিল কিন্তু কামানের গোলা দুর্গে আসিয়া পৌঁছিতে পারে নাই। খুড়াসাহেব হাসিয়া রঘুপতির দিকে চাহিলেন। মর্ম এই যে, দুর্গের প্রতি শিবের যে অমোঘ বর আছে তাহার এমন প্রত্যক্ষ প্রমাণ আর কী হইতে পারে। বোধ করি, নন্দী স্বয়ং আসিয়া কামানের গোলাগুলি লুকিয়া লইয়া গিয়াছে, কৈলাসে গণপতি ও কার্তিকের তাঁটা খেলিবেন।

## দ্বাবিংশ পরিচ্ছেদ

শাস্ত্রীজাকে কোনোমতে হস্তগত করাই রঘুপতির উদ্দেশ্য ছিল। তিনি যখন শুনিলেন, সূজা দুর্গ আক্রমণ করিতে প্রবৃত্ত হইয়াছেন তখন মনে করিলেন মিত্রভাবে দুর্গের মধ্যে প্রবেশ করিয়া তিনি কোনোরূপে সূজার দুর্গ-আক্রমণে সাহায্য করিবেন—কিন্তু ব্রাহ্মণ যুদ্ধবিগ্রহের কোনো ধার ধারেন না, কী করিলে যে সূজার সাহায্য হইতে পারে ভাবিয়া পাইলেন না।

পরদিন আবার যুদ্ধ আরম্ভ হইল। বিপক্ষ পক্ষ বারুদ দিয়া দুর্গপ্রাচীরের কিয়দংশ উড়াইয়া দিল কিন্তু ঘন ঘন গুলি বর্ষণের প্রভাবে দুর্গে প্রবেশ করিতে পারিল না। ভগ্ন অংশ দেখিতে দেখিতে গাঁথিয়া তোলা হইল। আজ মাঝে মাঝে দুর্গের মধ্যে গোলাগুলি আসিয়া পড়িতে লাগিল, দুই-চারি জন করিয়া দুর্গ-সৈন্য হত ও আহত হইতে লাগিল।

“ঠাকুর, কিছু ভয় নাই, এ কেবল খেলা হইতেছে” বলিয়া খুড়াসাহেব রঘুপতিকে লইয়া দুর্গের চারি দিকে দেখাইয়া বেড়াইতে লাগিলেন। কোথায় অস্তাগার, কোথায় ভাণ্ডার, কোথায় আহতদের চিকিৎসাগৃহ, কোথায় বন্দীশালা, কোথায় দরবার, এই সমস্ত তন্ন তন্ন করিয়া দেখাইতে লাগিলেন ও বার বার রঘুপতির মুখের দিকে চাহিতে লাগিলেন। রঘুপতি কহিলেন, “চমৎকার কারখানা। ত্রিপুরার গড় ইহার কাছে লাগিতে পারে না, কিন্তু সাহেব গোপনে পলায়নের জন্য ত্রিপুরার গড়ে একটি আশ্চর্য সুরঙ্গ-পথ আছে, এখানে সেরূপ কিছুই দেখিতেছি না।”

খুড়াসাহেব কী একটা বলিতে যাইতেছিলেন, সহসা আত্মসংবরণ করিয়া কহিলেন, “না, এ দুর্গে সেরূপ কিছুই নাই।”

রঘুপতি নিতান্ত আশ্চর্য প্রকাশ করিয়া কহিলেন, “এত বড়ো দুর্গে একটা সুরঙ্গ-পথ নাই, এ কেমন কথা হইল।”

খুড়াসাহেব কিছু কাতর হইয়া কহিলেন, “নাই, এ কি হইতে পারে। অবশ্যই আছে, তবে আমরা হয়তো কেহ জানি না।”

রঘুপতি হাসিয়া কহিলেন, “তবে তো না থাকারই মধ্যে। যখন আপনিই জানেন না তখন আর কেই বা জানে।”

খুড়াসাহেব অত্যন্ত গম্ভীর হইয়া কিছু কণ চূপ করিয়া রহিলেন, তার পরে সহসা “রাম রাম” বলিয়া তুড়ি দিয়া হাই তুলিলেন, তার পর মুখে গোঁফে দাড়িতে দুই-এক বার হাত বুলাইয়া হঠাৎ বলিলেন, “ঠাকুর, পূজা-অর্চনা লইয়া থাকেন আপনাকে বলিতে

কোনো দোষ নাই—দুর্গ-প্রবেশের এবং দুর্গ হইতে বাহির হইবার ছইটা গোপন পথ আছে, কিন্তু বাহিরের কোনো লোককে তাহা দেখানো নিষেধ।”

রঘুপতি কিঞ্চিৎ সন্দেহের স্বরে কহিলেন, “বটে। তা হবে।”

খুড়াসাহেব দেখিলেন তাঁহারই দোষ, এক বার “নাই” এক বার “আছে” বলিলে লোকের স্বভাবতই সন্দেহ হইতে পারে। বিদেশীর চোখে ত্রিপুরার গড়ের কাছে বিজয়গড় কোনো অংশে খাটো হইয়া যাইবে ইহা খুড়াসাহেবের পক্ষে অসম্ভব।

তিনি কহিলেন, “ঠাকুর, বোধ করি, আপনার ত্রিপুরা অনেক দূরে এবং আপনি ব্রাহ্মণ, দেবসেবাই আপনার একমাত্র কাজ, আপনার দ্বারা কিছু প্রকাশ হইবার সম্ভাবনা নাই।”

রঘুপতি কহিলেন, “কাজ কী সাহেব, সন্দেহ হয় তো ও-সব কথা থাক না। আমি ব্রাহ্মণের ছেলে আমার দুর্গের খবরে কাজ কী।”

খুড়াসাহেব জিভ কাটিয়া কহিলেন, “আরে রাম রাম, আপনাকে আবার সন্দেহ কিসের। চলুন এক বার দেখাইয়া লইয়া আসি।”

এদিকে সহসা দুর্গের বাহিরে সূজার সেনাদের মধ্যে বিশৃঙ্খলতা উপস্থিত হইয়াছে। অরণ্যের মধ্যে সূজার শিবির ছিল, সুলেমান এবং জয়সিংহের সৈন্য আসিয়া সহসা তাঁহাকে বন্দী করিয়াছে এবং অলক্ষ্যে দুর্গ-আক্রমণকারীদের উপর আসিয়া পড়িয়াছে। সূজার সৈন্যেরা লড়াই না করিয়া কুড়িটা কামান পশ্চাতে ফেলিয়া ভঙ্গ দিল।

দুর্গের মধ্যে ধুম পড়িয়া গেল। বিক্রমসিংহের নিকট সুলেমানের দূত পৌঁছিতেই তিনি দুর্গের দ্বার খুলিয়া দিলেন, স্বয়ং অগ্রসর হইয়া সুলেমান ও রাজা জয়সিংহকে অভ্যর্থনা করিয়া লইলেন। দিল্লীখবরের সৈন্য ও অশ্ব-গজে দুর্গ পরিপূর্ণ হইয়া গেল। নিশান উড়িতে লাগিল, শব্দ ও বণবাণ বাজিতে লাগিল এবং খুড়াসাহেবের শ্বেত স্তম্ভের নিচে শ্বেত হস্ত পরিপূর্ণরূপে প্রস্ফুটিত হইয়া উঠিল।

## ত্রয়োবিংশ পরিচ্ছেদ

খুড়াসাহেবের কী আনন্দের দিন। আজ দিল্লীখবরের রাজপুত্র সৈন্তেরা বিজয়গড়ের অতিথি হইয়াছে—প্রবলপ্রতাপাধ্বিত শাস্ত্রী আজ বিজয়গড়ের বন্দী। কার্তবীর্ষাজুঁনের পর হইতে বিজয়গড়ে এমন বন্দী আর মেলে নাই। কার্তবীর্ষাজুঁনের বন্ধন-দশা স্মরণ করিয়া নিখাস ফেলিয়া খুড়াসাহেব রাজপুত্র সূচেন্দ্রসিংহকে বলিলেন, “মনে করিয়া

দেখো, হাজারটা হাতে শিকলি পরাইতে কী আয়োজনটাই করিতে হইয়াছিল। কলিঙ্গ পড়িয়া অবধি ধুমধাম বিলকুল কমিয়া গিয়াছে। এখন রাজার ছেলেই হউক আর বাদশাহের ছেলেই হউক বাজারে দুখানার বেশি হাত খুঁজিয়া পাওয়া যায় না। বাধিয়া স্থখ নাই।”

সুচেতসিংহ হাসিয়া নিজের হাতের দিকে চাহিয়া কহিলেন, “এই দুইখানা হাতই যথেষ্ট।”

খুড়াসাহেব কিঞ্চিৎ ভাবিয়া বলিলেন, “তা বটে, সেকালে কাজ ছিল তের বেশি। আজকাল কাজ এত কম পড়িয়াছে যে, এই দুইখানা হাতেরই কোনো কৈফিয়ৎ দেওয়া যায় না। আরো হাত থাকিলে আরো গোঁফে তা দিতে হইত।”

আজ খুড়াসাহেবের বেশভূষার ক্রটি ছিল না। চিবুকের নিচে হইতে পাকা দাড়ি দুই ভাগে বিভক্ত করিয়া তাহার দুই কানে লটকাইয়া দিয়াছেন। গোঁফছোড়া পাকাইয়া কর্ণরুদ্ধের কাছাকাছি লইয়া গিয়াছেন। মাথায় বাঁকা পাগড়ি, কটিদেশে বাঁকা তলোয়ার। জরির জুতার সম্মুখভাগ শিঙের মতো বাঁকিয়া পাকাইয়া উঠিয়াছে। আজ খুড়াসাহেবের চলিবার এমনি ভঙ্গি, যেন বিজয়গড়ের মহিমা তাঁহারই সর্বাঙ্গে তরঙ্গিত হইতেছে। আজ এই সমস্ত সমজদার লোকের নিকটে বিজয়গড়ের মাহাত্ম্য প্রমাণ হইয়া বাইবে এই আনন্দে তাঁহার আহারনিদ্রা নাই।

সুচেতসিংহকে লইয়া প্রায় সমস্ত দিন দুর্গ পর্যবেক্ষণ করিলেন। সুচেতসিংহ যেখানে কোনো প্রকার আশ্চর্য প্রকাশ না করেন সেখানে খুড়াসাহেব স্বয়ং “বাহবা বাহবা” করিয়া নিজের উৎসাহ রাজপুত্র বীরের হৃদয়ে সঞ্চারিত করিতে চেষ্টা করেন। বিশেষত দুর্গপ্রাকারের গাঁথুনি সম্বন্ধে তাঁহাকে সবিশেষ পরিচয় করিতে হইল। দুর্গপ্রাকারের রূপ অবিচলিত সুচেতসিংহও ততোধিক—তাঁহার মুখে কোনো প্রকারই ভাব প্রকাশ পাইল না। খুড়াসাহেব ঘুরিয়া কিরিয়া তাঁহাকে এক বার দুর্গপ্রাকারের বামে এক বার দক্ষিণে, এক বার উপরে এক বার নিচে আনিয়া উপস্থিত করিতে লাগিলেন—বার বার বলিতে লাগিলেন, “কী তারিফ।” কিন্তু কিছুতেই সুচেতসিংহের হৃদয়-দুর্গ অধিকার করিতে পারিলেন না। অবশেষে সন্ধ্যাবেলায় প্রান্ত হইয়া সুচেতসিংহ বলিয়া উঠিলেন, “আমি ভরতপুরের গড় দেখিয়াছি আর কোনো গড় আমার চোখে লাগেই না।”

খুড়াসাহেব কাহারও সঙ্গে কখনও বিবাদ করেন না—নিতান্ত স্তান হইয়া বলিলেন “অবশ্য, অবশ্য। এ কথা বলিতে পার বটে।”

নিবাস কেলিয়া দুর্গ সম্বন্ধে আলোচনা পরিত্যাগ করিলেন। বিক্রমসিংহের

পূর্বপুরুষ হুর্গাসিংহের কথা উঠাইলেন। তিনি বলিলেন, “হুর্গাসিংহের তিন পুত্র ছিল। কনিষ্ঠ পুত্র চিত্রসিংহের এক আশ্চর্য অভ্যাগ ছিল। তিনি প্রতিদিন প্রাতে আধ সের আন্দাজ ছোলা দুধে সিদ্ধ করিয়া খাইতেন। তাঁহার শরীরও তেমনি ছিল। আচ্ছা জি, তুমি যে ভরতপুরের গড়ের কথা বলিতেছ, সে অবশ্য খুব মত্ত গড়ই হইবে—কিন্তু কই ব্রাহ্মবৈবর্তপুরাণে তো তাহার কোনো উল্লেখ নাই।”

সুচেতসিংহ হাসিয়া কহিলেন, “তাহার অন্য কাজের কোনো ব্যাধাত হইতেছে না।”

খুড়াসাহেব কাষ্ঠহাসি হাসিয়া কহিলেন, “হা হা হা তা ঠিক, তা ঠিক। তবে কি জান, ত্রিপুরার গড়ও বড়ো কম নহে কিন্তু বিজয়গড়ের—”

সুচেতসিংহ। “ত্রিপুরা আবার কোন্ মুহুর্তে।”

খুড়াসাহেব। “সে ভারি মুহুর্ত। অত কথায় কাজ কী, সেখানকার রাজপুরোহিত ঠাকুর আমাদের গড়ে অতিথি আছেন, তুমি তাঁহার মুখে সমস্ত শুনিবে।”

কিন্তু ব্রাহ্মণকে আজ কোথাও খুঁজিয়া পাওয়া গেল না। খুড়াসাহেবের প্রাণ সেই ব্রাহ্মণের জন্য কাঁদিতে লাগিল। তিনি মনে মনে কহিতে লাগিলেন, “এই রাজপুত্র গ্রাম্যগণের চেয়ে সে-ব্রাহ্মণ অনেক ভালো।” সুচিতসিংহের নিকটে শতমুখে রঘুপতির প্রশংসা করিতে লাগিলেন এবং বিজয়গড় সম্বন্ধে রঘুপতির কী মত তাহাও ব্যক্ত করিলেন।

## চতুর্বিংশ পরিচ্ছেদ

খুড়াসাহেবের হাত এড়াইতে সুচেতসিংহকে আর অধিক প্রয়াস পাইতে হইল না। কাল প্রাতে বন্দীসমেত সত্ৰাট-সৈন্তের যাত্রার দিন স্থির হইয়াছে, যাত্রার আয়োজনে সৈন্তরা নিযুক্ত হইল। বন্দীশালায় শাস্ত্রী অত্যন্ত অসন্তুষ্ট হইয়া মনে মনে কহিতেছেন, “ইহারা কী বেআদব। শিবির হইতে আমার আলবোলাটা আনিয়া দিবে, তাহাও ইহাদের মনে উদয় হইল না।”

বিজয়গড়ের পাহাড়ের নিম্নভাগে এক গভীর খাল আছে। সেই খালের ধারে এক স্থানে একটি বহুদল অশ্বখের গুঁড়ি আছে। সেই গুঁড়ির কাছ-বরাবর রঘুপতি গভীর রাজ্যে ডুব দিলেন ও অদৃশ্য হইয়া গেলেন।

গোপনে দুর্গ-প্রবেশের জন্য যে স্বরূপ-পথ আছে এই খালের গভীর তলেই তাহার প্রবেশের মুখ। এই পথ বাহিয়া স্বরূপ-প্রান্তে পৌঁছিয়া নিচে হইতে সবলে ঠেলিলেই একটি পাথর উঠিয়া পড়ে, উপর হইতে তাহাকে কিছুতেই উঠানো যায় না। সুতরাং বাহিয়া দুর্গের ভিতরে আছে তাহারা এ পথ দিয়া বাহির হইতে পারে না।

বন্দীশালার পালকের উপরে সূজা নিদ্রিত। পালক ছাড়া গৃহে আর কোনো সজ্জা নাই। একটি প্রদীপ জলিতেছে। সহসা গৃহে ছিদ্র প্রকাশ পাইল। অল্পে অল্পে মাথা তুলিয়া পাতাল হইতে রঘুপতি উঠিয়া পড়িলেন। তাঁহার সর্বাঙ্গ ভিজা। সিক্ত বস্ত্র হইতে জলধারা ঝরিয়া পড়িতেছে। রঘুপতি ধীরে ধীরে সূজাকে স্পর্শ করিলেন।

সূজা চমকিয়া উঠিয়া চক্ষু রগড়াইয়া কিছু ক্ষণ বসিয়া রহিলেন, তার পরে আলস্ত-জড়িত স্বরে কহিলেন, “কী হান্দাম। ইহারা কি আমাকে রাত্রেও ঘুমাইতে দিবে না। তোমাদের ব্যবহারে আমি আশ্চর্য হইয়াছি।”

রঘুপতি মৃদুস্বরে কহিলেন, “শাহাজাদা, উঠিতে আজ্ঞা হউক। আমি সেই ব্রাহ্মণ। আমাকে স্বরণ করিয়া দেখুন। ভবিষ্যতেও আমাকে স্বরণে রাখিবেন।”

পরদিন প্রাতে সন্ধ্যাট-সৈন্স যাত্রার জন্য প্রস্তুত হইল। সূজাকে নিদ্রা হইতে জাগাইবার জন্য রাজা জয়সিংহ স্বয়ং বন্দীশালার প্রবেশ করিলেন। দেখিলেন, সূজা তখনো শয্যা হইতে উঠেন নাই। কাছে গিয়া স্পর্শ করিলেন। দেখিলেন, সূজা নহে, তাঁহার বস্ত্র পড়িয়া আছে। সূজা নাই। ঘরের মেজের মধ্যে স্বরূপ-গহ্বর, তাহার প্রস্তুত-আবরণ উন্মুক্ত পড়িয়া আছে।

বন্দীর পলায়নবার্তা দুর্গে রাষ্ট্র হইল। সন্ধানের জন্য চারি দিকে লোক ছুটিল। রাজা বিক্রমসিংহের শির নত হইল। বন্দী কিরূপে পলাইল তাহার বিচারের জন্য সভা বসিল।

খুড়াসাহেবের সেই গর্বিত সহর্ষ ভাব কোথায় গেল। তিনি পাগলের মতো ‘ব্রাহ্মণ কোথায়’ ‘ব্রাহ্মণ কোথায়’ করিয়া রঘুপতিকে খুঁজিয়া বেড়াইতেছেন। ব্রাহ্মণ কোথাও নাই। পাগড়ি খুলিয়া খুড়াসাহেব কিছু কাল মাথায় হাত দিয়া বসিয়া রহিলেন। সূচেতসিংহ পাশে আসিয়া বসিলেন, কহিলেন, “খুড়াসাহেব, কী আশ্চর্য কারখানা। এ কি সমস্ত ভূতের কাণ্ড।” খুড়াসাহেব বিষণ্ণ ভাবে ঘাড় নাড়িয়া কহিলেন, “না এ ভূতের কাণ্ড নয় সূচেতসিংহ, এ এক জন নিতান্ত নির্বোধ বৃদ্ধের কাণ্ড ও আর এক জন বিশ্বাসঘাতক পাষণ্ডের কাজ।”

সূচেতসিংহ আশ্চর্য হইয়া কহিলেন, “তুমি যদি তাহাদের জানই তবে তাহাদের গ্রেফতার করিয়া দাও না কেন।”



খুড়াসাহেব কহিলেন, “ঠাঁহাদের মধ্যে একজন পালাইয়াছে। আর এক জনকে গ্রেফতার করিয়া রাজসভায় লইয়া যাইতেছি।” বলিয়া পাগড়ি পরিলেন ও রাজসভায় বেশ ধারণ করিলেন।

সভায় তখন প্রহরীদের সাক্ষ্য লওয়া হইতেছিল। খুড়াসাহেব নতশিরে সভায় প্রবেশ করিলেন। বিক্রমসিংহের পদতলে তলোয়ার খুলিয়া রাখিয়া কহিলেন, “আমাকে বন্দী করিতে আদেশ করুন, আমি অপরাধী।”

রাজা বিস্মিত হইয়া কহিলেন, “খুড়াসাহেব, ব্যাপার কী।”

খুড়াসাহেব কহিলেন, “সেই ব্রাহ্মণ। এ সমস্ত সেই বাঙালি ব্রাহ্মণের কাজ।”

রাজা জয়সিংহ জিজ্ঞাসা করিলেন “তুমি কে?”

খুড়াসাহেব কহিলেন, “আমি বিজয়গড়ের বৃদ্ধ খুড়াসাহেব।”

জয়সিংহ। “তুমি কী করিয়াছ?”

খুড়াসাহেব। “আমি বিজয়গড়ের সন্ধান ভেদ করিয়া বিশ্বাসঘাতকের কাজ করিয়াছি। আমি নিতান্ত নির্বোধের মতো বিশ্বাস করিয়া বাঙালি ব্রাহ্মণকে সুরঙ্গ-পথের কথা বলিয়াছিলাম—”

বিক্রমসিংহ সহসা জলিয়া উঠিয়া কহিলেন, “খড়গসিং।”

খুড়াসাহেব চমকিয়া উঠিলেন—তিনি প্রায় ভুলিয়া গিয়াছিলেন যে ঠাঁহার নাম খড়গসিংহ।

বিক্রমসিংহ কহিলেন, “খড়গসিংহ, এত দিন পরে তুমি কি আবার শিশু হইয়াছ।”

খুড়াসাহেব নতশিরে চূপ করিয়া রহিলেন।

বিক্রমসিংহ। “খুড়াসাহেব, তুমি এই কাজ করিলে। তোমার হাতে আজ বিজয়গড়ের অপমান হইল।”

খুড়াসাহেব চূপ করিয়া দাঁড়াইয়া রহিলেন, ঠাঁহার হাত ধরধর করিয়া কাঁপিতে লাগিল। কম্পিত হস্তে কপাল স্পর্শ করিয়া মনে মনে কহিলেন, “অদৃষ্ট।”

বিক্রমসিংহ কহিলেন, “আমার দুর্গ হইতে দিল্লীখবরের শত্রু পলায়ন করিল। জান, তুমি আমাকে দিল্লীখবরের নিকট অপরাধী করিয়াছ।”

খুড়াসাহেব কহিলেন, “আমিই একা অপরাধী। মহারাজ অপরাধী এ কথা দিল্লীখবর বিশ্বাস করিবেন না।”

বিক্রমসিংহ বিরক্ত হইয়া কহিলেন, “তুমি কে। তোমার খবর দিল্লীখবর কী রাখেন। তুমি তো আমারই লোক। এ ঘেন আমি নিজের হাতে বন্দীর বন্ধন মোচন করিয়া দিয়াছি।”

খুড়াসাহেব নিরুত্তর হইয়া রহিলেন। তিনি চোখের জল আর সামলাইতে পারিলেন না।

বিক্রমসিংহ কহিলেন, “তোমাকে কী দণ্ড দিব।”

খুড়াসাহেব। “মহারাজের ঘেমন ইচ্ছা।”

বিক্রমসিংহ। “তুমি বুড়ামানুষ, তোমাকে অধিক আর কী দণ্ড দিব। নির্বাসন দণ্ডই তোমার পক্ষে যথেষ্ট।”

খুড়াসাহেব বিক্রমসিংহের পা জড়াইয়া ধরিলেন, কহিলেন, “বিজয়গড় হইতে নির্বাসন। না মহারাজ, আমি বৃদ্ধ, আমার মতিভ্রম হইয়াছিল। আমাকে বিজয়গড়েই মরিতে দিন। যত্নদণ্ডের আদেশ করিয়া দিন। এই বুড়া বয়সে শেয়াল-কুকুরের মতো আমাকে বিজয়গড় হইতে খেদাইয়া দিবেন না।”

রাজা জয়সিংহ কহিলেন, “মহারাজ, আমার অনুরোধে ইহার অপরাধ মার্জনা করুন। আমি সম্রাটকে সমস্ত অবস্থা অবগত করিব।”

খুড়াসাহেবের মার্জনা হইল। সভা হইতে বাহির হইবার সময় খুড়াসাহেব কাপিয়া পড়িয়া গেলেন। সে দিন হইতে খুড়াসাহেবকে আর বড়ো একটা দেখা ঘাইত না; তিনি ঘর হইতে বাহির হইতেন না। তাঁহার মেরুদণ্ড যেন ভাঙিয়া গেল।

## পঞ্চবিংশ পরিচ্ছেদ

গুজুরপাড়া ব্রহ্মপুত্রের তীরে ক্ষুদ্র গ্রাম। এক জন ক্ষুদ্র জমিদার আছেন, নাম পীতাম্বর রায়—বাসিন্দা অধিক নাই। পীতাম্বর আপনার পুরাতন চণ্ডীমণ্ডপে বসিয়া আপনাকে রাজা বলিয়া থাকেন। তাঁহার প্রজারাও তাঁহাকে রাজা বলিয়া থাকেন। তাঁহার রাজমহিমা এই আশ্রয়ালয়বনবেষ্টিত ক্ষুদ্র গ্রামটুকুর মধ্যেই বিরাজমান। তাঁহার যশ এই গ্রামের নিকুঞ্জগুলির মধ্যে ধ্বনিত হইয়া এই গ্রামের সীমানার মধ্যেই বিলীন হইয়া যায়। জগতের বড়ো বড়ো রাজাধিরাজের প্রথর প্রতাপ এই ছায়াময় নীড়ের মধ্যে প্রবেশ করিতে পার না। কেবল তীর্থস্থানের উদ্দেশে নদীতীরে ত্রিপুরা রাজাদের এক বৃহৎ প্রাসাদ আছে, কিন্তু অনেক কাল হইতে রাজারা কেহ স্নানে আসেন নাই, সুতরাং ত্রিপুরার রাজার সহস্বে গ্রামবাসীদের মধ্যে একটা অস্পষ্ট জনশ্রুতি প্রচলিত আছে মাত্র।

এক দিন ভাদ্রমাসের দিনে গ্রামে সংবাদ আসিল, ত্রিপুরার এক রাজকুমার নদী তীরের পুরাতন প্রাসাদে বাস করিতে আসিতেছেন। কিছু দিন পরে বিস্তর পাগড়িবীধা লোক আসিয়া প্রাসাদে ভারি ধুম লাগাইয়া দিল। তাহার প্রায় এক সপ্তাহ পরে হাতিঘোড়া লোকলঙ্কর লইয়া স্বয়ং নক্ষত্র রায় গুজুরপাড়া গ্রামে আসিয়া উপস্থিত হইলেন। সমারোহ দেখিয়া গ্রামবাসীদের মুখে রা সরিল না। পীতাশ্বরকে এত দিন ভারি রাজা বলিয়া মনে হইত, কিন্তু আজ আর তাহা কাহারও মনে হইল না—নক্ষত্র রায়কে দেখিয়া সকলেই একবাক্যে বলিল, “হাঁ, রাজপুত্র এই রকমই হয় বটে।”

এইরূপে পীতাশ্বর তাঁহার পাকা দাগান ও চণ্ডীমণ্ডপস্বত্ব একেবারে লুপ্ত হইয়া গেলেন বটে, কিন্তু তাঁহার আনন্দের আর সীমা রহিল না। নক্ষত্র রায়কে তিনি এমনি রাজা বলিয়া অস্বভব করিলেন যে নিজের ক্ষুদ্র রাজমহিমা নক্ষত্র রায়ের চরণে সম্পূর্ণ বিসর্জন দিয়া তিনি পরম সুখী হইলেন। নক্ষত্র রায় কদাচিৎ হাতি চড়িয়া বাহির হইলে পীতাশ্বর আপনার প্রজাদের ডাকিয়া বলিতেন, “রাজা দেখেছিস? ঐ দেখ্ রাজা দেখ্।” মাছ-তরকারি আহাৰ্য্য় দ্রব্য উপহার লইয়া পীতাশ্বর প্রতিদিন নক্ষত্র রায়কে দেখিতে আসিতেন—নক্ষত্র রায়ের তরুণ সুন্দর মুখ দেখিয়া পীতাশ্বরের স্নেহ উচ্ছ্বসিত হইয়া উঠিত। নক্ষত্র রায়ই গ্রামের রাজা হইয়া উঠিলেন। পীতাশ্বর প্রজাদের মধ্যে শিখা ভর্তি হইলেন।

প্রতিদিন তিন বেলা নহবত বাজিতে লাগিল, গ্রামের পথে হাতি-ঘোড়া চলিতে লাগিল, রাজদ্বারে মুক্ত তরবারির বিছাৎ খেলিতে লাগিল, হাটবাজার বসিয়া গেল। পীতাশ্বর এবং তাঁহার প্রজারা পুলকিত হইয়া উঠিলেন। নক্ষত্র রায় এই নির্বাসনের রাজা হইয়া উঠিয়া সমস্ত দুঃখ ভুলিলেন। এখানে রাজত্বের ভার কিছু মাত্র নাই অথচ রাজত্বের সুখ সম্পূর্ণ আছে। এখানে তিনি সম্পূর্ণ স্বাধীন, স্বদেশে তাঁহার এত প্রবল প্রতাপ ছিল না। তাহা ছাড়া, এখানে রঘুপতির ছায়া নাই। মনের উল্লাসে নক্ষত্র রায় বিলাসে মগ্ন হইলেন। ঢাকা নগরী হইতে নটনটী আসিল, নৃত্যগীতবাঞ্চে নক্ষত্র রায়ের তিলেক অকুচি নাই।

নক্ষত্র রায় ত্রিপুরার রাজ-অহুষ্ঠান সমস্তই অবলম্বন করিলেন। ভৃত্যদের মধ্যে কাহারও নাম রাখিলেন মন্ত্রী, কাহারও নাম রাখিলেন সেনাপতি, পীতাশ্বর দেওয়ানজি নামে চলিত হইলেন। রীতিমতো রাজ-দরবার বসিত। নক্ষত্র রায় পরম আড়ম্বরে বিচার করিতেন। নকুড় আসিয়া নাগিশ করিল, “মধুর আমায় ‘কুতো’ করেছে।” তাহার বিধিমতো বিচার বলিল। বিবিধ প্রমাণ সংগ্রহের পর মধুর দোষী সাব্যস্ত

হইলে নক্ষত্র রায় পরম গভীরভাবে বিচারাসন হইতে আদেশ করিলেন—নকুড় মথুরকে দুই কানমলা দেয়। এইরূপে স্বখে সময় কাটিতে লাগিল। এক-এক দিন হাতে নিতান্ত কাজ না থাকিলে সৃষ্টিছাড়া একটা কোনো নূতন আমোদ উদ্ভাবনের জন্ত মন্ত্রীকে তলব পড়িত। মন্ত্রী রাজসভাসদদিগকে সমবেত করিয়া নিতান্ত উৎসাহ ব্যাকুল ভাবে নূতন খেলা বাহির করিতে প্রবৃত্ত হইতেন, গভীর চিন্তা ও পরামর্শের অবধি থাকিত না। এক দিন সৈন্যসামন্ত লইয়া পীতাধরের চণ্ডীমণ্ডপ আক্রমণ করা হইয়াছিল, এবং তাঁহার পুকুর হইতে মাছ ও তাঁহার বাগান হইতে ডাব ও পালং-শাক লুঠের দ্রব্যের স্বরূপ অত্যন্ত ধুম করিয়া বাস্তব বাজাইয়া প্রাসাদে আনা হইয়াছিল। এইরূপ খেলাতে নক্ষত্র রায়ের প্রতি পীতাধরের স্নেহ আরো গাঢ় হইত।

আজ প্রাসাদে বিড়াল-শাবকের বিবাহ। নক্ষত্র রায়ের একটি শিশু বিড়ালী ছিল, তাহার সহিত মণ্ডলদের বিড়ালের বিবাহ হইবে। চূড়োমণি ঘটক ঘটকালির স্বরূপ তিন শত টাকা ও একটা শাল পাইয়াছে। গায়ে-হলুদ প্রভৃতি সমস্ত উপক্রমণিকা হইয়া গিয়াছে। আজ শুভলগ্নে সন্ধ্যার সময়ে বিবাহ হইবে। এ কয় দিন রাজ বাটীতে কাহারও তিলাধি অবসর নাই।

সন্ধ্যার সময় পথঘাট আলোকিত হইল, নহবত বসিল। মণ্ডলদের বাড়ি হইতে চতুর্দোলায় চড়িয়া কিংখাবের বেশ পরিয়া পাত্র অতি কাতর স্বরে মিউ মিউ করিতে করিতে যাত্রা করিয়াছে। মণ্ডলদের বাড়ির ছোটো ছেলেটি মিত-বরের মতো তাহার গলার দড়িটি ধরিয়া তাহার সঙ্গে সঙ্গে আসিতেছে। উলু-শঙ্খধ্বনির মধ্যে পাত্র সভাস্থ হইল।

পুরোহিতের নাম কেনারাম—কিন্তু নক্ষত্র রায় তাহার নাম রাখিয়াছিলেন রঘুপতি। নক্ষত্র রায় আসল রঘুপতিকে ভয় করিতেন এই জন্ত নকল রঘুপতিকে লইয়া খেলা করিয়া স্বখী হইতেন। এমন কি, কথায় কথায় তাহাকে উৎসীড়ন করিতেন—গরিব কেনারাম সমস্ত নীরবে সহ্য করিত। আজ দৈবদুর্বিপাকে কেনারাম সভায় অস্থপস্থিত—তাহার ছেলেটি অরবিকারে মরিতেছে।

নক্ষত্র রায় অধীর স্বরে জিজ্ঞাসা করিলেন, “রঘুপতি কোথায়।”

ভৃত্য বলিল, “তাঁহার বাড়িতে ব্যামো।”

নক্ষত্র রায় দ্বিগুণ হাঁকিয়া বলিলেন, “বোলাও উস্কো।”

লোক ছুটিল। ততক্ষণ রোক্তমান বিড়ালের সমক্ষে নাচগান চলিতে লাগিল।

নক্ষত্র রায় বলিলেন, “সাহানা গাও।” সাহানা গান আরম্ভ হইল।

কিয়ৎক্ষণ পরে ভৃত্য আসিয়া নিবেদন করিল, “রঘুপতি আসিয়াছেন।”

নক্ষত্র রায় সরোবে বলিলেন, “বোলাও ।”

তৎক্ষণাৎ পুরোহিত গৃহে প্রবেশ করিলেন । পুরোহিতকে দেখিয়াই নক্ষত্র রায়ের অকুটি কোথায় মিলাইয়া গেল, তাঁহার সম্পূর্ণ ভাবান্তর উপস্থিত হইল । তাঁহার মুখ বিবর্ণ হইয়া গেল, রূপালে ঘর্ষ দেখা দিল । সাহানা গান, সারঙ্গ ও বৃন্দঙ্গ সহসা বন্ধ হইল, কেবল বিড়ালের মিউ মিউ ধ্বনি নিস্তব্ধ ঘরে দ্বিগুণ জাগিয়া উঠিল ।

এ রঘুপতিই বটে । তাহার আর সন্দেহ নাই । দীর্ঘ, শীর্ণ, তেজস্বী, বহুদিনের ক্ষুধিত কুকুরের মতো চক্ষু দুটো জলিতেছে । ধূলার পরিপূর্ণ দুই পা তিনি কিংখাব মছলন্দের উপর স্থাপন করিয়া মাথা তুলিয়া দাঁড়াইলেন । বলিলেন, “নক্ষত্র রায় ।”

নক্ষত্র রায় চূপ করিয়া রহিলেন ।

রঘুপতি বলিলেন, “তুমি রঘুপতিকে ডাকিয়াছ । আমি আসিয়াছি ।”

নক্ষত্র রায় অস্পষ্টভাবে কহিলেন, “ঠাকুর—ঠাকুর ।”

রঘুপতি কহিলেন, “উঠিয়া এস ।”

নক্ষত্র রায় ধীরে ধীরে সভা হইতে উঠিয়া গেলেন । বিড়ালের বিয়ে, সাহানা এবং সারঙ্গ একেবারে বন্ধ হইল ।

## ষড়্‌বিংশ পরিচ্ছেদ

রঘুপতি জিজ্ঞাসা করিলেন, “এ সব কী হইতেছিল ।”

নক্ষত্র রায় মাথা চুলকাইয়া কহিলেন, “নাচ হইতেছিল ।”

রঘুপতি স্বপ্নায় কুঞ্চিত হইয়া কহিলেন, “ছি ছি ।” নক্ষত্র রায় অপরাধীর ভায় দাঁড়াইয়া রহিলেন ।

রঘুপতি কহিলেন, “কাল এখান হইতে যাত্রা করিতে হইবে । তাহার উদ্যোগ করো ।”

নক্ষত্র রায় কহিলেন, “কোথায় যাইতে হইবে ।”

রঘুপতি । “সে কথা পরে হইবে । আপাতত আমার সঙ্গে বাহির হইয়া পড়ো ।”

নক্ষত্র রায় কহিলেন, “আমি এখানে বেশ আছি ।”

রঘুপতি । “বেশ আছি ! তুমি রাজবংশে জন্মিয়াছ, তোমার পূর্বপুরুষেরা সকলে রাজত্ব করিয়া আসিয়াছেন । তুমি কি না আজ এই বনগাঁয়ে শেরাল রাজা হইয়া বসিয়া আছ আর বলিতেছ, ‘বেশ আছি’ ।”

রঘুপতি তীব্র বাক্যে ও তীক্ষ্ণ কটাক্ষে প্রমাণ করিয়া দিলেন যে, নক্ষত্র রায় ভালো নাই। নক্ষত্র রায়ও রঘুপতির মুখের তেজে কতকটা সেই রকমই বুলিলেন। তিনি বলিলেন, “বেশ আর কী এমনি আছি। কিন্তু আর কী করিব। উপায় কী আছে।”

রঘুপতি। “উপায় ঢের আছে—উপায়ের অভাব নাই। আমি তোমাকে উপায় দেখাইয়া দিব—তুমি আমার সঙ্গে চলো।”

নক্ষত্র রায়। “এক বার দেওয়ানজিকে জিজ্ঞাসা করি।”

রঘুপতি। “না।”

নক্ষত্র রায়। “আমার এই সব জিনিসপত্র—”

রঘুপতি। “কিছু আবশ্যক নাই।”

নক্ষত্র রায়। “লোকজন—”

রঘুপতি। “দরকার নাই।”

নক্ষত্র রায়। “আমার হাতে এখন ষথেষ্ট নগদ টাকা নাই।”

রঘুপতি। “আমার আছে। আর অধিক ওজর আপত্তি করিয়ে না। আজ শয়ন করিতে যাও, কাল প্রাতঃকালেই যাত্রা করিতে হইবে।” বলিয়া রঘুপতি কোনো উত্তরের অপেক্ষা না করিয়া চলিয়া গেলেন।

তাহার পরদিন ভোরে নক্ষত্র রায় উঠিয়াছেন। তখন বন্দীরা মলিত রাগিণীতে মধুর গান গাহিতেছে। নক্ষত্র রায় বহির্ভবনে আসিয়া জানালা হইতে বাহিরে চাহিয়া দেখিলেন। পূর্বতীরে সূর্যোদয় হইতেছে, অরণ্যবেশা দেখা দিয়াছে। উভয় তীরের ঘন তরুশ্রোতের মধ্য দিয়া, ছোটো ছোটো নিদ্রিত গ্রামগুলির ঘরের কাছ দিয়া ব্রহ্মপুত্র তাহার বিপুল জলরাশি লইয়া অবাধে বহিয়া যাইতেছে। প্রাসাদের জানালা হইতে নদীতীরের একটি ছোটো কুটির দেখা যাইতেছে। একটি মেয়ে প্রাঙ্গণ কাঁট দিতেছে—এক জন পুরুষ তাহার সঙ্গে দুই-একটা কথা কহিয়া মাথার চাদর বাধিয়া, একটা বড়ো বাঁশের লাঠির অগ্রভাগে পুঁটলি বাধিয়া নিশ্চিন্তমনে কোথায় বাহির হইল। শ্রামা ও দোয়েল শিস দিতেছে, বেনে-বউ বড়ো কাঁঠাল গাছের ঘন পল্লবের মধ্যে বসিয়া গান গাহিতেছে। বাতায়নে দাঁড়াইয়া বাহিরের দিকে চাহিয়া নক্ষত্র রায়ের হৃদয় হইতে এক গভীর দীর্ঘনিশ্বাস উঠিল, এমন সময়ে পশ্চাৎ হইতে রঘুপতি আসিয়া নক্ষত্র রায়কে স্পর্শ করিলেন। নক্ষত্র রায় চমকিয়া উঠিলেন। রঘুপতি যুহুগষ্ঠীর স্বরে কহিলেন, “যাত্রার সমস্ত প্রস্তুত।”

নক্ষত্র রায় ছোড়হাতে অভ্যস্ত কাতর স্বরে কহিলেন, “ঠাকুর, আমাকে যাপ করো ঠাকুর,—আমি কোথাও যাইতে চাহি না। আমি এখানে বেশ আছি।”

রঘুপতি একটি কথা না বলিয়া নকত্র রায়ের মুখের দিকে তাঁহার অগ্নিদৃষ্টি স্থির রাখিলেন। নকত্র রায় চোখ নামাইয়া কহিলেন, “কোথায় বাইতে হইবে?”

রঘুপতি। “সে কথা এখন হইতে পারে না।”

নকত্র। “দাদার বিরুদ্ধে আমি কোনো চক্রান্ত করিতে পারিব না।”

রঘুপতি জলিয়া উঠিয়া কহিলেন, “দাদা তোমার কী মহৎ উপকারটা করিয়াছেন তুমি?”

নকত্র মুখ ফিরাইয়া জানালার উপর আঁচড় কাটিয়া বলিলেন, “আমি জানি, তিনি আমাকে ভালোবাসেন।”

রঘুপতি তাঁর গুহ হস্তের সহিত কহিলেন, “হরি, হরি, কী প্রেম। তাই বুঝি নির্বিঘ্নে ঋষকে যৌবরাজ্যে অভিষিক্ত করিবার অশ্রু মিছা ছুতা করিয়া দাদা তোমাকে রাজ্য হইতে তাড়াইলেন—পাছে রাজ্যের গুরুভারে ননির পুতলি স্নেহের ভাই কখনো ব্যাধিত হইয়া পড়ে। সে রাজ্যে আর কি কখনো সহজে প্রবেশ করিতে পারিবে। নির্বোধ।”

নকত্র রায় তাড়াতাড়ি বলিলেন, “আমি কি এই সামান্ত কথাটা আর বুঝি না। আমি সমস্তই বুঝি—কিন্তু আমি কী করিব বলো ঠাকুর, উপায় কী।”

রঘুপতি। “সেই উপায়ের কথাই তো হইতেছে। সেই অশ্রুই তো আসিয়াছি। ইচ্ছা হয় তো আমার সঙ্গে চলিয়া আইস, নয় তো এই বাশ বনের মধ্যে বসিয়া বসিয়া তোমার হিতাকাঙ্ক্ষী দাদার ধ্যান করো। আমি চলিলাম।”

বলিয়া রঘুপতি প্রস্থানের উদ্ভোগ করিলেন। নকত্র রায় তাড়াতাড়ি পশ্চাৎ পশ্চাৎ গিয়া কহিলেন, “আমিও যাইব ঠাকুর, কিন্তু দেওয়ানজি যদি যাইতে চান তাঁহাকে আমাদের সঙ্গে লইয়া যাইতে কি আপত্তি আছে?”

রঘুপতি কহিলেন, “আমি ছাড়া আর কেহ সঙ্গে যাইবে না।”

বাড়ি ছাড়িয়া নকত্র রায়ের পা সন্নিহিত চায় না। এই সমস্ত স্তূপের খেলা ছাড়িয়া দেওয়ানজিকে ছাড়িয়া রঘুপতির সঙ্গে একলা কোথায় বাইতে হইবে। কিন্তু রঘুপতি যেন তাঁহার কেশ ধরিয়া টানিয়া লইয়া চলিলেন। তাহা ছাড়া নকত্র রায়ের মনে একপ্রকার ভয়মিশ্রিত কৌতূহলও জন্মিতে লাগিল। তাহারও একটা ভীষণ আকর্ষণ আছে।

নৌকা প্রস্তুত আছে। নদীতীরে উপস্থিত হইয়া নকত্র রায় দেখিলেন, কাঁধে গামছা কেলিয়া পীতাম্বর স্নান করিতে আসিয়াছেন। নকত্রকে দেখিয়াই পীতাম্বর হস্তবিকশিত মুখে কহিলেন, “অরোহণ মহারাজ; শুনিলাম নাকি কাল কোথা হইতে এক অলক্ষ্যমস্ত বিটল ব্রাহ্মণ আসিয়া শুভবিবাহের ব্যাঘাত করিয়াছে।”

নক্ষত্র রায় অস্থির হইয়া পড়িলেন। রঘুপতি গভীরস্বরে কহিলেন, “আমিই সেই বিটল ব্রাহ্মণ।”

পীতাম্বর হাসিয়া উঠিলেন, কহিলেন, “তবে তো আপনার সাক্ষাতে আপনার বর্ণনা করাটা ভালো হয় নাই। জানিলে কোন্ পিতার পুত্র এমন কাজ করিত। কিছু মনে করিবেন না ঠাকুর, অসাক্ষাতে লোকে কী না বলে। আমাকে বাহারা সম্মুখে বলে রাজা, তাহারা আড়ালে বলে পিতৃ। মুখের সামনে কিছু না বলিলেই হইল, আমি তো এই বুঝি। আসল কথা কী জানেন, আপনার মুখটা কেমন ভারি অপ্রসন্ন দেখাইতেছে, কাহারও এমন মুখের ভাব দেখিলে লোকে তাহার নামে নিন্দা রটার। মহারাজ এত প্রাতে যে নদীতীরে।”

নক্ষত্র রায় কিছু করুণ স্বরে কহিলেন, “আমি যে চলিলাম দেওয়ানজি।”

পীতাম্বর। “চলিলেন? কোথায়? ন-পাড়ায়, মণ্ডলদের বাড়ি?”

নক্ষত্র। “না দেওয়ানজি, মণ্ডলদের বাড়ি নয়। অনেক দূর।”

পীতাম্বর। “অনেক দূর। তবে কি পাইকঘাটায় শিকারে যাইতেছেন?”

নক্ষত্র রায় এক বার রঘুপতির মুখের দিকে চাহিয়া কেবল বিষণ্ণ ভাবে ঘাড় নাড়িলেন।

রঘুপতি কহিলেন, “বেলা বহিয়া যায়, নৌকায় উঠা হউক।”

পীতাম্বর অত্যন্ত সন্দিগ্ধ ও ক্রুদ্ধ ভাবে ব্রাহ্মণের মুখের দিকে চাহিলেন, কহিলেন, “তুমি কে হে ঠাকুর। আমাদের মহারাজকে হুকুম করিতে আসিয়াছ।”

নক্ষত্র ব্যস্ত হইয়া পীতাম্বরকে এক পাশে টানিয়া লইয়া কহিলেন, “উনি আমাদের গুরুঠাকুর।”

পীতাম্বর বলিয়া উঠিলেন, “হ’ক না গুরুঠাকুর। উনি আমাদের চণ্ডীমণ্ডপে থাকুন, চাল-কলা বরাদ্দ করিয়া দিব, সমাদরে থাকিবেন—মহারাজকে উহার কিসের আবশ্যক।”

রঘুপতি। “বৃথা সময় নষ্ট হইতেছে—আমি তবে চলিলাম।”

পীতাম্বর। “যে আজ্ঞে, বিলম্বে ফল কী, মশায় চটপট সরিয়া পড়ুন। মহারাজকে লইয়া আমি প্রাসাদে যাইতেছি।”

নক্ষত্র রায় এক বার রঘুপতির মুখের দিকে চাহিয়া এক বার পীতাম্বরের মুখের দিকে চাহিয়া বৃদ্ধস্বরে কহিলেন, “না দেওয়ানজি, আমি যাই।”

পীতাম্বর। “তবে আমিও যাই, লোকজন সঙ্গে লউন। রাজার মতো চলুন। রাজা যাইবেন, সঙ্গে দেওয়ানজি যাইবে না?”



নক্ষত্র রায় কেবল রঘুপতির মুখের দিকে চাহিলেন। রঘুপতি কহিলেন, “কেহ সঙ্গে যাইবে না।”

পীতাম্বর উগ্র হইয়া উঠিয়া কহিলেন, “দেখো ঠাকুর, তুমি—” নক্ষত্র রায় তাঁহাকে তাড়াতাড়ি বাধা দিয়া বলিলেন, “দেওয়ানজি, আমি যাই, দেবি হইতেছে।”

পীতাম্বর স্নান হইয়া নক্ষত্রের হাত ধরিয়া কহিলেন, “দেখো বাবা, আমি তোমাকে রাজা বলি, কিন্তু আমি তোমাকে সম্রাটের মতো ভালোবাসি—আমার সম্রাট কেহ নাই। তোমার উপর আমার জোর খাটে না। তুমি চলিয়া যাইতেছ, আমি জোর করিয়া ধরিয়া রাখিতে পারি না। কিন্তু আমার একটি অমরোষ এই আছে, যেখানেই যাও আমি মরিবার আগে ফিরিয়া আসিতে হইবে। আমি স্বহস্তে আমার রাজত্ব সমস্ত তোমার হাতে দিয়া যাইব। আমার এই একটি সাধ আছে।”

নক্ষত্র রায় ও রঘুপতি নৌকায় উঠিলেন। নৌকা দক্ষিণমুখে চলিয়া গেল। পীতাম্বর স্নান ভুলিয়া গামছা-কাধে অন্তমনস্কে বাড়ি ফিরিয়া গেলেন। গুজুরপাড়া যেন শূন্য হইয়া গেল—তাহার আমোদ-উৎসব সমস্ত অবসান। কেবল প্রতিদিন প্রকৃতির নিত্য উৎসব, প্রাতে পাখির গান, পল্লবের মর্মরধ্বনি ও নদীতরঙ্গের করতালির বিরাম নাই।

## সপ্তবিংশ পরিচ্ছেদ

দীর্ঘ পথ। কোথাও বা নদী, কোথাও বা ঘন অরণ্য, কোথাও বা ছায়াহীন প্রান্তর—কখনো বা নৌকায়, কখনো বা পদব্রজে, কখনো বা টাটু ঘোড়ায়—কখনো রোত্র, কখনো বৃষ্টি, কখনো কোলাহলময় দিন, কখনো নিশীথিনীর নিস্তর অন্ধকার—নক্ষত্র রায় অবিশ্রাম চলিয়াছেন। কত দেশ, কত বিচিত্র দৃশ্য, কত বিচিত্র লোক—কিন্তু নক্ষত্র রায়ের পার্শ্বে ছায়ার স্তায় ক্ষীণ, রোত্রেয় স্তায় দীপ্ত সেই একমাত্র রঘুপতি অবিশ্রাম লাগিয়া আছেন। দিনে রঘুপতি, রাত্রে রঘুপতি, স্বপ্নেও রঘুপতি বিরাজ করেন। পথে পথিকেরা যাতায়াত করিতেছে, পথপার্শ্বে ধুলার ছেলেরা খেলা করিতেছে, হাটে শত শত লোক কেনাবেচা করিতেছে, গ্রামে বৃদ্ধেরা পাশা খেলিতেছে, ঘাটে মেয়েরা জল তুলিতেছে, নৌকায় মাঝির গান গাহিয়া চলিয়াছে—কিন্তু নক্ষত্র রায়ের পার্শ্বে এক দীর্ঘ রঘুপতি সর্বদা জাগিয়া আছে। জগতে চারি দিকে বিচিত্র খেলা হইতেছে, বিচিত্র ঘটনা ঘটতেছে—কিন্তু এই রক্তক্ষুরি বিচিত্র লীলার মাঝখান

দিয়া নক্ষত্র রায়ের ছুরদৃষ্ট তাঁহাকে টানিয়া লইয়া চলিয়াছে—সজন তাঁহার পক্ষে বিজন, লোকালয় কেবল শূন্য মরুভূমি।

নক্ষত্র রায় শ্রান্ত হইয়া তাঁহার পার্শ্ববর্তী ছায়াকে জিজ্ঞাসা করেন, “আর কত দূর যাইতে হইবে।”

ছায়া উত্তর করে, “অনেক দূর।”

“কোথায় যাইতে হইবে।”

তাঁহার উত্তর নাই। নক্ষত্র রায় নিঃশ্বাস ফেলিয়া চলিতে থাকেন। তরুশ্রেণীর মধ্যে পাতা-দিয়া-ছাওয়া নিভৃত পরিচ্ছন্ন কুটির দেখিলে তাঁহার মনে হয়, আমি যদি কুটিরের অধিবাসী হইতাম। গোধূলির সময় যখন রাখাল লাঠি কাঁধে করিয়া মাঠ দিয়া গ্রাম্য পথ দিয়া ধূলা উড়াইয়া গোক-বাছুর লইয়া চলে, নক্ষত্র রায়ের মনে হয়, আমি যদি ইহার সঙ্গে যাইতে পাইতাম, সন্ধ্যাবেলায় গৃহে গিয়া বিশ্রাম করিতে পাইতাম। মধ্যাহ্নে প্রচণ্ড রৌদ্রে চাষা চাষ করিতেছে, তাহাকে দেখিয়া নক্ষত্র রায় মনে করেন, আহা এ কী সুখী।

পথকটে নক্ষত্র রায় বিবর্ণ শীর্ণ মলিন হইয়া গিয়াছেন—রঘুপতিকে বলেন, “ঠাকুর, আমি আর বাঁচিব না।”

রঘুপতি বলেন, “এখন তোমাকে মরিতে দিবে কে।”

নক্ষত্র রায়ের মনে হইল, রঘুপতি অবকাশ না দিলে তাঁহার মরিবারও সুযোগ নাই। এক জন স্ত্রীলোক নক্ষত্র রায়কে দেখিয়া বলিয়াছিল, “আহা কাদের ছেলে গো। একে পথে কে বাহির করিয়াছে।” শুনিয়া নক্ষত্র রায়ের প্রাণ গলিয়া গেল, তাঁহার চোখে জল আসিল, তাঁহার ইচ্ছা হইল সেই স্ত্রীলোকটিকে মা বলিয়া তাহার সঙ্গে তাহার ঘরে চলে যান।

কিন্তু নক্ষত্র রায় রঘুপতির হাতে যতই কষ্ট পাইতে লাগিলেন রঘুপতির ততই বশ হইতে লাগিলেন—রঘুপতির অঙ্গুলির ইচ্ছিতে তাঁহার সমস্ত অস্তিত্ব পরিচালিত হইতে লাগিল।

চলিতে চলিতে ক্রমে নদীর বাহ্য কামিয়া আসিতে লাগিল। ক্রমে ভূমি দৃঢ় হইয়া আসিল; যুক্তিকা লোহিতবর্ণ, কঙ্করময়, লোকালয় দূরে দূরে স্থাপিত, গাছপালা বিরল; নারিকেল-বনের দেশ ছাড়িয়া দুই পশ্চিম তাল-বনের দেশে আসিয়া পড়িলেন। মাঝে মাঝে বড়ো বড়ো বাঁধ, শুষ্ক নদীর পথ, দূরে মেঘের মতো পাহাড় দেখা যাইতেছে। ক্রমে শাস্ত্রজার রাজধানী রাজমহল নিকটবর্তী হইতে লাগিল।

## অষ্টাবিংশ পরিচ্ছেদ

অবশেষে রাজধানীতে আসিয়া উপস্থিত হইলেন। পরাজয় ও পলায়নের পরে সূজা নূতন সৈন্য সংগ্রহ চেষ্টায় প্রবৃত্ত হইয়াছেন—কিন্তু রাজকোষে অধিক অর্থ নাই। প্রজাগণ করতারে পীড়িত। ইতিমধ্যে দারাকে পরাজিত ও নিহত করিয়া ঔরংজেব দিল্লির সিংহাসনে বসিয়াছেন। সূজা এই সংবাদ পাইয়া অত্যন্ত বিচলিত হইলেন। কিন্তু সৈন্যসামন্ত কিছুই প্রস্তুত ছিল না—এই জন্য কিছু সময় হাতে পাইবার আশায় তিনি ছল করিয়া ঔরংজেবের নিকট এক ছুত পাঠাইয়া দিলেন। বলিয়া পাঠাইলেন যে, নগনের জ্যোতি হৃদয়ের আনন্দ পরমস্নেহাম্পন্ন প্রিয়তম ভ্রাতা ঔরংজেব সিংহাসন-লাভে কৃতকার্য হইয়াছেন ইহাতে সূজা মৃতদেহে প্রাণ পাইলেন—এক্ষণে সূজার বাংলা শাসনভার নূতন সম্রাট মঞ্জুর করিলেই আনন্দের আর কিছু অবশিষ্ট থাকে না। ঔরংজেব অত্যন্ত সমাদরের সহিত দূতকে আহ্বান করিলেন। সূজার শরীর-মনের স্বাস্থ্য এবং সূজার পরিবারের মঙ্গল-সংবাদ জানিবার জন্য সর্বিশেষ ঔৎসুক্য প্রকাশ করিলেন, এবং বলিলেন, “যখন স্বয়ং সম্রাট শাজাহান সূজাকে বাংলার শাসনকার্যে নিয়োগ করিয়াছেন, তখন আর দ্বিতীয় মঞ্জুরি-পত্রের কোনো আবশ্যক নাই।” এই সময় রঘুপতি সূজার সভায় গিয়া উপস্থিত হইলেন।

সূজা কৃতজ্ঞতা ও সমাদরের সহিত তাঁহার উদ্ধারকর্তাকে আহ্বান করিলেন। বলিলেন, “ধবর কী ?”

রঘুপতি বলিলেন, “বাদশাহের কাছে কিছু নিবেদন আছে।”

সূজা মনে মনে ভাবিলেন, নিবেদন আবার কিসের। কিছু অর্থ চাহিয়া না বলিলে ঠাচি।

রঘুপতি কহিলেন, “আমার প্রার্থনা এই যে—”

সূজা কহিলেন, “ব্রাহ্মণ, তোমার প্রার্থনা আমি নিশ্চয় পূরণ করিব। কিন্তু কিছু দিন সবুৰ করো। এখন রাজকোষে অধিক অর্থ নাই।”

রঘুপতি কহিলেন, “শাহেন শা, রূপা সোনা বা আর কোনো ধাতু চাহি না, আমি এখন শাপিত ইন্দ্রপাত চাই। আমার নালিশ শুুন, আমি বিচার প্রার্থনা করি।”

সূজা কহিলেন, “ভারি মুশকিল। এখন আমার বিচার করিবার সময় নহে। ব্রাহ্মণ, তুমি বড়ো অসময়ে আসিয়াছ।”

রঘুপতি কহিলেন, “শাহ্-জাদা, সময়-অসময় সকলেরই আছে। আপনি বাদশাহ,

আপনারও আছে, এবং আমি দরিদ্র ব্রাহ্মণ, আমারও আছে। আপনার সময়মতো আপনি বিচার করিতে বসিলে আমার সময় থাকে কোথা।”

সুজা হাল ছাড়িয়া দিয়া বলিলেন, “ভারি হাঙ্গাম। এত কথা শোনার চেয়ে তোমার নালিশ শোনা ভালো। বলিয়া যাও।”

রঘুপতি কহিলেন, “ত্রিপুরার রাজা গোবিন্দমাণিক্য তাঁহার কনিষ্ঠ ভ্রাতা নক্ষত্র রায়কে বিনা অপরাধে নির্বাসিত করিয়াছেন—”

সুজা বিরক্ত হইয়া কহিলেন, “ব্রাহ্মণ, তুমি পরের নালিশ লইয়া কেন আমার সময় নষ্ট করিতেছ। এখন এ সমস্ত বিচার করিবার সময় নয়।”

রঘুপতি কহিলেন, “করিয়াদি রাজধানীতে হাজির আছেন।”

সুজা কহিলেন, “তিনি আপনি উপস্থিত থাকিয়া আপনার মুখে যখন নালিশ উত্থাপন করিবেন তখন বিবেচনা করা যাইবে।”

রঘুপতি কহিলেন, “তাঁহাকে কবে এখানে হাজির করিব।”

সুজা কহিলেন, “ব্রাহ্মণ কিছুতেই ছাড়ে না। আচ্ছা এক সপ্তাহ পরে আনিয়ো।”

রঘুপতি কহিলেন, “বাদশাহ যদি হুকুম করেন তো আমি তাঁহাকে কাল আনিব।”

সুজা বিরক্ত হইয়া কহিলেন, “আচ্ছা কালই আনিয়ো।” আজিকার মতো নিষ্কৃতি পাইলেন। রঘুপতি বিদায় হইলেন।

নক্ষত্র রায় কহিলেন, “নবাবের কাছে যাইব কিন্তু নজরের জন্ত কী লইব।”

রঘুপতি কহিলেন, “সেজন্ত তোমাকে ভাবিতে হইবে না। নজরের জন্ত তিনি দেড় লক্ষ মুদ্রা উপস্থিত করিলেন।

পরদিন প্রভাতে রঘুপতি কম্পিতহৃদয়ে নক্ষত্র রায়কে লইয়া সুজার সভায় উপস্থিত হইলেন। যখন দেড় লক্ষ টাকা নবাবের পদতলে স্থাপিত হইল তখন তাঁহার মুখশ্রী তেমন অগ্রসর বোধ হইল না। নক্ষত্র রায়ের নালিশ অতি সহজেই তাঁহার কলরংগম হইল। তিনি কহিলেন, “একণে তোমাদের কী অভিপ্রায় আমাকে বলো।”

রঘুপতি কহিলেন, “গোবিন্দমাণিক্যকে নির্বাসিত করিয়া তাহার স্থলে নক্ষত্র রায়কে রাজা করিয়া দিতে আজ্ঞা হউক।”

যদিও সুজা নিজে ভ্রাতার সিংহাসনে হস্তক্ষেপ করিতে কিছুমাত্র সংকুচিত হন না, তথাপি এ-স্থলে তাঁহার মনে কেমন আপত্তি উপস্থিত হইল। কিন্তু রঘুপতির প্রার্থনা পূরণ করাই তাঁহার আপাতত সকলের চেয়ে সহজ বোধ হইল—নহিলে রঘুপতি বিস্তর বকাবকি করিবে এই তাঁহার ভয়। বিশেষত দেড় লক্ষ টাকা নজরের উপরেও অধিক আপত্তি করা ভালো দেখায় না এইরূপ তাঁহার মনে হইল। তিনি বলিলেন,

“আচ্ছা, গোবিন্দমাণিক্যের নির্বাসন এবং নক্ষত্র রায়ের রাজ্যপ্রাপ্তির পরোয়ানা-পত্র তোমাদের সঙ্গে দিব, তোমরা লইয়া যাও।”

রঘুপতি কহিলেন, “বাদশাহের কতিপয় সৈন্যও সঙ্গে দিতে হইবে।”

সুজা দৃঢ়ভাবে কহিলেন, “না, না, না—তাহা হইবে না, যুদ্ধবিগ্রহ করিতে পারিব না।”

রঘুপতি কহিলেন, “যুদ্ধের ব্যয়স্বরূপ আরও ছত্রিশ হাজার টাকা আমি রাখিয়া যাইতেছি। এবং ত্রিপুরায় নক্ষত্র রায় রাজা হইবামাত্র এক বৎসরের খাজনা সেনাপতির হাত দিয়া পাঠাইয়া দিব।”

এ প্রস্তাব সুজার অতিশয় যুক্তিসংগত বোধ হইল, এবং অমাত্যেরাও তাহার সহিত একমত হইল। এক দল যোগল-সৈন্য সঙ্গে লইয়া রঘুপতি ও নক্ষত্র রায় ত্রিপুরাভিমুখে যাত্রা করিলেন।

## উনত্রিংশ পরিচ্ছেদ

এই উপল্লাসের আরম্ভকাল হইতে এখন দুই বৎসর হইয়া গিয়াছে। ঋব তখন দুই বৎসরের বালক ছিল, এখন তাহার বয়স চার বৎসর। এখন সে বিস্তর কথা শিখিয়াছে। এখন তিনি আপনাকে ভারি মস্ত লোক জ্ঞান করেন, সকল কথা যদিও স্পষ্ট বলিতে পারেন না, কিন্তু অত্যন্ত জোরের সহিত বলিতে থাকেন। রাজাকে প্রায় তিনি ‘পুতুল দেব’ বলিয়া পরম প্রলোভন ও সান্দ্রনা দিয়া থাকেন, এবং রাজা যদি কোনো প্রকার ছট্লেমির লক্ষণ প্রকাশ করেন তবে ঋব তাঁকে “ঘরে বন্দ ক’রে রাখব” বলিয়া অত্যন্ত শঙ্কিত করিয়া তুলেন। এইরূপে রাজা এখন বিশেষ শাসনে আছেন—ঋবের অনতিমত কোনো কাজ করিতে তিনি বড়ো একটা ভরসা করেন না।

ইতিমধ্যে হঠাৎ ঋবের একটি সঙ্গী জুটিয়া গেল। একটি প্রতিবেশীর মেয়ে, ঋব অপেক্ষা ছয় মাসের ছোটো। যিনিট দশকের ভিতরে উভয়ের মধ্যে চিরস্থায়ী ভাব হইয়া গেল। যাকে একটুখানি মনাস্কর হইবারও সম্ভাবনা হইয়াছিল। ঋবের হাতে একটা বড়ো বাতাসা ছিল। প্রথম প্রণয়ের উচ্ছ্বাসে ঋব তাহার ছোটো ছুইটি আঙুল দিয়া অতি সাবধানে সূত্র একটু কণা ভাঙিয়া একেবারে তাহার সঙ্গিনীর মুখে পুরিয়া দিল ও পরম অল্পগ্রহের সহিত ঘাড় নাড়িয়া কহিল, “তুমি কাও।” সঙ্গিনী যিট পাইয়া পরিতৃপ্ত হইয়া কহিল, “আরও কাব।”

তখন ঋব কিছু কাতর হইয়া পড়িল। বন্ধুত্বের উপরে এত অধিক দাবি জ্ঞানসংগত বোধ হইল না—ঋব তাহার স্বভাবস্বলভ গান্ধীর্ষ ও গৌরবের সহিত ঘাড় নাড়িয়া চক্ষু বিক্ষারিত করিয়া কহিল, “ছি—আর কেতে নেই অচুক কোবে, বাবা মা'বে।” বলিয়াই অধিক বিলম্ব না করিয়া সমস্ত বাতাসাটা নিজের মুখের মধ্যে একেবারে পুরিয়া দিয়া নিঃশেষ করিয়া ফেলিল। সহসা বালিকার মুখের মাংসপেশীর মধ্যে পরিবর্তন ঘটিতে লাগিল—আসন্ন ক্রন্দনের সমস্ত লক্ষণ ব্যক্ত হইল।

ঋব কাহারও ক্রন্দন সহিতে পারে না, তাড়াতাড়ি স্নগভীর সাধনার স্বরে কহিল, “কাল দেব।”

রাজা আসিবামাত্র ঋব অত্যন্ত বিজ্ঞ হইয়া নূতন সঙ্গিনীর প্রতি নির্দেশ করিয়া বলিয়া উঠিল, “একে কিছু ব'লো না, এ কাঁদবে। ছি, মারতে নেই, ছি।”

রাজার কোনো প্রকার দুরভিসন্ধি ছিল না সত্য, তথাপি গায়ে পড়িয়া রাজাকে সাবধান করিয়া দেওয়া ঋব অত্যন্ত আবশ্যক বিবেচনা করিল। রাজা মেয়েটিকে মারিলেন না, ঋব স্পষ্টই দেখিল তাহার উপদেশ নিফল নহে।

তার পরে ঋব মুরুব্বির ভার ধারণ করিয়া কোনো প্রকার বিপদের আশঙ্কা নাই জানাইয়া মেয়েটিকে পরম গান্ধীর্ষের সহিত আশ্বাস দিবার চেষ্টা করিতে লাগিল।

তাহারও কিছুমাত্র আবশ্যক ছিল না। কারণ মেয়েটি আপনা হইতে নির্ভীক ভাবে রাজার কাছে গিয়া অত্যন্ত কৌতূহল ও লোভের সহিত তাঁহার হাতের কঙ্কণ ঘুরাইয়া ঘুরাইয়া নিরীক্ষণ করিতে লাগিল।

এইরূপে ঋব কেবলমাত্র নিজের যত্নে ও পরিশ্রমে পৃথিবীতে শান্তি ও প্রেম স্থাপন করিয়া প্রসন্নচিত্তে রাজার মুখের কাছে আপনার বেলফুলের মতো মোটা গোল কোমল পবিত্র মুখখানি বাড়াইয়া দিল—রাজার সন্মুখের পুরস্কার—রাজা চুমন করিলেন।

তখন ঋব তাহার সঙ্গিনীর মুখ তুলিয়া ধরিয়া রাজাকে অহুমতি ও অহুরোধের মাঝামাঝি স্বরে কহিল, “একে চুমো কাও।”

রাজা ঋবের আদেশ লঙ্ঘন করিতে সাহস করিলেন না। মেয়েটি তখন নিমন্ত্রণের কিছুমাত্র অপেক্ষা না করিয়া নিতান্ত অভ্যস্ত ভাবে অগ্নানবদনে রাজার কোলের উপর চড়িয়া বসিল।

এত ক্ষণ অগতে কোনোপ্রকার অশান্তি বা উচ্ছ্বলতার লক্ষণ ছিল না, কিন্তু এইবার ঋবের সিংহাসনে টান পড়িতেই তাহার সার্বভৌমিক প্রেম টলমল করিয়া উঠিল। রাজার কোলের পরে তাহার নিজের একমাত্র স্বপ্ন সাব্যস্ত করিবার চেষ্টা

বলবতী হইয়া উঠিল। মুখ অত্যন্ত ভার হইল, মেয়েটিকে দুই-এক বার টানিল, এমন কি নিজের পক্ষে অবহা বিশেষে ছোটো মেয়েকে মারাও ততটা অন্তর বোধ হইল না।

রাজা তখন মিটমাট করিবার উদ্দেশে ঋবকেও তাঁহার আখখানা কোলে টানিয়া লইলেন। কিন্তু তাহাতেও ঋবের আপত্তি দূর হইল না। অপরাধ অধিকার করিবার অস্ত্র নূতন আক্রমণের উল্লেখ করিতে লাগিল। এমন সময়ে নূতন রাজ-পুরোহিত বিঘ্ন ঠাকুর ঘরে প্রবেশ করিলেন।

রাজা উভয়কেই কোল হইতে নামাইয়া তাঁহাকে প্রণাম করিলেন। ঋবকে বলিলেন, “ঠাকুরকে প্রণাম করো।” ঋব তাহা আবশ্যিক বোধ করিল না—মুখে আড়ল পুরিয়া বিজ্রোহী ভাবে দাঁড়াইয়া রহিল। মেয়েটি আপনা হইতেই রাজার দেখাদেখি পুরোহিতকে প্রণাম করিল।

বিঘ্ন ঠাকুর ঋবকে কাছে টানিয়া লইয়া জিজ্ঞাসা করিলেন, “তোমার এ সঙ্গী জুটিল কোথা হইতে?”

ঋব খানিকক্ষণ ভাবিয়া কহিল, “আমি টকটক চ’ব।” টকটক অর্থে ঘোড়া।

পুরোহিত কহিলেন, “বাহবা, প্রস্ন ও উত্তরের মধ্যে কী সামঞ্জস্য।”

সহসা মেয়েটির দিকে ঋবের চক্ষু পড়িল, তাহার সম্বন্ধে অতি সংক্ষেপে আপনার মত ও অভিপ্রায় ব্যক্ত করিয়া কহিল, “ও ছুটু, ওকে মা’ব।” বলিয়া আকাশে আপনার ক্ষুদ্র মুষ্টি নিক্ষেপ করিল।

রাজা গম্ভীরভাবে কহিলেন, “ছি ঋব।”

একটি ফুঁয়ে যেমন প্রদীপ নিবিয়া যায় তেমনি তৎক্ষণাৎ মুখ ম্লান হইয়া গেল। প্রথমে সে অশ্রু-নিবারণের অস্ত্র দুই মুষ্টি দিয়া দুই চক্ষু বগড়াইতে লাগিল—অবশেষে দেখিতে দেখিতে ক্ষুদ্র ক্ষীণ ক্রম আর ধারণ করিতে পারিল না, কাঁদিয়া উঠিল।

বিঘ্ন ঠাকুর তাহাকে নাড়িয়া চাড়িয়া কোলে লইয়া আকাশে তুলিয়া ভূমিতে নামাইয়া অস্থির করিয়া তুলিলেন, উচ্চৈঃস্বরে ও ক্ষত উচ্চারণে বলিলেন, “শোনো শোনো ঋব, শোনো তোমাকে প্লোক বলি শোনো—

কলহ কটকটাং কাঠ কাঠিন্ত কাঠাং

কটন কিটন কীটং কুটুলং খটমটং

অর্থাৎ কি না যে ছেলে কাদে তাকে কলহ কটকটাঙের মধ্যে পুরে খুব করে কাঠ কাঠিন্ত কাঠাং দিতে হয়, পরে এত গুলো কটন কিটন কীটং নিয়ে একেবারে তিন দিন ধরে কুটুলং খটমটং।”

পুরোহিত ঠাকুর এইরূপ অনর্গল বকিয়া গেলেন। ঋবের ক্রন্দন অসম্পূর্ণ

অবস্থাতেই একেবারে লুপ্ত হইয়া গেল। সে প্রথমে গোলমালে বিব্রত ও অস্বাক হইয়া বিঘ্ন ঠাকুরের মুখের দিকে সজল চক্ষু তুলিয়া চাহিয়া রহিল। তার পরে তাঁর হাতমুখ-নাড়া দেখিয়া তাহার অত্যন্ত কোতুক বোধ হইল।

সে ভারি খুশি হইয়া বলিল, “আবার বলো।”

পুরোহিত আবার বকিয়া গেলেন। ঋব অত্যন্ত হাসিতে হাসিতে বলিল, “আবার বলো।”

রাজা ঋবের অশ্রুসিক্ত কপোলে এবং হাসিভরা অধরে বার বার চূষন করিলেন। তখন রাজা রাজপুরোহিত ও দুটি ছেলেমেয়ে মিলিয়া খেলা পড়িয়া গেল।

বিঘ্ন ঠাকুর রাজাকে কহিলেন, “মহারাজ ইহাদের লইয়া বেশ আছেন। দিনরাত প্রথর বুদ্ধিমানের সঙ্গে থাকিলে বুদ্ধি লোপ পায়। ছুরিতে অবিপ্রাম শান পড়িলে ছুরি ক্রমেই সূক্ষ্ম হইয়া অস্বর্ধান করে। একটা মোটা বাট কেবল অবশিষ্ট থাকে।”

রাজা হাসিয়া কহিলেন, “এখনো তবে বোধ করি আমার সূক্ষ্ম বুদ্ধির লক্ষণ প্রকাশ পায় নাই।”

বিঘ্ন। “না। সূক্ষ্ম বুদ্ধির একটা লক্ষণ এই যে, তাহা সহজ জিনিসকে শক্ত করিয়া তুলে। পৃথিবীতে বিস্তর বুদ্ধিমান না থাকিলে পৃথিবীর কাজ অনেকটা সোজা হইত। নানারূপ স্রবিধা করিতে গিয়াই নানারূপ অস্রবিধা ঘটে। অধিক বুদ্ধি লইয়া মানুষ কী করিবে ভাবিয়া পায় না।”

রাজা কহিলেন, “পাঁচটা আঙুলেই বেশ কাজ চলিয়া যায়—দুর্ভাগ্যক্রমে সাতটা আঙুল পাইলে ইচ্ছা করিয়া কাজ বাড়াইতে হয়।”

রাজা ঋবকে ডাকিলেন। ঋব তাহার সঙ্গিনীর সহিত পুনরায় শাস্তি স্থাপন করিয়া খেলা করিতেছিল। রাজার ডাক শুনিয়া তৎক্ষণাৎ খেলা ছাড়িয়া রাজার কাছে আসিয়া উপস্থিত হইল।

রাজা তাহাকে সম্মুখে বসাইয়া কহিলেন, “ঋব, সেই নূতন গানটি ঠাকুরকে শোনাও।” কিন্তু ঋব নিতান্ত আপত্তির ভাবে ঠাকুরের মুখের দিকে চাহিল।

রাজা লোভ দেখাইয়া বলিলেন, “তোমাকে টকটক চড়তে দেব।”

ঋব তার আধো-আধো উচ্চারণে বলিতে লাগিল,

( আমায় ) ছ-জনায় মিলে পথ দেখায় বলে

পদে পদে পথ তুলি হে।

নানা কথার ছলে নানান মূনি বলে

সংশয়ে তাই ছলি হে।



তোমার কাছে বাব এই ছিল সাধ,  
তোমার বাণী শুনে যুচাব প্রমাদ,  
কানের কাছে সবাই করিছে বিবাদ

শত লোকের শত বুলি হে ।

কাতর প্রাণে আমি তোমায় যখন বাচি  
আড়াল করে সবাই দাঁড়ায় কাছাকাছি,  
ধরণীর ধুলো তাই নিয়ে আছি

পাই নে চরণধূলি হে ।

শত ভাগ মোর শত দিকে ধায়,  
আপনা-আপনি বিবাদ বাধায়,  
কারে সামালিব এ কী হল দায়

একা যে অনেকগুলি হে ।

আমায় এক করো তোমার প্রেমে বেঁধে,  
এক পথ আমায় দেখাও অবিচ্ছেদে  
ধাঁধার মাঝে পড়ে কত মরি কেঁদে

চরণেতে লহ তুলি হে ।

ঋষের মুখে আধো-আধো স্বরে এই কবিতা শুনিয়া বিম্বন ঠাকুর নিতান্ত বিগলিত হইয়া গেলেন । তিনি বলিলেন, “আশীর্বাদ করি তুমি চিরজীবী হইয়া থাকো ।” ঋষকে কোলে তুলিয়া লইয়া ঠাকুর অনেক মিনতি করিয়া বলিলেন, “আর একবার শুনাও ।”

ঋষ হৃদয় মৌন আপত্তি প্রকাশ করিল । পুরোহিত চক্ষু আচ্ছাদন করিয়া কহিলেন, “তবে আমি কাঁদি ।”

ঋষ ঈষৎ বিচলিত হইয়া কহিল, “কাল শোনাব, ছি কাঁদতে নেই, তুমি এবার বায়ি ( বাড়ি ) যাও । বাবা মা’বে ।”

বিম্বন হাসিয়া কহিলেন, “মধুর গলাধাকা ।” রাজার নিকটে বিদায় লইয়া পুরোহিত ঠাকুর পথে বাহির হইলেন ।

পথে দুই জন পথিক বাইতেছিল । এক জন আর এক জনকে কহিতেছিল, “তিন দিন তার দরজায় মাথা ভেঙে মলুম এক পয়সা ষের করতে পারলুম না— এইবার সে পথে বেরোলে তার মাথা ভাঙব, দেখি তাতে কী হয় ।”

পিছন হইতে বিম্বন কহিলেন, “তাতে কোনো ফল হবে না । দেখতেই তো

পাচ্ছ বাপু মাথার মধ্যে কিছুই থাকে না কেবল দুর্ভিক্ষ আছে। বরঞ্চ নিজের মাথা ভাঙা ভালো, কারও কাছে জবাবদিহি করতে হয় না।”

পথিকদ্বয় শশব্যস্ত ও অপ্রতিভ হইয়া ঠাকুরকে প্রণাম করিল। বিদ্বান কহিলেন, “বাপু, তোমরা যে কথা বলছিলে সে কথাগুলো ভালো নয়।”

পথিকদ্বয় কহিল, “যে আজ্ঞে ঠাকুর, আর এমন কথা বলব না।”

পুরোহিত ঠাকুরকে পথে ছেলেরা ঘিরিল। তিনি কহিলেন, “আজ বিকালে আমার ওখানে যাস, আমি আজ গল্প শোনাব।” আনন্দে ছেলেরা লাফালাফি চেষ্টামেচি বাধাইয়া দিল। বিদ্বান ঠাকুর এক-এক দিন অপরাহ্নে রাজ্যের ছেলে জড়ো করিয়া তাহাদিগকে সহজ ভাষায় রামায়ণ, মহাভারত ও পৌরাণিক গল্প শুনাইতেন। মাঝে মাঝে দুই-একটি নীরস কথাও যথাসাধ্য রসসিক্ত করিয়া বলিবার চেষ্টা করিতেন, কিন্তু যখন দেখিতেন ছেলেদের মধ্যে হাই তোলা সংক্রামক হইয়া উঠিতেছে তখন তাহাদের মন্দিরের বাগানের মধ্যে ছাড়িয়া দিতেন। সেখানে ফলের গাছ অসংখ্য আছে। ছেলেগুলো আকাশভেদী চীৎকার-শব্দে বানরের মতো ডালে ডালে লুঠপাট বাধাইয়া দিত—বিদ্বান আমোদ দেখিতেন।

বিদ্বান কোন্ দেশী লোক কেহ জানে না। ব্রাহ্মণ, কিন্তু উপবীত ত্যাগ করিয়াছেন। বলিদান প্রভৃতি বন্ধ করিয়া এক প্রকার নূতন অমুষ্ঠানে দেবীর পূজা করিয়া থাকেন—প্রথম প্রথম তাহাতে লোকেরা সন্দেহ ও আপত্তি প্রকাশ করিয়াছিল, কিন্তু এখন সমস্ত সহিয়া গিয়াছে। বিশেষত বিদ্বানের কথায় সকলে বশ। বিদ্বান সকলের বাড়ি বাড়ি গিয়া সকলের সঙ্গে আলাপ করেন, সকলের সংবাদ লন, এবং রোগীকে যাহা ঔষধ দেন তাহা আশ্চর্য খাটিয়া যায়। বিপদে আপদে সকলেই তাঁহার পরামর্শমতে কাজ করে—তিনি মধ্যবর্তী হইয়া কাহারও বিবাদ মিটাইয়া দিলে বা কিছুই মীমাংসা করিয়া দিলে তাহার উপর আর কেহ কথা কহে না।

## ত্রিংশ পরিচ্ছেদ

এই বৎসরে ত্রিপুরায় এক অভূতপূর্ব ঘটনা ঘটিল। উত্তর হইতে সহসা পালে পালে ইঁহুর ত্রিপুরার শস্তক্ষেত্রে আসিয়া পড়িল। শস্ত সমস্ত নষ্ট করিয়া ফেলিল, এমন কি, কৃষকের ঘরে শস্ত যত কিছু সঞ্চিত ছিল তাহাও অধিকাংশ খাইয়া ফেলিল—রাজ্যে হাহাকার পড়িয়া গেল। দেখিতে দেখিতে দুর্ভিক্ষ উপস্থিত হইল। বন হইতে ফল-

মূল আহরণ করিয়া লোকে প্রাণধারণ করিতে লাগিল। বনের অভাব নাই, এবং বনে নানা প্রকার আহাৰ উদ্ভিদ আছে। মৃগয়ায় মাংস বাজারে মহাৰ্থ মূল্যে বিক্রয় হইতে লাগিল। লোকে বুনো মহিষ, হরিণ, খরগোশ, সজ্জার, কাঠবিড়ালী, বরা, বড়ো বড়ো স্থলকচ্ছপ শিকার করিয়া খাইতে লাগিল—হাতি পাইলে হাতিও খায়—অজগর সাপ খাইতে লাগিল—বনে আহাৰ পাখির অভাব নাই—গাছের কোটরের মধ্যে মৌচাক ও মধু পাওয়া যায়—স্থানে স্থানে নদীর জল বাধিয়া তাহাতে মাদক লতা ফেলিয়া দিলে মাছেরা অবশ হইয়া ভাসিয়া উঠে, সেই সকল মাছ ধরিয়া লোকেরা খাইতে লাগিল এবং শুকাইয়া সঞ্চয় করিল। আহাৰ এখনো কোনোক্রমে চলিয়া যাইতেছে বটে কিন্তু অত্যন্ত বিশৃঙ্খলা উপস্থিত হইল। স্থানে স্থানে চুরি-ডাকাতি আরম্ভ হইল; প্রজারা বিদ্রোহের লক্ষণ প্রকাশ করিল।

তাহারা বলিতে লাগিল, “মায়ের বলি বন্ধ করাতে মায়ের অভিশাপে এই সকল দুর্ঘটনা ঘটিতে আরম্ভ করিয়াছে।” বিম্বন ঠাকুর সে কথা হাসিয়া উড়াইয়া দিলেন। তিনি উপহাসচ্ছলে কহিলেন, “কৈলাসে কার্তিক-গণেশের মধ্যে ত্রাত্ৰবিচ্ছেদ ঘটিয়াছে, কার্তিকের ময়ূরের নামে গণেশের ইন্দুরগুলো ত্রিপুরার ত্রিপুরেশ্বরীর কাছে নালিশ করিতে আসিয়াছে।” প্রজারা এ কথা নিতান্ত উপহাস ভাবে গ্রহণ করিল না। তাহারা দেখিল, বিম্বন ঠাকুরের কথামতো ইন্দুরের শ্রোত যেমন দ্রুতবেগে আসিল তেমনই দ্রুতবেগে সমস্ত শস্ত নষ্ট করিয়া কোথায় অন্তর্ধান করিল—তিন দিনের মধ্যে তাহাদের আর চিহ্নমাত্র রহিল না। বিম্বন ঠাকুরের অগাধ জ্ঞানের সম্বন্ধে কাহারও সন্দেহ রহিল না। কৈলাসে ত্রাত্ৰবিচ্ছেদ সম্বন্ধে গান রচিত হইতে লাগিল, মেয়েরা ছেলেরা ভিক্ষুকেরা সেই গান গাহিতে লাগিল, পথে ঘাটে সেই গান প্রচলিত হইল।

কিন্তু রাজার প্রতি বিষেষভাব ভালো করিয়া ঘুচিল না। বিম্বন ঠাকুরের পরামর্শ-মতে গোবিন্দমাণিক্য ছুৰ্ভিক্ৰান্ত প্রজাদের এক বৎসরের খাজনা মাপ করিলেন। তাহার কতকটা ফল হইল। কিন্তু তবুও অনেকে মায়ের অভিশাপ এড়াইবার জন্য চট্টগ্রামে পার্বত্য প্রদেশে পলায়ন করিল। এমন কি রাজার মনে সন্দেহের উদয় হইতে লাগিল।

তিনি বিম্বনকে ডাকিয়া কহিলেন, “ঠাকুর, রাজার পাপেই প্রজা কষ্ট পায়। আমি কি মায়ের বলি বন্ধ করিয়া পাপ করিয়াছি? তাহারই কি এই শাস্তি?”

বিম্বন সমস্ত কথা একেবারে উড়াইয়া দিলেন। তিনি কহিলেন, “মায়ের কাছে যখন হাজার নরবলি হইত, তখন আপনার অধিক প্রজাহানি হইয়াছে, না এই ছুৰ্ভিক্ৰে হইয়াছে।”

রাজা নিরুত্তর হইয়া রহিলেন কিন্তু তাঁহার মনের মধ্য হইতে সংশয় সম্পূর্ণ দূর হইল না। প্রজারা তাঁহার প্রতি অসন্তুষ্ট হইয়াছে, তাঁহার প্রতি সন্দেহ প্রকাশ করিতেছে, ইহাতে তাঁহার হৃদয়ে আঘাত লাগিয়াছে, তাঁহার নিজের প্রতিও নিজের সন্দেহ জন্মিয়াছে। তিনি নিশ্বাস ফেলিয়া কহিলেন, “কিছুই বুঝিতে পারি না।”

বিষন কহিলেন, “অধিক বুঝিবার আবশ্যক কী। কেন কতকগুলো ইঁহুর আসিয়া শস্ত খাইয়া গেল তাহা না-ই বুঝিলাম। আমি অন্বেষণ করিব না, আমি সকলের হিত করিব, এইটুকু স্পষ্ট বুঝিলেই হইল। তার পরে বিধাতার কাজ বিধাতা করিবেন, তিনি আমাদের হিসাব দিতে আসিবেন না।”

রাজা কহিলেন, “ঠাকুর, তুমি গৃহে গৃহে ফিরিয়া অবিশ্রাম কাজ করিতেছ, পৃথিবীর যতটুকু হিত করিতেছ ততটুকুই তোমার পুরস্কার হইতেছে, এই আনন্দে তোমার সমস্ত সংশয় চলিয়া যায়। আমি কেবল দিনরাত একটা মুকুট মাথায় করিয়া সিংহাসনের উপরে চড়িয়া বসিয়া আছি, কেবল কতকগুলো চিন্তা ঘাড়ে করিয়া আছি—তোমার কাজ দেখিলে আমার লোভ হয়।”

বিষন কহিলেন, “মহারাজ, আমি তোমারই তো এক অংশ; তুমি ঐ সিংহাসনে বসিয়া না থাকিলে আমি কি কাজ করিতে পারিতাম। তোমাতে আমাতে মিলিয়া আমরা উভয়ে সম্পূর্ণ হইয়াছি।”

এই বলিয়া বিষন বিদায় গ্রহণ করিলেন—রাজা মুকুট মাথায় করিয়া ভাবিতে লাগিলেন। মনে মনে কহিলেন, “আমার কাজ যথেষ্ট রহিয়াছে আমি তাহার কিছুই করি না। আমি কেবল আমার চিন্তা লইয়াই নিশ্চিন্ত রহিয়াছি। সেই জন্যই আমি প্রজাদের বিশ্বাস আকর্ষণ করিতে পারি না। রাজ্যশাসনের আমি যোগ্য নই।”

## একত্রিংশ পরিচ্ছেদ

মোগল-সৈন্যের কর্তা হইয়া নরুজ রায় পথের মধ্যে তেঁতুলে নামক একটি ক্ষুদ্র গ্রামে বিশ্রাম করিতেছিলেন। প্রভাতে রঘুপতি আসিয়া কহিলেন, “যাজা করিতে হইবে মহারাজ, প্রস্তুত হ'ন।”

সহসা রঘুপতির মুখে মহারাজ শব্দ অত্যন্ত মিষ্ট শুনাইল। নরুজ রায় উল্লসিত হইয়া উঠিলেন। তিনি কল্পনায় পৃথিবীগ্রহ লোকের মুখ হইতে মহারাজ সন্তোষ ভূমিতে লাগিলেন—তিনি মনে মনে ত্রিপুরার উচ্চ সিংহাসনে চড়িয়া সভা উজ্জল করিয়া

বসিলেন। মনের আনন্দে বলিলেন, “ঠাকুর, আপনাকে কখনোই ছাড়া হইবে না। আপনাকে সত্য খাঙ্কিতে হইবে। আপনি কী চান সেইটে আমাকে বলুন।” নক্ষত্র রায় মনে মনে রঘুপতিকে তৎক্ষণাৎ বৃহৎ এক খণ্ড জায়গির অবলীলাক্রমে দান করিয়া ফেলিলেন।

রঘুপতি কহিলেন, “আমি কিছু চাহি না।”

নক্ষত্র রায় কহিলেন, “সে কী কথা। তা হইবে না ঠাকুর। কিছু লইতেই হইবে। কয়লাসর পরগনা আমি আপনাকে দিলাম—আপনি লেখাপড়া করিয়া লউন।”

রঘুপতি কহিলেন, “সে সকল পরে দেখা যাইবে।”

নক্ষত্র রায় কহিলেন, “পরে কেন, আমি এখন দিব। সমস্ত কয়লাসর পরগনা আপনারই হইল; আমি এক পরগা খাজনা লইব না।” বলিয়া নক্ষত্র রায় মাথা তুলিয়া অত্যন্ত সিধা হইয়া বসিলেন।

রঘুপতি কহিলেন, “মরিবার জন্ত তিন হাত জমি মিলিলেই স্ত্রী হইব। আমি আর কিছু চাহি না।” বলিয়া রঘুপতি চলিয়া গেলেন। তাঁহার জয়সিংহকে মনে পড়িয়াছে। জয়সিংহ যদি খাঙ্কিত তবে পুরস্কারের স্বরূপ কিছু লইতেন—জয়সিংহ বধন নাই শুধন সমস্ত ত্রিপুরা রাজ্য মুক্তিকার সমষ্টি ছাড়া আর কিছু মনে হইল না।

রঘুপতি এখন নক্ষত্র রায়কে রাজাভিমনে মত্ত করিবার চেষ্টা করিতেছেন। তাঁহার মনের মধ্যে ভয় আছে পাছে এত আয়োজন করিয়া সমস্ত ব্যর্থ হয়, পাছে দুর্বলস্বভাব নক্ষত্র রায় ত্রিপুরায় গিয়া বিনামুছে রাজার নিকট ধরা দেন। কিন্তু দুর্বল হৃদয়ে এক বার রাজ্যমদ জ্বলিলে আর ভাবনা নাই। রঘুপতি নক্ষত্র রায়ের প্রতি আর অবজ্ঞা প্রদর্শন করেন না, কথায় কথায় তাঁহার সম্মান দেখাইয়া থাকেন। সকল বিষয়ে তাঁহার মৌখিক আদেশ লইয়া থাকেন। মোগল-সৈন্তেরা তাঁহাকে মহারাজা সাহেব বলে, তাঁহাকে দেখিলে শশব্যস্ত হইয়া উঠে—বাহু বহিলে যেমন সমস্ত শস্তক্ষেত্র নত হইয়া যায় তেমনি নক্ষত্র রায় আসিয়া দাঁড়াইলে সারি সারি মোগল-সেনা এক সঙ্গে মাথা নত করিয়া সেলাম করে। সেনাপতি সসম্মানে তাঁহাকে অভিবাদন করেন। শত শত মুক্ত তরবারির জ্যোতির মধ্যে বৃহৎ হস্তীর পৃষ্ঠে রাজচিহ্ন-অঙ্কিত স্বর্ণমণ্ডিত হাওদায় চড়িয়া তিনি যাত্রা করেন, সঙ্গে সঙ্গে উল্লাসজনক বাস্ত বাজিতে থাকে—সঙ্গে সঙ্গে নিশানধারী রাজনিশান ধরিয়া চলে। তিনি যেখান দিয়া যান, সেখানকার গ্রামের লোক সৈন্তের ভয়ে ঘরবাড়ি ছাড়িয়া পালাইয়া যায়। তাহাদের জাস দেখিয়া নক্ষত্র রায়ের মনে গর্বের উদয় হয়। তাঁহার মনে হয়, আমি দ্বিধিকর করিয়া চলিয়াছি। ছোটো ছোটো জমিদারগণ নানাবিধ উপচৌকন লইয়া আসিয়া তাঁহাকে সেলাম

করিয়া যায়—তাহাদিগকে পরাজিত নৃপতি বলিয়া বোধ হয় ; মহাভারতের দিবিজয়ী পাণ্ডবদের কথা মনে পড়ে ।

একদিন সৈন্তেরা আসিয়া সেলাম করিয়া কহিল, “মহারাজা সাহেব ।” নক্ষত্র রায় খাড়া হইয়া বসিলেন । “আমরা মহারাজের জ্ঞান দিতে আসিয়াছি—আমরা জানের পরোয়া রাখি না । বরাবর আমাদের দস্তুর আছে—লড়াইয়ে যাইবার পথে আমরা গ্রাম লুঠ করিয়া যাই—কোনো শাস্ত্রে ইহাতে দোষ লিখে না ।”

নক্ষত্র রায় মাথা নাড়িয়া কহিলেন, “ঠিক কথা, ঠিক কথা ।”

সৈন্তেরা কহিল, “ব্রাহ্মণ ঠাকুর আমাদের লুঠ করিতে বারণ করিয়াছেন । আমরা জান দিতে যাইতেছি অথচ একটু লুঠ করিতে পারিব না এ বড়ো অবিচার ।”

নক্ষত্র রায় পুনশ্চ মাথা নাড়িয়া কহিলেন, “ঠিক কথা, ঠিক কথা ।”

“মহারাজার যদি হুকুম মিলে তো আমরা ব্রাহ্মণ ঠাকুরের কথা না মানিয়া লুঠ করিতে যাই ।”

নক্ষত্র রায় অত্যন্ত স্পর্ধার সহিত কহিলেন, “ব্রাহ্মণ ঠাকুর কে । ব্রাহ্মণ ঠাকুর কী জানে । আমি তোমাদিগকে হুকুম দিতেছি তোমরা লুঠপাট করিতে যাও ।” বলিয়া এক বার ইতস্তত চাহিয়া দেখিলেন—কোথাও রঘুপতিকে না দেখিয়া নিশ্চিন্ত হইলেন ।

কিন্তু রঘুপতিকে এইরূপে অকাতরে লঙ্ঘন করিয়া তিনি মনের মধ্যে অত্যন্ত আনন্দ লাভ করিলেন । ক্ষমতা-মদ মদিরার মতো তাঁহার শিরায় শিরায় সঞ্চারিত হইতে লাগিল । পৃথিবীকে নূতন চক্ষে দেখিতে লাগিলেন । কাল্পনিক বেলুনের উপরে চড়িয়া পৃথিবীটা যেন অনেক নিম্নে মেঘের মতো মিলাইয়া গেল । এমন কি, মাঝে মাঝে কদাচ কখনো রঘুপতিকেও নগণ্য বলিয়া মনে হইতে লাগিল । সহসা বলপূর্বক গোবিন্দমাণিক্যের প্রতি অত্যন্ত ক্রুদ্ধ হইয়া উঠিলেন । মনে মনে বার বার করিয়া বলিতে লাগিলেন, “আমাকে নির্বাসন । একটা সামান্ত প্রজার মতো আমাকে বিচারসভায় আহ্বান । এবার দেখি কে কাহাকে নির্বাসিত করে । এবার ত্রিপুরাসুন্দর লোক নক্ষত্র রায়ের প্রতাপ অবগত হইবে ।” নক্ষত্র রায় ভারি উৎফুল্ল ও স্ফীত হইলেন ।

নিরীহ গ্রামবাসীদের উপর অনর্থক উৎপীড়ন ও লুঠপাটের প্রতি রঘুপতির বিশেষ বিরাগ ছিল । নিবারণ করিবার জন্ত তিনি অনেক চেষ্টা করিয়াছিলেন । কিন্তু সৈন্তেরা নক্ষত্র রায়ের আজ্ঞা পাইয়া তাঁহাকে অবহেলা করিল । তিনি নক্ষত্র রায়ের কাছে বলিলেন, “অসহায় গ্রামবাসীদের উপরে কেন এ অত্যাচার ।”

নক্ষত্র রায় কহিলেন, “ঠাকুর, এ সব বিষয়ে তুমি ভালো বোঝ না। যুদ্ধবিগ্রহের সময় সৈন্যদের লুঠপাটে নিষেধ করিয়া নিরুৎসাহ করা ভালো না।”

নক্ষত্র রায়ের কথা শুনিয়া রঘুপতি কিঞ্চিৎ বিস্মিত হইলেন। সহসা নক্ষত্র রায়ের শ্রেষ্ঠস্বাভিমান দেখিয়া তিনি মনে মনে হাসিলেন। কহিলেন, “এখন লুঠপাট করিতে দিলে পরে ইহাদিগকে সামলানো দায় হইবে। সমস্ত ত্রিপুরা লুটিয়া লইবে।”

নক্ষত্র রায় কহিলেন, “তাহাতে হানি কী। আমি তো তাহাই চাই। ত্রিপুরা একবার বুঝুক নক্ষত্র রায়কে নির্বাসিত করার ফল কী। ঠাকুর, এ-সব বিষয় তুমি কিছু বোঝ না—তুমি তো কখনো যুদ্ধ কর নাই।”

রঘুপতি মনে মনে অত্যন্ত আয়োদ বোধ করিলেন। কিছু উত্তর না করিয়া চলিয়া গেলেন। নক্ষত্র রায় নিতান্ত পুস্তলিকার মতো না হইয়া একটু শক্ত মাহুষের মতো হন, এই তাঁহার ইচ্ছা ছিল।

## দ্বাত্রিংশ পরিচ্ছেদ

ত্রিপুরায় ইহুরের উৎপাত যখন আরম্ভ হয় তখন শ্রাবণ মাস। তখন ক্ষেত্রে কেবল ভুট্টা কলিয়াছিল, এবং পাহাড়ে জমিতে ধানক্ষেত্রেও পাক ধরিতে আরম্ভ করিয়াছিল। তিন মাস কোনোমতে কাটিয়া গেল—অগ্রহায়ণ মাসে নিম্নভূমিতে যখন ধান কাটিবার সময় আসিল তখন দেশে আনন্দ পড়িয়া গেল। চাষারা\* স্ত্রীলোক বালক যুবক বৃদ্ধ সকলে মিলিয়া দা হাতে লইয়া ক্ষেত্রে গিয়া পড়িল। হৈয়া হৈয়া শব্দে পরস্পর পরস্পরকে আহ্বান করিতে লাগিল—জুমিয়া রমণীদের গানে মাঠ-বাট স্নানিত হইয়া উঠিল। রাজার প্রতি অসন্তোষ দূর হইয়া গেল—রাজ্যে শান্তি স্থাপিত হইল। এমন সময় সংবাদ আসিল, নক্ষত্র রায় রাজ্য আক্রমণের উদ্দেশ্যে বহুসংখ্যক সৈন্য লইয়া ত্রিপুরা রাজ্যের সীমানায় আসিয়া পৌঁছিয়াছেন এবং অত্যন্ত লুঠপাট উৎপীড়ন আরম্ভ করিয়া দিয়াছেন—এই সংবাদে সমস্ত রাজ্য শঙ্কিত হইয়া উঠিল।

এ সংবাদ রাজার বকে ছুরির মতো বিদ্ধ হইল। সমস্ত দিনই তাঁহাকে বিঁধিতে লাগিল। থাকিয়া থাকিয়া কেবলি প্রত্যেক বার নূতন করিয়া তাঁহার মনে হইতে

\* একুশ পক্ষে ইহাদের চাষা বলা যায় না। কারণ ইহারা স্ত্রীতিমতো চাষ করে না। জল দ্বারা বর্ষায়তে বীজ বপন করে মাত্র। এইরূপ ক্ষেত্রে জুম বলে—কৃষকদিগকে জুমিয়া বলে।

লাগিল নক্ষত্র রায় তাঁহাকে আক্রমণ করিতে আসিতেছে। নক্ষত্র রায়ের সরল সুন্দর মুখ শতবার তাঁহার স্নেহচক্ষের সম্মুখে দেখিতে লাগিলেন এবং সেই সঙ্গেই মনে হইতে লাগিল, সেই নক্ষত্র রায় কতকগুলো সৈন্য সংগ্রহ করিয়া তলোয়ার হাতে লইয়া তাঁহাকে আক্রমণ করিতে আসিতেছে। এক-এক বার তাঁহার মনে মনে ইচ্ছা করিতে লাগিল—একটি সৈন্যও না লইয়া নক্ষত্র রায়ের সম্মুখে বৃহৎ রণ-ক্ষেত্রে একা দাঁড়াইয়া সমস্ত বক্ষস্থল অব্যাহত করিয়া নক্ষত্র রায়ের সহস্র সৈনিকের তরবারি এক কালে তাঁহার হৃদয়ে গ্রহণ করেন।

তিনি ধ্রুবকে কাছে টানিয়া বলিলেন, “ধ্রুব, তুইও কি এই মুকুটখানার স্তম্ভ আমার সঙ্গে ঝগড়া করিতে পারিস।” বলিয়া মুকুট ভূমিতে ফেলিয়া দিলেন, একটি বড়ো মুক্তা ছিঁড়িয়া পড়িয়া গেল।

ধ্রুব আগ্রহের সহিত হাত বাড়াইয়া কহিল, “আমি নেব।”

রাজা ধ্রুবের মাথায় মুকুট পরাইয়া তাহাকে কোলে লইয়া কহিলেন, “এই লও—আমি কাহারও সহিত ঝগড়া করিতে চাই না।” বলিয়া অত্যন্ত আবেগের সহিত ধ্রুবকে বুকে চাপিয়া ধরিলেন।

তাঁহার পরে সমস্ত দিন ধরিয়া “এ কেবল আমারই পাপের শাস্তি” বলিয়া রাজা নিজের সহিত তর্ক করিতে লাগিলেন। নহিলে ভাই কখনো ভাইকে আক্রমণ করে না। ইহা মনে করিয়া তাঁহার কথঞ্চিৎ সাধুনা হইল। তিনি মনে করিলেন, ইহা ঈশ্বরের বিধান। জগৎপতির দরবার হইতে আদেশ আসিয়াছে, ক্ষুদ্র নক্ষত্র রায় কেবল তাঁহার মানবহৃদয়ের প্ররোচনায় তাহা লঙ্ঘন করিতে পারে না। এই মনে করিয়া তাঁহার আহত স্নেহ কিছু শাস্তি পাইল। পাপ তিনি নিজের স্বর্থে লইতে রাজি আছেন—নক্ষত্র রায়ের পাপের ভার যেন তাহাতে কতকটা কমিয়া যায়।

বিষন আসিয়া কহিলেন, “মহারাজ, এ সময় কি আকাশের দিকে তাকাইয়া ভাবিবার সময়।”

রাজা কহিলেন, “ঠাকুর, এ সকল আমারই পাপের ফল।”

বিষন কিঞ্চিৎ বিরক্ত হইয়া কহিলেন, “মহারাজ, এই সকল কথা শুনিলে আমার ধৈর্য থাকে না। দুঃখ যে পাপেরই ফল তাহা কে বলিল, পুণ্যের ফলও হইতে পারে। কত ধর্মান্ধা আজীবন দুঃখে কাটাইয়া গিয়াছেন।”

রাজা নিরুত্তর হইয়া রহিলেন।

বিষন জিজ্ঞাসা করিলেন, “মহারাজ কী পাপ করিয়াছিলেন বাহার ফলে এই ঘটনা ঘটিল ?”



রাজা কহিলেন, “আপন ভাইকে নির্বাসিত করিয়াছিলাম।”

বিষন কহিলেন, “আপনি ভাইকে নির্বাসিত করেন নাই। দোষীকে নির্বাসিত করিয়াছেন।”

রাজা কহিলেন, “দোষী হইলেও ভাইকে নির্বাসনের পাপ আছেই। তাহার ফল হইতে নিস্তার পাওয়া যায় না। কৌরবেরা দুর্ভাচার হইলেও পাণ্ডবেরা ভীতাদিগকে বধ করিয়া প্রসন্নচিত্তে রাজ্যস্ব ভোগ করিতে পারিলেন না। যজ্ঞ করিয়া প্রায়শ্চিত্ত করিলেন। পাণ্ডবেরা কৌরবদের নিকট হইতে রাজ্য লইলেন, কৌরবেরা মরিয়া গিয়া পাণ্ডবদের রাজ্য হরণ করিলেন। আমি নক্ষত্রকে নির্বাসিত করিয়াছি, নক্ষত্র আমাকে নির্বাসিত করিতে আসিতেছে।”

বিষন কহিলেন, “পাণ্ডবেরা পাপের শাস্তি দিবার জন্য কৌরবদের সহিত যুদ্ধ করেন নাই, ভীতারা রাজ্য-লাভের জন্য করিয়াছিলেন। কিন্তু মহারাজ পাপের শাস্তি দিয়া নিজের স্বখদুঃখ উপেক্ষা করিয়া ধর্ম পালন করিয়াছিলেন। ইহাতে আমি তো পাপ কিছুই দেখিতেছি না। তবে প্রায়শ্চিত্তের বিধি দিতে আমার কিছুমাত্র আপত্তি নাই। আমি ব্রাহ্মণ উপস্থিত আছি, আমাকে সন্তুষ্ট করিলেই প্রায়শ্চিত্ত হইবে।”

রাজা ঈষৎ হাসিয়া চূপ করিয়া রহিলেন।

বিষন কহিলেন, “সে যাহাই হউক, এখন যুদ্ধের আয়োজন করুন। আর বিলম্ব করিবেন না।”

রাজা কহিলেন, “আমি যুদ্ধ করিব না।”

বিষন কহিলেন, “সে হইতেই পারে না। আপনি বসিয়া বসিয়া ভাবুন। আমি ততক্ষণ সৈন্যসংগ্রহের চেষ্টা করি গে। সকলেই এখন জুমে গিয়াছে, যথেষ্ট সৈন্য পাওয়া কঠিন।”

বলিয়া আর কোনো উত্তরের অপেক্ষা না করিয়া বিষন চলিয়া গেলেন।

ঋষের সহসা কী মনে হইল; সে রাজার কাছে আসিয়া রাজার মুখের দিকে তাকাইয়া জিজ্ঞাসা করিল, “কাকা কোথায়?” নক্ষত্র রায়কে ঋষ কাকা বলিত।

রাজা কহিলেন, “কাকা আসিতেছেন ঋষ।” ভীতারা চোখের পাতা ঈষৎ আর্দ্র হইয়া গেল।

## ত্রয়োত্রিংশ পরিচ্ছেদ

বিষন ঠাকুরের বিস্তর কাজ পড়িয়া গেল। তিনি চট্টগ্রামের পার্বত্য প্রদেশে নানা উপহার সমেত দ্রুতগামী দূত পাঠাইয়া দিলেন। সেখানে কুকি-গ্রামপতিদের নিকটে কুকি-সৈন্য সাহায্য প্রার্থনা করিলেন। যুদ্ধের নাম শুনিয়া তাহারা নাচিয়া উঠিল। কুকিদের যত লাল (গ্রামপতি) ছিল তাহারা যুদ্ধের সংবাদস্বরূপ লাল বস্ত্রখণ্ডে বাঁধা দা দূতহস্তে গ্রামে গ্রামে পাঠাইয়া দিল। দেখিতে দেখিতে কুকির স্রোত চট্টগ্রামের শৈলশৃঙ্খ হইতে ত্রিপুরার শৈলশৃঙ্খ আসিয়া পড়িল। তাহাদিগকে কোনো নিয়মের মধ্যে সংযত করিয়া রাখাই দায়। বিষন স্বয়ং ত্রিপুরার গ্রামে গ্রামে গিয়া জুম হইতে বাছিয়া বাছিয়া সাহসী যুবাশ্রমিকদিগকে সৈন্যশ্রেণীতে সংগ্রহ করিয়া আনিলেন। অগ্রসর হইয়া মোগলসৈন্যদিগকে আক্রমণ করা বিষন ঠাকুর সংগত বিবেচনা করিলেন না। যখন তাহারা সমতলক্ষেত্র অতিক্রম করিয়া অপেক্ষাকৃত দুর্গম শৈলশৃঙ্খ আসিয়া উপস্থিত হইবে, তখন অরণ্য, পর্বত ও নানা দুর্গম গুপ্ত স্থান হইতে তাহাদিগকে সহসা আক্রমণ করিয়া চকিত করিবেন স্থির করিলেন। বড়ো বড়ো শিলাখণ্ডের দ্বারা গোমতী নদীর জল বাধিয়া রাখিলেন— নিতান্ত পরাভবের আশঙ্কা দেখিলে সে-বাধ ভাঙিয়া দিয়া জলপ্রাবনের দ্বারা মোগল-সৈন্যদিগকে ভাসাইয়া দেওয়া যাইতে পারিবে।

এদিকে নক্ষত্র রায় দেশ লুণ্ঠন করিতে করিতে ত্রিপুরার পার্বত্য প্রদেশে আসিয়া পৌঁছিলেন। তখন জুম কাটা শেষ হইয়া গেছে। জুমিয়ারা সকলেই দা ও তীরখন্ড হাতে করিয়া যুদ্ধের জন্য প্রস্তুত হইয়াছে। কুকিদলকে উচ্ছ্বাসোন্মুখ জলপ্রপাতের মতো আর বাধিয়া রাখা যায় না।

গোবিন্দমাণিক্য বলিলেন, “আমি যুদ্ধ করিব না।”

বিষন ঠাকুর কহিলেন, “এ কোনো কাজের কথাই নহে।”

রাজা কহিলেন, “আমি রাজত্ব করিবার যোগ্য নহি, তাহারই সকল লক্ষণ প্রকাশ পাইতেছে। সেই জন্য আমার প্রতি প্রজাদের বিশ্বাস নাই, সেই জন্যই দুর্ভিক্ষের সূচনা, সেই জন্যই এই যুদ্ধ। রাজ্য-পরিত্যাগের জন্য এ সকল ভগবানের আদেশ।”

বিষন কহিলেন, “এ কখনোই ভগবানের আদেশ নহে। ঈশ্বর তোমার উপরে রাজ্যভার অর্পণ করিয়াছেন; যত দিন রাজকাৰ্য নিঃসংকট ছিল তত দিন তোমার সহজ কর্তব্য অনায়াসে পালন করিয়াছ, যখনই রাজ্যভার গুরুতর হইয়া উঠিয়াছে

তখনই তাহা দূরে নিক্ষেপ করিয়া তুমি স্বাধীন হইতে চাহিতেছ এবং ঈশ্বরের আদেশ বলিয়া আপনাকে ফাঁকি দিয়া স্বধী করিতে চাহিতেছ ।”

কথাটা গোবিন্দমাণিক্যের মনে লাগিল। তিনি নিরুত্তর হইয়া কিছুক্ষণ বসিয়া রহিলেন। অবশেষে নিতান্ত কাতর হইয়া বলিলেন, “মনে কর না ঠাকুর, আমার পরাজয় হইয়াছে, নক্ষত্র আমাকে বধ করিয়া রাজা হইয়াছে।”

বিষন কহিলেন, “যদি সত্য তাহাই ঘটে তাহা হইলে আমি মহারাজের অশ্রু শোক করিব না। কিন্তু মহারাজ যদি কর্তব্যে ভঙ্গ দিয়া পলায়ন করেন, তবেই আমাদের শোকের কারণ ঘটবে।”

রাজা কিঞ্চিৎ অধীর হইয়া কহিলেন, “আপন ভাইয়ের রক্তপাত করিব !”

বিষন কহিলেন, “কর্তব্যের কাছে ভাই বন্ধু কেহই নাই। কুরুক্ষেত্রের যুদ্ধের সময় শ্রীকৃষ্ণ অর্জুনকে কী উপদেশ দিয়াছিলেন স্মরণ করিয়া দেখুন।”

রাজা কহিলেন, “ঠাকুর, তুমি কি বল আমি বহুশ্রমে এই তরবারি লইয়া নক্ষত্র রায়কে আঘাত করিব ?”

বিষন কহিলেন, “হাঁ।”

সহসা ঋব আসিয়া অত্যন্ত গম্ভীর ভাবে কহিল, “ছি, ও কথা বলতে নেই।”

ঋব খেলা করিতেছিল, দুই পক্ষের কী একটা গোলমাল শুনিয়া সহসা তাহার মনে হইল দুই জনে অবশ্যই একটা দুটামি করিতেছে, অতএব সময় থাকিতে দুই জনকে কিঞ্চিৎ শাসন করিয়া আসা আবশ্যিক, এই সকল বিবেচনা করিয়া তিনি হঠাৎ আসিয়া ঘাড় নাড়িয়া কহিলেন, “ছি, ও কথা বলতে নেই।”

পুরোহিত ঠাকুরের অত্যন্ত আয়োদ বোধ হইল। তিনি হাসিয়া উঠিলেন, ঋবকে কোলে লইয়া চুমো খাইতে লাগিলেন। কিন্তু রাজা হাসিলেন না। তাহার মনে হইল যেন বালকের মুখে তিনি দৈববাণী শুনিলেন।

তিনি অসম্মিষ্ট স্বরে বলিয়া উঠিলেন, “ঠাকুর, আমি স্থির করিয়াছি এ রক্তপাত আমি ঘটতে দিব না, আমি বৃদ্ধ করিব না।”

বিষন ঠাকুর কিছুক্ষণ চুপ করিয়া রহিলেন। অবশেষে কহিলেন, “মহারাজের যদি বৃদ্ধ করিতেই আপত্তি থাকে তবে আর এক কাজ করুন। আপনি নক্ষত্র রায়ের সহিত সাক্ষাৎ করিয়া তাঁহাকে বৃদ্ধ হইতে বিরত করুন।”

গোবিন্দমাণিক্য কহিলেন, “ইহাতে আমি সন্মত আছি।”

বিষন কহিলেন, “তবে সেইরূপ প্রস্তাব লিখিয়া নক্ষত্র রায়ের নিকট পাঠানো হউক।” অবশেষে তাহাই স্থির হইল।

## চতুস্ত্রিংশ পরিচ্ছেদ

নক্ষত্র রায় সৈন্ত লইয়া অগ্রসর হইতে লাগিলেন, কোথাও তিল মাত্র বাধা পাইলেন না। ত্রিপুরার যে গ্রামেই তিনি পদার্পণ করিলেন, সেই গ্রামেই তাঁহাকে রাজা বলিয়া বরণ করিতে লাগিল। পদে পদে রাজত্বের আশ্বাদ পাইতে লাগিলেন—সুখ আরও বাড়িতে লাগিল, চারি দিকের বিস্তৃত ক্ষেত্র, গ্রাম, পর্বতশ্রেণী, নদী সমস্তই আমার বলিয়া মনে হইতে লাগিল, এবং সেই অধিকার-ব্যাপ্তির সঙ্গে সঙ্গে নিজেরও যেন অনেক দূর পর্যন্ত ব্যাপ্ত হইয়া অত্যন্ত প্রশস্ত হইয়া পড়িতে লাগিলেন। মোগল-সৈন্তেরা যাহা চায়, তিনি তাহাই তাহাদিগকে লইতে আলী হুকুম দিয়া দিলেন। মনে হইল এ সমস্তই আমার এবং ইহারা আমারই রাজ্যে আসিয়া পড়িয়াছে। ইহাদিগকে কোনো সুখ হইতে বঞ্চিত করা হইবে না—স্বস্থানে ফিরিয়া গিয়া মোগলেরা তাঁহার আতিথ্যের ও রাজবৎ উদারতা ও বদান্ততার অনেক প্রশংসা করিবে, বলিবে, “ত্রিপুরার রাজা বড়ো কম রাজা নহে।” মোগল-সৈন্তদের নিকট হইতে খ্যাতি লাভ করিবার ক্ষণ্তি তিনি সততই উৎসুক হইয়া রহিলেন। তাহারা তাঁহাকে কোনো প্রকার শ্রুতিমধুর সম্ভাষণ করিলে তিনি নিতান্ত জল হইয়া যান। সর্বদাই ভয় হব পাছে কোনো নিন্দার কারণ ঘটে।

রঘুপতি আসিয়া কহিলেন, “যুদ্ধের তো কোনো উদ্যোগ দেখা যাইতেছে না।”

নক্ষত্র রায় কহিলেন, “না ঠাকুর, ভয় পাইয়াছে।” বলিয়া অত্যন্ত হাসিতে লাগিলেন।

রঘুপতি হাসিবার বিশেষ কোনো কারণ দেখিলেন না, কিন্তু তথাপি হাসিলেন।

নক্ষত্র রায় কহিলেন, “নক্ষত্র রায় নবাবের সৈন্ত লইয়া আসিয়াছে। বড়ো সহজ ব্যাপার নহে।”

রঘুপতি কহিলেন, “দেখি এবার কে কাহাকে নির্বাসনে পাঠায়। কেমন।”

নক্ষত্র রায় কহিলেন, “আমি ইচ্ছা করিলে নির্বাসন-দণ্ড দিতে পারি, কারাকন্ড করিতেও পারি—বন্দের হুকুম দিতেও পারি। এখনো স্থির করি নাই কোন্টা করিব।” বলিয়া অতিশয় বিজ্ঞভাবে অনেক বিবেচনা করিতে লাগিলেন।

রঘুপতি কহিলেন, “অত ভাবিবেন না মহারাজ। এখনো অনেক সময় আছে। কিন্তু আমার ভয় হইতেছে, গোবিন্দমাণিক্য যুদ্ধ না করিয়াই আপনাকে পরাস্ত করিবেন।”

নক্ষত্র রায় কহিলেন, “সে কেমন করিয়া হইবে

রঘুপতি কহিলেন, “গোবিন্দমাণিক্য সৈন্তগুলোকে আড়ালে রাখিয়া বিস্তর ভ্রাতৃস্নেহ দেখাইবেন। গলা ধরিয়া বলিবেন—ছোটো ভাই আমার, এস ঘরে এস, দুধ-সর খাওসে। মহারাজ কাঁদিয়া বলিবেন—যে আজে, আমি এখনি ঘাইতেছি। অধিক বিলম্ব হইবে না। বলিয়া নাগরা জুতাছোড়াটা পারে দিয়া দাদার পিছনে পিছনে মাথা নিচু করিয়া টাটু ঘোড়াটির মতো চলিবেন। বাদশাহের মোগল ফৌজ তামাশা দেখিয়া হাসিয়া ঘরে ফিরিয়া যাইবে।”

নক্ষত্র রায় রঘুপতির মুখে এই তীব্র বিক্রম শুনিয়া অত্যন্ত কাতর হইয়া পড়িলেন। কিঞ্চিৎ হাসিবার নিফল চেষ্টা করিয়া বলিলেন, “আমাকে কি ছেলেমানুষ পাইয়াছে যে এমনি করিয়া ভুলাইবে। তাহার জো নাই। সে হবে না ঠাকুর। দেখিয়া লইয়ো।”

সেই দিন গোবিন্দমাণিক্যের চিঠি আসিয়া পৌছিল। সে চিঠি রঘুপতি খুলিলেন। রাজা অত্যন্ত স্নেহ প্রকাশ করিয়া সাক্ষাৎ প্রার্থনা করিয়াছেন। চিঠি নক্ষত্র রায়কে দেখাইলেন না। দূতকে বলিয়া দিলেন, “কষ্ট স্বীকার করিয়া গোবিন্দমাণিক্যের এত দূর আসিবার দরকার নাই। সৈন্ত ও তরবারি লইয়া মহারাজ নক্ষত্রমাণিক্য শীঘ্রই তাঁহার সহিত সাক্ষাৎ করিবেন। গোবিন্দমাণিক্য এই অল্প কাল যেন শ্রিয়ভ্রাতৃবিরহে অধিক কাতর হইয়া না পড়েন। আট বৎসর নির্বাসনে থাকিলে ইহা অপেক্ষা আরও অধিক কাল বিচ্ছেদের সম্ভাবনা ছিল।”

রঘুপতি নক্ষত্র রায়কে গিয়া কহিলেন, “গোবিন্দমাণিক্য নির্বাসিত ছোটো ভাইকে অত্যন্ত স্নেহপূর্ণ একখানি চিঠি লিখিয়াছেন।”

নক্ষত্র রায় পরম উপেক্ষার ভান করিয়া হাসিয়া বলিলেন, “সত্য না কি। কী চিঠি। কই দেখি।” বলিয়া হাত বাড়াইয়া দিলেন।

রঘুপতি কহিলেন, “সে চিঠি মহারাজকে দেখানো আমি আবশ্যক বিবেচনা করি নাই। তখনই ছিঁড়িয়া ফেলিয়াছি। বলিয়াছি, যুদ্ধ ছাড়া ইহার আর কোনো উত্তর নাই।”

নক্ষত্র রায় হাসিতে হাসিতে বলিলেন, “বেশ করিয়াছ ঠাকুর, তুমি বলিয়াছ যুদ্ধ ছাড়া ইহার আর কোনো উত্তর নাই। বেশ উত্তর দিয়াছ।”

রঘুপতি কহিলেন, “গোবিন্দমাণিক্য উত্তর শুনিয়া ভাবিবে যে, যখন নির্বাসন দিয়াছিলাম তখন তো ভাই বেশ সহজে গিয়াছিল, কিন্তু সেই ভাই ঘরে ফিরিয়া আসিবার সময় তো কম গোলযোগ করিতেছে না।”

নক্ষত্র রায় কহিলেন, “মনে করিবেন ভাইটি বড়ো সহজ লোক নয়। মনে করিলেই যে যখন ইচ্ছা নির্বাসন দিব এবং যখন ইচ্ছা ডাকিয়া লইব সেটি হইবার জো নাই” বলিয়া অত্যন্ত আনন্দে দ্বিতীয় বার হাসিতে লাগিলেন।

## পঞ্চত্রিংশ পরিচ্ছেদ

নক্ষত্র রায়ের উত্তর শুনিয়া গোবিন্দমাণিক্য অত্যন্ত মর্ষাহত হইলেন। বিধন মনে করিলেন, এবারে হয়তো মহারাজা আপত্তি প্রকাশ করিবেন না। কিন্তু গোবিন্দমাণিক্য বলিলেন, “এ কথা কখনোই নক্ষত্র রায়ের কথা নহে। এ সেই পুরোহিত বলিয়া পাঠাইয়াছে। নক্ষত্রের মুখ দিয়া এমন কথা কখনোই বাহির হইতে পারে না।”

বিধন কহিলেন, “মহারাজ, এক্ষণে কী উপায় স্থির করিলেন ?”

রাজা কহিলেন, “আমি নক্ষত্রের সঙ্গে কোনোক্রমে এক বার দেখা করিতে পাই, তাহা হইলে সমস্ত মিটমাট করিয়া দিতে পারি।”

বিধন কহিলেন, “আর দেখা যদি না হয়।”

রাজা। “তাহা হইলে আমি রাজ্য ছাড়িয়া দিয়া চলিয়া যাইব।”

বিধন কহিলেন, “আচ্ছা আমি এক বার চেষ্টা করিয়া দেখি।”

পাহাড়ের উপর নক্ষত্র রায়ের শিবির। ঘন জঙ্গল। বাঁশ-বন, বেত-বন, খাগড়ার বন। নানাবিধ লতাগুল্মে ভূমি আচ্ছন্ন। সৈন্তেরা বন হস্তীদের চলিবার পথ অনুসরণ করিয়া শিখরে উঠিয়াছে। তখন অপরাহ্ন। সূর্য পাহাড়ের পশ্চিম প্রান্তে হেলিয়া পড়িয়াছে। পূর্ব প্রান্তে অন্ধকার করিয়াছে। গোধূলির ছায়া ও তরুর ছায়ায় মিলিয়া বনের মধ্যে অকালে সন্ধ্যার আবির্ভাব হইয়াছে। নীতের সায়াহ্নে ভূমিতল হইতে কুয়াশার মতো বাষ্প উঠিতেছে। বিস্তার শব্দে নিস্তরূ বন মুখরিত হইয়া উঠিয়াছে। বিধন যখন শিবিরে গিয়া পৌঁছিলেন, তখন সূর্য সম্পূর্ণ অস্ত গেছেন, কিন্তু পশ্চিম আকাশে সূর্যের রেখা মিলাইয়া যায় নাই। পশ্চিম দিকের সমতল উপত্যকায় স্বর্ণচ্ছায়ায় রঞ্জিত ঘন বন নিস্তরূ সবুজ সমুদ্রের মতো দেখাইতেছে। সৈন্তেরা কাল প্রভাতে যাত্রা করিবে। রঘুপতি এক দল সেনা ও সেনাপতিকে সঙ্গে লইয়া পথ অন্বেষণে বাহির হইয়াছেন, এখনো ফিরিয়া আসেন নাই। যদিও রঘুপতির অজ্ঞাতসারে নক্ষত্র রায়ের নিকটে কোনো লোক আসা নিষেধ ছিল, তথাপি সন্ন্যাসী-বেশধারী বিধনকে কেহই বাধা দিল না।

বিধন নক্ষত্র রায়কে গিয়া কহিলেন, “মহারাজ গোবিন্দমাণিক্য আপনাকে স্মরণ করিয়া এই পত্র লিখিয়াছেন।” বলিয়া পথ নক্ষত্র রায়ের হস্তে দিলেন। নক্ষত্র রায় কল্পিত হস্তে পত্র গ্রহণ করিলেন। সে পত্র খুলিতে তাঁহার লজ্জা ও ভয় হইতে লাগিল। যত ক্ষণ রঘুপতি গোবিন্দমাণিক্য ও তাঁহার মধ্যে আড়াল

করিয়া দাঁড়ায়, তত ক্ষণ নকত্র রায় বেশ নিশ্চিত থাকেন। তিনি কোনোমতেই গোবিন্দমাণিক্যকে যেন দেখিতে চান না। গোবিন্দমাণিক্যের এই দূত একেবারে নকত্র রায়ের সম্মুখে আসিয়া দাঁড়াইতে নকত্র রায় কেমন যেন সংকুচিত হইয়া পড়িলেন, এবং মনে মনে ঈর্ষ্য বিরক্ত হইলেন। ইচ্ছা হইতে লাগিল রঘুপতি যদি উপস্থিত থাকিতেন এবং এই দূতকে তাঁহার কাছে আসিতে না দিতেন। মনের মধ্যে নানা ইতস্তত করিয়া পত্র খুলিলেন।

তাহার মধ্যে কিছু মাত্র ভৎসনা ছিল না। গোবিন্দমাণিক্য তাঁহাকে লজ্জা দিয়া একটি কথাও বলেন নাই। ভাইয়ের প্রতি লেশমাত্র অভিমান প্রকাশ করেন নাই। নকত্র রায় যে সৈন্তসামন্ত লইয়া তাঁহাকে আক্রমণ করিতে আসিয়াছেন, সে কথাও উল্লেখমাত্র করেন নাই। উভয়ের মধ্যে পূর্বে যেমন ভাব ছিল, এখনও অবিকল যেন সেই ভাবই আছে। অথচ সমস্ত পত্রের মধ্যে একটি সুগভীর শ্বেহ ও বিষাদ প্রচ্ছন্ন হইয়া আছে—তাহা কোনো স্পষ্ট কথায় ব্যক্ত হয় নাই বলিয়া নকত্র রায়ের হৃদয়ে অধিক আঘাত লাগিল।

চিঠি পড়িতে পড়িতে অল্পে অল্পে তাঁহার মুখভাবের পরিবর্তন হইতে লাগিল। হৃদয়ের পাষণ-আবরণ দেখিতে দেখিতে ফাটিয়া গেল। চিঠি তাঁহার কম্পমান হাতে কাঁপিতে লাগিল। সে চিঠি লইয়া কিয়ৎক্ষণ মাথায় ধারণ করিয়া রাখিলেন। সে চিঠির মধ্যে ভ্রাতার যে আশীর্বাদ ছিল তাহা যেন শীতল নিঝরের মতো তাঁহার তপ্ত হৃদয়ে ঝরিয়া পড়িতে লাগিল। অনেক ক্ষণ পর্যন্ত স্থির হইয়া স্থদূর পশ্চিমে সন্ধ্যারাগরক্ত শ্রামল বনভূমির দিকে অনিমেঘ নেত্র চাহিয়া রহিলেন। চারি দিকে নিস্তব্ধ সন্ধ্যা অন্তলম্পর্শ শব্দহীন শান্ত সমুদ্রের মতো জাগিয়া রহিল। ক্রমে তাঁহার চক্ষে জল দেখা দিল, ক্রতবেগে অশ্রু পড়িতে লাগিল। সহসা লজ্জায় ও অহুতাপে নকত্র রায় ছুই হাতে মুখ প্রচ্ছন্ন করিয়া ধরিলেন।

কাঁদিয়া বলিলেন, “আমি এ রাজ্য চাই না। দাদা, আমার সমস্ত অপরাধ মার্জনা করিয়া আমাকে তোমার পদতলে স্থান দাও, আমাকে তোমার কাছে রাখিয়া দাও আমাকে দূরে তাড়াইয়া দিয়ো না।”

বিষন একটি কথাও বলিলেন না—চূপ করিয়া বসিয়া দেখিতে লাগিলেন। অবশেষে নকত্র রায় যখন প্রশান্ত হইলেন, তখন বিষন কহিলেন, “যুবরাজ, আপনার পথ চাহিয়া গোবিন্দমাণিক্য বসিয়া আছেন, আর বিলম্ব করিবেন না।”

নকত্র রায় জিজ্ঞাসা করিলেন, “আমাকে তিনি কি মাপ করিবেন?”

বিষন কহিলেন, “তিনি যুবরাজের প্রতি কিছুমাত্র রাগ করেন নাই। অধিক

রাত্রি হইলে পথে কষ্ট হইবে। শীঘ্র একটি অশ্ব লউন। পর্বতের নিচে মহারাজের লোক অপেক্ষা করিয়া আছে।”

নক্ষত্র রায় কহিলেন, “আমি গোপনে পলায়ন করি, সৈন্যদের কিছু জানাইয়া কাজ নাই। আর তিলমাত্র বিলম্ব করিয়া কাজ নাই, যত শীঘ্র এখান হইতে বাহির হইয়া পড়া যায় ততই ভালো।”

বিষন কহিলেন, “ঠিক কথা।”

তিনমুড়া পাহাড়ে সন্ন্যাসীর সহিত শিবলিঙ্গের পূজা করিতে যাইতেছেন বলিয়া নক্ষত্র রায় বিষনের সহিত অশ্বারোহণে যাত্রা করিলেন। অশুচরগণ সঙ্গে যাইতে চাহিল, তাহাদিগকে নিরস্ত করিলেন।

সবে বাহির হইয়াছেন মাত্র, এমন সময়ে অশ্বের খুরধ্বনি ও সৈন্যদের কোলাহল শুনিতে পাইলেন। নক্ষত্র রায় নিতান্ত সংকুচিত হইয়া গেলেন। দেখিতে দেখিতে রঘুপতি সৈন্য লইয়া ফিরিয়া আসিলেন। আশ্চর্য হইয়া কহিলেন, “মহারাজ, কোথায় যাইতেছেন।” নক্ষত্র রায় কিছুই উত্তর দিতে পারিলেন না।

নক্ষত্র রায়কে নিরস্তর দেখিয়া বিষন কহিলেন, “মহারাজ গোবিন্দমাণিক্যের সহিত সাক্ষাৎ করিতে যাইতেছেন।”

রঘুপতি বিষনের আপাদমস্তক এক বার নিরীক্ষণ করিলেন। এক বার ক্র-কুঞ্চিত করিলেন, তারপরে আশ্বসংবরণ করিয়া কহিলেন, “আজ এমন অসময়ে আমরা আমাদের মহারাজকে বিদায় দিতে পারি না। ব্যস্ত হইবার তো কোনো কারণ নাই। কাল প্রাতঃকালে যাত্রা করিলেই তো হইবে। কী বলেন মহারাজ।”

নক্ষত্র রায় যুৎসরে কহিলেন, “কাল সকালেই যাইব, আজ রাত হইয়া গেছে।”

বিষন নিরাশ হইয়া সে রাত্রি শিবিরেই যাপন করিলেন। পরদিন প্রভাতে নক্ষত্র রায়ের নিকট যাইবার চেষ্টা করিলেন, সৈন্তেরা বাধা দিল। দেখিলেন চতুর্দিকে পাহারা, কোনো দিকেই ছিদ্র নাই। অবশেষে রঘুপতির নিকট গিয়া কহিলেন, “যাত্রার সময় হইয়াছে যুবরাজকে সংবাদ দিন।”

রঘুপতি কহিলেন, “মহারাজ যাইবেন না স্থির করিয়াছেন।”

বিষন কহিলেন, “আমি একবার তাঁহার সহিত সাক্ষাৎ করিতে ইচ্ছা করি।”

রঘুপতি। “সাক্ষাৎ হইবে না তিনি বলিয়া দিয়াছেন।”

বিষন কহিলেন, “মহারাজ গোবিন্দমাণিক্যের পত্রের উত্তর চাই।”

রঘুপতি। “পত্রের উত্তর ইতিপূর্বে আর এক বার দেওয়া হইয়াছে।”

বিষন। “আমি তাঁহার নিজমুখে উত্তর শুনিতে চাই।”



রথুপতি। “তাঁহার কোনো উপায় নাই।”

বিষন বুদ্ধিলেন বৃথা চেষ্টা ; কেবল সময় ও বাক্য ব্যয়। যাইবার সময় রথুপতিকে বলিয়া গেলেন, “ব্রাহ্মণ, এ কী সর্বনাশ-সাধনে তুমি প্রবৃত্ত হইয়াছ। এ তো ব্রাহ্মণের কাজ নয়।”

## ষট্‌ত্রিংশ পরিচ্ছেদ

বিষন ফিরিয়া গিয়া দেখিলেন, ইতিমধ্যে রাজা কুকিদের বিদায় করিয়া দিয়াছেন। তাহার রাজ্যমধ্যে উপদ্রব আরম্ভ করিয়া দিয়াছিল। সৈন্তদল প্রায় ভাঙিয়া দিয়াছেন। যুদ্ধের উদ্যোগ বড়ো একটা কিছু নাই। বিষন ফিরিয়া আসিয়া রাজাকে সমস্ত বিবরণ বলিলেন।

রাজা কহিলেন, “তবে ঠাকুর, আমি বিদায় হই। নক্ষত্রের জন্ত রাজ্য ধন রাখিয়া দিয়া চলিলাম।”

বিষন কহিলেন, “অসহায় প্রজাদিগকে পর-হস্তে ফেলিয়া দিয়া তুমি পলায়ন করিবে, ইহা স্বরণ করিয়া আমি কোনোমতেই প্রসন্ন মনে বিদায় দিতে পারি না, মহারাজ। বিমাতার হস্তে পুত্রকে সমর্পণ করিয়া ভারযুক্ত মাতা শান্তিলাভ করিলেন—ইহা কি কল্পনা করা যায়।”

রাজা কহিলেন, “ঠাকুর, তোমার বাক্য আমার হৃদয়ে বিদ্ধ হইয়া প্রবেশ করে। কিন্তু এবার আমাকে মার্জনা করো, আমাকে আর অধিক কিছু বলিও না। আমাকে বিচলিত করিবার চেষ্টা করিও না। তুমি জান ঠাকুর, আমি মনে মনে প্রতিজ্ঞা করিয়াছিলাম রক্তপাত আর করিব না, সে প্রতিজ্ঞা আমি ভাঙিতে পারি না।”

বিষন কহিলেন, “তবে এখন মহারাজ কী করিবেন।”

রাজা কহিলেন, “তবে তোমাকে সমস্ত বলি। আমি ক্রবকে সঙ্গে করিয়া বনে যাইব। ঠাকুর, আমার জীবন অত্যন্ত অসম্পূর্ণ রহিয়া গিয়াছে। যাহা মনে করিয়াছিলাম তাহার কিছুই করিতে পারি নাই—জীবনের যতখানি চলিয়া গেছে তাহা ফিরিয়া পাইয়া আর নূতন করিয়া গড়িতে পারিব না—আমার মনে হইতেছে, ঠাকুর, অদৃষ্ট যেন আমাদিগকে তীরের মতো নিক্ষেপ করিয়াছে, লক্ষ্য হইতে যদি এক বার একটু ঝিকিয়া গিয়া থাকি, তবে আর যেন সহস্র চেষ্টায় লক্ষ্যের মুখে ফিরিতে পারি না। জীবনের আরম্ভ সময়ে আমি সেই বে ঝিকিয়া গিয়াছি জীবনের শেষকালে আমি আর লক্ষ্য খুঁজিয়া পাইতেছি না। যাহা মনে করি তাহা আর হয় না।

যে সময়ে জাগিলে আত্মরক্ষা করিতে পারিতাম সে সময়ে জাগি নাই, যে সময়ে ডুবিয়াছি তখন চৈতন্য হইয়াছে। সমুদ্রে পড়িলে লোকে যে ভাবে কাঠখণ্ড অবলম্বন করে আমি বালক ঋষকে সেইভাবে অবলম্বন করিয়াছি। আমি ঋষের মধ্যে আত্মসমাধান করিয়া ঋষের মধ্যে পুনর্জন্ম লাভ করিব। আমি প্রথম হইতে ঋষকে মাহুষ করিয়া গড়িয়া তুলিব। ঋষের সহিত তিলে তিলে আমিই বাড়িতে থাকিব। আমার মানবজন্ম সম্পূর্ণ করিব। ঠাকুর, আমি মাহুষের মতো নই আমি রাজা হইয়া কী করিব।”

শেষ কথাটা রাজা অত্যন্ত আবেগের সহিত উচ্চারণ করিলেন—শুনিয়া ঋষ রাজার হাঁটুর উপর তাহার মাথা ঘষিয়া ঘষিয়া কহিল, “আমি আজ্ঞা।”

বিষন হাসিয়া ঋষকে কোলে তুলিয়া লইলেন। অনেক ক্ষণ তাহার মুখের দিকে চাহিয়া অবশেষে রাজাকে কহিলেন, “বনে কি কখনো মাহুষ গড়া যায়। বনে কেবল একটা উদ্ভিদ পালন করিয়া তোলা যাইতে পারে। মাহুষ মাহুষসমাজেই গঠিত হয়।”

রাজা কহিলেন, “আমি নিতান্তই বনবাসী হইব না, মাহুষসমাজ হইতে কিঞ্চিৎ দূরে থাকিব মাত্র, অথচ সমাজের সহিত সমস্ত যোগ বিচ্ছিন্ন করিব না। এ কেবল দিনকতকের জ্ঞান।”

এদিকে নরুত্র রায় সৈন্তসমেত রাজধানীর নিকটবর্তী হইলেন। প্রজাদের ধনধান্য লুণ্ঠিত হইতে লাগিল। প্রজারা কেবল গোবিন্দমাণিক্যকেই অভিশাপ দিতে লাগিল। তাহারা কহিল, “এ সমস্তই কেবল রাজার পাপে ঘটিতেছে।”

রাজা এক বার রঘুপতির সহিত সাক্ষাৎ করিতে চাহিলেন। রঘুপতি উপস্থিত হইলে তাঁহাকে কহিলেন, “আর কেন প্রজাদিগকে কষ্ট দিতেছ। আমি নরুত্র রায়কে রাজ্য ছাড়িয়া দিয়া চলিয়া যাইতেছি। তোমার যোগল-সৈন্তদের বিদায় করিয়া দাও।”

রঘুপতি কহিলেন, “যে আজ্ঞা, আপনি বিদায় হইলেই আমি যোগল-সৈন্তদের বিদায় করিয়া দিব—ত্রিপুরা লুণ্ঠিত হয় ইহা আমার ইচ্ছা নহে।”

রাজা সেই দিনই রাজ্য ছাড়িয়া যাত্রার উদ্যোগ করিলেন, তাঁহার রাজবেশ ত্যাগ করিলেন, গেরুয়া বসন পরিলেন। নরুত্র রায়কে রাজার সমস্ত কর্তব্য স্বরণ করাইয়া এক দীর্ঘ আশীর্বাদ-পত্র লিখিলেন।

অবশেষে রাজা ঋষকে কোলে তুলিয়া বলিলেন, “ঋষ, আমার সঙ্গে বনে যাবে বাছা।”

এব তৎক্ষণাৎ রাজার গলা জড়াইয়া কহিল, “যাব ।”

এমন সময়ে রাজার সহসা মনে হইল এবকে সঙ্গে লইয়া যাইতে হইলে তাহার খুড়া কেদারেশ্বরের সম্মতি আবশ্যিক ; কেদারেশ্বরকে ডাকাইয়া রাজা কহিলেন, “কেদারেশ্বর, তোমার সম্মতি পাইলে আমি এবকে আমার সঙ্গে লইয়া যাই ।”

এব দিনরাত্রি রাজার কাছেই থাকিত, তাহার খুড়ার সহিত তাহার বড়ো একটা সম্পর্ক ছিল না, এই জন্তই বোধ করি রাজার কখনো মনে হয় নাই যে, এবকে সঙ্গে লইয়া গেলে কেদারেশ্বরের কোনো আপত্তি হইতে পারে ।

রাজার কথা শুনিয়া কেদারেশ্বর কহিল, “সে আমি পারিব না মহারাজ ।”

শুনিয়া রাজার চমক ভাঙিয়া গেল । সহসা তাঁহার মাথায় বজ্রাঘাত হইল । কিছু ক্ষণ চূপ করিয়া থাকিয়া কহিলেন, “কেদারেশ্বর, তুমিও আমাদের সঙ্গে চলো ।”

কেদারেশ্বর । “না মহারাজ, বনে যাইতে পারিব না ।”

রাজা কাতর হইয়া কহিলেন, “আমি বনে যাইব না ; আমি ধনজন লইয়া লোকালয়ে থাকিব ।”

কেদারেশ্বর কহিল, “আমি দেশ ছাড়িয়া যাইতে পারিব না ।”

রাজা কিছু না বলিয়া গভীর দীর্ঘনিশ্বাস ফেলিলেন । তাঁহার সমস্ত আশা স্তব্ধমান হইয়া গেল । নিমেষের মধ্যে সমস্ত ধরণীর মুখ যেন পরিবর্তিত হইয়া গেল । এব আপন মনে খেলা করিতেছিল—অনেক ক্ষণ তাহার দিকে চাহিয়া রহিলেন অথচ তাহাকে যেন চোখে দেখিতে পাইলেন না । এব তাঁহার কাপড়ের প্রান্ত ধরিয়া টানিয়া কহিল, “খেলা করো ।”

রাজার সমস্ত হৃদয় গলিয়া অশ্রু হইয়া চোখের কাছে আসিল, অনেক কষ্টে অশ্রুজল দমন করিলেন । মুখ ফিরাইয়া ভয়ঙ্কর কহিলেন, “তবে এব রহিল । আমি একাই যাই ।” অবশিষ্ট জীবনের সুদীর্ঘ মরুময় পথ যেন নিমেষের মধ্যে বিদ্যুদালোকে তাঁহার চক্ষুতারকায় অঙ্কিত হইল ।

কেদারেশ্বর এবের খেলা ভাঙিয়া দিয়া তাহাকে বলিল, “আমি আমার সঙ্গে আয় ।” বলিয়া তাহার হাত ধরিয়া টানিল ।

এব ক্রন্দনের স্বরে বলিয়া উঠিল, “না ।”

রাজা সচকিত হইয়া এবের দিকে ফিরিয়া চাহিলেন । এব ছুটিয়া আসিয়া রাজাকে জড়াইয়া ধরিয়া তাড়াতাড়ি তাঁহার দুই হাঁটুর মধ্যে মুখ লুকাইল । রাজা

ঋবকে কোলে তুলিয়া লইয়া তাহাকে বুকের মধ্যে চাপিয়া রাখিলেন। বিশাল হৃদয় বিদীর্ণ হইতে চাহিতেছিল, ক্ষুদ্র ঋবকে বুকের কাছে চাপিয়া হৃদয়কে দমন করিলেন। ঋবকে সেই অবস্থায় কোলে রাখিয়া তিনি দীর্ঘ কক্ষ পদচারণ করিতে লাগিলেন। ঋব কাঁধে মাথা রাখিয়া অত্যন্ত স্থির হইয়া পড়িয়া রহিল।

অবশেষে যাত্রার সময় হইল। ঋব রাজ্যের কোলে ঘুমাইয়া পড়িয়াছে। ঘুমন্ত ঋবকে ধীরে ধীরে কেদারেশ্বরের হস্তে সমর্পণ করিয়া রাজা যাত্রা করিলেন।

## সপ্তত্রিংশ পরিচ্ছেদ

পূর্বদ্বার দিয়া সৈন্তসামন্ত লইয়া নক্ষত্রমাণিক্য রাজধানীতে প্রবেশ করিলেন, কিঞ্চিৎ অর্থ ও গুটিকতক অন্নচর লইয়া পশ্চিমদ্বারাভিমুখে গোবিন্দমাণিক্য যাত্রা করিলেন। নগরের লোক বাশি বাজাইয়া ঢাক ঢোলের শব্দ করিয়া হলুধ্বনি ও শঙ্খধ্বনির সহিত নক্ষত্র রায়কে আহ্বান করিল। গোবিন্দমাণিক্য যে-পথ দিয়া অখারোহণে যাইতেছিলেন সে-পথে কেহই তাঁহাকে সমাদর করা আবশ্যক বিবেচনা করিল না। দুই পার্শ্বের কুটিরবাসিনী রমণীরা তাঁহাকে গালি দিতে লাগিল, ক্ষুধা ও ক্ষুধিত সন্তানের ক্রন্দনে তাঁহাদের ক্রিষ্ণা শাণিত হইয়াছে। পরশ গুরুতর দুর্ভিক্ষের সময় যে বৃদ্ধা রাজদ্বারে গিয়া আহার পাইয়াছিল এবং রাজা স্বয়ং যাহাকে সাহসনা দিয়াছিলেন সে তাহার শীর্ণ হস্ত তুলিয়া রাজাকে অভিলাষ দিতে লাগিল। ছেলেরা জননীর কাছ হইতে শিক্কা পাইয়া বিক্রম করিয়া চীৎকার করিতে করিতে রাজ্যের পিছনে চলিল।

দক্ষিণে বামে কোনো দিকে দৃষ্টিপাত না করিয়া সম্মুখে চাহিয়া রাজা ধীরে ধীরে চলিতে লাগিলেন। এক জন জুমিয়া ক্ষেত্র হইতে আসিতেছিল, সে রাজাকে দেখিয়া ভক্তিভরে প্রণাম করিল। রাজ্যের হৃদয় আর্জ হইয়া গেল। তিনি তাহার নিকটে স্নেহ-আকুল কণ্ঠে বিদায় প্রার্থনা করিলেন। কেবল এই একটি জুমিয়া তাঁহার সমুদয় সন্তান প্রজাদের হইয়া তাঁহার রাজত্বের অবসানে তাঁহাকে ভক্তিভরে মানহৃদয়ে বিদায় দিল। রাজ্যের পশ্চাতে ছেলের পাল চীৎকার করিতেছে দেখিয়া সে মহা ক্ষুব্ধ হইয়া তাহাদিগকে তাড়া করিয়া গেল। রাজা তাহাকে নিষেধ করিলেন।

অবশেষে পথের যে অংশে কেদারেশ্বরের কুটির ছিল, রাজা সেইখানে আসিয়া উপস্থিত হইলেন। তখন এক বার দক্ষিণে ফিরিয়া চাহিলেন। এখন শীতের প্রাতঃকাল। কুমাশা কাটিয়া সূর্যরশ্মি সবে দেখা দিয়াছে। কুটিরের দিকে চাহিয়া রাজার গত বৎসরের আঘাত মাসের এক প্রাতঃকাল মনে পড়িল। তখন ঘনমেঘ ঘনবর্ষা। দ্বিতীয়ার কৌণ চন্দ্রের স্তায় বালিকা হাসি অচেতনে শব্য্যার প্রান্তে মিলাইয়া শুইয়া আছে। ক্ষুদ্র ঋব তাহা কিছুই না বুঝিতে পারিয়া কখনো বা দিদির অঞ্চলের প্রান্ত মুখে পুরিয়া দিদির মুখের দিকে চাহিয়া আছে, কখনো বা তাহার গোল গোল ছোটো ছোটো মোটা মোটা হাত দিয়া আশু আশু দিদির মুখ চাপড়াইতেছে। আত্মিকার এই অগ্রহায়ণ মাসের শিশিরসিক্ত শুভ্র প্রাতঃকাল সেই আঘাতের মেঘাচ্ছন্ন প্রভাতের মধ্যে প্রচ্ছন্ন ছিল। রাজার কি মনে পড়িল যে, যে অদৃষ্ট আত্ম তাঁহাকে রাজাত্যাগী ও অপমানিত করিয়া গৃহ হইতে বিদায় করিয়া দিতেছে, সেই অদৃষ্ট এই ক্ষুদ্র কুটিরদ্বারে সেই আঘাতের অঙ্ককার প্রাতঃকালে তাঁহার স্তম্ভ অপেক্ষা করিয়া বসিয়া ছিল। এই-খানেই তাঁহার সহিত সেই প্রথম সাক্ষাৎ। রাজা অন্তমনস্ক হইয়া এই কুটিরের সম্মুখে কিছু কণ স্থির হইয়া রহিলেন। তাঁহার অস্থচরণ ছাড়া তখন পথে আর কেহ লোক ছিল না। জুমিয়ার নিকট তাড়া খাইয়া ছেলেগুলো পালাইয়াছে, কিন্তু জুমিয়া দূরবর্তী হইতেই আবার তাহারা আসিয়া উপস্থিত হইল, তাহাদের চীৎকারে চেতনালভ করিয়া নিঃশ্বাস ফেলিয়া রাজা আবার ধীরে ধীরে চলিতে লাগিলেন।

সহসা বালকদিকের চীৎকারের মধ্যে একটি স্মিষ্ট পরিচিত কণ্ঠ তাঁহার কানে আসিয়া প্রবেশ করিল। দেখিলেন, ছোটো ঋব তাহার ছোটো ছোটো পা ফেলিয়া দুই হাত তুলিয়া হাসিতে হাসিতে তাঁহার কাছে ছুটিয়া আসিতেছে। কেদারেশ্বরের নূতন রাজাকে আগেতাপে সন্মান প্রদর্শন করিতে গিয়াছে, কুটিরে কেবল ঋব এবং এক বৃদ্ধা পরিচারিকা ছিল। গোবিন্দমাণিক্য ঘোড়া খামাইয়া ঘোড়া হইতে নামিয়া পড়িলেন। ঋব ছুটিয়া খিলখিল করিয়া হাসিয়া একেবারে তাঁহার উপরে ঝাঁপাইয়া পড়িল, ঋব তাঁহার কাপড় ধরিয়া টানিয়া তাঁহার হাঁটুর মধ্যে মুখ গুঁজিয়া তাহার প্রথম আনন্দের উচ্ছ্বাস অবসান হইলে পর গভীর হইয়া রাজাকে বলিল, “আমি টকটক চ’ব।”

রাজা তাহাকে ঘোড়ায় চড়াইয়া দিলেন। ঘোড়ার উপর চড়িয়া সে রাজার গলা জড়াইয়া ধরিল, এবং তাহার কোমল কপোলখানি রাজার কপোলের উপরে নিবিষ্ট করিয়া রহিল। ঋব তাহার ক্ষুদ্র বুদ্ধিতে রাজার মধ্যে কী একটা পরিবর্তন অহুজব করিতে লাগিল। গভীর ঘুম ভাঙাইবার অস্ত্র লোকে যেমন নানারূপ চেষ্টা করে,

ঋব তেমনি তাঁহাকে টানিয়া তাঁহাকে জড়াইয়া তাঁহাকে চুমো খাইয়া কোনোক্রমে তাঁহার পূর্বভাব ফিরাইয়া আনিবার অনেক চেষ্টা করিল। অবশেষে অকৃতকার্য হইয়া মুখের মধ্যে গোটা দুয়েক আঙুল পুরিয়া দিয়া বসিয়া রহিল। রাজা ঋবের মনের ভাব বুঝিতে পারিয়া তাহাকে বারবার চুম্বন করিলেন।

অবশেষে কহিলেন, “ঋব, আমি তবে যাই।”

ঋব রাজার মুখের দিকে চাহিয়া কহিল, “আমি যাব।”

রাজা কহিলেন, “তুমি কোথায় যাবে, তুমি তোমার বাপের কাছে থাকো।”

ঋব কহিল, “না আমি যাব।”

এমন সময় কুটির হইতে বৃদ্ধা পরিচারিকা বিড়বিড় করিয়া বকিতে বকিতে উপস্থিত হইল, সবেগে ঋবের হাত ধরিয়া টানিয়া কহিল, “চল।”

ঋব অমনি সতয়ে সবলে দুই হাতে রাজাকে জড়াইয়া রাজার বুকের মধ্যে মুখ লুকাইয়া রহিল। রাজা কাতর হইয়া ভাবিলেন, বুকের শিরা টানিয়া ছিঁড়িয়া ফেলা যায় তবু এ দুটি হাতের বন্ধন কি ছেঁড়া যায়। কিন্তু তাও ছিঁড়িতে হইল। আশ্চর্য আশ্চর্য ঋবের দুই হাত খুলিয়া বলপূর্বক ঋবকে পরিচারিকার হাতে দিলেন। ঋব প্রাণপণে কাঁদিয়া উঠিল, হাত তুলিয়া কহিল, “বাবা, আমি যাব।” রাজা আর পিছনে না চাহিয়া দ্রুত ঘোড়ায় চড়িয়া ঘোড়া ছুটাইয়া দিলেন। যত দূর যান ঋবের আকুল ক্রন্দন শুনিতে পাইলেন, ঋব কেবল তাহার দুই হাত তুলিয়া বলিতে লাগিল, “বাবা, আমি যাব।” অবশেষে রাজার প্রশান্ত চক্ষু দিয়া জল পড়িতে লাগিল। তিনি আর পথঘাট কিছুই দেখিতে পাইলেন না। বাষ্পজালে সূর্যালোক এবং সমস্ত জগৎ যেন আচ্ছন্ন হইয়া গেল। ঘোড়া যদিকে ইচ্ছা ছুটিতে লাগিল।

পথের মধ্যে এক জায়গায় এক দল মোগল-সৈন্য আসিয়া রাজাকে লক্ষ্য করিয়া হাসিতে লাগিল, এমন কি তাঁহার অহুচরদের সহিত কিঞ্চিৎ কঠোর বিক্রম আরম্ভ করিল। রাজার একজন সভাসদ অস্বারোহণে যাইতেছিলেন, তিনি এই দৃশ্য দেখিয়া রাজার নিকটে ছুটিয়া আসিলেন। কহিলেন, “মহারাজ, এ অপমান তো আর সহ হয় না। মহারাজের এই দীন বেশ দেখিয়া ইহারা এরূপ সাহসী হইয়াছে। এই লউন তরবারি, এই লউন উফীষ। মহারাজ কিঞ্চিৎ অপেক্ষা করুন, আমি আমার লোক লইয়া আসিয়া এই বর্বরদিগকে এক বার শিক্ষা দিই।”

রাজা কহিলেন, “না নয়ন রায়, আমার তরবারি-উফীষে প্রয়োজন নাই। ইহারা আমার কী করিবে। আমি এখন ইহা অপেক্ষা অনেক গুরতর অপমান সহ্য করিতে পারি। মুক্ত তরবারি তুলিয়া আমি এ পৃথিবীর লোকের নিকট হইতে আর সম্মান

আদায় করিতে চাহি না। পৃথিবীর সর্বসাধারণে যেরূপ সুসময়ে দুঃসময়ে মান-অপমান সুখদুঃখ সহ্য করিয়া থাকে, আমিও জগদীশ্বরের মুখ চাহিয়া সেইরূপ সহ্য করিব। বন্ধুরা বিপক্ষ হইতেছে, আশ্রিতেরা কৃত্রিম হইতেছে, প্রণতেরা দুর্বিনীত হইয়া উঠিতেছে, এক কালে হয়তো ইহা আমার অসহ্য হইত, কিন্তু এখন ইহা সহ্য করিয়াই আমি হৃদয়ের মধ্যে আনন্দ লাভ করিতেছি। যিনি আমার বন্ধু তাঁহাকে আমি জানিয়াছি। যাও নয়ন রায়, তুমি ফিরিয়া যাও, নক্ষত্রকে সমাদরপূর্বক আহ্বান করিয়া আনো, আমাকে যেমন সম্মান করিতে নক্ষত্রকেও তেমনি সম্মান করিয়ো। তোমরা সকলে মিলিয়া সর্বদা নক্ষত্রকে সুপথে এবং প্রজার কল্যাণে রক্ষা করো, তোমাদের কাছে আমার বিদায়কালের এই প্রার্থনা। দেখিয়ো, ভ্রমেও কখনো যেন আমার কথার উল্লেখ করিয়া বা আমার কথা তুলনা করিয়া তাহার তিলমাত্র নিন্দা করিয়ো না। তবে আমি বিদায় হই।” বলিয়া রাজা তাহার সভাসদের সহিত কোলাকুলি করিয়া অগ্রসর হইলেন, সভাসদ তাঁহাকে প্রণাম করিয়া অশ্রুজল মুছিয়া চলিয়া গেলেন।

যখন গোমতী-তীরের উচ্চ পাড়ের কাছে গিয়া পৌঁছিলেন তখন বিঘন ঠাকুর অরণ্য হইতে বাহির হইয়া তাঁহার সম্মুখে আসিয়া অঞ্জলি তুলিয়া কহিলেন, “জয় হউক।”

রাজা অশ্রু হইতে নামিয়া তাঁহাকে প্রণাম করিলেন।

বিঘন কহিলেন, “আমি তোমার কাছে বিদায় লইতে আসিয়াছি।”

রাজা কহিলেন, “ঠাকুর, তুমি নক্ষত্রের কাছে থাকিয়া তাহাকে সংপরাশর্ষ দাও। রাজ্যের হিতসাধন করো।”

বিঘন কহিলেন, “না। আপনি যেখানে রাজা নহেন সেখানে আমি অকর্মণ্য। এখানে থাকিয়া আমি আর কোনো কাজ করিতে পারিব না।”

রাজা কহিলেন, “তবে কোথায় যাইবে, ঠাকুর। আমাকে তবে দয়া করো, তোমাকে পাইলে আমি দুর্বল হৃদয়ে বল পাই।”

বিঘন কহিলেন, “কোথায় আমার কাজ আছে আমি তাহাই অনুসন্ধান করিতে চলিলাম। আমি কাছে থাকি আর দূরে থাকি আপনার প্রতি আমার প্রেম কখনো বিচ্ছিন্ন হইবে না জানিবেন। কিন্তু আপনার সহিত বনে গিয়া কী করিব।”

রাজা যত্নস্বরে কহিলেন, “তবে আমি বিদায় হই।” বলিয়া দ্বিতীয় বার প্রণাম করিলেন। বিঘন এক দিকে চলিয়া গেলেন, রাজা অন্য দিকে চলিয়া গেলেন।

## অষ্টাত্রিংশ পরিচ্ছেদ

নন্দ্র রাজ ছত্রমাণিক্য নাম ধারণ করিয়া মহাসমারোহে রাজ্যপদ গ্রহণ করিলেন। রাজ্যকোষে অর্থ অধিক ছিল না। প্রজাদের ষথাসর্বস্ব হরণ করিয়া প্রতিশ্রুত অর্থ দিয়া মোগল-সৈন্যদের বিদায় করিতে হইল। ঘোরতর দুর্ভিক্ষ ও দারিদ্র্য লইয়া ছত্রমাণিক্য রাজত্ব করিতে লাগিলেন। চতুর্দিক হইতে অভিশাপ ও ক্রন্দন বর্ষিত হইতে লাগিল।

যে আসনে গোবিন্দমাণিক্য বসিতেন, যে শয্যায় গোবিন্দমাণিক্য শয়ন করিতেন, যে-সকল লোক গোবিন্দমাণিক্যের প্রিয় সহচর ছিল, তাহারা যেন রাজ্যদিন নীরবে ছত্রমাণিক্যকে ভৎসনা করিতে লাগিল। ছত্রমাণিক্যের ক্রমে তাহা অসহ্য বোধ হইতে লাগিল। তিনি চোখের সম্মুখ হইতে গোবিন্দমাণিক্যের সমস্ত চিহ্ন মুছিতে আরম্ভ করিলেন। গোবিন্দমাণিক্যের ব্যবহার্য সামগ্রী নষ্ট করিয়া ফেলিলেন এবং তাঁহার প্রিয় অহুচরদিগকে দূর করিয়া দিলেন। গোবিন্দমাণিক্যের নামগন্ধ তিনি আর সহ্য করিতে পারিতেন না। গোবিন্দমাণিক্যের কোনো উল্লেখ হইলেই তাঁহার মনে হইত সকলে তাঁহাকে লক্ষ্য করিয়াই এই উল্লেখ করিতেছে। সর্বদা মনে হইত সকলে তাঁহাকে রাজা বলিয়া ষথেষ্ট সম্মান করিতেছে না—এইজন্য সহসা অকারণে কাপা হইয়া উঠিতেন, সভাসদদিগকে শশব্যস্ত থাকিতে হইত।

তিনি রাজকাৰ্য কিছুই বুঝিতেন না, কিন্তু কেহ পরামর্শ দিতে আসিলে তিনি চটিয়া উঠিয়া বলিতেন, “আমি আর এইটে বুঝি নে—তুমি কি আমাকে নির্বোধ পাইয়াছ।”

তাঁহার মনে হইত, সকলে তাঁহাকে সিংহাসনে অনধিকারী রাজ্যাপহারক জ্ঞান করিয়া মনে মনে তাচ্ছিল্য করিতেছে, এই জন্য সজোরে অত্যধিক রাজা হইয়া উঠিলেন। ষথেষ্টাচরণ করিয়া সর্বত্র তাঁহার একাধিপত্য প্রচার করিতে লাগিলেন। তিনি যে রাখিলে রাখিতে পারেন, মারিলে মারিতে পারেন, ইহা বিশেষরূপে প্রমাণ করিবার জন্য যাহাকে রাখা উচিত নহে তাহাকে রাখিলেন, যাহাকে মারা উচিত নহে তাহাকে মারিলেন। প্রজারা অন্নভাবে মরিতেছে, কিন্তু তাঁহার দিনরাত্রি সমারোহের শেষ নাই—অহরহ নৃত্য গীত বাজ্য ভোজ্য। ইতিপূর্বে আর কোনো রাজা সিংহাসনে চড়িয়া বসিয়া রাজত্বের পেশম সমস্তটা ছড়াইয়া দিয়া এমন অপূর্ব নৃত্য করে নাই।



প্রজারা চারি দিকে অসন্তোষ প্রকাশ করিতে লাগিল—ছত্রমণিকা তাহাতে অভ্যস্ত অলিয়া উঠিলেন, তিনি মনে করিলেন এ কেবল রাজার প্রতি অসন্মান প্রদর্শন। তিনি অসন্তোষের দ্বিগুণ কারণ জন্মাইয়া দিয়া বলপূর্বক পীড়নপূর্বক ভয় দেখাইয়া সকলের মুখ বন্ধ করিয়া দিলেন—সমস্ত রাজ্য নিদ্রিত নিশীথের মতো নীরব হইয়া গেল। সেই শাস্ত নকত্র রায় ছত্রমণিকা হইয়া যে সহসা একপ আচরণ করিবেন ইহাতে আশ্চর্যের বিষয় কিছুই নাই। অনেক সময় দুর্বলহৃদয়েরা প্রভূত পাইলে এইরূপ প্রচণ্ড ও বধেচ্ছাচারী হইয়া উঠে।

রঘুপতির কাজ শেষ হইয়া গেল। শেষ পর্যন্ত যে প্রতিহিংসা-প্রবৃত্তি তাঁহার হৃদয়ে সমান আগ্রহ ছিল তাহা নহে। ক্রমে প্রতিহিংসার ভাব ঘুচিয়া গিয়া যে কাজে হাত দিয়াছেন সেই কাজটা সম্পন্ন করিয়া তোলা তাঁহার একমাত্র ব্রত হইয়া উঠিয়াছিল। নানা কৌশলে বাধাবিপত্তি সমস্ত অতিক্রম করিয়া দিনরাত্রি একটা উদ্দেশ্যসাধনে নিযুক্ত থাকিয়া তিনি একপ্রকার মাদক সূখ অনুভব করিতেছিলেন। অবশেষে সেই উদ্দেশ্য সিদ্ধ হইয়া গেল। পৃথিবীতে আর কোথাও সূখ নাই।

রঘুপতি তাঁহার মন্দিরে গিয়া দেখিলেন সেখানে জনপ্রাণী নাই। যদিও রঘুপতি বিলক্ষণ জানিতেন যে, জয়সিংহ নাই, তথাপি মন্দিরে প্রবেশ করিয়া যেন দ্বিতীয় বার নৃতন করিয়া জানিলেন যে, জয়সিংহ নাই। এক-এক বার মনে হইতে লাগিল যেন আছে, তার পরে স্মরণ হইতে লাগিল যে নাই। সহসা বায়ুতে কপাট খুলিয়া গেল, তিনি চমকিয়া ফিরিয়া চাহিয়া দেখিলেন, জয়সিংহ আসিল না। জয়সিংহ যে ঘরে থাকিত মনে হইল সে-ঘরে জয়সিংহ থাকিতেও পারে—কিন্তু অনেকক্ষণ সে-ঘরে প্রবেশ করিতে পারিলেন না, মনে ভয় হইতে লাগিল, পাছে গিয়া দেখেন জয়সিংহ সেখানে নাই।

অবশেষে যখন গোধূলির ঈষৎ অঙ্ককারে বনের ছায়া গাঢ়তর ছায়ায় মিলাইয়া গেল তখন রঘুপতি ধীরে ধীরে জয়সিংহের গৃহে প্রবেশ করিলেন—শূন্য বিজন গৃহ সমাধিভবনের মতো নিস্তব্ধ। ঘরের মধ্যে এক পাশে একটি কাঠের সিন্দুক এবং সিন্দুকের পার্শ্বে জয়সিংহের এক জোড়া খড়ম ধূলিমলিন হইয়া পড়িয়া আছে। ভিত্তিতে জয়সিংহের বহুস্তে আঁকা কালীমূর্তি। ঘরের পূর্বকোণে একটি ধাতুপ্রদীপ ধাতু-আধারের উপর দাঁড়াইয়া আছে, গত বৎসর হইতে সে প্রদীপ কেহ জ্বালায় নাই—মাকড়সার জালে সে আচ্ছন্ন হইয়া গিয়াছে। নিকটবর্তী দেয়ালে প্রদীপ-শিখার কালো দাগ পড়িয়া আছে। গৃহে পূর্বোক্ত কয়েকটি দ্রব্য ছাড়া আর কিছুই নাই। রঘুপতি গভীর দীর্ঘ নিশ্বাস ফেলিলেন। সে নিশ্বাস শূন্য গৃহে ধ্বনিত হইয়া

উঠিল। ক্রমে অন্ধকারে আর কিছুই দেখা যায় না। একটা টিকটিকি মাঝে মাঝে কেবল টিকটিক শব্দ করিতে লাগিল। মুক্ত দ্বার দিয়া ঘরের মধ্যে শীতের বায়ু প্রবেশ করিতে লাগিল। রঘুপতি সিঁদুকের উপরে বসিয়া কাঁপিতে লাগিলেন।

এইরূপে এক মাস এই বিজন মন্দিরে কাটা হইলেন, কিন্তু এমন করিয়া আর দিন কাটে না। পৌরোহিত্য ছাড়িতে হইল। রাজসভায় গেলেন। রাজ্যশাসনকার্যে হস্তক্ষেপ করিলেন। দেখিলেন, অবিচার উৎপীড়ন ও বিশৃঙ্খলা ছত্রমাণিক্য নাম ধরিয়া রাজত্ব করিতেছে। তিনি রাজ্যে শৃঙ্খলা স্থাপনের চেষ্টা করিলেন। ছত্রমাণিক্যকে পরামর্শ দিতে গেলেন।

ছত্রমাণিক্য চটিয়া উঠিয়া বলিলেন, “ঠাকুর, রাজ্যশাসনকার্যের তুমি কী জান। এ-সব বিষয় তুমি কিছু বোঝ না।”

রঘুপতি রাজার প্রতাপ দেখিয়া অবাক হইয়া গেলেন। দেখিলেন, সে নরক রাজ্য আর নাই। রঘুপতির সহিত রাজার ক্রমাগত খিটিমিটি বাধিতে লাগিল। ছত্রমাণিক্য মনে করিলেন যে, রঘুপতি কেবলই ভাবিতেছে যে, রঘুপতিই তাঁহাকে রাজ্য করিয়া দিয়াছে। এই জন্য রঘুপতিকে দেখিলে তাঁহার অসহ্য বোধ হইত।

অবশেষে এক দিন স্পষ্ট বলিলেন, “ঠাকুর, তুমি তোমার মন্দিরের কাজ করো গে। রাজসভায় তোমার কোনো প্রয়োজন নাই।”

রঘুপতি ছত্রমাণিক্যের প্রতি জলন্ত তীব্র দৃষ্টি নিক্ষেপ করিলেন। ছত্রমাণিক্য ঈষৎ অপ্রতিভ হইয়া মুখ ফিরাইয়া চলিয়া গেলেন।

## উনচত্বারিংশ পরিচ্ছেদ

নরক রাজ্য যেদিন নগর-প্রবেশ করেন, কেদারেখর সেই দিনই তাঁহার সহিত সাক্ষাৎ করিতে যায়, কিন্তু বহু চেষ্টাতেও সে তাঁহার নজরে পড়িল না। সৈন্তেরা ও প্রহরীরা তাহাকে ঠেলিয়া ঠুলিয়া, তাড়া দিয়া নাড়া দিয়া বিত্রত করিয়া তুলিল। অবশেষে সে প্রাণ লইয়া পলাইয়া যায়। গোবিন্দমাণিক্যের আমলে সে রাজভোগে পরম পরিতৃপ্ত হইয়া প্রাসাদে বাস করিত—যুবরাজ নরক রাজ্যের সহিত তাহার বিশেষ প্রণয়ও ছিল। কিছু কাল প্রাসাদচ্যুত হইয়া তাহার জীবনধারণ করা দায় হইয়া উঠিয়াছে; যখন সে রাজার ছায়ায় ছিল, তখন সকলে তাহাকে সম্মানে সম্মান করিত কিন্তু এখন তাহাকে কেহই আর গ্রাহ্য করে না। পূর্বে রাজসভায় কাহারও

কিছু প্রয়োজন হইলে তাহাকে হাতে-পায়ে আসিয়া ধরিত, এখন পথ দিয়া চলিবার সময় কেহ তাহার সঙ্গে ছোটো কথা কহিবার অবসর পায় না। ইহার উপরে আবার অন্নকষ্টও হইয়াছে। এমন অবস্থায় প্রাণাদে পুনর্বীর প্রবেশ করিতে পারিলে তাহার বিশেষ সুবিধা হয়। সে এক দিন অবসরমতো কিছু ভেট সংগ্রহ করিয়া প্রকাশ-রাজ-দরবারে ছত্রমণিক্যের সহিত দেখা করিতে গেল। পরম পরিতোষ প্রকাশ-পূর্বক অত্যন্ত পোষ-মানা বিনীত হস্ত হাসিতে হাসিতে রাজ্যের সম্মুখে আসিয়া দাঁড়াইল।

রাজা তাহাকে দেখিয়াই অলিয়া উঠিলেন। বলিলেন, “হাসি কিসের জন্ত। তুমি কি আমার সঙ্গে ঠাট্টা পাইয়াছ। তুমি এ কি রহস্য করিতে আসিয়াছ।”

অমনি চোপদার জমানার বরকন্দাজ মন্ত্রী অমাত্য সকলেই হাঁকার দিয়া উঠিল। তৎক্ষণাৎ কেদারেশ্বরের বিকশিত দম্ভপংক্তির উপর যবনিকাপতন হইল।

ছত্রমণিক্য কহিলেন, “তোমার কী বলিবার আছে নীত্র বলিয়া চলিয়া যাও।”

কেদারেশ্বরের কী বলিবার ছিল মনে পড়িল না। অনেক কষ্টে সে মনে মনে ষে-বক্তৃতাকে গড়িয়া তুলিয়াছিল তাহা পেটের মধ্যেই চূরমার হইয়া গেল।

অবশেষে রাজা যখন বলিলেন, “তোমার যদি কিছু বলিবার না থাকে তো চলিয়া যাও।” তখন কেদারেশ্বর চটপট একটা বা হয় কিছু বলা আবশ্যক বিবেচনা করিল।

চোখে মুখে কণ্ঠস্বরে সহসা প্রচুর পরিমাণে করুণ রস সঞ্চার করিয়া বলিল, “মহারাজ, ক্রবকে কি তুলিয়া গিয়াছেন।”

ছত্রমণিক্য অত্যন্ত আশ্চর্য হইয়া উঠিলেন। মুখ কেদারেশ্বর কিছুই বুঝিতে না পারিয়া কহিল, “সে যে মহারাজের জন্ত কাকা কাকা করিয়া কাঁদিয়া সারা হইতেছে।”

ছত্রমণিক্য কহিলেন, “তোমার আশ্পর্ধা তো কম নয় দেখিতেছি। তোমার ভ্রাতৃপুত্র আমাকে কাকা বলে? তুমি তাহাকে এই শিক্ষা দিয়াছ।”

কেদারেশ্বর অত্যন্ত কাতর স্বরে জোড়হস্তে কহিল, “মহারাজ—”

ছত্রমণিক্য কহিলেন, “কে আছ হে—ইহাকে আর সেই ছেলেকে রাজ্য হইতে দূর করিয়া দাও তো।”

সহসা স্বর্গের উপর এতগুলো প্রহরীর হাত আসিয়া পড়িল যে, কেদারেশ্বর তীব্রের মতো একেবারে বাহিরে ছিটকাইয়া পড়িল। হাত হইতে তাহার ডালি কাড়িয়া লইয়া প্রহরীরা তাহা ভাগ করিয়া লইল। ক্রবকে লইয়া কেদারেশ্বর ত্রিপুরা পরিত্যাগ করিল।

## চত্বারিংশ পরিচ্ছেদ

রঘুপতি আবার মন্দিরে ফিরিয়া গেলেন। গিয়া দেখিলেন, কোনো প্রেমপূর্ণ হৃদয় বন্ধাদি লইয়া তাঁহার জন্ত অপেক্ষা করিয়া নাই। পাষাণ-মন্দির দাঁড়াইয়া আছে, তাহার মধ্যে কোথাও হৃদয়ের লেশমাত্র নাই। তিনি গিয়া গোমতী-তীরের শ্বেত সোপানের উপর বসিলেন। সোপানের বাম পার্শ্বে জয়সিংহের স্বহস্তে রোপিত শেফালিকা গাছে অসংখ্য ফুল ফুটিয়াছে। এই ফুলগুলি দেখিয়া জয়সিংহের সুন্দর মুখ, সরল হৃদয়, সরল জীবন এবং অত্যন্ত সহজ বিশুদ্ধ উন্নত ভাব তাঁহার স্পষ্ট মনে পড়িতে লাগিল। সিংহের স্ত্রী সবল তেজস্বী এবং হরিণশিশুর মতো স্বকুমার জয়সিংহ রঘুপতির হৃদয়ে সম্পূর্ণ আবির্ভূত হইল, তাঁহার সমস্ত হৃদয় অধিকার করিয়া লইল। ইতিপূর্বে তিনি আপনাকে জয়সিংহের চেয়ে অনেক বড়ো জ্ঞান করিতেন, এখন জয়সিংহকে তাঁহার নিজের চেয়ে অনেক বড়ো মনে হইতে লাগিল। তাঁহার প্রতি জয়সিংহের সেই সরল ভক্তি স্মরণ করিয়া জয়সিংহের প্রতি তাঁহার অত্যন্ত ভক্তির উদয় হইল, এবং নিজের প্রতি তাঁহার অভক্তি জন্মিল। জয়সিংহকে যে সকল অশ্রদ্ধা তিরস্কার করিয়াছেন তাহা স্মরণ করিয়া তাঁহার হৃদয় বিদীর্ণ হইল। তিনি মনে মনে কহিলেন, জয়সিংহের প্রতি ভৎসনার আমি অধিকারী নই, জয়সিংহের সহিত যদি এক মুহূর্তের জন্ত একটি বার দেখা হয়, তবে আমি আমার হীনত্ব স্বীকার করিয়া তাহার নিকট এক বার মার্জনা প্রার্থনা করি। জয়সিংহ যখন যাহা যাহা বলিয়াছে করিয়াছে সমস্ত তাঁহার মনে পড়িতে লাগিল। জয়সিংহের সমস্ত জীবন সংহত ভাবে তাঁহার মধ্যে বিরাজ করিতে লাগিল। তিনি এইরূপ একটি মহৎ চরিত্রের মধ্যে আত্মবিস্মৃত হইয়া সমস্ত বিবাদ বিবেচ্য ভুলিয়া গেলেন। চারি দিকের গুরুভার সংসার লঘু হইয়া গিয়া তাঁহাকে পীড়ন করিতে বিরত হইল। যে নরকজমাণিক্যকে তিনিই রাজ্য করিয়া দিয়াছেন সে যে রাজ্য হইয়া আজ তাঁহাকেই অপমান করিয়াছে ইহা স্মরণ করিয়া তাঁহার কিছুমাত্র রোষ জন্মিল না। এই মান-অপমান সমস্তই সামান্ত মনে করিয়া তাঁহার ঈর্ষ্য হাসি আসিল। কেবল তাঁহার ইচ্ছা করিতে লাগিল জয়সিংহ যাহাতে বখার্ব সন্তুষ্ট হয় এমন একটা কিছু কাজ করেন। অথচ চতুর্দিকে কাজ কিছুই দেখিতে পাইলেন না—চতুর্দিকে শূন্য হাহাকার করিতেছে। এই বিজন মন্দির তাঁহাকে যেন চাপিয়া ধরিল, তাঁহার যেন নিখাস রোধ করিল। একটা কিছু বৃহৎ কাজ করিয়া তিনি হৃদয়বেদনা শান্ত করিয়া রাখিবেন কিন্তু এই সকল নিস্তর মন্দিরের দিকে চাহিয়া পিঞ্জরবন্ধ পাখির

মতো তাঁহার হৃদয় অধীর হইয়া উঠিল। তিনি উঠিয়া বনের মধ্যে অধীর ভাবে পদচারণ করিতে লাগিলেন। মন্দিরের ভিতরকার অলস অকর্ষণ্য ঙ্গপ্রতিমাগুলির প্রতি তাঁহার অতিশয় ঘৃণার উদয় হইল। হৃদয় যখন বেগে উদ্বেল হইয়া উঠিয়াছে তখন কতকগুলি নিরুণম স্কুল পাষণ-মূর্তির নিরুণম সহচর হইয়া চিরদিন অতিবাহিত করা তাঁহার নিকটে অত্যন্ত হেয় বলিয়া বোধ হইল। যখন রাজি দ্বিতীয় প্রহর হইল, রঘুপতি চকমকি ঠুকিয়া প্রদীপ জ্বালাইলেন। দীপহস্তে চতুর্দশ দেবতার মন্দিরের মধ্যে প্রবেশ করিলেন। গিয়া দেখিলেন, চতুর্দশ দেবতা সমান ভাবে দাঁড়াইয়া আছে ; গত বৎসর আষাঢ়ের কালরাত্রের ক্ষীণ দীপালোক ভক্তের স্মৃতদেহের সম্মুখে রক্তপ্রবাহের মধ্যে যেমন বুদ্ধিহীন হৃদয়হীনের মতো দাঁড়াইয়া ছিল, আজও তেমনি দাঁড়াইয়া আছে। রঘুপতি চীৎকার করিয়া উঠিলেন, “মিথ্যা কথা। সমস্ত মিথ্যা। হা বৎস জয়সিংহ, তোমার অমূল্য হৃদয়ের রক্ত কাহাকে দিলে। এখানে কোনো দেবতা নাই, কোনো দেবতা নাই। পিশাচ রঘুপতি সে রক্ত পান করিয়াছে।” বলিয়া কালীর প্রতিমা রঘুপতি আসন হইতে টানিয়া তুলিয়া লইলেন। মন্দিরের দ্বারে দাঁড়াইয়া সবলে দূরে নিক্ষেপ করিলেন। অন্ধকারে পাষণ-সোপানের উপর দিয়া পাষণ-প্রতিমা শব্দ করিয়া গড়াইতে গড়াইতে গোমতীর জলের মধ্যে পড়িয়া গেল। অজ্ঞান রাক্ষসী পাষণ-আকৃতি ধারণ করিয়া এত দিন রক্তপান করিতেছিল, সে আজ গোমতীগর্ভের সহস্র পাষণের মধ্যে অদৃশ্য হইল, কিন্তু মানবের কঠিন হৃদয়সন কিছুতেই পরিত্যাগ করিল না। রঘুপতি দীপ নিবাইয়া দিয়া পথে বাহির হইয়া পড়িলেন, সেই রাত্রেরই রাজধানী ছাড়িয়া চলিয়া গেলেন।

## একচত্বারিংশ পরিচ্ছেদ

নোয়াখালির নিজামপুরে বিঘন ঠাকুর কিছু দিন হইতে বাস করিতেছেন। সেখানে ভয়ংকর মড়কের প্রাদুর্ভাব হইয়াছে।

কান্তন মাসের শেষাংশে এক দিন সমস্ত দিন মেঘ করিয়া থাকে, মাঝে মাঝে অল্প অল্প বৃষ্টিও হয়। অবশেষে সন্ধ্যার সময় রীতিমতো ঝড় আরম্ভ হয়। প্রথমে পূর্বদিক হইতে প্রবল বায়ু বহিতে থাকে। রাজি দ্বিতীয় প্রহরের সময় উত্তর ও উত্তর-পূর্ব হইতে প্রবল বেগে ঝড় বহিতে লাগিল। অবশেষে মুঘলধারে বৃষ্টি আরম্ভ হইয়া ঝড়ের বেগ কমিয়া গেল। এমন সময় রব উঠিল—বগ্না আসিতেছে। কেহ

ঘরের চালে উঠিল, কেহ পুকুরিগীর পাড়ের উপর গিয়া দাঁড়াইল, কেহ বৃক্ষশাখায় কেহ মন্দিরের চূড়ায় আশ্রয় লইল। অন্ধকার রাত্রি, অবিপ্রাস্ত বৃষ্টি—বন্যার গর্জন ক্রমে নিকটবর্তী হইল, আতঙ্কে গ্রামের লোকেরা দিশাহারা হইয়া গেল। এমন সময় বন্যা আসিয়া উপস্থিত হইল। উপরি-উপরি দুই বার তরঙ্গ আসিল, তৃতীয় বারের পরে গ্রামে প্রায় আট হাত জল দাঁড়াইল। পরদিন যখন সূর্য উঠিল এবং জল নামিয়া গেল, তখন দেখা গেল—গ্রামে গৃহ অল্পই অবশিষ্ট আছে, এবং লোক নাই—অন্য গ্রাম হইতে মানুষ-গোক, মহিষ-ছাগল এবং শৃগাল-কুকুরের মৃতদেহ ভাসিয়া আসিয়াছে। স্থপারির গাছগুলো ভাঙিয়া ভাসিয়া গেছে, শুঁড়ির কিয়দংশ মাত্র অবশিষ্ট আছে। বড়ো বড়ো আম-কাঁঠালের গাছ সমূলে উৎপাটিত হইয়া কাত হইয়া পড়িয়া আছে। অন্য গ্রামের গৃহের চাল ভাসিয়া আসিয়া ভিত্তির শোকে ইতস্তত উপুড় হইয়া পড়িয়া আছে। অনেকগুলো হাঁড়ি-কলসী বিক্ষিপ্ত হইয়া আছে। অধিকাংশ কুটিরই বাঁশঝাড় আম কাঁঠাল মাদার প্রভৃতি বড়ো বড়ো গাছের দ্বারা আবৃত ছিল, এই জন্ত অনেকগুলি মানুষ একেবারে ভাসিয়া না গিয়া গাছে আটকাইয়া গিয়াছিল। কেহ বা সমস্ত রাত্রি বন্যাবেগে দৌলুলামান বাঁশঝাড়ে ছুনিয়াছে, কেহ বা মাদারের কণ্টকে কতবিকৃত, কেহ বা উৎপাটিত বৃক্ষসমেত ভাসিয়া গেছে। জল সরিয়া গেলে জীবিত ব্যক্তির নামিয়া আসিয়া মৃতের মধ্যে বিচরণ করিয়া আত্মীয়দিগকে অন্বেষণ করিতে লাগিল। অধিকাংশ মৃতদেহই অপরিচিত এবং ভিন্ন গ্রাম হইতে আগত। কেহই তাহাদিগকে সংকার করিল না। পালে পালে শকুনি আসিয়া মৃতদেহ ভক্ষণ করিতে লাগিল। শৃগাল-কুকুরের সহিত তাহাদের কোনো বিবাদ নাই, কারণ শৃগাল-কুকুরও সমস্ত মরিয়া গিয়াছে। বারো ঘর পাঠান গ্রামে বাস করিত; তাহারা অনেক উচ্চ জমিতে বাস করিত বলিয়া তাহাদের প্রায় কাহারও কোনো ক্ষতি হয় নাই। অবশিষ্ট জীবিত ব্যক্তিদের মধ্যে যাহারা গৃহ পাইল, তাহারা গৃহে আশ্রয় লইল—যাহারা পাইল না, তাহারা আশ্রয় অন্বেষণে অন্তর্ভুক্ত গেল। যাহারা বিদেশে ছিল তাহারা দেশে ফিরিয়া আসিয়া নূতন গৃহ নির্মাণ করিল। ক্রমে অল্পে অল্পে পুনশ্চ লোকের বসতি আরম্ভ হইল। এই সময়ে মৃতদেহে পুকুরিগীর জল দূষিত হইয়া এবং অন্যান্য নানা কারণে গ্রামে মড়ক আরম্ভ হইল। পাঠানদের পাড়ার মড়কের প্রথম আরম্ভ হইল। মৃতদেহের গোর দিবার বা পরস্পরকে সেবা করিবার অবসর কাহারও রহিল না। হিন্দুরা কহিল, মুসলমানেরা গো-হত্যা পাপের ফল ভোগ করিতেছে। জাতি-বৈরিতার এবং জাতিচ্যুতিভয়ে কোনো হিন্দু তাহাদিগকে জল দিল না বা কোনো

প্রকার সাহায্য করিল না। বিঘন সন্ন্যাসী যখন গ্রামে আসিলেন তখন গ্রামের এইরূপ অবস্থা। বিঘনের কতকগুলি চেলী জুটিয়াছিল, যড়কের ভয়ে তাহারা পালাইবার চেষ্টা করিল। বিঘন ভয় দেখাইয়া তাহাদিগকে বিরত করিলেন। তিনি পীড়িত পাঠানদিগকে সেবা করিতে লাগিলেন—তাহাদিগকে পথ্য পানীয় ঔষধ এবং তাহাদের যতদেহ পোর দিতে লাগিলেন। হিন্দুরা হিন্দু সন্ন্যাসীর অনাচার দেখিয়া আশ্চর্য হইয়া গেল। বিঘন কহিতেন, “আমি সন্ন্যাসী, আমার কোনো জাত নাই। আমার জাত মানুষ। মানুষ যখন মরিতেছে তখন কিসের জাত। ভগবানের সৃষ্টি মানুষ যখন মানুষের প্রেম চাহিতেছে তখনই বা কিসের জাত।” হিন্দুরা বিঘনের অনাসক্ত পরহিতৈষণা দেখিয়া তাঁহাকে ঘৃণা বা নিন্দা করিতে যেন সাহস করিল না। বিঘনের কাজ ভালো কি মন্দ তাহারা স্থির করিতে পারিল না। তাহাদের অসম্পূর্ণ শাস্ত্রজ্ঞান সন্দেহভাবে বলিল, “ভালো নহে,” কিন্তু তাহাদের হৃদয়ের ভিতরে যে মনুষ্য বাস করিতেছে সে বলিল, “ভালো।” যাহা হউক, বিঘন অস্ত্রের ভালোমন্দের দিকে না তাকাইয়া কাজ করিতে লাগিলেন। মূর্খ পাঠানেরা তাঁহাকে দেবতা জ্ঞান করিতে লাগিল। পাঠানের ছোটো ছেলেদের তিনি মড়ক হইতে দূরে রাখিবার জন্য হিন্দুদের কাছে লইয়া গেলেন। হিন্দুরা বিষম শশব্যস্ত হইয়া উঠিল, কেহ তাহাদিগকে আশ্রয় দিল না। তখন বিঘন একটা বড়ো পরিত্যক্ত ভাঙা মন্দিরে আশ্রয় গ্রহণ করিলেন। তাঁহার ছেলের পাল সেইখানে রাখিলেন। প্রাতে উঠিয়া বিঘন তাঁহার ছেলেদের জন্য ভিক্ষা করিতে বাহির হইতেন। কিন্তু ভিক্ষা কে দিবে। দেশে শস্ত কোথায়। অনাহারে কত লোক মরিবার উপক্রম করিতেছে। গ্রামের মুসলমান জমিদার অনেক দূরে বাস করিতেন। বিঘন তাঁহার নিকটে উপস্থিত হইলেন। বহু কষ্টে তাঁহাকে রাজি করিয়া তিনি টাকা হইতে চাউল আমদানি করিতে লাগিলেন। তিনি পীড়িতদের সেবা করিতেন এবং তাঁহার চেলারা চাউল বিতরণ করিত। মাঝে মাঝে বিঘন ছেলেদের সঙ্গে গিয়া খেলা করিতেন। তাহারা তাঁহাকে দেখিলে তুমুল কোলাহল উত্থাপন করিত—সন্ধ্যার সময় মন্দিরের পাশ দিয়া গেলে মনে হইত যেন মন্দিরে সহস্র টিয়াপাখি বাসা করিয়াছে। বিঘনের এসরাজের আকারের একপ্রকার যন্ত্র ছিল, যখন অত্যন্ত শ্রান্ত হইতেন, তখন তাহাই বাজাইয়া গান করিতেন। ছেলেগুলো তাঁহাকে ঘিরিয়া কেহ বা গান শুনিত, কেহ বা যন্ত্রের তার টানিত, কেহ বা তাঁহার অঙ্গুষ্ঠে গান করিবার চেষ্টা করিয়া বিষম চীৎকার করিত।

অবশেষে মড়ক মুসলমানপাড়া হইতে হিন্দুপাড়ায় আসিল। গ্রামে একপ্রকার

অরাজকতা উপস্থিত হইল—চুরিডাকাতির শেষ নাই, যে বাহা পায় লুঠ করিয়া লয়। মুসলমানেরা দল বাধিয়া ডাকাতি আরম্ভ করিল। তাহারা পীড়িতদিগকে শয্যা হইতে টানিয়া ফেলিয়া দিয়া তক্তা মাদুর বিছানা পর্যন্ত হরণ করিয়া লইয়া যাইত। বিঘন প্রাণপণে তাহাদিগকে নিবারণ করিতে লাগিলেন। বিঘনের কথা তাহারা অত্যন্ত মান্ত করিত—লজ্বন করিতে সাহস করিত না। এইরূপে বিঘন যথাসাধ্য গ্রামের শান্তিরক্ষা করিতেন।

এক দিন সকালে বিঘনের এক চেলা আসিয়া তাঁহাকে সংবাদ দিল যে, একটি ছেলে সঙ্গে লইয়া এক জন বিদেশী গ্রামের অশথতলার আশ্রয় লইয়াছে, তাহাকে মড়কে ধরিয়াছে, বোধ করি সে আর বাঁচিবে না। বিঘন দেখিলেন, কেদারেশ্বর অচেতন হইয়া পড়িয়া, ফ্রব ধুলায় শুইয়া ঘুমাইয়া আছে। কেদারেশ্বরের মুমূর্ষু অবস্থা—পথকষ্টে এবং অনাহারে সে দুর্বল হইয়াছিল, এইজন্য পীড়া তাহাকে বলপূর্বক আক্রমণ করিয়াছে, কোনো ঔষধে কিছু ফল হইল না, সেই বৃক্ষতলেই তাহার মৃত্যু হইল। ফ্রবকে দেখিয়া বোধ হইল যেন অনাহারে ক্ষুধায় কাঁদিয়া কাঁদিয়া সে ঘুমাইয়া পড়িয়াছে। বিঘন অতি সাবধানে তাহাকে কোলে তুলিয়া তাঁহার শিশুশালায় লইয়া গেলেন।

## দ্বাচত্বারিংশ পরিচ্ছেদ

চট্টগ্রাম এখন আরাকানের অধীন। গোবিন্দমাণিক্য নির্বাসিতভাবে চট্টগ্রামে আসিয়াছেন শুনিয়া আরাকানের রাজা মহাসমারোহপূর্বক তাঁহার নিকট দূত প্রেরণ করিলেন। বলিয়া পাঠাইলেন, যদি সিংহাসন পুনরায় অধিকার করিতে চান, তাহা হইলে আরাকানপতি তাঁহাকে সাহায্য করিতে পারেন।

গোবিন্দমাণিক্য কহিলেন, “না আমি সিংহাসন চাই না।”

দূত কহিল, “তবে আরাকান-রাজসভায় পূজনীয় অতিথি হইয়া মহারাজ কিছু কাল বাস করুন।”

রাজা কহিলেন, “আমি রাজসভায় থাকিব না। চট্টগ্রামের এক পার্শ্বে আমাকে স্থান দান করিলে আমি আরাকানরাজের নিকট ঋণী হইয়া থাকিব।”

দূত কহিল, “মহারাজের যেখানে অভিক্রটি সেইখানেই থাকিতে পারেন। এ সমস্ত আপনারই রাজ্য মনে করিবেন।”



আরাকানরাষ্ট্রের কতকগুলি অস্থচর রাজার সঙ্গেই রহিল। গোবিন্দমাণিক্য তাহাদিগকে নিষেধ করিলেন না, তিনি মনে করিলেন, হয়তো বা আরাকানপতি তাঁহাকে সন্দেহ করিয়া তাহার নিকট লোক রাখিতে ইচ্ছা করেন।

ময়ানি নদীর ধারে মহারাজ কুটির বাঁধিয়াছেন। স্বচ্ছসলিলা ক্ষুদ্র নদী ছোটো বড়ো শিলাধণ্ডের উপর দিয়া ক্ষুদ্রবেগে চলিয়াছে। দুই পার্শ্বে কৃষ্ণবর্ণের পাহাড় খাড়া হইয়া আছে, কালো পাথরের উপর বিচিত্র বর্ণের শৈবাল ঝুলিতেছে, মাঝে মাঝে ছোটো ছোটো গহ্বর আছে, তাহার মধ্যে পাখি বাসা করিয়াছে। স্থানে স্থানে দুই পার্শ্বের পাহাড় এত উচ্চ যে, অনেক বিলম্বে সূর্যের দুই-একটি কর নদীর জলে আসিয়া পতিত হয়। বড়ো বড়ো গুল্ম বিবিধ আকারের পল্লব বিস্তার করিয়া পাহাড়ের গায়ে ঝুলিতেছে। মাঝে মাঝে নদীর দুই তীরে ঘন জঙ্গলের বাহু অনেক দূর পর্যন্ত চলিয়া গিয়াছে। একটা দীর্ঘ শাখাহীন শ্বেত গর্জনবৃক্ষ পাহাড়ের উপরে হেলিয়া রহিয়াছে, নিচে নদীর চঞ্চল জলে তাহার ছায়া নাচিতেছে, বড়ো বড়ো লতা তাহাকে আচ্ছন্ন করিয়া ঝুলিয়া রহিয়াছে। ঘন সবুজ জঙ্গলের মাঝে মাঝে স্নিগ্ধ শ্রামল কদলীবন। মাঝে মাঝে দুই তীর বিদীর্ণ করিয়া ছোটো ছোটো নিষ্কর শিঙাদিগের স্তায় আকুল বাহু, চঞ্চল আবেগ ও কলকল স্তম্ভ হস্ত লইয়া নদীতে আসিয়া পড়িতেছে। নদী কিছুদূর সমভাবে গিয়া স্থানে স্থানে শিলা-সোপান বাহিয়া কেনাইয়া নিম্নাভিমুখে ঝরিয়া পড়িতেছে। সেই অবিশ্রাম ঝরার শব্দ নিস্তর শৈল-প্রাচীরে প্রতিধ্বনিত হইতেছে।

এই ছায়া-শীতল প্রবাহের স্নিগ্ধ ঝরার শব্দের মধ্যে স্তম্ভ শৈলতলে গোবিন্দ-মাণিক্য বাস করিতে লাগিলেন। হৃদয় বিস্তারিত করিয়া দিয়া হৃদয়ের মধ্যে শান্তি সঞ্চয় করিতে লাগিলেন—নির্জন প্রকৃতির সাঙ্ঘনাময় গভীর প্রেম নানা দিক দিয়া সহস্র নিষ্করের মতো তাঁহার হৃদয়ের মধ্যে পড়িতে লাগিল। তিনি আপনার হৃদয়ের গুহার মধ্যে প্রবেশ করিয়া সেখান হইতে ক্ষুদ্র অভিমান সকল মুছিয়া ফেলিতে লাগিলেন—স্বার উন্মুক্ত করিয়া দিয়া আপনার মধ্যে বিমল আলোক ও বায়ুর প্রবাহ গ্রহণ করিতে লাগিলেন। কে তাঁহাকে দুঃখ দিয়াছে ব্যথা দিয়াছে, কে তাঁহার স্নেহের বিনিময় দেয় নাই, কে তাঁহার নিকট হইতে এক হস্তে উপকার গ্রহণ করিয়া অপর হস্তে কৃতঘ্নতা অর্পণ করিয়াছে, কে তাঁহার নিকট সমাদৃত হইয়া তাঁহাকে অপমান করিয়াছে, সমস্ত তিনি ভুলিয়া গেলেন। এই শৈলাসনবাসিনী অতি পুরাতন প্রকৃতির অবিশ্রাম কার্শীলতা অথচ চিরনিশ্চিন্ত প্রশান্ত নবীনতা দেখিয়া তিনি নিজেও যেন সেইরূপ পুরাতন, সেইরূপ বৃহৎ, সেইরূপ প্রশান্ত হইয়া উঠিলেন।

তিনি যেন স্তম্ভর জগৎ পর্বত আপনার কামনাশূন্য স্নেহ বিস্তারিত করিয়া দিলেন—সমস্ত বাসনা দূর করিয়া দিয়া ছোড়হস্তে কহিলেন, “হে ঈশ্বর, পতনোন্মুখ সম্পৎ-শিখর হইতে তোমার ক্রোড়ের মধ্যে ধারণ করিয়া আমাকে এ যাত্রা রক্ষা করিয়াছ। আমি মরিতে বসিয়াছিলাম, আমি ঝাঁচিয়া গিয়াছি। যখন রাজা হইয়াছিলাম, তখন আমি আমার মহত্ব জানিতাম না, আজ সমস্ত পৃথিবীময় আমার মহত্ব অল্পভব করিতেছি।” অবশেষে দুই চক্রে জল পড়িতে লাগিল—বলিলেন, “মহারাজ, তুমি আমার স্নেহের ক্রবকে কাড়িয়া লইয়াছ, সে-বেদনা এখনো হৃদয় হইতে সম্পূর্ণ যায় নাই। আজ আমি বুঝিতেছি যে, তুমি ভালোই করিয়াছ। আমি সেই বালকের প্রতি স্বার্থপর স্নেহে আমার সমুদয় কর্তব্য আমার জীবন বিসর্জন দিতেছিলাম। তুমি আমাকে বিপদ হইতে রক্ষা করিয়াছ। আমি ক্রবকে আমার সমস্ত পুণ্যের পুরস্কার বলিয়া গ্রহণ করিয়াছিলাম—তুমি তাহাকে কাড়িয়া লইয়া শিক্ষা দিতেছ যে, পুণ্যের পুরস্কার পুণ্য। তাই আজ সেই ক্রবের পবিত্র বিরহ-দুঃখকে স্মৃতি বলিয়া তোমার প্রসাদ বলিয়া অল্পভব করিতেছি। আমি বেতন লইয়া ভৃত্যের মতো কাজ করিব না প্রভু, আমি তোমার প্রেমের বশ হইয়া তোমার সেবা করিব।”

গোবিন্দমাণিক্য দেখিলেন, নির্জনে ধ্যানপরায়ণা প্রকৃতি যে স্নেহধারা সঞ্চয় করিতেছে, সজনে লোকালয়ের মধ্যে তাহা নদীরূপে প্রেরণ করিতেছে—যে তাহা গ্রহণ করিতেছে, তাহার তৃষ্ণা নিবারণ হইতেছে, যে করিতেছে না, তাহার প্রতিও প্রকৃতির কোনো অভিমান নাই। গোবিন্দমাণিক্য কহিলেন, “আমিও আমার এই বিজনে সঞ্চিত প্রেম সজনে বিতরণ করিতে বাহির হইব।” বলিয়া তাঁহার পর্বতাশ্রম ছাড়িয়া তিনি বাহির হইলেন।

সহসা রাজত্ব ছাড়িয়া দিয়া উদাসীন হওয়া, লেখায় যতটা সহজ মনে হয়, বাস্তবিক ততটা সহজ নহে। রাজবেশ ছাড়িয়া দিয়া গেকর্যা বস্ত্র পরা নিতান্ত অল্প কথা নহে। বরঞ্চ রাজ্য পরিত্যাগ করা সহজ, কিন্তু আমাদের আজন্ম কালের ছোটো ছোটো অভ্যাস আমরা অনায়াসে ছাড়িতে পারি না, তাহারা তাহাদের তীব্র স্মৃতিভাষী লইয়া আমাদের অস্থিমাংসের সহিত লিপ্ত হইয়া আছে; তাহাদিগকে নিয়মিত খোদাক না জোগাইলে তাহারা আমাদের রক্তশোষণ করিতে থাকে। কেহ যেন মনে না করেন যে, গোবিন্দমাণিক্য যত দিন তাঁহার বিজনে কুটীরে বাস করিতেছিলেন, তত দিন কেবল অবিচলিত চিত্তে স্থাপুর মতো বসিয়াছিলেন। তিনি পদে পদে আপনার সহস্র সূত্র অভ্যাসের সহিত যুক্ত করিতেছিলেন। যখনই কিছুর অভাবে তাঁহার হৃদয় কাতর হইতেছিল তখনই তিনি তাঁহাকে উৎসর্গ করিতেছিলেন

তিনি তাঁহার মনের সহস্রমুখী ক্ষুধাকে কিছু না খাইতে দিয়া বিনাশ করিতেছিলেন। পদে পদে এই শত শত অভাবের উপর অয়ী হইয়া তিনি সুখ লাভ করিতেছিলেন। যেমন ছরস্বত অশকে ক্ষতবেগে ছুটাইয়া শাস্ত করিতে হয়, তেমনি তিনি তাঁহার অভাবকাতর অশান্ত হৃদয়কে অভাবের মক্ষময় প্রান্তরের মধ্যে অবিপ্রায় দৌড় করাইয়া শাস্ত করিতেছিলেন। অনেক দিন পর্যন্ত এক মুহূর্তও তাঁহার বিপ্রায় ছিল না।

পার্বত্য প্রদেশ ছাড়িয়া গোবিন্দমণিক্য দক্ষিণে সমুদ্রাভিমুখে চলিতে লাগিলেন। সমস্ত বাসনার দ্রব্য বিসর্জন দিয়া তিনি হৃদয়ের মধ্যে আশ্চর্য স্বাধীনতা অল্পভব করিতে লাগিলেন। কেহ তাঁহাকে আর বাধিতে পারে না, অগ্রসর হইবার সময় কেহ তাঁহাকে আর বাধা দিতে পারে না। প্রকৃতিকে অত্যন্ত বৃহৎ দেখিলেন এবং আপনাকেও তাহার সহিত এক বলিয়া মনে হইল। বৃক্ষসতার সে এক নূতন শ্রামল বর্ণ, সূর্যের সে এক নূতন কনক কিরণ, প্রকৃতির সে এক নূতন মুখশ্রী দেখিতে লাগিলেন। গ্রামে গিয়া মানবের প্রত্যেক কাজের মধ্যে তিনি এক নূতন সৌন্দর্য দেখিতে লাগিলেন। মানবের হাস্তালাপ, ওঠাবসা, চলাফেরার মধ্যে তিনি এক অপূর্ব নৃত্যগীতের মাধুরী দেখিতে পাইলেন।

যাহাকে দেখিলেন তাহাকে কাছে ডাকিয়া কথা কহিয়া সুখ পাইলেন—যে তাঁহাকে উপেক্ষা প্রদর্শন করিল, তাহার নিকট হইতে তাঁহার হৃদয় দূরে গমন করিল না। সর্বত্র দুর্বলকে সাহায্য করিতে এবং দুঃখীকে সাহায্য দিতে ইচ্ছা করিতে লাগিল। তাঁহার মনে হইতে লাগিল আমার নিজের সমস্ত বল এবং সমস্ত সুখ আমি পরের জন্য উৎসর্গ করিলাম, কেননা আমার নিজের কোনো কাজ নাই, কোনো বাসনা নাই। সচরাচর যে-সকল দৃশ্য কাহারও চোখে পড়ে না, তাহা নূতন আকার ধারণ করিয়া তাঁহার চোখে পড়িতে লাগিল। যখন ছুই ছেলেকে পথে বসিয়া খেলা করিতে দেখিতেন, ছুই ভাইকে, পিতাপুত্রকে, মাতা ও শিশুকে একত্র দেখিতেন, তাহার। ধূলিলিপ্ত হউক, দরিদ্র হউক, কদম্ব হউক, তিনি তাহাদের মধ্যে দূরদূরান্তব্যাপী মানব-হৃদয়সমূহের অনন্ত গভীর প্রেম দেখিতে পাইতেন। একটি শিশুকোড়া জননী মধ্যে তিনি যেন অতীত ও ভবিষ্যতের সমস্ত মানবশিশুর জননীকে দেখিতে পাইতেন। ছুই বন্ধুকে একত্র দেখিলেই তিনি সমস্ত মানবজাতিকে বন্ধুপ্রেমে সহায়বান অল্পভব করিতেন। পূর্বে যে-পৃথিবীকে মাঝে মাঝে মাতৃহীনা বলিয়া বোধ হইত, সেই পৃথিবীকে আনন্দনয়না চিরজাগ্রত জননী কোলে দেখিতে পাইতেন। পৃথিবীর দুঃখশোকহারিত্র্য বিবাদ-বিষেব দেখিলেও তাঁহার মনে আর

নৈরাশ্র ভঙ্গিত না। একটিমাত্র মঙ্গলের চিহ্ন দেখিলেই তাঁহার আশা সহস্র অমঙ্গল ভেদ করিয়া স্বর্গাভিমুখে প্রস্ফুটিত হইয়া উঠিত। আমাদের সকলের জীবনেই কি কোনো-না-কোনো দিন এমন এক অভূতপূর্ব নূতন প্রেম ও নূতন স্বাধীনতার প্রভাত উদ্ভিত হয় নাই, যে-দিন সহসা এই হাশ্বক্রন্দনময় জগৎকে এক স্নেহময় নবকুমারের মতো এক অপূর্ব সৌন্দর্য প্রেম ও মঙ্গলের ক্রোড়ে বিকশিত দেখিয়াছি—যে-দিন কেহ আমাদেরকে ক্ষুব্ধ করিতে পারে না, কেহ আমাদেরকে জগতের কোনো সুখ হইতে বঞ্চিত করিতে পারে না, কেহ আমাদেরকে কোনো প্রাচীরের মধ্যে রুদ্ধ করিয়া রাখিতে পারে না—যে-দিন এক অপূর্ব বাশি বাজিয়া উঠে, এক অপূর্ব বসন্ত আগিয়া উঠে, চরাচর চিরষৌবনের আনন্দে পরিপূর্ণ হইয়া যায়—যে-দিন সমস্ত দুঃখ-দারিদ্র্য-বিপদকে কিছুই মনে হয় না। নূতন স্বাধীনতার আনন্দে প্রসারিতহৃদয় গোবিন্দমাণিক্যের জীবনে সেই দিন উপস্থিত হইয়াছে।

দক্ষিণ চট্টগ্রামের রামু শহর এখনো দশ ক্রোশ দূরে। সন্ধ্যার কিঞ্চিৎ পূর্বে গোবিন্দমাণিক্য যখন আলমখাল নামক ক্ষুদ্র গ্রামে গিয়া পৌঁছিলেন, তখন গ্রামপ্রান্তবর্তী একটি কুটির হইতে ক্ষীণকণ্ঠ বালকের ক্রন্দনধ্বনি শুনিতে পাইলেন। গোবিন্দমাণিক্যের হৃদয় সহসা অত্যন্ত চঞ্চল হইয়া উঠিল। তিনি তৎক্ষণাৎ সেই কুটিরে গিয়া উপস্থিত হইলেন—দেখিলেন, যুবক কুটিরস্বামী একটি শীর্ণ বালককে কোলে করিয়া লইয়া ঘরের মধ্যে পায়চারি করিতেছে। বালক থরথর করিয়া কাঁপিতেছে এবং থাকিয়া থাকিয়া ক্ষীণ কণ্ঠে কাঁদিতেছে। কুটিরস্বামী তাহাকে বুকের মধ্যে চাপিয়া ধরিয়া ঘুম পাড়াইবার চেষ্টা করিতেছে। সন্ন্যাসবেশী গোবিন্দমাণিক্যকে দেখিয়া সে শশব্যস্ত হইয়া পড়িল। কাতর স্বরে কহিল, “ঠাকুর, ইহাকে আশীর্বাদ করো।” গোবিন্দমাণিক্য আপনার কঞ্চল বাহির করিয়া কম্পমান বালকের চারি দিকে জড়াইয়া দিলেন। বালক এক বার কেবল তাহার শীর্ণ মুখ তুলিয়া গোবিন্দমাণিক্যের দিকে চাহিল। তাহার চোখের নিচে কালি পড়িয়াছে—তাহার ক্ষীণ মুখের মধ্যে দুখানি চোখ ছাড়া আর কিছুই নাই যেন। এক বার গোবিন্দমাণিক্যকে দেখিয়াই দুইখানি পাণ্ডুবর্ণ পাতলা ঠোঁট নাড়িয়া ক্ষীণ অব্যক্ত শব্দ করিল। আবার তখনি তাহার পিতার স্বরের উপর মুখ রাখিয়া চূপ করিয়া পড়িয়া রহিল। তাহার পিতা তাহাকে কঞ্চল সমেত ভূমিতে রাখিয়া রাজাকে প্রণাম করিল এবং রাজার পদধূলি লইয়া ছেলের গায়ে মাখায় দিল। রাজা ছেলেকে তুলিয়া লইয়া জিজ্ঞাসা করিলেন, “ছেলেটির বাপের নাম কী।” কুটিরস্বামী কহিল, “আমি ইহার বাপ, আমার নাম যাদব। ভগবান একে একে আমার সকল ক-টিকে

লইয়াছেন, কেবল একটি এখনো বাকি আছে।” বলিয়া গভীর দীর্ঘনিশ্বাস ফেলিল। রাজা কুটিরস্বামীকে বলিলেন, “আজ রাত্রে আমি তোমার এখানে অতিথি। আমি কিছুই খাইব না, অতএব আমার ক্ষুদ্র আহারাদির উদ্যোগ করিতে হইবে না। কেবল এখানে রাত্রি যাপন করিব।” বলিয়া সে-রাত্রি সেইখানে রহিলেন। অহুচরণ গ্রামের এক ধনী কায়স্থের বাড়ি আতিথ্য গ্রহণ করিল। ক্রমে সন্ধ্যা হইয়া আসিল। নিকটে একটা পানাপুকুর ছিল, তাহার উপর হইতে বাষ্প উঠিতে লাগিল। গোয়ালঘর হইতে খড় এবং শুষ্ক পত্র জালানোর গুরুভার ধোয়া আকাশে উঠিতে পারিল না, শুঁড়ি মারিয়া সম্মুখের বিস্তৃত জলামাঠকে আচ্ছন্ন করিয়া ধরিল। আসশেওড়ার বেড়ার কাছ হইতে কর্কশ স্বরে ঝিঝি ডাকিতে লাগিল। বাতাস একেবারে বন্ধ, গাছের পাতাটি নড়িতেছে না। পুকুরের অপর পাড়ে ঘন বাঁশঝাড়ের মধ্য হইতে একটা পাখি থাকিয়া থাকিয়া টিটি করিয়া ডাকিয়া উঠিতেছে। কীণালোকে গোবিন্দমাণিক্য সেই ক্রগ্ন বালকের বিবর্ণ শীর্ণ মুখ দেখিতেছেন। তিনি তাহাকে ভালোরূপ কহলে আবৃত করিয়া তাহার শয্যার পার্শ্বে বসিয়া তাহাকে নানাবিধ গল্প শুনাইতে লাগিলেন। সন্ধ্যা অতীত হইল, দূরে শৃগাল ডাকিয়া উঠিল। বালক গল্প শুনিতে শুনিতে রোগের কষ্ট ভুলিয়া ঘুমাইয়া পড়িল। রাজা তাহার পার্শ্বের ঘরে আসিয়া শয়ন করিলেন। রাত্রে তাঁহার ঘুম হইল না। কেবল ক্রবকে মনে পড়িতে লাগিল। রাজা কহিলেন, “ক্রবকে হারাইয়া সকল বালককেই আমার ক্রব বলিয়া বোধ হয়।”

ধানিক রাত্রে শুনিলেন, পাশের ঘরে ছেলের ডাকিয়া উঠিয়া তাহার বাপকে জিজ্ঞাসা করিতেছে, “বাবা ও কী বাজে?”

বাপ কহিল, “বাঁশি বাজিতেছে।”

ছেলে। “বাঁশি কেন বাজে?”

বাপ। “কাল যে পূজা, বাপ আমার।”

ছেলে। “কাল পূজা। পূজার দিন আমাকে কিছু দেবে না?”

বাপ। “কী দেব বাবা?”

ছেলে। “আমাকে একটা রাঙা শাল দেবে না?”

বাপ। “আমি শাল কোথায় পাব। আমার যে কিছু নেই, মানিক আমার।”

ছেলে। “বাবা, তোমার কিছুই নেই বাবা?”

বাপ। “কিছুই নেই বাবা, কেবল তুমি আছ।” ভয়ঙ্কর পিতার গভীর দীর্ঘনিশ্বাস পাশের ঘর হইতে শুনা গেল।

ছেলে আর কিছুই বলিল না। বোধ করি বাপকে জড়াইয়া ধরিয়া আবার ঘুমাইয়া পড়িল।

রাত্রি শেষ না হইতে হইতেই গোবিন্দমাণিক্য গৃহস্থায়ীর নিকট বিদায় না লইয়াই অশ্বারোহণে রামু শহরের অভিমুখে চলিয়া গেলেন। . আহার করিলেন না, বিশ্রাম করিলেন না। পথের মধ্যে একটি ক্ষুদ্র নদী ছিল—ঘোড়াশুঙ্ক নদী পার হইলেন। প্রথর রৌদ্রের সময় রামুতে গিয়া পৌঁছিলেন। সেখানে অধিক বিলম্ব করিলেন না। আবার সন্ধ্যার কিছু পূর্বেই যাদবের কুটিরে আসিয়া উপস্থিত হইলেন। যাদবকে আড়ালে ডাকিয়া আনিলেন। তাঁহার কুলির মধ্য হইতে একখানি লাল শাল বাহির করিয়া যাদবের হাতে দিয়া কহিলেন, “আজ পূজার দিনে এই শালটি তোমার ছেলেকে দাও।”

যাদব কাদিয়া গোবিন্দমাণিক্যের পা জড়াইয়া ধরিল। কহিল, “প্রভু, তুমি আনিয়াছ তুমিই দাও।”

রাজা কহিলেন, “না আমি দিব না, তুমি দাও। আমি দিলে কোনো ফল নাই। আমার নাম করিয়া না। আমি কেবল তোমার ছেলের মুখে আনন্দের হাসি দেখিয়া চলিয়া যাইব।”

রুগ্ণ বালকের অতি শীর্ণ স্নান মুখ প্রফুল্ল দেখিয়া রাজা চলিয়া গেলেন। রাজা বিষন্ন হইয়া মনে মনে কহিলেন, “আমি কোনো কাজ করিতে পারি নাই। আমি কেবল কয়টা বৎসর রাজত্বই করিয়াছি, কিছুই শিক্ষা করি নাই। কী করিলে একটি ক্ষুদ্র বালকের রোগের কষ্ট একটু নিবারণ হইবে তাহা জানি না। আমি কেবল অসহায় অকর্মণ্য ভাবে শোক করিতেই জানি। বিষন ঠাকুর যদি থাকিতেন তো ইহাদের কিছু উপকার করিয়া যাইতেন। আমি যদি বিষন ঠাকুরের মতো হইতাম।”

গোবিন্দমাণিক্য বলিলেন, “আমি আর ঘুরিয়া ঘুরিয়া বেড়াইব না, লোকালয়ের মধ্যে বাস করিয়া কাজ করিতে শিখিব।”

রামুর দক্ষিণে রাজকুলের নিকটে মগদিগের যে দুর্গ আছে, আরাকানরাজের অনুমতি লইয়া সেইখানে তিনি বাস করিতে লাগিলেন।

গ্রামবাসীদের যতগুলো ছেলে ছিল, সকলেই দুর্গে গোবিন্দমাণিক্যের নিকটে আসিয়া জুটিল। গোবিন্দমাণিক্য তাহাদিগকে লইয়া একটা বড়ো পাঠশালা খুলিলেন। তিনি তাহাদিগকে পড়াইতেন, তাহাদের সহিত খেলিতেন, তাহাদের বাড়িতে গিয়া তাহাদের সহিত বাস করিতেন, পীড়া হইলে তাহাদিগকে দেখিতে

যাইতেন। ছেলেরা সাধারণত যে নিতান্তই স্বর্গ হইতে আসিয়াছে এবং তাহার। যে দেবশিশু তাহা নহে, তাহাদের মধ্যে মানব এবং দানব ভাবের কিছুমাত্র অপ্রভুল নাই। স্বার্থপরতা ক্রোধ লোভ ঘেব হিংসা তাহাদের মধ্যে সম্পূর্ণ বলবান, তাহার উপর আবার বাড়িতে, পিতামাতার নিকট হইতেও সকল সময়ে ভালো শিক্ষা পায় যে তাহা নহে। এই জন্ত মগের দুর্গে মগের রাজত্ব হইয়া উঠিল—দুর্গের মধ্যে যেন উনপঞ্চাশ বায়ু এবং চৌষটি ভূতে একত্র বাসা করিয়াছে। গোবিন্দমাণিক্য এই সকল উপকরণ লইয়া দৈর্ঘ্য ধরিয়া মাহুষ গড়িতে লাগিলেন। একটি মাহুষের জীবন যে কত মহৎ ও কী প্রাণপণ যত্নে পালন ও রক্ষা করিবার দ্রব্য তাহা গোবিন্দমাণিক্যের হৃদয়ে সর্বদা জাগরুক। তাঁহার চারি দিকে অনন্ত ফলপরিপূর্ণ মনুষ্য-জন্ম সার্থক হয়, ইহাই দেখিয়া এবং নিজের চেষ্টায় ইহাই সাধন করিয়া গোবিন্দমাণিক্য নিজের অসম্পূর্ণ জীবন বিসর্জন করিতে চান। ইহার জন্ত তিনি সকল কষ্ট সকল উপদ্রব সহ করিতে পারেন। কেবল মাঝে মাঝে এক-এক বার হতাশাস হইয়া দুঃখ করিতেন, “আমার কার্য আমি নিপুণরূপে সম্পন্ন করিতে পারিতেছি না। বিষন থাকিলে ভালো হইত।”

এইরূপে গোবিন্দমাণিক্য এক শত ব্রহ্মকে লইয়া দিনযাপন করিতে লাগিলেন।

## ত্রিচত্বারিংশ পরিচ্ছেদ

[ স্ট্রুট কৃত বাংলার ইতিহাস হইতে এই পরিচ্ছেদ সংগৃহীত ]

এদিকে শা সূজা তাঁহার ভ্রাতা ঔরঙ্গজীবের সৈন্য কতৃক তাড়িত হইয়া পলায়ন করিতেছেন। এলাহাবাদের নিকট যুদ্ধক্ষেত্রে তাঁহার পরাজয় হয়। বিপক্ষ পরাজ্ঞান্ড, এবং এই বিপদের সময় সূজা স্বপক্ষীয়দেরও বিশ্বাস করিতে পারিলেন না। তিনি অপমানিত ও ভীত ভাবে ছদ্মবেশে সামান্ত লোকের মতো একাকী পলায়ন করিতে লাগিলেন। যেখানেই যান পশ্চাতে শত্রুসৈন্যের ধূলিধ্বজা ও তাহাদের অশ্বের ধুরধ্বনি তাঁহার অহুসরণ করিতে লাগিল। অবশেষে পাটনায় পৌঁছিয়া তিনি পুনর্বার নবাব-বেশে আপন পরিবার ও প্রজাদের নিকটে আগমন-সংবাদ ঘোষণা করিলেন। তিনিও যেমন পাটনায় পৌঁছিলেন, তাহার কিছু কাল পরেই ঔরঙ্গজীবের পুত্র কুমার মহম্মদ সৈন্য সহিত পাটনার দ্বারে আসিয়া পৌঁছিলেন। সূজা পাটনা ছাড়িয়া মুন্সেরে পলাইলেন।

মুন্ডেরে তাঁহার বিক্ষিপ্ত দলবল কতক কতক তাঁহার নিকটে আসিয়া জুটিল এবং সেখানে তিনি নূতন সৈন্যও সংগ্রহ করিলেন। তেঘিয়াগড়ি ও শিকলিগলির দুর্গ সংস্কার করিয়া এবং নদীতীরে পাহাড়ের উপরে প্রাচীর নির্মাণ করিয়া তিনি দৃঢ় হইয়া বসিলেন।

এদিকে ঔরঙ্গজীব তাঁহার বিচক্ষণ সেনাপতি মীরজুমলাকে কুমার মহম্মদের সাহায্যে পাঠাইলেন। কুমার মহম্মদ প্রকাশ্য ভাবে মুন্ডেরের দুর্গের অনতিদূরে আসিয়া শিবির স্থাপন করিলেন, এবং মীরজুমলা অন্য গোপন পথ দিয়া মুন্ডের অভিমুখে যাত্রা করিলেন। যখন সূজা কুমার মহম্মদের সহিত ছোটোখাটো যুদ্ধে ব্যাপ্ত আছেন, এমন সময় সহসা সংবাদ পাইলেন যে, মীরজুমলা বহুসংখ্যক সৈন্য লইয়া বসন্তপুরে আসিয়া পৌঁছিয়াছেন। সূজা ব্যস্ত হইয়া তৎক্ষণাৎ তাঁহার সমস্ত সৈন্য লইয়া মুন্ডের ছাড়িয়া রাজমহলে পলায়ন করিলেন। সেইখানেই তাঁহার সমস্ত পরিবার বাস করিতেছিল। সম্রাট-সৈন্য অবিলম্বে সেখানেও তাঁহার অনুসরণ করিল। সূজা ছয় দিন ধরিয়া প্রাণপণে যুদ্ধ করিয়া শত্রুসৈন্যকে অগ্রসর হইতে দিলেন না। কিন্তু যখন দেখিলেন আর রক্ষা হয় না, তখন এক দিন অন্ধকার ঝড়ের রাতে তাঁহার পরিবারসকল ও যথাসম্ভব ধনসম্পত্তি লইয়া নদী পার হইয়া তোণ্ডায় পলায়ন করিলেন, এবং অবিলম্বে সেখানকার দুর্গ সংস্কারে প্রবৃত্ত হইলেন।

এই সময়ে ঘনবর্ষা আসিল, নদী অত্যন্ত ক্ষীণ এবং পথ দুর্গম হইয়া উঠিল। সম্রাট-সৈন্যেরা অগ্রসর হইতে পারিল না।

এই যুদ্ধ বিগ্রহের পূর্বে কুমার মহম্মদের সহিত সূজার কস্তার বিবাহের সমস্ত স্থির হইয়াছিল। কিন্তু এই যুদ্ধের উপদ্রবে সে প্রস্তাব উভয় পক্ষই বিস্মৃত হইয়াছিল।

বর্ষায় তখন যুদ্ধ স্থগিত আছে এবং মীরজুমলা রাজমহল হইতে কিছু দূরে তাঁহার শিবির লইয়া গেছেন, এমন সময় সূজার এক জন সৈনিক তোণ্ডায় শিবির হইতে আসিয়া গোপনে কুমার মহম্মদের হস্তে একখানি পত্র দিল। কুমার খুলিয়া দেখিলেন সূজার কস্তা লিখিতেছেন, “কুমার, এই কি আমার অদৃষ্টে ছিল। ষাহাকে মনে মনে স্বামীরূপে বরণ করিয়া আমার সমগ্র হৃদয় সমর্পণ করিয়াছি, তিনি অসুরীয় বিনিময় করিয়া আমাকে গ্রহণ করিবেন বলিয়া প্রতিশ্রুত হইয়াছিলেন—তিনি আজ নিষ্ঠুর তরবারি হস্তে আমার পিতার প্রাণ লইতে আসিয়াছেন এই কি আমাকে দেখিতে হইল। কুমার, এই কি আমাদের বিবাহ-উৎসব। তাই কি এত সমারোহ। তাই কি আমাদের রাজমহল আজ রক্তবর্ণ। তাই কি, কুমার দিল্লি হইতে লোহার শৃঙ্খল হাতে করিয়া আনিয়াছেন। এই কি প্রেমের শৃঙ্খল।”



এই পত্র পড়িয়া সহসা প্রবল ভূমিকম্প যেন কুমার মহম্মদের হৃদয় বিদীর্ণ হইয়া গেল, তিনি এক মুহূর্ত আর স্থির থাকিতে পারিলেন না। তৎক্ষণাৎ সাম্রাজ্যের আশা, বাদশাহের অহুগ্রহ, সমস্ত তিনি তুচ্ছ জ্ঞান করিলেন। প্রথম যৌবনের দীপ্ত হতাশনে তিনি কতিলাভের বিবেচনা সমস্ত বিসর্জন করিলেন। তাঁহার পিতার সমস্ত কাৰ্য তাঁহার অত্যন্ত অন্তায় ও নিষ্ঠুর বলিয়া বোধ হইল। পিতার বড়বন্দ্যপ্রবণ নিষ্ঠুর নীতির বিরুদ্ধে ইতিপূর্বে তিনি পিতার সমক্ষেই আপন মত স্পষ্ট ব্যক্ত করিতেন, এবং কখনো কখনো তিনি সম্রাটের বিরাগভাজন হইতেন। আজ তিনি তাঁহার সৈন্তাধ্যক্ষদের মধ্যে কয়েক জন প্রধান প্রধান ব্যক্তিকে ডাকিয়া সম্রাটের নিষ্ঠুরতা খলতা ও অত্যাচারের সম্বন্ধে বিরাগ প্রকাশ করিয়া কহিলেন, “আমি তোণ্ডায় আমার পিতৃবোর সহিত যোগ দিতে যাইব। তোমরা যাহারা আমাকে ভালোবাস, আমার অহুবর্তী হও।” তাহারা দীর্ঘ সেলাম করিয়া তৎক্ষণাৎ কহিল, “শাহজাদা যাহা বলিতেছেন তাহা অতি ষথার্থ, কালই দেখিবেন অর্ধেক সৈন্ত তোণ্ডার শিবিরে শাহজাদার সঙ্গে মিলিত হইবে।” মহম্মদ সেইদিনই নদী পার হইয়া সূজার শিবিরে উপস্থিত হইলেন।

তোণ্ডায় উৎসব পড়িয়া গেল। যুদ্ধবিগ্রহের কথা সকলে একেবারেই ভুলিয়া গেল। এত দিন কেবল পুরুষেরাই ব্যস্ত ছিল, এখন সূজার পরিবারে রমণীদের হাতেও কাজের অন্ত রহিল না। সূজা অত্যন্ত স্নেহ ও আনন্দের সহিত মহম্মদকে গ্রহণ করিলেন। অবিশ্রাম রক্তপাতের পরে রক্তের টান যেন আরও বাড়িয়া উঠিল। নৃত্যগীত বাজের মধ্যে বিবাহ সম্পন্ন হইয়া গেল। নৃত্যগীত শেষ হইতে না হইতেই সংবাদ আসিল সম্রাট-সৈন্ত নিকটবর্তী হইয়াছে।

মহম্মদ যেমনি সূজার শিবিরে গেছেন, সৈন্তেরা অমনি মীরজুমলার নিকট সংবাদ প্রেরণ করিল। একটি সৈন্তও মহম্মদের সহিত যোগ দিল না, তাহারা বুঝিয়াছিল মহম্মদ ইচ্ছাপূর্বক বিপদসাগরে ঝাঁপ দিয়াছেন, সেখানে তাঁহার দলভুক্ত হইতে যাওয়া বাতুলতা।

সূজা এবং মহম্মদের বিশ্বাস ছিল যে, সম্রাট-সৈন্তের অধিকাংশই যুদ্ধক্ষেত্রে কুমার মহম্মদের সহিত যোগ দিবে। এই আশায় মহম্মদ নিজের নিশান উড়াইয়া যুদ্ধক্ষেত্রে অবতীর্ণ হইলেন। বৃহৎ এক দল সম্রাট-সৈন্ত তাঁহার দিকে অগ্রসর হইল। মহম্মদ আনন্দে উৎফুল্ল হইলেন। নিকটে আসিয়াই তাহারা মহম্মদের সৈন্তদলের উপরে গোলা বর্ষণ করিল। তখন মহম্মদ সমস্ত অবস্থা বুঝিতে পারিলেন। কিন্তু তখন আর সময় নাই। সৈন্তেরা পলায়নতৎপর হইল। সূজার জ্যেষ্ঠ পুত্র যুদ্ধে মারা পড়িল।

সেই রাত্রেই হতভাগা সূজা এবং তাঁহার জামাতা সপরিবারে ক্রতগামী নৌকায় চড়িয়া ঢাকায় পলায়ন করিলেন। মীরজুমলা ঢাকায় সূজার অনুসরণ করা আবশ্যিক বিবেচনা করিলেন না। তিনি বিজিত দেশে শৃঙ্খলা স্থাপনে প্রবৃত্ত হইলেন।

দুর্দশার দিনে বিপদের সময় যখন বকুরা একে একে বিমুখ হইতে থাকে তখন মহম্মদ ধন প্রাণ মান তুচ্ছ করিয়া সূজার পক্ষাবহন করাতে সূজার হৃদয় বিগলিত হইয়া গেল। তিনি প্রাণের সহিত মহম্মদকে ভালোবাসিলেন। এমন সময়ে ঢাকা শহরে ঔরঞ্জীবের এক জন পত্রবাহক চর ধরা পড়িল। সূজার হাতে তাহার পত্র গিয়া পড়িল। ঔরঞ্জীব মহম্মদকে লিখিতেছেন, “প্রিয়তম পুত্র মহম্মদ, তুমি তোমার কর্তব্য অবহেলা করিয়া পিতৃবিদ্বেহী হইয়াছ, এবং তোমার অকলঙ্ক যশে কলঙ্ক নিক্ষেপ করিয়াছ রমণীর ছলনাময় হাশ্বে মুগ্ধ হইয়া আপন ধর্ম বিসর্জন দিয়াছ। ভবিষ্যতে সমস্ত মোগল-সাম্রাজ্য শাসনের ভার ঠাহার হস্তে, তিনি আজ এক রমণীর দাস হইয়া আছেন। যাহা হউক, ঈশ্বরের নামে শপথ করিয়া মহম্মদ যখন অহুতাপ প্রকাশ করিয়াছেন, তখন তাঁহাকে মাপ করিলাম। কিন্তু যে কার্যের জন্ত গিয়াছেন সেই কার্য সাধন করিয়া আসিলে তবে তিনি আমাদের অনুগ্রহের অধিকারী হইবেন।”

সূজা এই পত্র পাঠ করিয়া বজ্রাহত হইলেন। মহম্মদ বার বার করিয়া বলিলেন, তিনি কখনোই পিতার নিকটে অহুতাপ প্রকাশ করেন নাই। এ সমস্তই তাঁহার পিতার কৌশল। কিন্তু সূজার সন্দেহ দূর হইল না। সূজা তিন দিন ধরিয়া চিন্তা করিলেন। অবশেষে চতুর্থ দিনে কহিলেন, “বৎস, আমাদের মধ্যে বিশ্বাসের বন্ধন শিথিল হইয়াছে। অতএব আমি অহুরোধ করিতেছি, তুমি তোমার স্ত্রীকে লইয়া প্রস্থান করো, নহিলে আমাদের মনে আর শান্তি থাকিবে না। আমার রাজকোষের দ্বার মুক্ত করিয়া দিলাম, স্বপ্তের উপহারস্বরূপ ষত ইচ্ছা ধনরত্ন লইয়া যাও।”

মহম্মদ অশ্রুবিসর্জন করিয়া বিদায় লইলেন, তাঁহার স্ত্রী তাঁহার সঙ্গে গেলেন।

সূজা কহিলেন, “আর যুদ্ধ করিব না। চট্টগ্রামের বন্দর হইতে জাহাজ লইয়া মক্কায় চলিয়া যাইব।” বলিয়া ঢাকা ছাড়িয়া ছদ্মবেশে চলিয়া গেলেন।

## চতুশ্চত্বারিংশ পরিচ্ছেদ

যে দুর্গে গোবিন্দমাণিক্য বাস করিতেন, এক দিন বর্ষার অপরাহ্নে সেই দুর্গের পথে এক জন ককির, সঙ্গে তিন জন বালক ও এক জন প্রাপ্তবয়স্ক তলপিদার লইয়া চলিয়াছেন। বালকদের অত্যন্ত ক্লান্ত দেখাইতেছে। বাতাস বেগে বহিতেছে এবং অবিখ্যাম বর্ষার ধারা পড়িতেছে। সকলের চেয়ে ছোটো বালকটির বয়স চৌদ্দের অধিক হইবে না, সে শীতে কাঁপিতে কাঁপিতে কাতর স্বরে কহিল, “পিতা, আর তো পারি না।” বলিয়া অধীর ভাবে কাঁদিতে লাগিল।

ককির কিছু না বলিয়া নিখাস ফেলিয়া তাহাকে বুকের কাছে টানিয়া লইলেন।

বড়ো বালকটি ছোটোকে তিরস্কার করিয়া কহিল, “পথের মধ্যে এমন করিয়া কাঁদিয়া ফল কী। চূপ কর। অনর্থক পিতাকে কাতর করিস নে।”

ছোটো বালকটি তখন তাহার উচ্ছ্বসিত ক্রন্দন দমন করিয়া শান্ত হইল।

মধ্যম বালকটি ককিরকে জিজ্ঞাসা করিল, “পিতা, আমরা কোথায় বাইতেছি?”

ককির কহিলেন, “ঐ যে দুর্গের চূড়া দেখা বাইতেছে, ঐ দুর্গে বাইতেছি।”

“ওখানে কে আছে পিতা?”

“শুনিয়াছি কোথাকার এক জন রাজা সন্ন্যাসী হইয়া ওখানে বাস করেন।”

“রাজা সন্ন্যাসী কেন হবে পিতা।”

ককির কহিলেন, “জানি না বাছা। হয়তো তাঁহার আপনার সহোদর ভ্রাতা সৈন্ত লইয়া তাঁহাকে একটা গ্রাম্য কুকুরের মতো দেশ হইতে দেশান্তরে তাড়া করিয়াছে। রাজ্য ও স্বধসম্পদ হইতে তাঁহাকে পথে বাহির করিয়া দিয়াছে। এখন হয়তো কেবল দারিদ্র্যের অঙ্ককার ক্ষুদ্র গহ্বর ও সন্ন্যাসীর গেরুয়া বসন পৃথিবীর মধ্যে তাঁহার একমাত্র লুকাইবার স্থান। আপনার ভ্রাতার বিষেষ হইতে বিষদস্ত হইতে আর কোথাও রক্ষা নাই।”

বলিয়া ককির দৃঢ়রূপে আপন ওষ্ঠাধর চাপিয়া হৃদয়ের আবেগ দমন করিলেন।

বড়ো ছেলেটি জিজ্ঞাসা করিল, “পিতা, এই সন্ন্যাসী কোন্ দেশের রাজা ছিল?”

ককির কহিলেন, “তাঁহা জানি না বাছা।”

“যদি আমাদের আশ্রয় না দেয়।”

“তবে আমরা বৃক্ষতলে শয়ন করিব। আর আমাদের স্থান কোথায়।”

সন্ধ্যার কিছু পূর্বে দুর্গে সন্ন্যাসী ও ককিরে দেখা হইল। উভয়েই উভয়কে দেখিয়া আশ্চর্য হইয়া গেলেন। গোবিন্দমাণিক্য চাহিয়া দেখিলেন, ককিরকে ককির

বলিয়া বোধ হইল না। ক্ষুদ্র ক্ষুদ্র স্বার্থপর বাসনা হইতে হৃদয়কে প্রত্যাহরণ করিয়া একমাত্র বৃহৎ উদ্দেশ্যের মধ্যে স্থাপন করিলে মুখে যে একপ্রকার জ্বালাবিহীন বিমল জ্যোতি প্রকাশ পায়, ফকিরের মুখে তাহা দেখিতে পাইলেন না। ফকির সর্বদা সতর্ক সচকিত। তাঁহার হৃদয়ের তৃষিত বাসনাসকল তাঁহার ছুই জলন্ত নেত্র হইতে যেন অগ্নি পান করিতেছে। অধীর হিংসা তাঁহার দৃঢ়বন্ধ ওষ্ঠাধর এবং দৃঢ়লগ্ন দস্তের মধ্যে বিফলে প্রতিহত হইয়া পুনরায় যেন হৃদয়ের অঙ্ককার গহ্বরে প্রবেশ করিয়া আপনাকে আপনি দংশন করিতেছে। সঙ্গে তিন জন বালক, তাহাদের অত্যন্ত সুকুমার সুন্দর শ্রান্ত ক্লিষ্ট দেহ ও একপ্রকার গর্বিত সংকোচ দেখিয়া মনে হইল যেন তাহারা আজন্মকাল অতি সমৃদ্ধ সম্মানের নিকার উপরে তোলা ছিল, এই প্রথম তাহাদের ভূমিতলে পদার্পণ। চলিতে গেলে যে চরণের অঙ্গুলিতে ধূলি লাগে, ইহা যেন পূর্বে তাহাদের প্রত্যক্ষ জানা ছিল না। পৃথিবীর এই ধূলিময় মলিন দারিদ্র্যে প্রতিপদে যেন পৃথিবীর উপরে তাহাদের ঘৃণা সঞ্চিত হইতেছে, মছলন্দ ও মাটির প্রভেদ দেখিয়া প্রতিপদে তাহারা যেন পৃথিবীকে তিরস্কার করিতেছে। পৃথিবী যেন তাহাদেরই প্রতি বিশেষ আড়ি করিয়া আপনার বড়ো মছলন্দখানা গুটাইয়া রাখিয়াছে। সকলেই যেন তাহাদের নিকটে অপরাধ করিতেছে। দরিদ্র যে ভিক্ষা করিবার জন্য তাহার মলিন বসন লইয়া তাহাদের কাছে ঘেঁষিতে সাহস করিতেছে এ কেবল তাহার স্পর্ধা; ঘৃণ্য কুকুর পাছে কাছে আসে এই জন্য লোকে যেমন ধাতুধণ্ড দূর হইতে ছুঁড়িয়া দেয়, ইহারাও তেমনি ক্ষুধার্ত মলিন ভিক্ষুককে দেখিলে দূর হইতে মুখ ফিরাইয়া একমুঠা মুদ্রা অনায়াসে ফেলিয়া দিতে পারে। তাহাদের চক্ষে অধিকাংশ পৃথিবীর একপ্রকার ষৎসামান্ত ভাব ও ছিন্নবস্ত্র অকিঞ্চনতা যেন কেবল একটা মস্ত বেয়াদবি। তাহারা যে পৃথিবীতে সুখী ও সম্মানিত হইতেছে না এ কেবল পৃথিবীর দোষ।

গোবিন্দমাণিকা যে ঠিক এতটা ভাবিয়াছিলেন তাহা নহে। তিনি লক্ষণ দেখিয়াই বুঝিয়াছিলেন যে, এই ফকির, এ যে আপনার বাসনাসকল বিসর্জন দিয়া স্বাধীন ও সুস্থ হইয়া জগতের কাজ করিতে বাহির হইয়াছে তাহা নহে, এ কেবল আপনার বাসনা তৃপ্ত হয় নাই বলিয়া রাগ করিয়া সমস্ত জগতের প্রতি বিমূখ হইয়া বাহির হইয়াছে। তিনি যাহা চান তাহাই তাহার পাওনা এইরূপ ফকিরের বিশ্বাস, এবং জগৎ তাঁহার নিকটে যাহা চায় তাহা সুবিধামতো দিলেই চলিবে এবং না দিলেও কোনো ক্ষতি নাই। ঠিক এই বিশ্বাস-অহুসারে কাজ হয় নাই বলিয়া তিনি জগৎকে একঘরে করিয়া বাহির হইয়া পড়িয়াছেন।

গোবিন্দমাণিক্যকে দেখিয়া ককিরের রাজা বলিয়াও মনে হইল সন্ন্যাসী বলিয়াও বোধ হইল। তিনি ঠিক একরূপ আশা করেন নাই। তিনি মনে করিয়াছিলেন হয় একটা লম্বোদর পাগড়ি-পরা ক্ষীত মাংসপিণ্ড দেখিবেন, নয় তো একটা দীনবেশধারী মলিন সন্ন্যাসী অর্থাৎ ভ্রাম্যচ্ছাদিত ধূলিশয্যাশায়ী উদ্ধত স্পর্ধা দেখিতে পাইবেন। কিন্তু দুয়ের মধ্যে কোনোটাই দেখিতে পাইলেন না। গোবিন্দমাণিক্যকে দেখিয়া বোধ হইল তিনি যেন সমস্ত ভাগ করিয়াছেন, তবু যেন সমস্তই তাঁহারই। তিনি কিছু চান না বলিয়াই যেন পাইয়াছেন। তিনি যেমন আত্মসমর্পণ করিয়াছেন, তেমনি সমস্ত জগৎ আপন ইচ্ছায় তাঁহার নিকটে ধরা দিয়াছে। কোনোপ্রকার আড়ম্বর নাই বলিয়া তিনি রাজা, এবং সমস্ত সংসারের নিত্যন্ত নিকটবর্তী হইয়াছেন বলিয়া তিনি সন্ন্যাসী। এইজন্য তাঁহাকে রাজাও সাজিতে হয় নাই, সন্ন্যাসীও সাজিতে হয় নাই।

রাজা তাঁহার অতিথিদিগকে সমস্তে সেবা করিলেন। তাঁহারা তাঁহার সেবা পরম অবহেলার সহিত গ্রহণ করিলেন। ইহাতে যেন তাঁহাদের সম্পূর্ণ অধিকার ছিল। তাঁহাদের আরামের জন্য কী কী দ্রব্য আবশ্যক তাহাও রাজাকে জানাইয়া দিলেন। রাজা বড়ো ছেলেটিকে স্নেহের সহিত জিজ্ঞাসা করিলেন, “পঞ্চম্রমে অত্যন্ত প্রান্তিবোধ হইয়াছে কি?”

বালক তাহার ভালোরূপ উত্তর না দিয়া ককিরের কাছে ঘেঁষিয়া বসিল। রাজা তাহাদের দিকে চাহিয়া ঈষৎ হাসিয়া কহিলেন, “তোমাদের এই স্কুমার শরীর তো পথে চলিবার জন্য নহে। তোমরা আমার এই দুর্গে বাস করো আমি তোমাদিগকে যত্ন করিয়া রাখিব।”

রাজার এই কথার উত্তর দেওয়া উচিত কি না এবং এই সকল লোকের সহিত ঠিক কিরূপ ভাবে ব্যবহার করা কর্তব্য তাহা বালকেরা ভাবিয়া পাইল না—তাঁহারা ককিরের অধিকতর কাছে ঘেঁষিয়া বসিল, যেন মনে করিল কোথাকার এই ব্যক্তি মলিন হাত বাড়াইয়া তাহাদিগকে এখনই আত্মসং করিতে আসিতেছে।

ককির গভীর হইয়া কহিলেন, “আচ্ছা, আমরা কিছু কাল তোমার এই দুর্গে বাস করিতে পারি।” রাজাকে যেন অহুগ্রহ করিলেন। মনে মনে কহিলেন, “আমি কে তাহা যদি জানিতে, তবে এই অহুগ্রহে তোমার আর আনন্দের সীমা থাকিত না।”

তিনটি বালককে রাজা কিছুতেই পোষ মানাইতে পারিলেন না। এবং ককির নিত্যন্ত যেন নিলিষ্ট হইয়া রহিলেন।

ফকির গোবিন্দমাণিক্যকে জিজ্ঞাসা করিলেন, “শুনিয়াছি তুমি এক কালে রাজা ছিলে, কোথাকার রাজা?”

গোবিন্দমাণিক্য কহিলেন, “ত্রিপুরার।”

শুনিয়া বালকেরা তাঁহাকে অত্যন্ত ছোটো বিবেচনা করিল। তাহারা কোনো কালে ত্রিপুরার নাম শুনে নাই। কিন্তু ফকির ঈর্ষ্য বিচলিত হইয়া উঠিলেন। আবার জিজ্ঞাসা করিলেন, “তোমার রাজত্ব গেল কী করিয়া?”

গোবিন্দমাণিক্য কিছু ক্ষণ চুপ করিয়া রহিলেন। অবশেষে কহিলেন, “বাংলার নবাব শা হুজা আমাকে রাজ্য হইতে নির্বাসিত করিয়া দিয়াছেন।” নরক রাজ্যের কোনো কথা বলিলেন না।

এই কথা শুনিয়া বালকেরা সকলে চমকিয়া উঠিয়া ফকিরের মুখের দিকে চাহিল। ফকিরের মুখ যেন বিবর্ণ হইয়া গেল। তিনি সহসা বলিয়া ফেলিলেন, “এ-সকল বৃষ্টি তোমার ভাইয়ের কাজ। তোমার ভাই বৃষ্টি তোমাকে রাজ্য হইতে তাড়া করিয়া সম্মাসী করিয়াছে।”

রাজা আশ্চর্য হইয়া গেলেন, কহিলেন, “তুমি এত সংবাদ কোথায় পাইলে সাহেব।” পরে মনে করিলেন, আশ্চর্যের বিষয় কিছুই নাই, কাহারও নিকট হইতে শুনিয়া থাকিবেন।

ফকির তাড়াতাড়ি কহিলেন, “আমি কিছুই জানি না। আমি কেবল অনুমান করিতেছি।”

রাত্রি হইলে সকলে শয়ন করিতে গেলেন। সে-রাত্রে ফকিরের আর ঘুম হইল না। জাগিয়া দুঃস্বপ্ন দেখিতে লাগিলেন এবং প্রত্যেক শব্দে চমকিয়া উঠিলেন।

পরদিন ফকির গোবিন্দমাণিক্যকে কহিলেন, “বিশেষ প্রয়োজন বশত এখানে আর থাকা হইল না। আমরা আজ বিদায় হই।”

গোবিন্দমাণিক্য কহিলেন, “বালকেরা পথের কটে প্রান্ত হইয়া পড়িয়াছে, উহাদিগকে আর কিছু কাল বিশ্রাম করিতে দিলে ভালো হয়।”

বালকেরা কিছু বিরক্ত হইল—তাহাদের মধ্যে সর্বজ্যোষ্ঠটি ফকিরের দিকে চাহিয়া কহিল, “আমরা কিছু নিতান্ত লিভ না, যখন আবশ্যক তখন অনায়াসে কষ্ট সহ করিতে পারি।” গোবিন্দমাণিক্যের নিকট হইতে তাহারা স্নেহ গ্রহণ করিতে প্রস্তুত নহে। গোবিন্দমাণিক্য আর কিছু বলিলেন না।

ফকির যখন যাত্রার উদ্দোগ করিতেছেন, এমন সময়ে দুর্গে আর একজন অতিথি আগমন করিলেন। তাঁহাকে দেখিয়া রাজা ও ফকির উভয়ে আশ্চর্য হইয়া গেলেন।

ককির কী করিবেন ভাবিয়া পাইলেন না। রাজা তাঁহার অতিথিকে প্রণাম করিলেন। অতিথি আর কেহ নহেন, রঘুপতি। রঘুপতি রাজার প্রণাম গ্রহণ করিয়া কহিলেন, “জয় হউক।”

রাজা কিঞ্চিৎ ব্যস্ত হইয়া জিজ্ঞাসা করিলেন, “নন্দ্রের নিকট হইতে আসিতেছ ঠাকুর? বিশেষ কোনো সংবাদ আছে?”

রঘুপতি কহিলেন, “নন্দ্র রাগ ভালো আছেন, তাঁহার অন্য ভাবিবেন না।” আকাশের দিকে হাত তুলিয়া কহিলেন, “আমাকে জয়সিংহ তোমার কাছে পাঠাইয়া দিয়াছে। সে বাঁচিয়া নাই। তাহার ইচ্ছা আমি সাধন করিব, নহিলে আমার শাস্তি নাই। তোমার কাছে থাকিয়া তোমার সঙ্গী হইয়া তোমার সকল কার্যে আমি যোগ দিব।”

রাজা প্রথমে রঘুপতির ভাব কিছু বুঝিতে পারিলেন না। তিনি এক বার মনে করিলেন, রঘুপতি বুঝি পাগল হইয়া থাকিবেন। রাজা চুপ করিয়া রহিলেন।

রঘুপতি কহিলেন, “আমি সমস্ত দেখিয়াছি, কিছুতেই স্বখ নাই। আমি তোমার পরম শত্রুতা করিয়াছি, আমি তোমাকে হিংসা করিয়াছি, তোমাকে আমার কাছে বলি দিতে চাহিয়াছিলাম, আজ আমাকে তোমার কাছে সম্পূর্ণ ত্যাগ করিতে আসিয়াছি।”

গোবিন্দমণিক্য কহিলেন, “ঠাকুর, তুমি আমার পরম উপকার করিয়াছ, আমার শত্রু আমার ছায়ার মতো আমার সঙ্গে সঙ্গেই লিপ্ত হইয়া ছিল, তাহার হাত হইতে তুমি আমাকে পরিজ্ঞান করিয়াছ।”

রঘুপতি সে-কথায় বড়ো একটা কান না দিয়া কহিলেন, “মহারাজ, আমি জগতের রক্তপাত করিয়া যে পিশাচীকে এত কাল সেবা করিয়া আসিয়াছি, সে অবশেষে আমারই হৃদয়ের সমস্ত রক্ত শোষণ করিয়া পান করিয়াছে। সেই শোণিতপিপাসী জড়তা-মূঢ়তাকে আমি দূর করিয়া আসিয়াছি, সে এখন মহারাজের রাজ্যের দেবমন্দিরে নাই; এখন সে রাজসভায় প্রবেশ করিয়া সিংহাসনে চড়িয়া বসিয়াছে।”

রাজা কহিলেন, “দেবমন্দির হইতে যদি সে দূর হয় তো ক্রমে মানবের হৃদয় হইতেও দূর হইতে পারিবে।”

পশ্চাৎ হইতে একটি পরিচিত স্বর কহিল, “না মহারাজ, মানব-হৃদয়ই প্রকৃত মন্দির, সেইখানেই খড়গ শাণিত হয় এবং সেইখানেই শত সহস্র নরবলি হয়। দেবমন্দিরে তাহার সামান্য অভিনয় হয় মাত্র।”

রাজা সচকিত হইয়া ফিরিয়া দেখিলেন সহস্র সৌম্যমূর্তি বিঘন। তাঁহাকে প্রণাম করিয়া রুদ্ধকণ্ঠে কহিলেন, “আজ আমার কী আনন্দ।”

বিঘন কহিলেন, “মহারাজ, আপনাকে জয় করিয়াছেন বলিয়া সকলকেই জয় করিয়াছেন। তাই আজ আপনার দ্বারে শক্রমিত্র সকলে একত্র হইয়াছে।”

ফকির অগ্রসর হইয়া কহিলেন, “মহারাজ, আমিও তোমার শত্রু, আমিও তোমার হাতে ধরা দিলাম।” রঘুপতির দিকে অঙ্গুলি নির্দেশ করিয়া কহিলেন, “এই ব্রাহ্মণ ঠাকুর আমাকে জানেন। আমিই সূজা, বাংলার নবাব, আমিই তোমাকে বিনা অপরাধে নির্বাসিত করিয়াছি এবং সে-পাপের শাস্তিও পাইয়াছি—আমার ভ্রাতার হিংসা আজ পথে পথে আমার অহুসরণ করিতেছে, আমার রাজ্যে আমার আর দাঁড়াইবার স্থান নাই। ছদ্মবেশে আমি আর থাকিতে পারি না, তোমার কাছে সম্পূর্ণ আত্মসমর্পণ করিয়া আমি বাঁচিলাম।”

তখন রাজা ও নবাব উভয়ে কোলাকুলি করিলেন। রাজা কেবলমাত্র কহিলেন, “আমার কী সৌভাগ্য।”

রঘুপতি কহিলেন, “মহারাজ, তোমার সহিত শত্রুতা করিলেও লাভ আছে। তোমার শত্রুতা করিতে গিয়াই তোমার কাছে ধরা পড়িয়াছি, নহিলে কোনো কালে তোমাকে জানিতাম না।”

বিঘন হাসিয়া কহিলেন, “যেমন ফাঁসের মধ্যে পড়িয়া ফাঁস ছিঁড়িতে গিয়া গলায় আরও অধিক বসিয়া যায়।”

রঘুপতি কহিলেন, “আমার আর দুঃখ নাই—আমি শাস্তি পাইয়াছি।”

বিঘন কহিলেন, “শাস্তি সুখ আপনার মধ্যেই আছে কেবল জানিতে পাই না। ভগবান এ যেন মাটির হাঁড়িতে অমৃত রাখিয়াছেন, অমৃত আছে বলিয়া কাহারও বিশ্বাস হয় না। আঘাত লাগিয়া হাঁড়ি ভাঙিলে তবে অনেক সময়ে সুধার আনন্দ পাই। হয় হয়, এমন জিনিসও এমন জায়গায় থাকে।”

এমন সময়ে একটা অভভেদী হো হো শব্দ উঠিল। দেখিতে দেখিতে দুর্গের মধ্যে ছোটোবড়ো নানাবিধ ছেলে আসিয়া পড়িল। রাজা বিঘনকে কহিলেন, “এই দেখো ঠাকুর, আমার ধ্রুব।” বলিয়া ছেলেদের দেখাইয়া দিলেন।

বিঘন কহিলেন, “বাহার প্রসাদে তুমি এতগুলি ছেলে পাইয়াছ সেও তোমাকে ভোলে নাই, তাহাকে আনিয়া দিই।” বলিয়া বাহিরে গেলেন। কিঞ্চিৎ বিলম্বে ধ্রুবকে কোলে করিয়া আনিয়া রাজার কোলে দিলেন।

রাজা তাহাকে বুকে চাপিয়া ধরিয়া ডাকিলেন, “ধ্রুব।”



এব কিছুই বলিল না, গভীর ভাবে নীরবে রাজার কাঁধে মাথা দিয়া পড়িয়া রহিল।  
বহুদিন পরে প্রথম মিলনে বালকের ক্ষুদ্র হৃদয়ের মধ্যে যেন একপ্রকার অক্ষুট  
অভিমান ও লজ্জার উদয় হইল। রাজাকে অড়াইয়া মুখ লুকাইয়া রহিল।

রাজা বলিলেন, “আর সব হইল, কেবল নক্ষত্র আমাকে ভাই বলিল না।”

স্বজা ভীতভাবে কহিলেন, “মহারাজ, আর সকলেই অতি সহজেই ভাইয়ের মতো  
ব্যবহার করে কেবল নিজের ভাই করে না।”

স্বজার হৃদয় হইতে এখনো শেল উৎপাটিত হয় নাই।

## উপসংহার

এইখানে বলা আবশ্যিক তিনটি বালক স্বজার তিন ছদ্মবেশী কন্যা। স্বজা মক্কা  
যাইবার উদ্দেশে চট্টগ্রাম বন্দরে গিয়াছিলেন। কিন্তু দুর্ভাগ্যক্রমে গুরুতর বর্ষার  
প্রাদুর্ভাবে একখানিও জাহাজ পাইলেন না। অবশেষে হতাশ হইয়া ফিরিয়া  
আসিবার পথে, গোবিন্দমাণিক্যের সহিত দুর্গে দেখা হয়। কিছুদিন দুর্গে বাস করিয়া  
স্বজা সংবাদ পাইলেন এখনো সম্রাট-সৈন্য তাঁহাকে সন্ধান করিতেছে। গোবিন্দমাণিক্য  
যানাদি ও বিস্তর অমূল্য সমেত তাঁহার বন্ধু আরাকানপতির নিকটে তাঁহাকে প্রেরণ  
করেন। যাইবার সময় স্বজা তাঁহাকে বহুমূল্য তরবারি উপহার স্বরূপ দান করেন।

ইতিমধ্যে রাজা, রঘুপতি ও বিম্বনে মিলিয়া সমস্ত গ্রামকে যেন সচেতন করিয়া  
তুলিলেন। রাজার দুর্গ সমস্ত গ্রামের প্রাণ হইয়া উঠিল।

এইরূপে ছয় বৎসর কাটিয়া গেলে ছত্রমাণিক্যের মৃত্যু হইল। গোবিন্দমাণিক্যকে  
সিংহাসনে ফিরাইয়া লইবার অন্ত ত্রিপুরা হইতে দূত আসিল।

গোবিন্দমাণিক্য প্রথমে বাললেন, “আমি রাজ্যে ফিরিব না।”

বিম্বন কহিলেন, “সে হইবে না মহারাজ। ধর্ম যখন স্বয়ং ঘারে আসিয়া আহ্বান  
করিতেছেন তখন তাঁহাকে অবহেলা করিবেন না।”

রাজা তাঁহার ছাত্রদের দিকে চাহিয়া কহিলেন, “আমার এতদিনকার আশা  
অসমাপ্ত, এতদিনকার কার্য অসম্পূর্ণ রহিবে?”

বিম্বন কহিলেন, “এখানে তোমার কার্য আমি করিব।”

রাজা কহিলেন, “তুমি যদি এখানে থাক তাহা হইলে আমার সেখানকার কার্য  
অসম্পূর্ণ হইবে।”

বিষন कहিলেন, “না মহারাজ, এখন আমাকে আর তোমার আবশ্যক নাই। তুমি এখন আপনার প্রতি আপনি সম্পূর্ণ নির্ভর করিতে পার। আমি যদি সময় পাই তো মাঝে মাঝে তোমার সহিত সাক্ষাৎ করিতে যাইব।”

রাজা ঋবকে সঙ্গে লইয়া রাজ্যে প্রবেশ করিলেন। ঋব, এখন আর নিতান্ত ক্ষুদ্র নহে। সে বিষনের প্রসাদে সংস্কৃত ভাষা শিক্ষা করিয়া শাস্ত্র অধ্যয়নে মন দিয়াছে। রঘুপতি পুনবার পৌরোহিত্য গ্রহণ করিলেন। এবার মন্দিরে আসিয়া যেন মৃত জয়সিংহকে পুনবার জীবিতভাবে প্রাপ্ত হইলেন।

এদিকে বিশ্বাসঘাতক আরাকানপতি সূজাকে হত্যা করিয়া তাঁহার সর্বকনিষ্ঠ কন্যাকে বিবাহ করেন।

“দুর্ভাগা সূজার প্রতি আরাকানপতির নৃশংসতা স্মরণ করিয়া গোবিন্দমাণিক্য দুঃখ করিতেন। সূজার নাম চিরস্মরণীয় করিবার জন্য তিনি তরবারের বিনিময়ে বহুতর অর্থদ্বারা কুমিল্লা নগরীতে একটি উৎকৃষ্ট মসজিদ প্রস্তুত করাইয়াছিলেন। তাহা অজ্ঞাপি সূজা-মসজিদ বলিয়া বর্তমান আছে।

“গোবিন্দমাণিক্যের যত্নে মেহেরকুল আবাদ হইয়াছিল। তিনি ব্রাহ্মণগণকে বিস্তর ভূমি ভাষ্পত্রে সনন্দ লিখিয়া দান করেন। মহারাজ গোবিন্দমাণিক্য কুমিল্লার দক্ষিণে বাতিসা গ্রামে একটি দীর্ঘিকা খনন করাইয়াছিলেন। তিনি অনেক সংকার্ণের অন্বেষণ করিতেছিলেন, কিন্তু সম্পন্ন করিতে পারেন নাই। এই জন্ত অন্বেষণ করিয়া ১৬৬৯ খ্রীঃ অব্দে মানবলীলা সংবরণ করেন।”

প্রবন্ধ



চিঠিপত্র



# চিঠিপত্র

১

চিরঞ্জীববু

ভায়া নবীনকিশোর, এখনকার আদবকারী আমার ভালো জানা নাই—সেই জন্ত তোমাদের সঙ্গে প্রথম আলাপ, বা চিঠিপত্র আরম্ভ করিতে কেমন ভয় করে। আমরা প্রথম আলাপে বাপের নাম জিজ্ঞাসা করিতাম কিন্তু শুনিয়াছি এখনকার কালে বাপের নাম জিজ্ঞাসা দস্তুর নয়। সৌভাগ্যক্রমে তোমার বাবার নাম আমার অবিদিত নাই, কারণ আমিই তাঁহার নামকরণ করিয়াছিলাম। ভালো নাম দিতে পারি নাই—গোবর্ধন নামটা কেন দিয়াছিলাম তাহা আজ বুঝিতেছি। তোমাকে বর্ধন করিবার ভার তাঁহার উপরে পড়িবে ভাগ্য-দেবতা তাহা জানিতেন। সেই জন্তই বোধ করি সেদিন স্তায়রত্ন মহাশয় তোমাকে তোমার ঠাকুরের নাম জিজ্ঞাসা করাতে তোমার মুখ লাল হইয়া উঠিয়াছিল। তা তুমিই না হয় তোমার বাবার নূতন নামকরণ করো। আমার গোবর্ধন নাম আমি কিরাইয়া লইতেছি।

আসল কথা কী জান। সেকালে আমরা নাম লইয়া এত ভাবিতাম না। সেটা হয়তো আমাদের অসভ্যতার পরিচয়। আমরা মনে করিতাম নামে মাহুযকে বড়ো করে না, মাহুযই নামকে জাঁকাইয়া তোলে। মন্দ কাজ করিলেই মাহুযের বদনাম হয়, ভালো কাজ করিলেই মাহুযের সুনাম হয়। বাবা কেবল একটা নামই দিতে পারে কিন্তু ভালো নাম কিংবা মন্দ নাম সে ছেলে নিজেরই দেয়। ভাবিয়া দেখো আমাদের প্রাচীন কালের বড়ো বড়ো নাম শুনিতে নিতান্ত মধুর নয়—যুধিষ্ঠির, রামচন্দ্র ভীষ্ম, দ্রোণ, ভরদ্বাজ, শান্তিন্য, অশ্বজয়, বৈশম্পায়ন ইত্যাদি। কিন্তু ঐ সকল নাম অক্ষয়-বটের মতো আজ পর্যন্ত ভারতবর্ষের হৃদয়ে সহস্র শিকড়ে বিরাজ করিতেছে। আমাদের আজকালকার উপগ্রাসের লগিত, নলিনমোহন প্রভৃতি কত মিঠি মিঠি নাম বাহির হইতেছে কিন্তু এখনকার পাঠক-পিপীলিকারা এই মিঠি নামগুলিকে চুই দণ্ডেই নিঃশেষ করিয়া ফেলে, সকালের নাম বিকালে টিকে না। বাহাই হউক, আমরা নামের প্রতি মনোযোগ করিতাম না। তুমি বলিতেছ, সেটা আমাদের ভ্রম। সেজন্য বেশি ভাবিও না ভাই; আমরা শীঘ্রই মরিব এমন সম্ভাবনা আছে; আমাদের সঙ্গে সঙ্গে বঙ্গসমাজের সমস্ত ভ্রম সমূলে সংশোধিত হইয়া যাইবে।

পূর্বেই বলিয়াছি এখনকার আদবকায়দা আমার বড়ো জানা নাই, কিন্তু ইহাই দেখিতেছি আদবকায়দা এখনকার দিনে নাই, আমাদের কালেই ছিল। এখন বাপকে প্রণাম করিতে লজ্জাবোধ হয়, বন্ধুবান্ধবকে কোলাকুলি করিতে সংকোচ বোধ হয়, গুরুজনের সম্মুখে তাকিয়া ঠেসান দিয়া তাস পিটিতে লজ্জাবোধ হয় না, রেলগাড়িতে যে বেঞ্চে পাঁচ জনে বসিয়া আছে তাহার উপরে দুইখানা পা তুলিয়া দিতে সংকোচ জন্মে না। তবে হয়তো আজকাল অত্যন্ত সহৃদয়তার প্রাদুর্ভাব হইয়াছে, আদবকায়দার তেমন আবশ্যক নাই। সহৃদয়তা! তাই বুঝি কেহ পাড়াপ্রতিবেশীর ধোঁজ রাখে না। বিপদ আপদে লোকের সাহায্য করে না; হাতে টাকা থাকিলে সামান্য জাঁক-জমক লইয়াই থাকে, দশ জন অনাথকে প্রতিপালন করে না; তাই বুঝি পিতামাতা অথবা অনাদরে কষ্টে থাকেন অথচ নিজের ঘরে স্বখস্বচ্ছন্দতার অভাব নাই—নিজের সামান্য অভাবটুকু হইলেই রক্ষা নাই—কিন্তু পরিবারস্থ আর সকলের ঘরে গুরুতর অনটন হইলেও বলেন হাতে টাকা নাই। এই তো ভাই এখনকার সহৃদয়তা। মনের দুঃখে অনেক কথা বলিলাম। আমি কালেজে পড়ি নাই সুতরাং আমার এত কথা বলিবার কোনো অধিকার নাই। কিন্তু তোমরা কিছু আমাদের নিন্দা করিতে ছাড় না, আমরাও যখন তোমাদের সম্বন্ধে দুই-একটা কথা বলি সে কথাগুলোর একটু কর্ণপাত করিও।

চিঠি লিখিতে আরম্ভ করিয়াই তোমাকে কী “পাঠ” লিখিব এই ভাবনা প্রথমে মনে উদয় হয়। এক বার ভাবিলাম লিখি “মাই ডিয়ার নাতি”, কিন্তু সেটা আমার সম্বন্ধ হইল না; তার পরে ভাবিলাম বাংলা করিয়া লিখি “আমার প্রিয় নাতি”, সেটাও বড়োমানুষের এই খাকড়ার কলম দিয়া বাহির হইল না। ধপ করিয়া লিখিয়া ফেলিলাম “পরমশুভাশীর্বাদরাশয়ঃ সন্ত।” লিখিয়া হাঁপ ছাড়িয়া বাঁচিলাম। ভাবিলাম ছেলেপিলেরা তো আমাদেরকে প্রণাম করা বন্ধ করিয়াছে তাই বলিয়া কি আমরা তাহাদিগকে আশীর্বাদ করিতে ভুলিব। তোমাদের ভালো হউক তাই, আমরা এই চাই; আমাদের যা হইবার হইয়া গিয়াছে। তোমরা আমাদের প্রণাম কর আর না কর আমাদের তাহাতে কোনো ক্ষতিবৃদ্ধি নাই, কিন্তু তোমাদের আছে। ভক্তি করিতে যাহাদের লজ্জাবোধ হয় তাহাদের কোন কালে মঙ্গল হয় না। বড়োর কাছে নিচু হইয়া আমরা বড়ো হইতে শিখি, মাথাটা তুলিয়া থাকিলেই যে বড়ো হই তাহা নয়। পৃথিবীতে আমার চেয়ে উচু আর কিছুই নাই, আমি বাবার জ্যেষ্ঠভাত, আমি দাদার দাদা; এই যে মনে করে সে অত্যন্ত ক্ষুদ্র। তাহার হৃদয় এত ক্ষুদ্র যে সে আপনার চেয়ে বড়ো কিছুই করণা করিতে পারে না। তুমি হয়তো আমাকে বলিবে, তুমি



আমার দাদামহাশয় বলিয়াই যে তুমি আমার চেয়ে বড়ো এমন কোনো কথা নাই। আমি তোমার চেয়ে বড়ো নই! তোমার পিতা আমার স্নেহে প্রতিপালিত হইয়াছেন, আমি তোমার চেয়ে বড়ো নই তো কী। আমি তোমাকে স্নেহ করিতে পারি বলিয়া আমি তোমার চেয়ে বড়ো, হৃদয়ের সহিত তোমার কল্যাণ কামনা করিতে পারি বলিয়াই আমি তোমার চেয়ে বড়ো। তুমি না হয় দু-পাঁচখানা ইংরেজি বই আমার চেয়ে বেশি পড়িয়াছ, তাহাতে বেশি আসে যায় না। আঠার হাজার ওয়েব্‌স্টার ডিক্‌শনারির উপর যদি তুমি চড়িয়া বস তাহা হইলেও তোমাকে আমার হৃদয়ের নিচে দাঁড়াইতে হইবে। তবুও আমার হৃদয় হইতে আশীর্বাদ নামিয়া তোমার মাথার বর্ষিত হইতে থাকিবে। পুঁথির পর্বতের উপর চড়িয়া তুমি আমাকে নিচু নজরে দেখিতে পার, তোমার চক্কর অসম্পূর্ণতাবশত আমাকে ক্ষুদ্র দেখিতে পার, কিন্তু আমাকে স্নেহের চক্রে দেখিতে পার না। যে ব্যক্তি মাথা পাতিয়া অসংকোচে স্নেহের আশীর্বাদ গ্রহণ করিতে পারে সে খন্ড, তাহার হৃদয় উর্বর হইয়া ফলে ফুলে শোভিত হইয়া উঠুক। আর যে ব্যক্তি বালুকাস্তূপের মতো মাথা উচু করিয়া স্নেহের আশীর্বাদ উপেক্ষা করে সে তাহার শূন্যতা শুষ্কতা শ্রীহীনতা তাহার মরুভূমি উন্নত মস্তক লইয়া মধ্যাহ্নভোজে দগ্ধ হইতে থাকুক। যাহাই হউক ভাই, আমি তোমাকে এক-শ বার লিখিব, “পরম শুভাশীর্বাদরাসনঃ সত্ত্ব” তুমি আমার চিঠি পড় আর নাই পড়।

তুমিও যখন আমার চিঠির উত্তর দিবে প্রণামপূর্বক চিঠি আরম্ভ করিয়ো। তুমি হয়তো বলিয়া উঠিবে, “আমার যদি ভক্তি না হয় তো আমি কেন প্রণাম করিব। এ-সব অসত্য আদবকারদার আমি কোনো ধার ধারি না।” তাই যদি সত্য হয় তবে কেন ভাই তুমি বিশ্বহৃদয় লোককে “মাই ডিয়ার” লেখ। আমি বড়ো, তোমার ঠাকুরদাদা, আজ সাড়ে তিন মাস ধরিয়া কাসিয়া মরিতেছি তুমি এক বার খোঁজ লইতে আস না। আর অগতের সমস্ত লোক তোমার এমনি প্রিয় হইয়া উঠিয়াছে যে তাহাদিগকে “মাই ডিয়ার” না লিখিয়া থাকিতে পার না। এও কি একটা দস্তর মাজ নয়। কোনোটা বা ইংরেজি দস্তর কোনোটা বাংলা দস্তর। কিন্তু সেই যদি দস্তরমতোই চলিতে হইল তবে বাঙালির পক্ষে বাংলা দস্তরই ভালো। তুমি বলিতে পার, “বাংলাই কি ইংরেজিই কি, কোনো দস্তর কোনো আদবকারদা মানিতে চাহি না। আমি হৃদয়ের অনুসরণ করিয়া চলিব।” তাই যদি তোমার মত হয় তুমি হৃদয়বনে গিয়া বাস করো, মনুষ্যসমাজে থাকা তোমার কর্ম নয়। সকল মানুষেরই কতকগুলি কর্তব্য আছে, সেই কর্তব্যশৃঙ্খলে সমাজ অঙ্কিত। আমার কর্তব্য আমি না করিলে তোমার কর্তব্য তুমি ভালোরূপে করিতে পার না। দাদামহাশয়ের

কতকগুলি কর্তব্য আছে, নাতির কতকগুলি কর্তব্য আছে। তুমি যদি আমার বক্তৃতা শ্রীকার করিয়া আমার আদেশ পালন কর, তবেই তোমার প্রতি আমার যাহা কর্তব্য তাহা আমি ভালোরূপে সম্পন্ন করিতে পারি। আর, তুমি যদি বল আমার মনে ভক্তির উদয় হইতেছে না, তখন আমি কেন দাদামহাশয়ের কথা শুনিব, তাহা হইলে যে কেবল তোমার কর্তব্য অসম্পূর্ণ রহিল তাহা নহে, তাহা হইলে আমার কর্তব্যেরও ব্যাঘাত হয়। তোমার দৃষ্টান্তে তোমার ছোটো ভাইরাও আমার কথা মানিবে না, দাদামহাশয়ের কাজ আমার দ্বারা একেবারেই সম্পন্ন হইতে পারিবে না। এই কর্তব্যপাশে বাধিয়া রাখিবার জন্য, পরম্পরের প্রতি পরম্পরের কর্তব্য অবিশ্রাম স্বরণ করাইয়া দিবার জন্য সমাজে অনেকগুলি দস্তুর প্রচলিত আছে। সৈন্যদের যেমন অসংখ্য নিয়মে বদ্ধ হইয়া থাকিতে হয় নহিলে তাহারা যুদ্ধের জন্য প্রস্তুত হইতে পারে না, সকল মানুষকেই তেমনি সহস্র দস্তুরে বদ্ধ থাকিতে হয়, নতুবা তাহারা সমাজের কার্য পালনের জন্য প্রস্তুত হইতে পারে না। যে গুরুজনকে তুমি প্রণাম করিয়া থাক যাহাকে প্রত্যেক চিঠিপত্রে তুমি ভক্তির সম্ভাষণ কর, যাহাকে দেখিলে তুমি উঠিয়া দাঁড়াও, ইচ্ছা করিলেও সহসা তাঁহাকে তুমি অমান্য করিতে পার না। সহস্র দস্তুর পালন করিয়া এমনি তোমার মনে শিক্ষা হইয়া যায় যে, গুরুজনকে মান্য করা তোমার পক্ষে অত্যন্ত সহজ হইয়া উঠে, না করা তোমার পক্ষে সাধ্যাতীত হইয়া উঠে। আমাদের প্রাচীন দস্তুর সমস্ত ভাঙিয়া ফেলিয়া আমরা এই সকল শিক্ষা হইতে বঞ্চিত হইতেছি। ভক্তি-স্নেহের বন্ধন ছিঁড়িয়া যাইতেছে। পারিবারিক সম্বন্ধ উলটাপালটা হইয়া যাইতেছে। সমাজে বিশৃঙ্খলা জন্মিয়াছে। তুমি দাদামহাশয়কে প্রণাম করিয়া চিঠি লিখিতে আরম্ভ কর না। সেটা শুনিতে অতি সামান্য বোধ হইতে পারে কিন্তু নিতান্ত সামান্য নহে। কতকগুলি দস্তুর আমাদের হৃদয়ের সহিত জড়িত, তাহার কতটুকু দস্তুর বা কতটুকু হৃদয়ের কার্য বলা যায় না। অকৃত্রিম ভক্তির উচ্ছ্বাসে আমরা প্রণাম করি কেন। প্রণাম করাও তো একটা দস্তুর। এমন দেশ আছে যেখানে ভক্তিভাবে প্রণাম না করিয়া আর কিছু করে। আমরা প্রণাম না করিয়া ইঁা করি না কেন। প্রণামের প্রকৃত তাৎপর্য এই যে ভক্তির বাহুলক্ষণস্বরূপ একপ্রকার অঙ্গভঙ্গি আমাদের দেশে চলিয়া আসিতেছে। যাহাকে আমরা ভক্তি করি তাঁহাকে স্বভাবতই আমাদের হৃদয়ের ভক্তি দেখাইতে ইচ্ছা হয়, প্রণাম করা সেই ভক্তি দেখাইবার উপায় মাত্র। আমি যদি প্রণাম না করিয়া ভক্তিভরে তিন বার হাততালি দিই তাহা হইলে যাহাকে ভক্তি করিলাম তিনি কিছুই বুঝিতে পারিবেন না, এমন কি তাহা অপমান জ্ঞান করিতে পারেন। ভক্তি দেখাইবার সময়ে হাততালি দেওয়াই যদি দস্তুর থাকিত

তাঁহা হইলে প্রণাম করা অত্যন্ত দোষের হইত সন্দেহ নাই। অতএব দস্তরকে পরিত্যাগ করিয়া আমরা হৃদয়ের ভাব প্রকাশ করিতে পারি না, হৃদয়ের অভাব প্রকাশ করি বটে।

অতএব আমাকে প্রণামপুরঃসর চিঠি লিখিবে ; ভক্তি থাক আর নাই থাক, সে দেখিতে বড়ো ভালো হয়। তোমার দেখাদেখি আর পাঁচ জনে দাদামহাশয়কে উত্তরকমে চিঠি লিখিতে শিখিবে এবং ক্রমে ভক্তি করিতে ও শিখিবে।

আশীর্বাদক

শ্রীচরণ দেবশর্মা

২

শ্রীচরণকমলযুগলেষু

আরও ভক্তি চাই, যুগলের উপর আরও এক জোড়া বাড়াইয়া দিব। দাদামহাশয় তোমার অন্ত পাওয়া ভার, চিরকাল তুমি আমাদের সঙ্গে ঠাট্টাতামাশা করিয়া আসিয়াছ, আর আজ হঠাৎ ভক্তি আদায় করিবার জন্য আমাদের উপর এক পরোয়ানাপত্র বাহির করিয়াছ, ইহার অর্থ কী। আমি দেখিয়াছি, যে অবধি তোমার স্তম্ভের এক জোড়া দাঁত পড়িয়া গিয়াছে সেই অবধি তোমার মুখে কিছুই বাধে না। তোমার দাঁত গিয়াছে বটে কিন্তু তীব্র ধারটুকু তোমার জিভের আগায় রহিয়া গিয়াছে। আর আগেকার মতো পরমানন্দে কইমাছের মুড়ো চিবাইতে পার না, স্তম্ভের দংশন করিবার সুখ তোমার নিরীহ নাতিদের কাছ হইতে আদায় কর। তোমার দস্তহীন হাসিটুকু আমার বড়ো মিষ্ট লাগে। কিন্তু তোমার দস্তহীন দংশন আমার তেমন উপাদের বলিয়া বোধ হয় না।

তোমাদের কালের সবই ভালো, আমাদের কালের সবই মন্দ, এইটি তুমি প্রমাণ করিতে চাও। ছ-একটা কথা বলিবার আছে; তাহাতে যদি তোমাদের আদব-কায়দার কোনো ব্যতিক্রম হয় তবে আমাকে মাফ করিতে হইবে। আমরা বাহা করি তাহা তোমাদের চক্ষে বেয়াদবি বলিয়া ঠেকে, এই জন্তই ভয় হয়। তোমরা চোখে কম-দেখ কিন্তু নাতিদের একটি সামান্ত ক্রটি চশমা না লইয়াও বেশ দেখিতে পাও।

যে-লোক যে-কালে জন্মগ্রহণ করে সে-কালের প্রতি তাহার যদি হৃদয়ের অস্থিরতা না থাকে তবে সে-কালের উপযোগী কাজ সে ভালো করিয়া করিতে পারে না। যদি সে মনে করে, যে-কাল গেছে তাহাই ভালো, আর আমাদের কাল অতি হয়, তবে

তাহার কাজ করিবার বল চলিয়া যায়, ভূত কালের দিকে শিরস করিয়া সে কেবল স্বপ্ন দেখে ও দীর্ঘনিশ্বাস ফেলে এবং ভূতস্থ প্রাপ্ত হওয়াই সে একমাত্র বাহনীর মনে করে। স্বদেশ যেমন একটা আছে স্বকালও তেমনি একটা আছে। স্বদেশকে ভালো না বাসিলে যেমন স্বদেশের কাজ করা যায় না, তেমনি স্বকালকে ভালো না বাসিলে স্বকালের কাজও করা যায় না। যদি ক্রমাগতই স্বদেশের নিন্দা করিতে থাক, স্বদেশের কোনো গুণই দেখিতে না পাও, তবে স্বদেশের উপযোগী কাজ তোমার দ্বারা ভালোরূপে সম্পন্ন হইতে পারে না। কেবলমাত্র কর্তব্য বিবেচনা করিয়া তুমি স্বদেশের উপকার করিতে চেষ্টা করিতে পার, কিন্তু সে চেষ্টা সফল হয় না। তোমার হৃদয়হীন কাজগুলো বিদেশী বীজের মতো স্বদেশের ভূমিতে ভালো করিয়া অঙ্কুরিত হইতে পারে না। তেমনি স্বকালের যে কেবল দোষই দেখে কোনো গুণ দেখিতে পায় না, সে চেষ্টা করিলেও স্বকালের কাজ ভালো করিয়া করিতে পারে না। এক হিসাবে সে নাই বলিলেও হয় ; সে জন্মায় নাই, সে অতীত কালে জন্মিয়াছে, সে অতীত কালে বাস করিতেছে ; এ কালের জনসংখ্যার মধ্যে তাহাকে ধরা যায় না। ঠাকুরদাদা মশায়, তুমি যে তোমাদের কালকে ভালো বাস এবং ভালো বল, সে তোমার একটা গুণের মধ্যে। ইহাতে বুঝা যাইতেছে তোমাদের কালের কর্তব্য তুমি করিয়াছ। তুমি তোমার বাপ-মাকে ভক্তি করিয়াছ, তোমার পাড়াপ্রতিবেশীদের বিপদে আপদে সাহায্য করিয়াছ, শাস্ত্রমতে ধর্ম কর্তব্য করিয়াছ, দান খান করিয়াছ, হৃদয়ের পরম পরিতৃপ্তি লাভ করিয়াছ। যে দিন আমরা আমাদের কর্তব্য কাজ করি, সে দিনের সূর্যালোক আমাদের কাছে উজ্জ্বলতর বলিয়া বোধ হয়, সে দিনের সুখস্বস্তি বহুকাল ধরিয়া আমাদের সঙ্গে সঙ্গে থাকে। সে কালের কাজ তোমরা শেষ করিয়াছ, অসম্পূর্ণ রাখ নাই, সেই জন্য আজ এই বৃদ্ধ বয়সে অবসরের দিনে সে কালের স্মৃতি এমন মধুর বলিয়া বোধ হইতেছে। কিন্তু তাই বলিয়া এ কালের প্রতি আমাদের বিরাগ জন্মাইবার চেষ্টা করিতেছ কেন। ক্রমাগতই এ কালের নিন্দা করিয়া এ কালের কাছ হইতে আমাদের হৃদয় কাড়িয়া লইবার চেষ্টা করিতেছ কেন। আমাদের জন্মভূমি এবং আমাদের জন্মকাল এই দুয়ের উপরেই আমাদের অকুরাগ অটল থাকে এই আশীর্বাদ করো।

গদ্যোক্তীর সহিত গদ্যের অবিচ্ছিন্ন সহস্রধারে যোগ রক্ষা হইতেছে বটে, কিন্তু তাই বলিয়া গদ্য প্রাণপণ চেষ্টা করিয়াও পিছু হটিয়া গদ্যোক্তীর উপরে আর উঠিতে পারে না। তেমনি তোমাদের কাল ভালোই হউক আর মন্দই হউক আমরা কোনোমতেই ঠিক সে জায়গায় যাইতে পারিব না। এটা যদি নিশ্চয় হয় তবে সাধ্যাতীতের মত

নিষ্ফল বিলাপ ও পরিতাপ না করিয়া যে অবস্থার জন্মিয়াছি তাহারই সহিত বনিবনাও করিয়া লওয়াই ভালো—ইহার ব্যাঘাত যে করে সে অনেক অমঙ্গল সৃষ্টি করে।

বর্তমানের প্রতি অকিঞ্চিৎকর ইহা প্রায়ই বর্তমানের দোষে হয় না, আমাদের নিজের অসম্পূর্ণতাবশত হয়, আমাদের হৃদয়ের গঠনের দোষে হয়। বর্তমানই আমাদের বাসস্থান এবং কার্যক্ষেত্র। কার্যক্ষেত্রের প্রতি যাহার অনুরাগ নাই সে কঁাকি দিতে চায়। ষথার্থ কৃষক আপনার চাষের জমিটুকুকে প্রাণের মতো ভালোবাসে, সেই জমিতে সে শস্তের সঙ্গে সঙ্গে প্রেম বপন করে; আর যে কৃষক কাজ করিতে চায় না কঁাকি দিতে চায়, নিজের জমিতে পা দিলে তাহার পায় বেন কাঁটা কুটিতে থাকে, সে কেবলি খুঁত খুঁত করিয়া বলে আমার জমির এ দোষ সে দোষ, আমার জমিতে কঁাকর, আমার জমিতে কাঁটাগাছ ইত্যাদি। নিজের ছাড়া আর সকলের জমি দেখিলেই তাহার চোখ জুড়াইয়া যায়।

সময়ের পরিবর্তন হইয়াছে এবং হইয়াই থাকে। সেই পরিবর্তনের জন্য আমাদের প্রস্তুত হইতে হইবে। নহিলে আমাদের জীবনই নিষ্ফল। নহিলে, মিউজিয়মে প্রাচীনকালের জীবেরা যেমন করিয়া স্থিতি করিতেছে আমাদেরও ঠিক তেমনি করিয়া পৃথিবীতে অবস্থান করিতে হইবে। পরিবর্তনের মধ্যে যেটুকু সার্থকতা আছে, যেটুকু গুণ আছে তাহা আমাদের খুঁজিয়া বাহির করিতে হইবে। কারণ সেইখান হইতে রসাকর্ষণ করিয়া আমাদের বাড়িতে হইবে, আর কোনো গতি নাই। যদি আমরা সত্যই জলে পড়িয়া থাকি তবে সেখানে ডাঙার মতো চলিতে চেষ্টা করা বৃথা, সাঁতার দিতে হইবে।

অতএব, তুমি যে বলিতেছ, আমরা আজকাল গুরুজনকে যথেষ্ট মান্ত করি না সেটা মানিয়া লওয়া যাক, তার পরে এই পরিবর্তনের ভিতরকার কথাটা এক বার দেখিতে চেষ্টা করা যাক। এ কথাটা ঠিক নহে যে, ভক্তিটা সময়ের প্রভাবে মানুষের হৃদয় হইতে একেবারে চলিয়া গেছে—তবে কি না, ভক্তিশ্রোতের মুখ এক দিক হইতে অন্য দিকে গেছে এ কথা সম্ভব হইতে পারে বটে। পূর্বে আমাদের দেশে ব্যক্তিগত ভাবের প্রাচুর্য্য অত্যন্ত বেশি ছিল। ভক্তি বল ভালোবাসা বল একটা ব্যক্তিবিশেষকে আশ্রয় না করিয়া থাকিতে পারিত না। এক জন মূর্তিমান রাজা না থাকিলে আমাদের রাজভক্তি থাকিতে পারিত না—কিন্তু শুধুমাত্র রাজ্যতন্ত্রের প্রতি ভক্তি সে যুরোপীয় জাতিদের মধ্যেই দেখা যায়। তখন সত্য ও জ্ঞান গুরু নামক এক জন মহুস্ত্রের আকার ধারণ করিয়া থাকিত। তখন আমরা রাজার জন্য মরিতাম, ব্যক্তিবিশেষের

অল্প প্রাণ দিতাম—কিন্তু যুরোপীয়েরা কেবলমাত্র একটা ভাবের অল্প একটা জ্ঞানের অল্প মরিতে পারে। তাহারা আফ্রিকার মরুভূমিতে, মেরুপ্রদেশের তুষারগর্ভে প্রাণ বিসর্জন করিয়া আসিতেছে। কাহার অল্প। কোনো মানুষের অল্প নহে। বৃহৎ ভাবের অল্প, জ্ঞানের অল্প, বিজ্ঞানের অল্প। অতএব দেখা যাইতেছে যুরোপ মানুষের ভক্তি অমুরাগ জ্ঞানে ও ভাবে বিস্তৃত হইতেছে সুতরাং ব্যক্তিবিশেষের ভাগে কিছু কিছু কম পড়িতেছে। সেই যুরোপীয় শিক্ষার প্রভাবে ব্যক্তিবিশেষের চারি দিক হইতে আমাদের শিকড়ের পাক প্রতিদিন যেন অল্পে অল্পে খুলিয়া আসিতেছে। এখন মতের অমুরোধে অনেকে পিতামাতাকে ত্যাগ করিতেছেন, এখন প্রত্যক্ষ বাস্তবিতাকে ছাড়িয়া অপ্রত্যক্ষ স্বদেশের প্রতি অনেকের প্রেম প্রসারিত হইতেছে, এবং স্বদূর উদ্দেশ্যের অল্প অনেকে জীবনযাপন করিতে অগ্রসর হইতেছেন। এরূপ ভাব যে সম্পূর্ণ স্ফূর্তি পাইয়াছে তাহা নহে, কিন্তু ভিতরে ভিতরে ইহার কাজ চলিতেছে, ইহার নানা লক্ষণ অল্পে অল্পে প্রকাশ পাইতেছে। ইহার ভালোমন্দ দুইই আছে। সে কথা সকল অবস্থা সম্বন্ধেই খাটে। তবে, যখন এই পরিবর্তন একেবারে ঘাড়ের উপর আসিয়া পড়িয়াছে, তখন ইহার মধ্যে যে ভালোটুকু আছে সেটা যদি খুঁজিয়া বাহির করিতে পারি, সেই ভালোটুকুর উপর যদি অমুরাগ বন্ধ করিতে পারি, তবে সেই ভালোটুকু শীঘ্র শীঘ্র স্ফূর্তি পাইয়া বাড়িয়া উঠিতে পারে, মন্দটা ম্লান হইয়া যায়। নহিলে, সকল জিনিসের যেমন দস্তুর আছে, মন্দটাই আগেভাগে খুব কষ্টকিত হইয়া সকলের চোখে পড়ে, ভালোটা অনেক বিলম্বে গা-বাড়া দিয়া উঠে।

আমার কথা তো আমি বলিলাম এখন তোমার কথা তুমি বলো। তুমি কালেজে পড় নাই বলিয়া কিছুমাত্র সংকোচ করিয়া না। কারণ তোমারও লেখাতে কালেজের বিলক্ষণ গন্ধ ছাড়ে। সেটা সময়ের প্রভাব। জ্ঞানে অর্ধভোজন হয় সেটা মিথ্যা কথা নয়। অতএব এখনকার সমাজে বসিয়া তুমি যে নিশ্বাস লইতেছ ও নশ্ব লইতেছ, তাহাতেই কালেজের অর্ধেক বিদ্যা তোমার নাকে সঁধোইতেছে। নাক বন্ধ করিতে পারিতেছ না, কেবল নাক তুলিয়াই আছ যেন পের্গাম-রসূনের ক্ষেতের মধ্যে বাস করিতেছ এবং তোমার নাতিরাই তাহার এক-একটি স্ট্রুপুট উৎপন্ন দ্রব্য। কিন্তু ইহা জানিয়া এ গন্ধ ধুইলে যাইবে না মাজিলে যাইবে না, নাতিগুলোকে একেবারে সমূলে উৎপাটন করিতে পার তো যায়। কিন্তু এ তো আর তোমার পাকা চুল নয়, এ রক্তবীজের বাড়।

সেবক

শ্রীনবীনকিশোর শর্মা:

৩

চিরঞ্জীববু

ভায়া, দাদামহাশয়ের সঙ্গে ঠাট্টাতামাশা করিতে পাও বলিয়া যে তাঁহাদিগকে ভক্তি করিতে হইবে না, এটা কোনো কাজের কথা নহে। দাদামহাশয়রা তোমাদের চেয়ে এত বেশি বড়ো যে তাঁহাদের সঙ্গে ঠাট্টা তামাশা করিলেও চলে। কেমনতরো জানো। যেমন ছোটো ছেলে বাপের গায়ে পা তুলিয়া দিলে তাহাতে মহাভারত অণ্ডক হয় না। কিন্তু তাহা হইতে এমন প্রমাণ হয় না যে, বাপের প্রতি সেই ছোটো ছেলের ভক্তি নাই, অর্থাৎ নির্ভয়ের ভাব নাই, অর্থাৎ সে সহজেই বাপকে আপনার চেয়ে বড়ো মনে করে না। তোমরা তেমনি আমাদের কাছে এত ছোটো যে আমরা নিরাপদে তোমাদের সহিত বেয়াদবি করিতে পারি, এবং অকাতরে তোমাদের বেয়াদবি সহিতে পারি। আর একটা কথা; সম্বানের শুভাশুভ সমস্তই পিতার উপর নির্ভর করিতেছে, এই জন্ত স্বভাবতই পিতার স্নেহের সহিত শাসন আছে এবং পুত্রের ভক্তির সহিত ভয় আছে—পদে পদে কঠোর কর্তব্যপথে সম্বানকে নিয়োগ করিবার জন্ত পিতার আদেশ করিতে হয় এবং পুত্রের তাহা পালন করিতে হয়, এই জন্ত পিতাপুত্রের মধ্যে আচরণের শৈথিল্য শোভা পায় না। এইরূপে পিতার উপরে কঠোর স্নেহের ভার দিয়া দাদামহাশয় কেবলমাত্র মধুর স্নেহ বিতরণ করেন এবং নাতি নির্ভয় ভক্তিভরে দাদামহাশয়ের সহিত আনন্দে হাস্যলাপ করিতে থাকে কিন্তু সে হাস্যলাপের মর্ষের মধ্যে যদি ভক্তি না থাকে তবে তাহা বেয়াদবির অধম। এত কথা তোমাকে বলা আবশ্যিক ছিল না, কিন্তু তোমার লেখার ভঙ্গি দেখিয়া তোমাকে কিঞ্চিৎ সাবধান করিয়া দিতে হয়।

বাস রে! আজকাল তোমরা এত কথাও কহিতে শিখিয়াছ! এখন একটা কথা কহিলে পাঁচটা কথা শুনিতে হয়। তাহার মধ্যে যদি সব কথা বুঝিতে পারিতাম তাহা হইলেও এতটা গায়ে লাগিত না। ভাবের মিল থাকিলেও অনেক সময়ে আমরা পরস্পরের ভাষা বুঝিতে পারি না বলিয়া বিস্তর মনাস্কর উপস্থিত হয়। আমি বুড়ামাছুব, তোমার সমস্ত কথা ঠিক বুঝিয়াছি কি না কে জানে, কিন্তু বেরূপ বুঝিলাম সেইরূপ উত্তর দিতেছি।

স্বকাল, পরকাল, এ এক নূতন কথা তুমি তুলিয়াছ। পরকালটা নূতন নয়—সম্মুখের একজোড়া দাঁত বিসর্জন দিয়া অবধি ঐ কালের কথাটাই ভাবিতেছি—কিন্তু স্বকাল আবার কী।

কালের কি কিছু স্থিরতা আছে না কি। আমরা কি ভাসিয়া যাইবার জন্ত আসিয়াছি যে কালস্রোতের উপর হাল ছাড়িয়া দিয়া বসিয়া থাকিব। মহৎ মহত্ত্বের

আদর্শ কি শ্রোতের মধ্যবর্তী শৈলের মতো কালকে অতিক্রম করিয়া বিরাজ করিতেছে না।

আমরা পরিবর্তনের মধ্যে থাকি বলিয়াই একটা স্থির লক্ষ্যের প্রতি বেশি দৃষ্টি রাখা আবশ্যিক। নহিলে কিছু ক্ষণ বাদে আর কিছুই ঠাহর হয় না—নহিলে আমরা পরিবর্তনের দাস হইয়া পড়ি, পরিবর্তনের খেলনা হইয়া পড়ি। তুমি ধেরূপ লিখিয়াছ তাহাতে তুমি পরিবর্তনকেই প্রভু বলিয়াছ, কালকেই কর্তা বলিয়া মানিয়াছ—অর্থাৎ ঘোড়াকেই সম্পূর্ণ স্বাধীনতা দিয়াছ এবং আরোহীকেই তাহার অধীন বলিয়া প্রচার করিতেছ। কালের প্রতি ভক্তি এইটেই তুমি সার কথা ধরিয়া লইয়াছ, কিন্তু মনুষ্যের প্রতি ধ্রুব আদর্শের প্রতি ভক্তি তাহা অপেক্ষাও শ্রেষ্ঠ।

মনুষ্যের প্রতি প্রেম, পিতার প্রতি ভক্তি, পুত্রের প্রতি স্নেহ—এ যে কেবল পরিবর্তনশীল ক্ষুদ্র কালবিশেষের ধর্ম, এ কথা কে বলিতে সাহস করে। এ ধর্ম সকল কালের উপরেই মাথা তুলিয়া আছে। “উনবিংশ শতাব্দীর” ধূলি উড়াইয়া ইহাকে চোখের আড়াল করিতে পার, তাই বলিয়া ফুঁয়ের জোরে ইহাকে একেবারে ধূলিসাৎ করিতে পার না।

যদি সত্যই এমন দেখিয়া থাক যে এখনকার কালে পিতা-মাতাকে কেহ ভক্তি করে না, অতিথিকে কেহ যত্ন করে না, প্রতিবেশীদিগকে কেহ সাহায্য করে না—তবে এখনকার কালের অন্ত শোক করো, কালের দোহাই দিয়া অধর্মকে ধর্ম বলিয়া প্রচার করিয়ো না।

অতীত ও ভবিষ্যতের দিকে চাহিয়া বর্তমানকে সংযত করিতে হয়। যদি ইচ্ছা কর তো চোখ বুজিয়া ছুটিবার স্বপ্ন অনুভব করিতে পার। কিন্তু অবিলম্বে ঘাড় ভাঙিবার স্বপ্নটাও টের পাইবে।

বর্তমানকাল ছুটিতেছে বলিয়াই শুধু অতীত কালের এত মূল্য। অতীত কালের প্রবল বেগ প্রচণ্ড গতি সংহত হইয়া যেন স্থির আকার ধারণ করিয়াছে। কালকে ঠাহর করিতে হইলে অতীতের দিকে চাহিতে হয়। অতীত বিলুপ্ত হইলে বর্তমান কালকে কেই বা চিনিতে পারে, কেই বা বিশ্বাস করে, তাহাকে সামলায় কাহার সাধ্য। কেননা, চিনিতে পারিলে জানিতে পারিলে তবে বশ করা যায়। যাহাকে জানি না সে আমাদের প্রভু হইয়া দাঁড়ায়। অতএব পরিবর্তনশীল কালকে ভয় করিয়া চলো, তাহাকে বশ করিতে চেষ্টা করো, তাহাকে নিতান্ত বিশ্বাস করিয়া আত্মসমর্পণ করিয়ো না।

যাহা থাকে না, চলিয়া যায়, মুহূর্ত্ত পরিবর্তিত হয়, তাহাকে আপনার বলিবে কী



করিয়া। একখণ্ড তুমিকে আপনার বলা যায়, কিন্তু জলের স্রোতকে আপনার বলিবে কে। তবে আবার স্বকাল তিনিসটা কী।

তুমি লিখিয়াছ আমাদের সকালে ব্যক্তির প্রতিই ভক্তি-প্রীতি প্রকৃতি বদ্ধ ছিল, ভাবের প্রতি ভক্তি-প্রীতি ছিল না। ব্যক্তির প্রতি ভক্তি-প্রীতি কিছু মন্দ নহে সে খুব ভালোই, সুতরাং আমাদের কালে যে সেটা খুব বলবান ছিল সে জন্ত আমরা লজ্জিত নহি। কিন্তু তাই বলিয়া যদি বল যে, ভাবের প্রতি আমাদের কালের লোকের ভক্তি-প্রীতি ছিল না তবে সে কথাটা আমাকে অস্বীকার করিতে হয়। আমাদের কালে ছুইই ছিল, এবং উভয়েই পরস্পর বনিবনাও করিয়া বাস করিত। একটা উদাহরণ দিই। আমাদের দেশে যে স্বামিপ্রীতি বা স্বামীভক্তি ছিল (এখনো হয়তো আছে) তাহা কী। তাহা কেবলমাত্র ব্যক্তিবিশেষের প্রতি প্রীতি বা ভক্তি নয়, তাহা ব্যক্তিবিশেষকে অতিক্রম করিয়া বর্তমান, তাহা স্বামী নামক ভাবগত অস্তিত্বের প্রতি ভক্তি। ব্যক্তিবিশেষ উপলক্ষ্য মাত্র, স্বামীই প্রধান লক্ষ্য। এইজন্য ব্যক্তির ভালোমন্দের উপর ভক্তির তারতম্য হইত না। সকল স্ত্রীর সকল স্বামীই সমান পূজ্য। যুরোপীয় স্ত্রীর ভক্তি-প্রীতি ব্যক্তির মধ্যেই বদ্ধ, ভাবে গিয়া পৌঁছায় না। এই জন্ত স্বামী নামক ব্যক্তিবিশেষের দোষণ অল্পসারে তাহার ভক্তি-প্রীতি নিয়মিত হয়। এই জন্তই সেখানে বিধবাবিবাহে দোষ নাই, কারণ সেখানকার স্ত্রীরা ভাবকে বিবাহ করে না, ব্যক্তিকেই বিবাহ করে, সুতরাং ব্যক্তিত্বের অবসানেই স্বামিত্বের অবসান হয়। আমাদের দেশের অধিকাংশ ব্যক্তিগত সম্পর্কই এইরূপ স্বগভীর ভাবের উপরে স্থায়ী।

কেবল ব্যক্তিগত সম্পর্ক কেন, অস্তান্ত বিষয় দেখো না। আমাদের ব্রাহ্মণেরা কি সমাজের হিতার্থ সমাজ ত্যাগ করেন নাই। রাজারা কি ধর্মের জন্ত বৃদ্ধ বয়সে রাজ্য ত্যাগ করেন নাই ( যুরোপের রাজারা তাড়া না খাইলে কখনো এমন কাজ করেন ? )। ঋষিরা কি জ্ঞানের জন্ত অমরতার জন্ত সংসারের সমস্ত সুখ ত্যাগ করেন নাই। পিতৃসত্য পালনের জন্ত রামচন্দ্র যৌবরাজ্য ত্যাগ, সত্যরক্ষার জন্ত হরিশচন্দ্র স্বর্গত্যাগ, পরহিতের জন্ত দধীচি দেহত্যাগ করেন নাই? কর্তব্য অর্থাৎ ভাবমাত্রের জন্ত আত্ম-ত্যাগ আমাদের দেশে ছিল না কে বলে। কুকুর বেরূপ অন্ধ আসক্তিতে মনিষের পশ্চাৎ পশ্চাৎ যায়, সীতা কি সেইভাবে রামের সঙ্গে সঙ্গে বনে গিয়াছিলেন, না মহৎ ভাবের পশ্চাতে মহৎ বেরূপ অকাতরে বিপদ ও মৃত্যুর মুখে ছুটিয়া যায় সীতা সেইরূপ ভাবে গিয়াছিলেন।

তবে কি ব্যক্তির প্রতি ও ভাবের প্রতি ভক্তি একই সময়ে থাকিতে পারে না। বর্তমানের প্রতি অন্ধ বিশ্বাস স্থাপন করিয়া “পারে না” বলিয়া এমন একটি রস

অবহেলার হারাইয়ো না। এই পর্বস্ত বলা যায় যে, কাহারও বা এক ভাবের প্রতি ভক্তি, কাহারও বা আর এক ভাবের প্রতি ভক্তি। কেহ বা লৌকিক স্বাধীনতার জন্য প্রাণ দিতে পারে, কেহ বা আত্মার স্বাধীনতার জন্য প্রাণ দিতে পারে।

এ সকল কথা তোমাদের বয়সে আমরা বুঝিতে পারিতাম না ইহা স্বীকার করিতে হয়—কিন্তু তোমরা অনেক কূটকচালে কথা বুঝিতে পার বলিয়াই এতখানি বকিলাম।

আশীর্বাদক

শ্রীযশোচরণ দেবশর্ষণ:

৪

শ্রীচরণেষু

দাদামশায়, তোমার চিঠি ক্রমেই হেঁয়ালি হইয়া উঠিতেছে। আমাদের চোখে এ চিঠি অত্যন্ত ঝাপসা ঠেকে। কোথায় রামচন্দ্র হরিশচন্দ্র দধীচি, অত দূরে আমাদের দৃষ্টি চলে না। তোমরাই তো বল আমাদের দূরদর্শিতা নাই—অতএব দূরের কথা দূর করিয়া নিকটের কথা তুলিলেই ভাল হয়।

আমরা যে মস্ত জাতি, আমাদের মতো এত বড়ো জাতি যে পৃথিবীর আর কোথাও মেলে না, তাহাতে আমাদের মনে আর কিছুমাত্র সংশয় নাই। বেদ বেদান্ত আগম নিগম পুরাণ হইতে ইহা অকাট্যরূপে প্রমাণ করিয়া দেওয়া যায়। আমাদের বেতুন ছিল, রেলগাড়ি ছিল, আমাদের স্টাইলোগ্রাফ পেন ছিল গণপতি তাহাতে মহাভারত লিখিয়াছিলেন, ডাকুইনের বহুপূর্বে আমাদের পূর্বপুরুষেরা তাঁহাদের পূর্বতর পুরুষদিগকে বানর বলিয়া স্বীকার করিয়াছেন, আধুনিক বিজ্ঞানের সমুদয় সিদ্ধান্তই শাণ্ডিল্য-ভৃগু-গৌতমের সম্পূর্ণ জানা ছিল, ইহা সমস্তই মানিলাম, কিন্তু তাই বলিয়াই যে আমরা আমাদের কৌলীজ লইয়া ক্ষীণ হইতে থাকিব, সেই স্বদূর কুটুস্থিতার মধ্যেই গুটি মারিয়া বসিয়া থাকিব, কাছাকাছির সহিত কোনো সম্পর্ক রাখিব না, এমন হইতে পারে না। বাল্যকালে এক দিন উত্তমরূপে গোলাও খাওয়া হইয়াছিল বলিয়া যে, অবশিষ্ট জীবন ভাতের প্রতি অবজ্ঞা প্রদর্শন করিতে হইবে এমন কোনো কথা নাই। আমাদের বৈদিক পৌরাণিক যুগ যে চলিয়া গেছে, এ বড়ো দুঃখের বিষয়, এখন সকাল সকাল এই দুঃখ সারিয়া লইয়া বর্তমান যুগের কাজ করিবার জন্য একটু সময় করিয়া লওয়া আবশ্যিক।

আমি যখন বলিরাছিলাম ভাবের প্রতি আমাদের দেশের লোকের নিষ্ঠা নাই, ব্যক্তির প্রতিই আসক্তি, তখন আমি রামচন্দ্র-হরিশ্চন্দ্র-দধীচির কথা মনেও করি নাই—কীটের মতো বেখানকার যত পুরাতত্ত্বানুসন্ধান আমার উৎসাহ নাই। আমি অপেক্ষাকৃত আধুনিকের কথাই বলিতেছি। তর্কবিতর্কের প্রবৃত্তি দূর করিয়া এক বার ভাবিয়া দেখো দেখি, মহৎ ভাবে উপন্যাসগত কুহেলিকা জ্ঞান না করিয়া মহৎ ভাবে সত্য মনে করিয়া, তাহাকে বিশ্বাস করিয়া তাহার দ্বন্দ্ব আমাদের দেশে কয় জন লোক আত্মসমর্পণ করে। কেবল দলাদলি, কেবল আমি আমি আমি এবং অমুক অমুক অমুক করিয়াই মরিতেছি। আমাকে এবং অমুককে অতিক্রম করিয়াও যে, দেশের কোনো কান্দ্র কোনো মহৎ অলুষ্ঠান বিরাজ করিতে পারে ইহা আমরা মনে করিতে পারি না। এইজন্য আপন আপন অভিমান লইয়াই আমরা থাকি। আমাকে বড়ো চৌকি দেয় নাই অতএব এ সভায় আমি থাকিব না, আমার পরামর্শ জিজ্ঞাসা করে নাই অতএব ও কাজে আমি হাত দিতে পারি না, সে সমাজের সেক্রেটারি অমুক অতএব সে সমাজে আমার থাকা শোভা পায় না—আমরা কেবল এই ভাবিয়াই মরি। সুপারিশের খাতির এড়াইতে পারি না, চক্ষুলা অতিক্রম করিতে পারি না। আমার একটা কথা অগ্রাহ্য হইলে সে অপমান সহ্য করিতে পারি না। দুর্ভিক্ষনিবারণের উদ্দেশ্যে কেহ যদি আমার সাহায্য লইতে আসে, আমি পাঁচ টাকা দিয়া মনে করি তাহাকেই ভিক্ষা দিলাম, তাহাকেই সবিশেষ বাধিত করিলাম, তাহার এবং তাহার উর্ধ্বতন চতুর্দশ-সংখ্যক পূর্বপুরুষের নিকট হইতে মনে মনে কৃতজ্ঞতা দাবি করিয়া থাকি। নহিলে মনের তৃপ্তি হয় না—কোনো ব্যক্তিবিশেষকে বাধিত করিলাম না—আমি রহিলাম কলিকাতার এক কোণে, বীরভূমের এক কোণে এক ব্যক্তি আমার টাকায় মাসখানেক ধরিয়া দুই মূঠা ভাত খাইয়া লইল—ভারি তো আমার গরজ। পরোপকারী বলিয়া নাম বাহির হয় কার। যে ব্যক্তি আশ্রিতদের উপকার করে। অর্থাৎ, এক জন আসিয়া কহিল, “মহাশয় আপনার হাত ঝাড়িলে পর্বত, আপনি ইচ্ছা করিলে অনায়াসে আমার একটা গতি করিতে পারেন—আমি আপনাদেরই আশ্রিত।” মহামহিম মহিমার্ণব অমনি অবহেলে গুড়গুড়ি হইতে ধূমাকর্ষণপূর্বক অকাতরে বলিলেন, “আচ্ছা।” বলিয়া পত্রযোগে এক জন বিশ্বাসপরায়ণ বান্ধবের ঘাড়ে সেই অকর্ষণ্য অপদার্থকে নিক্ষেপ করিলেন। আর এক জন হতভাগ্য অগ্রে তাঁহার কাছে না গিয়া পাঁচুবাবুর কাছে গিয়াছিল, এই অপরাধে তাহাকে কানা কড়ি সাহায্য করা চুলার যাক, বাক্যব্রণার তাহাকে নাকের জলে চোখের জলে করিয়া তবে ছাড়িয়া দিলেন। আপনার দুল উদরটুকু ধারণ করিয়া এবং উদরের চতুর্দিক স্বেচ্ছা-অস্বেচ্ছাগণকে

চক্রাকারে আকর্ষণ করিয়া লইয়া যে ব্যক্তি বিপুল শনিগ্রহের মতো বিরাজ করিতে থাকে আমাদের এখানে সে ব্যক্তি এক জন মহৎ লোক। উদারতার সীমা উদরের চারি পার্শ্বের মধ্যেই অবসিত। আমাদের মহৎ ব্যাপক দেশে ব্যাপক কালে স্থান পায় না। অভ কথায় কাজ কী, উদার মহৎকে আমরা কোনোমতে বিশ্বাস করিতে পারি না। যদি দেখি কোনো এক ব্যক্তি টাকাকড়ির দিকে খুব বেশি মনোযোগ না দিয়া খানিকটা করিয়া সময় দেশের কাজে ব্যয় করে, তবে তাহাকে বলি “হজুকে।” আমাদের ক্ষীণ ক্ষুদ্রত্বের নিকট বড়ো কাজ একটা হজুক বই আর কিছুই নয়। আমরা টাকাকড়ি ক্ষুধাতৃষ্ণা এ সকলের একটা অর্থ বুঝিতে পারি, ক্ষুদ্র প্রবৃত্তির বশে এবং সংকীর্ণ কর্তব্যজ্ঞানে কাজ করাকেই বুদ্ধিমান প্রকৃতিস্থ ব্যক্তির লক্ষণ বলিয়া জানি—কিন্তু মহৎ কার্যের উৎসাহে আত্মসমর্পণ করার কোনো অর্থই আমরা খুঁজিয়া পাই না। আমরা বলি, ও ব্যক্তি দল বাধিবার জন্ত বা নাম করিবার জন্ত বা কোনো একটা গোপনীয় উপায়ে অর্থ উপার্জন করিবার জন্ত এই কাজে প্রবৃত্ত হইয়াছে—স্পষ্ট করিয়া কিছু যদি না বলিতে পারি তো বলি, ওর একটা মতলব আছে। মতলব তো আছেই। কিন্তু মতলব মানে কি কেবলই নিজের উদর বা অহংকার তৃপ্তি, ইহা ব্যতীত আর দ্বিতীয় কোনো উচ্চতর মতলব আমরা কি কল্পনাও করিতে পারি না। এমনি আমাদের জাতির হৃদয়গত বন্ধমূল ক্ষুদ্রতা। কিন্তু এদিকে দেখো রামহরি বা কালাচাঁদের উপকারের জন্ত কেহ প্রাণপণ করিতেছে এরূপ নিঃস্বার্থ ভাব দেখিলে আমরা তাহার প্রশংসা করিয়াই থাকি, অথচ, মানবজাতির উপকারের জন্ত আপিস কামাই করা—এরূপ অশ্রদ্ধাভাজনক হস্তজনক প্রস্তাব আপিসকোটরবাসী ক্ষুদ্র বাঙালি-পেচকের নিকটে নিতান্ত রহস্য বলিয়া বোধ হয়। সামাজিক প্রবন্ধ দেখিলে বাঙালি পাঠকেরা ক্রমাগত ভ্রাণ করিয়া করিয়া সন্দান করিতে থাকে ইহা কোন্ ব্যক্তিবিশেষের বিরুদ্ধে লিখিত। সমাজের কোনো কুক্রটি বা কদাচারের বিরুদ্ধে কেহ যে রাগ করিতে পারে ইহা তেমন সম্ভব বোধ হয় না—এই উপলক্ষ্য করিয়া কোনো শত্রুর প্রতি আক্রমণ করা ইহাই একমাত্র যুক্তিসংগত, মনুষ্য-স্বভাব অর্থাৎ বাঙালি-স্বভাব-সংগত বলিয়া সকলের বোধ হয়। এই জন্ত অনেক বাংলা কাগজে ব্যক্তিবিশেষের কথা খুঁটিয়া খুঁটিয়া উৎসাহিত করা হয়—বাক্যে তাকে ধরিয়া তাহার উকুন বাছিয়া বা উকুন বাছিবাব ভান করিয়া বাঙালি দর্শক-সাধারণের পরম আয়োদ উৎপাদন করা হয়।

এই সকল দেখিয়া শুনিয়াই তো বলিয়াছিলাম আমরা ব্যক্তির জন্ত আত্মবিসর্জন করিতেও পারি, কিন্তু মহৎ ভাবের জন্ত সিকি পয়সাও দিতে পারি না। আমরা কেবল

ঘরে বসিয়া বড়ো কথা লইয়া হাসিতামাশা করিতে পারি, বড়ো লোককে লইয়া বিজ্ঞপ করিতে পারি, তার পরে ছুড়ছুড় করিয়া খানিকটা তামাক টানিয়া তাস খেলিতে বসি। আমাদের কী হবে তাই ভাবি। অথচ ঘরে বসিয়া আমাদের অহংকার অভিমান খুব মোটা হইতেছে। আমরা ঠিক দিয়া রাখিয়াছি আমরা সমুদয় সভ্য জাতির সমকক্ষ। আমরা না পড়িয়া পণ্ডিত, আমরা না লড়িয়া বীর, আমরা ধা করিয়া সভ্য, আমরা ফাঁকি দিয়া পেট্রিয়ার্ট— আমাদের রসনার অদ্ভুত রাসায়নিক প্রভাবে জগতে যে তুমুল বিপ্লব উপস্থিত হইবে আমরা তাহারই জন্ম প্রতীক্ষা করিয়া আছি; সমস্ত জগৎও সেই দিকে সবিস্ময়ে নিরীক্ষণ করিয়া আছে। দাদামশায়, আর হরিশ্চন্দ্র-রামচন্দ্র-দধীচির কথা পাড়িয়া ফল কী বলো গনি। উহাতে আমাদের ফুটন্ত বাস্তিতার মুখে ফোড়ন দেওয়া হয় মাত্র—আর কী হয়।

আমরা কেবল আপনাকে একে ওকে তাকে এবং এটা ওটা সেটা লইয়া মহা ধুমধাম ছটফট বা খুঁতখুঁত করিয়া বেড়াইতেছি—প্রকৃত বীরত্ব, উদার মহুত্ব, মহত্বের প্রতি আকাঙ্ক্ষা, জীবনের গুরুতর কর্তব্য সাধনের জন্ম হৃদয়ের অনিবার্য আবেগ, কৃত্র বৈষয়িকতার অপেক্ষা সহস্র গুণ শ্রেষ্ঠ আধ্যাত্মিক উৎকর্ষ—এ-সকল আমাদের দেশে কেবল কথার কথা হইয়া রহিল—যার নিতান্ত কৃত্র বলিয়া জাতির হৃদয়ের মধ্যে ইহার প্রবেশ করিতে পারিল না, কেবল বাষ্পময় ভাষার প্রতিমাগুলি আমাদের সাহিত্যে কুস্ফটিকা রচনা করিতে লাগিল।

আমরা আশা করিয়া আছি ইংরেজি শিক্ষার প্রভাবে এ-সকল সংকীর্ণতা ক্রমে আমাদের মন হইতে দূর হইয়া যাইবে। এই শিক্ষার প্রতি বিরাগ জন্মাইয়া দিয়া ইহার অভ্যস্তরস্থিত ভালো জিনিসটুকু দেখিবার পথ রুদ্ধ করিয়া দেওয়া আমাদের পক্ষে মঙ্গলজনক বলিয়া বোধ হয় না।

সেবক

শ্রীনবীনকিশোর শর্মণঃ

৫

চিরঞ্জীবেষু

তোমার চিঠি পড়িয়া বড়ো খুশি হইলাম। বাস্তবিক, বাঙালিজাতি বেকুপ চালাকি করিতে শিখিয়াছে, তাহাতে তাহাদের কাছে কোনো গভীর বিষয় বলিতে বা কোনো প্রত্যাশার নাম করিতে মনের মধ্যে সংকোচ উপস্থিত হয়। আমাদের এক কালে গৌরবের দিন ছিল, আমাদের দেশে এক কালে খড়ো বড়ো বীর সকল জন্মিয়া-

ছিলেন—কিন্তু বাঙালির কাছে ইহার কোনো ফল হইল না। তাহারা কেবল ভীম-  
 দ্রোণ-ভীমাজূনকে পুরাতত্ত্বের কুলুঙ্গি হইতে পাড়িয়া ধূলা ঝাড়িয়া সভাস্থলে পুতুলনাচ  
 দেখায়। আসল কথা, ভীম প্রভৃতি বীরগণ আমাদের দেশে মরিয়া গিয়াছেন।  
 তাঁহারা যে বাতাসে ছিলেন, সে বাতাস এখন আর নাই। স্মৃতিতে বাঁচিতে হইলেও  
 তাহার খোরাক চাই। নাম মনে করিয়া রাখা তো স্মৃতি নহে, 'প্রাণ ধরিয়া রাখাই  
 স্মৃতি। কিন্তু প্রাণ জাগাইয়া রাখিতে হইলেই তাহার উপযোগী বাতাস চাই, তাহার  
 উপযোগী খাদ্য চাই। আমাদের হৃদয়ের তপ্ত রক্ত সেই স্মৃতির শিরার মধ্যে প্রবাহিত  
 হওয়া চাই। মনুষ্যত্বের মধ্যেই ভীম-দ্রোণ বাঁচিয়া আছেন। আমরা তো নকল মানুষ।  
 অনেকটা মানুষের মতো। ঠিক মানুষের মতো খাওয়াদাওয়া করি, চলিয়া ফিরিয়া  
 বেড়াই, হাই তুলি ও ঘুমোই—দেখিলে কে বলিবে যে মানুষ নই। কিন্তু ভিতরে  
 মনুষ্যত্ব নাই। যে জাতির মজ্জার মধ্যে মনুষ্যত্ব আছে, সে জাতির মহত্বকে কেহ  
 অবিশ্বাস করিতে পারে না, মহৎ আশাকে কেহ গাঁজাখুরি মনে করিতে পারে না, মহৎ  
 অমুষ্ঠানকে কেহ ছড়ুক বলিতে পারে না, সেখানে সংকল্প কার্য হইয়া উঠে, কার্য সিদ্ধিতে  
 পরিণত হয়; সেখানে জীবনের সমস্ত লক্ষণই প্রকাশ পায়। সে জাতিতে সৌন্দর্য  
 ফুলের মতো ফুটিয়া উঠে, বীরত্ব ফলের মতো পকতা প্রাপ্ত হয়। আমার বিশ্বাস,  
 আমরা যতই মহত্ব উপার্জন করিতে থাকিব, আমাদের হৃদয়ের বল যতই বাড়িয়া  
 উঠিবে, আমাদের দেশের বীরগণ ততই পুনর্জীবন লাভ করিবেন। পিতামহ ভীম  
 আমাদের মধ্যে বাঁচিয়া উঠিবেন। আমাদের সেই নূতন জীবনের মধ্যে আমাদের  
 দেশের প্রাচীন জীবন জীবন্ত হইয়া উঠিবে। নতুবা মৃত্যুর মধ্যে জীবনের উদয় হইবে  
 কী করিয়া। বিদ্যুৎপ্রয়োগে মৃতদেহ জীবিতের মতো কেবল অঙ্গভঙ্গি ও মুখভঙ্গি  
 করে মাত্র। আমাদের দেশে সেই বিচিত্র ভঙ্গিমার প্রাদুর্ভাব হইয়াছে। কিন্তু হার  
 হার, কে আমাদের গকে এমন করিয়া নাচাইতেছে। কেন আমরা তুলিয়া যাইতেছি  
 যে আমরা নিতান্ত অসহায়। আমাদের এত সব উন্নতির মূল কোথায়। এ সব  
 উন্নতি রাখিব কিসের উপরে। রক্ষা করিব কী উপায়ে। একটু নাড়া খাইলেই  
 দিনছয়ের স্বপ্নস্বপ্নের মতো সমস্তই যে কোথায় বিলীন হইয়া যাইবে। অন্ধকারের মধ্যে  
 বঙ্গদেশের উপরে ছায়াবাম্বির উজ্জল ছায়া পড়িয়াছে, তাহাকেই স্থায়ী উন্নতি মনে  
 করিয়া আমরা ইংরেজি ফেশানে করতালি দিতেছি। উন্নতির চাকচিক্য লাভ করিয়াছি  
 কিন্তু উন্নতিকে ধারণ করিবার, পোষণ করিবার ও রক্ষা করিবার বিপুল বল কই লাভ  
 করিতেছি। আমাদের হৃদয়ের মধ্যে চাহিয়া দেখো, সেখানে সেই জীর্ণতা, দুর্বলতা,  
 অসম্পূর্ণতা, ক্ষুদ্রতা, অসত্য, অভিমান, অবিশ্বাস, ভয়। সেখানে চপলতা, লঘুতা,

আলস্য, বিলাস, । দৃঢ়তা নাই, উত্তম নাই । কারণ সকলেই মনে করিতেছেন, সিদ্ধি হইয়াছে, সাধনার আবশ্যক নাই । কিন্তু যে-সিদ্ধি সাধনা ব্যতীত হইয়াছে তাহাকে কেহ বিশ্বাস করিবে না । তাহাকে তোমার বলিয়া মনে করিতেছ কিন্তু সে কখনোই তোমার নহে । আমরা উপার্জন করিতে পারি, কিন্তু লাভ করিতে পারি না । আমরা জগতের সমস্ত ত্রিনিসকে বত কণ না আমার মধ্যে ফেলিয়া আমার করিয়া লইতে পারি, তত কণ আমরা কিছুই পাই না । ঘাড়ের উপরে আসিয়া পড়িলেই তাহাকে পাওয়া যাবে না । আমাদের চক্কর স্নায়ু সূৰ্বকিরণকে আমাদের উপযোগী আলো-আকারে গড়িয়া লয়, তা না হইলে আমরা অন্ধ ; আমাদের অন্ধ চক্কর উপরে সহস্র সূৰ্বকিরণ পড়িলেও কোনো ফল নাই । আমাদের হৃদয়ের সেই স্নায়ু কোথায় । এ পক্ষাঘাতের আরোগ্য কিসে হইবে । আমরা সাধনা কেন করি না । সিদ্ধির জন্য আমাদের মাথাব্যথা নাই বলিয়া । সেই মাথাব্যথাটা গোড়ায় চাই ।

অর্থাৎ, বাতিকের আবশ্যক । আমাদের স্নেহাপ্রধান ধাত, আমাদের বাতিকটা আদবেই নাই । আমরা ভারি ভয়, ভারি বুদ্ধিমান, কোনো বিষয়ে পাগলামি নাই । আমরা পাশ করিব, রোজগার করিব, ও তামাক খাইব । আমরা এগোইব না, অহুসরণ করিব ; কাজ করিব না, পরামর্শ দিব ; দাঙ্গাহাঙ্গামাতে নাই, কিন্তু মকদ্দমা-মামলা ও দলাদলিতে আছি । অর্থাৎ হাঙ্গামের অপেক্ষা হজ্জতটা আমাদের কাছে যুক্তিসিদ্ধ বোধ হয় । লড়াইয়ের অপেক্ষা পলায়নেই পিতৃবশ রক্ষা হয় এইরূপ আমাদের বিশ্বাস । এইরূপ আত্যন্তিক স্নিগ্ধ ভাব ও মজ্জাগত স্নেহের প্রভাবে নিত্ৰাটা আমাদের কাছে পরম রমণীয় বলিয়া বোধ হয়, স্বপ্নটাকেই সত্যের আসনে বসাইয়া আমরা তৃপ্তি লাভ করি ।

অতএব স্পষ্ট দেখা যাইতেছে আমাদের প্রধান আবশ্যক বাতিক । সেদিন এক জন বৃদ্ধ বাতিকগ্রস্তের সহিত আমার দেখা হইয়াছিল । তিনি বায়ুভরে একেবারে কাত হইয়া পড়িয়াছেন—এমন কি অনেক সময়ে বায়ুর প্রকোপ তাঁহার আয়ুর প্রতি আক্রমণ করে । তাঁহার সহিত অনেক কণ আলোচনা করিয়া স্থির করিলাম, যে, “আর কিছু না, আমাদের দেশে একটি বাতিকবর্ধনী সভার আবশ্যক হইয়াছে ।” সভার উদ্দেশ্য আর কিছু নয়, কতকগুলো ডালোমাহুয়ের ছেলেকে খেপাইতে হইবে । বাস্তবিক, প্রকৃত খেপা ছেলেকে দেখিলে চক্কু জুড়াইয়া যায় ।

বায়ুর মাহাত্ম্য কে বর্ণনা করিতে পারে । যে-সকল জাত ঊনবিংশ শতাব্দীর পরে ঊনপঞ্চাশ বায়ু লাগাইয়া চলিয়াছেন, আমরা সাবধানীরা কবে তাহাদের নাগাল

পাইব। আমাদের যে অল্প একটু বায়ু আছে, সভার নিয়ম রচনা করিতে ও বক্তৃতা দিতেই তাহা নিঃশেষিত হইয়া যায়।

মহৎ আশা, মহৎ ভাব, মহৎ উদ্দেশ্যকে সাবধান বিষয়ী লোকেরা বাষ্পের স্তায় জ্ঞান করেন। কিন্তু এই বাষ্পের বলেই উন্নতির জাহাজ চলিতেছে, এই বাষ্পকে খাটাইতে হইবে, এই বায়ুকে পালে আটক করিতে হইবে। এমন তুমুল শক্তি আর কোথায় আছে। আমাদের দেশে এই বাষ্পের অভাব বায়ুর অভাব। আমরা উন্নতির পালে একটুখানি ফুঁ দিতেছি, ষতখানি গাল ফুলিতেছে ততখানি পাল ফুলিতেছে না।

বৃহৎ ভাবের নিকটে আত্মবিসর্জন করাকে যদি পাগলামি বলে তবে সেই পাগলামি এক কালে প্রচুর পরিমাণে আমাদের ছিল। ইহাই প্রকৃত বীরত্ব। কর্তব্যের অহুরোধে রাম যে রাজ্য ছাড়িয়া বনে গেলেন তাহাই বীরত্ব, এবং সীতা ও লক্ষণ যে তাঁহাকে অহুসরণ করিলেন, তাহাও বীরত্ব। ভারত যে রামকে ফিরাইয়া আনিতে গেলেন, তাহা বীরত্ব, এবং হনুমান যে প্রাণপণে রামের সেবা করিয়াছিলেন, তাহাও বীরত্ব। হিংসা অপেক্ষা ক্ষমাও যে অধিক বীরত্ব, গ্রহণের অপেক্ষা ত্যাগে অধিক বীরত্ব, এই কথাই আমাদের কাব্যে ও শাস্ত্রে বলিতেছে। পালোয়ানিকে আমাদের দেশে সর্বাপেক্ষা বড়ো জ্ঞান করিত না। এইজন্য বান্দীকির রাম রাবণকে পরাজিত করিয়াই ক্ষান্ত হন নাই, রাবণকে ক্ষমা করিয়াছেন। রাম রাবণকে দুই বার জয় করিয়াছেন। এক বার বাণ মারিয়া, এক বার ক্ষমা করিয়া। কবি বলেন, তদ্ব্যধো শেষের জয়ই শ্রেষ্ঠ। হোমরের একিলিস পরাজিত হেক্টরের বৃতদেহ ঘোড়ার লেজের বাধিয়া শহর প্রদক্ষিণ করিয়াছিলেন, রামে একিলিসে তুলনা করো। যুরোপীয় মহাকবি হইলে পাণ্ডবদের যুদ্ধক্ষেত্রেই মহাভারত শেষ করিতেন, কিন্তু আমাদের ব্যাস বলিলেন, রাজ্য গ্রহণ করায় শেষ নহে রাজ্য ত্যাগ করায় শেষ। যেখানে সব শেষ তাহাই আমাদের লক্ষ্য ছিল। কেবল তাহাই নহে, আমাদের কবির পুরস্কারেরও লোভ দেখান নাই। ইংরেজেরা যুটিলিটেরিয়ান কতকটা দোকানদার, তাই তাঁহাদের শাস্ত্রে পোয়েটিক্যাল জাষ্টিস নামক একটা শব্দ আছে, তাহার অর্থ দেনাপাওনা, সংকাজের দয়-দাম করা। আমাদের সীতা চিরছঃখিনী, রাম-লক্ষণের জীবন ছঃখে কষ্টে শেষ হইল। এত বড়ো অর্জুনের বীরত্ব কোথায় গেল, অবশেষে দস্থ্যদল আসিয়া তাঁহার নিকট হইতে যাদব-রমণীদের কাড়িয়া লইয়া গেল, তিনি গাণ্ডীব তুলিতে পারিলেন না। পঞ্চপাণ্ডবের সমস্ত জীবন দারিদ্র্যে ছঃখে শোকে অরণ্যে কাটিয়া গেল, শেষেই বা কী স্বখ পাইলেন। হরিশ্চন্দ্র যে এত কষ্ট পাইলেন, এত ত্যাগ করিলেন, অবশেষে কবি



ঊঁহার কাছ হইতে পুণোর শেষ পুরস্কার স্বর্গও কাড়িয়া লইলেন। ঊঁয় যে রাজপুত্র হইয়া সন্ন্যাসীর মতো জীবন কাটাইলেন, ঊঁহার সমস্ত জীবনে সুখ কোথায়। সমস্ত জীবন যিনি আত্মত্যাগের কঠিন শয্যায় শুইয়াছিলেন স্বভূত্য়কালে তিনি শরশয্যায় বিশ্বাস লাভ করিলেন।

এক কালে মহৎ ভাবের প্রতি আমাদের দেশের লোকের এত বিশ্বাস এত নিষ্ঠা ছিল। ঊঁহারা মহৎকেই মহৎের পরিণাম বলিয়া জানিতেন, ধর্মকেই ধর্মের পুরস্কার জান করিতেন।

আর আজকাল। আজকাল আমাদের এমনি হইয়াছে যে, কেয়ানিগিরি ছাড়া আর কিছুই উপরে আমাদের বিশ্বাস নাই—এমন কি বাণিজ্যকেও পাগলামি জান করি। দরখাস্তকে ভবসাগরের তরণী করিয়াছি, নাম সহি করিয়া আপনাকে বীর মনে করিয়া থাকি।

আজ তোমাতে আমাতে ভাব হইল ভাই। মহৎের একাল আর সেকাল কী। যাহা ভালো তাহাই আমাদের হৃদয় গ্রহণ করুক, যেখানে ভালো সেখানেই আমাদের হৃদয় অগ্রসর হউক। আমাদের লঘুতা, চপলতা, সংকীর্ণতা, দূরে থাক। অজ্ঞতা ও ক্ষুদ্রতা হইতে প্রশ্নত বাঙালিস্থলভ অভিমানে মোটা হইয়া চক্ষু রুদ্ধ করিয়া আপনাকে সকলের চেয়ে বড়ো মনে না করি ও মহৎ হইবার আগে দেশ-কাল-পাত্র-নির্বিশেষে মহৎের চরণের ধূলি লইতে পারি এমন বিনয় লাভ করি।

শুভাশীর্বাদক

শ্রীযতীচরণ দেবশর্মণঃ

৬

শ্রীচরণেশু

দাদামহাশয়, এবার কিছুদিন ভ্রমণে বাহির হইয়াছি। এই সুদূরবিস্তৃত মাঠ এই অশোকের ছায়ায় বসিয়া আমাদের সেই কলিকাতা শহরকে একটা মস্ত ইটের খাঁচা বলিয়া মনে হইতেছে। শতসহস্র মানুষকে একটা বড়ো খাঁচার পুরিয়া কে যেন হাটে হাটে বিক্রয় করিতে আনিয়াছে। স্বভাবের গীত ভুলিয়া সকলেই কিচিকিচি ও খোঁচাখুঁচি করিয়া মরিতেছে। আমি সেই খাঁচা ছাড়িয়া উড়িয়াছি, আমি হাটে বিকাইতে চাহি না।

গাছপালা নহিলে আমি তো বাঁচি না—আমি যোগো আনা 'ভেজিটেরিয়ান'।

আমি কায়মনে উদ্ভিদ সেবন করিয়া থাকি। ইটকাঠ চুনস্বরকি বৃত্ত্য-ভারের মতো আমার উপর চাপিয়া থাকে। হৃদয় পলে পলে মরিতে থাকে। বড়ো বড়ো ইমারত-গুলো তাহাদের শক্ত শক্ত কড়িবরগা মেলিয়া হাঁ করিয়া আমাকে গিলিয়া ফেলে। প্রকাণ্ড কলিকাতাটার কঠিন জঠরের মধ্যে আমি ঘেন একেবারে, হজম হইয়া যাই। কিন্তু এখানে এই গাছপালার মধ্যে প্রাণের হিলোল। হৃদয়ের মধ্যে যেখানে জীবনের সরোবর আছে, প্রকৃতির চারি দিক হইতে সেখানে জীবনের স্রোত আসিয়া মিশিতে থাকে।

বঙ্গদেশ এখান হইতে কত শত ক্রোশ দূরে। কিন্তু এখান হইতে বঙ্গভূমির এক নূতন মূর্তি দেখিতে পাইতেছি। যখন বঙ্গদেশের ভিতরে বাস করিতাম, তখন বঙ্গদেশের জন্ত বড়ো আশা হইত না। তখন মনে হইত বঙ্গদেশ গৌকে তেল গাছে কাঁঠালের দেশ। যত বড়ো না মুখ তত বড়ো কথাই দেশ। পেটে পিলে, কানে কলম ও মাথায় শামলার দেশ। মনে হইত এখানে বিচিশলাই দেখিতে দেখিতে তেরো হাত হইয়া কাঁকুড়কে অতিক্রম করিয়া উঠে। এখানে পাড়ার্গেয়ে ছেলেরা হাত-পা নাড়িয়া কেবল একটা প্রহসন অভিনয় করিতেছে, এবং মনে করিতেছে দর্শকেরা শুধু কেবল আড়ি করিয়া হাসিতেছে, হাসির কোনো বুদ্ধিসংগত কারণ নাই। কিন্তু আজি এই সহস্র ক্রোশ ব্যবধান হইতে বঙ্গভূমির মুখের চতুর্দিকে এক অপূর্ব জ্যোতির্মণ্ডল দেখিতে পাইতেছি। বঙ্গদেশ আজ মা হইয়া বসিয়াছেন, তাঁহার কোলে বঙ্গবাসী নামে এক সুন্দর শিশু—তিনি হিমালয়ের পদপ্রান্তে সাগরের উপকূলে তাঁহার শ্রামল কানন তাঁহার পরিপূর্ণ শস্ত্রক্ষেত্রের মধ্যে তাঁহার গঙ্গা-ব্রহ্মপুত্রের তীরে এই শিশুটি কোলে করিয়া লালন করিতেছেন। এই সন্তানের মুখের দিকে মাতা অবনত হইয়া চাহিয়া আছেন, ইহাকে দেখিয়া তাঁহার মুখে আশা ও আনন্দের আভা দীপ্তি পাইয়া উঠিয়াছে। সহস্র ক্রোশ অতিক্রম করিয়া আমি মায়ের মুখের সেই আশার আলোক দেখিতে পাইতেছি। আমি আশ্বাস পাইতেছি এ সন্তান মরিবে না। বঙ্গভূমি এই সন্তানটিকে মাহুঁষ করিয়া ইহাকে এক দিন পৃথিবীর কাছে উৎসর্গ করিতে পারিবেন। বঙ্গভূমির কোল হইতে আজ মাঝে মাঝে শিশুর হাসি শিশুর ক্রন্দন শুনিতেছি—বঙ্গভূমির সহস্র নিকুঞ্জ এত দিন নিস্তর ছিল, বঙ্গভবনে শিশুর কণ্ঠধ্বনি এত দিন শুনা যায় নাই, এত দিন এই ভাগীরথীর উভয় তীর কেবল শ্মশান বলিয়া মনে হইত। আজ বঙ্গভূমির আনন্দ-উৎসব ভারতবর্ষের চারি দিক হইতে শুনা যাইতেছে, ভারতবর্ষের পূর্বপ্রান্তে যে নব জাতির জন্ম-সংগীত গান হইতেছে, ভারতবর্ষের দক্ষিণ প্রান্ত পশ্চিমবার্টিগিরির সীমান্তদেশে বসিয়া আমি তাহা শুনিতে পাইতেছি। বঙ্গদেশের

মধ্যে থাকিয়া যাহা কেবলমাত্র অর্থহীন কোলাহল মনে হইত এখানে তাহার এক বৃহৎ অর্থ দেখিতে পাইতেছি। এই দূর হইতে বঙ্গদেশের কেবল বর্তমান নহে ভবিষ্যৎ, প্রত্যেক ঘটনাগুলি মাত্র নহে স্বদূর সম্ভাবনাগুলি পর্যন্ত দেখিতে পাইতেছি। তাই আমার হৃদয়ে এক অনির্বচনীয় আশার সঞ্চার হইতেছে।

মনের আবেগে কথাগুলো কিছু বড়ো হইয়া পড়িল। তোমার আবার বড়ো কথা নয় না। ছোটোকথা সম্বন্ধে তোমার কিঞ্চিৎ গোঁড়ামি আছে—সেটা ভালো নয়। যাই হ'ক তোমাকে বক্তৃতা দেওয়া আমার উদ্দেশ্য নয়। আসল কথা কী জান। এত দিন বঙ্গদেশ শহরতলিতে পড়িয়াছিল, এখন আমরা শহরতলি করিবার প্রস্তাব আসিয়াছে। ইহা আমি গোপনে সংবাদ পাইয়াছি। এখন আমরা মানবসমাজ নামক বৃহৎ মিউনিসিপ্যালিটির জন্ম ট্যাক্স দিবার অধিকারী হইয়াছি। আমরা পৃথিবীর রাজধানীকৃত হইবার চেষ্টা করিতেছি। আমরা রাজধানীকে কর দিব এবং রাজধানীর কর আদায় করিব।

মানুষের জন্ম কাজ না করিলে মানুষের মধ্যে গণ্য হওয়া যায় না। একদেশবাসীর মধ্যে যেখানে প্রত্যেকেই সকলের প্রতিনিধিস্বরূপ, সকলের দায় সকলেই নিজের স্বন্ধে গ্রহণ করে, সেখানেই প্রকৃতরূপে জাতির সৃষ্টি হইয়াছে বলিতে হইবে। আর যাহারা স্বজাতিকে অতিক্রম করিয়া মানব-সাধারণের জন্ম কাজ করেন তাঁহারা মানবজাতির মধ্যে গণ্য। আমরা স্বজাতি ও মানবজাতির জন্ম কাজ করিতে পারিব বলিয়া কি আশ্বাস জন্মিতেছে না। আমাদের মধ্যে এক বৃহৎ ভাবের বন্ধা আসিয়া প্রবেশ করিয়াছে, আমাদের রক্ত দ্বারা আসিয়া আঘাত করিতেছে, আমাদের সর্বসাধারণের সহিত একাকার করিয়া দিবার চেষ্টা করিতেছে। অনেকে বিলাপ করিতেছে, “সমস্ত ‘একাকার’ হইয়া গেল”—কিন্তু আমার মনে আজ এই বলিয়া আনন্দ হইতেছে যে, আজ সমস্ত ‘একাকার’ হইবারই উপক্রম হইয়াছে বটে। আমরা এখন বাঙালি হইব তখন এক বার ‘একাকার’ হইবে, আর বাঙালি এখন মানুষ হইবে তখন আরও ‘একাকার’ হইবে। বিপুল মানবশক্তি বাংলা সমাজের মধ্যে প্রবেশ করিয়া কাজ আরম্ভ করিয়াছে ইহা আমি দূর হইতে দেখিতে পাইতেছি। ইহার প্রভাব অতিক্রম করিতে কে পারে। এ আমাদের সংকীর্ণতা আমাদের আলস্ত ঘুচাইয়া তবে ছাড়িবে। আমাদের মধ্যে বৃহৎ প্রাণ সঞ্চার করিয়া সেই প্রাণ পৃথিবীর সহিত যোগ করিয়া দিবে। আমাদের দূত করিয়া পৃথিবীতে নূতন নূতন সংবাদ প্রেরণ করিবে। আমাদের দ্বারা তাহার কাজ করাইয়া লইয়া তবে নিস্তার। আমার মনে নিশ্চয় প্রতীতি হইতেছে, বাঙালিদের একটা কাজ আছে। আমরা নিতান্ত পৃথিবীর

অগ্রসর করিতে আসি নাই। আমাদের লক্ষ্য এক দিন দূর হইবে। ইহা আমরা হৃদয়ের ভিতর হইতে অচুভব করিতেছি।

আমাদের আশ্বাসের কারণও আছে। আমাদের বাঙালির মধ্য হইতেই তো চৈতন্য জন্মিয়াছিলেন। তিনি তো বিঘাকাঠার মধ্যেই বাস করিতেন না, তিনি তো সমস্ত মানবকে আপনার করিয়াছিলেন। তিনি বিস্তৃত মানবশ্রেণীকে বহুভূমিকে জ্যোতির্ময়ী করিয়া তুলিয়াছিলেন। তখন তো বাংলা পৃথিবীর এক প্রান্তভাগে ছিল, তখন তো সাম্য ভ্রাতৃত্ব প্রভৃতি কথাগুলোর সৃষ্টি হয় নাই; সকলেই আপন-আপন আঙ্গিক তর্পণ ও চণ্ডীমণ্ডপটি লইয়া ছিল—তখন এমন কথা কী করিয়া বাহির হইল—

“মার খেয়েছি না হয় আরও খাব,  
তাই বলে কি প্রেম দিব না? আর।”

এ কথা ব্যাপ্ত হইল কী করিয়া। সকলের মুখ দিয়া বাহির হইল কী করিয়া। আপন-আপন বাঁশবাগানের পার্শ্বস্থ ভদ্রাসনবাটীর মনসা-সিঙ্ঘের বেড়া ডিঙাইয়া পৃথিবীর মাঝখানে আসিতে কে আহ্বান করিল, এবং সে আহ্বানে সকলে সাড়া দিল কী করিয়া। এক দিন তো বাংলাদেশে ইহাও সম্ভব হইয়াছিল। এক জন বাঙালি আসিয়া এক দিন বাংলা দেশকে তো পথে বাহির করিয়াছিল। একজন বাঙালি তো এক দিন সমস্ত পৃথিবীকে পাগল করিবার জন্ত বড়বন্দ করিয়াছিল এবং বাঙালিরা সেই বড়বন্দে তো যোগ দিয়াছিল। বাংলার সে এক গৌরবের দিন। তখন বাংলা স্বাধীনই থাকুক আর অধীনই থাকুক, মুসলমান নবাবের হাতেই থাকুক আর স্বদেশীর রাজার হাতেই থাকুক, তাহার পক্ষে সে একই কথা। সে আপন তেজে আপনি তেজস্বী হইয়া উঠিয়াছিল।

আসল কথা বাংলায় সেই এক দিন সমস্ত একাকার হইবার জো হইয়াছিল। তাই কতকগুলো লোক খেপিয়া চৈতন্যকে কলসীর কানা ছুঁড়িয়া মারিয়াছিল। কিন্তু কিছুই করিতে পারিল না। কলসীর কানা ভাসিয়া গেল। দেখিতে দেখিতে এমনি একাকার হইল যে, জাতি রহিল না, কুল রহিল না, হিন্দু-মুসলমানেও প্রভেদ রহিল না। তখন তো আর্ষকুলভিলকেরা জাতিভেদ লইয়া তর্ক তুলে নাই। আমি তো বলি তর্ক করিলেই তর্ক উঠে। বৃহৎ ভাব যখন অগ্রসর হইতে থাকে তখন তর্কবিতর্ক খুঁটিনাটি সমস্তই অচিরে আপন-আপন গর্ভের মধ্যে হুড়হুড় করিয়া প্রবেশ করে। কারণ মরার বাড়া আর গাল নাই। বৃহৎ ভাব আসিয়া বলে, সৃষ্টি-অসৃষ্টির কথা হইতেছে না আমার জন্ত সকলকে মরিতে হইবে। লোকেও তাহার আদেশ গুনিয়া মরিতে বসে। মরিবার সময় খুঁটিনাটি লইয়া তর্ক করে কে বসে।

চৈতন্য যখন পথে বাহির হইলেন তখন বাংলা দেশের গানের সুর পৰ্বন্ত ফিরিয়া গেল। তখন এককণ্ঠবিহারী বৈঠকি সুরগুলো কোথায় ভাসিয়া গেল। তখন সহস্র হৃদয়ের তরঙ্গ-হিমোল সহস্র কণ্ঠ উচ্ছ্বসিত করিয়া নূতন সুরে আকাশে ব্যাপ্ত হইতে লাগিল। তখন রাগরাগিণী ঘর ছাড়িয়া পথে বাহির হইল, এক জনকে ছাড়িয়া সহস্র জনকে বরণ করিল। বিশ্বকে পাগল করিবার জন্য কীর্তন বলিয়া এক নূতন কীর্তন উঠিল। যেমন ভাব তেমনি তাহার কণ্ঠস্বর—অশ্রুজলে ভাসাইয়া সমস্ত একাকার করিবার জন্য ক্রন্দনধ্বনি। বিজন ককে বসিয়া বিনাইয়া বিনাইয়া একটিমাত্র বিরহিণীর বৈঠকি কায়া নয়, প্রেমে আকুল হইয়া নীলাকাশের তলে দাঁড়াইয়া সমস্ত বিশ্বজগতের ক্রন্দনধ্বনি।

তাই আশা হইতেছে, আর এক দিন হয়তো আমরা একই মন্ততায় পাগল হইয়া সহসা এক জাতি হইয়া উঠিতে পারিব। বৈঠকখানার আসবাব ছাড়িয়া সকলে মিলিয়া রাজপথে বাহির হইতে পারিব। বৈঠকি ক্রপদ খেয়াল ছাড়িয়া রাজপথী কীর্তন গাহিতে পারিব। মনে হইতেছে এখনি বঙ্গদেশের প্রাণের মধ্যে একটি বৃহৎ কথা প্রবেশ করিয়াছে, একটি আশ্বাসের গান ধ্বনিত হইতেছে, তাই সমস্ত দেশটা মাঝে মাঝে টলমল করিয়া উঠিতেছে। এ যখন জাগিয়া উঠিবে তখন আজিকার দিনের এই সকল সংবাদপত্রের মেকি সংগ্রাম, শতসহস্র ক্ষুদ্র ক্ষুদ্র তর্কবিতর্ক ঝগড়াঝাঁটি সমস্ত চূলায় ধাইবে, আজিকার দিনের বড়ো বড়ো ছোটোলোকদিগের নখে-আঁকা গণ্ডিগুলি কোথায় মিলাইয়া যাইবে। সেই আর এক দিন বাংলা একাকার হইবে।

প্রকৃত স্বাধীনতা ভাবের স্বাধীনতা। বৃহৎ ভাবের দাস হইলেই আমরা স্বাধীনতার প্রকৃত স্বথ ও গৌরব অমুভব করিতে পারি। তখন কেই বা রাজা কেই বা মন্ত্রী। তখন একটা উঁচু সিংহাসনমাত্র গড়িয়া আমাদের চেয়ে কেহ উঁচু হইতে পারে না। সেই গৌরব হৃদয়ের মধ্যে অমুভব করিতে পারিলেই আমাদের সহস্র বৎসরের অপমান দূর হইয়া যাইবে, আমরা সকল বিষয়ে স্বাধীন হইবার যোগ্য হইব।

আমাদের সাহিত্য যদি পৃথিবীর সাহিত্য হয়, আমাদের কথা যদি পৃথিবীর কাছে লাগে, এবং সে-সূত্রেও যদি বাংলার অধিবাসীরা পৃথিবীর অধিবাসী হইতে পারে— তাহা হইলেও আমাদের মধ্যে গৌরব জন্মিবে—হীনতা ধুলার মতো আমরা গা হইতে ছাড়িয়া ফেলিতে পারিব।

কেবলমাত্র বন্দুক ছুঁড়িতে পারিলেই যে আমরা বড়োলোক হইব তাহা নহে, পৃথিবীর কাজ করিতে পারিলে তবে আমরা বড়োলোক হইব। আমার তো আশা

হইতেছে আমাদের মধ্যে এমন সকল বড়োলোক জন্মিবেন যাহারা বহুদেশকে পৃথিবীর মানচিত্রের শামিল করিবেন ও এইরূপে পৃথিবীর সীমানা বাড়াইয়া দিবেন ।

তুমি নাকি বড়ো চিঠি পড় না তাই ভয় হইতেছে পাছে এই চিঠি ফেরত দিয়া ইহার সংক্ষেপে মর্ম লিখিয়া পাঠাইতে অস্বরোধ কর । কিন্তু তুমি পড় আর নাই পড় আমি লিখিয়া আনন্দলাভ করিলাম । এ যেন আমিই আমাকে চিঠি লিখিলাম, এবং পড়িয়া সম্পূর্ণ পরিতোষ প্রাপ্ত হইলাম ।

সেবক

শ্রীনবীনকিশোর শর্মণ:

৭

চিরঞ্জীবেষু

ভায়া, আমাদের সকালে পোস্টাফিসের বাহ্যিক ছিল না—জরুরি কাজের চিঠি ছাড়া অন্য কোনো প্রকার চিঠি হাতে আসিত না, এই জন্ত সংক্ষেপ চিঠি পড়াই আমাদের অভ্যাস । তা ছাড়া বৃড়ামাহুষ—প্রত্যেক জরুরি বানান করিয়া করিয়া পড়িতে হয় ; বড়ো চিঠি পড়িতে ডরাই—সে কথা মিথ্যা নয় । কিন্তু তোমার চিঠি পড়িয়া দীর্ঘ পত্র পড়ার দুঃখ আমার সমস্ত দূর হইল । তুমি যে জরুরি চিঠি লিখিয়াছ, তাহার সমালোচনা করিতে বসিতে আমার মন সরিতেছে না ; কিন্তু বৃড়ামাহুষের কাজই সমালোচনা করা । যৌবনের সহজ চকুতে প্রকৃতির সৌন্দর্যগুলিই দেখিতে পাওয়া যায় কিন্তু চশমার ভিতর দিয়া কেবল অনেকগুলো খুঁত এবং খুঁটিনাটি চোখে পড়ে ।

বিদেশে গিয়া যে, বাঙালি জাতির উন্নতি-আশা তোমার মনে উজ্জ্বলিত হইয়াছে, তাহার গুটিকতক কারণ আছে । প্রধান কারণ—এখানে তোমার অজীর্ণ রোগ ছিল, সেখানে তোমার খাণ্ড জীর্ণ হইতেছে এবং সেই সঙ্গে ধরিয়া লইতেছ যে, বাঙালি জাতিরই পেটে অন্ন পরিপাক পাইতেছে—এরূপ অবস্থায় কাহার না আশার স্ফূর্তি হয় । কিন্তু আমি অন্নশূন্য পীড়ায় কাতর বাঙালিসন্তান—তোমার চিঠিটা আমার কাছে আগাগোড়াই কাহিনী বলিয়া ঠেকিতেছে । পেটে আহার জীর্ণ হওয়া এবং না-হওয়ার উপর পৃথিবীর কত সুখদুঃখ মঙ্গল-অমঙ্গল নির্ভর করে তাহা কেহ ভাবিয়া দেখে না । পত্রবহনের উপর যে-উন্নতির ভিত্তি স্থাপিত হয় নাই সে-উন্নতি কত দিন টিকিতে পারে । জঠরানলের প্রথম প্রভাবেই মহুস্তম্ভাতিকে অগ্রসর করিয়া দেয় । যে জাতির

কৃথা কম, সে জাতি থাকিলেও হয় গেলেও হয় ; তাহার দ্বারা কোনো কাজ হইবে না। যে জাতি আহাৰ করে অথচ হজম করে না, সে-জাতি কখনোই সন্দতি প্রাপ্ত হইতে পারে না।

বাঙালি জাতির অন্নরোগ হইল বলিয়া কেরানিগিরি ছাড়িতে পারিল না। তাহার সাহস হয় না, আশা হয় না, উদ্ভম হয় না। এজন্য বেচারাকে দোষ দেওয়া যায় না, আমাদের শরীর অপটু, বুদ্ধি অপরিপক, উন্নয়ন ততোধিক। অতএব সমাজ সংস্কারের দ্বারা পাকযন্ত্র সংস্কারও আমাদের আবশ্যিক হইয়াছে।

আনন্দ না থাকিলে উন্নতি হইবে কী করিয়া। আশা উৎসাহ সঞ্চয় করিব কোথা হইতে। অকৃতকার্যকে সিদ্ধির পথে বার বার অগ্রসর করিয়া দিবে কে। আমাদের এই নিরানন্দের দেশে উঠিতে ইচ্ছা করে না, কাজ করিতে ইচ্ছা করে না, একবার পড়িয়া গেলেই মেরুদণ্ড ভাঙিয়া যায়। প্রাণ না দিলে কোনো কাজ হয় না—কিন্তু প্রাণ দিব কিসের পরিবর্তে। আমাদের প্রাণ কাড়িয়া লইবে কে। আনন্দ নাই, আনন্দ নাই—দেশে আনন্দ নাই, জাতির হৃদয়ে আনন্দ নাই। কেমন করিয়া থাকিবে। আমাদের এই বন্নারু কৃত্র শীর্ণ দেহ, অন্নশূলে বিদ্ধ, ম্যালেরিয়ায় জীর্ণ, রোগের অবধি নাই—বিশ্বব্যাপিনী আনন্দ-স্বধার অনন্ত প্রস্রবণধারা আমরা যথেষ্ট পরিমাণে ধারণ করিয়া রাখিতে পারি না—এই জন্ত নিদ্রা আর ভাঙে না, এক বার শ্রান্ত হইয়া পড়িলে শ্রান্তি আর দূর হয় না, এক বার কার্য ভাঙিয়া গেলে কার্য আর গঠিত হয় না, এক বার অবসাদ উপস্থিত হইলে তাহা ক্রমাগতই ঘনীভূত হইতে থাকে।

অতএব কেবল মাতিয়া উঠিলেই হইবে না, সেই মস্ততা ধারণ করিয়া রাখিবার, সেই মস্ততা সমস্ত জাতির শিরার মধ্যে সঞ্চারিত করিয়া দিবার ক্রমতা সঞ্চয় করা চাই। একটি স্বাস্থ্য আনন্দের ভাব সমস্ত জাতির হৃদয়ে দৃঢ় বদ্ধমূল হওয়া চাই। এমন এক প্রবল উত্তেজনাশক্তি আমাদের জাতি-হৃদয়ের কেন্দ্রস্থলে অহরহ দণ্ডায়মান থাকে যাহার আনন্দ-উচ্ছ্বাসবেগে আমাদের জীবনের প্রবাহ সহস্র ধারায় জগতের সহস্র দিকে প্রবাহিত হইতে পারে। কোথায় বা সে শক্তি। কোথায় বা তাহার ঠাঁড়াইবার স্থান। সে শক্তির পদভারে আমাদের এই জীর্ণ দেহ বিদীর্ণ হইয়া ধূলিসাৎ হইয়া যায়।

আমি তো তাই ভাবিয়া রাখিয়াছি, যে-দেশের আবহাওয়ার বেশি মশা জন্মায় সেখানে বড়ো জাতি জন্মিতে পারে না। এই আমাদের জলা আমি জবল এই কোমল যুক্তিকার মধ্যে কর্ণাচুষ্ঠানতৎপর প্রবল সভ্যতার স্রোত আসিয়া আমাদের কাননবেষ্টিত প্রান্তর নিমৃত্ত কৃত্র কুটিরগুলি কেবল ভাঙিয়া দিতেছে মাত্র। আকাঙ্ক্ষা আনিয়া

দিতেছে কিন্তু উপায় নাই, কাজ বাড়াইয়া দিতেছে কিন্তু শরীর নাই, অসন্তোষ আনিয়া দিতেছে কিন্তু উত্তম নাই। আমাদের যে স্বস্তি ছিল তাহা ভাসাইয়া দিতেছে— তাহার পরিবর্তে যে স্বথের মরীচিকা রচনা করিতেছে তাহাও আমাদের হুপ্রাপ্য। কাজ করিয়া প্রকৃত সিদ্ধি নাই কেবল অহর্নিশি শ্রান্তিই সার। আমার মনে হয় তার চেয়ে আমরা ছিলাম ভালো—আমাদের সেই স্নিগ্ধ কাননচ্ছায়ায়, পল্লবের মর্ষর শব্দে, নদীর কলস্বরে, স্বথের কুটিরে স্নেহশীল পিতামাতা, পতিপ্রাণা স্ত্রী, স্বজনবৎসল পুত্রকন্যা, পরিবারপ্রতিম পরিচিত প্রতিবেশীদিগকে লইয়া যে নিরুপদ্রব নীড়টুকু রচনা করিয়াছিলাম, সে ছিলাম ভালো। যুরোপীয় বিরাট সভ্যতার পাষণ-উপকরণ-সকল আমরা কোথায় পাইব। কোথায় সে বিপুল বল, সে শ্রান্তিমোচন জলবায়ু, সে ধুরন্ধর প্রশস্ত ললাট। অবিশ্রাম কর্মস্থান, বাধাবিল্লের সহিত অবিশ্রাম যুদ্ধ, নূতন নূতন পথের অমুসন্ধানে অবিশ্রাম ধাবন, অসন্তোষানলে অবিশ্রাম দহন—সে আমাদের এই প্রথর রোদ্রতপ্ত আর্দ্রসিক্ত দেশে জীর্ণশীর্ণ দুর্বল দেহে পারিব কেন। কেবল আমাদের শ্রামল শীতল তৃণনিবাস পরিত্যাগ করিয়া আমরা পতঙ্গের মতো উগ্র সভ্যতানলে দগ্ধ হইয়া মরিব মাত্র।

বালকেরা শুনিবে এবং বৃদ্ধেরা বলিবে এই অল্প তোমাদের কাছে সংক্ষেপে চিঠি প্রত্যাশা করি কিন্তু নিজে বড়ো চিঠি লিখি। অর্বাচীনদের কথা ধৈর্য ধরিয়া বেশি কণ শুনিতে পারি না, কিন্তু নিজের কথা বলিয়া তৃপ্তি হয় না—অতএব “নিজে যেরূপ ব্যবহার প্রত্যাশা কর অন্তের প্রতি সেইরূপ আচরণ করিবে” বাইবেলের এই উপদেশ অমুসারে আমার সহিত কাজ করিও না—আগে হইতে সতর্ক করিয়া দিলাম।

আশীর্বাদক

শ্রীযশীচরণ দেবশর্মা

৮

শ্রীচরণেষু

তবে আর কী। তবে সমস্ত চুলায় থাক। বাংলাদেশ তাহার আম-কাঠালের বাগান এবং বাশঝাড়ের মধ্যে বসিয়া কেবল ঘরকরা করিতেই থাক। স্কুল উঠাইয়া দাও, সাপ্তাহিক এবং মাসিক সমুদয় কাগজপত্র বন্ধ করো, পৃথিবীর সকল বিষয় লইয়াই যে আন্দোলন-আলোচনা পড়িয়া গিয়াছে সেটা বলপূর্বক স্থগিত করো, ইংরেজি পড়া একেবারেই বন্ধ করো, বিজ্ঞান শিখিও না, যে সমস্ত মহাত্মা মানবজাতির অল্প আপনার জীবন উৎসর্গ করিয়াছেন তাহাদের ইতিহাস পড়িও না, পৃথিবীর যে সকল



মহৎ অল্পঠান বাহুরি স্তায় সহস্র শিরে মানবজাতিকে বিনাশ-বিশৃঙ্খলা হইতে রক্ষা করিয়া অটল উন্নতির পথে ধারণ করিয়া রাখিয়াছে তাহাদের সম্বন্ধে সম্পূর্ণ অজ্ঞ হইয়া থাকে। অর্থাৎ বাহাতে করিয়া হৃদয় জাগ্রত হয়, মনে উত্তমের সঞ্চার হয়, বিশ্বের সঙ্গে মিলিত হইয়া একত্র কাজ করিবার জন্ত অনিবার্য আবেগ উপস্থিত হয়—সে-সমস্ত হইতে দূরে থাকে। পড়িবার মধ্যে নূতন পত্রিকা পড়ো, কোন্ দিন বার্তাকু নিবেদন ও কোন্ দিন কুমাণ্ড বিধি তাহা লইয়া প্রতিদিন সমালোচনা করো। দালান, ডাবার্ক, নস্ত ও নিন্দা লইয়া এই রৌদ্রতাপদগ্ন নিদাঘ-মধ্যাহ্ন অতিবাহিত করো। সন্তানদের মাথার মধ্যে চাপকোর প্লোক প্রবেশ করাইয়া সেই মাথাগুলো ইহকাল ও পরকালের মতো উন্মত্ত পদার্থ করিয়া রাখো।

দাদামহাশয়, তুমি কি সত্যই বলিতেছ, আমরা এক শত বৎসর পূর্বে যেক্ষণ ছিলাম, অবিকল সেইরূপ থাকাই ভালো, আর কিছুমাত্র উন্নতি হইয়া কাজ নাই। জ্ঞান লাভ করিয়া কাজ নাই, পাছে প্রবল জ্ঞানগালমা জন্মিয়া আমাদের দুর্বল দেহকে জীর্ণ করিয়া ফেলে। লোকহিতপ্রবর্তক উপদেশ শুনিয়া কাজ নাই পাছে মানবহিতের জন্ত কঠোর ব্রত পালন করিতে গিয়া এই প্রথম রৌদ্রতাপে আমরা শুষ্ক হইয়া যাই। বড়োলোকের জীবনবৃত্তান্ত পড়িয়া কাজ নাই, পাছে এই মশকের দেশে জন্মগ্রহণ করিয়াও আমাদের দুর্বল হৃদয়ে বড়োলোক হইবার ছরাশা জাগ্রত হয়। তুমি পরামর্শ দিতেছ ঠাণ্ডা হও, ছায়ায় থাকো, গৃহের দ্বার রুদ্ধ করো, ডাবের জল খাও, নাসারন্ধ্রে তৈল দাও, এবং স্ত্রীপুত্রপরিবার ও প্রতিবেশীদিগকে লইয়া নিরুপদ্রবে সুখনিদ্রার আয়োজন করো।

কিন্তু এখন পরামর্শ দেওয়া বৃথা—সাবধান করা নিষ্ফল। বাপির ধ্বনি কানে আসিয়াছে, আমরা গৃহের বাহির হইব। যে বন্ধনে আমরা সমস্ত মানব জাতির সহিত যুক্ত, সেই বন্ধনে আজ টান পড়িয়াছে। বৃহৎ মানব আমাদের ডাকিতেছে, তাহার সেবা করিতে না পারিলে আমাদের জীবন নিষ্ফল। আমাদের পিতৃভক্তি, মাতৃভক্তি, সৌভ্রাত্য, বাৎসল্য, দাম্পত্য প্রেম সমস্ত সে চাহিতেছে, তাহাকে যদি বঞ্চিত করি তবে আমাদের সমস্ত প্রেম ব্যর্থ হয়, আমাদের হৃদয় অপরিপুষ্ট থাকে। যেমন বালিকা স্ত্রী বয়ঃপ্রাপ্ত হইয়া ক্রমে যতই স্বামিপ্রেমের মর্ম অবগত হইতে থাকে, ততই তাহার হৃদয়ের সমুদয় প্রবৃত্তি স্বামীর অভিমুখিনী হইতে থাকে, তখন শরীরের কষ্ট, জীবনের ভয় বা কোনো উপদেশই তাহাকে স্বামিসেবা হইতে কিরাইতে পারে না, তেমনি আমরা মানবপ্রেমের মর্ম অবগত হইতেছি এখন আমরা মানবসেবায় জীবন উৎসর্গ করিব, কোনো দাদামহাশয়ের কোনো উপদেশ তাহা হইতে আমাদের নিবৃত্ত

করিতে পারিবে না। মরণ হয় তো মরিব, কোনো উপায় নাই। কী স্থখেই বা বাঁচিয়া আছি।

আনন্দের কথা বলিতেছি। এই তো আনন্দ। এই নূতন জ্ঞান, এই নূতন প্রেম, এই নূতন জীবন—এই তো আনন্দ। আনন্দের লক্ষণ কি কিছু ব্যক্ত হইতেছে না, জাগরণের ভাব কি কিছু প্রকাশ পাইতেছে না। বঙ্গসমাজের গলায় একটা জোর আসিতেছে বলিয়া কি মনে হইতেছে না। তাই কি সমাজের সর্বাঙ্গ আবেগে চঞ্চল হইয়া উঠে নাই। আমাদের এ-দেশ নিরানন্দের দেশ, আমাদের এ-দেশে রোগ শোক তাপ আছে, রোগে শোকে নিরানন্দে জীর্ণ হইয়া মরিতে বসিয়াছি—সেই জন্তই আমরা আনন্দ চাই, জীবন চাই—সেই জন্তই বলিতেছি নূতন স্রোত আসিয়া আমাদের মূর্খ হৃদয়ের স্বাস্থ্য বিধান করুক—মরিতেই যদি হয় যেন আনন্দের প্রভাবেই মরিতে পারি।

আর, মরিব কেন। তুমি এমনি কি হিসাব জান যে, এক বারে ঠিক দিয়া রাখিয়াছ যে, আমরা মরিতেই বসিয়াছি। তোমার বুড়োমানুষের হিসাব অক্ষুণ্ণ মনুষ্যসমাজ চলে না। তুমি কি জান, মানুষ সহসা কোথা হইতে বল পায়, কোথা হইতে দৈবশক্তি লাভ করে। মনুষ্যসমাজ সাধারণত হিসাবে চলে বটে, কিন্তু এক-এক সময়ে সেখানে যেন ভেলকি লাগিয়া যায় তখন আর হিসাবে মেলে না। অল্প সময়ে ছুয়ে ছুয়ে চার হয় সহসা এক দিন ছুয়ে ছুয়ে পাঁচ হইয়া যায়, তখন বুড়োমানুষেরা চক্কু হইতে চশমা খুলিয়া অবাক হইয়া চাহিয়া থাকে। সহসা যখন নূতন ভাবের প্রবাহ উপস্থিত হইয়া জাতির হৃদয়ে আবর্ত রচনা করে তখনই সেই ভেলকি লাগিবার সময়—তখন যে কী হইতে কী হয় ঠাহর পাইবার জো নাই। অতএব আমবাগানে আমাদের সেই ক্ষুদ্র নীড়ের মধ্যে আর ফিরিব না।

হয় মরিব নয় বাঁচিব, এই কথাই ভালো। মরিবার ভয়ে বাঁচিয়া থাকিবার দরকার নাই। ক্রম্‌ওয়েল যখন প্রজাদলের দাসত্বরত্ন ছেদন করিতেছিলেন তখন তিনি মরিতেও পারিতেন, বাঁচিতেও পারিতেন, ওয়াশিংটন যখন নূতন জাতির স্বাভাব্যর ধ্বজা উঠাইয়াছিলেন তখন তিনি মরিতেও পারিতেন, বাঁচিতেও পারিতেন। পৃথিবীর সর্বত্রই এমন কেহ মরে কেহ বাঁচে—তাহাতে আপত্তি কী। নিরুদ্ভমই প্রকৃত স্বত্ব। আমরা হয় বাঁচিব না হয় মরিব—তাই বলিয়া কাজকর্ম ছাড়িয়া দিয়া দাদামহাশয়ের কোলের কাছে বসিয়া সমস্ত দিন উপকথা শুনিতে পারিব না। তোমার কি ভয় হয় পাছে তোমার বংশে বাতি দিবার কেহ না থাকে। জিজ্ঞাসা করি, এখনই বা কে বাতি দিতেছে। সমস্তই যে অন্ধকার।

বিদায় লইলাম দাদামশায়। আমাদের আর চিঠিপত্র চলিবে না। আমাদের কাজ করিবার বয়স। সংসারে কাজের বাধা যথেষ্ট আছে—পদে পদে বিঘ্নবিপত্তি, তাহার পরে বুড়োমানুষদের কাছ হইতে যদি নৈরাশ্র সঞ্চয় করিতে হয় তাহা হইলে যৌবন ফুরাইবার আগেই বৃদ্ধ হইতে হইবে। তাহা হইলে পঞ্চাশে পৌঁছিবার পূর্বেই অরণ্যাশ্রম গ্রহণ করিতে হইবে। সম্মুখে আমাকে আহ্বান করিতেছে, আমি তোমার দিকে ফিরিচ্চা চাহিব না। তুমি বলিতেছ পথের মধ্যে খানা আছে ডোবা আছে সেইখানে পড়িয়া তুমি ঘাড় ভাঙিয়া মরিবে, অতএব ঘরের দাওয়ার মাদুর পাতিয়া বসিয়া থাকাই ভালো—আমি তোমার কথায় বিশ্বাস করি না। আমি দুর্বল সত্য, কিন্তু তোমার উপদেশে আমি তো বল পাইতেছি না, আমার ব্রতপালনের পক্ষে আমি হীনবুদ্ধি বটে কিন্তু তোমার উপদেশে আমি তো বুদ্ধি পাইতেছি না, অতএব আমার যেটুকু বল যেটুকু বুদ্ধি আছে তাহাই সহায় করিয়া চলিলাম, মরিতে হয় তো চিরজীবন-সমুদ্রে ঝাঁপ দিয়া মরিব।

সেবক

শ্রীনবীনকিশোর শর্মা

৯

চিরজীবন

ভায়া, তোমার চিঠিতে কিঞ্চিৎ উদ্ভা প্রকাশ পাইতেছে। তাহাতে আমি দুঃখিত নই। তোমাদের রক্তের তেজ আছে; মাঝে মাঝে তোমরা যে গরম হইয়া উঠ, ইহা দেখিয়া আমাদের আনন্দ বোধ হয়। আমাদের মতো শীতল রক্ত যদি তোমাদের হইত তাহা হইলে পৃথিবীর কাজ চলিত কী করিয়া। তাহা হইলে কুমণ্ডলের সর্বত্র মেরুপ্রদেশে পরিণত হইত।

অনেক বুড়ো আছে বটে, তাহারা পৃথিবী হইতে যৌবনতাপ লোপ করিতে চায়, তাহাদের নিজ হৃদয়ের শৈত্য সর্বত্র সমভাবে ব্যাপ্ত হয় এই তাহাদের ইচ্ছা। যেখানে একটুমাত্র তাপ পাওয়া যায়, সেইখানেই তাহারা অত্যন্ত ঠাণ্ডা হুঁ দিয়া সমস্ত জুড়াইয়া হিম করিয়া দিতে চাহে। অর্থাৎ পৃথিবী হইতে কাঁচা চুল আগাগোড়া উৎপাটন করিয়া তাহার পরিবর্তে তাহারা পাকা চুল বুনানি করিতে চায়; তাহারা যে এক কালে যুবা ছিল তাহা সম্পূর্ণ বিস্মৃত হইয়া যায়, এই অশ্রু যৌবন তাহাদের নিকটে একেবারে হৃর্বোধ হইয়া পড়ে। যৌবনের গান শুনিয়া তাহারা কানে আঙুল দেয়, যৌবনের

কাজ দেখিয়া তাহারা মনে করে পৃথিবীতে কলিযুগের প্রাদুর্ভাব হইয়াছে। শ্রামল কিশলয়ের অসম্পূর্ণতা দেখিয়া ধূলিশায়ী জীর্ণ পত্র যেমন অত্যন্ত শুষ্ক পীত হস্ত হাসিতে থাকে, অপরিণত যৌবনের সরস শ্রামলতা দেখিয়া অনেক বৃদ্ধ তেমনি করিয়া হাসিয়া থাকে। এই জন্তই ছেলে-বুড়োর মাঝখানে এত দৃঢ় ব্যবধান পড়িয়া গিয়াছে।

আমার কি ভাই সাধ যে, কেবল কতকগুলো উপদেশের ঘোঁয়া দিয়া তোমাদের কাঁচা মাথা একদিনে পাকাইয়া তুলি। কাজ করিতে যদি পারিতাম তা হইলে কি আর সমালোচনা করিতে বসিতাম। তোমরা যুবা, তোমাদের কত সুখ আছে বলা দেখি; আমাদের উচ্চের সুখ নাই, কর্মাহুষ্ঠানের সুখ নাই, একমাত্র বকুনির সুখ আছে তাহাও সম্মুখের দৃষ্টিভাবে ভালোরূপে সমাধা হয় না, ইহাতেও তোমরা চটিলে চলিবে কেন।

কাজ নাই ভাই, আমার সংশয় আমার বিজ্ঞতা আমার কাছেই থাক, তোমরা নিঃসংশয়ে কাজ করো, নির্ভয়ে অগ্রসর হও। নূতন নূতন জ্ঞানের অনুসন্ধান করো, সত্যের জন্ত সংগ্রাম করো, জগতের কল্যাণের জন্ত জীবন উৎসর্গ করিয়া দীর্ঘজীবন লাভ করো। যে শ্রোতে পড়িয়াছ, এই শ্রোতকেই অবলম্বন করিয়া উন্নতি-তীর্থের দিকে ধাবমান হও, নিমগ্ন হইলে লঙ্কার কারণ নাই, উত্তীর্ণ হইতে পারিলে তোমাদের জন্মলাভ সার্থক হইবে, তোমাদের দুঃখিনী জন্মভূমি ধন্য হইবে।

আমি যে চিরজীবন কাটাইয়া অবশেষে ষাবার মুখে তোমাদের দুটো-একটা কথা বলিয়া যাইতেছি, তাহা শুনিলে যে তোমাদের উপকার হইবে না, এ-কথা আমার বিশ্বাস হয় না। তাহার সকল কথাই যে বেদবাক্য তাহা নহে, কিংবা তাহার সকল কথাই যে এখনকার দিনে খাটিবে তাহাও নহে, কিন্তু ইহা নিঃসংশয় যে, তাহাতে কিছু না কিছু সত্য আছেই, আমার এই সূদীর্ঘ জীবন কিছু সমস্ত ব্যর্থ, সমস্ত মিথ্যা নহে; এই সংশয়াক্ষর সংসারে আমার দীর্ঘ জীবন যে, সত্য পথ নির্দেশের কিছুমাত্র সহায়তা করিবে না তাহা আমার মন বলিতে চায় না। এই জন্ত, আমি কোনো দৃঢ় অনুশাসন প্রচার করিতে চাই না, আমি বলিতে চাই না আমার সমস্ত কথা আগাগোড়া পালন না করিলে তোমরা উৎসন্ন যাইবে, আমি কেবল এই বলিতে চাই আমার কথা মনোযোগ দিয়া শুন, একেবারে কানে আঙুল দিয়ো না, তার পরে বিচার করো, বিবেচনা করো, যাহা ভালো 'বোধ হয় তাহা গ্রহণ করো। সম্মুখের দিকে অগ্রসর হও কিন্তু পশ্চাতের সহিত বিবাদ করিয়ো না। এক প্রেমের স্ত্রে অতীত-বর্তমান ভবিষ্যৎকে বাধিয়া রাখো।

আমার তো ভাই ষাবার সময় হইয়াছে। "যাত্যেকত্যোহস্তশিখরং পতিরোবধীনামা-

বিষ্ণুভাষণপুরঃসর একতোহর্কঃ।” আমরা সেই অন্তর্গামী চন্দ্র, আমরা রজনীতে বঙ্গভূমির নিদ্রিতাবস্থায় বিরাজ করিতেছিলাম; তখন যে একটি সুগভীর শান্তি ও সুস্বিচ্ছ মাধুর্য ছিল তাহা অস্বীকার করিবার কথা নহে, কিন্তু তাই বলিয়া আজ এই যে কর্মকোলাহল আগাইয়া অরণোদয় হইতেছে, ইহাকে সাদর সম্ভাষণ না করিব কেন। কেন বলিব তীক্ষ্ণপ্রভ দিবসের প্রয়োজন নাই, রজনীর পরে রজনী কিরিয়া আসুক। এস অরণ, এস, তুমি আকাশ অধিকার করো, আমি নীরবে তোমাকে পথ ছাড়িয়া দিই। আমি তোমার দিকে চাহিয়া কীর্ণহাস্তে তোমাকে আশীর্বাদ করিয়া বিদায় গ্রহণ করি। আমার নিদ্রা, আমার শান্ত নীরবতা, আমার স্নিগ্ধ হিমসিক্ত রজনী আমার সঙ্গে সন্দেশেই অবসান হইয়া যাক, তোমারই সমুজ্জ্বল মহিমা জীবন বিতরণ করিয়া জলে স্থলে চরাচরে ব্যাপ্ত হইতে থাকুক।

আশীর্বাদক

শ্রীযশীচরণ দেবশর্মা:



পঞ্চভূত





## উৎসর্গ

মহারাজ শ্রীজগদীশনাথ রায় বাহাদুর  
স্বহৃদয়করকমলেষু



# পঞ্চভূত

## পরিচয়

রচনার স্ববিধার জন্য আমার পাঁচটি পারিপার্শ্বিককে পঞ্চভূত নাম দেওয়া যাক।  
কৃতি, অপ, তেজ, মরুং, ব্যোম।

একটা গড়া নাম দিতে গেলেই মানুষকে বদল করিতে হয়। তলোয়ারের যেমন  
খাপ, মানুষের তেমন নামটি ভাষায় পাওয়া অসম্ভব। বিশেষত ঠিক পাঁচ ভূতের  
সহিত পাঁচটা মানুষ মিলাইব কী করিয়া।

আমি ঠিক মিলাইতেও চাই না। আমি তো আদালতে উপস্থিত হইতেছি না।  
কেবল পাঠকের এতলাসে লেখকের একটা এই ধর্মশপথ আছে যে, সত্য বলিব।  
কিন্তু সে সত্য বানাইয়া বলিব।

এখন পঞ্চভূতের পরিচয় দিই।

শ্রীযুক্ত কৃতি আমাদের সকলের মধ্যে গুরুভার। তাঁহার অধিকাংশ বিষয়েই  
অচল অটল ধারণা। তিনি যাহাকে প্রত্যক্ষভাবে একটা দৃঢ় আকারের মধ্যে পান,  
এবং আবশ্যিক হইলে কাজে লাগাইতে পারেন, তাহাকেই সত্য বলিয়া জানেন।  
তাঁহার বাহিরেও যদি সত্য থাকে, সে-সত্যের প্রতি তাঁহার শ্রদ্ধা নাই, এবং সে-সত্যের  
সহিত তিনি কোনো সম্পর্ক রাখিতে চান না। তিনি বলেন, যে-সকল জ্ঞান অত্যা-  
বশ্যিক তাহারই ভার বহন করা যথেষ্ট কঠিন। বোঝা ক্রমেই ভারি এবং শিক্কা ক্রমেই  
দুঃসাধ্য হইয়া উঠিতেছে। প্রাচীনকালে যখন জ্ঞানবিজ্ঞান এত স্তরে স্তরে জমা হয়  
নাই, মানুষের নিত্য শিক্কা বিষয় যখন যৎসামান্য ছিল, তখন শৌখিন শিক্ষার অবসর  
ছিল। কিন্তু এখন আর তো সে অবসর নাই। ছোটো ছেলেকে কেবল বিচিত্র  
বেশবাস এবং অলংকারে আচ্ছন্ন করিলে কোনো কৃতি নাই, তাহার খাইয়া দাইয়া  
আর কোনো কর্ম নাই। কিন্তু তাই বলিয়া বয়ঃপ্রাপ্ত লোক, যাহাকে করিয়া-কর্মিয়া  
নড়িয়া-চড়িয়া, উঠিয়া-হাঁটিয়া কিরিতে হইবে, তাহাকে পায়ে নূপুর, হাতে কঙ্কণ,  
শিখার ময়ূরপুচ্ছ দিয়া সাজাইলে চলিবে কেন। তাহাকে কেবল মালকোঁচা এবং  
শিরস্ত্রাণ খাটিয়া ক্রতপদে অগ্রসর হইতে হইবে। এই কারণে সভ্যতা হইতে

প্রতিদিন অলংকার খসিয়া পড়িতেছে। উন্নতির অর্থই এই, ক্রমশ আবশ্যকের সঞ্চয় এবং অনাবশ্যকের পরিহার।

শ্রীমতী অপ্ ( ইহাকে আমরা শ্রোতস্থিনী বলিব ) কিত্তির এ তর্কের কোনো রীতিমতো উত্তর করিতে পারেন না। তিনি কেবল মধুর কাকলি ও সুন্দর ভঙ্গিতে ঘুরিয়া ফিরিয়া বলিতে থাকেন,—না, না, ও-কথা কখনোই সত্য না। ও আমার মনে লইতেছে না, ও কখনোই সম্পূর্ণ সত্য হইতে পারে না। কেবল বার বার “না না, নহে নহে।” তাহার সহিত আর কোনো যুক্তি নাই কেবল একটি তরল সংগীতের ধ্বনি, একটি অমুনয়-স্বর, একটি তরঙ্গনিন্দিত গ্রীবার আন্দোলন,—“না, না, নহে নহে।” আমি অনাবশ্যককে ভালোবাসি, অতএব অনাবশ্যকও আবশ্যক। অনাবশ্যক অনেক সময় আমাদের আর কোনো উপকার করে না, কেবলমাত্র আমাদের স্নেহ, আমাদের ভালোবাসা, আমাদের করুণা, আমাদের স্বার্থবিসর্জনের স্পৃহা উদ্ভেক করে, পৃথিবীতে সেই ভালোবাসার আবশ্যকতা কি নাই। শ্রীমতী শ্রোতস্থিনীর এই অমুনয়প্রবাহে শ্রীযুক্ত কিত্তি প্রায় গলিয়া যান, কিন্তু কোনো যুক্তির দ্বারা তাঁহাকে পরাস্ত করিবার সাধ্য কী।

শ্রীমতী তেজ ( ইহাকে দীপ্তি নাম দেওয়া গেল ) একেবারে নিছাবিত অসিলতার মতো ঝিকমিক করিয়া উঠেন এবং শাণিত সুন্দর স্বরে কিত্তিকে বলেন,—ইস। তোমরা মনে কর পৃথিবীতে কাজ তোমরা কেবল একলাই কর। তোমাদের কাছে যাহা আবশ্যক নয় বলিয়া ছাঁটিয়া ফেলিতে চাও, আমাদের কাছে তাহা আবশ্যক হইতে পারে। তোমাদের আচার-ব্যবহার, কথাবার্তা, বিশ্বাস, শিক্ষা এবং শরীর হইতে অলংকারমাত্রই তোমরা ফেলিয়া দিতে দাও, কেননা, সভ্যতার ঠেলাঠেলিতে স্থান এবং সময়ের বড়ো অনটন হইয়াছে। কিন্তু আমাদের যাহা চিরস্থান কাজ, ঐ অলংকারগুলো ফেলিয়া দিলে তাহা একপ্রকার বন্ধ হইয়া যায়। আমাদের কত টুকিটাকি, কত ইটি-উটি, কত মিষ্টতা, কত শিষ্টতা, কত কথা, কত কাহিনী, কত ভাব, কত ভঙ্গি, কত অবসর সঞ্চয় করিয়া তবে এই পৃথিবীর গৃহকার্য চালাইতে হয়। আমরা মিষ্ট করিয়া হাসি, বিনয় করিয়া বলি, লজ্জা করিয়া কাজ করি, দীর্ঘকাল বস্তু করিয়া যেখানে যেটি পরিলে শোভা পায় সেটি পরি, এই জন্তই তোমাদের মাতার কাজ, তোমাদের স্ত্রীর কাজ এত সহজে করিতে পারি। যদি সত্যই সভ্যতার তাড়ায় অত্যাবশ্যক জ্ঞানবিজ্ঞান ছাড়া আর সমস্তই দূর হইয়া যায়, তবে এক বার দেখিবার ইচ্ছা আছে অনাথ শিশুসন্তানের এবং পুরুষের মতো এত বড়ো অসহায় এবং নির্বোধ জাতির কী দশাটা হয়।

শ্রীযুক্ত বাবু ( ইহাকে সমীর বলা যাক ) প্রথমটা এক বার হাসিয়া সমস্ত উড়াইয়া দিলেন। তিনি বলিলেন,—কিত্তির কথা ছাড়িয়া দাও ; একটুখানি পিছন হটিয়া, পাশ ফিরিয়া, নড়িয়া-চড়িয়া একটা সত্যকে নানা দিক দিয়া পৰ্ববেক্ষণ করিতে গেলেই উহার চলৎশক্তিহীন মানসিক রাশ্মে এমনি একটা ভূমিকম্প উপস্থিত হয় যে, বেচারার বহুস্বপ্ননির্মিত পাকা মতগুলি কোনোটা বিদীর্ণ কোনোটা ভূমিসাৎ হইয়া যায়। কাজেই ও ব্যক্তি বলে, দেবতা হইতে কীট পৰ্বন্ত সকলে মাটি হইতে উৎপন্ন ; কারণ মাটির বাহিরে আর কিছু আছে স্বীকার করিতে গেলে আবার মাটি হইতে অনেকখানি নড়িতে হয়। উহাকে এই কথাটা বুঝানো আবশ্যিক যে, মানুষের সহিত জড়ের সম্বন্ধ লইয়াই সংসার নহে, মানুষের সহিত মানুষের সম্বন্ধটাই আসল সংসারের সম্বন্ধ। কাজেই বস্তুবিজ্ঞান যতই বেশি শেখ না কেন, তাহাতে করিয়া লোকব্যবহার শিক্ষার কোনো সাহায্য করে না। কিন্তু যেগুলি জীবনের অলংকার, যাহা কমনীয়তা, যাহা কাব্য, সেইগুলিই মানুষের মধ্যে ষথার্থ বন্ধন স্থাপন করে, পরম্পরের পথের কণ্টক দূর করে, পরম্পরের হৃদয়ের ক্ষত আরোগ্য করে, নয়নের দৃষ্টি খুলিয়া দেয়, এবং জীবনের প্রসার মর্ত্য হইতে স্বর্গ পর্যন্ত বিস্তারিত করে।

শ্রীযুক্ত ব্যোম কিয়ংকাল চক্ষু মুদ্রিয়া বলিলেন,—ঠিক মানুষের কথা যদি বল, যাহা অনাবশ্যক তাহাই তাহার পক্ষে সর্বাপেক্ষা আবশ্যিক। যে কোনো-কিছুতে স্ববিধা হয়, কাজ চলে, পেট ভরে, মানুষ তাহাকে প্রতিদিন ঘৃণা করে। এই জন্ত ভারতের ঋষিরা ক্রুধাতৃষ্ণা শীতগ্রীষ্ম একেবারেই উড়াইয়া দিয়া মনুষ্যত্বের স্বাধীনতা প্রচার করিয়াছিলেন। বাহিরের কোনোকিছুরই যে অবশ্যপ্রয়োজনীয়তা আছে ইহাই জীবাশ্মার পক্ষে অপমানজনক। সেই অত্যাশঙ্ককটাকেই যদি মানব-সভ্যতার সিংহাসনে রাজ্য করিয়া বসানো হয় এবং তাহার উপরে যদি আর কোনো সত্রাটকে স্বীকার না করা যায়, তবে সে সভ্যতাকে সর্বশ্রেষ্ঠ সভ্যতা বলা যায় না।

ব্যোম যাহা বলে তাহা কেহ মনোযোগ দিয়া শোনে না। পাছে তাহার মনে আঘাত লাগে এই আশঙ্কায় স্রোতস্থিনী যদিও তাহার কথা প্রণিধানের ভাবে শোনে, তবু মনে মনে তাহাকে বেচারী পাগল বলিয়া বিশেষ দয়া করিয়া থাকে। কিন্তু দীপ্তি তাহাকে সহিতে পারে না। অধীর হইয়া উঠিয়া মাঝখানে অস্ত্র কথা পাড়িতে চায় তাহার কথা ভালো বুঝিতে পারে না বলিয়া তাহার উপর দীপ্তির যেন একটা আন্তরিক বিষেব আছে।

কিন্তু ব্যোমের কথা আমি কখনো একেবারে উড়াইয়া দিই না। আমি তাহাকে বলিলাম,—ঋষিরা কঠোর সাধনায় যাহা নিজের নিজের জন্ত করিয়াছিলেন, বিজ্ঞান

তাহাই সর্বসাধারণের জন্ত করিয়া দিতে চায়। ক্ষুধাতৃষ্ণা শীতগ্রীষ্ম এবং মানুষের প্রতি জড়ের যে শতসহস্র অভ্যাস আছে, বিজ্ঞান তাহাই দূর করিতে চায়। জড়ের নিকট হইতে পলায়নপূর্বক তপোবনে মনুষ্যের মুক্তিসাধন না করিয়া জড়কেই ক্রীতদাস করিয়া ভূত্যাশালায় পুষ্টিয়া রাখিলে এবং মানুষকেই এই প্রকৃতির প্রাসাদে রাজ্যরূপে অভিষিক্ত করিলে আর তো মানুষের অবমাননা থাকে না। অতএব স্বাধিক্রমে জড়ের বন্ধন হইতে মুক্ত হইয়া স্বাধীন আধ্যাত্মিক সভ্যতায় উপনীত হইতে গেলে মাঝখানে একটা দীর্ঘ বৈজ্ঞানিক সাধনা অতিবাহন করা নিতান্ত আবশ্যিক।

ক্ষিত্তি যেমন তাঁর বিরোধী পক্ষের কোনো যুক্তি খণ্ডন করিতে বসে নিতান্ত বাহুল্য জ্ঞান করেন, আমাদের ব্যোমও তেমনি একটা কথা বলিয়া চূপ মাঝিয়া থাকেন, তাহার পর যে যাহা বলে তাঁহার গাঙ্গীর্ষ নষ্ট করিতে পারে না। আমার কথাও তাঁহাকে স্পর্শ করিতে পারিল না। ক্ষিত্তি যেখানে ছিল সেইখানেই অটল হইয়া রহিল এবং ব্যোমও আপনার প্রচুর গৌড়দাড়ি ও গাঙ্গীর্ষের মধ্যে সমাহিত হইয়া রহিলেন।

এই তো আমি এবং আমার পঞ্চভূত সম্প্রদায়। ইহার মধ্যে শ্রীমতী দীপ্তি এক দিন প্রাতঃকালে আমাকে কহিলেন,—তুমি তোমার ডায়ারি রাখ না কেন।

মেয়েদের মাথায় অনেকগুলি অঙ্ক সংস্কার থাকে, শ্রীমতী দীপ্তির মাথায় তন্মধ্যে এই একটি সংস্কার ছিল যে, আমি নিতান্ত যে-সে লোক নহি; বলা বাহুল্য এই সংস্কার দূর করিবার জন্ত আমি অত্যধিক প্রয়াস পাই নাই।

সমীর উদার চঞ্চল ভাবে আমার পৃষ্ঠে চপেটাঘাত করিয়া বলিলেন,—লেখো না হে। ক্ষিত্তি এবং ব্যোম চূপ করিয়া রহিলেন।

আমি বলিলাম,—ডায়ারি লিখিবার একটি মহদোষ আছে।

দীপ্তি অধীর হইয়া বলিয়া উঠিলেন,—তা থাক, তুমি লেখো।

শ্রোতবিনী মৃদুস্বরে কহিলেন,—কী দোষ, শুনি।

আমি কহিলাম—ডায়ারি একটা কৃত্রিম জীবন। কিন্তু যখন উহাকে রচিত করিয়া তোলা যায়, তখন ও আমাদের প্রকৃত জীবনের উপর কিয়ৎপরিমাণে আধিপত্য না করিয়া ছাড়ে না। একটা মানুষের মধ্যেই সহস্র ভাগ আছে, সব কটাকে সামলাইয়া সংসার চালানো এক বিষম আপদ, আবার বাহির হইতে বহুতে তাহার একটি কৃত্রিম জুড়ি বানাইয়া দেওয়া আপদ বৃদ্ধি করা মাত্র।

কোথাও কিছুই নাই, বোম বলিয়া উঠিলেন,—সেই জন্তই তো তত্ত্বজ্ঞানীরা সকল কর্মই নিষেধ করেন। কারণ, কর্মমাত্রই এক-একটি সৃষ্টি। যখন তুমি একটা কর্ম সৃজন করিলে তখন সে অমরত্ব লাভ করিয়া তোমার সহিত লাগিয়া রহিল। আমরা যতই ভাবিতেছি, ভোগ করিতেছি, ততই আপনাকে নানা-খানা করিয়া তুলিতেছি। অতএব বিশুদ্ধ আত্মাটিকে যদি চাও, তবে সমস্ত ভাবনা, সমস্ত সংস্কার, সমস্ত কাজ ছাড়িয়া দাও।

আমি বোমের কথার উত্তর না দিয়া কহিলাম,—আমি নিজেকে টুকরা টুকরা করিয়া ভাঙিতে চাহি না। ভিতরে একটা লোক প্রতিদিন সংসারের উপর নানা চিন্তা, নানা কাজ গাঁথিয়া গাঁথিয়া এক অনাবিহ্বত নিয়মে একটি জীবন গড়িয়া চলিয়াছে। সঙ্গে সঙ্গে ডায়ারি লিখিয়া গেলে তাহাকে ভাঙিয়া আর একটি লোক গড়িয়া আর একটি দ্বিতীয় জীবন খাড়া করা হয়।

কিন্তু হাসিয়া কহিল,—ডায়ারিকে কেন যে দ্বিতীয় জীবন বলিতেছ আমি তো এ পর্যন্ত বুঝিতে পারিলাম না।

আমি কহিলাম,—আমার কথা এই, জীবন এক দিকে একটা পথ আঁকিয়া চলিতেছে, তুমি যদি ঠিক তার পাশে কলমহস্তে তাহার অক্ষরপ আর একটা রেখা কাটিয়া যাও, তবে ক্রমে এমন অবস্থা আসিবার সম্ভাবনা, যখন বোঝা শক্ত হইয়া দাঁড়ায়, তোমার কলম তোমার জীবনের সমপাতে লাইন কাটিয়া যায়, না, তোমার জীবন তোমার কলমের লাইন ধরিয়া চলে। দুটি রেখার মধ্যে কে আসল কে নকল ক্রমে স্থির করা কঠিন হয়। জীবনের গতি স্বভাবতই রহস্যময়, তাহার মধ্যে অনেক আশ্চর্যওন, অনেক স্বতোবিরোধ, অনেক পূর্বাগরের অসামঞ্জস্য থাকে। কিন্তু লেখনী স্বভাবতই একটা সুনির্দিষ্ট পথ অবলম্বন করিতে চাহে। সে সমস্ত বিরোধের মীমাংসা করিয়া, সমস্ত অসামঞ্জস্য সমান করিয়া, কেবল একটা মোটা-মুটি রেখা টানিতে পারে। সে একটা ঘটনা দেখিলে তাহার বুদ্ধিসংগত সিদ্ধান্তে উপস্থিত না হইয়া থাকিতে পারে না। কাজেই তাহার রেখাটা সহজেই তাহার নিজের গড়া সিদ্ধান্তের দিকে অগ্রসর হইতে থাকে, এবং 'জীবনকেও তাহার সহিত মিলাইয়া আপনার অক্ষুবর্তী করিতে চাহে।

কথাটা ভালো করিয়া বুঝাইবার জন্ত আমার ব্যাকুলতা দেখিয়া স্রোতধিনী দমার্জচিন্তে কহিল,—বুঝিয়াছি তুমি কী বলিতে চাও। স্বভাবত আমাদের মহাপ্রাণী তাহার অভিপোপন নির্মাণশালায় বসিয়া এক অপূর্ব নিয়মে আমাদের জীবন গড়েন, কিন্তু ডায়ারি লিখিতে গেলে দুই ব্যক্তির উপর জীবন গড়িবার ভার

দেওয়া হয়। কতকটা জীবন অল্পসারে ডায়ারি হয়, কতকটা ডায়ারি অল্পসারে জীবন হয়।

শ্রোতৃবিনী এমনি সহিষ্ণুভাবে নীরবে সমনোষণে সকল কথা শুনিয়া যায় যে, মনে হয় যেন বহুযত্নে সে আমার কথাটা বুঝিবার চেষ্টা করিতেছে—কিন্তু হঠাৎ আবিষ্কার করা যায় যে, বহুপূর্বেই সে আমার কথাটা ঠিক বুঝিয়া লইয়াছে।

আমি কহিলাম,—সেই বটে।

দীপ্তি কহিল,—তাহাতে কতি কী।

আমি কহিলাম,—যে ভুক্তভোগী সেই জানে। যে লোক সাহিত্যব্যবসায়ী সে আমার কথা বুঝিবে। সাহিত্যব্যবসায়ীকে নিজের অন্তরের মধ্য হইতে নানা ভাব এবং নানা চরিত্র বাহির করিতে হয়। যেমন ভালো মালী ফরমাশ অল্পসারে নানারূপ সংঘটন এবং বিশেষরূপ চাষের দ্বারা একজাতীয় ফুল হইতে নানাপ্রকার ফুল বাহির করে, কোনোটার বা পাতা বড়ো, কোনোটার বা রঙ বিচিত্র, কোনোটার বা গন্ধ সুন্দর, কোনোটার বা ফল সুমিষ্ট, তেমনি সাহিত্যব্যবসায়ী আপনার একটি মন হইতে নানাবিধ ফলন বাহির করে। মনের স্বতন্ত্র স্বতন্ত্র ভাবের উপর কল্পনার উত্তাপ প্রয়োগ করিয়া তাহাদের প্রত্যেককে স্বতন্ত্র সম্পূর্ণ আকারে প্রকাশ করে। যে-সকল ভাব যে-সকল স্মৃতি, মনোবৃত্তির যে-সকল উচ্ছ্বাস সাধারণ লোকের মনে আপন আপন যথানির্দিষ্ট কাজ করিয়া যথাকালে ঝরিয়া পড়ে, অথবা রূপান্তরিত হইয়া যায়—সাহিত্যব্যবসায়ী সেগুলিকে ভিন্ন করিয়া লইয়া তাহাদিগকে স্থায়ীভাবে রূপবান করিয়া তোলে। যখন তাহাদিগকে ভালোরূপে মূর্তিমান করিয়া প্রকাশ করে, তখন তাহারা অমর হইয়া উঠে। এমনি করিয়া ক্রমশ সাহিত্যব্যবসায়ীর মনে এক দল স্ব স্ব-প্রধান লোকের পল্লী বসিয়া যায়। তাহার জীবনের একটা ঐক্য থাকে না। সে দেখিতে দেখিতে একেবারে শতধা হইয়া পড়ে। তাহার চিরজীবনপ্রাপ্ত ক্ষুধিত মনোভাবের দলগুলি বিশ্বজগতের সর্বত্র আপন হস্ত প্রসারণ করিতে থাকে। সকল বিষয়েই তাহাদের কোঁতুহল। বিশ্বরহস্ত তাহাদিগকে দশদিকে ভুলাইয়া লইয়া যায়। সৌন্দর্য তাহাদিগকে বাশি বাজাইয়া বেদনাপাশে বদ্ধ করে। দুঃখকেও তাহারা ক্রীড়ার সঙ্গী করে, যত্নকেও তাহারা পরখ করিয়া দেখিতে চায়। নবকোঁতুহলী শিশুদের মতো সকল জিনিসই তাহারা স্পর্শ করে, জ্ঞান করে, আনন্দন করে, কোনো শাসন মানিতে চাহে না। একটা দীপে একেবারে অনেকগুলো পলিতা জ্বলাইয়া দিয়া সমস্ত জীবনটা হুহু শব্দে দগ্ধ করিয়া ফেলা হয়। একটা প্রকৃতির মধ্যে এতগুলো জীবন্ত বিকাশ বিষম বিরোধ-বিশৃঙ্খলার কারণ হইয়া দাঁড়ায়।



শ্রোতবিনী ঈষৎ স্নানভাবে জিজ্ঞাসা করিলেন,—আপনাকে এইরূপ বিচিত্র স্বভাব ভাবে ব্যক্ত করিয়া তাহার কি কোনো সুখ নাই ?

আমি কহিলাম,—সৃজনের একটি বিপুল আনন্দ আছে। কিন্তু কোনো মানুষ তো সমস্ত সময় সৃজনে ব্যাপৃত থাকিতে পারে না—তাহার শক্তির সীমা আছে। এবং সংসারে লিপ্ত থাকিয়া তাহাকে জীবনযাত্রা নির্বাহ করিতেও হয়। এই জীবন-যাত্রায় তাহার বড়ো অসুবিধা। মনটির উপর অবিশ্রাম করানার তা দিয়া সে এমনি করিয়া তুলিয়াছে যে, তাহার গায়ে কিছুই সঘ না। সাত ফুটাওয়ালী বাঁশি বাস্তবত্বের হিসাবে ভালো, ফুংকারমাত্রে বাজিয়া ওঠে, কিন্তু ছিত্রহীন পাকা বাঁশের লাঠি সংসারপথের পক্ষে ভালো, তাহার উপর সম্পূর্ণ নির্ভর করা যায়।

সমীর কহিল,—চূর্তাগাক্রমে বংশধরের মতো মানুষের কার্যবিভাগ নাই—মানুষ-বাঁশিকে বাজিবার সময় বাঁশি হইতে হইবে, আবার পথ চলিবার সময় লাঠি না হইলে চলিবে না। কিন্তু ভাই, তোমাদের তো অবস্থা ভালো, তোমরা কেহ বা বাঁশি, কেহ বা লাঠি আর আমি যে কেবলমাত্র ফুংকার। আমার মধ্যে সংগীতের সমস্ত আভ্যন্তরিক উপকরণই আছে, কেবল যে-একটা বাহ্য আকারের মধ্য দিয়া তাহাকে বিশেষ রাগিণীরূপে ধ্বনিত করিয়া তোলা যায়, সেই যন্ত্রটা নাই।

দীপ্তি কহিলেন,—মানব-জন্মে আমাদের অনেক জিনিস অনর্থক লোকমান হইয়া যায়। কত চিন্তা, কত ভাব, কত ঘটনা প্রবল সুখদুঃখের ঢেউ তুলিয়া আমাকে প্রতিদিন নানারূপে বিচলিত করিয়া যায়, তাহাদিগকে যদি লেখায় বন্ধ করিয়া রাখিতে পারি তাহা হইলে মনে হয় যেন আমার জীবনের অনেকখানি হাতে রহিল। সুখই হউক, দুঃখই হউক, কাহারও প্রতি একেবারে সম্পূর্ণ দখল ছাড়িতে আমার মন চায় না।

ইহার উপরে আমার অনেক কথা বলিবার ছিল, কিন্তু দেখিলাম শ্রোতবিনী একটা কী বলিবার জন্ত ইতস্তত করিতেছে, এমন সময় যদি আমি আমার বক্তৃতা আরম্ভ করি তাহা হইলে সে তৎক্ষণাৎ নিজের কথাটা ছাড়িয়া দিবে। আমি চূপ করিয়া রহিলাম। কিয়ৎক্ষণ পরে সে বলিল,—কী জানি ভাই, আমার তো আরো ঐটেই সর্বাপেক্ষা আপত্তিজনক মনে হয়। প্রতিদিন আমরা যাহা অসুভব করি, তাহা প্রতিদিন লিপিবদ্ধ করিতে গেলে তাহার যথেষ্ট পরিমাণ থাকে না। আমাদের অনেক সুখদুঃখ, অনেক রাগদ্বेष অকস্মাৎ সামান্ত কারণে গুরুতর হইয়া দেখা দেয়। হয়তো অনেক দিন যাহা অনায়াসে সহ্য করিয়াছি এক দিন তাহা একেবারে অসহ্য হইয়াছে, যাহা আসলে অপরাধ নহে এক দিন তাহা আমার নিকটে অপরাধ বলিয়া প্রতিভাত হইয়াছে, তুচ্ছ কারণে হয়তো একদিনকার একটা দুঃখ আমার কাছে অনেক মহত্বের

ছুঃখের অপেক্ষা গুরুতর বলিয়া মনে হইয়াছে, কোনো কারণে আমার মন ভালো নাই বলিয়া আমরা অনেক সময় অশ্রুর প্রতি অন্তর বিচার করিয়াছি, তাহার মধ্যে বেটুকু অসত্য তাহা কালক্রমে আমাদের মন হইতে দূর হইয়া যায়—এইরূপে ক্রমশই জীবনের বাড়াবাড়িগুলি চুকিয়া গিয়া জীবনের মোটামুটিটুকু টিকিয়া যায়, সেইটেই আমার প্রকৃত আমারত্ব। তাহা ছাড়া আমাদের মনে অনেক কথা অর্ধক্ষুণ্ট আকারে আসে যায় মিলায়, তাহাদের সবগুলিকে অতিক্ষুণ্ট করিয়া তুলিলে মনের সৌকুমার্য নষ্ট হইয়া যায়। ভাষারি রাখিতে গেলে একটা কৃত্রিম উপায়ে আমরা জীবনের প্রত্যেক তুচ্ছতাকে বৃহৎ করিয়া তুলি, এবং অনেক কচি কথাকে জোর করিয়া ফুটাইতে গিয়া ছিঁড়িয়া অথবা বিকৃত করিয়া ফেলি।

সহসা স্রোতস্থিনীর চৈতন্ত হইল, কথাটা সে অনেক ক্ষণ ধরিয়া এবং কিছু আবেগের সহিত বলিয়াছে, অমনি তাহার কর্ণমূল আরক্তিম হইয়া উঠিল, মুখ ঈষৎ ফিরাইয়া কহিল,—কী জানি আমি ঠিক বলিতে পারি না—আমি ঠিক বুঝিয়াছি কি না কে জানে।

দীপ্তি কখনো কোনো বিষয়ে তিলমাত্র ইতস্তত করে না—সে একটা প্রবল উদ্ভর দিতে উদ্ভত হইয়াছে দেখিয়া আমি কহিলাম,—তুমি ঠিক বুঝিয়াছ। আমিও ঐ কথা বলিতে যাইতেছিলাম, কিন্তু অমন ভালো করিয়া বলিতে পারিতাম কি না সন্দেহ। শ্রীমতী দীপ্তির এই কথা মনে রাখা উচিত, বাড়িতে গেলে ছাড়িতে হয়। অর্জন করিতে গেলে ব্যয় করিতে হয়। জীবন হইতে প্রতিদিন অনেক তুলিয়া, অনেক ফেলিয়া, অনেক বিলাইয়া তবে আমরা অগ্রসর হইতে পারি। কী হইবে প্রত্যেক তুচ্ছ দ্রব্য মাথায় তুলিয়া, প্রত্যেক ছিন্নখণ্ড পুঁটুলিতে পুরিয়া, জীবনের প্রতিদিন প্রতি মুহূর্ত পশ্চাতে টানিয়া লইয়া। প্রত্যেক কথা, প্রত্যেক ভাব, প্রত্যেক ঘটনার উপর যে ব্যক্তি বুক দিয়া চাপিয়া পড়ে সে অতি হতভাগ্য।

দীপ্তি মৌখিক হাস্ত হাসিয়া করজোড়ে কহিল,—আমার ঘাট হইয়াছে তোমাকে ভাষারি লিখিতে বলিয়াছিলাম, এমন কাজ আর কখনো করিব না।

সমীর বিচলিত হইয়া কহিল,—অমন কথা বলিতে আছে! পৃথিবীতে অপরাধ স্বীকার করা মহাজন্ম। আমরা মনে করি দোষ স্বীকার করিলে বিচারক দোষ কম করিয়া দেখে, তাহা নহে; অন্য লোককে বিচার করিবার এবং শুৎসনা করিবার সুখ একটা দুর্লভ সুখ, তুমি নিজের দোষ নিজে যতই বাড়াইয়া বল না কেন, কঠিন বিচারক সেটাকে ততই চাপিয়া ধরিয়া সুখ পায়। আমি কোন্ পথ অবলম্বন করিব ভাবিতেছিলাম, এখন স্থির করিতেছি আমি ভাষারি লিখিব।

আমি কহিলাম,—আমিও প্রস্তুত আছি। কিছু আমার নিজের কথা লিখিব না। এমন কথা লিখিব বাহা আমাদের সকলের। এই আমরা যে-সব কথা প্রতিদিন আলোচনা করি—

শ্রোতবিনী কিঞ্চিৎ ভীত হইয়া উঠিল। সমীর করজোড়ে কহিল,—দোহাই তোমার, সব কথা যদি লেখায় ওঠে, তবে বাড়ি হইতে কথা মুখস্থ করিয়া আসিয়া বলিব এবং বলিতে বলিতে যদি হঠাৎ মাঝখানে ভুলিয়া যাই, তবে আবার বাড়ি গিয়া দেখিয়া আসিতে হইবে। তাহাতে ফল হইবে এই যে, কথা বিস্তর কমিবে এবং পরিশ্রম বিস্তর বাড়িবে। যদি খুব ঠিক সত্য কথা লেখ, তবে তোমার সঙ্গ হইতে নাম কাটাইয়া আমি চলিলাম।

আমি কহিলাম,—আরে না, সত্যের অহুরোধ পালন করিব না, বন্ধুর অহুরোধই রাখিব। তোমরা কিছু ভাবিয়ো না, আমি তোমাদের মুখে কথা বানাইয়া দিব।

কিন্তি বিশাল চক্ষু প্রসারিত করিয়া কহিল,—সে যে আরো ভয়ানক। আমি বেশ দেখিতেছি তোমার হাতে লেখনী পড়িলে যত সব কুযুক্তি আমার মুখে দিবে আর তাহার অকাট্য উত্তর নিজের মুখ দিয়া বাহির করিবে।

আমি কহিলাম,—মুখে যাহার কাছে তর্কে হারি, লিখিয়া তাহার প্রতিশোধ না নিলে চলে না। আমি আগে থাকিতেই বলিয়া রাখিতেছি, তোমার কাছে যত উপদ্রব এবং পরাভব সঙ্ঘ করিয়াছি এবারে তাহার প্রতিফল দিব।

সর্বসহিষ্ণু কিন্তি সন্তুষ্টচিত্তে কহিল,—তথাস্তু।

ব্যোম কোনো কথা না বলিয়া কণকালের অন্তর্দ্বৈত হাসিল, তাহার স্তম্ভীর অর্ধ আমি এ পর্যন্ত বুঝিতে পারি নাই।

## সৌন্দর্যের সম্বন্ধ

বর্ষার নদী ছাপিয়া খেতের মধ্যে জল প্রবেশ করিয়াছে। আমাদের বোট অর্ধমগ্ন ধানের উপর দিয়া সবু সবু শব্দ করিতে করিতে চলিয়াছে।

অদূরে উচ্চভূমিতে একটা প্রাচীরবেষ্টিত একতলা কোঠাবাড়ি এবং দুই-চারিটি টিনের ছাদবিশিষ্ট কুটির, কলা কাঠাল আম বাগবাড় এবং বৃহৎ বাধানো অশখগাছের মধ্য দিয়া দেখা যাইতেছে।

সেখান হইতে একটা সরু স্তরের সানাই এবং গোটাকতক ঢাকটোলের শব্দ শোনা গেল। সানাই অত্যন্ত বেহুঁরে একটা মেঠো রাগিণীর আরম্ভ-অংশ বারংবার ফিরিয়া ফিরিয়া নিহুরভাবে বাজাইতেছে এবং ঢাকটোলগুলো যেন অকস্মাৎ বিনা কারণে খেপিয়া উঠিয়া বায়ুরাজ্য লণ্ডণ্ড করিতে উত্তত হইয়াছে।

শ্রোতস্থিনী মনে করিল, নিকটে কোথাও বুঝি একটা বিবাহ আছে। একান্ত কৌতূহলভরে বাতায়ন হইতে মুখ বাহির করিয়া তরুসমাচ্ছন্ন তীরের দিকে উৎসুক দৃষ্টি চালনা করিল।

আমি ঘাটেবাধা নৌকার মাঝিকে জিজ্ঞাসা করিলাম,—কী রে, বাজনা কিসের? সে কহিল,—আজ জমিদারের পুণ্যাহ।

পুণ্যাহ বলিতে বিবাহ বুঝায় না শুনিয়া শ্রোতস্থিনী কিছু ক্ষণ হইল। সে ঐ তরুচ্ছায়ামন গ্রাম্য পথটার মধ্যে কোনো এক জায়গায় ময়ূরপংখিতে একটি চন্দন-চর্চিত অজ্ঞাতশাশ্র নব বর অথবা লজ্জামণ্ডিতা রক্তাঙ্করা নববধূকে দেখিবার প্রত্যাশা করিয়াছিল।

আমি কহিলাম,—পুণ্যাহ অর্থে জমিদারি বৎসরের আরম্ভ-দিন। আজ প্রজারা যাহার যেমন ইচ্ছা কিছু কিছু খাজনা লইয়া কাছারি-ঘরে টোপর-পরা বরবেশধারী নায়েবের সম্মুখে আনিয়া উপস্থিত করিবে। সে-টাকা সেদিন গণনা করিবার নিয়ম নাই। অর্থাৎ খাজনা দেনা-পাওনা যেন কেবলমাত্র খেচ্ছাকৃত একটা আনন্দের কাজ। ইহার মধ্যে এক দিকে নীচ লোভ অপর দিকে হীন ভয় নাই। প্রকৃতিতে তরুলতা যেমন আনন্দ-মহোৎসবে বসন্তকে পুষ্পাঞ্জলি দেয় এবং বসন্ত তাহা সক্রম-ইচ্ছায় গণনা করিয়া লয় না সেইরূপ ভাবটা আর কি।

দীপ্তি কহিল,—কাজটা তো খাজনা আদায়, তাহার মধ্যে আবার বাজনা-বাণ্ড কেন?

কিত্তি কহিল,—ছাগশিশুকে যখন বলিদান দিতে লইয়া যায় তখন কি তাহাকে মালা পরাইয়া বাজনা বাজায় না। আজ খাজনা-দেবীর নিকটে বলিদানের বাণ্ড বাজিতেছে।

আমি কহিলাম,—সে হিসাবে দেখিতে পার বটে, কিন্তু বলি যদি দিতেই হয় তবে নিতান্ত পণ্ডর মতো পণ্ডহত্যা না করিয়া উহার মধ্যে যতটা পারা যায় উচ্চভাব রাখাই ভালো।

কিত্তি কহিল,—আমি তো বলি বেটার বাহা সত্য ভাব তাহাই লক্ষ্য করা ভালো; অনেক সময়ে নীচ কাজের মধ্যে উচ্চ ভাব আরোপ করিয়া উচ্চ ভাবকে নীচ করা হয়।

আমি কহিলাম,—ভাবের সত্যমিথ্যা অনেকটা ভাবনার উপরে নির্ভর করে। আমি এক ভাবে এই বর্ষার পরিপূর্ণ নদীটিকে দেখিতেছি আর ঐ জেলে আর এক ভাবে দেখিতেছে, আমার ভাব যে এক চুল মিথ্যা এ কথা আমি স্বীকার করিতে পারি না।

সমীর কহিল,—অনেকের কাছে ভাবের সত্যমিথ্যা ওজনদরে পরিমাপ হয়। যেটা যে-পরিমাণে মোটা সেটা সেই পরিমাণে সত্য। সৌন্দর্যের অপেক্ষা ধূলি সত্য, স্নেহের অপেক্ষা স্বার্থ সত্য, প্রেমের অপেক্ষা ক্ষুধা সত্য।

আমি কহিলাম,—কিন্তু তবু চিরকাল মানুষ এই সমস্ত ওজনে-ভারি মোটা জিনিসকে একেবারে অস্বীকার করিতে চেষ্টা করিতেছে। ধূলিকে আবৃত করে স্বার্থকে লক্ষ্য দেয়, ক্ষুধাকে অন্তরালে নির্বাসিত করিয়া রাখে। মলিনতা পৃথিবীতে বহুকালের আদিম সৃষ্টি; ধূলি-জঞ্জালের অপেক্ষা প্রাচীন পদার্থ যেনাই কঠিন; তাই বলিয়া সেইটেই সব চেয়ে সত্য হইল, আর অন্তর-অন্তঃপুরের যে লক্ষ্মীরূপিনী গৃহিণী আসিয়া তাহাকে ক্রমাগত ধোঁত করিতে চেষ্টা করিতেছে তাহাকেই কি মিথ্যা বলিয়া উড়াইয়া দিতে হইবে ?

কিত্তি কহিল,—তোমরা ভাই এত ভয় পাইতেছ কেন। আমি তোমাদের সেই অন্তঃপুরের ভিত্তিতে ডাইনামাইট লাগাইতে আসি নাই। কিন্তু একটু ঠাণ্ডা হইয়া বলো দেখি, পুণ্যাহের দিন ঐ বেসুরো সানাইটা বাজাইয়া পৃথিবীর কী সংশোধন করা হয়। সংগীতকলা তো নহেই।

সমীর কহিল,—ও আর কিছুই নহে একটা স্বর ধরাইয়া দেওয়া। সংবৎসরের বিবিধ পদাঙ্কলন এবং চন্দ্রঃপতনের পর পুনর্বার সময় কাছে আসিয়া এক বার ধুরার আনিয়া ফেলা। সংসারের স্বার্থকোলাহলের মাঝে মাঝে একটা পঞ্চম স্বর সংযোগ করিয়া দিলে নিদেন কণকালের জন্য পৃথিবীর স্ত্রী কিরিয়া যায়, হঠাৎ হাটের মধ্যে গৃহের শোভা আসিয়া আবির্ভূত হয়, কেনাবেচার উপর ভালোবাসার স্নিগ্ধ দৃষ্টি চন্দ্রালোকের স্তায় নিপতিত হইয়া তাহার শুষ্ক কঠোরতা দূর করিয়া দেয়। বাহা হইয়া থাকে পৃথিবীতে তাহা চীৎকার-স্বরে হইতেছে, আর, বাহা হওয়া উচিত তাহা মাঝে মাঝে এক-এক দিন আসিয়া মাঝখানে বসিয়া সুকোমল সুন্দর স্বরে স্বর দিতেছে, এবং তখনকার মতো সমস্ত চীৎকারস্বর নরম হইয়া আসিয়া সেই স্বরের সহিত আপনাকে মিলাইয়া লইতেছে—পুণ্যাহ সেই সংগীতের দিন।

আমি কহিলাম,—উৎসবমাত্রই তাই। মানুষ প্রতিদিন যে-ভাবে কাজ করে এক-এক দিন তাহার উল্টা ভাবে আপনাকে সারিয়া লইতে চেষ্টা করে। প্রতিদিন

উপার্জন করে এক দিন খরচ করে, প্রতিদিন ষার রুচ করিয়া রাখে এক দিন ষার উন্মুক্ত করিয়া দেয়, প্রতিদিন গৃহের মধ্যে আমিই গৃহকর্তা, আর এক দিন আমি সকলের সেবার নিযুক্ত। সেই দিন শুভদিন, আনন্দের দিন, সেই দিনই উৎসব। সেই দিন সংবৎসরের আদর্শ। সেদিন ফুলের মালা, ফটিকের প্রদীপ, শোভন কুম্বল—এবং দূরে একটি বাঁশি বাজিয়া বলিতে থাকে, আজিকার এই সুরই বধার্ঘ সুর, আর সমস্তই বেহুঁরা। ষুঝিতে পারি, আমরা মাহুঁবে মাহুঁবে হৃদয়ে হৃদয়ে মিলিত হইয়া আনন্দ করিতে আসিয়াছিলাম কিন্তু প্রতিদিনের দৈন্তবশত তাহা পারিয়া উঠি না; যে-দিন পারি সেই দিনই প্রধান দিন।

সমীর কহিল,—সংসারে দৈন্তের শেষ নাই। সে-দিক হইতে দেখিতে গেলে মানব-জীবনটা অত্যন্ত শীর্ণ শূন্য শ্রীহীন রূপে চক্রে পড়ে। মানবাত্মা জিনিসটা যতই উচ্চ হউক না কেন দুই বেলা দুই মুষ্টি তণ্ডুল সংগ্রহ করিতেই হইবে, এক খণ্ড বস্ত্র না হইলে সে মাটিতে মিশাইয়া যায়। এদিকে আপনাকে অবিনাশী অনন্ত বলিয়া বিশ্বাস করে, ওদিকে যে-দিন নশ্তের ডিবাটা হারাইয়া যায় সেদিন আকাশ বিদীর্ণ করিয়া ফেলে। যেমন করিয়াই হ'ক, প্রতিদিন তাহাকে আহারবিহার কেনাবেচা দরদাম মারামারি ঠেলাঠেলি করিতেই হয়—সেজন্ত সে লজ্জিত। এই কারণে সে এই শুক ধূলিময় লোকাকীর্ণ হাটবাজারের ইতরতা ঢাকিবার জন্ত সর্বদা প্রয়াস পায়। আহারে বিহারে আদানে প্রদানে আত্মা আপনার সৌন্দর্যবিভা বিস্তার করিবার চেষ্টা করিতে থাকে। সে আপনার আবশ্যকের সহিত আপনার মহত্বের সুন্দর সামঞ্জস্য সাধন করিয়া লইতে চায়।

আমি কহিলাম,—তাহারই প্রমাণ এই পুণ্যাহের বাঁশি। এক জনের ভূমি, আর এক জন তাহারই মূল্য দিতেছে, এই শুক চুক্তির মধ্যে লজ্জিত মানবাত্মা একটি ভাবের সৌন্দর্য প্রয়োগ করিতে চাহে। উভয়ের মধ্যে একটি আত্মীয়-সম্পর্ক বাধিয়া দিতে ইচ্ছা করে। বুঝাইতে চাহে ইহা চুক্তি নহে, ইহার মধ্যে একটি প্রেমের স্বাধীনতা আছে। রাজাপ্রজা ভাবের সঙ্ঘ, আদানপ্রদান হৃদয়ের কর্তব্য। বাজনার টাকার সহিত রাগরাগিণীর কোনো যোগ নাই, খাজাকিখানা নহবত বাজাইবার স্থান নহে, কিন্তু যেখানেই ভাবের সম্পর্ক আসিয়া দাঁড়াইল অমনি সেখানেই বাঁশি তাহাকে আহ্বান করে, রাগিণী তাহাকে প্রকাশ করে, সৌন্দর্য তাহার সহচর। গ্রামের বাঁশি বধাসাধ্য প্রকাশ করিতে চেষ্টা করিতেছে, আজ আমাদের পুণ্যদিন, আজ আমাদের রাজাপ্রজার মিলন। জমিদারি কাছারিতেও মানবাত্মা আপন প্রবেশপথ নির্ধারণের চেষ্টা করিতেছে, সেখানেও একখানা ভাবের আসন পাতিয়া রাখিয়াছে।



যৌবনে রবীন্দ্রনাথ





শ্রোতবিনী আপনার মনে ভাবিতে ভাবিতে কহিল,—আমার বোধ হয় ইহাতে যে কেবল সংসারের সৌন্দর্য বৃদ্ধি করে তাহা নহে, বধার্থ ছুঃখতার লাঘব করে। সংসারে উচ্চনীচতা যখন আছেই, সৃষ্টিলোপ ব্যতীত কখনোই যখন তাহা ধ্বংস হইবার নহে, তখন উচ্চ এবং নীচের মধ্যে একটা অবিচ্ছিন্ন সন্ধি থাকিলে উচ্চতার ভার বহন করা সহজ হয়। চরণের পক্ষে দেহতার বহন করা সহজ ; বিচ্ছিন্ন বাহিরের বোঝাই বোঝা।

উপমাপ্রয়োগপূর্বক একটা কথা ভাগো করিয়া বলিবামাত্র শ্রোতবিনীর লজ্জা উপস্থিত হয়, যেন একটা অপরাধ করিয়াছে। অনেকে অন্তের ভাব চূরি করিয়া নিজের বলিয়া চালাইতে এরূপ কুণ্ঠিত হয় না।

যোম কহিল,—যেখানে একটা পরাভব অবশ্য স্বীকার করিতে হইবে সেখানে মানুষ আপনার হীনতা-ছুঃখ দূর করিবার জন্য একটা ভাবের সম্পর্ক পাতাইয়া লয়। কেবল মানুষের কাছে বলিয়া নয়, সর্বত্রই। পৃথিবীতে প্রথম আগমন করিয়া মানুষ যখন দাবান্নি ঝটিকা বস্ত্রের সহিত কিছুতেই পারিয়া উঠিল না, পর্বত যখন শিবের প্রেরণী নন্দীর দ্বারা তর্জনী দিয়া পথরোধপূর্বক নীরবে নীলাকাশ স্পর্শ করিয়া দাঁড়াইয়া রহিল, আকাশ যখন স্পর্শাতীত অবিচল মহিমায় অমোদ ইচ্ছাবলে কখনো বৃষ্টি কখনো বজ্র বর্ষণ করিতে লাগিল, তখন মানুষ তাহাদের সহিত দেবতা পাতাইয়া বসিল। নহিলে চিরনিবাসভূমি প্রকৃতির সহিত কিছুতেই মানুষের সন্ধিস্থাপন হইত না। অজ্ঞাতশক্তি প্রকৃতিকে যখন সে ভক্তিভাবে পরিপূর্ণ করিয়া ফেলিল তখনই মানবাত্মা তাহার মধ্যে গৌরবের সহিত বাস করিতে পারিল।

কিত্তি কহিল,—মানবাত্মা কোনোমতে আপনার গৌরব রক্ষা করিবার জন্য নানাপ্রকার কৌশল করিয়া থাকে সন্দেহ নাই। রাজা যখন যথেষ্টাচার করে, কিছুতেই তাহার হাত হইতে নিকৃতি নাই তখন প্রজা তাহাকে দেবতা গড়িয়া হীনতা-ছুঃখ বিস্মৃত হইবার চেষ্টা করে। পুরুষ যখন সবল এবং একাধিপত্য করিতে সক্ষম তখন অসহায় স্ত্রী তাহাকে দেবতা দাঁড় করাইয়া তাহার স্বার্থপর নিষ্ঠুর অত্যাচার কথকিং গৌরবের সহিত বহন করিতে চেষ্টা করে। এ কথা স্বীকার করি বটে, মানুষের যদি এইরূপ ভাবের দ্বারা অভাব চাকিবার ক্ষমতা না থাকিত তবে এতদিনে সে পশুর অধম হইয়া বাইত।

শ্রোতবিনী ঈর্ষ্য ব্যথিতভাবে কহিল,—মানুষ যে কেবল অগত্যা এইরূপ আত্মপ্রত্যারণা করে তাহা নহে। যেখানে আমরা কোনোরূপে অভিজুত নহি বরং আমরাই যেখানে সবল পক্ষ সেখানেও আত্মীয়তা স্থাপনের একটা চেষ্টা দেখিতে

পাওয়া যায়। গাভীকে আমাদের দেশের লোক মা বলিয়া ভগবতী বলিয়া পূজা করে কেন। সে তো অসহায় পশুমাত্র; পীড়ন করিলে তাড়না করিলে তাহার হইয়া ছু-কথা বলিবার কেহ নাই। আমরা বলিষ্ঠ, সে দুর্বল, আমরা মানুষ, সে পশু; কিন্তু আমাদের সেই শ্রেষ্ঠতাই আমরা গোপন করিবার চেষ্টা করিতেছি। যখন তাহার নিকট হইতে উপকার গ্রহণ করিতেছি তখন যে সেটা বলপূর্বক করিতেছি, কেবল আমরা সক্ষম এবং সে নিরুপায় বলিয়াই করিতেছি, আমাদের অন্তরাত্মা সে কথা স্বীকার করিতে চাহে না। সে এই উপকারিণী পরম ধৈর্যবতী প্রশান্তা পশুমাতাকে মা বলিয়া তবেই ইহার দুগ্ধ পান করিয়া যথার্থ তৃপ্তি অহুভব করে; মানুষের সহিত পশুর একটি ভাবের সম্পর্ক, একটি সৌন্দর্যের সঙ্ঘর্ষ স্থাপন করিয়া তবেই তাহার স্বজনচেষ্টা বিশ্রাম লাভ করে।

ব্যোম গম্ভীরভাবে কহিল,—তুমি একটা খুব বড়ো কথা কহিয়াছ। গুনিয়া শ্রোতবিনী চমকিয়া উঠিল। এমন দুষ্কর্ম কখন করিল সে জানিতে পারে নাই। এই অজ্ঞানকৃত অপরাধের জন্ত সলঙ্ক সংকুচিত ভাবে সে নীরবে মার্জনা প্রার্থনা করিল।

ব্যোম কহিল,—ঐ যে আত্মার স্বজনচেষ্টার কথা উল্লেখ করিয়াছ উহার সঙ্ঘর্ষে অনেক কথা আছে। মাকড়সা যেমন মাঝখানে থাকিয়া চারি দিকে আল প্রসারিত করিতে থাকে, আমাদের কেন্দ্রবাসী আত্মা সেইরূপ চারি দিকের সহিত আত্মীয়তা-বন্ধন স্থাপনের জন্ত ব্যস্ত আছে; সে ক্রমাগতই বিসদৃশকে সদৃশ, দূরকে নিকট, পরকে আপনার করিতেছে। বসিয়া বসিয়া আত্ম-পরের মধ্যে সহস্র সেতু নির্মাণ করিতেছে। ঐ যে আমরা যাহাকে সৌন্দর্য বলি সেটা তাহার নিজের সৃষ্টি। সৌন্দর্য আত্মার সহিত জড়ের মাঝখানকার সেতু। বস্তু কেবল পিণ্ডমাত্র; আমরা তাহা হইতে আহার গ্রহণ করি, তাহাতে বাস করি, তাহার নিকট হইতে আঘাতও প্রাপ্ত হই। তাহাকে যদি পর বলিয়া দেখিতাম তবে বস্তুসমষ্টির মতো এমন পর আর কী আছে। কিন্তু আত্মার কার্য আত্মীয়তা করা। সে মাঝখানে একটি সৌন্দর্য পাতাইয়া বসিল। সে যখন জড়কে বলিল সুন্দর, তখন সেও জড়ের অন্তরে প্রবেশ করিল, জড়ও তাহার অন্তরে আশ্রয় গ্রহণ করিল, সেদিন বড়োই পুলকের সঞ্চার হইল। এই সেতু-নির্মাণকার্য এখনো চলিতেছে। কবির প্রধান গৌরব ইহাই। পৃথিবীতে চারি দিকের সহিত সে আমাদের পুরাতন সঙ্ঘর্ষ দৃঢ় ও নব নব সঙ্ঘর্ষ আবিষ্কার করিতেছে। প্রতিদিন পর পৃথিবীকে আপনার, এবং জড় পৃথিবীকে আত্মার বাসযোগ্য করিতেছে। বলা বাহুল্য, প্রচলিত ভাষায় যাহাকে জড় বলে আমিও তাহাকে জড় বলিতেছি।

জড়ের জড়ত্ব সত্বে আমার মতামত ব্যক্ত করিতে বসিলে উপস্থিত সভায় সচেতন পদার্থের মধ্যে আমি একা মাত্র অবশিষ্ট থাকিব।

সমীর বোমের কথায় বিশেষ মনোযোগ না করিয়া কহিল,—স্রোতধিনী কেবল গাভীর দৃষ্টান্ত দিয়াছেন, কিন্তু আমাদের দেশে এ সত্বে দৃষ্টান্তের অভাব নাই। সেদিন যখন দেখিলাম একব্যক্তি রৌদ্রে তাতিয়া পুড়িয়া আসিয়া মাথা হইতে একটা কেরোসিন তেলের শূন্য টিনপাত্র কূলে নামাইয়া মা গো বলিয়া জলে ঝাঁপ দিয়া পড়িল, মনে বড়ো একটু লাগিল। এই যে স্নিগ্ধ সুন্দর সুগভীর জলরাশি স্মৃষ্টি কলম্বরে ছুই তীরকে স্তনদান করিয়া চলিয়াছে ইহারই শীতল জোড়ে তাপিত শরীর সমর্পণ করিয়া দিয়া ইহাকে মা বলিয়া আহ্বান করা, অন্তরের এমন সুমধুর উচ্ছ্বাস আর কী আছে। এই কলশশুন্দরী বসুন্ধরা হইতে পিতৃপিতামহসেবিত আজ্ঞাপরিচিত বাস্তবগৃহ পর্বস্ত যখন স্নেহসজীব আত্মীয়রূপে দেখা দেয় তখন জীবন অত্যন্ত উর্বর সুন্দর শ্রামল হইয়া উঠে। তখন জগতের সঙ্গে সুগভীর যোগসাধন হয়; জড় হইতে জন্ত এবং জন্ত হইতে মানুষ পর্বস্ত যে একটি অবিচ্ছেদ্য ঐক্য আছে এ কথা আমাদের কাছে অত্যন্ত বোধ হয় না; কারণ, বিজ্ঞান এ কথার আভাস দিবার পূর্বে আমরা অন্তর হইতে এ কথা জানিয়াছিলাম; পণ্ডিত আসিয়া আমাদের জাতিস্বত্বের কুলজি বাহির করিবার পূর্বেই আমরা নাড়ির টানে সর্বত্র ঘরকরা পাতিয়া বসিয়াছিলাম।

আমাদের ভাষায় “খ্যাৎ” শব্দের প্রতিশব্দ নাই বলিয়া কোনো কোনো যুরোপীয় পণ্ডিত সন্দেহ করেন আমাদের কৃতজ্ঞতা নাই। কিন্তু আমি তাহার সম্পূর্ণ বিপরীত দেখিতে পাই। কৃতজ্ঞতা স্বীকার করিবার জন্ত আমাদের অন্তর যেন লালায়িত হইয়া আছে। জন্তর নিকট হইতে বাহা পাই জড়ের নিকট হইতে বাহা পাই তাহাকেও আমরা স্নেহ-দয়া-উপকাররূপে জান করিয়া প্রতিদান দিবার জন্ত ব্যগ্র হই। যে জাতির লাঠিয়াল আপনার লাঠিকে, ছাত্র আপনার গ্রন্থকে এবং শিল্পী আপনার যন্ত্রকে কৃতজ্ঞতা-অর্পণ-লালসায় মনে মনে জীবন্ত করিয়া তোলে, একটা বিশেষ শব্দের অভাবে সে জাতিকে অকৃতজ্ঞ বলা যায় না।

আমি কহিলাম,—বলা যাইতে পারে। কারণ, আমরা কৃতজ্ঞতার সীমা লঙ্ঘন করিয়া চলিয়া গিয়াছি। আমরা যে পরম্পরের নিকট অনেকটা পরিমাণে সাহায্য অসংকোচে গ্রহণ করি অকৃতজ্ঞতা তাহার কারণ নহে, পরম্পরের মধ্যে স্বাতন্ত্র্যভাবের অপেক্ষাকৃত অভাবই তাহার প্রধান কারণ। ভিক্ষুক এবং দাতা, অতিথি এবং গৃহস্থ, আশ্রিত এবং আশ্রয়দাতা, প্রভু এবং ভূত্যের সত্বে যেন একটা স্বাভাবিক সত্বে। সুতরাং সে যুলে কৃতজ্ঞতা প্রকাশপূর্বক ঋণমুক্ত হইবার কথা কাহারও মনে উদয় হয় না।

ব্যোম কহিল,—বিলাতি হিসাবের কৃতজ্ঞতা আমাদের দেবতাদের প্রতিও নাই। যুরোপীয় যখন বলে থ্যাঙ্ক্ গড, তখন তাহার অর্থ এই, ঈশ্বর যখন মনোবোগপূর্বক আমার একটা উপকার করিয়া দিলেন তখন সে উপকারটা স্বীকার না করিয়া বর্বরের মতো চলিয়া যাইতে পারি না। আমাদের দেবতাকে আমরা কৃতজ্ঞতা দিতে পারি না, কারণ, কৃতজ্ঞতা দিলে তাঁহাকে অন্ন দেওয়া হয়, তাঁহাকে কাঁকি দেওয়া হয়। তাঁহাকে বলা হয়, তোমার কাজ তুমি করিলে, আমার কর্তব্যও আমি সারিয়া দিয়া গেলাম। বরঞ্চ স্নেহের এক প্রকার অকৃতজ্ঞতা আছে, কারণ, স্নেহের দাবির অস্ত নাই। সেই স্নেহের অকৃতজ্ঞতাও স্বাতন্ত্র্যের কৃতজ্ঞতা অপেক্ষা গভীরতর মধুরতর। রামপ্রসাদের গান আছে,

তোমার মা মা বলে আর ডাকব না,  
আমার দিগেছ দিতেছ কত বক্রণা।

এই উদার অকৃতজ্ঞতা কোনো যুরোপীয় ভাষায় তরজমা হইতে পারে না।

কিতি কটাক্ষসহকারে কহিল,—যুরোপীয়দের প্রতি আমাদের যে অকৃতজ্ঞতা, তাহারও বোধ হয় একটা গভীর এবং উদার কারণ কিছু থাকিতে পারে। জড়প্রকৃতির সহিত আত্মীয়সম্পর্ক স্থাপন সম্বন্ধে যে কথাগুলি হইল তাহা সম্ভবত অত্যন্ত সুন্দর; এবং গভীর যে, তাহার আর সন্দেহ নাই, কারণ এ পর্যন্ত আমি সম্পূর্ণ তলাইয়া উঠিতে পারি নাই। সকলেই তো একে একে বলিলেন যে, আমরাই প্রকৃতির সহিত ভাবের সম্পর্ক পাতাইয়া বসিয়াছি আর যুরোপ তাহার সহিত দূরের লোকের মতো ব্যবহার করে; কিন্তু জিজ্ঞাসা করি, যদি যুরোপীয় সাহিত্য ইংরেজি কাব্য আমাদের না জানা থাকিত তবে আঙ্গিকার সভায় এ আলোচনা কি সম্ভব হইত? এবং যিনি ইংরেজি কখনো পড়েন নাই তিনি কি শেষ পর্যন্ত ইহার মর্মগ্রহণ করিতে পারিবেন?

আমি কহিলাম,—না, কখনোই না। তাহার একটু কারণ আছে। প্রকৃতির সহিত আমাদের যেন ভাইবোনের সম্পর্ক এবং ইংরেজ ভাবুকের যেন স্ত্রীপুরুষের সম্পর্ক। আমরা জন্মাবধিই আত্মীয়, আমরা স্বভাবতই এক। আমরা তাহার মধ্যে নব নব বৈচিত্র্য, পরিস্কন্দ ভাবচ্ছায়া দেখিতে পাই না, একপ্রকার অন্ধ অচেতন স্নেহে মাথা-মাখি করিয়া থাকি। আর ইংরেজ, প্রকৃতির বাহির হইতে অন্তরে প্রবেশ করিতেছে। সে আপনার স্বাতন্ত্র্য রক্ষা করিয়াছে বলিয়াই তাহার পরিচয় এমন অভিনব আনন্দ-ময়, তাহার মিলন এমন প্রগাঢ়তর। সেও নববধূর স্তায় প্রকৃতিকে আয়ত্ত করিবার চেষ্টা করিতেছে, প্রকৃতিও তাহার মনোহরণের জন্ত আপনার নিগূঢ় সৌন্দর্য উন্মোচিত

করিতেছে। সে প্রথমে প্রকৃতিকে ভড় বলিয়া জানিত, হঠাৎ একদিন যেন যৌবনারম্ভে তাহার প্রতি দৃষ্টিক্ষেপ করিয়া তাহার অনির্বচনীয় অপরিমেয় আধ্যাত্মিক সৌন্দর্য আবিষ্কার করিয়াছে। আমরা আবিষ্কার করি নাই, কারণ আমরা সন্দেহও করি নাই, প্রসঙ্গও করি নাই।

আত্মা অন্ত আত্মার সংঘর্ষে তবেই আপনাকে সম্পূর্ণরূপে অহুভব করিতে পারে, তবেই সে মিলনের আধ্যাত্মিকতা পরিপূর্ণ মাত্রায় মস্থিত হইয়া উঠে। একাকার হইয়া থাকা কিছু না থাকার ঠিক পরেই। কোনো একজন ইংরেজ কবি লিখিয়াছেন, ঈশ্বর আপনারই পিতৃ-অংশ এবং মাতৃ-অংশকে স্ত্রীপুরুষরূপে পৃথিবীতে ভাগ করিয়া দিয়াছেন; সেই দুই বিচ্ছিন্ন অংশ এক হইবার জন্য পরস্পরের প্রতি এমন অনিবার্য আনন্দে আকৃষ্ট হইতেছে; কিন্তু এই বিচ্ছেদটি না হইলে পরস্পরের মধ্যে এমন প্রগাঢ় পরিচয় হইত না। ঐক্য অপেক্ষা মিলনেই আধ্যাত্মিকতা অধিক।

আমরা পৃথিবীকে নদীকে মা বলি, আমরা ছায়াময় বট-অশ্বথকে পূজা করি, আমরা প্রস্তর-পাষাণকে সজীব করিয়া দেখি, কিন্তু আত্মার মধ্যে তাহার আধ্যাত্মিকতা অহুভব করি না। বরঞ্চ আধ্যাত্মিককে বাস্তবিক করিয়া তুলি। আমরা তাহাতে মনঃকল্পিত মূর্তি আরোপ করি, আমরা তাহার নিকট সুখ-সম্পদ সফলতা প্রার্থনা করি। কিন্তু আধ্যাত্মিক সম্পর্ক কেবলমাত্র সৌন্দর্য কেবলমাত্র আনন্দের সম্পর্ক, তাহা সৃষ্টি-অসৃষ্টি সঞ্চয়-অপচয়ের সম্পর্ক নহে। স্নেহসৌন্দর্যপ্রবাহিনী জাহ্নবী যখন আত্মার আনন্দ দান করে তখনই সে আধ্যাত্মিক; কিন্তু যখনই তাহাকে মূর্তিবিশেষে নিবদ্ধ করিয়া তাহার নিকট হইতে ইহকাল অথবা পরকালের কোনো বিশেষ সৃষ্টি প্রার্থনা করি তখন তাহা সৌন্দর্যহীন মোহ, অন্ধ অজ্ঞানতা মাত্র। তখনই আমরা দেবতাকে পুত্তলিকা করিয়া দিই।

ইহকালের সম্পদ এবং পরকালের পুণ্য, হে জাহ্নবী, আমি তোমার নিকট চাহি না এবং চাহিলেও পাইব না, কিন্তু শৈশবকাল হইতে জীবনের কত দিন সূর্যোদয় ও পূর্বাঙ্কে, কৃষ্ণপক্ষের অর্ধচন্দ্রালোকে, ঘনবর্ষার মেঘশ্রামল মধ্যাহ্নে আমার অন্তরাত্মাকে যে এক অবর্ণনীয় অলৌকিক পুলকে পরিপূর্ণ করিয়া দিয়াছে সেই আমার চূর্ণভ জীবনের আনন্দসঞ্চয়গুলি যেন অল্পজন্মান্তরে অক্ষয় হইয়া থাকে; পৃথিবী হইতে সমস্ত জীবন যে নিরুপম সৌন্দর্য চয়ন করিতে পারিয়াছি যাইবার সময় যেন একখানি পূর্ণশতাব্দের মতো সেটি হাতে করিয়া লইয়া যাইতে পারি এবং যদি আমার প্রিয়তমের সহিত সাক্ষাৎ হয় তবে তাঁহার করপল্লবে সমর্পণ করিয়া দিয়া একটি বায়ের মানবজন্ম কৃতার্থ করিতে পারি।

## নরনারী

সমীর এক সমস্তা উত্থাপিত করিলেন, তিনি বলিলেন,—ইংরেজি সাহিত্যে গষ্ঠ অথবা পশু কাব্যে নায়ক এবং নায়িকা উভয়েরই মাহাত্ম্য পরিষ্কৃত হইতে দেখা যায়। ডেস্‌ডিমোনার নিকট ওথেলো এবং ইয়্যাগো কিছুমাত্র হীনপ্রভ নহে, ক্লিওপাত্রা আপনার শ্যামল বক্ষিম বহনজালে অ্যান্টনিকে আচ্ছন্ন করিয়া ফেলিয়াছে বটে, কিন্তু তথাপি লতাপাশবিজড়িত ভগ্ন অয়স্তম্ভের স্থায় অ্যান্টনির উচ্চতা সর্বসমক্ষে দৃশ্যমান রহিয়াছে। লামামুরের নায়িকা আপনার সক্রম সুরল স্বকুমার সৌন্দর্যে বতই আমাদের মনোহরণ করুক না কেন, রেভন্থুডের বিষাদঘনঘোর নায়কের নিকট হইতে আমাদের দৃষ্টি আকর্ষণ করিয়া লইতে পারে না। কিন্তু বাংলা সাহিত্যে দেখা যায় নায়িকারই প্রাধান্য। কুন্দনন্দিনী এবং সূর্যমুখীর নিকট নগেন্দ্র স্নান হইয়া আছে, রোহিণী এবং ভ্রমরের নিকট গোবিন্দলাল অদৃশ্যপ্রায়, জ্যোতির্ময়ী কপালকুণ্ডলার পার্শ্বে নবকুমার ক্ষীণতম উপগ্রহের স্থায়। প্রাচীন বাংলা কাব্যেও দেখা। বিদ্যাসুন্দরের মধ্যে সজীব মূর্তি যদি কাহারও থাকে তবে সে কেবল বিদ্যার ও মালিনীর, সুন্দর-চরিত্রে পদার্থের লেশমাত্র নাই। কবিকঙ্কণ-চণ্ডীর সুবৃহৎ সমভূমির মধ্যে কেবল ফুল্লরা এবং খুল্লনা একটু নড়িয়া বেড়ায়, নতুবা ব্যাধটা একটা বিকৃত বৃহৎ স্থাগুমাত্র এবং ধনপতি ও তাঁহার পুত্র কোনো কাছের নহে। ঐক্যসাহিত্যে পুরুষ মহাদেবের স্থায় নিশ্চল ভাবে ধূলিশয়ান এবং রমণী তাহার বকের উপর আগ্রত জীবন্ত ভাবে বিরাজমান ইহার কারণ কী।

সমীরের এই প্রশ্নের উত্তর শুনিবার জন্য শ্রোতবিনী অত্যন্ত কৌতূহলী হইয়া উঠিলেন এবং দীপ্তি নিতান্ত অমনোযোগের ভান করিয়া টেবিলের উপর একটা গ্রন্থ ধুলিয়া তাহার প্রতি দৃষ্টি নিবদ্ধ করিয়া রাখিলেন।

কিন্তু কহিলেন,—তুমি বক্ষিমবাবুর যে কয়েকখানি উপন্যাসের উল্লেখ করিয়াছ সকলগুলিই মানসপ্রধান, কার্যপ্রধান নহে। সূর্যমুখীর স্ত্রীলোকের প্রভাব অধিক, কার্যপ্রধান পুরুষের প্রভাব। যেখানে কেবলমাত্র হৃদয়বৃত্তির কথা সেখানে পুরুষ স্ত্রীলোকের সহিত পারিয়া উঠিবে কেন। কার্যক্ষেত্রেই তাহার চরিত্রের বর্ধাৰ্ধ বিকাশ হয়।

দীপ্তি আর থাকিতে পারিল না—গ্রন্থ ফেলিয়া এবং ঐদাসীস্তম্ভের ভান পরিহার করিয়া বলিয়া উঠিল,—কেন? দুর্গেশনন্দিনীতে বিমলার চরিত্র কি কার্বেই বিকশিত হয় নাই। এমন নৈপুণ্য এমন তৎপরতা এমন অধ্যবসায় উক্ত উপন্যাসের কর জন

নাগক দেখাইতে পারিয়াছে? আনন্দমঠ তো কার্যপ্রধান উপস্থাপন। সত্যানন্দ জীবানন্দ ভবানন্দ প্রভৃতি সম্মানসম্প্রদায় তাহাতে কাজ করিয়াছে বটে, কিন্তু তাহা কবির বর্ণনামাত্র, যদি কাহারও চরিত্রের মধ্যে স্বার্থ কার্যকারিতা পরিষ্কৃত হইয়া থাকে তাহা শাস্তির। দেবীচৌধুরানীতে কে কত্বপদ লইয়াছে? রমণী। কিন্তু সে কি অস্তঃপুরের কত্ব? নহে।

সমীর কহিলেন,—ভাই কিত্তি, তর্কশাস্ত্রের সরল রেখার দ্বারা সমস্ত জিনিসকে পরিপাটিক্রমে শ্রেণীবিভক্ত করা যায় না। শতরঞ্জ-কসকেই ঠিক লাল কালো রঙের সমান ছক কাটিয়া ঘর আঁকিয়া দেওয়া যায়, কারণ তাহা নির্ভীক কাঠমূর্তির বদভূমি মাত্র; কিন্তু মহুশচরিত্র বড়ো সিধা জিনিস নহে। তুমি যুক্তিবলে ভাবপ্রধান কর্মপ্রধান প্রভৃতি তাহার যেমনই অকাট্য সীমা নির্ণয় করিয়া দেও না কেন, বিপুল সংসারের বিচিত্র কার্যক্ষেত্রে সমস্তই উলটপালট হইয়া যায়। সমাজের গৌহকর্টাহের নিম্নে যদি জীবনের অগ্নি না জলিত, তবে মহুশের শ্রেণীবিভাগ ঠিক সমান অটলভাবে থাকিত। কিন্তু জীবনশিখা যখন প্রদীপ্ত হইয়া উঠে, তখন টগবগ করিয়া সমস্ত মানবচরিত্র ফুটিতে থাকে, তখন নব নব বিশ্বয়জনক বৈচিত্র্যের আর সীমা থাকে না। সাহিত্য সেই পরিবর্ত্যমান মানবজগতের চকল প্রতিবিম্ব। তাহাকে সমালোচনাশাস্ত্রের বিশেষণ দিয়া বাধিবার চেষ্টা মিথ্যা। হৃদয়বৃত্তিতে স্ত্রীলোকই শ্রেষ্ঠ এমন কেহ লিখিয়া পড়িয়া দিতে পারে না। ওথেলো তো মানসপ্রধান নাটক, কিন্তু তাহাতে নাগকের হৃদয়াবেগের প্রবলতা কী প্রচণ্ড। কিং লিয়ারে হৃদয়ের ঝটিকা কী ভয়ংকর।

ব্যোম সহসা অধীর হইয়া বলিয়া উঠিলেন,—আহা তোমরা বৃথা তর্ক করিতেছ। যদি গভীরভাবে চিন্তা করিয়া দেখ, তবে দেখিবে কার্যই স্ত্রীলোকের। কার্যক্ষেত্র ব্যতীত স্ত্রীলোকের অন্তর স্থান নাই। স্বার্থ পুরুষ যোগী, উদাসীন, নির্জনবাসী। ক্যান্ডিয়ার মরুক্ষেত্রের মধ্যে পড়িয়া পড়িয়া মেঘপাল পুরুষ যখন একাকী উর্ধ্বনেত্রে নিশীথগগনের গ্রহতারকার গতিবিধি নির্ণয় করিত, তখন সে কী সুখ পাইত? কোন্ নারী এমন অকাজে কালক্ষেপ করিতে পারে? যে জ্ঞান কোনো কার্যে লাগিবে না কোন্ নারী তাহার জন্ত জীবন ব্যয় করে? যে ধ্যান কেবলমাত্র সংসারনির্মুক্ত আত্মার বিস্তৃত আনন্দজনক, কোন্ রমণীর কাছে তাহার মূল্য আছে? কিত্তির কথামতো পুরুষ যদি স্বার্থ কার্যশীল হইত, তবে মহুশসমাজের এমন উন্নতি হইত না—তবে একটি নূতন তত্ত্ব একটি নূতন ভাব বাহির হইত না। নির্জনের মধ্যে, অবসরের মধ্যে জ্ঞানের প্রকাশ, ভাবের আবির্ভাব। স্বার্থ পুরুষ সর্বদাই সেই নির্লিপ্ত নির্জনতার মধ্যে থাকে। কার্যবীর নেপোলিয়ানও কখনোই আপনার কার্যের মধ্যে সংলিপ্ত

হইয়া থাকিতেন না; তিনি যখন যেখানেই থাকুন একটা মহানির্জনে আপন ভাবা-কাশের দ্বারা বেষ্টিত হইয়া থাকিতেন—তিনি সর্বদাই আপনার একটা মন্ত আইড়িয়ার দ্বারা পরিরক্ষিত হইয়া তুমুল কার্বক্কেত্রের মাঝখানেও বিজনবাস যাপন করিতেন। ভীষ্ম ভো কুরুক্ষেত্র-যুদ্ধের একজন নাগক কিন্তু সেই ভীষণ জনসংঘাতের মধ্যেও তাঁহার মতো একক প্রাণী আর কে ছিল। তিনি কি কাজ করিতেছিলেন, না ধ্যান করিতে-ছিলেন? স্ত্রীলোকই যথার্থ কাজ করে। তাহার কাজের মাঝখানে কোনো ব্যবধান নাই। সে একেবারে কাজের মধ্যে লিপ্ত জড়িত। সেই যথার্থ লোকালয়ে বাস করে, সংসার রক্ষা করে। স্ত্রীলোকই যথার্থ সম্পূর্ণরূপে সজ্ঞান করিতে পারে, তাহার যেন অব্যবহিত স্পর্শ পাওয়া যায়, সে স্বতন্ত্র হইয়া থাকে না।

দীপ্তি কহিল,—তোমার সমস্ত সৃষ্টিছাড়া কথা—কিছুই বুঝিবার জো নাই। মেয়েরা যে কাজ করিতে পারে না এ কথা আমি বলি না, তোমরা তাহাদের কাজ করিতে দাও কই।

ব্যোম কহিলেন,—স্ত্রীলোকেরা আপনার কর্মবন্ধনে আপনি বদ্ধ হইয়া পড়িয়াছে। জলন্ত অঙ্গার যেমন আপনার ভস্ম আপনি সঞ্চয় করে, নারী তেমনি আপনার শুণ্যকার কার্ণাবশেষের দ্বারা আপনাকে নিহিত করিয়া ফেলে—সেই তাহার অন্তঃপুর, তাহার চারি দিকে কোনো অবসর নাই। তাহাকে যদি ভস্মমুক্ত করিয়া বহিঃসংসারের কার্ব-রাশির মধ্যে নিক্ষেপ করা যায় তবে কি কম কাণ্ড হয়! পুরুষের সাধ্য কী তেমন দ্রুতবেগে তেমন তুমুল ব্যাপার করিয়া তুলিতে! পুরুষের কাজ করিতে বিলম্ব হয়; সে এবং তাহার কার্বের মাঝখানে একটা দীর্ঘ পথ থাকে, সে পথ বিস্তর চিন্তার দ্বারা আকীর্ণ। রমণী যদি একবার বহির্বিপ্লবে যোগ দেয়, নিমেষের মধ্যে সমস্ত ধুধু করিয়া উঠে। এই প্রলয়কারিণী কার্বশক্তিকে সংসার বাধিয়া রাখিয়াছে, এই অগ্নিতে কেবল শয়নগৃহের সজ্জাদীপ জলিতেছে, নীতাত্ত প্রাণীর নীত নিবারণ ও স্মৃদাত্ত প্রাণীর অন্ন প্রস্তুত হইতেছে। যদি আমাদের সাহিত্যে এই স্মন্দরী বহুশিখাগুলির তেজ দীপ্যমান হইয়া থাকে তবে তাহা লইয়া এত তর্ক কিসের জন্ত।

আমি কহিলাম,—আমাদের সাহিত্যে স্ত্রীলোক যে প্রাধান্য লাভ করিয়াছে তাহার প্রধান কারণ, আমাদের দেশের স্ত্রীলোক আমাদের দেশের পুরুষের অপেক্ষা অনেক শ্রেষ্ঠ।

স্রোতধিনীর মুখ দীর্ঘ রক্তিম এবং সহাস্ত হইয়া উঠিল। দীপ্তি কহিল,—এ আবার তোমার বাড়াবাড়ি।

বুঝিলাম দীপ্তির ইচ্ছা আমাকে প্রতিবাদ করিয়া স্বজাতির গুণগান বেশি করিয়া



তিনিরা লইবে। আমি তাহাকে সে কথা বলিলাম, এবং কহিলাম,—দ্বীজাতি স্ততিবাক্য শুনিতে অত্যন্ত ভালোবাসে। দীপ্তি সবলে মাথা নাড়িয়া কহিল,—কখনোই না।

শ্রোতস্বিনী বৃহত্তাবে কহিল,—সে কথা সত্য। অপ্রিয় বাক্য আমাদের কাছে অত্যন্ত অধিক অপ্রিয় এবং প্রিয় বাক্য আমাদের কাছে বড়ো বেশি মধুর।

শ্রোতস্বিনী রমণী হইলেও সত্য কথা স্বীকার করিতে কুণ্ঠিত হয় না।

আমি কহিলাম,—তাহার একটু কারণ আছে। গ্রন্থকারদের মধ্যে কবি এবং গুণীদের মধ্যে গায়কগণ বিশেষরূপে স্ততি-মিষ্টায়প্রিয়। আসল কথা, মনোহরণ করা বাহাদের কাছ, প্রশংসাই তাহাদের কৃতকার্যতা পরিমাপের একমাত্র উপায়। অন্য সমস্ত কার্যকলের নানারূপ প্রত্যক্ষ প্রমাণ আছে, স্ততিবাদ লাভ ছাড়া মনোরঞ্জনের আর কোনো প্রমাণ নাই। সেইজন্য গায়ক প্রত্যেক বার সময়ের কাছে আসিয়া বাহবা প্রত্যাশা করে। সেইজন্য অনাদর গুণীমাত্রেয় কাছে এত অধিক অপ্রীতিকর।

সমীর কহিলেন,—কেবল তাহাই নয়, নিকুংসাহ মনোহরণকার্যের একটি প্রধান অন্তরায়। শ্রোতার মনকে অগ্রসর দেখিলে তবেই গায়কের মন আপনার সমস্ত ক্ষমতা বিকশিত করিতে পারে। অতএব, স্ততিবাদ শুধু যে তাহার পুরস্কার তাহা নহে, তাহার কার্যসাধনের একটি প্রধান অঙ্ক।

আমি কহিলাম,—দ্বীলোকেরও প্রধান কার্য আনন্দদান করা। তাহার সমস্ত অস্তিত্বকে সংগীত ও কবিতার স্তায় সম্পূর্ণ সৌন্দর্যময় করিয়া তুলিলে তবে তাহার জীবনের উদ্দেশ্য সাধিত হয়। সেই জন্যই দ্বীলোক স্ততিবাদে বিশেষ আনন্দলাভ করে। কেবল অহংকার-পরিভূষ্টির জন্য নহে; তাহাতে সে আপনার জীবনের সার্থকতা অনুভব করে। ক্রটি-অসম্পূর্ণতা দেখাইলে একেবারে তাহাদের মর্মের মূলে গিয়া আঘাত করে। এই জন্য লোকনিন্দা দ্বীলোকের নিকট বড়ো ভয়ানক।

কিতি কহিলেন,—তুমি যাহা বলিলে দিব্য কবিত্ব করিয়া বলিলে, শুনিতে বেশ লাগিল, কিন্তু আসল কথাটা এই যে, দ্বীলোকের কার্যের পরিসর সংকীর্ণ। বৃহৎ দেশে ও বৃহৎ কালে তাহার স্থান নাই। উপস্থিতমতো স্বামীপূজ-আত্মীয়বজন-প্রতিবেশীদিগকে সন্তুষ্ট ও পরিভূষ্ট করিতে পারিলেই তাহার কর্তব্য সাধিত হয়। যাহার জীবনের কার্যক্ষেত্র দূরদেশ ও দূরকালে বিস্তীর্ণ, যাহার কর্মের ফলাফল সকল সময় আশু প্রত্যক্ষগোচর নহে, নিকটের লোকের ও বর্তমান কালের নিন্দাস্ততির উপর তাহার তেমন একান্ত নির্ভর নহে, হৃদয় আশা ও বৃহৎ কল্পনা, অনাদর উপেক্ষা ও নিন্দার মধ্যেও তাহাকে অবিচলিত বল প্রদান করিতে পারে। লোকনিন্দা,

লোকস্তুতি, সৌভাগ্যগর্ভ এবং মান-অভিमानে স্বীলোককে যে এমন বিচলিত করিয়া তোলে তাহার প্রধান কারণ, জীবন লইয়া তাহাদের নগদ কারবার তাহাদের সমুদায় লাভলোকসান বর্তমানে ; হাতে হাতে যে ফল প্রাপ্ত হয় তাহাই তাহাদের একমাত্র পাওনা ; এইজন্য তাহারা কিছু কষাকষি করিয়া আদায় করিতে চায়, এক কানাকড়ি ছাড়িতে চায় না ।

দীপ্তি বিরক্ত হইয়া যুরোপ ও আমেরিকার বড়ো বড়ো বিশ্বহিতৈষিণী রমণীর দৃষ্টান্ত অন্বেষণ করিতে লাগিলেন । স্রোতবিনী কহিলেন,—বৃহৎ ও মহৎ সকল সময়ে এক নহে । আমরা বৃহৎ ক্ষেত্রে কার্য করি না বলিয়া আমাদের কার্যের গৌরব অল্প এ কথা আমি কিছুতেই মনে করিতে পারি না । পেশী, শ্রাবু, অস্থিচর্ম বৃহৎ স্থান অধিকার করে, মর্মস্থানটুকু অতি ক্ষুদ্র এবং নিভৃত । আমরা সমস্ত মানবসমাজের সেই মর্মক্ষেত্রে বিরাজ করি । পুরুষ-দেবতাগণ বৃষ-মহিম প্রভৃতি বলবান পশুবাহন আশ্রয় করিয়া ভ্রমণ করেন, স্ত্রী-দেবীগণ হৃদয়শতদলবাসিনী, তাঁহার একটি বিকশিত ক্রব সৌন্দর্যের মাঝখানে পরিপূর্ণ মহিমায় সমাসীন । পৃথিবীতে যদি পুনর্জন্মলাভ করি তবে আমি যেন পুনরায় নারী হইয়া জন্মগ্রহণ করি । যেন ভিখারি না হইয়া অন্নপূর্ণা হই । এক বার ভাবিয়া দেখো, সমস্ত মানব-সংসারের মধ্যে প্রতিদিবসের রোগশোক ক্ষুধাশ্রান্তি কত বৃহৎ, প্রতিমুহূর্তে কর্মচক্রোৎক্লিপ্ত ধূলিরাশি কত স্তূপাকার হইয়া উঠিতেছে ; প্রতি গৃহের রক্ষাকার্য কত অসীমপ্রীতিসাধ্য ; যদি কোনো প্রসন্নমূর্তি, প্রকৃষ্ণমূর্তি, ধৈর্যময়ী, লোকবৎসলা দেবী প্রতিদিবসের শিয়রে বাস করিয়া তাহার তপ্ত ললাটে স্নিগ্ধ স্পর্শ দান করেন, আপনার কার্যকুশল সুন্দর হস্তের দ্বারা প্রত্যেক মুহূর্ত হইতে তাহার মলিনতা অপনয়ন করেন এবং প্রত্যেক গৃহমধ্যে প্রবেশ করিয়া অশ্রান্ত স্নেহে তাহার কল্যাণ ও শান্তি বিধান করিতে থাকেন, তবে তাঁহার কার্যকুশল সংকীর্ণ বলিয়া তাঁহার মহিমা কে অস্বীকার করিতে পারে । যদি সেই লক্ষ্মীমূর্তির আদর্শখানি হৃদয়ের মধ্যে উজ্জল করিয়া রাখি, তবে নারীজন্মের প্রতি আর অনাদর জন্মিতে পারে না ।

ইহার পর আমরা সকলেই কিছু ক্ষণ চুপ করিয়া রহিলাম । এই অকস্মাৎ নিস্তব্ধতায় স্রোতবিনী অত্যন্ত লজ্জিত হইয়া উঠিয়া আমাকে বলিলেন,—তুমি আমাদের দেশের স্বীলোকের কথা কী বলিতেছিলে—যাবে 'হইতে অল্প তর্ক আসিয়া সে কথা চাপা পড়িয়া গেল ।

আমি কহিলাম, আমি বলিতেছিলাম, আমাদের দেশের স্বীলোকেরা আমাদের পুরুষের চেয়ে অনেক শ্রেষ্ঠ ।

কিন্তু কহিলেন,—তাহার প্রমাণ ?

আমি कहিলাম,—প্রমাণ হাতে হাতে । প্রমাণ ঘরে ঘরে । প্রমাণ অন্তরের মধ্যে । পশ্চিমে ভ্রমণ করিবার সময় কোনো কোনো নদী দেখা যায়, বাহার অধিকাংশে তপ্ত শুষ্ক বালুকা ধু ধু করিতেছে—কেবল এক পার্শ্ব দিয়া ক্ষটিকক্ষসলিলা স্নিগ্ধ নদীটি অতি নম্রমধুর স্রোতে প্রবাহিত হইয়া যাইতেছে । সেই দৃশ্য দেখিলে আমাদের সমাজ মনে পড়ে । আমরা অকর্মণ্য, নিষ্ফল নিশ্চল বালুকারাশি স্তূপাকার হইয়া পড়িয়া আছি, প্রত্যেক সমীর-বাসে হহ করিয়া উড়িয়া যাইতেছি এবং যে কোনো কীর্তিস্তম্ভ নির্মাণ করিবার চেষ্টা করিতেছি তাহাই দুই দিনে ধসিয়া ধসিয়া পড়িয়া যাইতেছে । আর আমাদের বাম পার্শ্বে আমাদের রমণীগণ নিম্নপথ দিয়া বিনম্র সেবিকার মতো আপনাকে সংকুচিত করিয়া স্বচ্ছ স্রুধাস্রোতে প্রবাহিত হইয়া চলিতেছে । তাহাদের এক মুহূর্ত বিরাম নাই । তাহাদের গতি তাহাদের প্রীতি তাহাদের সমস্ত জীবন এক ঋব লক্ষ্য ধরিয়া অগ্রসর হইতেছে । আমরা লক্ষ্যহীন, ঐক্যহীন সহস্রপদতলে দলিত হইয়াও মিলিত হইতে অক্ষম । যে দিকে জলস্রোত, যে দিকে আমাদের নারীগণ, কেবল সেই দিকে সমস্ত শোভা এবং ছায়া এবং সফলতা, এবং যে দিকে আমরা, সে দিকে কেবল মরু-চাকচিক্য, বিপুল শূন্যতা এবং দৃঢ় দাস্তবৃত্তি । সমীর, তুমি কী বল ?

সমীর স্রোতধিনী ও দীপ্তির প্রতি কটাক্ষপাত করিয়া হাসিয়া कहিলেন,—অশুকার সভার নিজের অসারতা স্বীকার করিবার দুইটি মূর্তিমতী বাধা বর্তমান । আমি তাঁহাদের নাম করিতে চাহি না । বিশ্বসংসারের মধ্যে বাঙালি পুরুষের আদর কেবল আপন অন্তঃপুরের মধ্যে । সেখানে তিনি কেবলমাত্র প্রভু নহেন, তিনি দেবতা । আমরা যে দেবতা নহি, তৃণ ও মৃত্তিকার পুত্তলিকামাত্র, সে কথা আমাদের উপাসকদের নিকট প্রকাশ করিবার প্রয়োজন কী ভাই । ঐ যে আমাদের মুগ্ধ বিশ্বস্ত ভক্তটি আপন হৃদয়কুণ্ডের সমুদয় বিকশিত স্নন্দর পুষ্পগুলি সোনার খালে সাজাইয়া আমাদের চরণতলে আনিয়া উপস্থিত করিয়াছে, ও কোথায় কিরাইয়া দিব । আমাদের দেব-সিংহাসনে বসাইয়া ঐ যে চিরব্রতধারিণী সেবিকাটি আপন নিভৃত নিত্য প্রেমের নিনিমেষ সজ্জাদীপটি লইয়া আমাদের এই গৌরবহীন মুখের চতুর্দিকে অনন্ত অতৃপ্তিভরে শতসহস্র বার প্রদক্ষিণ করাইয়া আরতি করিতেছে, উহার কাছে যদি খুব উচ্চ হইয়া না বসিয়া রহিলাম, নীরবে পূজা না গ্রহণ করিলাম তবে উহাদেরই বা কোথায় স্বধ আর আমাদেরই বা কোথায় সম্মান ! যখন ছোটো ছিল, তখন মাটির পুতুল লইয়া এমনি ভাবে খেলা করিত যেন তাহার প্রাণ আছে, যখন বড়ো হইল তখন মামুষ-পুতুল লইয়া এমনিভাবে পূজা করিতে লাগিল যেন তাহার দেবত্ব আছে—তখন

যদি কেহ তাহার খেলার পুতুল ভাঙিয়া দিত তবে কি বালিকা কাঁদিত না, এখন যদি কেহ ইহার পুত্রের পুতুল ভাঙিয়া দেয় তবে কি রমণী ব্যথিত হয় না? যেখানে মনুষ্যের ষথার্থ গৌরব আছে সেখানে মনুষ্য বিনা ছদ্মবেশে সম্মান আকর্ষণ করিতে পারে, যেখানে মনুষ্যের অভাব সেখানে দেবের আয়োজন করিতে হয়। পৃথিবীতে কোথাও ষাহাদের প্রতিপত্তি প্রতিষ্ঠা নাই তাহারা কি সামান্ত মানব ভাবে স্ত্রীর নিকট সম্মান প্রত্যাশা করিতে পারে? কিন্তু আমরা যে এক-একটি দেবতা, সেইজন্য এমন হৃদয় স্কুমার হৃদয়গুলি লইয়া অসংকোচে আপনার পঙ্কিল চরণের পাদপীঠ নির্মাণ করিতে পারিয়াছি।

দীপ্তি কহিলেন,—ষাহার ষথার্থ মনুষ্য আছে, সে মানুষ হইয়া দেবতার পূজা গ্রহণ করিতে লজ্জা অনুভব করে এবং যদি পূজা পায় তবে আপনাকে সেই পূজার ষোগ্য করিতে চেষ্টা করে। কিন্তু বাংলা দেশে দেখা যায়, পুরুষসম্প্রদায় আপন দেবত্ব লইয়া নির্লজ্জভাবে আশ্ফালন করে। ষাহার ষোগ্যতা ষত অল্প তাহার আড়ম্বর তত বেশি। আজকাল স্ত্রীদিগকে পতিমাহাত্ম্য পতিপূজা শিখাইবার জন্য পুরুষগণ কায়মনোবাক্যে লাগিয়াছেন। আজকাল নৈবেদ্যের পরিমাণ কিঞ্চিৎ কমিয়া আসিতেছে বলিয়া তাঁহাদের আশঙ্কা সন্নিতেছে। কিন্তু পত্নীদিগকে পূজা করিতে শিখানো অপেক্ষা পতিদিগকে দেবতা হইতে শিখাইলে কাজে লাগিত। পতিদেবপূজা হ্রাস হইতেছে বলিয়া ষাহারা আধুনিক স্ত্রীলোকদিগকে পরিহাস করেন, তাঁহাদের যদি লেশমাত্র রসবোধ থাকিত তবে সে বিক্রম ফিরিয়া আসিয়া তাঁহাদের নিজেকে বিদ্ধ করিত। হায় হায়, বাঙালির মেয়ে পূর্বজন্মে কত পুণ্যই করিয়াছিল তাই এমন দেবলোকে আসিয়া জন্মগ্রহণ করিয়াছে। কী বা দেবতার স্ত্রী। কী বা দেবতার মাহাত্ম্য।

শ্রোতবিনীর পক্ষে ক্রমে অসহ হইয়া আসিল। তিনি মাথা নাড়িয়া গম্ভীর ভাবে বলিলেন,—তোমরা উত্তরোত্তর স্বর এমনি নিখাদে চড়াইতেছ যে, আমাদের স্তবগানের মধ্যে যে মাধুর্ষটুকু ছিল তাহা ক্রমেই চলিয়া ষাইতেছে। এ কথা যদি বা সত্য হয়, যে, আমরা তোমাদের ষতটা বাড়াই তোমরা তাহার ষোগ্য নহ, তোমরাও কি আমাদের অধিকারপে বাড়াইয়া তুলিতেছ না? তোমরা যদি দেবতা না হও, আমরাও দেবী নহি। আমরা যদি উত্তরেই আপসের দেবদেবী হই, তবে আর ঝগড়া করিবার প্রয়োজন কী? তা ছাড়া আমাদের তো সকল গুণ নাই—হৃদয়মাহাত্ম্য যদি আমরা প্রেষ্ঠ হই, মনোমাহাত্ম্য তো তোমরা বড়ো।

আমি কহিলাম,—মধুর কণ্ঠস্বরে এই স্নিগ্ধ কথাগুলি বলিয়া তুমি বড়ো ভালো করিলে, নতুবা দীপ্তির বাক্যবাণবর্ষণের পর সত্য কথা বলা হুসাধ্য হইয়া উঠিত।

দেবী, তোমরা কেবল কবিতার মধ্যে দেবী, মন্দিরের মধ্যে আমরা দেবতা। দেবতার ভোগ বাহা কিছু সে আমাদের, আর তোমাদের ভক্ত কেবল মনুসংহিতা হইতে দুইখানি কিংবা আড়াইখানি মাত্র মন্ত্র আছে। তোমরা আমাদের এমনি দেবতা যে, তোমরা যে স্বধন্যসম্পদের অধিকারী এ কথা মুখে উচ্চারণ করিলে হান্তাম্পদ হইতে হয়। সমগ্র পৃথিবী আমাদের, অবশিষ্ট ভাগ তোমাদের; আহারের বেলা আমরা, উচ্ছিষ্টের বেলা তোমরা। প্রকৃতির শোভা, মুক্ত বায়ু, স্বাস্থ্যকর ভ্রমণ আমাদের এবং দুর্লভ মানবজন্ম ধারণ করিয়া কেবল গৃহের কোণ, রোগের শয্যা এবং বাতায়নের প্রান্ত তোমাদের। আমরা দেবতা হইয়া সমস্ত পদসেবা পাই এবং তোমরা দেবী হইয়া সমস্ত পদপীড়ন সহ্য কর—প্রণিধান করিয়া দেখিলে এ দুই দেবত্বের মধ্যে প্রভেদ লক্ষিত হইবে।

একটা কথা মনে রাখিতে হইবে, বঙ্গদেশে পুরুষের কোনো কাজ নাই। এদেশে গার্হস্থ্য ছাড়া আর কিছু নাই, সেই গৃহগঠন এবং গৃহবিচ্ছেদ স্ত্রীলোকেই করিয়া থাকে। আমাদের দেশে ভালোমন্দ সমস্ত শক্তি স্ত্রীলোকের হাতে; আমাদের রমণীরা সেই শক্তি চিরকাল চালনা করিয়া আসিয়াছে। একটি ক্ষুদ্র ছিপছিপে তক্তকে স্ত্রীমনোকা যেমন বৃহৎ বোঝাইভরা গাধাবোটটাকে স্রোতের অল্পকূলে ও প্রতিকূলে টানিয়া লইয়া চলে, তেমনি আমাদের দেশীয় গৃহিণী, লোকলৌকিকতা-আত্মীয়কুটুম্বিতাপরিপূর্ণ বৃহৎ সংসার এবং স্বামী নামক একটি চলৎশক্তিবিহিত অনাবশ্যক বোঝা পশ্চাতে টানিয়া লইয়া আসিয়াছে। অল্প দেশে পুরুষেরা সন্ধিবিগ্রহ রাজ্যচালনা প্রভৃতি বড়ো বড়ো পুরুষোচিত কার্যে বহুকাল ব্যাপৃত থাকিয়া নারীদের হইতে স্বতন্ত্র একটি প্রকৃতি গঠিত করিয়া তোলে। আমাদের দেশে পুরুষেরা গৃহপালিত, মাতুলালিত, পত্নীচালিত। কোনো বৃহৎ ভাব, বৃহৎ কার্য, বৃহৎ ক্ষেত্রের মধ্যে তাহাদের জীবনের বিকাশ হয় নাই; অথচ অধীনতার পীড়ন, দাসত্বের হীনতা-দুর্বলতার লাহুনা তাহাদিগকে নতশিরে সহ্য করিতে হইয়াছে। তাহাদিগকে পুরুষের কোনো কর্তব্য করিতে হয় নাই এবং কাপুরুষের সমস্ত অপমান বহিতে হইয়াছে। সৌভাগ্যক্রমে স্ত্রীলোককে কখনো বাহিরে গিয়া কর্তব্য খুঁজিতে হয় না, তরুশাখায় ফলপুষ্পের মতো কর্তব্য তাহার হাতে আপনি আসিয়া উপস্থিত হয়। সে যখনই ভালোবাসিতে আরম্ভ করে, তখনই তাহার কর্তব্য আরম্ভ হয়; তখনই তাহার চিন্তা, বিবেচনা, যুক্তি, কার্য, তাহার সমস্ত চিন্তবৃত্তি সজাগ হইয়া উঠে, তাহার সমস্ত চরিত্র উত্তীর্ণ হইয়া উদ্ভিত থাকে। বাহিরের কোনো রাষ্ট্রবিপ্লব তাহার কার্যের ব্যাঘাত করে না, তাহার গৌরবের হ্রাস করে না, আত্মীয় অধীনতার মধ্যেও তাহার তেজ রক্ষিত হয়।

আজ আমরা একটি নূতন শিক্ষা এবং বিদেশী ইতিহাস হইতে পুরুষকারের নূতন আদর্শ প্রাপ্ত হইয়া বাহিরের কর্কশক্লেত্রের দিকে ধাবিত হইতে চেষ্টা করিতেছি। কিন্তু ভিজা কাষ্ঠ জলে না, মরিচা-ধরা চাকা চলে না; যত জলে তাহার চেয়ে ধোঁয়া বেশি হয়, যত চলে তাহার চেয়ে শব্দ বেশি করে। আমরা চিরদিন অকর্মণ্যভাবে কেবল দলাদলি কানাকানি হাসাহাসি করিয়াছি, তোমরা চিরকাল তোমাদের কাজ করিয়া আসিয়াছ। এইজন্য শিক্ষা তোমরা যত সহজে যত শীঘ্র গ্রহণ করিতে পার, আপনার আয়ত্ত করিতে পার, তাহাকে আপনার জীবনের মধ্যে প্রবাহিত করিতে পার, আমরা তেমন পারি না।

শ্রোতস্বিনী অনেক ক্ষণ চুপ করিয়া রহিলেন, তার পর ধীরে ধীরে কহিলেন,— যদি বুঝিতে পারিতাম আমাদের কিছু করিবার আছে এবং কী উপায়ে কী কর্তব্য-সাধন করা যায়, তাহা হইলে আর কিছু না হ'ক চেষ্টা করিতে পারিতাম।

আমি কহিলাম আর তো কিছুই করিতে হইবে না। যেমন আছ তেমনি থাকো। লোকে দেখিয়া বুঝিতে পারুক সত্য, সরলতা, শ্রী যদি মূর্তি গ্রহণ করে তবে তাহাকে কেমন দেখিতে হয়। যে গৃহে লক্ষ্মী আছে, সে গৃহে বিশৃঙ্খলতা কুশ্রীতা নাই। আজকাল আমরা যে সমস্ত অমুষ্ঠান করিতেছি তাহার মধ্যে লক্ষ্মীর হস্ত নাই এইজন্য তাহার মধ্যে বড়ো বিশৃঙ্খলতা, বড়ো বাড়াবাড়ি—তোমরা শিক্ষিতা নারীরা তোমাদের হৃদয়ের সৌন্দর্য লইয়া যদি এই সমাজের মধ্যে এই অসংযত কার্ধসুপের মধ্যে আসিয়া দাঁড়াও তবেই ইহার মধ্যে লক্ষ্মীস্থাপনা হয়, তবে অতি সহজেই সমস্ত শোভন, পরিপাটি এবং সামঞ্জস্যবদ্ধ হইয়া আসে।

শ্রোতস্বিনী আর কিছু না বলিয়া সক্রতজ্ঞ স্নেহদৃষ্টির দ্বারা আমার ললাট স্পর্শ করিয়া গৃহকার্ধে চলিয়া গেল।

দীপ্তি ও শ্রোতস্বিনী সভা ছাড়িয়া গেলে ক্ষিত্তি হাঁপ ছাড়িয়া কহিল,—এইবার সত্য কথা বলিবার সময় পাইলাম। বাতাসটা এইবার মোহমুক্ত হইবে। তোমাদের কথাটা অত্যাঙ্কিতে বড়ো, আমি তাহা নীরবে সহ্য করিয়াছি; আমার কথাটা লম্বায় যদি বড়ো হয় সেটা তোমাদের সহ্য করিতে হইবে।

আমাদের সভাপতি মহাশয় সকল বিষয়ের সকল দিক দেখিবার সাধনা করিয়া থাকেন এইরূপ তাঁহার নিজের ধারণা। এই গুণটি যে সদগুণ আমার তাহাতে সন্দেহ আছে। ওকে বলা যায় বুদ্ধির পেটুকতা। লোভ সংবরণ করিয়া যে মানুষ বাদসাদ দিয়া বাছিয়া খাইতে জানে সেই ষথার্থ খাইতে পারে। আহায়ে বাহার পক্ষপাতের সংযম আছে সেই করে স্বাদগ্রহণ, এবং ধারণ করে সম্যকরূপে। বুদ্ধির যদি কোনো

পক্ষপাত না থাকে, যদি বিষয়ের সবটাকেই গিলিয়া ফেলার কৃত্রী অভ্যাস তাহার থাকে তবে সে বেশি পায় কল্পনা করিয়া, আসলে কম পায় ।

যে মানুষের বুদ্ধি সাধারণত অতিরিক্ত পরিমাণে অপক্ষপাতী সে যখন বিশেষ ক্ষেত্রে পক্ষপাতী হইয়া পড়ে তখন একেবারে আত্মবিশ্বস্ত হইতে থাকে, তখন তার সেই অমিতাচারে ধৈর্য রক্ষা করা কঠিন হয় । সভাপতি মহাশয়ের একমাত্র পক্ষপাতের বিষয় নারী । সে সম্বন্ধে তাঁহার অতিশয়োক্তি মনের স্বাভাবিক প্রতিকূল এবং সত্য-বিচারের বিরোধী ।

পুরুষের জীবনের ক্ষেত্র বৃহৎ সংসারে, সেখানে সাধারণ মানুষের তুলনাক্রমে পরিমাণে বেশি হইয়াই থাকে । বৃহত্তর উপযুক্ত শক্তি সাধনাসাপেক্ষ, কেবলমাত্র সহজ বুদ্ধির জোরে সেখানে ফল পাওয়া যায় না । স্ত্রীলোকের জীবনের ক্ষেত্র ছোটো সংসারে, সেখানে সহজ বুদ্ধিই কাজ চালাইতে পারে । সহজ বুদ্ধি জৈব অভ্যাসের অহুগামী, তাহার অশিক্ষিতপটুত্ব, তাই বলিয়াই সে স্বশিক্ষিত-পটুত্বের উপরে বাহাদুরি লইবে এ ভোঁ সঙ্কল্প করা চলে না । ক্ষুদ্র সীমার মধ্যে বাহা সহজে স্কন্দর তার চেয়ে বড়ো জাতের স্কন্দর তাহাই বৃহৎ সীমার যুদ্ধের ক্ষত চিহ্নে বাহা চিহ্নিত, অস্কন্দরের সংঘর্ষে ও সংযোগে বাহা কঠিন, বাহা অতিসৌম্যে অতিললিত অতিনিখুঁত নয় ।

দেশের পুরুষদের প্রতি তোমারা যে ঐকান্তিক ভাবে অবিচার করিয়াছ তাহাকে আমি দিকার দিই, তাহার অমিতভাষণেই প্রমাণ হয় তাহার অমূলকতা । পৃথিবীতে কাপুরুষ অনেক আছে, আমাদের দেশে হয়তো বা সংখ্যায় আরো বেশি । তার প্রধান কারণটার আভাস পূর্বেই দিয়াছি । যথার্থ পুরুষ হওয়া সহজ নয়, তাহা দুর্মূল্য বলিয়াই দুর্লভ । আদর্শ নারীর উপকরণ-আয়োজন অনেকখানিই জোগাইয়াছে প্রকৃতি । প্রকৃতির আত্মরে সন্তান নয় পুরুষ, বিশ্বের শক্তি-ভাণ্ডার তাহাকে লুণ্ঠ করিয়া লইতে হয় । এই জন্ত পৃথিবীতে অনেক পুরুষ, অকৃতার্থ । কিন্তু বাহারা সার্থক হইতে পারে তাহাদের তুলনা তোমার মেয়েমহলে মিলিবে কোথায় অস্তত আমাদের দেশে এই অকৃতার্থতার কি একটা কারণ নয় মেয়েরাই । তাহাদের অঙ্কসংস্কার, তাহাদের আসক্তি, তাহাদের ঈর্ষা, তাহাদের কপণতা ! মেয়েরা সেখানেই ত্যাগ করে যেখানে তাহাদের প্রবৃত্তি ত্যাগ করায়, তাহাদের সন্তানের জন্ত প্রিয়জনের জন্ত । পুরুষের যথার্থ ত্যাগের ক্ষেত্র প্রবৃত্তির বিরুদ্ধে । এ কথা মনে রাখিয়া দুই জাতের তুলনা করিও ।

ত্রেণকে মনে মনে স্ত্রীলোক পরিহাস করে, জানে সেটা মোহ, সেটা দুর্বলতা ।

একান্ত মনে আশা করি দীপ্তি ও শ্রোতস্বিনী তোমাদের বাড়াবাড়ি লইয়া উচ্ছ্বাসি হাসিতেছে ; না যদি হাসে তবে তাহাদের 'পরে আমার শ্রদ্ধা থাকিবে না। তাহারা নিজের স্বভাবের সীমা কি নিজেরাও জানে না? পরকে ভোলাইবার জন্য অহংকার মার্জনীয় কিন্তু সেই সঙ্গে মনে মনে চাপা হাসি হাসা দরকার, নিজেকে ভোলাইবার জন্য যাহারা অপরিমিত অহংকার অবিচলিত গাভীরের সহিত আত্মনাং করিতে পারে তাহারা যদি জীজাতীয় হয় তবে বলিতে হইবে মেয়েদের হাস্যতা-বোধ নাই, সেটাই হসনীয়, এমন কি শোচনীয়। স্বর্গের দেবীরা স্তবের কোনো অতিভাবে কুণ্ঠিত হন না, আমাদের মর্ত্যের দেবীদেরও যদি সেই গুণটি থাকে তবে তাহাদের দেবী উপাধি কেবলমাত্র সেই কারণেই সার্থক।

তার পরে একটা কথা বলিতে ইচ্ছা করে না, কিন্তু তোমাদের আলোচনার ওজন রক্ষার জন্য বলা দরকার। মেয়েদের ছোটো সংসারে সর্বত্রই অথবা প্রায় সর্বত্রই যে মেয়েরা লক্ষ্মীর আদর্শ এ কথা যদি বলি তবে লক্ষ্মীর প্রতি লাইবেল করা হইবে। তাহার কারণ, সহজ প্রবৃত্তি, যাহাকে ইংরেজিতে ইন্সট্রিংকট বলে তাহার ভাগ্য আছে মন্দও আছে। বুদ্ধির দুর্বলতার সংযোগে এই সমস্ত অল্প প্রবৃত্তি কত ঘরে কত অসহ্য দুঃখ কত দারুণ সর্বনাশ ঘটায় সে কথা কি দীপ্তি ও শ্রোতস্বিনীর অসাক্ষাতেও বলা চলিবে না? দেশের বন্ধে মেয়েদের স্থান বটে, সেই বন্ধে তাহারা মূঢ়তার যে অগদগদ পাথর চাপাইয়া রাখিয়াছে, সেটাকে হৃদয় দেশকে টানিয়া তুলিতে পারিবে কি। তুমি বলিবে সেটার কারণ অশিক্ষা। শুধু অশিক্ষা নয়, অতি মাত্রার হৃদয়ালুতা।

তোমাদের শিল্পের সাংঘাতিক তেজে উদ্ভূত হইয়া উঠিতেছে। আজ তোমরা অনেক কষ্ট ভাষা নিক্ষেপ করিবে জানি, কেননা মনে মনে বুঝিয়াছ আমার কথাটা সত্য। সেই গর্ব মনে লইয়া দৌড় মরিলাম ; গাড়ি ধরিতে হইবে।

## পল্লীগ্রামে

আমি এখন বাংলা দেশের এক প্রান্তে যেখানে বাস করিতেছি এখানে কাছাকাছি কোথাও পুলিশের থানা, ম্যাজিস্ট্রেটের কাছারি নাই। রেলোরে স্টেশন অনেকটা দূরে। যে পৃথিবী কেনাবেচা বাদাত্মবাদ সামলা-মকদ্দমা এবং আত্মগরিমার বিজ্ঞাপন প্রচার করে, কোনো একটা প্রস্তরকঠিন পাকা বড়ো বাস্তার দ্বারা তাহার সহিত এই লোকালয়গুলির যোগস্থাপন হয় নাই। কেবল একটি ছোটো নদী আছে। যেন সে



কেবল এই কয়খানি গ্রামেরই ঘরের ছেলেমেয়েদের নদী। অন্য কোনো বৃহৎ নদী, হ্রদুর সমুদ্র, অপরিচিত গ্রামনগরের সহিত যে তাহার যাতায়াত আছে তাহা এখানকার গ্রামের লোকেরা যেন জানিতে পারে নাই, তাই তাহারা অত্যন্ত হুমিষ্ট একটা আদরের নাম দিয়া ইহাকে নিতান্ত আত্মীয় করিয়া লইয়াছে।

এখন ভাস্কর্যমাসে চতুর্দিক জলমগ্ন—কেবল খালকেন্দ্রের মাথাগুলি অল্পই জাগিয়া আছে। বহু দূরে দূরে এক-একখানি তরুবেষ্টিত গ্রাম উচ্চভূমিতে দীপের মতো দেখা যাইতেছে।

এখানকার মানুষগুলি এমনি অম্লরক্ত ভক্তনৃত্যব এমনি সরল বিশ্বাসপরায়ণ যে, মনে হয় আডাম ও ইভ জ্ঞানবৃক্ষের ফল খাইবার পূর্বেই ইহাদের বংশের আদিপুরুষকে জন্মদান করিয়াছিলেন। সেইজন্য শয়তান যদি ইহাদের ঘরে আসিয়া প্রবেশ করে তাহাকেও ইহারা শিশুর মতো বিশ্বাস করে এবং মান্ত অতিথির মতো নিজের আহারের অংশ দিয়া সেবা করিয়া থাকে।

এই সমস্ত মানুষগুলির স্নিগ্ধ হৃদয়প্রমে যখন বাস করিতেছি এমন সময়ে আমাদের পঞ্চভূত-সভার কোনো একটি সভ্য আমাকে কতকগুলি খবরের কাগজের টুকরা কাটিয়া পাঠাইয়া দিলেন। পৃথিবী যে ঘুরিতেছে, স্থির হইয়া নাই তাহাই স্বরণ করাইয়া দেওয়া তাঁহার উদ্দেশ্য। তিনি লগুন হইতে প্যারিস হইতে গুটিকতক সংবাদের সূর্ণাবাস সংগ্রহ করিয়া ডাকযোগে এই জলনিমগ্ন শ্রামস্বকোমল খালকেন্দ্রের মধ্যে পাঠাইয়া দিয়াছেন।

একপ্রকার ভালোই করিয়াছেন। কাগজগুলি পড়িয়া আমার অনেক কথা মনে উদয় হইল যাহা কলিকাতার থাকিলে আমার ভালোরূপ হৃদয়ঙ্গম হইত না।

আমি ভাবিতে লাগিলাম, এখানকার এই যে সমস্ত নিরক্ষর নির্বোধ চাবাতুয়ার দল—ধিওরিতে আমি ইহাদিগকে অসভ্য বর্ষর বলিয়া অবজ্ঞা করি, কিন্তু কাছে আসিয়া প্রকৃতপক্ষে আমি ইহাদিগকে আত্মীয়ের মতো ভালোবাসি। এবং ইহাও দেখিয়াছি আমার অন্তঃকরণ গোপনে ইহাদের প্রতি একটি প্রজ্ঞা প্রকাশ করে।

কিন্তু লগুন-প্যারিসের সহিত তুলনা করিলে ইহারা কোথায় গিয়া পড়ে! কোথায় সে শিল্প, কোথায় সে সাহিত্য, কোথায় সে রাজনীতি। দেশের অন্য গ্রাম দেওয়া দূরে থাক্ দেশ কাহাকে বলে তাহাও ইহারা জানে না।

এ সমস্ত কথা সম্পূর্ণরূপে পর্যালোচনা করিয়াও আমার মনের মধ্যে একটি দৈববাণী ধনিত হইতে লাগিল—তবু এই নির্বোধ সরল মানুষগুলি কেবল ভালোবাসা নহে, প্রকার যোগ্য।

কেন আমি ইহাদিগকে শ্রদ্ধা করি তাই ভাবিয়া দেখিতেছিলাম। দেখিলাম ইহাদের মধ্যে যে একটি সরল বিশ্বাসের ভাব আছে তাহা অত্যন্ত বহুমূল্য। এমন কি তাহাই মনুষ্যজন্মের চিরসাধনার ধন। যদি মনের ভিতরকার কথা খুলিয়া বলিতে হয় তবে এ কথা স্বীকার করিব আমার কাছে তাহা অপেক্ষা মনোহর আর কিছু নাই।

সেই সরলতাটুকু চলিয়া গেলে সভ্যতার সমস্ত সৌন্দর্যটুকু চলিয়া যায়। কারণ স্বাস্থ্য চলিয়া যায়। সরলতাই মনুষ্যপ্রকৃতির স্বাস্থ্য।

যতটুকু আহাৰ করা যায় ততটুকু পরিপাক হইলে শরীরের স্বাস্থ্যরক্ষা হয়। মসলা দেওয়া স্বতপক্ স্বাদু চৰ্বাচূষালেহ পদার্থকে স্বাস্থ্য বলে না।

সমস্ত জ্ঞান ও বিশ্বাসকে সম্পূর্ণ পরিপাক করিয়া স্বভাবের সহিত একীভূত করিয়া লওয়ার অবস্থাকেই বলে সরলতা, তাহাই মানসিক স্বাস্থ্য। বিবিধ জ্ঞান ও বিচিত্র মতামতকে মনের স্বাস্থ্য বলে না।

এখানকার এই নির্বোধ গ্রাম্য লোকেরা যে-সকল জ্ঞান ও বিশ্বাস লইয়া সংসারযাত্রা নির্বাহ করে সে সমস্তই ইহাদের প্রকৃতির সহিত এক হইয়া মিশিয়া গেছে। যেমন নিঃশ্বাসপ্রশ্বাস রক্তচলাচল আমাদের হাতে নাই তেমনি এ-সমস্ত মতামত রাখা না রাখা তাহাদের হাতে নাই। তাহারা যাহা কিছু জানে যাহা কিছু বিশ্বাস করে নিতান্তই সহজে জানে ও সহজে বিশ্বাস করে। সেই জন্য তাহাদের জ্ঞানের সহিত বিশ্বাসের সহিত কাজের সহিত মনুষ্যের সহিত এক হইয়া গিয়াছে।

একটা উদাহরণ দিই। অতিথি ঘরে আসিলে ইহারা তাহাকে কিছুতেই কিরায় না। আন্তরিক ভক্তির সহিত অক্ষুণ্ণ মনে তাহার সেবা করে। সে জন্য কোনো ক্ষতিকে ক্ষতি কোনো ক্লেশকে ক্লেশ বলিয়া তাহাদের মনে উদয় হয় না। আমিও আতিথ্যকে কিয়ৎপরিমাণে ধর্ম বলিয়া জানি কিন্তু তাহাও জানে জানি বিশ্বাসে জানি না। অতিথি দেখিবামাত্র আমার সমস্ত চিন্তাবৃত্তি তৎক্ষণাৎ তৎপর হইয়া আতিথ্যের দিকে ধাবমান হয় না। মনের মধ্যে নানারূপ তর্ক ও বিচার করিয়া থাকি। এ সম্বন্ধে কোনো বিশ্বাস আমার প্রকৃতির সহিত এক হইয়া যায় নাই।

কিন্তু স্বভাবের ভিন্ন ভিন্ন অংশের মধ্যে অবিচ্ছেদ্য ঐক্যই মনুষ্যজন্মের চরম লক্ষ্য। নিম্নতম জীবশ্রেণীর মধ্যে দেখা যায় তাহাদের অন্তপ্রত্যন্ত ছেদন করিলেও তাহাদিগকে ছুই-চারি অংশে বিভক্ত করিলেও কোনো ক্ষতিবৃদ্ধি হয় না, কিন্তু জীবগণ যতই উন্নতিলাভ করিয়াছে ততই তাহাদের অন্তপ্রত্যন্তের মধ্যে ঘনিষ্ঠতর ঐক্য স্থাপিত হইয়াছে।

মানব-স্বভাবের মধ্যেও জ্ঞান বিশ্বাস ও কার্যের বিচ্ছিন্নতা উন্নতির নিয়মপূর্ণগত।  
তিনের মধ্যে অভেদ সংযোগই চরম উন্নতি।

কিন্তু যেখানে জ্ঞান-বিশ্বাস-কার্যের বৈচিত্র্য নাই সেখানে এই ঐক্য অপেক্ষাকৃত  
সুন্দর। ফুলের পক্ষে সুন্দর হওয়া যত সহজ জীবনরীতির পক্ষে তত নহে।  
জীবনেহের বিবিধকার্যোপযোগী বিচিত্র অঙ্গপ্রত্যঙ্গ-সমাবেশের মধ্যে তেমন নিখুঁত  
সম্পূর্ণতা বড়ো দুর্লভ। জন্তুদের অপেক্ষা মানুষের মধ্যে সম্পূর্ণতা আরো দুর্লভ।  
মানসিক প্রকৃতি সম্বন্ধেও এ কথা খাটে।

আমার এই ক্ষুদ্র গ্রামের চাষাদের প্রকৃতির মধ্যে যে একটি ঐক্য দেখা যায়  
তাহার মধ্যে বৃহৎ মটিলতা কিছুই নাই। এই ধরাপ্রান্তে ধাতুকেন্দ্রের মধ্যে সামান্য  
গুটিকতক অভাব মোচন করিয়া জীবনধারণ করিতে অধিক দর্শন-বিজ্ঞান-সমাজতত্ত্বের  
প্রয়োজন হয় না। যে গুটিকয়েক আদিম পরিবার-নীতি গ্রাম-নীতি এবং প্রজা-  
নীতির আবশ্যক, সে কয়েকটি অতিসহজেই মানুষের জীবনের সহিত মিশিয়া অথও  
জীবন্তভাবে ধারণ করিতে পারে।

তবু ক্ষুদ্র হইলেও ইহার মধ্যে যে একটি সৌন্দর্য আছে তাহা চিত্তকে আকর্ষণ না  
করিয়া থাকিতে পারে না, এবং এই সৌন্দর্যটুকু অশিক্ষিত ক্ষুদ্র গ্রামের মধ্য হইতে  
পদ্মের স্তায় উদ্ভিন্ন হইয়া উঠিয়া সমস্ত গবিত সভ্যসমাজকে একটি আদর্শ দেখাইতেছে।  
সেইজন্য লণ্ডন-প্যারিসের তুমুল সভ্যতা-কোলাহল দূর হইতে সংবাদপত্রযোগে কানে  
আসিয়া বাজিলেও আমার গ্রামটি আমার হৃদয়ের মধ্যে অল্প প্রধান স্থান অধিকার  
করিয়াছে।

আমার নানাচিন্তাবিক্ষিপ্ত চিত্তের কাছে এই ছোটো পল্লীটি তানপুরার সরল সুরের  
মতো একটি নিত্য আদর্শ উপস্থিত করিয়াছে। সে বলিতেছে—আমি মহৎ নহি  
বিশ্বয়জনক নহি, কিন্তু আমি ছোটোর মধ্যে সম্পূর্ণ স্বতরাং অল্প সমস্ত অভাব সম্বন্ধেও  
আমার যে একটি মাধুর্য আছে তাহা স্বীকার করিতেই হইবে। আমি ছোটো  
বলিয়া তুচ্ছ কিন্তু সম্পূর্ণ বলিয়া সুন্দর এবং এই সৌন্দর্য তোমাদের জীবনের আদর্শ।

অনেকে আমার কথায় হাস্ত সংবরণ করিতে পারিবেন না কিন্তু তবু আমার বলা  
উচিত এই মূঢ় চাষাদের সুসমাধীন মুখের মধ্যে আমি একটি সৌন্দর্য অনুভব করি  
যাহা রমণীয় সৌন্দর্যের মতো। আমি নিজেই তাহাতে বিশ্বিত হইয়াছি এবং চিন্তা  
করিয়াছি এ সৌন্দর্য কিসের। আমার মনে তাহার একটা উত্তরও উদয় হইয়াছে।

স্বাভাব প্রকৃতি কোনো একটি বিশেষ স্থায়ী ভাবে অবলম্বন করিয়া থাকে, তাহার  
মুখে সেই ভাব ক্রমশ একটি স্থায়ী লাবণ্য অঙ্কিত করিয়া দেয়।

আমার এই গ্রাম্য লোকসকল জন্মাবধি কতকগুলি স্থির ভাবের প্রতি স্থির দৃষ্টি বন্ধ করিয়া রাখিয়াছে, সেই কারণে সেই ভাবগুলি ইহাদের দৃষ্টিতে আপনাকে অঙ্কিত করিয়া দিবার সুদীর্ঘ অবসর পাইয়াছে। সেই জন্ম ইহাদের দৃষ্টিতে একটি সঙ্কল্প খেঁধ ইহাদের মুখে একটি নির্ভরপরায়ণ বৎসল ভাব স্থিররূপে প্রকাশ পাইতেছে।

যাহারা সকল বিশ্বাসকেই প্রশ্ন করে এবং নানা বিপরীত ভাবকে পরখ করিয়া দেখে তাহাদের মুখে একটা বুদ্ধির তীব্রতা এবং সন্ধানতৎপরতার পটুতা প্রকাশ পায় কিন্তু ভাবের গভীর স্নিগ্ধ সৌন্দর্য হইতে সে অনেক তফাত।

আমি যে ক্ষুদ্র নদীটিতে নৌকা লইয়া আছি ইহাতে শ্রোত নাই বলিলেও হয়, সেই জন্ম এই নদী কুমুদে কল্লারে পদ্মে শৈবালে সমাচ্ছন্ন হইয়া আছে। সেইরূপ একটা স্থায়িত্বের অবলম্বন না পাইলেও ভাবসৌন্দর্য ও গভীরভাবে বন্ধমূল হইয়া আপনাকে বিকশিত করিবার অবসর পায় না।

প্রাচীন যুরোপ নব্য আমেরিকার প্রধান অভাব অনুভব করে সেই ভাবের। তাহার ঔজ্জ্বল্য আছে, চাঞ্চল্য আছে, কাঠিন্য আছে, কিন্তু ভাবের গভীরতা নাই। সে বড়োই বেশিমাত্রায় নূতন, তাহাতে ভাব জন্মাইবার সময় পায় নাই। এখনো সে সভ্যতা মানুষের সহিত মিশ্রিত হইয়া গিয়া মানুষের হৃদয়ের দ্বারা অনুরঞ্জিত হইয়া উঠে নাই। সত্য মিথ্যা বলিতে পারি না এইরূপ তো শুনা যায় এবং আমেরিকার প্রকৃত সাহিত্যের বিরলতায় এইরূপ অনুমান করাও যাইতে পারে। প্রাচীন যুরোপের ছিদ্রে ছিদ্রে কোণে কোণে অনেক শ্রামল পুরাতন ভাব অঙ্কুরিত হইয়া তাহাকে বিচিত্র লাভণ্যে মগ্নিত করিয়াছে, আমেরিকার সেই লাভণ্যটি নাই। বহু স্মৃতি জনপ্রবাদ বিশ্বাস ও সংস্কারের দ্বারা এখনো তাহাতে মানব-জীবনের রঙ ধরিয়া যায় নাই।

আমার এই চাষাদের মুখে অস্তঃপ্রকৃতির সেই রঙ ধরিয়া গেছে। সারল্যের সেই পুরাতন শ্রীটুকু সকলকে দেখাইবার জন্ম আমার বড়ো একটি আকাঙ্ক্ষা হইতেছে। কিন্তু সেই শ্রী এতই সুকুমার যে, কেহ যদি বলেন, দেখিলাম না এবং কেহ যদি হাস্ত করেন তবে তাহা নির্দেশ করিয়া দেওয়া আমার ক্ষমতার অতীত।

এই খবরের কাগজের টুকরাগুলো পড়িতেছি আর আমার মনে হইতেছে যে, বাইবেলে লেখা আছে, যে নয় সেই পৃথিবীর অধিকার প্রাপ্ত হইবে। আমি যে নয়তাটুকু এখানে দেখিতেছি ইহার একটি স্বর্গীয় অধিকার আছে। পৃথিবীতে সৌন্দর্যের অপেক্ষা নয় আর কিছু নাই—সে বলের দ্বারা কোনো কাজ করিতে চায় না—এক সময় পৃথিবী তাহারই হইবে। এই যে গ্রামবাসিনী সুন্দরী সরলতা আজ একটি নগরবাসী নবসভ্যতার পোশ্যপুঞ্জের মন অতিক্রান্তভাবে হরণ করিয়া লইতেছে

এক কালে সে এই সমস্ত সভ্যতার রাজধানী হইয়া বসিবে। এখনো হয়তো তার অনেক বিলম্ব আছে। কিন্তু অবশেষে সভ্যতা সরলতার সহিত যদি সম্মিলিত না হয় তবে সে আপনার পরিপূর্ণতার আদর্শ হইতে ভ্রষ্ট হইবে।

পূর্বেই বলিয়াছি স্থায়িত্বের উপর ভাবসৌন্দর্যের নির্ভর। পুরাতন স্মৃতির যে সৌন্দর্য তাহা কেবল অপ্রাপ্যতা নিবন্ধন নহে; হৃদয় বহুকাল তাহার উপর বাস করিতে পারি বলিয়া সহস্র সজীব কল্পনাসূত্র প্রচারিত করিয়া তাহাকে আপনার সহিত একীকৃত করিতে পারে, সেই কারণেই তাহার মাধুর্য। পুরাতন গৃহ, পুরাতন দেবমন্দিরের প্রধান সৌন্দর্যের কারণ এই যে, বহুকালের স্থায়িত্ববশত তাহারা মাহুষের সহিত অত্যন্ত সংযুক্ত হইয়া গেছে, তাহারা অবিপ্রাম মানব-হৃদয়ের সংস্রবে সর্বাংশে সচেতন হইয়া উঠিয়াছে—সমাজের সহিত তাহাদের সর্বপ্রকার বিচ্ছেদ দূর হইয়া তাহারা সমাজের অঙ্গ হইয়া গেছে, এই ঐক্যেই তাহাদের সৌন্দর্য। মানবসমাজে জীলোক সর্বাঙ্গেকা পুরাতন; পুরুষ নানা কার্য নানা অবস্থা নানা পরিবর্তনের মধ্যে সর্বদাই চঞ্চলভাবে প্রবাহিত হইয়া আসিতেছে; জীলোক স্থায়িত্বাবে কেবলই জননী এবং পত্নীরূপে বিরাজ করিতেছে, কোনো বিপ্লবেই তাহাকে বিক্ষিপ্ত করে নাই; এই জন স সমাজের মর্ষের মধ্যে নারী এমন সুন্দররূপে সংহতরূপে মিশ্রিত হইয়া গেছে; কেবল তাহাই নহে, সেই জন সে তাহার ভাবের সহিত কাজের সহিত শক্তির সহিত সবস্বচ্ছ এমন সম্পূর্ণ এক হইয়া গেছে—এই দুর্লভ সর্বাঙ্গীণ ঐক্য লাভ করিবার জন্য তাহার দীর্ঘ অবসর ছিল।

সেইরূপ যখন দীর্ঘকালের স্থায়িত্ব আশ্রয় করিয়া তর্ক যুক্তি জ্ঞান ক্রমশ সংস্কারে বিশ্বাসে আসিয়া পরিণত হয় তখনই তাহার সৌন্দর্য ফুটিতে থাকে। তখন সে স্থির হইয়া দাঁড়ায় এবং ভিতরে যে-সকল জীবনের বীজ থাকে সেইগুলি মাহুষের বহুদিনের আনন্দালোকে ও অশ্রুজলবর্ষণে অঙ্কুরিত হইয়া তাহাকে আচ্ছন্ন করিয়া ফেলে।

যুরোপে সম্প্রতি যে এক নব সভ্যতার যুগ আবির্ভূত হইয়াছে এ যুগে ক্রমাগতই নব নব জ্ঞানবিজ্ঞান মতামত স্তূপাকার হইয়া উঠিয়াছে; যন্ত্রতন্ত্র উপকরণসামগ্রীতেও একেবারে স্থানাভাব হইয়া দাঁড়াইয়াছে। অবিপ্রাম চাকল্যে কিছুই পুরাতন হইতে পাইতেছে না।

কিন্তু দেখিতেছি এই সমস্ত আয়োজনের মধ্যে মানবহৃদয় কেবলই ক্রন্দন করিতেছে, যুরোপের সাহিত্য হইতে সহজ আনন্দ সরল শাস্তির গান একেবারে নির্বাসিত হইয়া গিয়াছে। হয় প্রমোদের মাদকতা, নয় নৈরাশ্রের বিলাপ, নয় বিদ্রোহের অটহাস্য।

তাহার কারণ মানবহৃদয় যত ক্ষণ এই বিপুল সভ্যতাস্তূপের মধ্যে একটি স্তম্ভর ঐক্য স্থাপন করিতে না পারিবে তত ক্ষণ কখনোই ইহার মধ্যে আরামে ঘরকল্পা পাতিয়া প্রতিষ্ঠিত হইতে পারিবে না। তত ক্ষণ সে কেবল অস্থির অশান্ত হইয়া বেড়াইবে। আর সমস্তই জড়ো হইয়াছে, কেবল এখনো স্থায়ী সৌন্দর্য, এখনো নবসভ্যতার রাজলক্ষ্মী আসিয়া দাঁড়ান নাই। জ্ঞান বিশ্বাস ও কার্য পরস্পরকে কেলগই পীড়ন করিতেছে—ঐক্যলাভের জন্ত নহে, জয়লাভের জন্ত পরস্পরের মধ্যে সংগ্রাম বাধিয়া গিয়াছে।

কেবল যে প্রাচীন স্মৃতির মধ্যে সৌন্দর্য তাহা নহে, নবীন আশার মধ্যেও সৌন্দর্য, কিন্তু দুর্ভাগাক্রমে যুরোপের নূতন সভ্যতার মধ্যে এখনো আশার সঞ্চার হয় নাই। বৃহৎ যুরোপ অনেক বার অনেক আশায় প্রতারিত হইয়াছে; যে সকল উপায়ের উপর তাহার বড়ো বিশ্বাস ছিল সে সমস্ত একে একে ব্যর্থ হইতে দেখিয়াছে। ফরাসি বিপ্লবকে একটা বৃহৎ চেষ্টার বৃথা পরিণাম বলিয়া অনেকে মনে করে। এক সময় লোকে মনে করিয়াছিল আপামর সাধারণকে ভোট দিতে দিলেই পৃথিবীর অধিকাংশ অমঙ্গল দূর হইবে—এখন সকলে ভোট দিতেছে অথচ অধিকাংশ অমঙ্গল বিদায় লইবার জন্ত কোনোরূপ ব্যস্ততা দেখাইতেছে না। কখনো বা লোকে আশা করিয়াছিল স্টেটের দ্বারা মানুষের সকল দুর্দশা মোচন হইতে পারে, এখন আবার পণ্ডিতেরা আশকা করিতেছেন স্টেটের দ্বারা দুর্দশা মোচনের চেষ্টা করিলে হিতে বিপরীত হইবারই সম্ভাবনা। কমলার খনি কাপড়ের কল এবং বিজ্ঞানশাস্ত্রের উপর কাহারও কাহারও কিছু কিছু বিশ্বাস হয় কিন্তু তাহাতেও বিশ্বাস ঘোচে না; অনেক বড়ো বড়ো লোক বলিতেছেন কলের দ্বারা মানুষের পূর্ণতা সাধন হয় না। আধুনিক যুরোপ বলে, আশা করিবে না, বিশ্বাস করিবে না, কেবল পরীক্ষা করে।

নবীনা সভ্যতা যেন এক বৃদ্ধ পতিকে বিবাহ করিয়াছে, তাহার সমৃদ্ধি আছে কিন্তু যৌবন নাই, সে আপনার সহস্র পূর্ব অভিজ্ঞতার দ্বারা জীর্ণ। উভয়ের মধ্যে ভালোরূপ প্রণয় হইতেছে না—গৃহের মধ্যে কেবল অশান্তি।

এই সমস্ত আলোচনা করিয়া আমি এই পল্লীর ক্ষুদ্র সম্পূর্ণতার সৌন্দর্য বিগুণ আনন্দে সম্ভোগ করিতেছি।

তাই বলিয়া আমি এমন অন্ধ নহি যে, যুরোপীয় সভ্যতার মৰ্যাদা বুঝি না। প্রভেদের মধ্যে ঐক্যই ঐক্যের পূর্ণ আদর্শ—বৈচিত্র্যের মধ্যে ঐক্যই সৌন্দর্যের প্রধান কারণ। সম্প্রতি যুরোপে সেই প্রভেদের যুগ পড়িয়াছে, তাই বিচ্ছেদ বৈষম্য। যখন ঐক্যের যুগ আসিবে তখন এই বৃহৎ স্তূপের মধ্যে অনেক ঝরিয়া গিয়া পরিপাক

প্রাপ্ত হইয়া একখানি সমগ্র স্কন্দর সভ্যতা দাঁড়াইয়া যাইবে। ক্ষুদ্র পরিণামের মধ্যে পরিসমাপ্তি লাভ করিয়া সঙ্কটেভাবে থাকার মধ্যে একটি শান্তি সৌন্দর্য ও নির্ভয়তা আছে সন্দেহ নাই—আর, বাহারা মহুশ্যপ্রকৃতিকে ক্ষুদ্র ঐক্য হইতে মুক্তি দিয়া বিপুল বিস্তারের দিকে লইয়া যায় তাহারা অনেক অশান্তি অনেক বিঘ্নবিপদ সহ করে, বিপ্লবের রণক্ষেত্রের মধ্যে তাহাদিগকে অশ্রান্ত সংগ্রাম করিতে হয়—কিন্তু তাহারাই পৃথিবীর মধ্যে বীর এবং তাহারা যুদ্ধে পতিত হইলেও অক্ষয় স্বর্গ লাভ করে। এই বীর্য এবং সৌন্দর্যের মিলনেই বর্ধার সম্পূর্ণতা। উভয়ের বিচ্ছেদে অর্ধসভ্যতা। তথাপি আমরা সাহস করিয়া যুরোপকে অর্ধসভ্য বলি না, বলিলেও কাহারও গায়ে বাজে না। যুরোপ আমাদের অর্ধসভ্য বলে; এবং বলিলে আমাদের গায়ে বাজে, কারণ, সে আমাদের কর্ণধার হইয়া বসিয়াছে।

আমি এই পল্লীপ্রান্তে বসিয়া আমার সাদাসিধা তানপুরার চারটি তারের ঞ্চটিচারেক স্কন্দর স্বরসম্মিশ্রণের সহিত মিলাইয়া যুরোপীয় সভ্যতাকে বলিতেছি তোমার স্বর এখনো মিলিল না এবং তানপুরাটিকেও বলিতে হয়, তোমার ঐ ঞ্চটিকয়েক স্বরের পুনঃপুন ংকারকেও পরিপূর্ণ সংগীত জ্ঞান করিয়া সঙ্কটে হওয়া যায় না। বরঞ্চ আঙ্গিকার ঐ বিচিত্র বিশৃঙ্খল স্বরসমষ্টি কাল প্রতিভার প্রভাবে মহাসংগীতে পরিণত হইয়া উঠিতে পারে, কিন্তু হায়, তোমার ঐ কয়েকটি তারের মধ্য হইতে মহৎ মূর্তিমান সংগীত বাহির করা প্রতিভার পক্ষেও দুঃসাধ্য।

## মনুষ্য

স্রোতস্বিনী প্রাতঃকালে আমার বৃহৎ খাতাটি হাতে করিয়া আনিয়া কহিল,—  
এ সব তুমি কী লিখিয়াছ। আমি যে সকল কথা কাম্বিনকালে বলি নাই তুমি আমার মুখে কেন বসাইয়াছ ?

আমি কহিলাম,—তাহাতে দোষ কী হইয়াছে ?

স্রোতস্বিনী কহিল,—এমন করিয়া আমি কখনো কথা কহি না এবং কহিতে পারি না। যদি তুমি আমার মুখে এমন কথা দিতে, বাহা আমি বলি বা না বলি আমার পক্ষে বলা সম্ভব, তাহা হইলে আমি এমন লজ্জিত হইতাম না। কিন্তু এ যেন তুমি একখানা বই লিখিয়া আমার নামে চালাইতেছ।

আমি কহিলাম,—তুমি আমাদের কাছে কতটা বলিয়াছ তাহা তুমি কী করিয়া বুঝিবে। তুমি যতটা বল, তাহার সহিত, তোমাকে যতটা জানি ছই মিশিয়া অনেকখানি হইয়া উঠে। তোমার সমস্ত জীবনের দ্বারা তোমার কথাগুলি ডরিয়া উঠে। তোমার সেই অব্যক্ত উহু কথাগুলি তো বাদ দিতে পারি না।

শ্রোতবিনী চূপ করিয়া রহিল। জানি না, বুঝিল, কি, না বুঝিল। বোধ হয় বুঝিল, কিন্তু তথাপি আবার কহিলাম,—তুমি জীবন্ত বর্তমান, প্রতিক্রমে নব নব ভাবে আপনাকে ব্যক্ত করিতেছ—তুমি যে আছ, তুমি যে সত্য, তুমি যে সুন্দর, এ বিশ্বাস উদ্বেক করিবার জন্য তোমাকে কোনো চেষ্টাই করিতে হইতেছে না—কিন্তু লেখার সেই প্রথম সত্যটুকু প্রমাণ করিবার জন্য অনেক উপায় অবলম্বন এবং অনেক বাক্য ব্যয় করিতে হয়। নতুবা প্রত্যক্ষের সহিত অপ্রত্যক্ষ সমকক্ষতা রক্ষা করিতে পারিবে কেন। তুমি মনে করিতেছ আমি তোমাকে বেশি বলাইয়াছি তাহা ঠিক নহে—আমি বরং তোমাকে সংক্ষেপ করিয়া লইয়াছি—তোমার লক্ষ লক্ষ কথা, লক্ষ লক্ষ কাজ, চিরবিচিত্র আকার-ইন্দ্রিতের কেবলমাত্র সার গ্রহণ করিয়া লইতে হইয়াছে। নহিলে তুমি যে কথাটি আমার কাছে বলিয়াছ ঠিক সেই কথাটি আমি আর কাহারও কর্ণগোচর করাইতে পারিতাম না, লোকে ঢের কম শুনিত এবং ভুল শুনিত।

শ্রোতবিনী দক্ষিণ পার্শ্বে ঈষৎ মুখ ফিরাইয়া একটা বহি খুলিয়া তাহার পাতা উলটাইতে উলটাইতে কহিল—তুমি আমাকে স্নেহ কর বলিয়া আমাকে যতখানি দেখ আমি তো বাস্তবিক ততখানি নহি।

আমি কহিলাম,—আমার কি এত স্নেহ আছে যে, তুমি বাস্তবিক যতখানি আমি তোমাকে ততখানি দেখিতে পাইব। একটি মানুষের সমস্ত কে ইয়ত্তা করিতে পারে, ঈশ্বরের মতো কাহার স্নেহ।

ক্ষিতি তো একেবারে অস্থির হইয়া উঠিল, কহিল,—এ আবার তুমি কী কথা তুলিলে। শ্রোতবিনী তোমাকে এক ভাবে প্রশ্ন জিজ্ঞাসা করিলেন, তুমি আর এক ভাবে তাহার উত্তর দিলে।

আমি কহিলাম,—জানি। কিন্তু কথাবার্তায় এমন অসংলগ্ন উত্তর-প্রত্যুত্তর হইয়া থাকে। মন এমন একপ্রকার দাহ পদার্থ যে, ঠিক যেখানে প্রশ্নফুলি পড়িল সেখানে কিছু না হইয়া হয়তো দশ হাত দূরে আর এক জায়গায় দগ্ন করিয়া জলিয়া উঠে। নির্বাচিত কমিটিতে বাহিরের লোকের প্রবেশ নিষেধ, কিন্তু বৃহৎ উৎসবের স্থলে যে আসে তাহাকেই ডাকিয়া বসানো যায়—আমাদের কথোপকথন-সভা সেই উৎসব-সভা; সেখানে যদি একটা সংলগ্ন কথা অনাহত আসিয়া উপস্থিত হয়, তবে স্তম্ভপাৎ



তাহাকে আনন্দ মশায় বসন বলিয়া আহ্বান করিয়া হস্তমুখে তাহার পরিচয় না লইলে উৎসবের উদারতা দূর হয়।

কিত্তি কহিল,—ঘাট হইয়াছে, তবে তাই করো, কী বলিতেছিলে বলে। ক উচ্চারণমাত্র কৃষ্ণকে স্বরণ করিয়া প্রহ্লাদ কাঁদিয়া উঠে, তাহার আর বর্ণমালা শেখা হয় না; একটা প্রশ্ন শুনিবামাত্র যদি আর একটা উত্তর তোমার মনে ওঠে তবে তো কোনো কথাই এক পা অগ্রসর হয় না। কিন্তু প্রহ্লাদজাতীয় লোককে নিজের খেয়াল অনুসারে চলিতে দেওয়াই ভালো, বাহা মনে আসে বলে।

আমি কহিলাম,—আমি বলিতেছিলাম, বাহাকে আমরা ভালোবাসি কেবল তাহারই মধ্যে আমরা অনন্তের পরিচয় পাই। এমন কি, জীবের মধ্যে অনন্তকে অনুভব করারই অন্ত নাম ভালোবাসা। প্রকৃতির মধ্যে অনুভব করার নাম সৌন্দর্যসম্ভোগ। ইহা হইতে মনে পড়িল, সমস্ত বৈষ্ণবধর্মের মধ্যে এই গভীর তত্ত্বটি নিহিত রহিয়াছে।

কিত্তি মনে মনে ভাবিল—কী সর্বনাশ। আবার তত্ত্বকথা কোথা হইতে আসিয়া পড়িল। স্রোতস্বিনী এবং দীপ্তিও যে তত্ত্বকথা শুনিবার জন্য অতিশয় লালায়িত তাহা নহে—কিন্তু একটা কথা যখন মনের অঙ্ককারের ভিতর হইতে হঠাৎ লাফাইয়া ওঠে তখন তাহার পশ্চাৎ পশ্চাৎ শেষ পর্যন্ত ধাবিত হওয়া ভাব-শিকারীর একটা চিরাত্যস্ত কাজ। নিজের কথা নিজে আয়ত্ত করিবার জন্য বকিয়া যাই, লোকে মনে করে আমি অন্তকে তত্ত্বোপদেশ দিতে বসিয়াছি।

আমি কহিলাম,—বৈষ্ণবধর্ম পৃথিবীর সমস্ত প্রেম-সম্পর্কের মধ্যে ঈশ্বরকে অনুভব করিতে চেষ্টা করিয়াছে। যখন দেখিয়াছে মা আপনার সন্তানের মধ্যে আনন্দের আর অবধি পায় না, সমস্ত হৃদয়খানি মুহূর্তে মুহূর্তে ভাঁজে ভাঁজে খুলিয়া ঐ ক্ষুদ্র মানবাত্মকে সম্পূর্ণ বেষ্টন করিয়া শেষ করিতে পারে না, তখন আপনার সন্তানের মধ্যে আপনার ঈশ্বরকে উপাসনা করিয়াছে। যখন দেখিয়াছে প্রভুর জন্য দাস আপনার প্রাণ দেয়, বন্ধুর জন্য বন্ধু আপনার স্বার্থ বিসর্জন করে, প্রিয়তম এবং প্রিয়তমা পরস্পরের নিকটে আপনার সমস্ত আত্মাকে সমর্পণ করিবার জন্য ব্যাকুল হইয়া উঠে তখন এই সমস্ত পরমপ্রেমের মধ্যে একটা সীমাতীত লোকাতীত ঐশ্বর অনুভব করিয়াছে।

কিত্তি কহিল,—সীমার মধ্যে অসীম, প্রেমের মধ্যে অনন্ত এ সব কথা যতই বেশি শুনি ততই বেশি ছবোধ হইয়া পড়ে। প্রথম প্রথম মনে হইত যেন কিছু কিছু বুঝিতে পারিতেছি বা, এখন দেখিতেছি অনন্ত অসীম প্রভৃতি শব্দগুণা স্তূপাকার হইয়া বুঝিবার পথ বন্ধ করিয়া দাঁড়াইয়াছে।

আমি কহিলাম,—ভাষা ভূমির মতো। তাহাতে একই শব্দ ক্রমাগত বপন করিলে তাহার উৎপাদিকা শক্তি নষ্ট হইয়া যায়। “অনন্ত” এবং “অসীম” শব্দদুটা আজকাল সর্বদা ব্যবহারে জীর্ণ হইয়া পড়িয়াছে, এই জন্ত যথার্থ একটা কথা বলিবার না থাকিলে ও দুটা শব্দ ব্যবহার করা উচিত হয় না। মাতৃভাষার প্রতি একটু দয়ামায়া করা কর্তব্য।

ক্ষিত্তি কহিল,—ভাষার প্রতি তোমার তো যথেষ্ট সদয় আচরণ দেখা যাইতেছে না।

সমীর এত কণ আমার খাতাটি পড়িতেছিল, শেষ করিয়া কহিল—এ কী করিয়াছ। তোমার ডায়ারির এই লোকগুলো কি মানুষ না যথার্থই ভূত? ইহারা দেখিতেছি কেবল বড়ো বড়ো ভালো ভালো কথাই বলে কিন্তু ইহাদের আকার আয়তন কোথায় গেল?

আমি বিখলমুখে কহিলাম,—কেন বলো দেখি?

সমীর কহিল,—তুমি মনে করিয়াছ, আয়ের অপেক্ষা আমসত্ত্ব ভালো—তাহাতে সমস্ত আঁঠি আঁশ আবরণ এবং জলীয় অংশ পরিহার করা যায়—কিন্তু তাহার সেই লোভন গন্ধ, সেই শোভন আকার কোথায়? তুমি কেবল আমার সারটুকু লোককে দিবে, আমার মানুষটুকু কোথায় গেল? আমার বেবাক বাজে কথাগুলো তুমি বাজেয়াপ্ত করিয়া যে একটি নিরেট মূর্তি দাঁড় করাইয়াছ তাহাতে দস্তফুট করা ছঃসাধ্য। আমি কেবল দুই-চারিটি চিন্তাশীল লোকের কাছে বাহবা পাইতে চাহি না, আমি সাধারণ লোকের মধ্যে বাঁচিয়া থাকিতে চাহি।

আমি কহিলাম,—সে জন্ত কী করিতে হইবে?

সমীর কহিল,—সে আমি কী জানি। আমি কেবল আপত্তি জানাইয়া রাখিলাম। আমার যেমন সার আছে তেমনি আমার স্বাদ আছে; সারাংশ মানুষের পক্ষে আবশ্যিক হইতে পারে কিন্তু স্বাদ মানুষের নিকট প্রিয়। আমাকে উপলক্ষ করিয়া মানুষ কতকগুলো মত কিংবা তর্ক আহরণ করিবে এমন ইচ্ছা করি না, আমি চাই মানুষ আমাকে আপনার লোক বলিয়া চিনিয়া লইবে। এই ভ্রমসংকুল সাধের মানবজন্ম ত্যাগ করিয়া একটা মাসিক পত্রের নিহূল প্রবন্ধ-আকারে জন্মগ্রহণ করিতে আমার প্রবৃত্তি হয় না। আমি দার্শনিক তত্ত্ব নই, আমি ছাপার বই নই, আমি তর্কের সৃষ্টি অথবা কৃষ্টি নই, আমার বন্ধুরা আমার আত্মীয়েরা আমাকে বাহা বলিয়া জানেন, আমি তাহাই।

ব্যোম এত কণ একটা চৌকিতে ঠেসান দিয়া আর একটা চৌকির উপর পা-দুটা

তুলিয়া অটল প্রশান্ত ভাবে বসিয়াছিল। সে হঠাৎ বলিল—তর্ক বল, তত্ত্ব বল, সিদ্ধান্ত এবং উপসংহারেই তাহাদের চরম গতি, সমাপ্তিতেই তাহাদের প্রধান গৌরব। কিন্তু মানুষ স্বতন্ত্রাত্মীয় পদার্থ—অমরতা-অসমাপ্তিই তাহার সর্বপ্রধান যার্থ্য। বিশ্বামহীর গতিই তাহার প্রধান লক্ষণ। অমরতাকে কে সংক্ষেপ করিবে, গতির সারাংশ কে দিতে পারে? ভালো ভালো পাকা কথাগুলি যদি অতি অনায়াস-ভাবে মানুষের মুখে বসাইয়া দাও তবে ভ্রম হয় তাহার মনের বেন একটা গতিবৃদ্ধি নাই—তাহার যত দূর হইবার শেষ হইয়া গেছে। চেষ্টা ভ্রম অসম্পূর্ণতা পুনরুক্তি যদিও আপাতত দারিদ্র্যের মতো দেখিতে হয় কিন্তু মানুষের প্রধান ঐশ্বর্য তাহার ঘাইই প্রমাণ হয়। তাহার ঘারা চিন্তার একটা গতি একটা জীবন নির্দেশ করিয়া দেয়। মানুষের কথাবার্তা চরিত্রের মধ্যে কাঁচা রংটুকু, অসমাপ্তির কোমলতা ছর্বলতা-টুকু না রাখিয়া দিলে তাহাকে একেবারে সাজ করিয়া ছোটো করিয়া ফেলা হয়। তাহার অনন্ত পর্বের পালা একেবারে সূচীপত্রের সারিয়া দেওয়া হয়।

সমীর কহিল,—মানুষের ব্যক্ত করিবার ক্ষমতা অতিশয় অল্প—এই অল্প প্রকাশের সঙ্গে নির্দেশ, ভাষার সঙ্গে ভঙ্গী, ভাবের সহিত ভাবনা যোগ করিয়া দিতে হয়। কেবল রথ নহে রথের মধ্যে তাহার গতি সঞ্চারিত করিয়া দিতে হয়; যদি একটা মানুষকে উপস্থিত কর তাহাকে খাড়া দাঁড় করাইয়া কতকগুলি কলে-ছাঁটা কথা কহাইয়া গেলেই হইবে না, তাহাকে চালাইতে হইবে, তাহাকে স্থান-পরিবর্তন করাইতে হইবে, তাহার অভ্যন্তর বৃহৎ বৃহৎ বৃহৎ তাহাকে অসমাপ্তভাবেই দেখাইতে হইবে।

আমি কহিলাম,—সেইটাই তো কঠিন। কথা শেষ করিয়া বুঝাইতে হইবে এখনো শেষ হয় নাই, কথার মধ্যে সেই উদ্ভূত ভঙ্গিটি দেওয়া বিষয় ব্যাপার।

স্রোতস্বিনী কহিল,—এই অল্পই সাহিত্যে বহুকাল ধরিয়া একটা তর্ক চলিয়া আসিতেছে যে, বলিবার বিষয়টা বেশি, না, বলিবার ভঙ্গিটা বেশি। আমি এ কথাটা লইয়া অনেকবার ভাবিয়াছি, ভালো বুঝিতে পারি না। আমার মনে হয় তর্কের খেয়াল অল্পসারে বহন যেটাকে প্রাধান্য দেওয়া যায় তখন সেইটাই প্রধান হইয়া উঠে।

ব্যোম মাথাটা কড়িকাঠের দিকে তুলিয়া বলিতে লাগিল,—সাহিত্যে বিষয়টা শ্রেষ্ঠ, না, ভঙ্গিটা শ্রেষ্ঠ ইহা বিচার করিতে হইলে আমি দেখি কোন্টা অধিক রহস্যময়। বিষয়টা দেহ, ভঙ্গিটা জীবন। দেহটা বর্তমানেই সমাপ্ত, জীবনটা একটা চকল অসমাপ্তি তাহার সঙ্গে লাগিয়া আছে, তাহাকে বৃহৎ ভবিষ্যতের দিকে বহন করিয়া লইয়া চলিয়াছে, সে যতখানি দৃশ্যমান তাহা অতিক্রম করিয়াও তাহার সহিত অনেকখানি আশাপূর্ণ নব নব সম্ভাবনা জড়িয়া রাখিয়াছে। যতটুকু বিবরণরূপে

প্রকাশ করিলে ততটুকু জড় দেহ মাত্র, ততটুকু সীমাবদ্ধ, যতটুকু ভঙ্গির দ্বারা তাহার মধ্যে সঞ্চার করিয়া দিলে তাহাই জীবন, তাহাতেই তাহার বুদ্ধিশক্তি তাহার চলৎশক্তি স্ফূর্তন করিয়া দেয়।

সমীর কহিল—সাহিত্যের বিষয়মাত্রই অতি পুরাতন, আকার গ্রহণ করিয়া সে নূতন হইয়া উঠে।

শ্রোতবিনী কহিল,—আমার মনে হয় মানুষের পক্ষেও ঐ একই কথা। এক-এক জন মানুষ এমন একটি মনের আকৃতি লইয়া প্রকাশ পায় যে, তাহার দিকে চাহিয়া আমরা পুরাতন মনুষ্যত্বের ঘেন একটা নূতন বিস্তার আবিষ্কার করি।

দীপ্তি কহিল,—মনের এবং চরিত্রের সেই আকৃতিটাই আমাদের স্টাইল। সেইটের দ্বারাই আমরা পরম্পরের নিকট প্রচলিত পরিচিত পরীক্ষিত হইতেছি। আমি এক-এক বার ভাবি আমার স্টাইলটা কী রকমের! সমালোচকেরা যাহাকে প্রাঞ্জল বলে তাহা নহে—

সমীর কহিল,—কিন্তু ওজস্বী বটে। তুমি যে আকৃতির কথা কহিলে, যেটা বিশেষরূপে আমাদের আপনার, আমিও তাহারই কথা বলিতেছিলাম। চিন্তার সঙ্গে সঙ্গে চেহারাখানা যাহাতে বজায় থাকে আমি সেই অমুরোধ করিতেছিলাম।

দীপ্তি ঈষৎ হাসিয়া কহিল,—কিন্তু চেহারা সকলের সমান নহে, অতএব অমুরোধ করিবার পূর্বে বিশেষ বিবেচনা করা আবশ্যিক। কোনো চেহারায় বা প্রকাশ করে, কোনো চেহারায় বা গোপন করে। হীরকের জ্যোতি হীরকের মধ্যে স্বতই প্রকাশমান, তাহার আলো বাহির করিবার জন্য তাহার চেহারা ভাঙিয়া ফেলিতে হয় না, কিন্তু তৃণকে দগ্ধ করিয়া ফেলিলে তবেই তাহার আলোটুকু বাহির হয়। আমাদের মতো ক্ষুদ্র প্রাণীর মুখে এ বিলাপ শোভা পায় না যে, সাহিত্যে আমাদের চেহারা বজায় থাকিতেছে না। কেহ কেহ আছে কেবল যাহার অস্তিত্ব, যাহার প্রকৃতি, যাহার সমগ্র সমষ্টি আমাদের কাছে একটি নূতন শিক্ষা, নূতন আনন্দ। সে যেমনটি তাহাকে তেমনি অবিকল রক্ষা করিতে পারিলেই যথেষ্ট। কেহ বা আছে যাহাকে ছাড়াইয়া ফেলিয়া ভিতর হইতে শ্বাস বাহির করিতে হয়। শ্বাসটুকু যদি বাহির হয় তবে সেই জগতই কৃতজ্ঞ হওয়া উচিত, কারণ, তাহাই বা কম জন লোকের আছে এবং কম জন বাহির করিয়া দিতে পারে।

সমীর হাস্তমুখে কহিল,—মাগ করিবেন দীপ্তি, আমি যে তৃণ এমন দীনতা আমি কখনো স্বপ্নেও অনুভব করি না। বরঞ্চ অনেক সময় ভিতর দিকে চাহিলে আপনাকে ধনির হীরক বলিয়া অনুমান হয়। এখন কেবল চিনিয়া লইতে পারে এমন একটা

অহরির প্রত্যাশায় বসিয়া আছি। ক্রমে যত দিন যাইতেছে তত আমার বিশ্বাস হইতেছে, পৃথিবীতে অহরের তত অভাব নাই যত অহরির। তরুণ বয়সে সংসারে মাহুষ চোখে পড়িত না—মনে হইত বর্ধার মাহুষগুণা উপভাস নাটক এবং মহাকাব্যেই আশ্রয় লইয়াছে, সংসারে কেবল একটিমাত্র অবশিষ্ট আছে। এখন দেখিতে পাই লোকালয়ে মাহুষ চের আছে কিন্তু “ভোলা মন, ও ভোলা মন, মাহুষ কেন চিনিলি না।” ভোলা মন, এই সংসারের মাঝখানে এক বার প্রবেশ করিয়া দেখ, এই মানবহৃদয়ের ভিড়ের মধ্যে। সভান্ধলে যাহারা কথা কহিতে পারে না, সেখানে তাহারা কথা কহিবে, লোকসমাজে যাহারা এক প্রান্তে উপেক্ষিত হয় সেখানে তাহাদের এক নূতন গৌরব প্রকাশিত হইবে, পৃথিবীতে যাহাদিগকে অনাবশ্যক বোধ হয় সেখানে দেখিব তাহাদেরই সরল প্রেম, অবিষ্টাম সেবা, আত্মবিস্মৃত আত্মবিসর্জনের উপরে পৃথিবী প্রতিষ্ঠিত হইয়া রহিয়াছে। ভীষ্ম-দ্রোণ-ভীমার্জুন মহাকাব্যের নায়ক, কিন্তু আমাদের ক্ষুদ্র-ক্ষুদ্র কুকর্কেত্রেয় মধ্যে তাহাদের আত্মীয়-স্বজাতি আছে, সেই আত্মীয়তা কোন্ নববৈপায়ন আবিষ্কার করিবে এবং প্রকাশ করিবে।

আমি কহিলাম,—না করিলে কী এমন আসে যায়! মাহুষ পরস্পরকে না যদি চিনিবে তবে পরস্পরকে এত ভালোবাসে কী করিয়া। একটি যুবক তাহার জন্মস্থান ও আত্মীয়বর্গ হইতে বহুদূরে দু-দশ টাকা বেতনে ঠিকা মুহুরিগিরি করিত। আমি তাহার প্রভু ছিলাম, কিন্তু প্রায় তাহার অস্তিত্বও অবগত ছিলাম না—সে এত সামান্ত লোক ছিল। এক দিন রাত্রে সহসা তাহার ওলাউঠা হইল। আমার শয়নগৃহ হইতে শুনিতে পাইলাম সে “পিসিমা” “পিসিমা” করিয়া কাতরস্বরে কাঁদিতেছে। তখন সহসা তাহার গৌরবহীন ক্ষুদ্র জীবনটি আমার নিকট কতখানি বৃহৎ হইয়া দেখা দিল। সেই যে একটি অজ্ঞাত অখ্যাত মূর্খ নির্বোধ লোক বসিয়া বসিয়া ঈষৎ গ্রীবা হেলাইয়া কলম খাড়া করিয়া ধরিয়া এক মনে নকল করিয়া যাইত, তাহাকে তাহার পিসিমা আপন নিঃসন্তান বৈধব্যের সমস্ত সঞ্চিত স্নেহরাশি দিয়া মাহুষ করিয়াছেন। সন্ধ্যাবেলায় প্রান্তরেছে শূন্য বাসায় ফিরিয়া যখন সে স্বহস্তে উনান ধরাইয়া পাক চড়াইত, যত ক্ষণ অন্ন টগ বগ করিয়া না ফুটিয়া উঠিত ততক্ষণ কম্পিত অগ্নিশিখার দিকে একদৃষ্টে চাহিয়া সে কি সেই দূরকুটিরবাসিনী স্নেহশালিনী কল্যাণময়ী পিসিমার কথা ভাবিত না? একদিন যে তাহার নকলে ভুল হইল, ঠিকে মিল হইল না, তাহার উচ্চতন কর্মচারীর নিকট সে লাহিত হইল, সেদিন কি সকালের চিঠিতে তাহার পিসিমার পীড়ার সংবাদ পায় নাই। এই নগণ্য লোকটার প্রতিদিনের মঙ্গলবার্তার জন্য একটি স্নেহপরিপূর্ণ পবিত্র হৃদয়ে কি সামান্ত উৎকর্ষা ছিল! এই

দরিদ্র যুবকের প্রবাসবাসের সহিত কি কম করুণা কাঁতরতা উদ্বেগ জড়িত হইয়া ছিল ! সহসা সেই রাতে এই নির্বাণপ্রায় ক্ষুদ্র প্রাণশিখা এক অমূল্য মহিমায় আমার নিকটে দীপ্যমান হইয়া উঠিল। বৃষ্টিতে পারিলাম, এই তুচ্ছ লোকটিকে যদি কোনো মতে বাঁচাইতে পারি তবে এক বৃহৎ কাজ করা হয়। সমস্ত রাত্রি জাগিয়া তাহার সেবাশ্রম করিলাম কিন্তু পিসিমার ধনকে পিসিমার নিকট ফিরাইয়া দিতে পারিলাম না—আমার সেই ঠিকা মুহুরির মৃত্যু হইল। ভীষ্ম-দ্রোণ-ভীমাজূন খুব মহৎ তথাপি এই লোকটিরও মূল্য অল্প নহে। তাহার মূল্য কোনো কবি অহুমান করে নাই, কোনো পাঠক স্বীকার করে নাই, তাই বলিয়া সে মূল্য পৃথিবীতে অনাবিষ্কৃত ছিল না—একটি জীবন আপনাকে তাহার জন্ত একান্ত উৎসর্গ করিয়াছিল—কিন্তু ধোরাক-পোশাকসমেত লোকটার বেতন ছিল আট টাকা, তাহাও বারো মাস নহে। মহৎ আপনার জ্যোতিতে আপনি প্রকাশিত হইয়া উঠে আর আমাদের মতো দীপ্তিহীন ছোটো ছোটো লোকদিগকে বাহিরের প্রেমের আলোকে প্রকাশ করিতে হয় ;—পিসিমার ভালোবাসা দিয়া দেখিলে আমরা সহসা দীপ্যমান হইয়া উঠি। যেখানে অন্ধকারে কাহাকেও দেখা যাইতেছিল না, সেখানে প্রেমের আলোক ফেলিলে সহসা দেখা যায় মানুষের পরিপূর্ণ।

স্রোতস্বিনী দয়ানিষ্ঠ মুখে কহিল,—তোমার ঐ বিদেশী মুহুরির কথা তোমার কাছে পূর্বে শুনিয়াছি। জানি না, উহার কথা শুনিয়া কেন আমাদের হিন্দুস্থানি বেহারা নিহরকে মনে পড়ে। সম্ভ্রতি দুটি শিশুসন্তান রাখিয়া তাহার স্ত্রী মরিয়া গিয়াছে। এখন সে কাজকর্ম করে, দুপুরবেলা বসিয়া পাখা টানে, কিন্তু এমন শুক শীর্ণ ভঙ্গ লক্ষ্মীছাড়ার মতো হইয়া গেছে ! তাহাকে যখনই দেখি কষ্ট হয়—কিন্তু সে কষ্ট যেন ইহার একলার জন্ত নহে—আমি ঠিক বুঝাইতে পারি না, কিন্তু মনে হয় যেন সমস্ত মানবের জন্ত একটা বেদনা অনুভূত হইতে থাকে।

আমি কহিলাম,—তাহার কারণ, উহার যে ব্যথা সমস্ত মানবের সেই ব্যথা। সমস্ত মানুষই ভালোবাসে এবং বিরহ-বিচ্ছেদ-মৃত্যুর দ্বারা পীড়িত ও ভীত। তোমার ঐ পাখাওয়ালী ভৃত্যের আনন্দহারী বিষণ্ণ মুখে সমস্ত পৃথিবীবাসী মানুষের বিষাদ অঙ্কিত হইয়া রহিয়াছে।

স্রোতস্বিনী কহিল,—কেবল তাহাই নয়। মনে হয়, পৃথিবীতে বত ছুঁখ তত দয়া কোথায় আছে। কত ছুঁখ আছে যেখানে মানুষের সাক্ষ্য কোনোকালে প্রবেশও করে না, অথচ কত ভয়গা আছে যেখানে ভালোবাসার অনাবশ্যক অস্তিত্ব হইয়া যায়। যখন দেখি আমার ঐ বেহারা ঐর্ষসহকারে মুকতায়ে পাখা টানিয়া যাইতেছে,

ছেলে ছোটো উঠানে গড়াইতেছে, পড়িয়া গিয়া চীৎকারপূর্বক কাঁদিয়া উঠিতেছে, বাপ মুখ ফিরাইয়া কারণ জানিবার চেষ্টা করিতেছে, পাখা ছাড়িয়া উঠিয়া যাইতে পারিতেছে না; জীবনে আনন্দ অল্প অখচ পেটের আলা কম নহে, জীবনের যত বড়ো চুর্ঘটনাই ঘটুক ছই মুষ্টি অল্পের অল্প নিয়মিত কাজ চালাতেই হইবে, কোনো ক্রটি হইলে কেহ মাপ করিবে না—যখন ভাবিয়া দেখি এমন অসংখ্য লোক আছে যাহাদের দুঃখকষ্ট যাহাদের মনুষ্যত্ব আমাদের কাছে যেন অনাবিকৃত; যাহাদিগকে আমরা কেবল ব্যবহারে লাগাই এবং বেতন দিই, স্নেহ দিই না, সাহায্য দিই না, শ্রদ্ধা দিই না, তখন বাস্তবিকই মনে হয় পৃথিবীর অনেকখানি যেন নিবিড় অন্ধকারে আবৃত, আমাদের দৃষ্টির একেবারে অগোচর। কিন্তু সেই অজ্ঞাতনামা দীপ্তিহীন দেশের লোকেরাও ভালোবাসে এবং ভালোবাসার যোগ্য। আমার মনে হয়, যাহাদের মহিমা নাই, যাহারা একটা অন্ধকার আবরণের মধ্যে বদ্ধ হইয়া আপনাকে ভালোরূপ ব্যক্ত করিতে পারে না, এমন কি, নিজেকেও ভালোরূপ চেনে না, মুকমুণ্ড-ভাবে সুখদুঃখবেদনা সহ করে, তাহাদিগকে মানবরূপে প্রকাশ করা তাহাদিগকে আমাদের আত্মীয়রূপে পরিচিত করাইয়া দেওয়া, তাহাদের উপরে কাব্যের আলো নিক্ষেপ করা আমাদের এখনকার কবিদের কর্তব্য।

কিতি কহিল,—পূর্বকালে এক সময়ে সকল বিষয়ে প্রবলতার আদর কিছু অধিক ছিল। তখন মনুষ্যসমাজ অনেকটা অসহায় অরক্ষিত ছিল; যে প্রতিভাশালী, যে কমতাশালী সেই তখনকার সমস্ত স্থান অধিকার করিয়া লইত। এখন সভ্যতার স্বশাসনে স্বশৃঙ্খলার বিয়বিপদ দূর হইয়া প্রবলতার অত্যধিক মর্যাদা হ্রাস হইয়া গিয়াছে। এখন অকৃতী অক্ষমেরাও সংসারের খুব একটা বৃহৎ অংশের শরীক হইয়া দাঁড়াইয়াছে। এখনকার কাব্য-উপন্যাসও ভীষ্মদ্রোণকে ছাড়িয়া এই সমস্ত মুক জাতির ভাষা এই সমস্ত উন্মাদের অন্ধারের আলোক প্রকাশ করিতে প্রবৃত্ত হইয়াছে।

সমীর কহিল,—নবোদিত সাহিত্যসূর্যের আলোক প্রথমে অভ্যুচ্চ পর্বতশিখরের উপরেই পতিত হইয়াছিল, এখন ক্রমে নিম্নবর্তী উপত্যকার মধ্যে প্রসারিত হইয়া ক্ষুদ্র ক্ষুদ্র কুটিরগুলিকেও প্রকাশমান করিয়া তুলিতেছে।

## মন

এই যে মধ্যাহ্নকালে নদীর ধারে পাড়ারগায়ের একটি একতলা ঘরে বসিয়া আছি ; টিকটিকি ঘরের কোণে টিকটিক করিতেছে ; দেয়ালে পাখা টানিবার ছিঁদ্রের মধ্যে একজোড়া চডুই পাখি বাসা তৈরি করিবার অভিপ্রায়ে বাহির হইতে কুটা সংগ্রহ করিয়া কিচমিচ শব্দে মহাব্যস্তভাবে ক্রমাগত যাতায়াত করিতেছে ; নদীর মধ্যে নৌকা ভাসিয়া চলিয়াছে—উচ্চতটের অস্তুরালে নীলাকাশে তাহাদের মাস্তুল এবং ক্ষীত পালের কিয়দংশ দেখা যাইতেছে ; বাতাসটি স্নিগ্ধ, আকাশটি পরিষ্কার, পরপারের অতিদূরে তীররেখা হইতে আর আমার বারান্দার সম্মুখবর্তী বেড়া-দেওয়া ছোটো বাগানটি পর্যন্ত উজ্জল রৌদ্রে একখণ্ড ছবির মতো দেখাইতেছে ;—এই তো বেশ আছি ; মায়ের কোলের মধ্যে সম্মান যেমন একটি উত্তাপ, একটি আরাম, একটি স্নেহ পায়, তেমনি এই পুরাতন প্রকৃতির কোল ঘেঁষিয়া বসিয়া একটি জীবনপূর্ণ আদরপূর্ণ মৃদু উত্তাপ চতুর্দিক হইতে আমার সর্বদে প্রবেশ করিতেছে । তবে এই ভাবে থাকিয়া গেলে ক্ষতি কী । কাগজ-কলম লইয়া বসিবার জন্ত কে তোমাকে খোঁচাইতেছিল । কোন্ বিষয়ে তোমার কী মত, কিসে তোমার সম্মতি বা অসম্মতি সে কথা লইয়া হঠাৎ ধুমধাম করিয়া কোমর বাঁধিয়া বসিবার কী দরকার ছিল । ঐ দেখো, মাঠের মাঝখানে, কোথাও কিছু নাই, একটা ঘূর্ণা বাতাস খানিকটা ধূলা এবং শুকনো পাতার ওড়না উড়াইয়া কেমন চমৎকার ভাবে ঘুরিয়া নাচিয়া গেল । পদাঙ্গুলিমাঝের উপর ভর করিয়া দীর্ঘ সরল হইয়া কেমন ভঙ্গিটি করিয়া মুহূর্তকাল দাঁড়াইল, তাহার পর হসহাস করিয়া সমস্ত উড়াইয়া ছড়াইয়া দিয়া কোথায় চলিয়া গেল তাহার ঠিকানা নাই । সম্মল তো ভারি । গোটাকতক খড়কুটা ধূলাবালি সুবিধামতো যাহা হাতের কাছে আসে তাহাই লইয়া বেশ একটু ভাবভঙ্গি করিয়া কেমন একটি খেলা খেলিয়া লইল । এমনি করিয়া জনহীন মধ্যাহ্নে সমস্ত মাঠময় নাচিয়া বেড়ায় । না আছে তাহার কোনো উদ্দেশ্য, না আছে তাহার কেহ দর্শক । না আছে তাহার মত, না আছে তাহার তত্ত্ব ; না আছে সমাজ এবং ইতিহাস সব্বদে অতি সমীচীন উপদেশ । পৃথিবীতে যাহা কিছু সর্বাপেক্ষা অনাবশ্যক, সেই সমস্ত বিশ্বত পরিত্যক্ত পদার্থগুলির মধ্যে একটি উত্তপ্ত ফুৎকার দিয়া তাহাদিগকে মুহূর্তকালের জন্ত জীবিত জাগ্রত সুন্দর করিয়া তোলে ।

অমনি যদি অত্যন্ত সহজে এক নিশ্বাসে কতকগুলো যাহা-তাহা খাড়া করিয়া সুন্দর করিয়া ঘুরাইয়া উড়াইয়া লাটিম খেলাইয়া চলিয়া যাইতে পারিতাম । অমনি



অবলীলাক্রমে স্বপ্নন করিতাম, অমনি ফুঁ দিয়া ভাঙিয়া ফেলিতাম। চিন্তা নাই, চেষ্টা নাই, লক্ষ্য নাই; শুধু একটা নৃত্যের আনন্দ, শুধু একটা সৌন্দর্যের আবেগ, শুধু একটা জীবনের যুগ্ম! অবারিত প্রাস্তর, অনাবৃত আকাশ, পরিব্যাপ্ত সূর্যালোক— তাহারই মাঝখানে মুঠা মুঠা ধূলি লইয়া ইন্দ্রজাল নির্মাণ করা, সে কেবল খেপা স্বপ্নের উদার উন্নাসে।

এ হইলে তো বুঝা যায়। কিন্তু বসিয়া বসিয়া পাথরের উপর পাথর চাপাইয়া গলদঘর্ম হইয়া কতকগুলো নিশ্চল মতামত উচ্চ করিয়া তোলা! তাহার মধ্যে না আছে গতি, না আছে প্রীতি, না আছে প্রাণ! কেবল একটা কঠিন কীর্তি। তাহাকে কেহ বা হাঁ করিয়া দেখে, কেহ বা পা দিয়া ঠেলে—যোগ্যতা যেমনি থাক!

কিন্তু ইচ্ছা করিলেও এ কাজে কাস্ত হইতে পারি কই। সভ্যতার খাতিরে মানুষ মন নামক আপনার এক অংশকে অপরিমিত প্রেশর দিয়া অত্যন্ত বাড়াইয়া তুলিয়াছে, এখন তুমি যদি তাহাকে ছাড়িতে চাও সে তোমাকে ছাড়ে না।

লিখিতে লিখিতে আমি বাহিরে চাহিয়া দেখিতেছি ঐ একটি লোক রৌদ্র নিবারণের জন্য মাথায় একটি চাদর চাপাইয়া দক্ষিণ হস্তে শালপাতের ঠোঙায় খানিকটা দহি লইয়া রন্ধনশালা অভিমুখে চলিয়াছে। ওটি আমার ভৃত্য, নাম নারায়ণ সিং। দিব্য হুটপুটে, নিশ্চিন্ত, প্রফুল্লচিত্ত। উপযুক্ত সারপ্রাপ্ত পর্ষাপ্ত পল্লবপূর্ণ মন্থণ চিকণ কাঁঠাল গাছটির মতো। এইরূপ মানুষ এই বহিঃপ্রকৃতির সহিত ঠিক মিশ খায়। প্রকৃতি এবং ইহার মাঝখানে বড়ো একটা বিচ্ছেদচিহ্ন নাই। এই জীবধাত্রী শস্তশালিনী বৃহৎ বনুছরার অঙ্গসংলগ্ন হইয়া এ লোকটি বেশ সহজে বাস করিতেছে, ইহার নিজের মধ্যে নিজের তিলমাত্র বিরোধ-বিসংবাদ নাই। ঐ গাছটি যেমন শিকড় হইতে পল্লবাগ্র পর্বন্ত কেবল একটি আতাগাছ হইয়া উঠিয়াছে, তাহার আর কিছুই অন্য কোনো মাথাব্যথা নাই, আমার হুটপুটে নারায়ণ সিংটি তেমনি আত্মোপাস্ত কেবলমাত্র একখানি আন্ত নারায়ণ সিং।

কোনো কৌতুকপ্রিয় শিশু-দেবতা যদি ছুটামি করিয়া ঐ আতাগাছটির মাঝখানে কেবল একটি ফোঁটা মন ফেলিয়া দেয়! তবে ঐ সরস শ্রামল দারু-জীবনের মধ্যে কী এক বিষম উপজীব বাধিয়া যায়। তবে চিন্তায় উহার চিকন সবুজ পাতাগুলি দুর্ভপত্রের মতো পাণ্ডুবর্ণ হইয়া যায়, এবং গুঁড়ি হইতে প্রশাখা পর্বন্ত বৃক্ষের লগাটের মতো কুঞ্চিত হইয়া আসে। তখন বসন্তকালে আর কি অমন ছুই-চারি দিনের মধ্যে সর্বাঙ্গ কচিপাতার পুলকিত হইয়া উঠে, ঐ ওটি-আঁকা গোল গোল গুচ্ছ গুচ্ছ বলে

প্রত্যেক শাখা ভরিয়া যায়। তখন সমস্ত দিন এক পায়ের উপর দাঁড়াইয়া দাঁড়াইয়া ভাবিতে থাকে আমার কেবল কতকগুলো পাতা হইল কেন, পাখা হইল না কেন। প্রাণপণে সিধা হইয়া এত উচু হইয়া দাঁড়াইয়া আছি, তবু কেন যথেষ্ট পরিমাণে দেখিতে পাইতেছি না। ঐ দ্বিগন্তের পরপারে কী আছে। ঐ আকাশের তারাগুলি যে-গাছের শাখায় ফুটিয়া আছে সে-গাছ কেমন করিয়া নাগাল পাইব? আমি কোথা হইতে আসিলাম, কোথায় যাইব, এ কথা যত ক্ষণ না স্থির হইবে তত ক্ষণ আমি পাতা ঝরাইয়া ডাল শুকাইয়া কাঠ হইয়া দাঁড়াইয়া ধ্যান করিতে থাকিব। আমি আছি অথবা আমি নাই, অথবা আমি আছিও বটে, নাইও বটে, এ প্রশ্নের যত ক্ষণ মীমাংসা না হয় তত ক্ষণ আমার জীবনে কোনো স্থখ নাই। দীর্ঘ বর্ষার পর যেদিন প্রাতঃকালে প্রথম সূর্য ওঠে, সেদিন আমার মজ্জার মধ্যে যে একটি পুলক-সঞ্চার হয় সেটা আমি ঠিক কেমন করিয়া প্রকাশ করিব, এবং শীতান্তে ফাল্গুনের মাঝামাঝি যেদিন হঠাৎ সায়ংকালে একটা দক্ষিণের বাতাস ওঠে, সেদিন ইচ্ছা করে—কী ইচ্ছা করে কে আমাকে বুঝাইয়া দিবে!

এই সমস্ত কাণ্ড। গেল বেচারার ফুল কোটানো, রসশস্ত্রপূর্ণ আতাকল পাকানো। যাহা আছে তাহা অপেক্ষা বেশি হইবার চেষ্টা করিয়া, যে রকম আছে আর এক রকম হইবার ইচ্ছা করিয়া, না হয় এদিক, না হয় ওদিক। অবশেষে এক দিন হঠাৎ অন্তর্বেদনার গুঁড়ি হইতে অগ্রশাখা পর্বন্ত বিদীর্ণ হইয়া বাহির হয়, একটা সাময়িক পত্রের প্রবন্ধ, একটা সমালোচনা, অরণ্যসমাজ সম্বন্ধে একটা অসাময়িক তদ্বোধপত্র। তাহার মধ্যে না থাকে সেই পল্লবমর্মর, না থাকে সেই ছায়া, না থাকে সর্বাঙ্গব্যাপ্ত সরস সম্পূর্ণতা।

যদি কোনো প্রবল শয়তান সরীসৃপের মতো লুকাইয়া মাটির নিচে প্রবেশ করিয়া, শতলক্ষ আঁকাবাঁকা শিকড়ের ভিতর দিয়া পৃথিবীর সমস্ত তরুণতা-তৃণগুল্মের মধ্যে মনঃসঞ্চার করিয়া দেয় তাহা হইলে পৃথিবীতে কোথায় জুড়াইবার স্থান থাকে! ভাগ্যে বাগানে আসিয়া পাখির গানের মধ্যে কোনো অর্থ পাওয়া যায় না এবং অক্ষয়হীন সবুজ পত্রের পরিবর্তে শাখায় শাখায় শুষ্ক শ্বেতবর্ণ মাসিক পত্র, সংবাদপত্র এবং বিজ্ঞাপন ঝুলিতে দেখা যায় না!

ভাগ্যে গাছদের মধ্যে চিন্তাশীলতা নাই! ভাগ্যে ধূতুরাগাছ কামিনীগাছকে সমালোচনা করিয়া বলে না, তোমার ফুলের কোমলতা আছে, কিন্তু গুণবিত্তা নাই এবং কুলফল কাঠালকে বলে না, তুমি আপনাকে বড়ো মনে কর কিন্তু আমি তোমা অপেক্ষা কুম্মাণ্ডকে ঢের উচ্চ আসন দিই। কদলী বলে না, আমি সর্বাঙ্গের অঙ্গ

মূল্যে সর্বাপেক্ষা বৃহৎ পত্র প্রচার করি, এবং কচু তাহার প্রতিযোগিতা করিয়া তদপেক্ষা সুগভ মূল্যে তদপেক্ষা বৃহৎ পত্রের আয়োজন করে না !

তর্কতাড়িত চিন্তাতাপিত বক্তৃতাপ্রান্ত মাহুব উহার উন্মুক্ত আকাশের চিন্তারেখা-হীন জ্যোতির্ষয় প্রশস্ত লগাট দেখিয়া, অরণ্যের ভাবাহীন মর্ষর ও তরঙ্গের অর্ধহীন কলধ্বনি শুনিয়া, এই মনোবিহীন অগাধ প্রশান্ত প্রকৃতির মধ্যে অবগাহন করিয়া তবে কতকটা নিঃশব্দ ও সংবৃত হইয়া আছে। ঐ একটুখানি মনঃফুলিঙ্গের দাহ নিবৃত্তি করিবার জন্য এই অনন্ত প্রশান্ত অমনঃসমুদ্রের প্রশান্ত নীলানুরাগির আবশ্যক হইয়া পড়িয়াছে।

আসল কথা পূর্বেই বলিয়াছি, আমাদের ভিতরকার সমস্ত সামঞ্জস্য নষ্ট করিয়া আমাদের মনটা অত্যন্ত বৃহৎ হইয়া পড়িয়াছে। তাহাকে কোথাও আর কুলাইয়া উঠিতেছে না। খাইবার পরিবার জীবনধারণ করিবার সুখে স্বচ্ছন্দে থাকিবার পক্ষে যতখানি আবশ্যক, মনটা তাহার অপেক্ষা ঢের বেশি বড়ো হইয়া পড়িয়াছে। এই জন্য, প্রয়োজনীয় সমস্ত কাজ সারিয়া ফেলিয়াও চতুর্দিকে অনেকখানি মন বাকি থাকে। কাজেই সে বসিয়া বসিয়া ভাবিবারি লেখে, তর্ক করে, সংবাদপত্রের সংবাদ-দাতা হয়, যাহাকে সহজে বোঝা যায় তাহাকে কঠিন করিয়া তুলে, যাহাকে এক ভাবে বোঝা উচিত তাহাকে আর এক ভাবে দাঁড় করায়, যাহা কোনো কালে কিছুতেই বোঝা যায় না, অন্য সমস্ত ফেলিয়া তাহা লইয়াই লাগিয়া থাকে, এমন কি, এ সকল অপেক্ষাও অনেক গুরতর গর্হিত কার্য করে।

কিন্তু আমার ঐ অনতিসভ্য নারায়ণ সিংহের মনটি উহার শরীরের মাপে, উহার আবশ্যকের গারে গারে ঠিক ফিট করিয়া লাগিয়া আছে। উহার মনটি উহার জীবনকে শীতাতপ, অস্থখ, অস্বাস্থ্য, এবং লজ্জা হইতে রক্ষা করে কিন্তু যখন-তখন উনপকাশ বায়ুবেগে চতুর্দিকে উড়ু-উড়ু করে না। এক-আধটা বোতামের ছিদ্র দিয়া বাহিরের চোরা হাওয়া উহার মানস-আবরণের ভিতরে প্রবেশ করিয়া তাহাকে যে কখনো একটু-আধটু ক্ষীণ করিয়া তোলে না তাহা বলিতে পারি না, কিন্তু ততটুকু মনশ্চাকল্য তাহার জীবনের স্বাস্থ্যের পক্ষেই বিশেষ আবশ্যক।

## অথগুতা

দীপ্তি কহিল,—সত্য কথা বলিতেছি আমার তো মনে হয় আজকাল প্রকৃতির স্তব লইয়া তোমরা সকলে কিছু বাড়াবাড়ি আরম্ভ করিয়াছ।

আমি কহিলাম,—দেবী, আর কাহারও স্তব বৃদ্ধি তোমাদের গায়ে সহে না।

দীপ্তি কহিল,—যখন স্তব ছাড়া আর বেশি কিছু পাওয়া যায় না তখন ওটার অপব্যয় দেখিতে পারি না।

সমীর অত্যন্ত বিনম্রমনোহর হাস্তে গ্রীবা আনমিত করিয়া কহিল,—ভগবতী, প্রকৃতির স্তব এবং তোমাদের স্তবে বড়ো একটা প্রভেদ নাই। ইহা বোধ হয় লক্ষ্য করিয়া দেখিয়া থাকিবে, যাহারা প্রকৃতির স্তবগান রচনা করিয়া থাকে তাহারা তোমাদেরই মন্দিরের পূজারি।

দীপ্তি অভিমানভরে কহিল,—অর্থাৎ যাহারা জড়ের উপাসনা করে তাহারাই আমাদের ভক্ত।

সমীর কহিল,—এত বড়ো ভুলটা বুলিলে কাছেই একটা সুদীর্ঘ কৈফিয়ত দিতে হয়। আমাদের ভূতসভার বর্তমান সভাপতি শ্রদ্ধাম্পদ শ্রীযুক্ত ভূতনাথ বাবু তাঁর ডায়ারিতে মন নামক একটা ছুস্তু পদার্থের উপদ্ৰবের কথা বর্ণনা করিয়া যে একটি প্রবন্ধ লিখিয়াছেন, সে তোমরা সকলেই পাঠ করিয়াছ। আমি তাহার নিচেই গুটিকতক কথা লিখিয়া রাখিয়াছি, যদি সভ্যগণ অমুমতি করেন তবে পাঠ করি—আমার মনের ভাবটা তাহাতে পরিষ্কার হইবে।

কিত্তি করজোড়ে কহিল,—দেখো ভাই সমীরণ, লেখক এবং পাঠকে যে সম্পর্ক সেইটেই স্বাভাবিক সম্পর্ক—তুমি ইচ্ছা করিয়া লিখিলে আমি ইচ্ছা করিয়া পড়িলাম, কোনো পক্ষে কিছু বলিবার রহিল না। যেন খাপের সহিত তরবারি মিলিয়া গেল। কিন্তু তরবারি যদি অনিচ্ছুক অস্থিচর্কের মধ্যে সেই প্রকার সুগভীর আত্মীয়তা স্থাপনে প্রবৃত্ত হয় তবে সেটা তেমন বেশ স্বাভাবিক এবং মনোহররূপে সম্পন্ন হয় না। লেখক এবং শ্রোতার সম্পর্কটাও সেইরূপ স্বাভাবিক অসদৃশ। হে চতুরানন, পাপের যেমন শাস্তিই বিধান কর যেন আরজয়ে ডাক্তারের ঘোড়া, মাতালের স্ত্রী এবং প্রবন্ধলেখকের বন্ধু হইয়া জন্মগ্রহণ না করি।

ব্যোম একটা পরিহাস করিতে চেষ্টা করিল, কহিল,—একে তো বন্ধু অর্থেই বন্ধন তাহার উপরে প্রবন্ধ-বন্ধন হইলে ফাঁসের উপরে ফাঁস হয়—গণ্ডেশোপরি বিস্ফোটকম্।

দীপ্তি কহিল,—হাসিবার জন্য দুইটি বৎসর সময় প্রার্থনা করি ; ইতিমধ্যে পাণিনি, অমরকোষ এবং ধাতুপাঠ আয়ত্ত করিয়া লইতে হইবে ।

তিনিয়া ব্যোম অত্যন্ত কৌতুকলাভ করিল । হাসিতে হাসিতে কহিল,—বড়ো চমৎকার বলিয়াছ ; আমার একটা গল্প মনে পড়িতেছে ।—

শ্রোতবিনী কহিল,—তোমরা সমীরের লেখাটা আজ আর গুনিতে দিবে না দেখিতেছি । সমীর, তুমি পড়ো, উহাদের কথায় কর্ণপাত করিয়ো না ।

শ্রোতবিনীর আদেশের বিরুদ্ধে কেহ আর আপত্তি করিল না । এমন কি, স্বয়ং ক্রিষ্টি শেল্ফের উপর হইতে ডায়ারির খাতাটি পাড়িয়া আনিল এবং নিতান্ত নিরীহ নিরুপায়ের মতো সংযত হইয়া বসিয়া রহিল ।

সমীর পড়িতে লাগিল,—মাল্লুসকে বাধ্য হইয়া পদে পদে মনের সাহায্য লইতে হয়, এইজন্য ভিতরে ভিতরে আমরা সেটাকে দেখিতে পারি না । মন আমাদের অনেক উপকার করে কিন্তু তাহার স্বভাব এমনই যে, আমাদের সঙ্গে কিছুতেই সে সম্পূর্ণ মিলিয়া মিশিয়া থাকিতে পারে না । সর্বদা খিটখিট করে, পরামর্শ দেয়, উপদেশ দিতে আসে, সকল কাজেই হস্তক্ষেপ করে । সে যেন এক জন বাহিরের লোক ঘরের হইয়া পড়িয়াছে—তাহাকে ত্যাগ করাও কঠিন, তাহাকে ভালোবাসাও দুঃসাধ্য ।

সে যেন অনেকটা বাঙালির দেশে ইংরেজের গবর্নমেন্টের মতো । আমাদের সরল দিশি রকমের ভাব, আর তাহার জটিল বিদেশী রকমের আইন । উপকার করে কিন্তু আশ্রয় মনে করে না । সেও আমাদের বুঝিতে পারে না, আমরাও তাহাকে বুঝিতে পারি না । আমাদের যে সকল স্বাভাবিক সহজ ক্রমতা ছিল তাহার শিকার সেগুলি নষ্ট হইয়া গেছে, এখন উঠিতে বসিতে তাহার সাহায্য ব্যতীত আর চলে না ।

ইংরেজের সহিত আমাদের মনের আরও কতকগুলি মিল আছে । এককাল সে আমাদের মধ্যে বাস করিতেছে তবু সে বাসিন্দা হইল না, তবু সে সর্বদা উড়ু উড়ু করে । যেন কোনো সুযোগে একটা ফার্সি পাইলেই মহাসমুদ্রপারে তাহার জন্ম-ভূমিতে পাড়ি দিতে পারিলেই বাচে । সব চেয়ে আশ্চর্য সাদৃশ্য এই যে, তুমি যতই তাহার কাছে নরম হইবে, যতই “যো হজুর খোদাবন্দ” বলিয়া হাত জোড় করিবে ততই তাহার প্রতাপ বাড়িয়া উঠিবে, আর তুমি যদি কস্ করিয়া হাতের আঙ্গিন গুটাইয়া ঘুবি উচাইতে পার ঐস্টান শাস্ত্রের অল্পশাসন অগ্রাহ্য করিয়া চড়টির পরিবর্তে চাপড়টি প্রয়োগ করিতে পার তবে সে জল হইয়া যাইবে ।

মনের উপর আমাদের বিবেক এতই গভীর যে, যে কাজে তাহার হাত কম দেখা যায় তাহাকেই আমরা সব চেয়ে অধিক প্রশংসা করি। নীতিগ্রহে হঠকারিতার নিন্দা আছে বটে কিন্তু প্রকৃতপক্ষে তাহার প্রতি আমাদের আন্তরিক অমুরাগ দেখিতে পাই। যে ব্যক্তি অত্যন্ত বিবেচনাপূর্বক অগ্রপশ্চাৎ ভাবিয়া অতি সতর্কভাবে কাজ করে, তাহাকে আমরা ভালোবাসি না কিন্তু যে ব্যক্তি সর্বদা নিশ্চিত, অজ্ঞানবদনে বেফাস কথা বলিয়া বসে এবং অবলীলাক্রমে বেয়াড়া কাজ করিয়া ফেলে লোকে তাহাকে ভালোবাসে। যে ব্যক্তি ভবিষ্যতের হিসাব করিয়া বড়ো সাবধানে অর্থসঞ্চয় করে, লোকে ঋণের আবশ্যক হইলে তাহার নিকট গমন করে এবং তাহাকে মনে মনে অপরাধী করে, আর, যে নির্বোধ নিজের ও পরিবারের ভবিষ্যৎ শুভাশুভ গণনামাত্র না করিয়া যাহা পায় তৎক্ষণাৎ মুক্তহস্তে ব্যয় করিয়া বসে, লোকে অগ্রসর হইয়া তাহাকে ঋণদান করে এবং সকল সময় পরিশোধের প্রত্যাশা রাখে না। অনেক সময় অবিবেচনা অর্থাৎ মনোবিহীনতাকেই আমরা উদারতা বলি এবং যে মনস্বী হিতাহিত জ্ঞানের অমুদ্রেশক্রমে যুক্তির লঠন হাতে লইয়া অত্যন্ত কঠিন সংকল্পের সহিত নিয়মের চুলচেরা পথ ধরিয়া চলে তাহাকে লোকে হিসাবী, বিষয়ী, সংকীর্ণমনা প্রভৃতি অপবাদসূচক কথা বলিয়া থাকে।

মনটা যে আছে এইটুকু যে ভুলাইতে পারে তাহাকেই বলি মনোহর। মনের বোকাটা যে অবস্থায় অল্পভব করি না সেই অবস্থাটাকে বলি আনন্দ। নেশা করিয়া বরং পশুর মতো হইয়া যাই, নিজের সর্বনাশ করি সেও স্বীকার, তবু কিছু ক্ষণের জন্ত খানার মধ্যে পড়িয়াও সে উল্লাস সংবরণ করিতে পারি না। মন যদি স্বার্থ আমাদের আত্মীয় হইত এবং আত্মীয়ের মতো ব্যবহার করিত তবে কি এমন উপকারী লোকটার প্রতি এতটা দূর অকৃতজ্ঞতার উদয় হইত ?

বুদ্ধির অপেক্ষা প্রতিভাকে আমরা উচ্চাসন কেন দিই। বুদ্ধি প্রতিদিন প্রতিমূহূর্তে আমাদের সহস্র কাজ করিয়া দিতেছে, সে না হইলে আমাদের জীবন রক্ষা করা দুঃসাধ্য হইত, আর প্রতিভা কালেভদ্রে আমাদের কাজে আসে এবং অনেক সময় অকাজেও আসে। কিন্তু বুদ্ধিটা হইল মনের, তাহাকে পদক্ষেপ গণনা করিয়া চলিতে হয়, আর প্রতিভা মনের নিয়মাবলী রক্ষা না করিয়া হাওয়ার মতো আসে, কাহারও আহ্বানও মানে না, নিষেধও অগ্রাহ্য করে।

প্রকৃতির মধ্যে সেই মন নাই এই জন্ত প্রকৃতি আমাদের কাছে এমন মনোহর। প্রকৃতিতে একটার ভিতরে আর একটা নাই। আরসোলার কাছে কাঁচপোকা বসিয়া শুবিয়া থাকিতেছে না। যুক্তিকা হইতে আর ঐ জ্যোতিঃসিক্ত আকাশ পর্যন্ত

তাঁহার এই প্রকাণ্ড ধ্বংসের মধ্যে একটা ভিন্নদেশী পরের ছেলে প্রবেশ লাভ করিয়া দৌরাঙ্গ্য করিতেছে না।

সে একাকী, অধঃসম্পূর্ণ, নিশ্চিন্ত, নিরুদ্ভিগ্ন। তাহার অসীমনীল ললাটে বুদ্ধির রেখামাত্র নাই, কেবল প্রতিভার জ্যোতি চিরদীপ্যমান। যেমন অনায়াসে একটি সর্বাঙ্গসুন্দরী পুষ্পমঞ্জরী বিকশিত হইয়া উঠিতেছে তেমনি অবহেলে একটা ছুঁদা শুঁড় আসিয়া সুখস্বপ্নের মতো সমস্ত ভাঙিয়া দিয়া চলিয়া যাইতেছে। সকলই যেন ইচ্ছায় হইতেছে, চেষ্টায় হইতেছে না। সে ইচ্ছা কখনো আদর করে, কখনো আঘাত করে। কখনো প্রেমসী অঙ্গুরীর মতো গান করে, কখনো ক্ষুধিত রাক্ষসীর স্তায় গর্জন করে।

চিত্তাণীড়িত সংশয়াপন্ন মাতৃবের কাছে এই বিধাশূন্য অব্যবহিত ইচ্ছাশক্তির বড়ো একটা প্রচণ্ড আকর্ষণ আছে। রাজভক্তি প্রভুভক্তি তাহার একটা নিদর্শন। যে রাজা ইচ্ছা করিলেই প্রাণ দিতে এবং প্রাণ লইতে পারে তাহার জন্য যত লোক ইচ্ছা করিয়া প্রাণ দিয়াছে, বর্তমান যুগের নিয়মশাসন রাজার জন্য এত লোক স্বেচ্ছা-পূর্বক আত্মবিসর্জনে উদ্ধত হয় না।

যাহারা মনুষ্যজাতির নেতা হইয়া জন্মিয়াছে তাহাদের মন দেখা যায় না। তাহারা কেন, কী ভাবিয়া, কী যুক্তি অনুসারে কী কাজ করিতেছে তৎক্ষণাৎ তাহা কিছুই বুঝা যায় না এবং মাতৃষ নিজের সংশয়তিমিরাজ্জয় ক্ষুদ্র গহ্বর হইতে বাহির হইয়া পতনের মতো ঝাঁকে ঝাঁকে তাহাদের মহত্বশিখার মধ্যে আত্মঘাতী হইয়া ঝাঁপ দেয়।

রমণীও প্রকৃতির মতো। মন আসিয়া তাহাকে মাঝখান হইতে দুই ভাগ করিয়া দেয় নাই। সে পুষ্পের মতো আগাগোড়া একখানি। এইজন্য তাহার গতিবিধি আচার-ব্যবহার এমন সহজসম্পূর্ণ। এই জন্য বিধানোলিত পুরুষের পক্ষে রমণী “মরণং ধ্রুবং”।

প্রকৃতির স্তায় রমণীরও কেবল ইচ্ছাশক্তি—তাহার মধ্যে যুক্তিতর্ক বিচার-আলোচনা কেন-কী-বৃত্তান্ত নাই। কখনো সে চারি হস্তে অন্ন বিতরণ করে, কখনো সে প্রলয়মূর্তিতে সংহার করিতে উদ্ধত হয়। ভক্তেরা করজোড়ে বলে, তুমি মহামায়া, তুমি ইচ্ছাময়ী, তুমি প্রকৃতি, তুমি শক্তি।

সমীর হাঁপ ছাড়িবার জন্য একটু খামিষামাত্র ক্রিতি গম্ভীর মুখ করিয়া কহিল,— বাঃ চমৎকার! কিন্তু তোমার গা ছুঁইয়া বলিতেছি এক বর্ণ যদি বুঝিয়া থাকি। বোধ করি তুমি যাহাকে মন ও বুদ্ধি বলিতেছ প্রকৃতির মতো আমার মধ্যেও সে জিনিসটার অভাব আছে কিন্তু তৎপরিবর্তে প্রতিভার জলও কাহারও নিকট হইতে

প্রশংসা পাই নাই এবং আকর্ষণশক্তিও যে অধিক আছে তাহার কোনো প্রত্যক্ষ প্রমাণ পাওয়া যায় না।

দীপ্তি সমীরকে কহিল,—তুমি যে মুসলমানের মতো কথা কহিলে, তাহাদের শাস্ত্রেই তো বলে মেয়েদের আত্মা নাই।

শ্রোতবিনী চিন্তাশ্রিতভাবে কহিল,—মন এবং বুদ্ধি শকট। যদি তুমি একই অর্থে ব্যবহার কর আর যদি বল আমরা তাহা হইতে বঞ্চিত, তবে তোমার সহিত আমার মতের মিল হইল না।

সমীর কহিল, আমি যে কথাটা বলিয়াছি তাহা রীতিমতো তর্কের যোগ্য নহে। প্রথম বর্ষায় পদ্মা যে চরটা গড়িয়া দিয়া গেল তাহা বালি, তাহার উপরে লাজল লইয়া পড়িয়া তাহাকে ছিন্নবিচ্ছিন্ন করিলে কোনো ফল পাওয়া যায় না; ক্রমে ক্রমে দুই-তিন বর্ষায় স্তরে স্তরে যখন তাহার উপর মাটি পড়িবে তখন সে কর্ষণ সহিবে। আমিও তেমনি চলিতে চলিতে শ্রোতোবেগে একটা কথাকে কেবল প্রথম দাঁড় করাইলাম মাত্র। হয়তো দ্বিতীয় শ্রোতে একেবারে ভাঙিতেও পারে অথবা পলি পড়িয়া উর্বরা হইতেও আটক নাই। যাহা হউক আসামির সমস্ত কথাটা শুনিয়া তার পর বিচার করা হউক।

মানুষের অন্তঃকরণের দুই অংশ আছে। একটা অচেতন বৃহৎ গুপ্ত এবং নিশ্চেষ্ট, আর একটা সচেতন সক্রিয় চঞ্চল পরিবর্তনশীল। যেমন মহাদেশ এবং সমুদ্র। সমুদ্র চঞ্চল ভাবে যাহা কিছু সঞ্চয় করিতেছে, ত্যাগ করিতেছে গোপন তলদেশে তাহাই দৃঢ় নিশ্চল আকারে উত্তরোত্তর রাশীকৃত হইয়া উঠিতেছে। সেইরূপ আমাদের চেতনা প্রতিদিন যাহা কিছু আনিতেছে ফেলিতেছে সেই সমস্ত ক্রমে সংস্কার নৃতি অভ্যাস আকারে একটি বৃহৎ গোপন আধারে অচেতন ভাবে সঞ্চিত হইয়া উঠিতেছে। তাহাই আমাদের জীবনের ও চরিত্রের স্থায়ী ভিত্তি। সম্পূর্ণ তলাইয়া তাহার সমস্ত স্তরপর্ধ্য কেহ আবিষ্কার করিতে পারে না। উপর হইতে যতটা দৃশ্যমান হইয়া উঠে, অথবা আকস্মিক ভূমিকম্পবেগে যে নিগূঢ় অংশ উৎখা উৎক্লিষ্ট হয় তাহাই আমরা দেখিতে পাই।

এই মহাদেশেই শস্য পুষ্প ফল, সৌন্দর্য ও জীবন অতি সহজে উদ্ভিন্ন হইয়া উঠে। ইহা দৃশ্যত স্থির ও নিষ্ক্রিয়, কিন্তু ইহার ভিতরে একটি অনায়াসনৈপুণ্য একটি গোপন জীবনীশক্তি নিগূঢ় ভাবে কাজ করিতেছে। সমুদ্র কেবল ফুলিতেছে এবং ছলিতেছে, বাণিজ্য-তরী ভাসাইতেছে এবং ডুবাইতেছে, অনেক আহরণ এবং সংহরণ করিতেছে, তাহার বলের সীমা নাই, কিন্তু তাহার মধ্যে জীবনীশক্তি ও ধারণীশক্তি নাই, সে কিছুই জন্ম দিতে ও পালন করিতে পারে না।



রূপকে যদি কাহারও আপত্তি না থাকে তবে আমি বলি আমাদের এই চঞ্চল বহিরংশ পুরুষ, এবং এই বৃহৎ গোপন অচেতন অন্তরংশ নারী ।

এই স্থিতি এবং গতি সমাজে স্ত্রী ও পুরুষের মধ্যে ভাগ হইয়া গিয়াছে । সমাজের সমস্ত আহরণ, উপার্জন, জ্ঞান ও শিক্ষা স্ত্রীলোকের মধ্যে গিয়া নিশ্চল স্থিতি লাভ করিতেছে । এই জন্ত তাহার এমন সহস্র বুদ্ধি সহস্র শোভা অশিক্ষিতপটুতা । মনুষ্যসমাজে স্ত্রীলোক বহুকালের রচিত ; এই জন্ত তাহার সংস্কারগুলি এমন দৃঢ় ও পুরাতন, তাহার সকল কর্তব্য এমন চিরাত্যন্ত সহজসাধ্যের মতো হইয়া চলিতেছে ; পুরুষ উপস্থিত আবশ্যকের সন্ধানে সময়স্রোতে অক্ষুণ্ণ পরিবর্তিত হইয়া চলিতেছে ; কিন্তু সেই সমুদয় চঞ্চল প্রাচীন পরিবর্তনের ইতিহাস স্ত্রীলোকের মধ্যে স্তরে স্তরে নিত্য ভাবে সঞ্চিত হইতেছে ।

পুরুষ আংশিক, বিচ্ছিন্ন, সামঞ্জস্যবিহীন । আর স্ত্রীলোক এমন একটি সংগীত যাহা সমে আসিয়া সুন্দর সুগোলভাবে সম্পূর্ণ হইতেছে ; তাহাতে উত্তরোত্তর যতই পদ সংযোগ ও নব নব তান যোজনা কর না কেন, সেই সমষ্টি আসিয়া সমস্তটিকে একটি সুগোল সম্পূর্ণ গণ্ডি দিয়া ঘিরিয়া লয় । মাঝখানে একটি স্থির কেন্দ্র অবলম্বন করিয়া আবার আপনার পরিধিবিস্তার করে, সেই জন্ত হাতের কাছে যাহা আছে তাহা সে এমন সুনিপুণ সুন্দর ভাবে টানিয়া আপনার করিয়া লইতে পারে ।

এই যে কেন্দ্রটি ইহা বুদ্ধি নহে, ইহা একটি সহস্র আকর্ষণশক্তি । ইহা একটি ঐক্যবিন্দু । মনঃপদার্থটি যেখানে আসিয়া উঁকি মারেন সেখানে এই সুন্দর ঐক্য শতধা বিকশিত হইয়া যায় ।

ব্যোম অধীরের মতো হইয়া হঠাৎ আরম্ভ করিয়া দিল,—তুমি যাহাকে ঐক্য বলিতেছ আমি তাহাকে আত্মা বলি ; তাহার ধর্মই এই, সে পাঁচটা বস্তুকে আপনার চারি দিকে টানিয়া আনিয়া একটা গঠন দিয়া গড়িয়া তোলে ; আর যাহাকে মন বলিতেছ সে পাঁচটা বস্তুর প্রতি আকৃষ্ট হইয়া আপনাকে এবং তাহাদিগকে ভাঙিয়া ভাঙিয়া কেলে । সেই জন্ত আত্মাযোগের প্রধান সোপান হইতেছে মনটাকে অবরুদ্ধ করা ।

ইংরেজের সহিত সমীর মনের যে তুলনা করিয়াছেন এখানেও তাহা খাটে । ইংরেজ সকল জিনিসকেই অগ্রসর হইয়া তাড়াইয়া খেদাইয়া ধরে । তাহার “আশাবধিঃ কো গতঃ,” গুনিয়াছি সূর্যদেবও নহেন—তিনি তাহার রাজ্যে উদয় হইয়া এ পর্বন্ত অস্ত হইতে পারিলেন না । আর আমরা আত্মার দ্বার কেন্দ্রগত হইয়া আছি ; কিছু

হরণ করিতে চাহি না, চতুর্দিকে যাহা আছে তাহাকে ঘনিষ্ঠভাবে আকৃষ্ট করিয়া গঠন করিয়া তুলিতে চাই। এই ভঙ্গ আমাদের সমাজের মধ্যে গৃহের মধ্যে ব্যক্তিগত জীবনযাত্রার মধ্যে এমন একটা রচনার নিবিড়তা দেখিতে পাওয়া যায়। আহরণ করে মন, আর সৃজন করে আত্মা।

যোগের সকল তথ্য জানি না, কিন্তু শুনা যায় যোগবলে যোগীরা সৃষ্টি করিতে পারিতেন। প্রতিভার সৃষ্টিও সেইরূপ। কবিরা সহজ ক্ষমতাবলে মনটাকে নিরস্ত করিয়া দিয়া অর্ধ-অচেতনভাবে যেন একটা আত্মার আকর্ষণে ভাব-রস-দৃশ্য-বর্ণ-ধ্বনি কেমন করিয়া সঞ্চিত করিয়া পুঞ্জিত করিয়া জীবনে সুগঠনে মণ্ডিত করিয়া খাড়া করিয়া তুলেন।

বড়ো বড়ো লোকেরা যে বড়ো বড়ো কাজ করেন সেও এই ভাবে। যেখানকার যেটি সে যেন একটি দৈবশক্তিপ্রভাবে আকৃষ্ট হইয়া রেখায় রেখায় বর্ণে বর্ণে মিলিয়া যায়, একটি সুসম্পন্ন সুসম্পূর্ণ কার্যরূপে দাঁড়াইয়া যায়। প্রকৃতির সর্বকনিষ্ঠজাত মন নামক ছরস্ক বালকটি যে একেবারে তিরস্কৃত বহিস্কৃত হয় তাহা নহে, কিন্তু সে তদপেক্ষা উচ্চতর মহত্তর প্রতিভার অমোঘ মায়ামন্ত্রবলে মুখের মতো কাজ করিয়া যায়, মনে হয় সমস্তই যেন জাহ্নতে হইতেছে, যেন সমস্ত ঘটনা, যেন বাহ্য অবস্থাগুলিও, যোগবলে যথেষ্টমতো যথাস্থানে বিস্তৃত হইয়া যাইতেছে। গারিবাল্ডি এমন করিয়া ভাঙাচোরা ইটালিকে নূতন করিয়া প্রতিষ্ঠা করেন, ওয়াশিংটন অরণ্যপর্বতবিক্ষিপ্ত আমেরিকাকে আপনার চারি দিকে টানিয়া আনিয়া একটি সাম্রাজ্যরূপে গড়িয়া দিয়া যান।

এই সমস্ত কার্য এক-একটি যোগসাধন।

কবি যেমন কাব্য গঠন করেন, তানসেন যেমন তান-সর-ছন্দে এক-একটি গান সৃষ্টি করিতেন, রমণী তেমনি আপনার জীবনটি রচনা করিয়া তোলে। তেমনি অচেতনভাবে, তেমনি মায়ামন্ত্রবলে। পিতাপুত্র-ভ্রাতাভগ্নী-অতিথিঅভ্যাগতকে স্কন্দর বন্ধনে বাঁধিয়া সে আপনার চারি দিকে গঠিত সঞ্চিত করিয়া তোলে, বিচিত্র উপাদান লইয়া বড়ো সুনিপুণ হস্তে একখানি গৃহ নির্মাণ করে; কেবল গৃহ কেন, রমণী যেখানে যায় আপনার চারি দিকে একটি সৌন্দর্যসংঘমে বাঁধিয়া আনে। নিজের চলাকেরা বেশভূষা কথাবার্তা আকার-ইচ্ছিতকে একটি অনির্ধরনীয়া গঠন দান করে। তাহাকে বলে স্ত্রী। ইহা তো বুদ্ধির কাজ নহে, অনির্দেশ্য প্রতিভার কাজ; মনের শক্তি নহে, আত্মার অপ্রাপ্ত নিগূঢ় শক্তি। এই যে ঠিক স্রষ্টি ঠিক জায়গায় গিয়া লাগে, ঠিক কথাটি ঠিক জায়গায় আসিয়া বসে, ঠিক কাজটি ঠিক সময়ে নিশ্চয় হয়,

ইহা একটি মহাবহুতময় নিখিলজনগৎকেন্দ্রভূমি হইতে স্বাভাবিক স্ফটিকধারার দ্বারা উৎসৃষ্ট উৎস। সেই কেন্দ্রভূমিটিকে অচেতন না বলিয়া অতিচেতন নাম দেওয়া উচিত।

প্রকৃতিতে বাহা সৌন্দর্য, মহৎ ও গুণী লোকে তাহাই প্রতিমা, এবং নারীতে তাহাই স্ত্রী, তাহাই নারীত্ব। ইহা কেবল পাত্রভেদে ভিন্ন বিকাশ।

অতঃপর বোম সমীরের মুখের দিকে চাহিয়া কহিল,—তার পরে? তোমার লেখাটা শেষ করিয়া ফেলো।

সমীর কহিল,—আর আবশ্যক কী। আমি বাহা আবৃত্ত করিয়াছি তুমি তো তাহার একপ্রকার উপসংহার করিয়া দিয়াছ।

কিত্তি কহিল,—কবিরাজ মহাশয় গুরু করিয়াছিলেন, ডাক্তার মহাশয় সান্ন করিয়া গেলেন, এখন আমরা হরি হরি বলিয়া বিদাই হই। মন কী, বুদ্ধি কী, আত্মা কী, সৌন্দর্য কী এবং প্রতিভাই বা কাহাকে বলে, এ সকল তত্ত্ব কল্পিন্‌কালে বুঝি নাই, কিন্তু বুঝিবার আশা ছিল, আত্ম সেটুকুও জলাঞ্জলি দিয়া গেলাম।

পশমের গুটিতে জটা পাকাইয়া গেলে যেমন নতমুখে সতর্ক অঙ্গুলিতে ধীরে ধীরে খুলিতে হয়, স্রোতস্বিনী চূপ করিয়া বসিয়া যেন তেমনি ভাবে মনে মনে কথাগুলিকে বহুযত্নে ছাড়াইতে লাগিল।

দীপ্তিও মৌনভাবে ছিল; সমীর তাহাকে জিজ্ঞাসা করিল,—কী ভাবিতেছ?

দীপ্তি কহিল,—বাঙালির মেয়েদের প্রতিভাবলে বাঙালির ছেলেদের মতো এমন অপরূপ সৃষ্টি কী করিয়া হইল তাই ভাবিতেছি।

আমি কহিলাম,—মাটির গুণে সকল সময়ে শিব গড়িতে কৃতকার্য হওয়া যায় না।

## গদ্য ও পদ্য

আমি বলিতেছিলাম,—বাণির শব্দে, পূর্ণিমার স্রোৎস্নায়, কবিতা বলেন, স্নানয়ের মধ্যে স্মৃতি জাগিয়া উঠে। কিন্তু কিসের স্মৃতি তাহার কোনো ঠিকানা নাই। যাহার কোনো নির্দিষ্ট আকার নাই তাহাকে এত বেশ থাকিতে স্মৃতিই বা কেন বলিব, বিস্মৃতিই বা না বলিব কেন, তাহার কোনো কারণ পাওয়া যায় না। কিন্তু “বিস্মৃতি জাগিয়া উঠে” এমন একটা কথা ব্যবহার করিলে গুণিতে বড়ো অসংগত বোধ হয়। অথচ কথাটা নিতান্ত অমূলক নহে। অতীত জীবনের যে-সকল শতসহস্র স্মৃতি

স্বাভাব্য পরিহার করিয়া একাকার হইয়াছে, বাহাদের প্রত্যেককে পৃথক করিয়া চিনিবার জো নাই, আমাদের হৃদয়ের চেতন মহাদেশের চতুর্দিক বেটন করিয়া বাহারা বিশ্বতি-মহাসাগররূপে নিস্তক হইয়া শয়ান আছে, তাহারা কোনো কোনো সময়ে চন্দ্রোদয়ে অথবা দক্ষিণের বায়ুবেগে একসঙ্গে চঞ্চল ও তরঙ্গিত হইয়া উঠে, তখন আমাদের চেতন হৃদয় সেই বিশ্বতি-তরঙ্গের আঘাত-অভিঘাত অনুভব করিতে থাকে, তাহাদের রহস্যপূর্ণ অগাধ অস্তিত্ব উপলব্ধ হয়, সেই মহাবিশ্বত অতিবিশ্বত বিপুলতার একতান ক্রন্দনধ্বনি শুনিতে পাওয়া যায়।

শ্রীযুক্ত ক্ষিত্তি আমার এই আকস্মিক ভাবোচ্ছ্বাসে হাস্তসংবরণ করিতে না পারিয়া কহিলেন,—ভ্রাত, করিতেছ কী! এইবেলা সময় থাকিতে ক্ষান্ত হও। কবিতা ছন্দে শুনিতেই ভালো লাগে—তাহাও সকল সময়ে নহে। কিন্তু সরল গণ্ডের মধ্যে যদি তোমরা পাঁচজনে পড়িয়া কবিতা মিশাইতে থাক, তবে তাহা প্রতিদিনের ব্যবহারের পক্ষে অযোগ্য হইয়া উঠে। বরং দুখে জল মিশাইলে চলে, কিন্তু জলে দুধ মিশাইলে তাহাতে প্রাত্যহিক স্নান-পান চলে না। কবিতার মধ্যে কিয়ৎপরিমাণে গল্প মিশ্রিত করিলে আমাদের মতো গল্পজীবী লোকের পরিপাকের পক্ষে সহজ হয়—কিন্তু গণ্ডের মধ্যে কবিত্ব একেবারে অচল।

বাস্! মনের কথা আর নহে। আমার শরৎপ্রভাতের নবীন ভাবাঙ্কুরটি প্রিয়বন্ধু ক্ষিত্তি তাঁহার তীক্ষ্ণ নিড়ানির একটি খোঁচায় একেবারে সমূলে উৎপাটিত করিয়া দিলেন। একটা তর্কের কথা সহসা বিকল্প মত শুনিলে মাহুঘ তেমনি অসহায় হইয়া পড়ে না, কিন্তু ভাবের কথায় কেহ মাঝখানে ব্যাঘাত করিলে বড়োই দুর্বল হইয়া পড়িতে হয়। কারণ, ভাবের কথায় শ্রোতার সহানুভূতির প্রতিই একমাত্র নির্ভর। শ্রোতা যদি বলিয়া উঠে, কী পাগলামি করিতেছ, তবে কোনো যুক্তিশাস্ত্রে তাহার কোনো উত্তর খুঁজিয়া পাওয়া যায় না।

এই জন্ত ভাবের কথা পাড়িতে হইলে প্রাচীন গুণীরা শ্রোতাদের হাতে-পায়ে ধরিয়া কাছ আরম্ভ করিতেন। বলিতেন, সুধীগণ মরালের মতো নীর পরিত্যাগ করিয়া ক্ষীর গ্রহণ করেন। নিজের অক্ষমতা স্বীকার করিয়া সভাস্থ লোকের গুণগ্রাহিতার প্রতি একান্ত নির্ভর প্রকাশ করিতেন। কখনো বা শব্দভূতির জ্ঞান স্বমহৎ দস্তের দ্বারা আরম্ভ হইতেই সকলকে অভিস্কৃত করিয়া রাখিবার চেষ্টা করিতেন। এবং এত করিয়াও ঘরে কিরিয়া আপনাকে দিকার দিয়া বলিতেন, যে দেশে কাচ এবং মানিকের এক দর, সে দেশকে নমস্কার। দেবতার কাছে প্রার্থনা করিতেন, “হে চতুর্মুখ, পাপের ফল আর যেমনই দাও সহ্য করিতে প্রস্তুত আছি কিন্তু

অরসিকের কাছে রসের কথা বলা এ কপালে লিখিয়ে না, লিখিয়ে না, লিখিয়ে না।" বাস্তবিক, এমন শাস্তি আর নাই। জগতে অরসিক না থাকুক, এত বড়ো প্রার্থনা দেবতার কাছে করা যায় না, কারণ তাহা হইলে জগতের জনসংখ্যা অত্যন্ত হ্রাস হইয়া যায়। অরসিকের দ্বারাই পৃথিবীর অধিকাংশ কাৰ্য সম্পন্ন হয়, তাঁহারা জনসমাজের পক্ষে অত্যন্ত প্রয়োজনীয়; তাঁহারা না থাকিলে সভা বন্ধ, কমিটি অচল, সংবাদপত্র নীরব, সমালোচনার কোটা একেবারে শূন্য; এ জন্ত, তাঁহাদের প্রতি আমার যথেষ্ট সম্মান আছে। কিন্তু ঘানিঘন্ডে সর্বপ ফেলিলে অল্পস্বধারে তৈল বাহির হয় বলিয়া তাহার মধ্যে ফুল ফেলিয়া কেহ মধুর প্রত্যাশা করিতে পারে না—অতএব হে চতুর্মুখ, ঘানিকে চিরদিন সংসারে রক্ষা করিয়ো, কিন্তু তাহার মধ্যে ফুল ফেলিয়ো না এবং গুণিজনদের হৃৎপিণ্ড নিক্ষেপ করিয়ো না।

শ্রীমতী স্রোতধিনীর কোমল হৃদয় সর্বদাই আর্ডের পক্ষে। তিনি আমার ছুরবহায় কিঞ্চিৎ কাতর হইয়া কহিলেন, কেন,—গল্পে পড়ে এতই কি বিচ্ছেদ।

আমি কহিলাম,—পদ্ম অস্তঃপুর, গজ বহির্ভবন। উভয়ের ভিন্ন স্থান নির্দিষ্ট আছে। অবলা বাহিরে বিচরণ করিলে তাহার বিপদ ঘটবেই এমন কোনো কথা নাই। কিন্তু যদি কোনো রুচন্যভাব ব্যক্তি তাহাকে অপমান করে, তবে ক্রন্দন ছাড়া তাহার আর কোনো অস্ত্র নাই। এইজন্য অস্তঃপুর তাহার পক্ষে নিরাপদ দুর্গ। পদ্ম কবিতার সেই অস্তঃপুর। হৃদয়ের প্রাচীরের মধ্যে সহসা কেহ তাহাকে আক্রমণ করে না। প্রত্যাহের এবং প্রত্যেকের ভাষা হইতে স্বতন্ত্র করিয়া সে আপনার জন্ত একটি ছুরুহ অথচ সুন্দর সীমা রচনা করিয়া রাখিয়াছে। আমার হৃদয়ের ভাবটিকে যদি সেই সীমার মধ্যে প্রতিষ্ঠিত করিতে পারিতাম, তবে কিত্তি কেন, কোনো কিত্তিপতির সাধ্য ছিল নী তাহাকে সহসা আসিগা পরিহাস করিয়া যায়।

ব্যোম গুড়গুড়ির নল মুখ হইতে নামাইয়া নিম্নলিখিতনেজে কহিলেন,—আমি ঐক্যবাদী। একা গল্পের দ্বারাই আমাদের সকল আবশ্যক সুসম্পন্ন হইতে পারিত, মাঝে হইতে পদ্ম আসিয়া মাহুঘের মনোরাজ্যে একটা অনাবশ্যক বিচ্ছেদ আনয়ন করিয়াছে; কবি নামক একটা স্বতন্ত্র জাতির সৃষ্টি করিয়াছে। সত্যদায় বিশেষের হস্তে যখন সাধারণের সম্পত্তি অর্পিত হয়, তখন তাহার স্বার্থ হয় বাহাতে সেটা অস্ত্রের অনায়ত্ত হইয়া উঠে। কবিরাও ভাবের চতুর্দিকে কঠিন বাধা নির্মাণ করিয়া কবিত্ব নামক একটা কৃত্রিম পদার্থ গড়িয়া তুলিয়াছে। কৌশলবিমুগ্ধ জনসাধারণ বিশ্বয় কাঁপির স্থান পায় না। এমনি তাহাদের অভ্যাস বিকৃত হইয়া

গিয়াছে যে, ছন্দ ও মিল আসিয়া ক্রমাগত হাতুড়ি না পিটাইলে তাঁহাদের ক্ষমতাই চৈতন্য হয় না, স্বাভাবিক সরল ভাষা ত্যাগ করিয়া ভাবকে পাঁচরঙা ছন্দবেশ ধারণ করিতে হয়। ভাবের পক্ষে এমন হীনতা আর কিছুই হইতে পারে না। পঞ্চটা না কি আধুনিক সৃষ্টি, সেই জন্ত সে হঠাৎ-নবাবের মতো সর্বদাই পেখম তুলিয়া নাচিয়া নাচিয়া বেড়ায়, আমি তাহাকে ছু-চক্ষে দেখিতে পারি না। এই বলিয়া ব্যোম পুনর্বার গুড়গুড়ি মুখে দিয়া টানিতে লাগিলেন।

শ্রীমতী দীপ্তি ব্যোমের প্রতি অবজ্ঞাকটাক্ষপাত করিয়া কহিলেন,—বিজ্ঞানে প্রাকৃতিক নির্বাচন বলিয়া একটা তত্ত্ব বাহির হইয়াছে। সেই প্রাকৃতিক নির্বাচনের নিয়ম কেবল জন্তুদের মধ্যে নহে, মানুষের রচনার মধ্যেও খাটে। সেই প্রাকৃতিক নির্বাচনের প্রভাবেই ময়ূরীর কলাপের আবশ্যক হয় নাই, ময়ূরের পেখম ক্রমে প্রসারিত হইয়াছে। কবিতার পেখমও সেই প্রাকৃতিক নির্বাচনের ফল, কবিদিগের ষড়যন্ত্র নহে। অসভ্য হইতে সভ্য এমন কোন্ দেশ আছে যেখানে কবিত্ব স্বভাবতই ছন্দের মধ্যে বিকশিত হইয়া উঠে নাই।

শ্রীযুক্ত সমীর এত ক্ষণ বৃহহাস্তমুখে চুপ করিয়া বসিয়া শুনিতেছিলেন। দীপ্তি বধন আমাদের আলোচনায় যোগ দিলেন, তখন তাঁহার মাথায় একটা ভাবের উদয় হইল। তিনি একটা সৃষ্টিছাড়া কথার অবতারণা করিলেন। তিনি বলিলেন,—কৃত্রিমতাই মানুষের সর্বপ্রধান গৌরব। মানুষ ছাড়া আর কাহারও কৃত্রিম হইবার অধিকার নাই। গাছকে আপনার পল্লব প্রস্তুত করিতে হয় না, আকাশকে আপনার নীলিমা নির্মাণ করিতে হয় না, ময়ূরের পুচ্ছ প্রকৃতি স্বহস্তে চিত্রিত করিয়া দেন। কেবল মানুষকেই বিধাতা আপনার সৃজনকার্যের অ্যাপ্রেক্ষিত করিয়া দিয়াছেন, তাহার প্রতি ছোটোখাটো সৃষ্টির ভার দিয়াছেন। সেই কার্যে যে যত দক্ষতা দেখাইয়াছে, সে তত আদর পাইয়াছে। পশু গণ্ড অপেক্ষা অধিক কৃত্রিম বটে; তাহাতে মানুষের সৃষ্টি বেশি আছে; তাহাতে বেশি রং ফলাইতে হইয়াছে, বেশি স্বল্প করিতে হইয়াছে। আমাদের মনের মধ্যে যে বিশ্বকর্মা আছেন, যিনি আমাদের অন্তরের নিস্তৃত সৃজনকক্ষে বসিয়া নানা গঠন, নানা বিস্তার, নানা প্রয়াস, নানা প্রকাশ চেষ্টায় সর্বদা নিযুক্ত আছেন, পশু তাহারই নিপুণ হস্তের কারুকার্য অধিক আছে। সেই তাঁহার প্রধান গৌরব। অকৃত্রিম ভাষা অলকল্লোলের, অকৃত্রিম ভাষা পল্লবমর্ষের, কিন্তু মন যেখানে আছে সেখানে বহুবহুচিত কৃত্রিম ভাষা।

স্রোতধিনী অবহিত ছাত্রীর মতো সমীরের সমস্ত কথা শুনিলেন। তাঁহার

সুন্দর নদ্র মুখের উপর একটা বেন নূতন আলোক আসিয়া পড়িল। অল্প দিন নিজের একটা মত বলিতে বেরূপ ইতস্তত করিতেন, আজ সেরূপ না করিয়া একেবারে আরম্ভ করিলেন,—সমীরের কথায় আমার মনে একটা ভাবের উদয় হইয়াছে—আমি ঠিক পরিষ্কার করিয়া বলিতে পারিব কি না জানি না। সৃষ্টির যে-অংশের সহিত আমাদের হৃদয়ের যোগ—অর্থাৎ, সৃষ্টির যে-অংশ শুধুমাত্র আমাদের মনে জ্ঞান সঞ্চার করে না, হৃদয়ে ভাব সঞ্চার করে, যেমন ফুলের সৌন্দর্য, পর্বতের মহত্ব,—সেই অংশে কতই নৈপুণ্য খেলাইতে হইয়াছে, কতই রং ফলাইতে কত আয়োজন করিতে হইয়াছে; ফুলের প্রত্যেক পাপড়িকে কত যত্নে সুগোল সুঙোল করিতে হইয়াছে, তাহাকে বৃক্ষের উপর কেমন সুন্দর বন্ধিম ভঙ্গিতে দাঁড় করাইতে হইয়াছে, পর্বতের মাথায় চিরতুষারমুকুট পরাইয়া তাহাকে নীলাকাশের মধ্যে কেমন মহিমার সহিত আসীন করা হইয়াছে, পশ্চিম-সমুদ্রতীরের সূর্যাস্তপটের উপর কত রঙের কত তুলি পড়িয়াছে। ভূতল হইতে নভস্থল পর্যন্ত কত সাজসজ্জা, কত রংচং, কত ভাবভঙ্গী, তবে আমাদের এই ক্ষুদ্র মানুষের মন ভুলিয়াছে। ঈশ্বর তাঁহার রচনায় যেখানে প্রেম সৌন্দর্য মহত্ব প্রকাশ করিয়াছেন, সেখানে তাঁহাকেও গুণপনা করিতে হইয়াছে। সেখানে তাঁহাকেও ধ্বনি এবং ছন্দ, বর্ণ এবং গন্ধ বহুযত্নে বিস্তার করিতে হইয়াছে। অরণ্যের মধ্যে যে ফুল ফুটাইয়াছেন, তাহাতে কত পাপড়ির অল্পপ্রাস ব্যবহার করিয়াছেন এবং আকাশপটে একটিমাত্র জ্যোতিঃপাত করিতে তাঁহাকে যে কেমন সুনির্দিষ্ট সুসংঘত ছন্দ রচনা করিতে হইয়াছে বিজ্ঞান তাহার পদ ও অক্ষর গণনা করিতেছে। ভাব প্রকাশ করিতে মানুষকেও নানা নৈপুণ্য অবলম্বন করিতে হয়। শব্দের মধ্যে সংগীত আনিতে হয়, ছন্দ আনিতে হয়, সৌন্দর্য আনিতে হয়, তবে মনের কথা মনের মধ্যে গিয়া প্রবেশ করে। ইহাকে যদি কৃত্রিমতা বলে, তবে সমস্ত বিশ্বরচনা কৃত্রিম।

এই বলিয়া স্রোতধিনী আমার মুখের দিকে চাহিয়া বেন সাহায্য প্রার্থনা করিল—তাহার চোখের ভাবটা এই, আমি কী কতকগুলো বকিয়া গেলাম তাহার ঠিক নাই, তুমি ঐটেকে আর একটু পরিষ্কার করিয়া বলো না। এমন সময় বোম হঠাৎ বলিয়া উঠিল,—সমস্ত বিশ্বরচনা যে কৃত্রিম এমন মতও আছে। স্রোতধিনী যেটাকে ভাবের প্রকাশ বলিয়া বর্ণনা করিতেছেন, অর্থাৎ দৃশ্য শব্দ গন্ধ ইত্যাদি, সেটা যে মায়ামাত্র, অর্থাৎ আমাদের মনের কৃত্রিম রচনা একথা অপ্রমাণ করা বড়ো কঠিন।

কিন্তু মহা বিরক্ত হইয়া উঠিয়া কহিলেন,—তোমরা সকলে মিলিয়া ধান ভানিতে শিবের গান তুলিয়াছ। কথাটা ছিল এই, ভাব প্রকাশের জন্য পশ্চের কোনো আবশ্যক আছে কি না। তোমরা তাহা হইতে একেবারে সমুদ্র পার হইয়া সৃষ্টিতত্ত্ব, লয়তত্ত্ব,

মায়াবাদ প্রভৃতি চোরাবালির মধ্যে গিয়া উত্তীর্ণ হইয়াছে। আমার বিশ্বাস, ভাব-প্রকাশের জন্ত ছন্দের সৃষ্টি হয় নাই। ছোটো ছেলেরা যেমন ছড়া ভালোবাসে তাহার ভাবমাধুর্যের জন্ত নহে, কেবল তাহার ছন্দোবদ্ধ ধ্বনির জন্ত, তেমনি অসভ্য অবস্থায় অর্থহীন কথার ঝংকারমাত্রই কানে ভালো লাগিত। এই জন্ত অর্থহীন ছড়াই মানুষের সর্বপ্রথম কবিত্ব। মানুষের এবং জাতির বয়স ক্রমে যতই বাড়িতে থাকে, ততই ছন্দের সঙ্গে অর্থের সংযোগ না করিলে তাহার সম্পূর্ণ তৃপ্তি হয় না। কিন্তু বয়ঃপ্রাপ্ত হইলেও অনেক সময়ে মানুষের মধ্যে দুই-একটা গোপন ছায়াময় স্থানে বালক-অংশ থাকিয়া যায়; ধ্বনিপ্রিয়তা, ছন্দঃপ্রিয়তা সেই গুপ্ত বালকের স্বভাব। আমাদের বয়ঃপ্রাপ্ত অংশ অর্থ চাহে, ভাব চাহে; আমাদের অপরিণত অংশ ধ্বনি চাহে, ছন্দ চাহে।

দীপ্তি গ্রীবা বক্র করিয়া কহিলেন,—ভাগ্যে আমাদের সমস্ত অংশ বয়ঃপ্রাপ্ত হইয়া ওঠে না। মানুষের নাবালক-অংশটিকে আমি অন্তরের সহিত ধন্তবাদ দিই, তাহারই কল্যাণে জগতে যা কিছু মিষ্ট আছে।

সমীর কহিলেন,—যে ব্যক্তি একেবারে পুরোপুরি পাকিয়া গিয়াছে সে-ই জগতের জ্যাঠা ছেলে। কোনো রকমের খেলা, কোনো রকমের ছেলেমানুষি তাহার পছন্দসই নহে। আমাদের আধুনিক হিন্দুজাতটা পৃথিবীর মধ্যে সব চেয়ে জ্যাঠা জাত, অত্যন্ত বেশি মাত্রায় পাকামি করিয়া থাকে, অথচ নানান বিষয়ে কাঁচা। জ্যাঠা ছেলের এবং জ্যাঠা জাতির উন্নতি হওয়া বড়ো দুঃস্থ, কারণ, তাহার মনের মধ্যে নম্রতা নাই। আমার এ কথাটা প্রাইভেট। কোথাও যেন প্রকাশ না হয়। আজকাল লোকের মেজাজ ভালো নয়।

আমি কহিলাম,—যখন কলের জাঁতা চালাইয়া শহরের রাস্তা মেরামত হয়, তখন কাঠফলকে লেখা থাকে—কল চলিতেছে সাবধান! আমি কিত্তিকে পূর্বে হইতে সাবধান করিয়া দিতেছি, আমি কল চালাইব। বাষ্পযানকে তিনি সর্বাঙ্গের ভয় করেন কিন্তু সেই কলনা বাষ্প-যোগে গতিবিধিই আমার সহজসাধ্য বোধ হয়। গন্তপন্থের প্রসঙ্গে আমি আর একবার শিবের গান গাহিব। ইচ্ছা হয় শোনো।—

গতির মধ্যে খুব একটা পরিমাণ-করা নিয়ম আছে। পেণ্ডুলম নিয়মিত স্থানে ছুলিয়া থাকে। চলিবার সময় মানুষের পা মাত্রা রক্ষা করিয়া উঠে পড়ে; এবং সেই সঙ্গে তাহার সমস্ত অঙ্গপ্রত্যঙ্গ সমান তাল ফেলিয়া গতির সামঞ্জস্য বিধান করিতে থাকে। সমুদ্র-তরঙ্গের মধ্যে একটা প্রকাণ্ড লয় আছে। এবং পৃথিবী এক মহাছন্দে সূর্যকে প্রদক্ষিণ করে—



ব্যোমচন্দ্র অকস্মাৎ আমাকে কথার মাঝখানে থামাইয়া বলিতে আরম্ভ করিলেন,— স্থিতিই স্বার্থ স্বাধীন, সে আপনার অটল গাভীর্ষে বিরাজ করে—কিন্তু গতিকে প্রতিপদে আপনাকে নিয়মে বাধিয়া চলিতে হয়। অথচ সাধারণের মধ্যে একটা ভ্রান্তসংস্কার আছে যে, গতিই স্বাধীনতার স্বার্থ স্বরূপ, স্থিতিই বন্ধন। তাহার কারণ, ইচ্ছাই মনের একমাত্র গতি এবং ইচ্ছা অনুসারে চলাকেই যুট্ লোকে স্বাধীনতা বলে। কিন্তু আমাদের পণ্ডিতেরা জানিতেন, ইচ্ছাই আমাদের সকল গতির কারণ, সকল বন্ধনের মূল; এইজন্য মুক্তি অর্থাৎ চরম স্থিতি লাভ করিতে হইলে ঐ ইচ্ছাটাকে গোড়া ঘেঁষিয়া কাটিয়া ফেলিতে তাঁহারা বিধান দেন, দেহমনের সর্বপ্রকার গতিরোধ করাই যোগসাধন।

সমীর ব্যোমের পৃষ্ঠে হাত দিয়া সহাস্তে কহিলেন,—একটা মানুষ যখন একটা প্রসঙ্গ উত্থাপন করিয়াছে, তখন মাঝখানে তাহার গতিরোধ করার নাম গোলযোগ সাধন।

আমি কহিলাম,—বৈজ্ঞানিক ক্ষিতির নিকট অবিস্তৃত নাই যে, গতির সহিত গতির, এক কম্পনের সহিত অন্য কম্পনের ভারি একটা কুটুস্থিতি আছে। সা সুরের তার বাজিয়া উঠিলে মা সুরের তার কাঁপিয়া উঠে। আলোক-তরঙ্গ, উত্তাপ-তরঙ্গ, ধ্বনি-তরঙ্গ, বায়ু-তরঙ্গ, প্রভৃতি সকলপ্রকার তরঙ্গের মধ্যে এইরূপ একটা আত্মীয়তার বন্ধন আছে। আমাদের চেতনাও একটা তরঙ্গিত কম্পিত অবস্থা। এই জন্ত বিশ্বসংসারের বিচিত্র কম্পনের সহিত তাহার যোগ আছে। ধ্বনি আসিয়া তাহার স্নায়ুদোলায় দোল দিয়া যায়, আলোকরশ্মি আসিয়া তাহার স্নায়ুতন্ত্রীতে অলৌকিক অঙ্গুলি আঘাত করে। তাহার চিরকম্পিত স্নায়ুজাল তাহাকে জগতের সমুদয় স্পন্দনের ছন্দে নানাসূত্রে বাধিয়া আগ্রত করিয়া রাখিয়াছে।

হৃদয়ের বৃত্তি, ইংরেজিতে যাহাকে ইমোশন বলে, তাহা আমাদের হৃদয়ের আবেগ, অর্থাৎ গতি; তাহার সহিতও অন্যান্ত বিশ্বকম্পনের একটা মহা ঐক্য আছে। আলোকের সহিত, বর্ণের সহিত, ধ্বনির সহিত তাহার একটা স্পন্দনের যোগ, একটা সুরের মিল আছে।

এইজন্য সংগীত এমন অব্যবহিতভাবে আমাদের হৃদয়কে স্পর্শ করিতে পারে, উত্তরের মধ্যে মিলন হইতে অধিক বিলম্ব হয় না। ঝড়ে এবং সমুদ্রে যেমন মাতামাতি হয়, গানে এবং প্রাণে তেমনি একটি নিবিড় সংঘর্ষ হইতে থাকে।

কারণ সংগীত আপনার কম্পন সঞ্চার করিয়া আমাদের সমস্ত অস্তরকে চঞ্চল করিয়া তোলে। একটা অনির্দেশ আবেগে আমাদের প্রাণকে পূর্ণ করিয়া দেয়। মন উদাস হইয়া যায়। অনেক কবি এই অপক্লম ভাবকে অনন্তের জন্ত আকাঙ্ক্ষা বলিয়া নাম

দিয়া থাকেন। আমিও কখনো কখনো এমনতরো ভাব অচুভব করিয়াছি এবং এমনতরো ভাষাও প্রয়োগ করিয়া থাকিব। কেবল সংগীত কেন, সজ্জাকালেশ্বর সূর্যাস্তচ্ছটাও কত বার আমার অন্তরের মধ্যে অনন্ত বিশ্বজগতের হৃৎস্পন্দন সঞ্চারিত করিয়া দিয়াছে; যে-একটি অনির্বচনীয় বৃহৎ সংগীত ধ্বনিত করিয়াছে, তাহার সহিত আমার প্রতিদিনের সুখদুঃখের কোনো যোগ নাই, তাহা বিশ্বেশ্বরের মন্দির প্রদক্ষিণ করিতে করিতে নিখিল-চরাচরের সামগান। কেবলই সংগীত এবং সূর্যাস্ত কেন, যখন কোনো প্রেম আমাদের সমস্ত অস্তিত্বকে বিচলিত করিয়া তোলে, তখন তাহাও আমাদের সংসারের ক্ষুদ্র বন্ধন হইতে বিচ্ছিন্ন করিয়া অনন্তের সহিত যুক্ত করিয়া দেয়। তাহা একটা বৃহৎ উপাসনার আকার ধারণ করে, দেশকালের শিগামুখ বিদীর্ণ করিয়া উৎসের মতো অনন্তের দিকে উৎসারিত হইতে থাকে।

এইরূপে প্রবল স্পন্দনে আমাদেরকে বিশ্বস্পন্দনের সহিত যুক্ত করিয়া দেয়। বৃহৎ সৈন্ত যেমন পরস্পরের নিকট হইতে ভাবের উন্নততা আকর্ষণ করিয়া লইয়া একপ্রাণ হইয়া উঠে, তেমনি বিশ্বের কম্পন সৌন্দর্যযোগে যখন আমাদের হৃদয়ের মধ্যে সঞ্চারিত হয়, তখন আমরা সমস্ত জগতের সহিত একতালে পা ফেলিতে থাকি, নিখিলের প্রত্যেক কম্পমান পরমাণুর সহিত এক দলে মিশিয়া অনিবার্য আবেগে অনন্তের দিকে ধাবিত হই।

এই ভাবকে কবিতা কত ভাষায় কত উপায়ে প্রকাশ করিতে চেষ্টা করিয়াছেন এবং কত লোকে তাহা কিছুই বুঝিতে পারে নাই—মনে করিয়াছে উহা কবিতার বাক্যকুয়াশা মাত্র।

কারণ, ভাষায় তো হৃদয়ের সহিত প্রত্যক্ষ যোগ নাই, তাহাকে মস্তিষ্ক ভেদ করিয়া অন্তরে প্রবেশ করিতে হয়। সে দূতমাত্র, হৃদয়ের খাসমহলে তাহার অধিকার নাই, আমরাই আসিয়া সে আপনার বার্তা জানাইয়া যায় মাত্র। তাহাকে বুঝিতে, অর্থ করিতে অনেকটা সময় যায়। কিন্তু সংগীত একেবারে এক ইন্দ্রিতেই হৃদয়কে আলিঙ্গন করিয়া ধরে।

এই জন্ত কবিতা ভাষার সঙ্গে সঙ্গে একটা সংগীত নিযুক্ত করিয়া দেন। সে আপন মায়াম্পর্শে হৃদয়ের দ্বার মুক্ত করিয়া দেয়। ছন্দে এবং ধ্বনিতে যখন হৃদয় স্বতই বিচলিত হইয়া উঠে, তখন ভাষার কার্য অনেক সহজ হইয়া আসে। দূরে যখন বাশি বাজিতেছে, পুষ্পকানন যখন চোখের সম্মুখে বিকশিত হইয়া উঠিয়াছে, তখন প্রেমের কথাই অর্থ কত সহজে বোঝা যায়। সৌন্দর্য যেমন যুহুর্ভের মধ্যে হৃদয়ের সহিত ভাবের পরিচয় সাধন করিতে পারে এমন আর কেহ নয়।

স্বর এবং তাল, ছন্দ এবং ধ্বনি, সংগীতের দুই অংশ। গ্রীকরা “জ্যোতিষমণ্ডলীর সংগীত” বলিয়া একটা কথা বলিয়া গিয়াছেন, শেক্সপিয়ারেও তাহার উল্লেখ আছে। তাহার কারণ পূর্বেই বলিয়াছি যে, একটা গতির সঙ্গে আর একটা গতির বড়ো নিকট সম্বন্ধ। অনন্ত আকাশ জুড়িয়া চন্দ্রসূর্য গ্রহতারা তালে তালে নৃত্য করিয়া চলিয়াছে। তাহার বিশ্বব্যাপী মহা সংগীতটি যেন কানে শোনা যায় না, চোখে দেখা যায়। ছন্দ সংগীতের একটা রূপ। কবিতায় সেই ছন্দ এবং ধ্বনি দুই মিলিয়া ভাবকে কল্পাঙ্কিত এবং জীবন্ত করিয়া তোলে, বাহিরের ভাবকেও হৃদয়ের ধন করিয়া দেয়। যদি কৃত্রিম কিছু হয় তো ভাবাই কৃত্রিম, সৌন্দর্য কৃত্রিম নহে। ভাবা মাহুশের, সৌন্দর্য সমস্ত জগতের এবং জগতের সৃষ্টিকর্তার।

শ্রীমতী শ্রোতস্বিনী আনন্দোজ্জলমুখে কহিলেন,—নাট্যাভিনয়ে আমাদের হৃদয় বিচলিত করিবার অনেকগুলি উপকরণ একত্রে বর্তমান থাকে। সংগীত, আলোক, দৃশ্যপট, সুন্দর সাজসজ্জা সকলে মিলিয়া নানা দিক হইতে আমাদের চিত্তকে আঘাত করিয়া চঞ্চল করে, তাহার মধ্যে একটা অবিভ্রাম ভাবশ্রোত নানা মূর্তি ধারণ করিয়া, নানা কার্যরূপে প্রবাহিত হইয়া চলে—আমাদের মনটা নাট্যপ্রবাহের মধ্যে একেবারে নিরুপায় হইয়া আত্মবিসর্জন করে এবং দ্রুতবেগে ভাসিয়া চলিয়া যায়। অভিনয়স্থলে দেখা যায়, ভিন্ন ভিন্ন আর্টের মধ্যে কতটা সহযোগিতা আছে, সেখানে সংগীত, সাহিত্য, চিত্রবিদ্যা এবং নাট্যকলা এক উদ্দেশ্য সাধনের জন্য সম্মিলিত হয়, বোধ হয় এমন আর কোথাও দেখা যায় না।

## কাব্যের তাৎপর্য

শ্রোতস্বিনী আমাকে কহিলেন,—কচ-দেবদানী-সংবাদ সম্বন্ধে তুমি যে কবিতা লিখিয়াছ তাহা তোমার মুখে শুনিতে ইচ্ছা করি।

শুনিয়া আমি মনে মনে কিঞ্চিৎ গর্ষ অনুভব করিলাম, কিন্তু দর্পহারী মধুসূদন তখন সজাগ ছিলেন তাই দীপ্তি অধীর হইয়া বলিয়া উঠিলেন,—তুমি রাগ করিও না, সে কবিতাটার কোনো তাৎপর্য কিংবা উদ্দেশ্য আমি তো কিছুই বুঝিতে পারিলাম না। ও লেখাটা ভালো হয় নাই।

আমি চূপ করিয়া রহিলাম—মনে মনে কহিলাম,—আর একটু বিনয়ের সহিত মত প্রকাশ করিলে সংসারের বিশেষ কতি অথবা মতের বিশেষ অপলাপ হইত না, কারণ, লেখার দোষ থাকাও যেমন আশ্চর্য নহে তেমনি পাঠকের কাব্যবোধশক্তির

খর্বতাও নিতান্তই অসম্ভব বলিতে পারি না। মুখে বলিলাম,—যদিও নিজের রচনা সম্বন্ধে লেখকের মনে অনেক সময়ে অসন্দিগ্ধ মত থাকে তথাপি তাহা যে ভ্রান্ত হইতে পারে ইতিহাসে এমন অনেক প্রমাণ আছে—অপর পক্ষে সমালোচক-সম্প্রদায়ও যে সম্পূর্ণ ভ্রান্ত নহে ইতিহাসে সে প্রমাণেরও কিছুমাত্র অসম্ভাব নাই। অতএব কেবল এইটুকু নিঃসংশয়ে বলা যাইতে পারে যে, আমার এ লেখা ঠিক তোমার মনের মতো হয় নাই ; সে নিশ্চয় আমার দুর্ভাগ্য—হয়তো তোমার দুর্ভাগ্যও হইতে পারে।

দীপ্তি গম্ভীরমুখে অত্যন্ত সংক্ষেপে কহিলেন,—তা হইবে। বলিয়া একখানা বই টানিয়া লইয়া পড়িতে লাগিলেন।

ইহার পরে স্রোতস্থিনী আমাকে সেই কবিতা পড়িবার অন্ত আর দ্বিতীয়বার অনুরোধ করিলেন না।

ব্যোম জানালার বাহিরের দিকে দৃষ্টিক্ষেপ করিয়া যেন স্বদূর আকাশতলবর্তী কোনো এক কাল্পনিক পুরুষকে সম্বোধন করিয়া কহিল,—যদি তাৎপর্ষের কথা বল, তোমার এবারকার কবিতার আমি একটা তাৎপর্ষ গ্রহণ করিয়াছি।

কিত্তি কহিল,—আগে বিষয়টা কী বলো দেখি ? কবিতাটা পড়া হয় নাই সে কথাটা কবিরের ভয়ে এত ক্ষণ গোপন করিয়াছিলাম, এখন ফাঁস করিতে হইল।

ব্যোম কহিল,—শুক্লাচার্যের নিকট হইতে সঞ্জীবনী বিদ্যা শিখিবার নিমিত্ত বৃহস্পতির পুত্র কচকে দেবতারা দৈত্যগুরুর আশ্রমে প্রেরণ করেন। সেখানে কচ সহস্রবর্ষ 'নৃত্যগীতদ্বারা শুক্রতনয়া দেবযানীর মনোরঞ্জন করিয়া সঞ্জীবনী-বিদ্যা লাভ করিলেন। অবশেষে যখন বিদায়ের সময় উপস্থিত হইল তখন দেবযানী তাঁহাকে প্রেম জানাইয়া আশ্রম ত্যাগ করিয়া যাইতে নিষেধ করিলেন। দেবযানীর প্রতি অন্তরের আসক্তিসত্ত্বেও কচ নিষেধ না মানিয়া দেবলোকে গমন করিলেন। গল্পটুকু এই। মহাভারতের সহিত একটুখানি অনৈক্য আছে কিন্তু সে সামান্য।

কিত্তি কিঞ্চিৎ কাতরমুখে কহিল,—গল্পটি বারো হাত কাঁকুড়ের অপেক্ষা বড়ো হইবে না কিন্তু আশঙ্কা করিতেছি ইহা হইতে তেরো হাত পরিমাণের তাৎপর্ষ বাহির হইয়া পড়িবে।

ব্যোম কিত্তির কথায় কর্ণপাত না করিয়া বলিয়া গেল,—কথাটা দেহ এবং আত্মা লইয়া।

শুনিয়া সকলেই সশঙ্কিত হইয়া উঠিল।

কিত্তি কহিল,—আমি এইবেলা আমার দেহ এবং আত্মা লইয়া মানে মানে বিদায় হইলাম।

সমীর ছুই হাতে তাহার আমা খরিয়া টানিয়া বসাইয়া কহিল,—সংকটের সময় আমাদেরকে একলা ফেলিয়া যাও কোথায় ?

বোম কহিল,—জীব স্বর্গ হইতে এই সংসারাত্মমে আসিয়াছে। সে এখানকার সুখদুঃখ বিপদ-সম্পদ হইতে শিক্ষা লাভ করে। যত দিন ছাত্র-অবস্থায় থাকে, তত দিন তাহাকে এই আশ্রমকন্ঠা দেহটার মন জোগাইয়া চলিতে হয়। মন জোগাইবার অপূর্ব বিদ্যা সে জানে। দেহের ইন্দ্রিয়বীণায় সে এমন স্বর্গীয় সংগীত বাজাইতে থাকে যে, ধরাতলে সৌন্দর্যের নন্দনমরীচিকা বিস্তারিত হইয়া যায় এবং সমুদয় শব্দ-গন্ধ-স্পর্শ আপন জড়শক্তির যন্ত্রনিয়ম পরিহারপূর্বক অপরূপ স্বর্গীয় নৃত্যে স্পন্দিত হইতে থাকে।

বলিতে বলিতে স্বপ্নাবিষ্ট শূন্যদৃষ্টি বোম উৎফুল্ল হইয়া উঠিল, চৌকিতে সরল হইয়া উঠিয়া বসিয়া কহিল,—যদি এমনভাবে দেখো, তবে প্রত্যেক মানুষের মধ্যে একটা অনন্তকালীন প্রেমাত্মিনয় দেখিতে পাইবে। জীব তাহার মূঢ় অবোধ নির্ভরপরায়ণা সঙ্গিনীটিকে কেমন করিয়া পাগল করিতেছে দেখো। দেহের প্রত্যেক পরমাণুর মধ্যে এমন একটি আকাজ্জক সঞ্চার করিয়া দিতেছে, দেহধর্মের দ্বারা যে আকাজ্জক পরিভূষিত নাই। তাহার চক্ষে যে সৌন্দর্য আনিয়া দিতেছে দৃষ্টিশক্তির দ্বারা তাহার সীমা পাওয়া যায় না—তাই সে বলিতেছে, “জনম অবধি হম রূপ নেহারহু নয়ন না তিরপিত ভেল”;—তাহার কর্ণে যে সংগীত আনিয়া দিতেছে শ্রবণশক্তির দ্বারা তাহার আয়ত্ত হইতে পারে না, তাই সে ব্যাকুল হইয়া বলিতেছে, “সোই মধুর বোল শ্রবণহি শুনলুঁ শ্রুতিপথে পরশ না গেল!” আবার এই প্রাণপ্রদীপ্ত মূঢ় সঙ্গিনীটিও মতীর স্তায় সহস্র শাখাপ্রশাখা বিস্তার করিয়া প্রেমপ্রতাপ্ত সুকোমল আলিঙ্গনপাশে জীবকে আচ্ছন্ন প্রচ্ছন্ন করিয়া ধরে, অল্পে অল্পে তাহাকে মুগ্ধ করিয়া আনে, অশ্রান্ত যত্নে ছায়ার মতো সঙ্গ ধাক্কিয়া বিবিধ উপচারে তাহার সেবা করে, প্রবাসকে বাহাতে প্রবাস জান না হয়, বাহাতে আতিথ্যের ক্রটি না হইতে পারে সেজন্য সর্বদাই তাহার চক্ষুকর্ণহস্ত-পদকে সতর্ক করিয়া রাখে। এত ভালোবাসার পরে তবু এক দিন জীব এই চিরাহুগতা অনন্তাসক্ত দেহলতাকে ধূলিশায়িনী করিয়া দিয়া চলিয়া যায়। বলে, প্রিয়ে, তোমাকে আমি আত্মনির্বিশেষে ভালোবাসি, তবু আমি কেবল একটি দীর্ঘনিঃশ্বাসমাত্র ফেলিয়া তোমাকে ত্যাগ করিয়া যাইব। কারণ তখন তাহার চরণ জড়াইয়া বলে, বন্ধু, অবশেষে আজ যদি আমাকে ধূলিতলে ধূলিমুষ্টির মতো ফেলিয়া দিয়া চলিয়া যাইবে, তবে এতদিন তোমার প্রেমে কেন আমাকে এমন মহিমাশালিনী করিয়া তুলিয়াছিলে ? হায়, আমি তোমার যোগ্য নই—কিন্তু তুমি কেন আমার এই প্রাণপ্রদীপদীপ্ত নিভৃত সোনার মন্দিরে একদা রহস্তাকারনিশীথে অনন্ত সমুদ্র পার

হইয়া অভিসারে আসিয়াছিলে ? আমার কোন্ গুণে তোমাকে মুগ্ধ করিয়াছিলাম ? এই করুণ প্রশ্নের কোনো উত্তর না দিয়া এই বিদেশী কোথায় চলিয়া যার তাহা কেহ জানে না। সেই আজন্মমিলনবন্ধনের অবসান, সেই মাধুরযাত্রার বিদায়ের দিন, সেই কাহার সহিত কায়াধিরাজের শেষ সম্ভাষণ—তাহার মতো এমন শোচনীয় বিরহ-দৃশ্য কোন্ প্রেমকাব্যে বর্ণিত আছে।

কিত্তির মুগ্ধভাব হইতে একটা আসন্ন পরিহাসের আশঙ্কা করিয়া ব্যোম কহিল,—তোমরা ইহাকে প্রেম বলিয়া মনে কর না ; মনে করিতেছ আমি কেবল রূপক অবলম্বনে কথা কহিতেছি। তাহা নহে। জগতে ইহাই সর্বপ্রথম প্রেম এবং জীবনের সর্বপ্রথম প্রেম সর্বাপেক্ষা যেমন প্রবল হইয়া থাকে জগতের সর্বপ্রথম প্রেমও সেইরূপ সরল অথচ সেইরূপ প্রবল। এই আদি প্রেম এই দেহের ভালোবাসা যখন সংসারে দেখা দিয়াছিল তখনও পৃথিবীতে জলে স্থলে বিভাগ হয় নাই—সেদিন কোনো কবি উপস্থিত ছিল না, কোনো ঐতিহাসিক জন্মগ্রহণ করে নাই—কিন্তু সেই দিন এই জলময় পঙ্কময় অপরিণত ধরাতলে প্রথম ঘোষিত হইল যে, এ জগত যন্ত্রজগৎমাত্র নহে ;—প্রেম নামক এক অনির্বচনীয় আনন্দময় বেদনাময় ইচ্ছাশক্তি পঙ্কের মধ্য হইতে পঙ্কজবন আগ্রত করিয়া তুলিতেছেন, এবং সেই পঙ্কজবনের উপরে আজ ভক্তের চক্ষে সৌন্দর্যরূপা লক্ষ্মী এবং ভাবরূপা সরস্বতীর অধিষ্ঠান হইয়াছে।

কিত্তি কহিল,—আমাদের প্রত্যেকের ভিতরে যে এমন একটা বৃহৎ কাব্যকাণ্ড চলিতেছে শুনিয়া পুলকিত হইলাম—কিন্তু সরলা কায়াটির প্রতি চকলম্বভাব আত্মাটির ব্যবহার সম্ভাষণজনক নহে ইহা স্বীকার করিতেই হইবে। আমি একান্তমনে আশা করি যেন আমার জীবাত্মা এরূপ চপলতা প্রকাশ না করিয়া অন্তত কিছু দীর্ঘকাল দেহ-দেবযানীর আশ্রমে স্থায়ীভাবে বাস করে ! তোমরাও সেই আশীর্বাদ করো।

সমীর কহিল,—ভ্রাতা ব্যোম, তোমার মুখে তো কখনো শাস্ত্রবিরুদ্ধ কথা শুনি নাই। তুমি কেন আজ এমন ক্রীষ্টানের মতো কথা কহিলে ? জীবাত্মা স্বর্গ হইতে সংসারাপ্রবেশে প্রেরিত হইয়া দেহের সঙ্গ লাভ করিয়া স্থখদুঃখের মধ্য দিয়া পরিণতি প্রাপ্ত হইতেছে, এ সকল মত তো তোমার পূর্বমতের সহিত মিলিতেছে না।

ব্যোম কহিল,—এ সকল কথাই মতের মিল করিবার চেষ্টা করিয়া না। এ সকল গোড়াকার কথা লইয়া আমি কোনো মতের সহিতই বিবাদ করি না। জীবনযাত্রার ব্যবসারে প্রত্যেক জাতিই নিজরাজ্যপ্রচলিত মুদ্রা লইয়া মূলধন সংগ্রহ করে—কথাটা এই দেখিতে হইবে, ব্যবসা চলে কি না। জীব স্থখদুঃখবিপদসম্পদের মধ্যে শিকাগাত করিবার জন্য সংসার-শিক্ষাশালায় প্রেরিত হইয়াছে এই মতটিকে মূলধন করিয়া লইয়া

জীবনরাজ্য হুচাঁকরূপে চলে, অতএব আমার মতে এ মৃত্যুটি মেকি নহে। আবার বধন প্রসঙ্গক্রমে অবসর উপস্থিত হইবে, তখন দেখাইয়া দিব যে, আমি যে ব্যাঙ্ক-নোটটি লইয়া জীবন-বাণিজ্যে প্রবৃত্ত হইয়াছি, বিশ্ববিধাতার ব্যাঙ্কে সে নোটও গ্রাহ হইয়া থাকে।

কিন্তি করুণস্বরে কহিল,—দোহাই ভাই, তোমার মুখে প্রেমের কথাই বধেই কঠিন বোধ হয়—অতঃপর বাণিজ্যের কথা যদি অবতারণ কর তবে আমাকেও এখান হইতে অবতারণ করিতে হইবে; আমি অত্যন্ত দুর্বল বোধ করিতেছি। যদি অবসর পাই তবে আমিও একটা তাৎপর্ষ শুনাইতে পারি।

ব্যোম চৌকিতে ঠেসান দিয়া বসিয়া জানালার উপর ছই পা তুলিয়া দিল। কিন্তি কহিল,—আমি দেখিতেছি এভোলুশন থিয়োরি অর্থাৎ অভিব্যক্তিবাদের মোট কথাটা এই কবিতার মধ্যে রহিয়া গিয়াছে। সম্ভবনী বিচ্ছাটার অর্থ, বাচিয়া থাকিবার বিচ্ছা। সংসারে স্পষ্টই দেখা যাইতেছে একটা লোক সেই বিচ্ছাটা অহরহ অভ্যাস করিতেছে—সহস্র বৎসর কেন, লক্ষসহস্র বৎসর ধরিয়া। কিন্তু বাহাকে অবলম্বন করিয়া সে সেই বিচ্ছা অভ্যাস করিতেছে সেই প্রাণিবংশের প্রতি তাহার কেবল কণিক প্রেম দেখা যায়। যেই একটা পরিচ্ছেদ সমাপ্ত হইয়া যায় অমনি নিষ্ঠুর প্রেমিক চঞ্চল অতিথি তাহাকে অকাতরে ধ্বংসের মুখে ফেলিয়া দিয়া চলিয়া যায়। পৃথিবীর স্তরে স্তরে এই নির্দয় বিদায়ের বিলাপগান প্রস্তরপটে অঙ্কিত রহিয়াছে।—

দীপ্তি কিন্তির কথা শেষ হইতে না হইতেই বিরক্ত হইয়া কহিল,—তোমরা এমন করিয়া যদি তাৎপর্ষ বাহির করিতে থাক তাহা হইলে তাৎপর্ষের সীমা থাকে না। কাঠকে দগ্ধ করিয়া দিয়া অগ্নির বিদায় গ্রহণ, গুটি কাটিয়া ফেলিয়া প্রজাপতির পলায়ন, ফুলকে বিশীর্ণ করিয়া ফলের বহিরাগমন, বীজকে বিদীর্ণ করিয়া অঙ্কুরের উদগম, এমন রাশি রাশি তাৎপর্ষ স্তূপাকার করা যাইতে পারে।

ব্যোম গম্ভীরভাবে কহিতে লাগিল,—ঠিক বটে। ওগুলো তাৎপর্ষ নহে, দৃষ্টান্ত মাত্র। উহাদের ভিতরকার আসল কথাটা এই, সংসারে আমরা অন্তত ছই পা ব্যবহার না করিয়া চলিতে পারি না। বাম পদ বধন পশ্চাতে আবদ্ধ থাকে দক্ষিণ পদ সম্মুখে অগ্রসর হইয়া যায়, আবার দক্ষিণ পদ সম্মুখে আবদ্ধ হইলে পর বাম পদ আপন বন্ধন ছেদন করিয়া অগ্রে ধাবিত হয়। আমরা এক বার করিয়া আপনাকে বাধি, আবার পরক্ষণেই সেই বন্ধন ছেদন করি। আমাদেরকে ভালোবাসিতেও হইবে এবং সে ভালোবাসা কাটিতেও হইবে,—সংসারের এই মহত্তম দুঃখ, এবং এই মহৎ দুঃখের মধ্য দিয়াই আমাদের অগ্রসর হইতে হয়। সমাজ সম্বন্ধেও এ কথা

খাটে। নূতন নিয়ম যখন কালক্রমে প্রাচীন প্রথারূপে আমাদের কাছে এক স্থানে আবর্তন করে তখন সমাজবিপ্লব আসিয়া তাহাকে উৎপাটনপূর্বক আমাদের কাছে মুক্তি দান করে। যে পা ফেলি সে পা পরক্ষণে তুলিয়া লইতে হয় নতুবা চলা হয় না, অতএব অগ্রসর হওয়ার মধ্যে পদে পদে বিচ্ছেদবেদনা—ইহা বিধাতার বিধান।

সমীর কহিল,—গল্পটার সর্বশেষে যে একটি অভিশাপ আছে তোমরা কেহ সেটার উল্লেখ কর নাহি। কচ যখন বিজ্ঞানভক্ত করিয়া দেববানীর প্রেমবন্ধন বিচ্ছিন্ন করিয়া যাত্রা করেন তখন দেববানী তাহাকে অভিশাপ দিলেন যে, তুমি যে-বিজ্ঞা শিক্ষা করিলে সে-বিজ্ঞা অন্তকে শিক্ষা দিতে পারিবে কিন্তু নিজে ব্যবহার করিতে পারিবে না; আমি সেই অভিশাপ সমেত একটা তাৎপর্য বাহির করিয়াছি যদি ধৈর্য থাকে তো বলি।

ক্ৰিতি কহিল,—ধৈর্য থাকিবে কি না পূর্বে হইতে বলিতে পারি না। প্রতিজ্ঞা করিয়া বসিয়া শেষে প্রতিজ্ঞা রক্ষা না হইতেও পারে। তুমি তো আরম্ভ করিয়া দাও শেষে যদি অবস্থা বুঝিয়া তোমার দয়ার সঞ্চার হয় ধামিয়া গেলেই হইবে।

সমীর কহিল,—ভালো করিয়া জীবন ধারণ করিবার বিজ্ঞাকে সঞ্জীবনী বিজ্ঞা বলা যাক। মনে করা যাক কোনো কবি সেই বিজ্ঞা নিজে শিখিয়া অন্তকে দান করিবার অন্ত জগতে আসিয়াছে। সে তাহার সহজ স্বর্গীয় ক্ষমতার সংসারকে বিমুগ্ধ করিয়া সংসারের কাছ হইতে সেই বিজ্ঞা উদ্ধার করিয়া লইল। সে যে সংসারকে ভালোবাসিল না তাহা নহে কিন্তু সংসার যখন তাহাকে বলিল, তুমি আমার বন্ধনে ধরা দাও, সে কহিল, ধরা যদি দিই, তোমার আবর্তের মধ্যে যদি আকৃষ্ট হই তাহা হইলে এ সঞ্জীবনী বিজ্ঞা আমি শিখাইতে পারিব না; সংসারে সকলের মধ্যে থাকিয়াও আপনাকে বিচ্ছিন্ন রাখিতে হইবে। তখন সংসার তাহাকে অভিশাপ দিল, তুমি যে বিজ্ঞা আমার নিকট হইতে প্রাপ্ত হইয়াছ সে-বিজ্ঞা অন্তকে দান করিতে পারিবে কিন্তু নিজে ব্যবহার করিতে পারিবে না। সংসারের এই অভিশাপ থাকতে প্রায়ই দেখিতে পাওয়া যায় যে, গুরু শিষ্য ছাত্রের কাজে লাগিতেছে কিন্তু সংসারজ্ঞান নিজের জীবনে ব্যবহার করিতে তিনি বালকের মত অপটু। তাহার কারণ, নির্লিপ্তভাবে বাহির হইতে বিজ্ঞা শিখিলে বিজ্ঞাটা ভালো করিয়া পাওয়া যাইতে পারে, কিন্তু সর্বদা কাজের মধ্যে লিপ্ত হইয়া না থাকিলে তাহার প্রয়োগ শিক্ষা হয় না। সেই অল্প পুরাকালে ব্রাহ্মণ ছিলেন মন্ত্রী কিন্তু ক্ষত্রিয় রাজা তাহার মন্ত্রণা কাজে প্রয়োগ করিতেন। ব্রাহ্মণকে রাজ্যসনে বসাইয়া দিলে ব্রাহ্মণও অগাধভাবে পড়িত এবং রাজ্যকেও অকূল পাথারে ভাসাইয়া দিত।



তোমরা যে সকল কথা ভুলিয়াছিলে সেগুলি বড়ো বেশি সাধারণ কথা। মনে করো যদি বলা যায়, রামায়ণের তাৎপর্য এই যে, রাজার গৃহে জন্মিয়া অনেকে দুঃখ ভোগ করিয়া থাকে, অথবা শকুন্তলার তাৎপর্য এই যে, উপযুক্ত অবসরে স্ত্রীপুরুষের চিন্তে পরস্পরের প্রতি প্রেমের সঞ্চার হওয়া অসম্ভব নহে, তবে সেটাকে একটা নূতন শিক্ষা বা বিশেষ বার্তা বলা যায় না।

শ্রোতবিনী কিঞ্চিৎ ইতস্তত করিয়া কহিল,—আমার তো মনে হয় সেই সকল সাধারণ কথাই কবিতার কথা। রাজগৃহে জন্মগ্রহণ করিয়াও সর্বপ্রকার সুখের সম্ভাবনা সশ্রমেও আনুভূতিকাল অসীম দুঃখ রাম সীতাকে সংকট হইতে সংকটান্তরে ব্যাধের দ্বারা অনুসরণ করিয়া ফিরিয়াছে; সংসারের এই অত্যন্ত সম্ভবপর, মানবদৃষ্টির এই অত্যন্ত পুরাতন দুঃখকাহিনীতেই পাঠকের চিত্ত আকৃষ্ট এবং আর্দ্র হইয়াছে। শকুন্তলার প্রেমদৃষ্টির মধ্যে বাস্তবিকই কোনো নূতন শিক্ষা বা বিশেষ বার্তা নাই, কেবল এই নিরতিশয় প্রাচীন এবং সাধারণ কথাটি আছে যে, শুভ অথবা অশুভ অবসরে প্রেম অলঙ্কিতে অনিবার্য বেগে আসিয়া দৃঢ়বন্ধনে স্ত্রীপুরুষের হৃদয় এক করিয়া দেয়। এই অত্যন্ত সাধারণ কথা থাকতেই সর্বসাধারণে উহার রসভোগ করিয়া আসিতেছে। কেহ কেহ বলিতে পারেন, দ্রৌপদীর বস্ত্রহরণের বিশেষ অর্থ এই যে, মৃত্যু এই জীবজন্তু-তরলতা-তৃণাচ্ছাদিত বহুমতীর বস্ত্র আকর্ষণ করিতেছে কিন্তু বিধাতার আশীর্বাদে কোনোকালে তাহার বসনাকলের অস্ত হইতেছে না, চিরদিনই সে প্রাণময় সৌন্দর্যময় নববস্ত্রে ভূষিত থাকিতেছে। কিন্তু সভাপর্বে যেখানে আমাদের ছুৎপিণ্ডের রক্ত তরঙ্গিত হইয়া উঠিয়াছিল এবং অবশেষে সংকটাপন্ন ভক্তের প্রতি দেবতার কৃপায় দুই চক্ষু অশ্রুজলে প্লাবিত হইয়াছিল, সে কি এই নূতন এবং বিশেষ অর্থ গ্রহণ করিয়া। না, অত্যাচার-পীড়িত রমণীর লজ্জা ও সেই লজ্জানিবারণ নামক অত্যন্ত সাধারণ স্বাভাবিক এবং পুরাতন কথায়? কচ-দেবযানী-সংবাদেও মানব হৃদয়ের এক অতি চিরন্তন এবং সাধারণ বিষাদকাহিনী বিবৃত আছে, সেটাকে যাহারা অকিঞ্চিৎকর জ্ঞান করেন এবং বিশেষ তত্ত্বকেই প্রাধান্য দেন তাঁহারা কাব্যরসের অধিকারী নহেন।

সমীর হাসিয়া আমাকে সম্বোধন করিয়া কহিলেন,—শ্রীমতী শ্রোতবিনী আমাদের কাব্যরসের অধিকারসীমা হইতে একেবারে নির্বাসিত করিয়া দিলেন এক্ষণে স্বয়ং কবি কী বিচার করেন এক বার শুনা যাক।

শ্রোতবিনী অত্যন্ত লজ্জিত ও অসুস্থ হইয়া বারংবার এই অপবাদের প্রতিবাদ করিলেন।

আমি কহিলাম,—এই পর্বস্ত বলিতে পারি যখন কবিতাটা লিখিতে বসিয়াছিলাম

তখন কোনো অর্থই মাথায় ছিল না, তোমাদের কল্যাণে এখন দেখিতেছি লেখাটা বড়ো নিরর্থক হয় নাই—অর্থ অভিধানে কুলাইয়া উঠিতেছে না। কাব্যের একটা গুণ এই যে, কবির সৃজনশক্তি পাঠকের সৃজনশক্তি উদ্বুদ্ধ করিয়া দেয়; তখন স্ব স্ব প্রকৃতি অনুসারে কেহ বা সৌন্দর্য, কেহ বা নীতি, কেহ বা তত্ত্ব সৃজন করিতে থাকেন। এ যেন আতশবাজিতে আগুন ধরাইয়া দেওয়া,—কাব্য সেই অগ্নিশিখা, পাঠকদের মন ভিন্ন ভিন্ন প্রকারের আতশবাজি। আগুন ধরিবামাত্র কেহ বা হাউয়ের মতো একেবারে আকাশে উড়িয়া যায়, কেহ বা তুবড়ির মতো উচ্ক্ষুসিত হইয়া উঠে, কেহ বা বোমার মতো আওয়াজ করিতে থাকে। তথাপি মোটের উপর শ্রীমতী শ্রোতবিনীর সহিত আমার মতবিরোধ দেখিতেছি না। অনেকে বলেন, আঁঠিই ফলের প্রধান অংশ এবং বৈজ্ঞানিক যুক্তির দ্বারা তাহার প্রমাণ করাও যায়। কিন্তু তথাপি অনেক রসজ্ঞ ব্যক্তি ফলের শস্তুটি খাইয়া তাহার আঁঠি ফেলিয়া দেন। তেমনি কোনো কাব্যের মধ্যে যদিবা কোনো বিশেষ শিক্ষা থাকে তথাপি কাব্যরসজ্ঞ ব্যক্তি তাহার রসপূর্ণ কাব্যংশটুকু লইয়া শিক্ষাংশটুকু ফেলিয়া দিলে কেহ তাঁহাকে দোষ দিতে পারে না। কিন্তু যাহারা আগ্রহসহকারে কেবল ঐ শিক্ষাংশটুকুই বাহির করিতে চাহেন আশীর্বাদ করি তাঁহারাও সফল হউন এবং সুখে থাকুন। আনন্দ কাহাকেও বলপূর্বক দেওয়া যায় না। কুহুম্বকুল হইতে কেহ বা তাহার রং বাহির করে, কেহ বা তৈলের স্রুতা তাহার বীজ বাহির করে, কেহ বা মুহুনেজে তাহার শোভা দেখে। কাব্য হইতে কেহ বা ইতিহাস আকর্ষণ করেন, কেহ বা দর্শন উৎপাটন করেন, কেহ বা নীতি, কেহ বা বিষয়জ্ঞান উদ্ঘাটন করিয়া থাকেন, আবার কেহ বা কাব্য হইতে কাব্য ছাড়া আর কিছুই বাহির করিতে পারেন না—যিনি যাহা পাইলেন তাহাই লইয়া সন্তুষ্টচিত্তে ঘরে ফিরিতে পারেন, কাহারও সহিত বিরোধের আবশ্যক দেখি না—বিরোধে ফলও নাই।

## প্রাঞ্জলতা

শ্রোতবিনী কোনো এক বিখ্যাত ইংরেজ কবির উল্লেখ করিয়া বলিলেন,—কে জানে, তাঁহার রচনা আমার কাছে ভালো লাগে না।

দীপ্তি আরো প্রবলতরভাবে শ্রোতবিনীর মত সমর্থন করিলেন।

সমীর কখনো পারতপক্ষে মেয়েদের কোনো কথাই স্পষ্ট প্রতিবাদ করে না।

তাই সে একটু হাসিয়া ইতস্তত করিয়া কহিল,—কিন্তু অনেক বড়ো বড়ো সমালোচক তাঁহাকে খুব উচ্চ আসন দিয়া থাকেন ।

দীপ্তি কহিলেন,—আগুন যে পোড়ায় তাহা ভালো করিয়া বুঝিবার জন্য কোনো সমালোচকের সাহায্য আবশ্যক করে না, তাহা নিজের বাম হস্তের কড়ে আঙুলের ডগার দ্বারাও বোঝা যায়—ভালো কবিতার কবিত্ব যদি তেমনি অবহেলে না বুঝিতে পারি তবে আমি তাহার সমালোচনা পড়া আবশ্যক বোধ করি না ।

আগুনের যে পোড়াইবার ক্ষমতা আছে সমীর তাহা জানিত, এই জন্য সে চুপ করিয়া রহিল ; কিন্তু ব্যোম বেচারার সে সকল বিষয়ে কোনোরূপ কাণ্ডজ্ঞান ছিল না এই জন্য সে উচ্চস্বরে আপন স্বগত-উক্তি আরম্ভ করিয়া দিল ।

সে বলিল,—মানুষের মন মানুষকে ছাড়াইয়া চলে, অনেক সময় তাহাকে নাগাল পাওয়া যায় না—

কিন্তু তাহাকে বাধা দিয়া কহিল,—ত্রেতাযুগে হনুমানের শতষোড়শ লাঙ্গুল শ্রীমান হনুমানজিউকে ছাড়াইয়া বহুদূরে গিয়া পৌঁছিত ;—লাঙ্গুলের ডগাটুকুতে যদি উকুন বসিত তবে তাহা চুলকাইয়া আসিবার জন্য ঘোড়ার ডাক বসাইতে হইত । মানুষের মন হনুমানের লাঙ্গুলের অপেক্ষাও সুদীর্ঘ, সেই জন্য এক-এক সময়ে মন যেখানে গিয়া পৌঁছায়, সমালোচকের ঘোড়ার ডাক ব্যতীত সেখানে হাত পৌঁছে না । লেজের সঙ্গে মনের প্রভেদ এই যে, মনটা আগে আগে চলে এবং লেজটা পশ্চাতে পড়িয়া থাকে—এই জন্যই অগতে লেজের এত লাঞ্ছনা এবং মনের এত মাহাত্ম্য ।

কিন্তু কথা শেষ হইলে ব্যোম পুনশ্চ আরম্ভ করিল,—বিজ্ঞানের উদ্দেশ্য জানা, এবং দর্শনের উদ্দেশ্য বোঝা, কিন্তু কাণ্ডটি এমনি হইয়া দাঁড়াইয়াছে যে, বিজ্ঞানটি জানা এবং দর্শনটি বোঝাই অন্য সকল জানা এবং অন্য সকল বোঝার অপেক্ষা শক্ত হইয়া উঠিয়াছে, ইহার জন্য কত ইচ্ছা, কত কেতাব, কত আয়োজন আবশ্যক হইয়াছে । সাহিত্যের উদ্দেশ্য আনন্দ দান করা, কিন্তু সে আনন্দটি গ্রহণ করাও নিতান্ত সহজ নহে—তাহার অন্তঃবিবিধ প্রকার শিকা এবং সাহায্যের প্রয়োজন । সেই জন্যই বলিতেছিলাম, দেখিতে দেখিতে মন এতটা অগ্রসর হইয়া যায় যে, তাহার নাগাল পাইবার জন্য সিঁড়ি লাগাইতে হয় । যদি কেহ অভিমান করিয়া বলেন, যাহা বিনা শিকার না জানা যায় তাহা বিজ্ঞান নহে, যাহা বিনা চেঁচায় না বোঝা যায় তাহা দর্শন নহে এবং যাহা বিনা সাধনায় আনন্দ দান না করে তাহা সাহিত্য নহে, তবে কেবল খনার বচন, প্রবাদবাক্য এবং পাঁচালি অবলম্বন করিয়া তাঁহাকে অনেক পশ্চাতে পড়িয়া থাকিতে হইবে ।

সমীর কহিল,—মানুষের হাতে সব জিনিসই ক্রমশ কঠিন হইয়া উঠে। অসভ্যেরা যেমন-তেমন চীৎকার করিয়াই উত্তেজনা অনুভব করে, অথচ আমাদের এমনি গ্রহ যে, বিশেষ অভ্যাসসাধ্য শিক্ষাসাধ্য সংগীত ব্যতীত আমাদের সুখ নাই, আরো গ্রহ এই যে, ভালো গান করাও তেমনি শিক্ষাসাধ্য। তাহার ফল হয় এই যে, এক সময়ে যাহা সাধারণের ছিল, ক্রমেই তাহা সাধকের হইয়া আসে। চীৎকার সকলেই করিতে পারে, এবং চীৎকার করিয়া অসভ্য সাধারণে সকলেই উত্তেজনাসুখ অনুভব করে—কিন্তু গান সকলে করিতে পারে না এবং গানে সকলে সুখও পায় না। কাজেই সমাজ যতই অগ্রসর হয় ততই অধিকারী এবং অনধিকারী, রসিক এবং অরসিক, এই দুই সম্প্রদায়ের সৃষ্টি হইতে থাকে।

ক্ষিত্তি কহিল,—মানুষ বেচারাকে এমনি করিয়া গড়া হইয়াছে যে, সে যতই সহজ উপায় অবলম্বন করিতে যায় ততই দুর্কহতার মধ্যে জড়ীভূত হইয়া পড়ে। সে সহজে কাজ করিবার জন্ত কল তৈরি করে কিন্তু কল জিনিসটা নিজে এক বিষম দুর্কহ ব্যাপার; সে সহজে সমস্ত প্রাকৃত জ্ঞানকে বিধিবদ্ধ করিবার জন্ত বিজ্ঞান সৃষ্টি করে কিন্তু সেই বিজ্ঞানটাই আয়ত্ত করা কঠিন কাজ; স্মৃতিচার করিবার সহজ প্রণালী বাহির করিতে গিয়া আইন বাহির হইল, শেষকালে আইনটা ভালো করিয়া বুঝিতেই দীর্ঘজীবী লোকের বারো আনা জীবন দান করা আবশ্যিক হইয়া পড়ে; সহজে আদান-প্রদান চালাইবার জন্ত টাকার সৃষ্টি হইল, শেষকালে টাকার সমস্তা এমনি একটা সমস্তা হইয়া উঠিয়াছে যে, মীমাংসা করে কাহার সাধ্য। সমস্ত সহজ করিতে হইবে এই চেষ্টায় মানুষের জ্ঞানাশোনা খাওয়া-দাওয়া আমোদপ্রমোদ সমস্তই অসম্ভব শক্ত হইয়া উঠিয়াছে।

শ্রোতস্বিনী কহিলেন,—সেই হিসাবে কবিতাও শক্ত হইয়া উঠিয়াছে; এখন মানুষ খুব স্পষ্টত দুই ভাগ হইয়া গিয়াছে; এখন অল্প লোক ধনী এবং অনেক নির্ধন, অল্প লোক গুণী এবং অনেক নিগুণ; এখন কবিতাও সর্বসাধারণের নহে, তাহা বিশেষ লোকের; সকলই বুঝিলাম। কিন্তু কথাটা এই যে, আমরা যে বিশেষ কবিতার প্রসঙ্গে এই কথাটা তুলিয়াছি, সে কবিতাটা কোনো অংশেই শক্ত নহে; তাহার মধ্যে এমন কিছুই নাই যাহা আমাদের মতো লোকও বুঝিতে না পারে—তাহা নিতান্তই সরল, অতএব তাহা যদি ভালো না লাগে তবে সে আমাদের বুঝিবার দোষে নহে।

ক্ষিত্তি এবং সমীর ইহার পরে আর কোনো কথা বলিতে ইচ্ছা করিল না। কিন্তু ব্যোম অগ্নান মুখে বলিতে লাগিল—যাহা সরল তাহাই যে সহজ এমন কোনো কথা নাই। অনেক সময় তাহাই অত্যন্ত কঠিন; কারণ, সে নিজেকে বুঝাইবার জন্ত কোনো

প্রকার বাজে উপায় অবলম্বন করে না, সে চূপ করিয়া দাঁড়াইয়া থাকে; তাহাকে না বুঝিয়া চলিয়া গেলে সে কোনোরূপ কৌশল করিয়া ফিরিয়া থাকে না। প্রাঞ্জলতার প্রধান গুণ এই যে, সে একেবারে অব্যবহিত ভাবে মনের সহিত সঘন্থ স্থাপন করে— তাহার কোনো মধ্যস্থ নাই। কিন্তু যে-সকল মন মধ্যস্থের সাহায্য ব্যতীত কিছু গ্রহণ করিতে পারে না, বাহাদিগকে ভুলাইয়া আকর্ষণ করিতে হয়, প্রাঞ্জলতা তাহাদের নিকট বড়োই দুর্বোধ। কৃষ্ণনগরের কারিগরের রচিত ভিত্তি তাহার সমস্ত রংচং মশক এবং অজভঙ্গি দ্বারা আমাদের ইন্দ্রিয় এবং অভ্যাসের সাহায্যে চট করিয়া আমাদের মনের মধ্যে প্রবেশ করিতে পারে—কিন্তু গ্রীক প্রস্তরমূর্তিতে রংচং রকম-সকম নাই—তাহা প্রাঞ্জল এবং সর্বপ্রকার প্রয়াসবিহীন। কিন্তু তাহা বলিয়া সহজ নহে। সে কোনোপ্রকার তুচ্ছ বাহ্য কৌশল অবলম্বন করে না বলিয়াই ভাবসম্পদ তাহার অধিক থাকা চাই।

দীপ্তি বিশেষ একটু বিরক্ত হইয়া কহিল,—তোমার গ্রীক প্রস্তরমূর্তির কথা ছাড়িয়া দাও। ও সঘন্থে অনেক কথা শুনিয়াছি এবং বাচিয়া থাকিলে আরো অনেক কথা শুনিতে হইবে। ভালো জিনিসের দোষ এই যে, তাহাকে সর্বদাই পৃথিবীর চোখের সামনে থাকিতে হয়, সকলেই তাহার সঘন্থে কথা কহে, তাহার আর পর্দা নাই, আক্রমণ নাই; তাহাকে আর কাহারও আবিষ্কার করিতে হয় না, বুঝিতে হয় না, ভালো করিয়া চোখ মেলিয়া তাহার প্রতি তাকাইতেও হয় না, কেবল তাহার সঘন্থে বাধি গন্ত শুনিতে এবং বলিতে হয়। সূর্যের যেমন মাঝে মাঝে মেঘগ্রস্ত থাকা উচিত, নতুবা, মেঘমুক্ত সূর্যের গৌরব বুঝা যায় না, আমার বোধ হয় পৃথিবীর বড়ো বড়ো খ্যাতির উপরে মাঝে মাঝে সেইরূপ অবহেলার আড়াল পড়া উচিত—মাঝে মাঝে গ্রীক মূর্তির নিন্দা করা ফেশান হওয়া ভালো, মাঝে মাঝে সর্বলোকের নিকট প্রমাণ হওয়া উচিত যে, কালিদাস অপেক্ষা চাণক্য বড়ো কবি। নতুবা আর সহ হয় না। যাহা হউক ওটা একটা অপ্রাসঙ্গিক কথা। আমার বক্তব্য এই যে, অনেক সময় ভাবের দারিদ্র্যকে আচারের বর্ধরতাকে সরলতা বলিয়া ভ্রম হয়, অনেক সময় প্রকাশ-ক্ষমতার অভাবকে ভাবাধিক্যের পরিচয় বলিয়া কল্পনা করা হয়—সে কথাটাও মনে রাখা কর্তব্য।

আমি কহিলাম,—কলাবিদ্যার সরলতা উচ্চ অঙ্কের মানসিক উন্নতির সহচর। বর্ধরতা সরলতা নহে। বর্ধরতার আড়ম্বর-আয়োজন অত্যন্ত বেশি। সভ্যতা অপেক্ষাকৃত নিরলংকার। অধিক অলংকার আমাদের দৃষ্টি আকর্ষণ করে কিন্তু মনকে প্রতিহত করিয়া দেয়। আমাদের বাংলা ভাষায় কি ধবরের কাগজে কি উচ্চশ্রেণীর

সাহিত্যে সরলতা এবং অপ্রমত্ততার অভাব দেখা যায়—সকলেই অধিক করিয়া, চীৎকার করিয়া এবং ভঙ্গিমা করিয়া বলিতে ভালোবাসে, বিনা আড়ম্বরে সত্য কথাটি পরিষ্কার করিয়া বলিতে কাহারও প্রবৃত্তি হয় না। কারণ, এখনো আমাদের মধ্যে একটা আদিম বর্বরতা আছে; সত্য প্রাঞ্জল বেশে আসিলে তাহার গভীরতা এবং অসামান্ততা আমরা দেখিতে পাই না, ভাবের সৌন্দর্য কৃত্রিম ভূষণে এবং সর্বপ্রকার আতিশয্যে ভারাক্রান্ত হইয়া না আসিলে আমাদের নিকট তাহার মর্যাদা নষ্ট হয়।

সমীর কহিল,—সংঘম ভঙ্গতার একটি প্রধান লক্ষণ। ভঙ্গলোকেরা কোনো প্রকার গায়-পড়া আতিশয্য দ্বারা আপন অস্তিত্ব উৎকট ভাবে প্রচার করে না;—বিনয় এবং সংঘমের দ্বারা তাহারা আপন মর্যাদা রক্ষা করিয়া থাকে। অনেক সময় সাধারণ লোকের নিকট সংঘত সুসমাহিত ভঙ্গতার অপেক্ষা আড়ম্বর এবং আতিশয্যের ভঙ্গিমা অধিকতর আকর্ষণজনক হয় কিন্তু সেটা ভঙ্গতার দুর্ভাগ্য নহে, সে সাধারণের ভাগ্য-দোষ। সাহিত্যে সংঘম এবং আচারব্যবহারে সংঘম উন্নতির লক্ষণ—আতিশয্যের দ্বারা দৃষ্টি আকর্ষণের চেষ্টাই বর্বরতা।

আমি কহিলাম,—এক-আধটা ইংরেজি কথা মাপ করিতে হইবে। যেমন ভঙ্গ-লোকের মধ্যে, তেমনি ভঙ্গ সাহিত্যেও, ম্যানার আছে কিন্তু ম্যানারিজন্য নাই। ভালো সাহিত্যের বিশেষ একটি আকৃতিপ্রকৃতি আছে সন্দেহ নাই—কিন্তু তাহার এমন একটি পরিমিত সুষমা যে, আকৃতিপ্রকৃতির বিশেষত্বটাই বিশেষ করিয়া চোখে পড়ে না। তাহার মধ্যে একটা ভাব থাকে, একটা গূঢ় প্রভাব থাকে, কিন্তু কোনো অপূর্ব ভঙ্গিমা থাকে না। তরঙ্গভঙ্গের অভাবে অনেক সময়ে পরিপূর্ণতাও লোকের দৃষ্টি এড়াইয়া যায়, আবার পরিপূর্ণতার অভাবে অনেক সময়ে তরঙ্গভঙ্গও লোককে বিচলিত করে, কিন্তু তাই বলিয়া এ ভ্রম ঘেন কাহারও না হয় যে, পরিপূর্ণতার প্রাঞ্জলতাই সহজ এবং অগভীরতার ভঙ্গিমাই দুর্লভ।

শ্রোতৃবর্গের দিকে ফিরিয়া কহিলাম,—উচ্চশ্রেণীর সরল সাহিত্য বুঝা অনেক সময় এইজন্ত কঠিন যে, মন তাহাকে বুঝিয়া লয় কিন্তু সে আপনাকে বুঝাইতে থাকে না :

দীপ্তি কহিল,—নমস্কার করি—আজ আমাদের বখেটে শিক্ষা হইয়াছে। আর কখনো উচ্চ অঙ্গের পণ্ডিতদিগের নিকট উচ্চ অঙ্গের সাহিত্য সব্বদে মত ব্যক্ত করিয়া বর্বরতা প্রকাশ করিব না।

শ্রোতৃবর্গী সেই ইংরেজ কবির নাম করিয়া কহিল,—তোমরা যতই তর্ক কর এবং যতই গালি দাও, সে কবির কবিতা আমার কিছুতেই ভালো লাগে না।

## কৌতুকহাস্য

শীতের সকালে রাস্তা দিয়া খেজুররস হাঁকিয়া যাইতেছে। ভোয়ের দিককার কাপসা কুয়াশাটা কাটিয়া গিয়া তরুণ রোদে দিনের আরম্ভ-বেলাটা একটু উপভোগ-যোগ্য আতপ্ত হইয়া আসিয়াছে। সমীর চা খাইতেছে, কিত্তি ধবরের কাগজ পড়িতেছে এবং ব্যোম মাথার চারি দিকে একটা অভ্যস্ত উজ্জল নীলে সবুজে মিশ্রিত গলাবন্ধের পাক জড়াইয়া একটা অসংগত মোটা লাঠি হস্তে সম্প্রতি আসিয়া উপস্থিত হইয়াছে।

অদূরে ঘরের নিকট দাঁড়াইয়া শ্রোতবিনী এবং দীপ্তি পরম্পরের কটিবেটন করিয়া কী একটা রহস্যপ্রসঙ্গে বারংবার হাসিয়া অস্থির হইতেছিল। কিত্তি এবং সমীর মনে করিতেছিল এই উৎকট নীলহরিত-পশমরাশি-পরিবৃত স্থাসীন নিশ্চিতচিত্ত ব্যোমই ঐ হাস্যরসোচ্ছ্বাসের মূল কারণ।

এমন সময় অন্তমনস্ক ব্যোমের চিত্তও সেই হাস্যরসে আকৃষ্ট হইল। সে চৌকিটা আমাদের দিকে ঈষৎ ফিরাইয়া কহিল,—দূর হইতে একজন পুরুষমাতৃষের হঠাৎ ভ্রম হইতে পারে যে, ঐ দুটি সখী বিশেষ কোনো একটা কৌতুককথা অবলম্বন করিয়া হাসিতেছেন, কিন্তু সেটা মায়া। পুরুষজাতিকে পক্ষপাতী বিধাতা বিনা কৌতুকে হাসিবার ক্ষমতা দেন নাই কিন্তু মেয়েরা হাসে কী অস্ত্র তাহা দেবা ন জানন্তি কুতো মনুষ্যাঃ। চকমকি পাথর স্বভাবত আলোকহীন; উপযুক্ত সংঘর্ষ প্রাপ্ত হইলে সে অটপশ্বে জ্যোতিঃফুলিঙ্গ নিক্ষেপ করে, আর মানিকের টুকরা আপনা-আপনি আলোয় ঠিকরিয়া পড়িতে থাকে, কোনো একটা সংগত উপলক্ষ্যের অপেক্ষা রাখে না। মেয়েরা অল্প কারণে কান্দিতে জানে এবং বিনা কারণে হাসিতে পারে; কারণ ব্যতীত কাঁদে হয় না, অগতের এই কড়া নিয়মটা কেবল পুরুষের পক্ষেই খাটে।

সমীর নিঃশেষিত পাত্রে দ্বিতীয় বার চা ঢালিয়া কহিল,—কেবল মেয়েদের হাসি নয়, হাস্যরসটাই আমার কাছে কিছু অসংগত ঠেকে। ছুঁখে কান্দি, সুখে হাসি এটুকু বুঝিতে বিলম্ব হয় না—কিন্তু কৌতুকে হাসি কেন? কৌতুক তো ঠিক স্থখ নয়। মোটা মানুষ চৌকি ভাঙিয়া পড়িয়া গেলে আমাদের কোনো স্থখের কারণ ঘটে এ কথা বলিতে পারি না কিন্তু হাসির কারণ ঘটে ইহা পরীক্ষিত সত্য। ভাবিয়া দেখিলে ইহার মধ্যে আশ্চর্যের বিষয় আছে।

কিত্তি কহিল,—রক্ষা করো ভাই। না ভাবিয়া আশ্চর্য হইবার বিষয় অগতঃ ঘটে

আছে ; আগে সেইগুলো শেষ করো তার পরে ভাবিতে শুরু করিয়ে। এক জন পাগল তাহার উঠানকে ধূলিশূন্য করিবার অভিপ্রায়ে প্রথমত ঝাঁটা দিয়া আচ্ছা করিয়া ঝাঁটাইল, তাহাতেও সম্পূর্ণ সন্তোষজনক ফল না পাইয়া কোদাল দিয়া মাটি চাচিতে আরম্ভ করিল ! সে মনে করিয়াছিল এই ধুলোমাটির পৃথিবীটাকে সে নিঃশেষে আকাশে ঝাঁটাইয়া ফেলিয়া অবশেষে দিব্য একটি পরিষ্কার উঠান পাইবে—বলা বাহুল্য বিস্তর অধ্যবসায়েও কৃতকার্ষ হইতে পারে নাই। ত্রাত সমীর, তুমি যদি আশ্চর্যের উপরিস্তর ঝাঁটাইয়া অবশেষে ভাবিয়া আশ্চর্য হইতে আরম্ভ কর তবে আমরা বহুগণ বিদায় লই। কালোহ্ময়ঃ নিরবধিঃ, কিন্তু সেই নিরবধি কাল আমাদের হাতে নাই।

সমীর হাসিয়া কহিল,—ভাই ক্ষিতি, আমার অপেক্ষা ভাবনা তোমারই বেশি। অনেক ভাবিলে তোমাকেও সৃষ্টির একটা মহাশ্চর্য ব্যাপার মনে হইতে পারিত কিন্তু আরো ঢের বেশি না ভাবিলে আমার সহিত তোমার সেই উঠানমার্জনকারী আদর্শটির সাদৃশ্য কল্পনা করিতে পারিতে না।

ক্ষিতি কহিল,—মাপ করো ভাই ; তুমি আমার অনেক কালের বিশেষ পরিচিত বন্ধু, সেই জন্যই আমার মনে এতটা আশঙ্কার উদয় হইয়াছিল। যাহা হউক, কথাটা এই যে, কৌতুকে আমরা হাসি কেন। ভারি আশ্চর্য ! কিন্তু তাহার পরের প্রশ্ন এই যে, যে কারণেই হউক হাসি কেন ? একটা কিছু ভালো লাগিবার বিষয় যেই আমাদের সম্মুখে উপস্থিত হইল অমনি আমাদের গলার ভিতর দিয়া একটা অদ্ভুত প্রকারের শব্দ বাহির হইতে লাগিল এবং আমাদের মুখের সমস্ত মাংসপেশী বিকৃত হইয়া সম্মুখের সমস্ত দৃশ্যপংক্তি বাহির হইয়া পড়িল—মহুগ্ণের মতো ভয় জীবের পক্ষে এমন একটা অসংযত অসংগত ব্যাপার কি সামান্ত অদ্ভুত এবং অবমানজনক ? যুরোপের উদ্রলোক ভয়ের চিহ্ন দুঃখের চিহ্ন প্রকাশ করিতে লজ্জা বোধ করেন—আমরা প্রাচ্য-জাতীয়েরা সভ্যসমাজে কৌতুকের চিহ্ন প্রকাশ করাটাকে নিতান্ত অসংযমের পরিচয় জ্ঞান করি—

সমীর ক্ষিতিকে কথা শেষ করিতে না দিয়া কহিল,—তাহার কারণ, আমাদের মতে কৌতুকে আমোদ অমুভব করা নিতান্ত অধৌক্তিক। উহা ছেলেমানুষেরই উপযুক্ত। এই জন্য কৌতুকরসকে আমাদের প্রবীণ লোকমাজেই ছ্যাঁচলামি বলিয়া ঘৃণা করিয়া থাকেন। একটা গানে শুনিয়াছিলাম, শ্রীকৃষ্ণ নিত্যানন্দে প্রাতঃকালে হঁকা-হণ্ডে রাধিকার কুটিরে কিঞ্চিৎ অঙ্গারের প্রার্থনার আগমন করিয়াছিলেন, শুনিয়া প্রোতা-মাজের হস্ত উদ্রেক করিয়াছিল। কিন্তু হঁকা-হণ্ডে শ্রীকৃষ্ণের কল্পনা স্বন্দরও নহে



কাহারও পক্ষে আনন্দজনকও নহে—তবুও যে আমাদের হাসি ও আমোদের উদয় হয় তাহা অকৃত ও অমূলক নহে তো কী? এই জন্তই এরূপ চাপলা আমাদের বিজ্ঞ-সমাজের অস্বীকৃত নহে। ইহা যেন অনেকটা পরিমাণে শারীরিক; কেবল স্বাস্থ্য উত্তেজনা মাত্র। ইহার সহিত আমাদের সৌন্দর্যবোধ, বুদ্ধিবৃত্তি, এমন কি স্বার্থবোধেরও যোগ নাই। অতএব অনর্থক সামান্য কারণে কর্ণকালের অন্ত বুদ্ধির এরূপ অনিবার্য পরাভব, শৈশ্বের এরূপ সম্যক বিচ্যুতি, মনস্বী স্বীকের পক্ষে লজ্জাজনক সন্দেহ নাই।

কিন্তু একটু ভাবিয়া কহিল,—সে কথা সত্য। কোনো অখ্যাতিনামা কবি-বিরচিত এই কবিতাটি বোধ হয় জানা আছে—

তৃষার্ত হইয়া চাহিলাম এক ঘটি জল।

তাড়াতাড়ি এনে দিলে আধখানা বেল।

তৃষার্ত ব্যক্তি যখন এক ঘটি জল চাহিতেছে তখন অত্যন্ত তাড়াতাড়ি করিয়া আধখানা বেল আনিয়া দিলে অপরায়ণ ব্যক্তির তাহাতে আমোদ অনুভব করিবার কোনো ধর্মসংগত অথবা যুক্তিসংগত কারণ দেখা যায় না। তৃষিত ব্যক্তির প্রার্থনামতে তাহাকে এক ঘটি জল আনিয়া দিলে সমবেদনা-বৃত্তিপ্রভাবে আমরা স্তম্ভ পাই—কিন্তু তাহাকে হঠাৎ আধখানা বেল আনিয়া দিলে, জানি না কী বৃত্তিপ্রভাবে আমাদের প্রচুর কৌতুক বোধ হয়। এই স্তম্ভ এবং কৌতুকের মধ্যে যখন শ্রেণীগত প্রভেদ আছে তখন দুইয়ের ভিন্নবিধ প্রকাশ হওয়া উচিত ছিল। কিন্তু প্রকৃতির গৃহীণীপনাই এইরূপ—কোথাও বা অনাবশ্যক অপব্যয়, কোথাও অত্যাশঙ্কের বেলায় টানাটানি। এক হাসির দ্বারা স্তম্ভ এবং কৌতুক দুটোকে সারিয়া দেওয়া উচিত হয় নাই।

ব্যোম কহিল,—প্রকৃতির প্রতি অন্তায় অপবাদ আরোপ হইতেছে। স্তম্ভে আমরা স্মিতহাস্ত হাসি, কৌতুকে আমরা উচ্চহাস্ত হাসিয়া উঠি। ভৌতিক জগতে আলোক এবং বহু ইহার তুলনা। একটা আন্দোলনজনিত স্বায়ী, অপরটি সংঘর্ষজনিত আকস্মিক। আমি বোধ করি, যে কারণভেদে একই ঈশ্বরে আলোক ও বিদ্যুৎ উৎপন্ন হয় তাহা আবিষ্কৃত হইলে তাহার তুলনার আমাদের স্তম্ভহাস্ত এবং কৌতুকহাস্তের কারণ বাহির হইয়া পড়িবে।

সমীর ব্যোমের কথায় কর্ণপাত না করিয়া কহিল,—আমোদ এবং কৌতুক ঠিক স্তম্ভ নহে বরঞ্চ তাহা নিয়মাত্মক স্তম্ভ। স্বল্পপরিমাণে স্তম্ভ ও পীড়ন আমাদের চেতনার উপর যে আঘাত করে তাহাতে আমাদের স্তম্ভ হইতেও পারে। প্রতিদিন নিয়মিত সময়ে বিনা কষ্টে আমরা পাচকের প্রস্তুত অন্ন খাইয়া থাকি তাহাকে আমরা আমোদ বলি না—কিন্তু যেদিন চড়িতাতি করা যায়, সেদিন নিয়ম ভঙ্গ করিয়া কষ্ট

স্বীকার করিয়া অসময়ে সম্ভবত অখাদ্য আহার করি, কিন্তু তাহাকে বলি আমোদ। আমোদের জন্ত আমরা ইচ্ছাপূর্বক যে পরিমাণে কষ্ট ও অশান্তি আগ্রহ করিয়া তুলি তাহাতে আমাদের চেতনশক্তিকে উত্তেজিত করিয়া দেয়। কৌতুকও সেই জাতীর সুখাবহ দুঃখ। শ্রীকৃষ্ণ সম্বন্ধে আমাদের চিরকাল যেরূপ ধারণা আছে তাহাকে হাঁকা-হস্তে রাধিকার কুটিরে আনিয়া উপস্থিত করিলে হঠাৎ আমাদের সেই ধারণার আঘাত করে। সেই আঘাত ঈষৎ পীড়াজনক; কিন্তু সেই পীড়ার পরিমাণ এমন নিয়মিত যে, তাহাতে আমাদেরকে যে পরিমাণ দুঃখ দেয়, আমাদের চেতনাকে অকস্মাৎ চকল করিয়া তুলিয়া তদপেক্ষা অধিক সুখী করে। এই সীমা ঈষৎ অতিক্রম করিলেই কৌতুক প্রকৃত পীড়ায় পরিণত হইয়া উঠে। যদি যথার্থ ভক্তির কীর্তনের মাঝখানে কোনো রসিকতাবায়ুগ্রস্ত ছোকরা হঠাৎ শ্রীকৃষ্ণের ঐ তাম্বকূটধূমপিপাসুতার গান গাহিত তবে তাহাতে কৌতুক বোধ হইত না; কারণ, আঘাতটা এত গুরুতর হইত যে, তৎক্ষণাৎ তাহা উচ্চত মুষ্টি আকার ধারণ করিয়া উক্ত রসিক ব্যক্তির পৃষ্ঠাভিমুখে প্রবল প্রতিঘাতস্বরূপে ধাবিত হইত। অতএব, আমার মতে কৌতুক—চেতনাকে পীড়ন; আমোদও তাই। এই জন্ত প্রকৃত আনন্দের প্রকাশ ন্মিতহাস্ত এবং আমোদ ও কৌতুকের প্রকাশ উচ্চহাস্ত; সে হাস্ত যেন হঠাৎ একটা ক্ষুদ্র আঘাতের পীড়নবেগে সশব্দে উর্ধ্বে উদগীর্ণ হইয়া উঠে।

কিতি কহিল,—তোমরা যখন একটা মনের মতো খিঘোরির সঙ্গে একটা মনের মতো উপমা জুড়িয়া দিতে পার, তখন আনন্দে আর সত্যাসত্য জ্ঞান থাকে না। ইহা সকলেরই জ্ঞান আছে কৌতুকে যে কেবল আমরা উচ্চহাস্ত হাসি তাহা নহে যুহুহাস্তও হাসি, এমন কি, মনে মনেও হাসিয়া থাকি। কিন্তু ওটা একটা অবাস্তব কথা। আসল কথা এই যে, কৌতুক আমাদের চিত্তের উত্তেজনার কারণ; এবং চিত্তের অনতিপ্রবল উত্তেজনা আমাদের পক্ষে সুখজনক। আমাদের অন্তরে বাহিরে একটি স্বযুক্তিসংগত নিয়মশৃঙ্খলার আধিপত্য; সমস্তই চিরাত্যস্ত চিরপ্রত্যাশিত; এই স্থনিয়মিত যুক্তিরাজ্যের সমভূমিমধ্যে যখন আমাদের চিত্ত অবাধে প্রবাহিত হইতে থাকে তখন তাহাকে বিশেষরূপে অনুভব করিতে পারি না—ইতিমধ্যে হঠাৎ সেই চারিদিকের যথাযোগ্যতা ও যথাপরিমিততার মধ্যে যদি একটা অসংগত ব্যাপারের অবতারণা হয় তবে আমাদের চিত্তপ্রবাহ অকস্মাৎ বাধা পাইয়া দুর্নিবার হান্ততরঙ্গে বিক্ষুব্ধ হইয়া উঠে। সেই বাধা সুখের নহে, সৌন্দর্যের নহে, সুবিধার নহে, তেমনি আবার অনতিদুঃখেরও নহে, সেইজন্য কৌতুকের সেই বিকৃত অমিশ্র উত্তেজনার আমাদের আমোদ বোধ হয়।

আমি কহিলাম,—অনুভবক্রিয়ামাত্রই সুখের, যদি না তাহার সহিত কোনো গুরুতর দুঃখের ও স্বার্থহানি মিশ্রিত থাকে। এমন কি, ভয় পাইতেও সুখ আছে, যদি তাহার সহিত বাস্তবিক ভয়ের কোনো কারণ জড়িত না থাকে। ছেলেরা ভূতের গল্প শুনিতে একটা বিবম আকর্ষণ অনুভব করে, কারণ, হৃৎকম্পের উত্তেজনায় আমাদের যে চিত্ত-চাকলা জন্মে তাহাতেও আনন্দ আছে। রামায়ণে সীতাবিরোগে রামের দুঃখে আমরা দুঃখিত হই, ওধেলোর অমূলক অশ্রুয়া আমাদের পীড়িত করে, দুহিতার কৃতঘ্নতাশরবিদ্ধ উন্মাদ লিয়রের মর্ষযাতনায় আমরা ব্যথা বোধ করি—কিন্তু সেই দুঃখপীড়া বেদনা উদ্রেক করিতে না পারিলে সে সকল কাব্য আমাদের নিকট তুচ্ছ হইত। বরঞ্চ দুঃখের কাব্যকে আমরা সুখের কাব্য অপেক্ষা অধিক সমাদর করি; কারণ, দুঃখানুভবে আমাদের চিত্তে অধিকতর আন্দোলন উপস্থিত করে। কৌতুক মনের মধ্যে হঠাৎ আঘাত করিয়া আমাদের সাধারণ অনুভবক্রিয়া জাগ্রত করিয়া দেয়। এইজন্য অনেক রসিক লোক হঠাৎ শরীরে একটা আঘাত করাকে পরিহাস জ্ঞান করেন; অনেকে গালিকে ঠাট্টার স্বরূপে ব্যবহার করিয়া থাকেন, বাসরঘরে কর্ণমর্দন এবং অন্তান্ত পীড়ননৈপুণ্যকে বঙ্গসীমন্তিনীগণ এক শ্রেণীর হাস্যরস বলিয়া স্থির করিয়াছেন; হঠাৎ উৎকট বোমার আওয়াজ করা আমাদের দেশে উৎসবের অঙ্গ এবং কর্ণবধিরকর খোল-করতালের শব্দ দ্বারা চিত্তকে ধূমপীড়িত মৌচাকের মৌমাছির মতো একান্ত উদ্ভ্রান্ত করিয়া ভক্তিরসের অবতারণা করা হয়।

কিত্তি কহিল,—বন্ধুগণ, কান্ড হও। কথাটা একপ্রকার শেষ হইয়াছে। যতটুকু পীড়নে সুখ বোধ হয় তাহা তোমরা অতিক্রম করিয়াছ, এক্ষণে দুঃখ ক্রমে প্রবল হইয়া উঠিতেছে। আমরা বেশ বুঝিয়াছি যে, কমেডির হাস্য এবং ট্র্যাজেডির অশ্রুজল দুঃখের তারতম্যের উপর নির্ভর করে—

ব্যোম কহিল,—যেমন বরকের উপর প্রথম রৌদ্র পড়িলে তাহা বিকমিক করিতে থাকে এবং রৌদ্রের তাপ বাড়িয়া উঠিলে তাহা গলিয়া পড়ে। তুমি কতকগুলি প্রহসন ও ট্র্যাজেডির নাম করো, আমি তাহা হইতে প্রমাণ করিয়া দিতেছি—

এমন সময় দীপ্তি ও স্রোতধিনী হাসিতে হাসিতে আসিয়া উপস্থিত হইলেন। দীপ্তি কহিলেন,—তোমরা কী প্রমাণ করিবার জন্য উদ্ভূত হইয়াছ?

কিত্তি কহিল,—আমরা প্রমাণ করিতেছিলাম যে, তোমরা এত ক্ষণ বিনা কারণে হাসিতেছিলে।

শুনিয়া দীপ্তি স্রোতধিনীর মুখের দিকে চাহিলেন, স্রোতধিনী দীপ্তির মুখের দিকে চাহিলেন এবং উত্তরে পুনরায় কলকণ্ঠে হাসিয়া উঠিলেন।

ব্যোম কহিল,—আমি প্রমাণ করিতে যাইতেছিলাম যে, কমেডিতে পরের অল্প পীড়া দেখিয়া আমরা হাসি এবং ট্রাজেডিতে পরের অধিক পীড়া দেখিয়া আমরা কাঁদি।

দীপ্তি ও স্রোতস্বিনীর স্মিট সন্মিলিত হস্তরবে পুনশ্চ গৃহ কুঞ্চিত হইয়া উঠিল, এবং অনর্থক হস্ত উদ্ভেকের জন্ত উভয়ে উভয়কে দোষী করিয়া পরস্পরকে তর্জনপূর্বক হাসিতে হাসিতে সলঙ্কভাবে দুই সখী গৃহ হইতে প্রস্থান করিলেন।

পুরুষ সভ্যগণ এই অকারণ হাস্তোচ্ছ্বাসদৃশ্যে স্মিতমুখে অবাক হইয়া রহিল। কেবল সমীর কহিল,—ব্যোম, বেলা অনেক হইয়াছে, এখন তোমার ঐ বিচিত্রবর্ণের নাগপাশ-বন্ধনটা খুলিয়া ফেলিলে স্বাস্থ্যহানির সম্ভাবনা দেখি না।

কিন্তু ব্যোমের লাঠিগাছটি তুলিয়া অনেক ক্রম মনোযোগের সহিত নিরীক্ষণ করিয়া কহিল,—ব্যোম, তোমার এই গদাখানি কি কমেডির বিষয়, না, ট্রাজেডির উপকরণ ?

## কৌতুকহাস্তের মাত্রা

সেদিনকার ডায়ারিতে কৌতুকহাস্ত সম্বন্ধে আমাদের আলোচনা পাঠ করিয়া শ্রীমতী দীপ্তি লিখিয়া পাঠাইয়াছেন—

এক দিন প্রাতঃকালে স্রোতস্বিনীতে আমাতে মিলিয়া হাসিয়াছিলাম। ধস্ত সেই প্রাতঃকাল এবং ধস্ত দুই সখীর হস্ত। জগৎসৃষ্টি অবধি এমন চাপল্য অনেক রমণীই প্রকাশ করিয়াছে, এবং ইতিহাসে তাহার ফলাফল ভালোমন্দ নানা আকারে স্থায়ী হইয়াছে। নারীর হাসি অকারণ হইতে পারে কিন্তু তাহা অনেক মন্দাক্রান্তা, উপেক্ষবজ্রা, এমন কি, শার্দূলবিক্রীড়িতচ্ছন্দ, অনেক ত্রিপদী, চতুস্পদী, চতুর্দশপদীর আদিকারণ হইয়াছে, এইরূপ শুনা যায়। রমণী তরলস্বভাববশত অনর্থক হাসে, মাঝের হইতে তাহা দেখিয়া অনেক পুরুষ অনর্থক কাঁদে, অনেক পুরুষ ছন্দ মিলাইতে বসে, অনেক পুরুষ গলায় দড়ি দিয়া মরে—আবার এই ব্যয় দেখিলাম নারীর হাস্তে প্রবীণ ফিলজ্জকরের মাথায় নবীন ফিলজ্জফি বিকশিত হইয়া উঠে। কিন্তু সত্য কথা বলিতেছি, তত্ত্ব নির্ণয় অপেক্ষা পূর্বোক্ত তিন প্রকারের অবস্থাটা আমরা গছন্দ করি।

এই বলিয়া সেদিন আমরা হস্ত সম্বন্ধে যে সিদ্ধান্তে উপনীত হইয়াছিলাম শ্রীমতী দীপ্তি তাহাকে যুক্তিহীন অপ্রামাণিক বলিয়া প্রমাণ করিয়াছেন।

আমার প্রথম কথা এই যে, আমাদের সেদিনকার তত্ত্বের মধ্যে যে যুক্তির প্রাবল্য ছিল না, সেজন্য শ্রীমতী দীপ্তির রাগ করা উচিত হয় না। কারণ, নারীহাঙ্গে পৃথিবীতে যত প্রকার অনর্ধপাত করে তাহার মধ্যে বুদ্ধিমানের বুদ্ধিব্রংশও একটি। যে-অবস্থায় আমাদের ফিলজফি প্রলাপ হইয়া উঠিয়াছিল সে-অবস্থায় নিশ্চয়ই মনে করিলেই কবিতা লিখিতেও পারিতাম, এবং গলায় দড়ি দেওয়াও অসম্ভব হইত না।

দ্বিতীয় কথা এই যে, তাঁহাদের হাঙ্গ হইতে আমরা তত্ত্ব বাহির করিব এ-কথা তাঁহারা যেমন কল্পনা করেন নাই, আমাদের তত্ত্ব হইতে তাঁহারা যে যুক্তি বাহির করিতে সসিবেন তাহাও আমরা কল্পনা করি নাই।

নিউটন আত্মসত্য্যবেষণের পর বলিয়াছেন—আমি জ্ঞানসমুদ্রের কূলে কেবল ছুড়ি কুড়াইয়াছি; আমরা চার বুদ্ধিমানের কণকালের কথোপকথনে ছুড়ি কুড়াইবার ভরসাও রাখি না—আমরা বালির ঘর বাঁধি মাত্র। ঐ খেলাটার উপলক্ষ্য করিয়া জ্ঞানসমুদ্র হইতে খানিকটা সমুদ্রের হাওয়া খাইয়া আসা আমাদের উদ্দেশ্য। রত্ন লইয়া আসি না, খানিকটা স্বাস্থ্য লইয়া আসি, তাহার পর সে বালির দর ভাঙে কি থাকে তাহাতে কাহারও কোনো ক্ষতিবৃদ্ধি নাই।

রত্ন অপেক্ষা স্বাস্থ্য যে কম বহুমূল্য আমি তাহা মনে করি না। রত্ন অনেক সময় বুঁটা প্রমাণ হয়, কিন্তু স্বাস্থ্যকে স্বাস্থ্য ছাড়া আর কিছু বলিবার জো নাই। আমরা পাকভৌতিক সভার পাঁচ ভূতে মিলিয়া এ পর্যন্ত একটা কানাকড়ি দামের সিদ্ধান্তও সংগ্রহ করিতে পারিয়াছি কি না সন্দেহ, কিন্তু, তবু যত বার আমাদের সভা বসিয়াছে আমরা শূন্যহস্তে ফিরিয়া আসিলেও আমাদের সমস্ত মনের মধ্যে যে সবেগে রক্ত-সঞ্চালন হইয়াছে, এবং সেজন্য আনন্দ এবং আরোগ্য লাভ করিয়াছি তাহাতে সন্দেহ-মাত্র নাই।

গড়ের মাঠে এক ছটাক শস্ত জন্মে না, তবু অতটা জমি অনাবশ্যক নহে। আমাদের পাকভৌতিক সভাও আমাদের পাঁচ জনের গড়ের মাঠ, এখানে সত্যের শস্তলাভ করিতে আসি না, সত্যের আনন্দলাভ করিতে মিলি।

সেইজন্য এ-সভায় কোনো কথার পুরা মীমাংসা না হইলেও ক্ষতি নাই, সত্যের কিয়দংশ পাইলেও আমাদের চলে। এমন কি, সত্যকেই গভীররূপে কর্ণ না করিয়া তাহার উপর দিয়া লঘুপদে চলিয়া যাওয়াই আমাদের উদ্দেশ্য।

আর এক দিক হইতে আর এক রকমের তুলনা দিলে কথাটা পরিষ্কার হইতে পারে। রোগের সময় ডাক্তারের ঔষধ উপকারী কিন্তু আত্মীয়ের সেবাটা বড়ো

আরামের। আর্থান পণ্ডিতের কেভাবে তত্ত্বজ্ঞানের যে-সকল চরম সিদ্ধান্ত আছে তাহাকে ঔষধের বটিকা বলিতে পার কিন্তু মানসিক ঔষধ তাহার মধ্যে নাই। পাক্‌ভৌতিক সভায় আমরা যে-ভাবে সত্যালোচনা করিয়া থাকি তাহাকে রোগের চিকিৎসা বলা না যাক, তাহাকে রোগীর ঔষধ বলা যাইতে পারে।

আর অধিক তুলনা প্রয়োগ করিব না। মোট কথা এই, 'সেদিন আমরা চার বুদ্ধিমানের মিলিয়া হাসি সম্বন্ধে যে-সকল কথা তুলিয়াছিলাম তাহার কোনোটাই শেষ কথা নহে। যদি শেষ কথার দিকে যাইবার চেষ্টা করিতাম তাহা হইলে কথোপ-কথনসভার প্রধান নিয়ম লঙ্ঘন করা হইত।

কথোপকথনসভার একটি প্রধান নিয়ম—সহজে এবং দ্রুতবেগে অগ্রসর হওয়া। অর্থাৎ মানসিক পায়চারি করা। আমাদের যদি পদতল না থাকিত, দুই পা যদি দুটো তীক্ষ্ণ শলাকার মতো হইত, তাহা হইলে মাটির ভিতর দিকে স্বগভীর ভাবে প্রবেশ করার সুবিধা হইত কিন্তু এক পা অগ্রসর হওয়া সহজ হইত না। কথোপ-কথনসমাজে আমরা যদি প্রত্যেক কথার অংশকে শেষ পর্বন্ত তলাইবার চেষ্টা করিতাম তাহা হইলে একটা জায়গাতেই এমন নিরুপায় ভাবে বিদ্ধ হইয়া পড়া যাইত, যে, আর চলাফেরার উপায় থাকিত না। এক-এক বার এমন অবস্থা হয়, চলিতে চলিতে হঠাৎ কাদার মধ্যে গিয়া পড়ি; সেখানে যেখানেই পা ফেলি হাঁটু পর্বন্ত বসিয়া যায়, চলা দায় হইয়া উঠে। এমন সকল বিষয় আছে যাহাতে প্রতিপদে গভীরতার দিকে তলাইয়া যাইতে হয়; কথোপকথনকালে সেই সকল অনিশ্চিত সন্দেহতরল বিষয়ে পদার্পণ না করাই ভালো। সে-সব জমি বায়ুসেবী পর্বটনকারীদের উপযোগী নহে, কৃষি বাহাদের ব্যবসায় তাহাদের পক্ষেই ভালো।

যাহা হউক, সেদিন মোটের উপরে আমরা প্রায়শই এই তুলিয়াছিলাম যে, যেমন ছুঃখের কাণ্ড, তেমনি সুখের হাসি আছে—কিন্তু মাঝে হইতে কৌতুকের হাসিটা কোথা হইতে আসিল? কৌতুক জিনিসটা কিছু রহস্যময়। জন্তরাও সুখদুঃখ অসুভব করে কিন্তু কৌতুক অসুভব করে না। অলংকারশাস্ত্রে যে ক-টা রসের উল্লেখ আছে সব রসই জন্তদের অপরিণত অপরিষ্কৃত সাহিত্যের মধ্যে আছে কেবল হাস্যরসটা নাই। হয়তো বানরের প্রকৃতির মধ্যে এই রসের কথঞ্চিৎ আভাস দেখা যায়, কিন্তু বানরের সহিত মানুষের আরও অনেক বিষয়েই সাদৃশ্য আছে।

যাহা অসংগত তাহাতে মানুষের দুঃখ পাওয়া উচিত ছিল, হাসি পাইবার কোনো অর্থই নাই। পশ্চাতে যখন চৌকি নাই তখন চৌকিতে বসিতেছি মনে করিয়া কেহ যদি মাটিতে পড়িয়া যায় তবে তাহাতে দর্শকবৃন্দের সুখাসুভব করিবার কোনো

স্থিতিসংগত কারণ দেখা যায় না। এমন একটা উদাহরণ কেন, কৌতুকমাজেরই মধ্যে এমন একটা পদার্থ আছে যাহাতে মাহুকের স্বপ্ন না হইয়া দুঃখ হওয়া উচিত।

আমরা কথার কথার সেদিন ইহার একটা কারণ নির্দেশ করিয়াছিলাম। আমরা বলিয়াছিলাম, কৌতুকের হাসি এবং আমোদের হাসি একজাতীয়—উভয় হাস্যের মধ্যেই একটা প্রবলতা আছে। তাই আমাদের সন্দেহ হইয়াছিল যে, হয়তো আমোদ এবং কৌতুকের মধ্যে একটা প্রকৃতিগত সাদৃশ্য আছে; সেইটে বাহির করিতে পারিলেই কৌতুকহাস্যের রহস্যভেদ হইতে পারে।

সাধারণ ভাবের স্বপ্নের সহিত আমোদের একটা প্রভেদ আছে। নিয়মভঙ্গে যে একটু পীড়া আছে সেই পীড়াটুকু না থাকিলে আমোদ হইতে পারে না। আমোদ জিনিসটা নিত্যনৈমিত্তিক সহজ নিয়মসংগত নহে; তাহা মাঝে মাঝে এক-এক দিনের; তাহাতে প্রয়াসের আবশ্যক। সেই পীড়ন এবং প্রয়াসের সংঘর্ষে মনের যে একটা উত্তেজনা হয় সেই উত্তেজনাই আমোদের প্রধান উপকরণ।

আমরা বলিয়াছিলাম কৌতুকের মধ্যেও নিয়মভঙ্গজনিত একটা পীড়া আছে; সেই পীড়াটা অনতিঅধিক মাত্রায় না গেলে আমাদের মনে যে একটা স্বপ্নের উত্তেজনায় উদ্বুদ্ধ করে, সেই আকস্মিক উত্তেজনায় আঘাতে আমরা হাসিয়া উঠি। যাহা স্বসংগত তাহা চিরদিনের নিয়মসম্মত, যাহা অসংগত তাহা কণকালের নিয়মভঙ্গ। যেখানে যাহা হওয়া উচিত সেখানে তাহা হইলে তাহাতে আমাদের মনের কোনো উত্তেজনা নাই, হঠাৎ, না হইলে কিংবা আর এক রূপ হইলে সেই আকস্মিক অনতিপ্রবল উৎপীড়নে মনটা বিশেষ চেতনা অহুভব করিয়া স্বপ্ন পায় এবং আমরা হাসিয়া উঠি।

সেদিন আমরা এই পর্যন্ত গিয়াছিলাম—আর বেশি দূর যাই নাই। কিন্তু তাই বলিয়া আর যে যাওয়া যায় না তাহা নহে। আরও বলিবার কথা আছে।

শ্রীমতী দীপ্তি প্রসন্ন করিয়াছেন যে, আমাদের চার পণ্ডিতের সিদ্ধান্ত যদি সত্য হয় তবে চলিতে চলিতে হঠাৎ অল্প হাঁট খাইলে কিংবা রাস্তায় বাইতে অকস্মাৎ অল্পমাত্রায় দুর্গন্ধ নাকে আসিলে আমাদের হাসি পাওয়া, অন্তত, উত্তেজনাজনিত স্বপ্ন অহুভব করা উচিত।

এ প্রশ্নের দ্বারা আমাদের মীমাংসা খণ্ডিত হইতেছে না, সীমাবদ্ধ হইতেছে মাত্র। ইহাতে কেবল এইটুকু দেখা যাইতেছে যে, পীড়নমাজেরই কৌতুকজনক উত্তেজনা জন্মায় না; অতএব, এক্ষেত্রে দেখা আবশ্যক, কৌতুকপীড়নের বিশেষ উপকরণটা কী।

অড়প্রকৃতির মধ্যে করণরসও নাই, হাস্যরসও নাই। একটা বড়ো পাথর ছোটো পাথরকে গুঁড়াইয়া ফেলিলেও আমাদের চোখে জল আসে না, এবং সমস্ত কেজের

মধ্যে চলিতে চলিতে হঠাৎ একটা খাপছাড়া গিরিশৃঙ্গ দেখিতে পাইলে তাহাতে আমাদের হাসি পায় না। নদী-নির্ঝর পর্বত-সমুদ্রের মধ্যে মাঝে মাঝে আকস্মিক অসামঞ্জস্য দেখিতে পাওয়া যায়—তাহা বাধাজনক, বিরক্তিজনক, পীড়াজনক হইতে পারে, কিন্তু কোনো স্থানেই কৌতুকজনক হয় না। সচেতন পদার্থসম্বন্ধীয় খাপছাড়া ব্যাপার ব্যতীত শুধু জড়পদার্থে আমাদের হাসি আনিতে পারে না।

কেন, তাহা ঠিক করিয়া বলা শক্ত কিন্তু আলোচনা করিয়া দেখিতে দোষ নাই।

আমাদের ভাষায় কৌতুক এবং কৌতুহল শব্দের অর্থের যোগ আছে। সংস্কৃত সাহিত্যে অনেক স্থলে একই অর্থে বিকল্পে উভয় শব্দেরই প্রয়োগ হইয়া থাকে। ইহা হইতে অনুমান করি, কৌতুহলবৃত্তির সহিত কৌতুকের বিশেষ সম্বন্ধ আছে।

কৌতুহলের একটা প্রধান অঙ্গ নূতনত্বের লালসা—কৌতুকেরও একটা প্রধান উপাদান নূতনত্ব। অসংগতের মধ্যে যেমন নিছক বিস্তৃত নূতনত্ব আছে সংগতের মধ্যে তেমন নাই।

কিন্তু প্রকৃত অসংগতি ইচ্ছাশক্তির সহিত জড়িত, তাহা জড়পদার্থের মধ্যে নাই। আমি যদি পরিষ্কার পথে চলিতে চলিতে হঠাৎ দুর্গন্ধ পাই তবে আমি নিশ্চয় জানি, নিকটে কোথাও এক জায়গায় দুর্গন্ধ বস্তু আছে তাই এইরূপ ঘটিল; ইহাতে কোনোরূপ নিয়মের ব্যতিক্রম নাই, ইহা অবশ্যস্বাবী। জড়প্রকৃতিতে যে কারণে যাহা হইতেছে তাহা ছাড়া আর কিছু হইবার জো নাই, ইহা নিশ্চয়।

কিন্তু পথে চলিতে চলিতে যদি হঠাৎ দেখি এক জন মানুষ বৃদ্ধ ব্যক্তি খেমটা নাচ নাচিতেছে, তবে সেটা প্রকৃতই অসংগত ঠেকে; কারণ, তাহা অনিবার্য নিয়মসংগত নহে। আমরা বৃদ্ধের নিকট কিছুতেই এরূপ আচরণ প্রত্যাশা করি না, কারণ সে ইচ্ছাশক্তিসম্পন্ন লোক; সে ইচ্ছা করিয়া নাচিতেছে; ইচ্ছা করিলে না নাচিতে পারিত। জড়ের নাকি নিজের ইচ্ছামতো কিছু হয় না এই জন্ত জড়ের পক্ষে কিছুই অসংগত কৌতুকাবহ হইতে পারে না। এই জন্ত অনপেক্ষিত হাঁচট বা দুর্গন্ধ হাস্যজনক নহে। চাষের চামচ যদি দৈবাৎ চাষের পেয়লা হইতে চ্যুত হইয়া দোয়াতের কালির মধ্যে পড়িয়া যায় তবে সেটা চামচের পক্ষে হাস্যকর নহে—ভারাকর্ষণের নিয়ম তাহার লঙ্ঘন করিবার জো নাই; কিন্তু অশ্রমনন্দ লেখক যদি তাঁহার চাষের চামচ দোয়াতের মধ্যে ডুবাইয়া চা খাইবার চেষ্টা করেন তবে সেটা কৌতুকের বিষয় বটে। নীতি যেমন জড়ে নাই, অসংগতিও সেইরূপ জড়ে নাই। মনঃপদার্থ প্রবেশ করিয়া যেখানে বিধা জন্মাইয়া দিয়াছে সেইখানেই উচিত এবং অসুচিত, সংগত এবং অসুত।



কৌতূহল জিনিসটা অনেক স্থলে নিষ্ঠুর; কৌতূকের মধ্যেও নিষ্ঠুরতা আছে। সিরাজউদ্দৌলা দুই অনেক দাড়িতে দাড়িতে বাধিয়া উভয়ের নাকে নস্ত পুরিয়া দিতেন এইরূপ প্রবাদ শুনা যায়—উভয়ে যখন হাঁচিতে আরম্ভ করিত তখন সিরাজউদ্দৌলা আঘাত অহুত্ব করিতেন। ইহার মধ্যে অসংগতি কোনখানে? নাকে নস্ত দিলে তো হাঁচি আসিবারই কথা। কিন্তু এখানেও ইচ্ছার সহিত কার্যের অসংগতি। যাহাদের নাকে নস্ত দেওয়া হইতেছে তাহাদের ইচ্ছা নয় যে তাহারা হাঁচে, কারণ, হাঁচিলেই তাহাদের দাড়িতে অকস্মাৎ টান পড়িবে কিন্তু তথাপি তাহাদিগকে হাঁচিতেই হইতেছে।

এইরূপ ইচ্ছার সহিত অবস্থার অসংগতি উদ্দেশ্যের সহিত উপায়ের অসংগতি, কথার সহিত কার্যের অসংগতি, এগুলোর মধ্যে নিষ্ঠুরতা আছে। অনেক সময় আমরা যাহাকে লইয়া হাসি সে নিজের অবস্থাকে হান্তের বিষয় জ্ঞান করে না। এইজন্যই পাকভৌতিক সভায় ব্যোম বলিয়াছিলেন, যে, কমেডি এবং ট্রাজেডি কেবল পীড়নের মাত্রাভেদ মাত্র। কমেডিতে যতটুকু নিষ্ঠুরতা প্রকাশ হয় তাহাতে আমাদের হাসি পায় এবং ট্রাজেডিতে যতদূর পর্যন্ত যায় তাহাতে আমাদের চোখে জল আসে। গর্ভভের নিকট অনেক টাইটিনিয়া অপূর্ব মোহবশত যে আত্মবিসর্জন করিয়া থাকে তাহা মাত্রাভেদে এবং পাত্রভেদে মর্মভেদী শোকের কারণ হইয়া উঠে।

অসংগতি কমেডিরও বিষয়, অসংগতি ট্রাজেডিরও বিষয়। কমেডিতেও ইচ্ছার সহিত অবস্থার অসংগতি প্রকাশ পায়। ফল্গটাক উইগ্‌স-বাসিনী রঙ্গিনীর গ্রেম-লালসায় বিশ্বস্তচিত্তে অগ্রসর হইলেন, কিন্তু দুর্গতির একশেষ লাভ করিয়া বাহির হইয়া আসিলেন; রামচন্দ্র যখন রাবণ-বধ করিয়া, বনবাস-প্রতিজ্ঞা পূরণ করিয়া, রাজ্যে কিরিয়া আসিয়া দাম্পত্যস্থলের চরম শিখরে আরোহণ করিয়াছেন এমন সময় অকস্মাৎ বিনা মেঘে বজ্রাঘাত হইল, গর্ভবতী সীতাকে অরণ্যে নির্বাসিত করিতে বাধ্য হইলেন। উভয় স্থলেই আশার সহিত ফলের, ইচ্ছার সহিত অবস্থার অসংগতি প্রকাশ পাইতেছে। অতএব স্পষ্ট দেখা যাইতেছে, অসংগতি দুই শ্রেণীর আছে; একটা হাস্যজনক, আর একটা দুঃখজনক। বিরক্তিজনক, বিষয়জনক, যৌবজনককেও আমার শেষ শ্রেণীতে কেলিতেছি।

অর্থাৎ অসংগতি যখন আমাদের মনের অনতিগতীর স্তরে আঘাত করে তখনই আমাদের কৌতুক বোধ হয়, গভীরতর স্তরে আঘাত করিলে আমাদের দুঃখ বোধ হয়। শিকারি যখন অনেক জন অনেক ভাক করিয়া হংসক্রমে একটা দূরস্থ খেত পরার্ধের প্রতি গুলি বর্ষণ করে এবং ছুটিয়া কাছে গিয়া দেখে সেটা ছিন্ন

বসুধাও, তখন তাহার সেই নৈরাশ্রে আমাদের হাসি পায় ; কিন্তু কোনো লোক যাহাকে আপন জীবনের পরম পদার্থ মনে করিয়া একাগ্রচিত্তে একান্ত চেষ্টায় আজন্মকাল তাহার অনুসরণ করিয়াছে এবং অবশেষে সিদ্ধকাম হইয়া তাহাকে হাতে লইয়া দেখিয়াছে সে তুচ্ছ প্রবন্ধনামাত্র, তখন তাহার সেই নৈরাশ্রে অন্তঃকরণ ব্যথিত হয় ।

হুভিক্ষে যখন দলে দলে মানুষ মরিতেছে তখন সেটাকে প্রহসনের বিষয় বলিয়া কাহারও মনে হয় না । কিন্তু আমরা অনায়াসে কল্পনা করিতে পারি, একটা রসিক শয়তানের নিকট ইহা পরম কৌতুকাবহ দৃশ্য ; সে তখন এই সকল অমর-আত্মাধারী জীর্ণকলেবরগুলির প্রতি সহস্র কটাক্ষপাত করিয়া বলিতে পারে, ঐ তো তোমাদের ষড়দর্শন, তোমাদের কালিদাসের কাব্য, তোমাদের তেজস্বিনী কোটি দেবতা পড়িয়া আছে ; নাই শুধু ছুই মুষ্টি তুচ্ছ তুলকণা, অমনি তোমাদের অমর আত্মা তোমাদের জগদ্বিজয়ী মনুষ্যত্ব একেবারে কণ্ঠের কাছটিতে আসিয়া ধুকধুক করিতেছে ।

মূল কথাটা এই যে, অসংগতির তার অল্পে অল্পে চড়াইতে চড়াইতে বিশ্বয় ক্রমে হান্স এবং হান্স ক্রমে অশ্রদ্ধলে পরিণত হইতে থাকে ।

## সৌন্দর্য সম্বন্ধে সন্তোষ

দীপ্তি এবং স্রোতস্বিনী উপস্থিত ছিলেন না, কেবল আমরা চারি জন ছিলাম ।

সমীর বলিল,—দেখো, সেদিনকার সেই কৌতুকহাস্তের প্রসঙ্গে আমার একটা কথা মনে উদয় হইয়াছে । অধিকাংশ কৌতুক আমাদের মনে একটা কিছু অদ্ভুত ছবি আনয়ন করে এবং তাহাতেই আমাদের হাসি পায় । কিন্তু যাহারা স্বভাবতই ছবি দেখিতে পায় না, যাহাদের বুদ্ধি অ্যাবস্ট্র্যাক্ট বিষয়ের মধ্যে ভ্রমণ করিয়া থাকে কৌতুক তাহাদিগকে সহসা বিচলিত করিতে পারে না ।

কিন্তি কহিল,—প্রথমত তোমার কথাটা স্পষ্ট বুঝা গেল না, দ্বিতীয়ত অ্যাবস্ট্র্যাক্ট শব্দটা ইংরেজি ।

সমীর কহিল,—প্রথম অপরাধটা খণ্ডন করিবার চেষ্টা করিতেছি কিন্তু দ্বিতীয় অপরাধ হইতে নিষ্কৃতির উপায় দেখি না, অতএব সুধীগণকে ওটা নিজগুণে মার্জনা করিতে হইবে । আমি বলিতেছিলাম, যাহারা ভ্রব্যটাকে সম্পূর্ণ বাদ দিয়া তাহার গুণটাকে অনায়াসে গ্রহণ করিতে পারে তাহারা স্বভাবত হান্সরসরসিক হয় না ।

কিন্তি মাথা নাড়িয়া কহিল,—উহ, এখনো পরিষ্কার হইল না ।

সমীর কহিল,—একটা উদাহরণ দিই। প্রথমত দেখো, আমাদের সাহিত্যে কোনো সুন্দরীর বর্ণনাকালে ব্যক্তিবিশেষের ছবি আঁকিবার দিকে লক্ষ্য নাই; সুমেরু দাড়ি কনক বিধ প্রভৃতি হইতে কতকগুলি গুণ বিচ্ছিন্ন করিয়া লইয়া তাহারই তালিকা দেওয়া হয় এবং সুন্দরীমাত্রেই প্রতি তাহার আরোপ হইয়া থাকে। আমরা ছবির মতো স্পষ্ট করিয়া কিছু দেখি না এবং ছবি আঁকি না—সেই অন্ত কোতূকের একটি প্রধান অঙ্গ হইতে আমরা বঞ্চিত। আমাদের প্রাচীন কাব্যে প্রশংসাক্ষেপে গজেন্দ্রগমনের সহিত সুন্দরীর মন্দগতির তুলনা হইয়া থাকে। এ তুলনাটি অন্তদেশীয় সাহিত্যে নিশ্চয়ই হাস্যকর বলিয়া গণ্য হইত। কিন্তু এমন একটা অদ্ভুত তুলনা আমাদের দেশে উদ্ভূত এবং সাধারণের মধ্যে প্রচলিত হইল কেন? তাহার প্রধান কারণ, আমাদের দেশের লোকেরা ভ্রব্য হইতে তাহার গুণটা অনায়াসে বিস্মিষ্ট করিয়া লইতে পারে। ইচ্ছামতো হাতি হইতে হাতের সমস্তটাই লোপ করিয়া দিয়া কেবলমাত্র তাহার মন্দগমনটুকু বাহির করিতে পারে, এইজন্য বোড়নী সুন্দরীর প্রতি যখন গজেন্দ্রগমন আরোপ করে তখন সেই বৃহদাকার জন্তটাকে একেবারেই দেখিতে পায় না। যখন একটা সুন্দর বস্তুর সৌন্দর্য বর্ণনা করা কবির উদ্দেশ্য হয় তখন সুন্দর উপমা নির্বাচন করা আবশ্যিক, কারণ উপমার কেবল সাদৃশ্য অংশ নহে অন্যান্য অংশও আমাদের মনে উদয় না হইয়া থাকিতে পারে না। সেই জন্ত হাতের শুঁড়ের সহিত স্ত্রীলোকের হাত-পায়ের বর্ণনা করা সামান্য দুঃসাহসিকতা নহে। কিন্তু আমাদের দেশের পাঠক এ তুলনার হাসিল না, বিরক্ত হইল না; তাহার কারণ, হাতের শুঁড় হইতে কেবল তাহার গোলতটুকু লইয়া আর সমস্তই আমরা বাদ দিতে পারি, আমাদের সেই আশ্চর্য কমতাটি আছে। গৃধিনীর সহিত কানের কী সাদৃশ্য আছে বলিতে পারি না, আমার তত্পর্যুক্ত কল্পনা-শক্তি নাই; কিন্তু সুন্দর মুখের দুই পাশে দুই গৃধিনী ঝুলিতেছে মনে করিয়া হাসি পায় না কল্পনাশক্তির এত অসাড়তাও আমার নাই। বোধ করি ইংরেজি পড়িয়া আমাদের না-হাসিবার স্বাভাবিক কমতা বিকৃত হইয়া যাওয়াতেই এরূপ দুর্ঘটনা ঘটে।

কিন্তু কহিল,—আমাদের দেশের কাব্যে নারীদেহের বর্ণনার যেখানে উচ্চতা বা গোলতা বুঝাইবার আবশ্যিক হইয়াছে সেখানে কবিরা অনায়াসে গভীর মুখে সুমেরু এবং মেদিনীর অবতারণা করিয়াছেন, তাহার কারণ, অ্যাষ্ট্র্যাঙ্কের দেশে পরিমাণ-বিচারের আবশ্যিকতা নাই; গোকর পিঠের কুঁজও উচ্চ, কাঞ্চনজঙ্ঘার শিখরও উচ্চ; অতএব অ্যাষ্ট্র্যাঙ্কে উচ্চতাটুকু মাত্র ধরিতে গেলে গোকর পিঠের কুঁজের

সহিত কাঞ্চনজঙ্ঘার তুলনা করা যাইতে পারে ; কিন্তু যে হতভাগ্য কাঞ্চনজঙ্ঘার উপমা শুনিবামাত্র কল্পনাপটে হিমালয়ের শিখর চিত্রিত দেখিতে পার ; যে বেচারী গিরিচূড়া হইতে আলগোছে কেবল তাহার উচ্চতাটুকু লইয়া বাকি আর সমস্তই আড়াল করিতে পারে না, তাহার পক্ষে বড়োই মুশকিল। ভাই সমীর, তোমার আঙ্গিকার এই কথাটা ঠিক মনে লাগিতেছে—প্রতিবাদ না করিতে পারিয়া অত্যন্ত দুঃখিত আছি।

ব্যোম কহিল—কিছু প্রতিবাদ করিবার নাই তাহা বলিতে পারি না। সমীরের মতটা কিঞ্চিৎ পরিবর্তিত আকারে বলা আবশ্যিক। আসল কথাটা এই—আমরা অন্তর্জগৎবিহারী। বাহিরের জগৎ আমাদের নিকট প্রবল নহে। আমরা যাহা মনের মধ্যে গড়িয়া তুলি বাহিরের জগৎ তাহার প্রতিবাদ করিলে সে প্রতিবাদ গ্রাহ্যই করি না। যেমন ধূমকেতুর লঘু পুচ্ছটা কোনো গ্রহের পথে আসিয়া পড়িলে তাহার পুচ্ছেরই ক্ষতি হইতে পারে কিন্তু গ্রহ অপ্রতিহত ভাবে অনায়াসে চলিয়া যায়, তেমনি বহির্জগতের সহিত আমাদের অন্তর্জগতের রীতিমতো সংঘাত কোনো কালে হয় না ; হইলে বহির্জগৎটাই হঠিয়া যায়। যাহাদের কাছে হাতিটা অত্যন্ত প্রত্যক্ষ প্রবল সত্য, তাহারা গজেন্দ্রগমনের উপমা গজেন্দ্রটাকে বেমানুষ বাদ দিয়া কেবল গমনটুকুকে রাখিতে পারে না—গজেন্দ্র বিপুল দেহ বিস্তারপূর্বক অটলভাবে কাব্যের পথরোধ করিয়া দাঁড়াইয়া থাকে। কিন্তু আমাদের গজ বল গজেন্দ্র বল কিছুই কিছু নয়। সে আমাদের কাছে এত অধিক জাজ্বল্যমান নহে যে, তাহার গমনটুকু রাখিতে হইলে তাহাকে স্তম্ভ পুষিতে হইবে।

ক্বিত্তি কহিল,—আমরা অন্তরে বাঁশের কেলা বাঁধিয়া তীতুমীরের মতো বহিঃ-প্রকৃতির সমস্ত “গোলা ধা ডালা”—সেইজন্ত গজেন্দ্র বল, স্তম্ভ বল, মেদিনী বল, কিছুতেই আমাদেরিগকে হঠাইতে পারে না। কাব্যে কেন, জ্ঞানরাজ্যেও আমরা বহির্জগৎকে খাতিরমাত্র করি না। একটা সহজ উদাহরণ মনে পড়িতেছে। আমাদের সাত সুর ভিন্ন ভিন্ন পশুপক্ষীর কণ্ঠস্বর হইতে প্রাপ্ত, ভারতবর্ষীয় সংগীতশাস্ত্রে এই প্রবাদ বহুকাল চলিয়া আসিতেছে—এ পর্বন্ত আমাদের ওস্তাদদের মনে এ সবই কোনো সন্দেহমাত্র উদয় হয় নাই, অথচ বহির্জগৎ হইতে প্রতিদিনই তাহার প্রতিবাদ আমাদের কানে আসিতেছে। স্বরমালার প্রথম সুরটা যে গাধার সুর হইতে চুরি এরূপ পরমাশ্চর্য কল্পনা কেমন করিয়া যে কোনো সুরজ্ঞ ব্যক্তির মনে উদয় হইল তাহা আমাদের পক্ষে স্থির করা দুঃকর।

ব্যোম কহিল,—গ্রীকদিগের নিকট বহির্জগৎ বাস্তবৎ মরীচিকাবৎ ছিল না, তাহা

প্রত্যক্ষ অভ্যাস্যমান ছিল, এই জন্ত অত্যন্ত বহুগহকারে তাঁহাদিগকে মনের সৃষ্টির সহিত বাহিরের সৃষ্টির সামঞ্জস্য রক্ষা করিতে হইত। কোনো বিষয়ে পরিমাণ লঙ্ঘন হইলে বাহিরের জগৎ আপন মাপকাঠি লইয়া তাহাদিগকে লঙ্ঘা দিত। সেই জন্ত তাঁহারা আপন দেব-দেবীর মূর্তি সুন্দর এবং স্বাভাবিক করিয়া গড়িতে বাধ্য হইয়াছিলেন—নতুবা জাগতিক সৃষ্টির সহিত তাঁহাদের মনের সৃষ্টির একটা প্রবল সংঘাত বাধিয়া তাঁহাদের ভক্তির ও আনন্দের ব্যাঘাত করিত। আমাদের সে ভাবনা নাই। আমরা আমাদের দেবতাকে যে মূর্তিই দিই না কেন, আমাদের কল্পনার সহিত বা বহির্জগতের সহিত তাহার কোনো বিরোধ ঘটে না। মূষিকবাহন চতুর্ভূজ একদন্ত লম্বোদর গজানন মূর্তি আমাদের নিকট হস্তজনক নহে, কারণ আমরা সেই মূর্তিকে আমাদের মনের ভাবের মধ্যে দেখি, বাহিরের জগতের সহিত, চারি দিকের সত্যের সহিত তাহার তুলনা করি না। কারণ, বাহিরের জগৎ আমাদের নিকট তেমন প্রবল নহে, প্রত্যক্ষ সত্য আমাদের নিকট তেমন সূদৃঢ় নহে, আমরা যে-কোনো একটা উপলক্ষ্য অবলম্বন করিয়া নিজের মনের ভাবটাকে জাগ্রত করিয়া রাখিতে পারি।

সমীর কহিল,—যেটাকে উপলক্ষ্য করিয়া আমরা প্রেম বা ভক্তির উপভোগ অথবা সাধনা করিয়া থাকি, সেই উপলক্ষ্যটাকে সম্পূর্ণতা বা সৌন্দর্য বা স্বাভাবিকতার ভূষিত করিয়া তোলা আমরা অনাবশ্যক মনে করি। আমরা সম্মুখে একটা কুগঠিত মূর্তি দেখিয়াও মনে তাহাকে সুন্দর বলিয়া অনুভব করিতে পারি। মাহুঘের ঘননীলবর্ণ আমাদের নিকট স্বভাবত সুন্দর মনে না হইতে পারে, অথচ ঘননীলবর্ণে চিত্রিত কৃষ্ণের মূর্তিকে সুন্দর বলিয়া ধারণা করিতে আমাদেরিগকে কিছুমাত্র প্রয়াস পাইতে হয় না। বহির্জগতের আদর্শকে বাহারা নিজের ইচ্ছামতে লোপ করিতে জানে না, তাহারা মনের সৌন্দর্যতাবকে মূর্তি দিতে গেলে কখনোই কোনো অস্বাভাবিকতা বা অসৌন্দর্যের সমাবেশ করিতে পারে না। গ্রীকদের চক্ষে এই নীলবর্ণ অত্যন্ত অধিক পীড়া উৎপাদন করিত।

ব্যোম কহিল,—আমাদের ভারতবর্ষীয় প্রকৃতির এই বিশেষত্বটি উচ্চ অঙ্গের কলাবিদ্যার ব্যাঘাত করিতে পারে কিন্তু ইহার একটু সুবিধাও আছে। ভক্তি প্রেম প্রেম, এমন কি, সৌন্দর্যভোগের জন্ত আমাদেরিগকে বাহিরের দাসত্ব করিতে হয় না, সুবিধা-সুযোগের প্রতীক্ষা করিয়া বসিয়া থাকিতে হয় না। আমাদের দেশের স্ত্রী স্বামীকে দেবতা বলিয়া পূজা করে—কিন্তু সেই ভক্তিভাব উদ্রেক করিবার জন্ত স্বামীর দেবত্ব বা মহত্ব থাকিবার কোনো আবশ্যক করে না; এমন কি, ঘোরতর পণ্ডত্ব থাকিলেও পূজার ব্যাঘাত হয় না। তাহারা এক দিকে স্বামীকে মাহুঘভাবে লাহনা

গণনা করিতে পারে আবার অন্য দিকে দেবতাবাবে পূজাও করিয়া থাকে। একটাতে অন্যটা অভিভূত হয় না। কারণ, আমাদের মনোজগতের সহিত বাহ্যজগতের সংঘাত তেমন প্রবল নহে।

সমীর কহিল,—কেবল স্বামিদেবতা কেন, পৌরাণিক দেবদেবী সম্বন্ধেও আমাদের মনের এইরূপ ছই বিরোধী ভাব আছে—তাহারা পরস্পর 'পরস্পরকে দূরীকৃত করিতে পারে না। আমাদের দেবতাদের সম্বন্ধে যে-সকল শাস্ত্র-কাহিনী ও জনপ্রবাদ প্রচলিত আছে তাহা আমাদের ধর্মবুদ্ধির উচ্চ-আদর্শসংগত নহে, এমন কি, আমাদের সাহিত্যে আমাদের সংগীতে সেই সকল দেবকুংসার উল্লেখ করিয়া বিস্তর তিরস্কার ও পরিহাসও আছে—কিন্তু বাস্তব ও ভৎসনা করি বলিয়া যে, ভক্তি করি না তাহা নহে। গাভীকে জন্তু বলিয়া জানি, তাহার বুদ্ধিবিবেচনার প্রতিও কটাক্ষপাত করিয়া থাকি, খেতের মধ্যে প্রবেশ করিলে লাঠি-হাতে তাহাকে তাড়াও করি, গোমালম্বরে তাহাকে একহাঁটু গোময়পঙ্কের মধ্যে দাঁড় করাইয়া রাখি; কিন্তু ভগবতী বলিয়া ভক্তি করিবার সময় সে সব কথা মনেও উদয় হয় না।

ক্ষিত্তি কহিল,—আবার দেখো, আমরা চিরকাল বেসুরো লোককে গাধার সহিত তুলনা করিয়া আসিতেছি, অথচ বলিতেছি, গাধাই আমাদের প্রথম স্বর ধরাইয়া দিয়াছে। যখন এটা বলি তখন ওটা মনে আনি না, যখন ওটা বলি তখন এটা মনে আনি না। ইহা আমাদের একটা বিশেষ ক্ষমতা সন্দেহ নাই, কিন্তু এই বিশেষ ক্ষমতা-বশত ব্যোম যে সুবিধার উল্লেখ করিতেছেন আমি তাহাকে সুবিধা মনে করি না। কাল্পনিক সৃষ্টি বিস্তার করিতে পারি বলিয়া অর্থশাস্ত্র, জ্ঞানশাস্ত্র, এবং সৌন্দর্যভোগ সম্বন্ধে আমাদের একটা ঔদাসীন্যজড়িত সম্বোধের ভাব আছে। আমাদের বিশেষ কিছু আবশ্যিক নাই। যুরোপীয়েরা তাঁহাদের বৈজ্ঞানিক অসুমানকে কঠিন প্রমাণের দ্বারা সহস্র বার করিয়া পরীক্ষা করিয়া দেখেন তথাপি তাঁহাদের সন্দেহ মিটিতে চায় না—আমরা মনের মধ্যে যদি বেশ একটা সুসংগত এবং সুগঠিত মত খাড়া করিতে পারি তবে তাহার সুসংগতি এবং সুসম্মতি আমাদের নিকট সর্বোৎকৃষ্ট প্রমাণ বলিয়া গণ্য হয়, তাহাকে বহির্জগতে পরীক্ষা করিয়া দেখা বাহ্যিক বোধ করি। জ্ঞানবৃত্তি সম্বন্ধে যেমন, হৃদয়বৃত্তি সম্বন্ধে সেইরূপ। আমরা সৌন্দর্য-রসের চর্চা করিতে চাই, কিন্তু সেজন্য অতি যত্নসহকারে মনের আদর্শকে বাহিরে মূর্তিমান করিয়া তোলা আবশ্যিক বোধ করি না—যেমন-তেমন একটা-কিছু হইলেই সন্তুষ্ট থাকি; এমন কি, আলংকারিক অভ্যাক্তি অসুসরণ করিয়া একটা বিকৃত মূর্তি খাড়া করিয়া তুলি এবং সেই অসংগত বিকৃত বিসদৃশ ব্যাপারকে মনে মনে আপন ইচ্ছামতো

ভাবে পরিণত করিয়া তাহাতেই পরিতৃপ্ত হই, আপন দেবতাকে, আপন সৌন্দর্যের আদর্শকে প্রকৃতরূপে স্তব্ধ করিয়া তুলিবার চেষ্টা করি না। ভক্তিরসের চর্চা করিতে চাই, কিন্তু ষথার্থ ভক্তির পাত্র অন্বেষণ করিবার কোনো আবশ্যকতা বোধ করি না—অপাত্রে ভক্তি করিয়াও আমরা সন্তোষে থাকি। সেই জন্য আমরা বলি গুরুদেব আমাদের পূজনীয়, এ-কথা বলি না যে, যিনি পূজনীয় তিনি আমাদের গুরু। হয়তো গুরু আমার কানে যে মন্ত্র দিয়াছেন তাহার অর্থ তিনি কিছুই বুঝেন না, হয়তো গুরুঠাকুর আমার মিথ্যা মোকদ্দমার প্রধান মিথ্যাসাক্ষী, তথাপি তাঁহার পদধূলি আমার শিরোধার্য—এরূপ মত গ্রহণ করিলে ভক্তির জন্য ভক্তিভাজনকে খুঁজিতে হয় না, দিব্য আরামে ভক্তি করা যায়।

সমীর কহিল,—ইংবেঙ্গি শিকার প্রভাবে আমাদের মধ্যে ইহার ব্যতিক্রম ঘটিতেছে। বঙ্কিমের কৃষ্ণচরিত্র তাহার একটি উদাহরণ। বঙ্কিম কৃষ্ণকে পূজা করিবার এবং কৃষ্ণপূজা প্রচার করিবার পূর্বে কৃষ্ণকে নির্মল এবং স্তব্ধ করিয়া তুলিবার চেষ্টা করিয়াছেন। এমন কি, কৃষ্ণের চরিত্রে অনৈসর্গিক যাহা কিছু ছিল তাহাও তিনি বর্জন করিয়াছেন। তিনি কৃষ্ণকে তাঁহার নিজের উচ্চতম আদর্শের উপর প্রতিষ্ঠিত করিবার চেষ্টা করিয়াছেন। এ কথা বলেন নাই যে, দেবতার কোনো কিছুতেই দোষ নাই, তেজীমানের পক্ষে সমস্ত মার্জনীয়। তিনি এক নূতন অসন্তোষের সূত্রপাত করিয়াছেন; তিনি পূজা-বিতরণের পূর্বে প্রাণপণ চেষ্টায় দেবতাকে অন্বেষণ করিয়াছেন; ও হাতের কাছে যাহাকে পাইয়াছেন তাহাকেই নমোনম করিয়া সন্তুষ্ট হন নাই।

কিত্তি কহিল,—এই অসন্তোষটি না থাকাতে বহুকাল হইতে আমাদের সমাজে দেবতাকে দেবতা হইবার, পূজাকে উন্নত হইবার, মূর্তিকে ভাবের অমূর্তরূপ হইবার প্রয়োজন হয় নাই। ব্রাহ্মণকে দেবতা বলিয়া জানি, সেই জন্য বিনা চেষ্টায় তিনি পূজা প্রাপ্ত হন, এবং আমাদেরও ভক্তিবৃত্তি অতি অনায়াসে চরিতার্থ হয়। স্বামীকে দেবতা বলিলে স্ত্রীর ভক্তি পাইবার জন্য স্বামীর কিছুমাত্র যোগ্যতালভের আবশ্যক হয় না, এবং স্ত্রীকেও ষথার্থ ভক্তির যোগ্য স্বামী অভাবে অসন্তোষ অনুভব করিতে হয় না। সৌন্দর্য অনুভব করিবার জন্য স্তব্ধ জিনিসের আবশ্যকতা নাই, ভক্তি বিতরণ করিবার জন্য ভক্তিভাজনের প্রয়োজন নাই, এরূপ পরমসন্তোষের অবস্থাকে আমি স্তব্ধতা মনে করি না। ইহাতে কেবল সমাজের দীনতা, শ্রীহীনতা এবং অবনতি ঘটিতে থাকে। বহির্জগৎটাকে উত্তরোত্তর বিলুপ্ত করিয়া দিয়া মনোজগৎকেই সর্বপ্রাধান্য দিতে গেলে যে ডালে বসিয়া আছি সেই ডালকেই কুঠারাঘাত করা হয়।

## ভদ্রতার আদর্শ

শ্রোতবিনী কহিল,—দেখো, বাড়িতে ক্রিয়াকর্ম আছে, তোমরা ব্যোমকে একটু ভদ্রবেশ পরিয়া আসিতে বলিয়ে।

শুনিয়া আমরা সকলে হাসিতে লাগিলাম। দীপ্তি একটু রাগ করিয়া বলিল,—না, হাসিবার কথা নয়; তোমরা ব্যোমকে সাবধান করিয়া দাও না বলিয়া সে ভদ্রসমাজে এমন উন্নাদের মতো সাজ করিয়া আসে। এ-সকল বিষয়ে একটু সামাজিক শাসন থাকা দরকার।

সমীর কথাটাকে ফলাইয়া তুলিবার অভিপ্রায়ে জিজ্ঞাসা করিল,—কেন দরকার ?

দীপ্তি কহিল,—কাব্যরাজ্যে কবির শাসন যেমন কঠিন, কবি যেমন ছন্দের কোনো শৈথিল্য, মিলের কোনো ত্রুটি, শব্দের কোনো রুচতা মার্জনা করিতে চাহে না—আমাদের আচারব্যবহার বসনভূষণ সম্বন্ধে সমাজ-পুরুষের শাসন তেমনি কঠিন হওয়া উচিত, নতুবা সমগ্র সমাজের ছন্দ এবং সৌন্দর্য কখনোই রক্ষা হইতে পারে না।

কিত্তি কহিল,—ব্যোম বেচারী যদি মানুষ না হইয়া শব্দ হইত, তাহা হইলে এ কথা নিশ্চয় বলিতে পারি, ভট্টিকাব্যোও তাহার স্থান হইত, না; নিঃসন্দেহ তাহাকে মুগ্ধবোধের সূত্র অবলম্বন করিয়া বাস করিতে হইত।

আমি কহিলাম,—সমাজকে সুন্দর, সুশিষ্ট, সুশৃঙ্খল করিয়া তোলা আমাদের সকলেরই কর্তব্য সে-কথা মানি কিন্তু অন্তমনস্ক ব্যোম বেচারী যখন সে কর্তব্য বিস্মৃত হইয়া দীর্ঘ পদবিক্ষেপে চলিয়া যায় তখন তাহাকে মন্দ লাগে না।

দীপ্তি কহিল,—ভালো কাপড় পরিলে তাহাকে আরও ভালো লাগিত।

কিত্তি কহিল,—সত্য বলা দেখি, ভালো কাপড় পরিলে ব্যোমকে কি ভালো দেখাইত ? হাতির যদি ঠিক ময়ূরের মতো পেশম হয় তাহা হইলে কি তাহার সৌন্দর্যবৃদ্ধি হয়। আবার ময়ূরের পক্ষেও হাতির লেজ শোভা পায় না—তেমনি আমাদের ব্যোমকে সমীরের পোশাকে মানায় না, আবার সমীর যদি ব্যোমের পোশাক পরিয়া আসে উহাকে ঘরে ঢুকিতে দেওয়া যায় না।

সমীর কহিল,—আসল কথা, বেশভূষা আচারব্যবহারের খলন যেখানে শৈথিল্য, অসঙ্গতা ও জড়ত্ব সূচনা করে সেইখানেই তাহা কদর্ষ দেখিতে হয়। সেই অঙ্গ আমাদের বাঙালিসমাজ এমন ত্রিবিহীন। লক্ষ্মীছাড়া যেমন সমাজছাড়া তেমনি বাঙালিসমাজ যেন পৃথ্বীসমাজের বাহিরে। হিন্দুস্থানীর সেলামের মতো বাঙালির কোনো সাধারণ অভিবাদন নাই। তাহার কারণ, বাঙালি কেবল ঘরের ছেলে,



কেবল গ্রামের লোক ; সে কেবল আপনার গৃহসম্পর্ক এবং গ্রামসম্পর্ক জানে, সাধারণ পৃথিবীর সহিত তাহার কোনো সম্পর্ক নাই—এজন্য অপরিচিত সমাজে সে কোনো শিষ্টাচারের নিয়ম খুঁজিয়া পায় না। এক জন হিন্দুস্থানি ইংরেজকেই হ'ক আর চীনেম্যানকেই হ'ক ভদ্রতান্থলে সকলকেই সেলাম করিতে পারে—আমরা সে স্থলে নমস্কার করিতেও পারি না, সেলাম করিতেও পারি না, আমরা সেখানে বর্বর। বাঙালি স্ত্রীলোক যথেষ্ট আবৃত নহে এবং সর্বদাই অসংবৃত—তাহার কারণ, সে ঘরেই আছে ; এইজন্য ভাস্কর-বস্তুর সম্পর্কীয় গৃহপ্রচলিত যে-সকল কৃত্রিম লজ্জা তাহা তাহার প্রচুর পরিমাণেই আছে কিন্তু সাধারণ ভদ্রসমাজসংগত লজ্জা সম্বন্ধে তাহার সম্পূর্ণ শৈথিল্য দেখা যায়। গায়ে কাপড় রাখা বা না-রাখার বিষয়ে বাঙালি পুরুষদেরও অপর্থাপ্ত ঔদাসীন্য ; চিরকাল অধিকাংশ সময় আত্মীয়সমাজে বিচরণ করিয়া এ সম্বন্ধে একটা অবহেলা তাহার মনে দৃঢ় বদ্ধমূল হইয়া গিয়াছে। অতএব বাঙালির বেশভূষা চালচলনের অভাবে একটা অপরিমিত আলস্য, শৈথিল্য, স্বেচ্ছাচার ও আত্মসম্মানের অভাব প্রকাশ পায় সুতরাং তাহা যে বিস্তৃত বর্বরতা তাহাতে আর সন্দেহ নাই।

আমি কহিলাম,—কিন্তু সেজন্য আমরা লজ্জিত নহি। যেমন রোগবিশেষে মানুষ যাহা খায় তাহাই শরীরের মধ্যে শর্করা হইয়া উঠে, তেমনি আমাদের দেশের ভালোমন্দ সমস্তই আশ্চর্য মানসিক বিকারবশত কেবল অতিমিষ্ট অহংকারের বিষয়েই পরিণত হইতেছে। আমরা বলিয়া থাকি আমাদের সভ্যতা আধ্যাত্মিক সভ্যতা, অশনবশনগত সভ্যতা নহে, সেই জন্যই এই সকল জড় বিষয়ে আমাদের এত অনাসক্তি।

সমীর কহিল,—উচ্চতম বিষয়ে সর্বদা লক্ষ্য স্থির রাখাতে নিম্নতন বিষয়ে যাহাদের বিন্দুতি ও ঔদাসীন্য আছে তাহাদের সম্বন্ধে নিন্দার কথা কাহারও মনেও আসে না। সকল সভ্যসমাজেই এরূপ এক সম্প্রদায়ের লোক সমাজের বিরল উচ্চশিখরে বাস করিয়া থাকেন। অতীত ভারতবর্ষে অধ্যয়ন-অধ্যাপনশীল ব্রাহ্মণ এই শ্রেণীভুক্ত ছিলেন ; তাহারা যে কৃত্রিম বৈশ্বেয় শ্রায় সাজসজ্জা ও কাজকর্মে নিরত থাকিবেন এমন কেহ আশা করিত না। যুরোপেও সে সম্প্রদায়ের লোক ছিল এবং এখনো আছে। মধ্যযুগের আচার্যদের কথা ছাড়িয়া দেওয়া যাক, আধুনিক যুরোপেও নিউটনের মতো লোক যদি নিতান্ত হাল ক্যাশনের সাক্ষ্যবেশ না পরিয়াও নিমন্ত্রণে যান এবং লৌকিকতার সমস্ত নিয়ম অক্ষরে অক্ষরে পালন না করেন তথাপি সমাজ তাহাকে শাসন করে না উপহাস করিতেও সাহস করে না। সর্বদেশে সর্বকালেই স্বল্পসংখ্যক

মহাত্মা লোকসমাজের মধ্যে থাকিয়াও সমাজের বাহিরে থাকেন, নতুবা তাঁহারা কাজ করিতে পারেন না এবং সমাজও তাঁহাদের নিকট হইতে সামাজিকতার সূত্র শুধুগুলি আদায় করিতে নিরস্ত থাকে। কিন্তু আশ্চর্যের বিষয় এই যে, বাংলা দেশে, কেবল কতকগুলি লোক নহে, আমরা দেশস্বত্ব সকলেই সকল প্রকার স্বভাববৈচিত্র্য তুলিয়া সেই সমাজাতীত আধ্যাত্মিক শিখরে অবহেলে চড়িয়া বসিয়া আছি। আমরা টিলা কাপড় এবং অত্যন্ত টিলা আদবকায়া লইয়া দিব্য আরামে ছুটি ভোগ করিতেছি— আমরা যেমন করিয়াই থাকি আর যেমন করিয়াই চলি তাহাতে কাহারও সমালোচনা করিবার কোনো অধিকার নাই—কারণ আমরা উত্তম মধ্যম অধম সকলেই ধাটো ধুতি ও ময়লা চাদর পরিয়া নিগুণ ব্রহ্মে লয় পাইবার জন্য প্রস্তুত হইয়া বসিয়া আছি।

হেনকালে বোম তাহার বৃহৎ লগুড়খানি হাতে করিয়া আসিয়া উপস্থিত। তাহার বেশ অন্তদিনের অপেক্ষাও অদ্ভুত; তাহার কারণ, আজ ক্রিয়াকর্মের বাড়ি বলিয়াই তাহার প্রাত্যহিক বেশের উপরে বিশেষ করিয়া একখানা অনিদিষ্ট-আকৃতি চাপকান গোছের পদার্থ চাপাইয়া আসিয়াছে; তাহার আশপাশ হইতে ভিতরকার অসংগত কাপড়গুলার প্রান্ত স্পষ্ট দেখা যাইতেছে;—দেখিয়া আমাদের হাস্ত সংবরণ করা হুঃসাধ্য হইয়া উঠিল এবং দীপ্তি ও স্রোতস্বিনীর মনে যথেষ্ট অবজ্ঞার উদয় হইল।

বোম জিজ্ঞাসা করিল,—তোমাদের কী বিষয়ে আলাপ হইতেছে?

সমীর আমাদের আলোচনার কিয়দংশ সংক্ষেপে বলিয়া কহিল,—আমরা দেশস্বত্ব সকলেই বৈরাগ্যের “ভেক” ধারণ করিয়াছি।

বোম কহিল,—বৈরাগ্য ব্যতীত কোনো বৃহৎ কর্ম হইতেই পারে না। আলোকের সহিত যেমন ছায়া, কর্মের সহিত তেমনি বৈরাগ্য নিয়ত সংযুক্ত হইয়া আছে। যাহার যে-পরিমাণে বৈরাগ্যে অধিকার পৃথিবীতে সে সেই পরিমাণে কাজ করিতে পারে।

কিন্তি কহিল,—সেই অল্প পৃথিবীস্বত্ব লোক বধন সূত্রে প্রত্যাশার সহস্র চেষ্টায় নিযুক্ত ছিল তখন বৈরাগী ডাক্ষিণ সংসারের সহস্র চেষ্টা পরিত্যাগ করিয়া কেবল প্রমাণ করিতেছিলেন যে, মাহুষের আদিপুরুষ বানর ছিল। এই সমাচারটি আহরণ করিতে ডাক্ষিণকে অনেক বৈরাগ্য সাধন করিতে হইয়াছিল।

বোম কহিল,—বহুতর আসক্তি হইতে গারিবালুতি যদি আপনাকে স্বাধীন করিতে না পারিতেন তবে ইটালিকেও তিনি স্বাধীন করিতে পারিতেন না। যে-সকল জাতি কর্মিষ্ঠ জাতি তাহারাই বর্ষা বৈরাগ্য জানে। যাহারা জ্ঞান-লাভের জন্য জীবন ও জীবনের সমস্ত আয়াম তুচ্ছ করিয়া মেক্সিকোদেশের হিমশীতল

মৃত্যুশালায় ভূবারুদ্ধ কঠিন স্বরদেশে বারংবার আঘাত করিতে ধাবিত হইতেছে, যাহারা ধর্মবিতরণের জন্য নরমাংসহুক রাক্ষসের দেশে নির্বাসন বহন করিতেছে, যাহারা মাতৃভূমির আত্মানে মুহূর্তকালের মধ্যেই ধনজনঘৌবনের স্থখশয্যা হইতে গাজ্রোখান করিয়া ছঃসহ ক্লেশ এবং অতি নিষ্ঠুর মৃত্যুর মধ্যে ঝাঁপ দিয়া পড়ে, তাহারাই জানে ষথার্থ বৈরাগ্য কাহাকে বলে। আর আমাদের এই কর্মহীন শ্রীহীন নিশ্চেষ্ট নির্জীব বৈরাগ্য কেবল অধঃপতিত জাতির মুর্ছাবস্থামাত্র—উহা অড়ম্ব, উহা অহংকারের বিষয় নহে।

কিত্তি কহিল,—আমাদের মুর্ছাবস্থাকে আমরা আধ্যাত্মিক “দশা” পাওয়ার অবস্থা মনে করিয়া নিজের প্রতি নিজে ভক্তিতে বিহ্বল হইয়া বসিয়া আছি।

ব্যোম কহিল,—কর্মীকে কর্মের কঠিন নিয়ম মানিয়া চলিতে হয়, সেই জন্যই সে আপন কর্মের নিয়মপালন উপলক্ষ্যে সমাজের অনেক ছোটো কর্তব্য উপেক্ষা করিতে পারে—কিন্তু অকর্মণ্যের সে অধিকার থাকিতে পারে না। যে লোক তাড়াতাড়ি আপিসে বাহির হইতেছে তাহার নিকটে সমাজ সুদীর্ঘ সুসম্পূর্ণ শিষ্টালাপ প্রত্যাশা করে না। ইংরেজ মালী যখন গায়ের কোর্তা খুলিয়া হাতের আস্তিন গুটাইয়া বাগানের কাজ করে তখন তাহাকে দেখিয়া তাহার অভিজাতবংশীয়া প্রভুমহিলায় লজ্জা পাইবার কোনো কারণ নাই। কিন্তু আমরা যখন কোনো কাজ নাই কর্ম নাই, দীর্ঘ দিন রাজপথপার্শ্বে নিজের গৃহদ্বারপ্রান্তে স্থূল বতূল উদর উদ্ঘাটিত করিয়া হাঁটুর উপর কাপড় গুটাইয়া নির্বোধের মতো তামাক টানি, তখন বিশ্বজগতের সম্মুখে কোন্ মহৎ বৈরাগ্যের কোন্ উন্নত আধ্যাত্মিকতার দোহাই দিয়া এই কৃত্রী বর্বরতা প্রকাশ করিয়া থাকি! যে বৈরাগ্যের সঙ্গে কোনো মহত্তর সচেষ্ট সাধনা সংযুক্ত নাই তাহা অসত্যতার নামান্তর মাত্র।

ব্যোমের মুখে এই সকল কথা শুনিয়া স্রোতস্থিনী আশ্চর্য হইয়া গেল। কিছু ক্ষণ চূপ করিয়া থাকিয়া বলিল,—আমরা সকল ভক্তলোকেই ষত দিন না আপন ভক্ততা রক্ষার কতর্বা সর্বদা মনে রাখিয়া আপনাদিগকে বেশে ব্যবহারে বাসস্থানে সর্বতোভাবে ভক্ত করিয়া রাখিবার চেষ্টা করিব তত দিন আমরা আত্মসন্মান লাভ করিব না এবং পরের নিকট সন্মান প্রাপ্ত হইব না। আমরা নিজের মূল্য নিজে অত্যন্ত কমাইয়া দিয়াছি।

কিত্তি কহিল,—সে মূল্য বাড়াইতে হইলে এদিকে বেতনবৃদ্ধি করিতে হয়, সেটা প্রভুদের হাতে।

দীপ্তি কহিল,—বেতনবৃদ্ধি নহে চেতনবৃদ্ধির আবশ্যিক। আমাদের দেশের

ধনীরাও যে অশোভন ভাবে থাকে সেটা কেবল জড়তা এবং মূঢ়তা বশত, অর্থের অভাবে নহে। যাহার টাকা আছে সে মনে করে জুড়িগাড়ি না হইলে তাহার ঐশ্বর্য প্রমাণ হয় না, কিন্তু তাহার অন্তঃপুরে প্রবেশ করিলে দেখা যায় যে, তাহা ভদ্রলোকের গোশালারও অযোগ্য। অহংকারের পক্ষে যে আয়োজন আবশ্যিক তাহার প্রতি আমাদের দৃষ্টি আছে কিন্তু আত্মসম্মানের জন্ত, স্বাস্থ্যশোভার জন্ত যাহা আবশ্যিক তাহার বেলায় আমাদের টাকা কুলায় না। আমাদের মেয়েরা এ কথা মনেও করে না যে, সৌন্দর্যবৃদ্ধির জন্ত যতটুকু অলংকার আবশ্যিক তাহার অধিক পরিয়া ধনগর্ব প্রকাশ করিতে যাওয়া ইতরজনোচিত অভদ্রতা—এবং সেই অহংকারতৃপ্তির জন্ত টাকার অভাব হয় না, কিন্তু প্রাণপূর্ণ আবর্জনা এবং শয়নগৃহভিত্তির তৈলকঙ্কলময় মলিনতা মোচনের তাহাদের কিছু মাত্র সম্বরণ নাই। টাকার অভাব নহে, আমাদের দেশে ষথার্থ ভদ্রতার আদর্শ এখনো প্রতিষ্ঠিত হয় নাই।

শ্রোতস্থিনী কহিল,—তাহার প্রধান কারণ, আমরা অলস। টাকা থাকিলেই বড়োমাহুঘি করা যায়, টাকা না থাকিলেও ধার করিয়া নবাবি করা চলে, কিন্তু ভদ্র হইতে গেলে আলস্য-অবহেলা বিসর্জন করিতে হয়—সর্বদা আপনাকে উন্নত সামাজিক আদর্শের উপযোগী করিয়া প্রস্তুত রাখিতে হয়, নিয়ম স্বীকার করিয়া আত্মবিসর্জন করিতে হয়।

ক্ষিত্তি কহিল,—কিন্তু আমরা মনে করি আমরা স্বভাবের শিশু—অতএব অত্যন্ত সরল। ধূলোয় কাদায় নগ্নতায়, সর্বপ্রকার নিয়মহীনতায় আমাদের কোনো লজ্জা নাই—আমাদের সকলই অকৃত্রিম এবং সকলই আধ্যাত্মিক।

## অপূর্ব রামায়ণ

বাড়িতে একটা শুভকার্য ছিল, তাই বিকালের দিকে অদূরবর্তী মঞ্চের উপর হইতে বারোয়ানি রাগিণীতে নহবত বাজিতেছিল। ব্যোম অনেক ক্ষণ মূর্ত্তিতচক্ষে থাকিয়া হঠাৎ চক্ষু খুলিয়া বলিতে আরম্ভ করিল—

আমাদের এই সকল দেশীয় রাগিণীর মধ্যে একটা পরিব্যাপ্ত মৃত্যুশোকের ভাব আছে ; সুরগুলি কাঁদিয়া কাঁদিয়া বলিতেছে, সংসারে কিছুই স্থায়ী হয় না। 'সংসারে সকলই অস্থায়ী, এ কথাটা সংসারীর পক্ষে নূতন নহে, প্রিয়ও নহে, ইহা একটা অটল

কঠিন সত্য ; কিন্তু তবু এটা বাঁশির মুখে শুনিতে এত ভালো লাগিতেছে কেন ? কারণ, বাঁশিতে জগতের এই সর্বাপেক্ষা স্বকঠোর সত্যটাকে সর্বাপেক্ষা স্নমধুর করিয়া বলিতেছে—মনে হইতেছে যত্নাটা এই রাগিণীর মতো সক্রমণ বটে কিন্তু এই রাগিণীর মতোই স্নন্দর । জগৎসংসারের বন্ধের উপরে সর্বাপেক্ষা গুরুতম যে জগদল পাথরটা চাপিয়া আছে এই গানের সুরে সেইটাকে কী এক মম্ব বলে লঘু করিয়া দিতেছে । এক জনের হৃদয়কুহর হইতে উচ্ছ্বসিত হইয়া উঠিলে যে বেদনা চীৎকার হইয়া বাজিয়া উঠিত, ক্রন্দন হইয়া ফাটিয়া পড়িত, বাঁশি তাহাই সমস্ত জগতের মুখ হইতে ধ্বনিত করিয়া তুলিয়া এমন অগাধকরণাপূর্ণ অথচ অনন্তসাহসনাময় রাগিণীর সৃষ্টি করিতেছে ।

দীপ্তি এবং স্রোতস্বিনী আতিথ্যের কাজ সারিয়া সবেমাত্র আসিয়া বসিয়াছিল, এমন সময় আত্মিকার এই মঙ্গলকার্ণের দিনে ব্যোমের মুখে যত্নাস্বকীয় আলোচনার অত্যন্ত বিরক্ত হইয়া উঠিয়া গেল । ব্যোম তাহাদের বিরক্তি না বুঝিতে পারিয়া অবিচলিত অগ্নানমুখে বলিয়া যাইতে লাগিল । নহবতটা বেশ লাগিতেছিল, আমরা আর সেদিন বড়ো তর্ক করিলাম না ।

ব্যোম কহিল,—আত্মিকার এই বাঁশি শুনিতে শুনিতে একটা কথা বিশেষ করিয়া আমার মনে উদয় হইতেছে । প্রত্যেক কবিতার মধ্যে একটি বিশেষ রস থাকে—অলংকারশাস্ত্রে যাহাকে আদি করণ শাস্তি নামক ভিন্ন ভিন্ন নামে ভাগ করিয়াছে ; আমার মনে হইতেছে, জগৎরচনাকে যদি কাব্যহিসাবে দেখা যায় তবে যত্নাই তাহার সেই প্রধান রস, যত্নাই তাহাকে ষথার্থ কবিত্ব অর্পণ করিয়াছে । যদি যত্ন না থাকিত, জগতের যেখানকার যাহা তাহা চিরকাল সেখানেই যদি অবিকৃত ভাবে দাঁড়াইয়া থাকিত, তবে জগৎটা একটা চিরস্থায়ী সমাধিমন্দিরের মতো অত্যন্ত সংকীর্ণ, অত্যন্ত কঠিন, অত্যন্ত বদ্ধ হইয়া রহিত । এই অনন্ত নিশ্চলতার চিরস্থায়ী ভার বহন করা প্রাণীদের পক্ষে বড়ো দুর্কর হইত । যত্ন এই অস্তিত্বের ভীষণ ভারকে সর্বদা লঘু করিয়া রাখিয়াছে, এবং জগৎকে বিচরণ করিবার অসীম ক্ষেত্র দিয়াছে । যেদিকে যত্ন সেই দিকেই জগতের অসীমতা । সেই অনন্ত রহস্যভূমির দিকেই মাহুকের সমস্ত কবিতা, সমস্ত সংগীত, সমস্ত ধর্মতত্ত্ব, সমস্ত তৃপ্তিহীন বাসনা সমুদ্রপারগামী পক্ষীর মতো নীড় অন্বেষণে উড়িয়া চলিয়াছে । একে, যাহা প্রত্যক্ষ, যাহা বর্তমান, তাহা আমাদের পক্ষে অত্যন্ত প্রবল ; আবার তাহাই যদি চিরস্থায়ী হইত তবে তাহার একেশ্বর দৌরাশ্ব্যের আর শেষ থাকিত না—তবে তাহার উপরে আর আপিল চলিত কোথায় । তবে কে নির্দেশ করিয়া দিত ইহার বাহিরেও অসীমতা আছে । অনন্তের

ভার এ জগৎ কেমন করিয়া বহন করিত যত্ন যদি সেই অনন্তকে আপনার চিরপ্রবাহে নিত্যকাল ভাসমান করিয়া না রাখিত।

সমীর কহিল,—মরিতে না হইলে বাঁচিয়া থাকিবার কোনো মর্মানাই থাকিত না। এখন জগৎস্বল্প লোক যাহাকে অবজ্ঞা করে সেও যত্ন আছে বলিয়াই জীবনের গৌরবে গৌরবান্বিত।

ক্ষিত্তি কহিল,—আমি সেজন্ত বেশি চিন্তিত নহি; আমার মতে যত্নের অভাবে কোনো বিষয়ে কোথাও দাঁড়ি দিবার জো থাকিত না সেইটাই সব চেয়ে চিন্তার কারণ। সে অবস্থায় ব্যোম যদি অদ্বৈততত্ত্ব সম্বন্ধে আলোচনা উত্থাপন করিত কেহ জোড়হাত করিয়া এ কথা বলিতে পারিত না যে, ভাই, এখন আর সময় নাই অতএব ক্ষান্ত হও। যত্ন না থাকিলে অবসরের অন্ত থাকিত না। এখন মানুষ নিদেন সাত-আট বৎসর বয়সে অধ্যয়ন আরম্ভ করিয়া পঁচিশ বৎসর বয়সের মধ্যে কলেজের ডিগ্রি লইয়া অথবা দিবা স্কুল করিয়া নিশ্চিন্ত হয়; তখন কোনো বিশেষ বয়সে আরম্ভ করারও কারণ থাকিত না, কোনো বিশেষ বয়সে শেষ করিবারও তাড়া থাকিত না। সকলপ্রকার কাজকর্ম ও জীবনযাত্রার কমা সেমিকোলন দাঁড়ি একেবারেই উঠিয়া যায়।

ব্যোম এ সকল কথায় যথেষ্ট কর্ণপাত না করিয়া নিজের চিন্তাসূত্র অনুসরণ করিয়া বলিয়া গেল,—জগতের মধ্যে যত্নাই কেবল চিরস্থায়ী—সেইজন্ত আমাদের সমস্ত চিরস্থায়ী আশা ও বাসনাকে সেই যত্নের মধ্যেই প্রতিষ্ঠিত করিয়াছি। আমাদের স্বর্গ, আমাদের পুণ্য, আমাদের অমরতা সব সেইখানে। যে-সব জিনিস আমাদের এত প্রিয় যে, কখনো তাহাদের বিনাশ কল্পনাও করিতে পারি না, সেগুলিকে যত্নের হস্তে সমর্পণ করিয়া দিয়া জীবনান্তকাল অপেক্ষা করিয়া থাকি। পৃথিবীতে বিচার নাই, স্থবিচার যত্নের পরে; পৃথিবীতে প্রাণপণ বাসনা নিফল হয়, সফলতা যত্নের কল্পতরুতে। জগতের আর সকল দিকেই কঠিন স্থূল বস্তুরাশি আমাদের মানস আদর্শকে প্রতিহত করে, আমাদের অমরতা অসীমতাকে অপ্রমাণ করে—জগতের যে সীমায় যত্ন, যেখানে সমস্ত বস্তুর অবসান, সেইখানেই আমাদের প্রিয়তম প্রবলতম বাসনার, আমাদের শুচিতম স্কন্দরতম কল্পনার কোনো প্রতিবন্ধক নাই। আমাদের শিব আশানবাসী—আমাদের সর্বোচ্চ মঙ্গলের আদর্শ যত্নানিকেতনে।

মূলতান বারোয়ী শেষ করিয়া সূর্যাস্তকালের বর্ণাভ অঙ্ককারের মধ্যে নহবতে পুরবী বাজিতে লাগিল। সমীর বলিল,—মানুষ যত্নের পারে যে-সকল আশা-আকাঙ্ক্ষাকে নির্বাসিত করিয়া দিয়াছে, এই বাশির সুরে সেই সকল চিরাত্মসঙ্গ

হৃদয়ের ধনগুলিকে পুনর্বার মনুজলোকে ফিরাইয়া আনিতেছে। সাহিত্য এবং সংগীত এবং সমস্ত ললিতকলা, মনুজহৃদয়ের সমস্ত নিত্য পদার্থকে মৃত্যুর পরকালপ্রাপ্ত হইতে ইহজীবনের মাঝখানে আনিয়া প্রতিষ্ঠিত করিতেছে। বলিতেছে, পৃথিবীকে স্বর্গ, বাস্তবকে সুন্দর এবং এই কলিক জীবনকেই অমর করিতে হইবে। মৃত্যু যেমন জগতের অসীম রূপ বাস্তব করিয়া দিয়াছে; তাহাকে এক অনন্ত বাসরশয্যা এক পরমরহস্যের সহিত পরিণয়পাশে বদ্ধ করিয়া রাখিয়াছে; সেই রুদ্ধদার বাসরগৃহের গোপন বাতায়নপথ হইতে অনন্ত সৌন্দর্যের সৌগন্ধ এবং সংগীত আসিয়া আমাদের কাছে স্পর্শ করিতেছে; তেমনি সাহিত্যরস এবং কলারস আমাদের জড়ভারগ্রস্ত বিক্ষিপ্ত প্রাত্যহিক জীবনের মধ্যে প্রত্যক্ষের সহিত অপ্রত্যক্ষের, অনিত্যের সহিত নিত্যের, তুচ্ছের সহিত সুন্দরের, ব্যক্তিগত ক্ষুদ্র সুখদুঃখের সহিত বিশ্বব্যাপী বৃহৎ রাগিণীর যোগসাধন করিয়া তুলিতেছে। আমাদের সমস্ত প্রেমকে পৃথিবী হইতে প্রত্যাহরণ করিয়া মৃত্যুর পারে পাঠাইয়া দিব, না, এই পৃথিবীতেই রাখিব ইহা লইয়াই তর্ক। আমাদের প্রাচীন বৈরাগ্যধর্ম বলিতেছে, পরকালের মধ্যেই প্রকৃত প্রেমের স্থান—নবীন সাহিত্য এবং ললিতকলা বলিতেছে, ইহলোকেই আমরা তাহার স্থান দেখাইয়া দিতেছি।

কিতি কহিল,—এই প্রসঙ্গে আমি এক অপূর্ব রামায়ণ-কথা বলিয়া সভা ভঙ্গ করিতে ইচ্ছা করি।

রাজা রামচন্দ্র—অর্থাৎ মাহুঘ—প্রেম নামক সীতাকে নানা রাক্ষসের হাত হইতে রক্ষা করিয়া আনিয়া নিজের অযোধ্যাপুরীতে পরমসুখে বাস করিতেছিলেন। এমন সময় কতকগুলি ধর্মশাস্ত্র দল বাধিয়া এই প্রেমের নামে কলঙ্ক রটনা করিয়া দিল। বলিল, উনি অনিত্য পদার্থের সহিত একত্র বাস করিয়াছেন, উহাকে পরিত্যাগ করিতে হইবে। বাস্তবিক অনিত্যের ঘরে রুদ্ধ থাকিয়াও এই দেবাংশজাত রাজকুমারীকে যে কলঙ্ক স্পর্শ করিতে পারে নাই সে-কথা এখন কে প্রমাণ করিবে? এক, অগ্নিপরীক্ষা আছে, সে তো দেখা হইয়াছে—অগ্নিতে ইহাকে নষ্ট না করিয়া আরও উজ্জল করিয়া দিয়াছে। তবু শাস্ত্রের কানাকানিতে অবশেষে এই রাজা প্রেমকে একদিন মৃত্যু-ভয়সার তীরে নির্বাসিত করিয়া দিলেন। ইতিমধ্যে মহাকবি এবং তাঁহার শিষ্যবৃন্দের আশ্রয়ে থাকিয়া এই অনাধিনী, কুশ এবং লব কাব্য এবং ললিতকলা নামক সুগল-সম্ভান প্রসব করিয়াছেন। সেই ছুটি শিষ্যই কবির কাছে রাগিণী শিখা করিয়া 'রাজসভায় আজ তাহাদের পরিত্যক্তা জননী যশোগান করিতে আসিয়াছে। এই নবীন গায়কের গানে বিরহী রাজার চিত্ত চঞ্চল এবং

তাঁহার চক্ষু অশ্রুসিক্ত হইয়া উঠিয়াছে। এখনো উত্তরকাণ্ড সম্পূর্ণ শেষ হয় নাই। এখনো দেখিবার আছে—জয় হয় ত্যাগপ্রচারক প্রবীণ বৈরাগ্যার্থের, না, প্রেমমদন-গায়ক দুটি অমর শিশুর।

## বৈজ্ঞানিক কোতূহল

বিজ্ঞানের আদিম উৎপত্তি এবং চরম লক্ষ্য লইয়া ব্যোম এবং ক্রিতির মধ্যে মহা তর্ক বাধিয়া গিয়াছিল। তদুপলক্ষে ব্যোম কহিল,—

যদিও আমাদের কোতূহলবৃত্তি হইতেই বিজ্ঞানের উৎপত্তি, তথাপি, আমার বিশ্বাস, আমাদের কোতূহলটা ঠিক বিজ্ঞানের তন্নাশ করিতে বাহির হয় নাই; বরঞ্চ তাহার আকাঙ্ক্ষাটা সম্পূর্ণ অবৈজ্ঞানিক। সে খুঁজিতে যায় পরশ-পাথর, বাহির হইয়া পড়ে একটা প্রাচীন জীবের জীর্ণ বৃদ্ধাঙ্গুষ্ঠ; সে চায় আলাদিনের আশ্চর্য প্রদীপ, পাশ দেশালাইয়ের বাস্তু। আল্কিমিটাই তাহার মনোগত উদ্দেশ্য, কেমিস্ট্রী তাহার অপ্রার্থিত সিদ্ধি; অ্যাস্ট্রলজির জন্ত সে আকাশ ঘিরিয়া জাল ফেলে, কিন্তু হাতে উঠিয়া আসে অ্যাস্ট্রনমি। সে নিয়ম খোঁজে না, সে কার্যকারণশৃঙ্খলের নব নব অঙ্গুরি গণনা করিতে চায় না; সে খোঁজে নিয়মের বিচ্ছেদ; সে মনে করে কোন্ সময়ে এক জায়গায় আসিয়া হঠাৎ দেখিতে পাইবে, সেখানে কার্যকারণের অনন্ত পুনরুক্তি নাই। সে চায় অভূতপূর্ব নূতনত্ব—কিন্তু বৃদ্ধ বিজ্ঞান নিঃশব্দে তাহার পশ্চাৎ পশ্চাৎ আসিয়া তাহার সমস্ত নূতনকে পুরাতন করিয়া দেয়, তাহার ইন্দ্রধনুকে পরকলা-বিচ্ছুরিত বর্ণমালার পরিবর্তিত সংস্করণ, এবং পৃথিবীর গতিকে পকতালকল-পতনের সমশ্রেণীয় বলিয়া প্রমাণ করে।

ষে-নিয়ম আমাদের ধূলিকণার মধ্যে, অনন্ত আকাশ ও অনন্ত কালের সর্বত্রই সেই এক নিয়ম প্রসারিত; এই আবিষ্কারটি লইয়া আমরা আজকাল আনন্দ ও বিশ্বয় প্রকাশ করিয়া থাকি। কিন্তু এই আনন্দ এই বিশ্বয় মানুষের স্বার্থ স্বাভাবিক নহে; সে অনন্ত আকাশে জ্যোতিষ্করাজ্যের মধ্যে যখন অহুসহানদূত প্রেরণ করিয়াছিল তখন বড়ো আশা করিয়াছিল যে, ঐ জ্যোতিষ্কের অঙ্ককারময় ধামে ধূলিকণার নিয়ম নাই, সেখানে অত্যাশ্চর্য একটা স্বর্গীয় অনিয়মের উৎসব, কিন্তু এখন দেখিতেছে ঐ চন্দ্রসূর্য গ্রহনকত্র, ঐ সপ্তর্ষিমণ্ডল, ঐ অশ্বিনী-ভরণী-কৃত্তিকা আমাদের এই ধূলিকণারই জ্যেষ্ঠ কনিষ্ঠ সহোদর-সহোদরা। এই নূতন তথ্যটি লইয়া আমরা যে আনন্দ



প্রকাশ করি, তাহা আমাদের একটা নূতন কৃত্রিম অভ্যাস, তাহা আমাদের আদিম প্রকৃতিগত নহে।

সমীর কাহল,—সে কথা বড়ো মিথ্যা নহে। পরশপাথর এবং আলাদিনের এদীপের প্রতি প্রকৃতিস্থ মানুষমাত্রেয়ই একটা নিগূঢ় আকর্ষণ আছে। ছেলেবেলায় কথামালার এক গল্প পড়িয়াছিলাম যে, কোনো কৃষক মরিবার সময় তাহার পুত্রকে বলিয়া গিয়াছিল যে, অমুক ক্ষেত্রে তোমার জন্ত আমি গুপ্তধন রাখিয়া গেলাম। সে বেচারার বিস্তর খুঁড়িয়া গুপ্তধন পাইল না কিন্তু প্রচুর খননের গুণে সে জমিতে এত শস্ত জন্মিল যে, তাহার আর অভাব রহিল না। বালকপ্রকৃতি বালকমাত্রেয়ই এ গল্পটি পড়িয়া কষ্ট বোধ হইয়া থাকে। চাষ করিয়া শস্য তো পৃথিবীস্থ সকল চাষাই পাইতেছে কিন্তু গুপ্তধনটা গুপ্ত বলিয়াই পায় না; তাহা বিশ্বব্যাপী নিয়মের একটা ব্যভিচার, তাহা আকস্মিক, সেইজন্যই তাহা স্বভাবত মানুষের কাছে এত বেশি প্রার্থনীয়; কথামালা যাহাই বলুন, কৃষকের পুত্র তাহার পিতার প্রতি কৃতজ্ঞ হয় নাই সে বিষয়ে কোনো সন্দেহ নাই। বৈজ্ঞানিক নিয়মের প্রতি অবজ্ঞা মানুষের পক্ষে কত স্বাভাবিক আমরা প্রতিদিনই তাহার প্রমাণ পাই। যে-ডাক্তার নিপুণ চিকিৎসার দ্বারা অনেক রোগীর আরোগ্য করিয়া থাকেন, তাঁহার সম্বন্ধে আমরা বলি লোকটার "হাতঘশ" আছে; শাস্ত্রসংগত চিকিৎসার নিয়মে ডাক্তার রোগ আরাম করিতেছে এ কথায় আমাদের আন্তরিক তৃপ্তি নাই; উহার মধ্যে সাধারণ নিয়মের ব্যতিক্রমস্বরূপ একটা রহস্য আরোপ করিয়া তবে আমরা সন্তুষ্ট থাকি।

আমি কহিলাম,—তাহার কারণ এই যে, নিয়ম অনন্ত কাল ও অনন্ত দেশে প্রসারিত হইলেও তাহা সীমাবদ্ধ, সে আপন চিহ্নিত রেখা হইতে অণুপরিমাণ ইতস্তত করিতে পারে না, সেই জন্যই তাহার নাম নিয়ম এবং সেই জন্যই মানুষের কল্পনাকে সে পীড়া দেয়। শাস্ত্রসংগত চিকিৎসার কাছে আমরা অধিক আশা করিতে পারি না—এমন রোগ আছে যাহা চিকিৎসার অসাধ্য; কিন্তু এ পর্যন্ত হাতঘশ নামক একটা রহস্যময় ব্যাপারের ঠিক সীমানির্ণয় হয় নাই; এই জন্যই আমাদের আশাকে কল্পনাকে কোথাও কঠিন বাধা দেয় না। এই জন্যই ডাক্তারি ঔষধের চেয়ে অবধৌতিক ঔষধের আকর্ষণ অধিক। তাহার ফল যে কত দূর পর্যন্ত হইতে পারে তৎসম্বন্ধে আমাদের প্রত্যাশা সীমাবদ্ধ নহে। মানুষের যত অভিজ্ঞতা বৃদ্ধি হইতে থাকে, অমোঘ নিয়মের লৌহপ্রাচীরে যতই সে আঘাত প্রাপ্ত হয়, ততই মানুষ নিজের স্বাভাবিক অনন্ত আশাকে সীমাবদ্ধ করিয়া আনে, কোঁতুলবৃত্তির স্বাভাবিক নূতনত্বের আকাঙ্ক্ষা সংযত করিয়া আনে, নিয়মকে রাজপদে প্রতিষ্ঠিত

করে এবং প্রথমে অনিচ্ছাক্রমে পরে অভ্যাসক্রমে তাহার প্রতি একটা রাজভক্তির উল্লেখ করিয়া তোলে।

ব্যোম কহিল,—কিন্তু সে ভক্তি ষথার্থ অন্তরের ভক্তি নহে, তাহা কাজ আদায়ের ভক্তি। যখন নিতান্ত নিশ্চয় জানা যায় যে, জগৎকার্য অপরিবর্তনীয় নিয়মে বহু, তখন কাজেই পেটের দায়ে প্রাণের দায়ে তাহার নিকট ষাড়' হেঁট করিতে হয় ; তখন বিজ্ঞানের বাহিরে অনিশ্চয়ের হস্তে আত্মসমর্পণ করিতে সাহস হয় না ; তখন মাদুলি তাগা জলপড়া প্রভৃতিকে গ্রহণ করিতে হইলে ইলেক্টিসিটি, ম্যাগনেটিজ্‌ম, হিপ্নটিজ্‌ম প্রভৃতি বিজ্ঞানের জাল মার্কা দেখিয়া আপনাকে ভুলাইতে হয়। আমরা নিয়ম অপেক্ষা অনিয়মকে যে ভালোবাসি তাহার একটা গোড়ার কারণ আছে। আমাদের নিজের মধ্যে এক জায়গায় আমরা নিয়মের বিচ্ছেদ দেখিতে পাই। আমাদের ইচ্ছাশক্তি সকল নিয়মের বাহিরে—সে স্বাধীন ; অন্তত আমরা সেইরূপ অনুভব করি। আমাদের অন্তর-প্রকৃতিগত সেই স্বাধীনতার সাদৃশ্য বাহ্যপ্রকৃতির মধ্যে উপলব্ধি করিতে স্বভাবতই আমাদের আনন্দ হয়। ইচ্ছার প্রতি ইচ্ছার আকর্ষণ অত্যন্ত প্রবল ; ইচ্ছার সহিত যে দান আমরা প্রাপ্ত হই, সে দান আমাদের কাছে অধিকতর প্রিয় ; সেবা যতই পাই তাহার সহিত ইচ্ছার যোগ না থাকিলে তাহা আমাদের নিকট ক্রচিকর বোধ হয় না। সেই জন্ত, যখন জানিতাম যে, ইন্দ্র আমাদের বৃষ্টি দিতেছেন, মরুৎ আমাদের বায়ু জোগাইতেছেন, অগ্নি আমাদের দীপ্তি দান করিতেছেন, তখন সেই জ্ঞানের মধ্যে আমাদের একটা আন্তরিক তৃপ্তি ছিল ; এখন জানি, রৌদ্রবৃষ্টিবায়ুর মধ্যে ইচ্ছা-অনিচ্ছা নাই, তাহার বোধ্য-অবোধ্য প্রিয়-অপ্রিয় বিচার না করিয়া নির্বিকারে ষথানিয়মে কাজ করে ; আকাশে জলীয় অণু শীতল বায়ুসংযোগে সংহত হইলেই সাধুর পবিত্র মস্তকে বসিত হইয়া সর্দি উৎপাদন করিবে এবং অসাধুর কুম্বাণ্ডমঞ্চে জলসিঞ্চন করিতে কুণ্ঠিত হইবে না—বিজ্ঞান আলোচনা করিতে করিতে ইহা আমাদের ক্রমে একরূপ সঙ্গ হইয়া আসে, কিন্তু বস্তুত ইহা আমাদের ভালোই লাগে না।

আমি কহিলাম,—পূর্বে আমরা যেখানে স্বাধীন ইচ্ছার কর্তৃত্ব অনুমান করিয়াছিলাম, এখন সেখানে নিয়মের অঙ্ক শাসন দেখিতে পাই, সেই জন্ত বিজ্ঞান আলোচনা করিলে জগৎকে নিরানন্দ ইচ্ছাসম্পর্কবিহীন বলিয়া মনে হয়। কিন্তু ইচ্ছা এবং আনন্দ যত কণ আমার অন্তরে আছে, তত কণ জগতের অন্তরে তাহাকে অনুভব করিতেই হইবে—পূর্বে তাহাকে যেখানে কল্পনা করিয়াছিলাম সেখানে না হউক তাহার অন্তরতম অন্তরতম স্থানে তাহাকে প্রতিষ্ঠিত না জানিলে আমাদের অন্তরতম প্রকৃতির প্রতি

ব্যক্তিচার করা হয়। আমার মধ্যে সমস্ত বিশ্বনিয়মের যে একটি ব্যতিক্রম আছে, জগতে কোথাও তাহার একটা মূল আদর্শ নাই, ইহা আমাদের অন্তরাত্মা স্বীকার করিতে চাহে না। এই জন্ত আমাদের ইচ্ছা একটা বিশ্ব-ইচ্ছার, আমাদের প্রেম একটা বিশ্বপ্রেমের নিগূঢ় অপেক্ষা না রাখিয়া বাঁচিতে পারে না।

সমীর কহিল,—জড়প্রকৃতির সর্বত্রই নিয়মের প্রাচীর চীনদেশের প্রাচীরের অপেক্ষা দৃঢ়, প্রশস্ত ও অভ্রভেদী; হঠাৎ মানব-প্রকৃতির মধ্যে একটা ক্ষুদ্র ছিদ্র বাহির হইয়াছে; সেইখানে চক্ষু দিয়াই আমরা এক আশ্চর্য আবিষ্কার করিয়াছি, দেখিয়াছি প্রাচীরের পরপারে এক অনন্ত অনিয়ম রহিয়াছে; এই ছিদ্রপথে তাহার সহিত আমাদের যোগ; সেইখান হইতেই সমস্ত সৌন্দর্য স্বাধীনতা প্রেম আনন্দ প্রবাহিত হইয়া আসিতেছে। সেইজন্য এই সৌন্দর্য ও প্রেমকে কোনো বিজ্ঞানের নিয়মে বাঁধিতে পারিল না।

এমন সময়ে স্রোতধিনী গৃহে প্রবেশ করিয়া সমীরকে কহিল,—সেদিন দীপ্তির পিয়ানো বাজাইবার স্বরলিপি বইখানা তোমরা এত করিয়া খুঁজিতেছিলে, সেটার কী দশা হইয়াছে জান?

সমীর কহিল,—না।

স্রোতধিনী কহিল,—রাত্রে ইঁদুরে তাহা কুটি কুটি করিয়া কাটিয়া পিয়ানোর তারের মধ্যে ছড়াইয়া রাখিয়াছে। একরূপ অনাবশ্যক কৃতি করিবার তো কোনো উদ্দেশ্য খুঁজিয়া পাওয়া যায় না।

সমীর কহিল,—উক্ত ইন্দুরটি বোধ করি ইন্দুরবংশে একটি বিশেষক্ষমতাসম্পন্ন বৈজ্ঞানিক। বিস্তর গবেষণায় সে বাজনার বহির সহিত বাজনার তারের একটা সম্বন্ধ অনুমান করিতে পারিয়াছে। এখন সমস্ত রাত ধরিয়া পরীক্ষা চালাইতেছে। বিচিত্র ঐকতানপূর্ণ সংগীতের আশ্চর্য রহস্য ভেদ করিবার চেষ্টা করিতেছে। তীক্ষ্ণ দৃষ্টিগ্রভাগ দ্বারা বাজনার বহির ক্রমাগত বিশ্লেষণ করিতেছে, পিয়ানোর তারের সহিত তাহাকে নানাভাবে একত্র করিয়া দেখিতেছে। এখন বাজনার বই কাটিতে শুরু করিয়াছে, ক্রমে বাজনার তার কাটিবে, কাঠ কাটিবে, বাজনাটাকে শতছিন্ন করিয়া সেই ছিদ্রপথে আপন সূক্ষ্ম নাসিকা ও চঞ্চল কোতুহল প্রবেশ করাইয়া দিবে—যাবে হইতে সংগীতও ততই উত্তরোত্তর সূদূরপরাহত হইবে। আমার মনে এই তর্ক উদয় হইতেছে যে, ইন্দুরকুলতিলক যে উপায় অবলম্বন করিয়াছে তাহাতে তার এবং কাগজের উপাদানসম্বন্ধে নূতন তত্ত্ব আবিষ্কৃত হইতে পারে কিন্তু উক্ত কাগজের সহিত উক্ত তারের স্বার্থ যে সম্বন্ধ তাহা কি শতসহস্র বৎসরেও বাহির হইবে? অবশেষে কি

সংশয়পরায়ণ নব্য ইন্দুদিগের মনে এইরূপ একটা বিতর্ক উপস্থিত হইবে না যে, কাগজ কেবল কাগজ মাত্র, এবং তার কেবল তার ;—কোনো জ্ঞানবান জীবকর্তৃক উহাদের মধ্যে যে একটা আনন্দজনক উদ্দেশ্যবদ্ধন বদ্ধ হইয়াছে তাহা কেবল প্রাচীন হিন্দুদিগের যুক্তিহীন সংস্কার ; সেই সংস্কারের কেবল একটা এই শুভফল দেখা যাইতেছে যে, তাহারই প্রবর্তনায় অহুসঙ্কানে প্রবৃত্ত হইয়া তার এবং কাগজের আপেক্ষিক কঠিনতা সম্বন্ধে অনেক পরীক্ষা সম্পন্ন হইয়াছে ।

কিন্তু এক-এক দিন গহ্বরের গভীরতলে দস্তচালনকার্ধে নিযুক্ত থাকিয়া মাঝে মাঝে অপূর্ব সংগীতধ্বনি কর্ণকুহরে প্রবেশ করে এবং অস্তঃকরণকে ক্ষণকালের জন্য মোহাবিষ্ট করিয়া দেয় । সেটা ব্যাপারটা কী ? সে একটা রহস্য বটে । কিন্তু সে রহস্য নিশ্চয়ই কাগজ এবং তার সম্বন্ধে অহুসঙ্কান করিতে করিতে ক্রমশ শতছিন্ন আকারে উদ্ঘাটিত হইয়া যাইবে ।

## গ্রন্থ-পরিচয়

[ রচনাবলীর বর্তমান খণ্ডে মুদ্রিত গ্রন্থগুলির প্রথম সংস্করণ, বর্তমানে স্বতন্ত্র গ্রন্থাকারে প্রচলিত সংস্করণ, ও রচনাবলীর সংস্করণ, এই তিনটির পার্থক্য সংক্ষেপে ও সাধারণভাবে নির্দেশ করা গেল। পূর্ণতর তথ্যসংগ্রহ সর্বশেষ খণ্ডে একটি পঞ্জীতে সংকলিত হইবে। ]

### ভানুসিংহ ঠাকুরের পদাবলী

ভানুসিংহ ঠাকুরের পদাবলী ১২২১ সালে গ্রন্থাকারে প্রকাশিত হয়। প্রথম সংস্করণের আখ্যাপত্রে রবীন্দ্রনাথ নিজেকে প্রকাশকরূপে বিজ্ঞাপিত করিয়াছিলেন। প্রকাশকের বিজ্ঞাপনে লিখিত হইয়াছে,

“ভানুসিংহের পদাবলী শৈশব সংগীতের আনুষ্ঠানিক স্বরূপে প্রকাশিত হইল। ইহার অধিকাংশই পুরাতন কালের খাতা হইতে সন্ধান করিয়া বাহির করিয়াছি। প্রকাশক।”

ভানুসিংহ ঠাকুরের পদাবলীতে প্রকাশিত দুইটি কবিতা ( “আজু সখি মুহ মুহ” ও “মরণ রে তুঁহ মম শ্রাম সমান” ) পূর্বে ছবি ও গানের প্রথম সংস্করণে সন্নিবিষ্ট হইয়াছিল, পরে ছবি ও গান হইতে বর্জিত হয়। “কো তুঁহ বোলবি মোয়” কবিতাটি ভানুসিংহ ঠাকুরের পদাবলীর প্রথম সংস্করণের অন্তর্গত হয় নাই। উহা প্রথমে কড়ি ও কোমলের প্রথম সংস্করণে সংকলিত হইয়াছিল, পরে কড়ি ও কোমল হইতে বর্জিত ও পদাবলীতে সংকলিত হয়।

ভানুসিংহ ঠাকুরের পদাবলীর প্রথম সংস্করণের ১৫নং কবিতা “সখি রে পিরীত বুঝবে কে” ও ১৬নং কবিতা “হম সখি দারিদ নারী” পরবর্তী কালে বর্জিত হয়। এই দুইটি ব্যতীত প্রথম সংস্করণের অন্যান্য কবিতা, ও “কো তুঁহ” কবিতা বর্তমানে প্রচলিত স্বতন্ত্র সংস্করণে মুদ্রিত আছে, তবে অনেকগুলি অন্তর্বিস্তার পরিবর্তিত বা খণ্ডিত হইয়াছে। রচনাবলীতে বর্তমান সংস্করণ অক্ষুণ্ণ হইয়াছে।

জীবনস্মৃতিতে “ভানুসিংহের কবিতা” শীর্ষক প্রবন্ধে কবি ভানুসিংহ ঠাকুরের পদাবলী সম্বন্ধে আলোচনা করিয়াছেন। এই গ্রন্থের মাত্র দুইটি কবিতা ( “মরণ রে তুঁহ মম শ্রাম সমান” ও “কো তুঁহ বোলবি মোয়” )। স্বীকারযোগ্য, সঙ্কল্পিত কবি এইরূপ মন্তব্য করিয়াছেন।

ভানুসিংহ ঠাকুরের পদাবলী রচনাকাল হিসাবে সঙ্ঘাসংগীতেরও পূর্ববর্তী হইলেও, পূর্ববিজ্ঞপ্তি অনুসারে গ্রন্থপ্রকাশকাল অবলম্বন করিয়া ইহাকে রচনাবলীতে পরে বসানো হইয়াছে।

ভানুসিংহ ঠাকুরের পদাবলীর প্রথম সংস্করণে কবিতাগুলির পাদটীকায় ছরুহ শব্দের অর্থনির্দেশ ও আরম্ভে সুরনির্দেশ করিয়া দেওয়া হইয়াছিল। “সজনী গো, শাউন গগনে” প্রভৃতি এখনও সংগীতরূপে প্রচারিত আছে।

### কড়ি ও কোমল

কড়ি ও কোমল আশুতোষ চৌধুরী মহাশয় কর্তৃক সম্পাদিত হইয়া ১২২৩ সালে গ্রন্থাকারে প্রকাশিত হয়। আশুতোষ চৌধুরী এই কবিতাগুলি “যথোচিত পর্যায়ে সাজাইয়া” প্রকাশ করিয়াছিলেন।

“তাঁহারই পরে প্রকাশের ভার দেওয়া হইয়াছিল। ‘মরিতে চাহি না আমি সুন্দর ভুবনে’—এই চতুদশপদী কবিতাটি তিনিই গ্রন্থের প্রথমেই [গ্রন্থারম্ভের পূর্বে, প্রবেশকরূপে] বসাইয়া দিলেন। তাঁহার মতে এই কবিতাটির মধ্যেই সমস্ত গ্রন্থের মর্মকথাটি আছে।”—জীবনস্মৃতি

জীবনস্মৃতিতে “শ্রীবৃক্ক আশুতোষ চৌধুরী” ও “কড়ি ও কোমল” প্রবন্ধদ্বয়ের কবি কড়ি ও কোমল সম্বন্ধে বিস্তারিত আলোচনা করিয়াছেন। সঙ্ঘিতার ভূমিকায় কড়ি ও কোমল সম্বন্ধে তিনি মন্তব্য করিয়াছেন,

“কড়ি ও কোমলে অনেক ত্যাগ্য জিনিস আছে কিন্তু সেই পর্বে আমার কাব্য-ভূসংস্থানে ডাঙা ঝেগে উঠতে আরম্ভ করেছে।”

কড়ি ও কোমলের বর্তমান ভূমিকাটি ( “কবির মন্তব্য” ) রচনাবলী-সংস্করণের অন্ত নূতন লিখিত।

কড়ি ও কোমলের প্রথম সংস্করণে মুদ্রিত নিম্নোক্ত কবিতাগুলি পরবর্তীকালে বর্জিত হইয়াছে। তন্মধ্যে প্রথম চারিটি কবিতা শ্রীইন্দিরা দেবীকে পত্ররূপে লিখিত হইয়াছিল।

পত্র ( “মাগো আমার লক্ষ্মী” )

পত্র ( “বসে বসে লিখলেম চিঠি” )

অন্নতিথির উপহার ( একটি কাঠের বাক্স—“স্নেহ উপহার এনেছি রে” )

চিঠি ( “চিঠি লিখব কথা ছিল” )

শরতের শুকতারা ( "একাদশী রজনী পোহার ধীরে ধীরে" )

কো তুঁহ ( "কো তুঁহ বোলবি মোর" )

পত্র ( "দামু বোস আর চামু বোসে কাগজ বেনিয়েছে" )

এই কবিতাগুলির মধ্যে "কো তুঁহ" গবে ভানুসিংহ ঠাকুরের পদাবলীতে সংকলিত হইয়াছে, একথা \* পূর্বেই উল্লেখ করা হইয়াছে। "পত্র" ( "মাগো আমার লক্ষী" ) "জন্মতিথির উপহার", "চিঠি" ও "শরতের শুকতারা" "শিশু" গ্রন্থে পরিবর্তিত আকারে "বিচ্ছেদ", "উপহার", "পরিচয়" ও "অন্তস্বামী" নামে সংকলিত হইয়াছে। প্রথম সংস্করণের অন্ত কবিতাগুলি বর্তমানে প্রচলিত স্বতন্ত্র সংস্করণের অন্তর্গত আছে। বর্তমান স্বতন্ত্র সংস্করণের কয়েকটি কবিতা রচনাবলী-সংস্করণ কড়ি ও কোমল হইতে পরিত্যক্ত হইল, সেগুলি অন্ত গ্রন্থে সংকলিত হইবে।

"বিদেশী ফুলের গুচ্ছ" শীর্ষক কবিতাগুলি ( ও ইহার পূর্ব ও পরবর্তীকালে রচিত অমুবাদ-কবিতাগুলি ) রচনাবলীতে একটি স্বতন্ত্র অমুবাদ-বিভাগে সংকলিত হইবে।

নিম্নলিখিত কবিতাগুলি পরবর্তীকালে শিশু গ্রন্থেও মুদ্রিত হইয়াছিল, বর্তমানেও মুদ্রিত আছে। রচনাবলীতে সেগুলি কড়ি ও কোমল হইতে বর্জিত হইল; শিশুতেই সেগুলি মুদ্রিত হইবে।

বিষ্টি পড়ে টাপুর টুপুর ( "দিনের আলো নিবে এল" )

সাত ভাই চম্পা ( "সাতটি চাপা সাতটি গাছে" )

পুরানো বট ( "লুটিয়ে পড়ে জটিল জটা" )

হাসিরাশি ( "নাম রেখেছি বাবলারানী" )

মা লক্ষী ( "কায় পানে মা, চেয়ে আছি" )

আকুল আহ্বান ( "অভিমান করে কোথায় গেলি" )

মায়ের আশা ( "ফুলের দিনে সে যে চলে গেল" )

পাখির পালক ( "খেলাধুলো সব রহিল পড়িয়া" )

আশীর্বাদ ( "ইহাদের করে আশীর্বাদ" )

এই গ্রন্থে বলা আবশ্যক যে, উল্লিখিত কবিতাগুলি ব্যতীত, কড়ি ও কোমলের আরও কতকগুলি কবিতা শিশুতে সংকলিত হইয়াছিল। রচনাবলীতে সেগুলি কড়ি ও কোমলেরই অন্তর্ভুক্ত রাখা হইল, রচনাবলী-সংস্করণ শিশু হইতে সেগুলি পরিত্যক্ত হইবে।

"বিদায় করেছ যারে নয়নজলে" এই গানটি মায়ার খেলাতে মুদ্রিত হইয়াছে বলিয়া রচনাবলীতে কড়ি ও কোমল হইতে পরিত্যক্ত হইল।

“মঙ্গলগীত” শীর্ষক কবিতাগুলি শ্রীইন্দিরা দেবীকে পত্রাকারে লিখিত হইয়াছিল।

### মানসী

মানসী ১২২৭ সালে গ্রন্থাকারে প্রকাশিত হয়।

রবীন্দ্রনাথের মতে মানসী তাঁহার সর্বপ্রথম কাব্যপদবাচ্য ‘রচনা, সঞ্চয়িতার ভূমিকায় তিনি লিখিয়াছেন,

“মানসী থেকে আরম্ভ করে বাকি বইগুলির কবিতায় ভালো মন্দ মাঝারির ভেদ আছে কিন্তু আমার আদর্শ অনুসারে ওরা প্রবেশিকা অতিক্রম করে কবিতার শ্রেণীতে উত্তীর্ণ হয়েছে।”

মানসীর “শুকগোবিন্দ” ও “নিফল উপহার” কবিতা দুইটি কথা ও কাহিনীতেও সংকলিত হয়; রচনাবলীতে ঐ দুইটি কবিতা মানসী হইতে পরিত্যক্ত হইল, কথা ও কাহিনীতেই উহা মুদ্রিত হইবে।

“শেষ উপহার” কবিতাটি সম্বন্ধে প্রথম সংস্করণে গ্রন্থকারের ভূমিকায় লিখিত আছে,

“শেষ উপহার” নামক কবিতাটি আমার কোনো বন্ধুর রচিত এক ইংরেজি কবিতা অবলম্বন করিয়া রচনা করিয়াছি। মূল কবিতাটি এখানে উদ্ধৃত করিবার ইচ্ছা ছিল—কিন্তু আমার বন্ধু সম্প্রতি সূদূর প্রবাসে থাকা প্রযুক্ত তাহা পারিলাম না।”

লোকেন্দ্রনাথ পালিত মহাশয়ের একটি ইংরেজি কবিতা পড়িয়া শেষ উপহার কবিতার ভাব কবির মনে উদ্ভিত হইয়াছিল, রবীন্দ্রনাথ এইরূপ বলিয়াছেন।

“তবু” কবিতাটিকে কবি কিছু পরিবর্তন করিয়া স্মৃতি-রূপ দিয়াছেন।

“পত্র” ও “শ্রাবণের পত্র” কবিতা দুইটি শ্রীশচন্দ্র মজুমদার মহাশয়কে লিখিত।

“ধর্মপ্রচার” কবিতাটি সমসাময়িক ঘটনা অবলম্বনে লিখিত। “২৮ জ্যৈষ্ঠ সঞ্জীবনীতে ‘এই কি পুরুষার্থ’ প্রবন্ধ পাঠ করিয়া”—এইরূপ মন্তব্য কবিতাটির পাণ্ডুলিপিতে লিখিত আছে।

### রাজর্ষি

রাজর্ষি ১২২৩ সালে গ্রন্থাকারে প্রকাশিত হয়। রাজর্ষির গল্পটি অংশতঃ স্বপ্নস্বপ্ন, স্বপ্নের সহিত ত্রিপুরার পুরাবৃত্ত যোগে ইহার রচনা। এই স্বপ্ন সম্বন্ধে রবীন্দ্রনাথ জীবনস্মৃতিতে লিখিয়াছেন,



“ছবি ও গান ও কড়ি ও কোমল-এর মাঝখানে বালক নামে একখানি মাসিক পত্র এক বৎসরের ওষধির মত ফসল ফলাইয়া লীলাসম্বরণ করিল।... ছুই-এক সংখ্যা বালক বাহির হইবার পর ছুই-এক দিনের জন্ত দেওঘরে রাজনারায়ণ বাবুকে দেখিতে যাই। কলিকাতা ফিরিবার সময় রাজের গাড়িতে ভিড় ছিল; ভালো করিয়া ঘুম হইতেছিল না,—ঠিক চোখের উপরে আলো জলিতেছিল। মনে করিলাম ঘুম বধন হইবেই না তখন এই স্বপ্নে বালক-এর জন্ত একটা গল্প ভাবিয়া রাখি। গল্প ভাবিবার ব্যর্থ চেষ্টার টানে গল্প আসিল না, ঘুম আসিয়া পড়িল। স্বপ্ন দেখিলাম, কোন্ এক মন্দিরের সিঁড়ির উপর বলির রক্তচিহ্ন দেখিয়া একটি বালিকা অত্যন্ত করুণ ব্যাকুলতার সঙ্গে তাহার বাপকে জিজ্ঞাসা করিতেছে—বাবা, এ কি! এ যে রক্ত! বালিকার এই কাতরতার তাহার বাপ অন্তরে ব্যথিত হইয়া অথচ বাহিরে রাগের ভান করিয়া কোনোমতে তার প্রশ্নটাকে চাপা দিতে চেষ্টা করিতেছে।—জাগিয়া উঠিয়াই মনে হইল, এটি আমার স্বপ্নলব্ধ গল্প। এমন স্বপ্নে পাওয়া গল্প এবং অল্প লেখা আমার আরো আছে। এই স্বপ্নটির সঙ্গে ত্রিপুরার রাজা গোবিন্দমাণিক্যের পুরাবৃত্ত মিশাইয়া “রাজর্ষি” গল্প মাসে মাসে লিখিতে লিখিতে বালক-এ বাহির করিতে লাগিলাম।”

ত্রিপুরার মহারাজ বীরচন্দ্রমাণিক্য কবিকে গোবিন্দমাণিক্যের ইতিহাস পাঠাইয়া ছিলেন। তাহা রাজর্ষির প্রথম সংস্করণে পরিশিষ্টরূপে প্রকাশিত হইয়াছিল। নন্দ্রাজ্যের ত্রিপুরা অধিকার ও গোবিন্দমাণিক্যের স্ব-ইচ্ছায় সিংহাসন ত্যাগ এবং নন্দ্রাজ্যের মৃত্যুর পর গোবিন্দমাণিক্যের রাজ্যভার পুনর্গ্রহণ প্রভৃতি এই ইতিবৃত্তে বর্ণিত আছে।

বিভিন্ন সংস্করণে রাজর্ষির অনেক অংশ বর্জিত হয়, চত্বারিংশ ও একচত্বারিংশ পরিচ্ছেদ সম্পূর্ণ বর্জিতও হইয়াছিল। ১৩৩১ সালে প্রকাশিত বিশ্বভারতী-সংস্করণে ঐ দুইটি পরিচ্ছেদ ও অন্যান্য অনেক বর্জিত অংশ পুনঃসংকলিত হয়। রচনাবলী-সংস্করণ প্রথম ও দ্বিতীয় সংস্করণের সহায়তার নূতন প্রস্তুত হইল; ইহাতে উক্ত বর্জিত পরিচ্ছেদগুলি সংগৃহীত হইয়াছে, অন্যান্য বর্জিত অংশ প্রয়োজনমত সংকলিত হইয়াছে, এবং প্রথম, দ্বিতীয় ও আধুনিক সংস্করণের সহায়তার বিভিন্নস্থানে পাঠসংশোধন করা হইয়াছে।

## বিসর্জন

বিসর্জন “রাজর্ষি উপন্যাসের প্রথমাংশ হইতে নাট্যাকারে রচিত” ও ১২২৭ সালে গ্রন্থাকারে প্রকাশিত হয়।

১৩০৩ সালের কাব্যগ্রন্থাবলীর সংকলনে বিসর্জনের বহুল পরিবর্তন সাধিত হয়— অনেকগুলি দৃশ্য সংক্ষিপ্ত হয়, নূতন লিখিত কোনো কোনো অংশ যোজিত হয়; কোনো কোনো অংশ পরিবর্তিত হয়, ও কয়েকটি দৃশ্য সম্পূর্ণ বর্জিত হয়। এই সকল পরিবর্তনের ফলে প্রথম সংস্করণে বর্ণিত অনেকগুলি চরিত্রও সম্পূর্ণ পরিত্যক্ত হয়, যথা, হাসি, হাসির কাকা কেদারেশ্বর, অপর্ণার অঙ্ক পিতা, ইত্যাদি।

১৩০৬ সালে বিসর্জনের “দ্বিতীয় সংস্করণ” প্রকাশিত হয়। এই সংস্করণের প্রধান পরিবর্তন—পঞ্চম অঙ্কের শেষ দৃশ্বে “পুষ্প-অর্ঘ্য লইয়া গোবিন্দমাণিক্যের প্রবেশ” ও তৎপরবর্তী অংশের যোজনা।

কাব্যগ্রন্থাবলী-সংস্করণ ও দ্বিতীয় সংস্করণের উল্লেখযোগ্য অন্ত পার্থক্য পঞ্চম অঙ্কের দৃশ্যবিভাগগত। কাব্যগ্রন্থাবলী-সংস্করণের পঞ্চম অঙ্কের চারিটি স্বতন্ত্র দৃশ্য দ্বিতীয় সংস্করণে দুইটি দৃশ্বে পরিণত হয়—কাব্যগ্রন্থাবলী-সংস্করণের পঞ্চম অঙ্কের প্রথম ও চতুর্থ দৃশ্য যুক্ত করিয়া দ্বিতীয় সংস্করণের পঞ্চম অঙ্কের দ্বিতীয় ( বা শেষ ) দৃশ্য করা হয়; কাব্যগ্রন্থাবলী-সংস্করণের পঞ্চম অঙ্কের দ্বিতীয় ও তৃতীয় দৃশ্য যুক্ত করিয়া দ্বিতীয় সংস্করণের প্রথম দৃশ্য করা হয়। পঞ্চম অঙ্কের এই দৃশ্যবিভাগে বর্তমানে প্রচলিত সংস্করণ ও রচনাবলী-সংস্করণ কাব্যগ্রন্থাবলী-সংস্করণের অনুরূপ; দ্বিতীয় সংস্করণে শেষ দৃশ্বে নূতন যোজিত অংশটি বর্তমান ও রচনাবলী-সংস্করণে আছে।

১৩৩৩ সালে বিসর্জনের একটি নূতন সংস্করণ প্রকাশিত হয়। ইহাতে “প্রথম সংস্করণের অনেকগুলি পরিত্যক্ত অংশ পুনরুদ্ধার করা হইয়াছে; এবং ১৩৩০ সালে লেখা সম্পূর্ণ নূতন একটি অংশও যোগ করিয়া দেওয়া হইয়াছে। সেইজন্য .. [ এই ] সংস্করণে কবি অঙ্ক ও দৃশ্য বিভাগ সম্পূর্ণ নূতন করিয়া সাজাইয়াছেন।” এই সংস্করণ পরে পরিত্যক্ত হয় এবং কাব্যগ্রন্থাবলী-সংস্করণ ও দ্বিতীয় সংস্করণ অবলম্বনে একটি নূতন সংস্করণ প্রকাশিত হয়, উহাই বর্তমানে প্রচলিত। রচনাবলীতে বর্তমান সংস্করণই অনুল্লভ হইয়াছে, তবে পুরাতন সংস্করণগুলির সহায়তায় বিভিন্ন স্থানে পাঠসংশোধন করা হইয়াছে।

### চিঠিপত্র

চিঠিপত্র ১২০৪ সালে গ্রন্থাকারে প্রকাশিত হয়। পরে ইহা ১৩১৪-১৫ সালের গণগ্রন্থাবলীর অন্তর্গত সমাজ গ্রন্থে সংকলিত হয়, স্বতন্ত্র গ্রন্থাকারে প্রচলিত ছিল না। রচনাবলীতে ইহা পুনরায় স্বতন্ত্র গ্রন্থাকারে সংকলিত হইল।

### পঞ্চভূত

পঞ্চভূত ১৩০৪ সালে গ্রন্থাকারে প্রকাশিত হয়। পরে স্থানে স্থানে পরিবর্তিত ও পরিবর্তিত হইয়া ইহা গণগ্রন্থাবলীর অন্তর্গত বিচিত্র প্রবন্ধে স্থান লাভ করে, স্বতন্ত্র গ্রন্থাকারে প্রচলিত ছিল না। বিচিত্র প্রবন্ধ হইতে পঞ্চভূত-অংশ বিচ্ছিন্ন করিয়া ১৩৪২ সালে পঞ্চভূতের একটি স্বতন্ত্র নূতন সংস্করণ প্রকাশিত হয়; প্রথম সংস্করণ হইতে বর্জিত অংশগুলি প্রায় সবই এই সংস্করণে পুনরায় যোজিত হয় ও নূতন লিখিত কোনো কোনো অংশ সন্নিবিষ্ট হয়। বর্তমানে প্রচলিত এই সংস্করণই রচনাবলীতে অনুল্লসিত হইয়াছে; তবে প্রথম সংস্করণের সহিত মিলাইয়া বিভিন্ন স্থানে পাঠসংশোধন করা হইয়াছে।



## বর্ণানুক্রমিক সূচী

অকুল সাগর মাঝে চলেছে ভাসিয়া	...	...	২৭১
অক্ষমতা	...	...	২২
অধগুতা	...	...	৫৮৮
অঞ্চলের বাতাস	...	...	৮১
অধরের কানে যেন অধরের ভাষা	...	...	৭৮
অনন্ত প্রেম	...	..	২৫৩
অনন্ত দিবসরাত্রি কালের উচ্ছ্বাস	...	...	২৫
অঙ্ককার তরুশাখা দিয়ে	...	...	২৬৬
অপূর্ব রামায়ণ	...	...	৬৩৬
অপেক্ষা	...	...	১২২
অপ্রস্রোতে ক্ষীত হয়ে বহে বৈতরণী	...	...	২৩
অন্তমান রবি	...	...	২৭
অস্তাচলের পরপারে	...	...	২৭
অহল্যার প্রতি	...	...	২৬৩
আকাঙ্ক্ষা	...	...	৭২, ১৪১
আগন্তুক	...	...	২৭০
আকাশের দুই দিক হতে	...	...	৭৫
আজ কি তপন তুমি যাবে অস্তাচলে	...	...	২৭
আজি শরত-তপনে প্রভাত-স্বপনে	...	...	৭২
আজু সখি মূহ মূহ	...	...	১৫
আত্ম-অপমান	...	..	১০৪
আত্মসমর্পণ	...	...	১৩০
আত্মাভিমান	...	...	১০৩
আনন্দময়ীর আগমনে	...	...	৩২
আপন প্রাণের গোপন বাসনা	...	...	২৪৫
আপনি কণ্টক আমি, আপনি অর্জয়	...	...	১০৩

আবার মোরে পাগল করে	...	...	১২৭
আমায় ছ-জনায় মিলে	...	...	৪৫২
আমায় ব'লো না গাহিতে ব'লো না	...	...	১০২
আমায় এ গান তুমি যাও সাথে করে	...	...	২৭
আমায় এ গান, মাগো, শুধু কি নিমেষে	...	...	৬২
আমায় যৌবন-স্বপ্নে যেন ছেয়ে আছে	...	...	৭৫
আমায় স্থখ	...	...	২৭৭
আমারে কে নিবি ভাই সঁপিতে চাই	...	...	৩২৪
আমারে ডেকো না আজি এ নহে সময়	...	...	১০১
আমি একলা চলেছি এ ভবে	...	...	২২৬
আমি এ কেবল মিছে বলি	...	...	১৩০
আমি ধরা দিয়েছি গো আকাশের পাখি	...	...	৮০
আমি নিশি নিশি কত রচিব শয়ন	...	..	৬৮
আমি রাত্রি, তুমি ফুল	...	...	২৭৪
আমি শুধু মালা গাঁথি ছোটো ছোটো ফুলে	...	...	৭৪
আর্দ্র তীব্র পূর্ব বায়ু বহিতেছে বেগে	...	...	১৪১
আশঙ্কা	...	...	২৫৫
আহ্বান-গীত	...	...	১১০
উপকথা	...	...	৩৫
উপরে স্রোতের স্তরে ভাসে চরাচর	...	...	২৪
উপহার	...	...	১১৭
উচ্ছ্বল	...	...	২৬৭
উল্কিনী নাচে রণরঙ্গে	...	...	৩১০
একদা এলোচূলে কোন ভূলে ভুলিয়া	...	...	১২৬
একাল ও সকাল	...	...	১৩৩
এত বড়ো এ ধরণী মহাসিন্ধু ঘেরা	...	...	৫৫
এমন দিনে তারে বলা যায়	...	...	২৪২
এ মুখের পানে চাহিয়া রয়েছ	...	...	২৬৭
এ মোহ ক-দিন থাকে, এ মায়া মিলায়	...	...	৮৮
এ যেন রে অভিশপ্ত প্রেতের পিপাসা	...	...	২২

বর্গাক্রমিক সূচী

৬৫৫

এ শুধু অলস মায়া, এ শুধু মেঘের খেলা	...	...	২১
এস, ছেড়ে এস সখী, কুসুম-শয়ন	...	...	২০
ওই তুখানি তব আমি ভালোবাসি	...	...	৮২
ওই দেহপানে চেয়ে পড়ে মোর মনে	...	...	৮২
ওই যে সৌন্দর্য লাগি পাগল ভুবন	...	...	১৬৪
ওই শোনো, ভাই বিত্ত	...	...	২৩৬
ওগো এত প্রেম-আশা প্রাণের তিয়াষা	...	...	৭০
ওগো কে যায় বাশরি বাজায়	...	...	৭৪
ওগো কে তুমি বসিয়া উদাস মুরতি	...	...	২৩১
ওগো তুমি, অমনি সন্ধ্যার মতো হও	...	...	২৭৩
ওগো পুরবাসী	...	...	৩২২
ওগো, ভালো করে বলে যাও	...	...	২৫৬
ওগো শোনো কে বাজায়	...	...	৬৮
ওগো সখী প্রাণ, তোমাদের এই	...	...	২৭০
কখন বসন্ত গেল, এবার হল না গান	...	...	৩৭
কত বার মনে করি পূর্ণিমা-নিশীথে	...	...	১৭৮
কবির, কবে কোন্ বিশ্বত বরষে	...	...	২৫৮
কবির অহংকার	...	...	১০০
কবির প্রতি নিবেদন	...	...	২২৩
কল্পনা-মধুপ	...	...	৮৫
কল্পনার সাথী	...	...	৮৪
কাঙালিনী	...	...	৩৩
কাছে যাই, ধরি হাত, বুকে লই টানি	...	...	১৬৪
কাব্যের তাৎপর্য	...	...	৬০৩
কাহারে জড়াতে চায় দুটি বাহুলতা	...	...	৭২
কিসের অশান্তি এই মহাপারাবারে	...	...	২৬
কী স্বপ্নে কাটালে তুমি দীর্ঘ দিবানিশি	...	...	২৬৩
কুসুমের গিরাছে সৌরভ	...	...	৭০
কুসুমনি	...	...	১৫১
কৃষ্ণক প্রতিপদ	...	...	১৪৮

কে আমারে যেন এনেছে ডাকিয়া	...	...	১১৯
কে জানে এ কি ভালো	...	...	২৫৫
কে তুমি দিয়েছ স্নেহ মানব-হৃদয়ে	...	...	১৭৪
কেন	...	...	৮৮
কেন গো এমন স্বরে বাজে তব বাঁশি	...	...	৮৮
কেন চেয়ে আছ গো মা মুখপানে	...	...	১০২
কেন তবে কেড়ে নিলে লাজ-আবরণ	...	...	১৮৬
কো তুঁছ বোলবি মোয়	...	...	২৬
কোথায়	...	...	৪৬
কোথা রাত্রি, কোথা দিন, কোথা ফুটে	...	...	১০৬
কোথা রে তরুর ছায়া, বনের শ্রামল স্নেহ	...	...	৪৫
কোমল দুখানি বাহু শরমে লতায়	...	...	৮৩
কৌতুকহাস্ত	...	...	৬১৫
কৌতুকহাস্তের মাত্রা	...	...	৬২০
কণিক মিলন	...	...	৭৫, ১২৬
কৃত্ত অনন্ত	...	...	২৫
কৃত্ত আমি	...	...	১০৫
খেলা	...	...	৬৪
গল্প ও পদ্য	...	...	৫২৫
গহন কুম্বকুম্ব মাঝে	...	...	১২
গান	...	...	৭৪
গান গাহি বলে কেন অহংকার করা	...	...	১০০
গান রচনা	...	...	২১
গীতোচ্ছ্বাস	...	...	৭৬
গুপ্ত প্রেম	...	...	১৮২
গোধূলি	...	...	২৬৬
চরণ	...	...	৭২
চারিদিকে তর্ক উঠে সাজ নাহি হয়	...	...	৬০
চিঠি কই ! দিন গেল	...	...	১৮১
চিরদিন	...	...	১০৬



বর্নামুক্তমিক স্মৃতি

৬৫৭

চূষন	...	...	৬৮
ছিলাম নিশিদিন আশাহীন প্রবাসী	...	...	১২৩
ছুঁয়ো না ছুঁয়ো না ওরে, দাঁড়াও সরিয়া	...	...	৮২
ছোটো ফুল	...	...	৭৪
জগতেরে জড়াইয়া শত পাকে	...	...	২২
জলে বাসা বেঁধেছিলেম	...	...	৫০
জাগিবার চেষ্টা	...	...	১০০
জালায়ে আঁধার শূন্নে কোটি রবি শশী	...	...	১০৩
জীবন আছিল লঘু প্রথম বয়সে	...	...	১৭৫
জীবনে জীবনে প্রথম মিলন	...	...	২৪২
জীবন-মধ্যাহ্ন	...	...	১৭৫
ঢাকো ঢাকো মুখ টানিয়া বসন	...	...	২১২
তম্বু	...	...	৮২
তবু	...	...	১৩৮
তবু মনে রেখো, যদি দূরে যাই চলি	...	...	১৩৮
তবে পরানে ভালোবাসা কেন গো দিলে	...	...	১৮২
তুমি	...	...	৭৩
তুমি কাছে নাই বলে হেরো সখা তাই	...	...	১০৫
তুমি কোন কাননের ফুল	...	...	৭৩
তোমারেই যেন ভালোবাসিয়াছি	...	...	২৫৩
তোরি হাতে বাঁধা খাতা	...	...	২৮২
থাকতে আর তো পারলি নে মা	...	...	৩৩৮
থাক্ থাক্ কাজ নাই	..	...	২৭৫
থাক্ থাক্ চুপ করু তোরা	...	...	৪৮
দক্ষিণে বেঁধেছি নীড়	..	...	১৫৪
দাঁও খুলে দাঁও সখী ওই বাহুপাশ	...	...	৮৭
ছুখানি চরণ পড়ে ধরণীর গায়	...	...	৭২
ছুরন্ত আশা	...	...	১২৭
দেশের উন্নতি	...	...	২০১
মেহের মিলন	...	...	৮১

দোলে রে প্রলয় দোলে	...	...	১৫৭
ধর্মপ্রচার	...	...	২৩৬
ধান	...	...	২৫১
নব-বঙ্গ-দম্পতির প্রেমালাপ	...	...	২৪২
নরনারী	...	...	৫৫৮
নারীর উক্তি	...	...	১৬৬
নারীর প্রাণের প্রেম মধুর কোমল	...	...	৭৭
নিত্য তোমায় চিত্ত ভরিয়া	...	...	২৫১
নিদ্রিতার চিত্র	...	...	৮৫
নিন্দুকের প্রতি নিবেদন	...	...	২১২
নিভৃত আশ্রম	...	...	১৬৫
নিভৃত এ চিত্ত মাঝে নিমেঘে নিমেঘে বাজে	...	...	১১৭
নিশিদিন কাঁদি সখী মিলনের তরে	...	...	৮৬
নিশীথে রয়েছি জেগে	...	...	২৪
নিষ্ঠুর সৃষ্টি	...	...	১৪৩
নিষ্ফল কামনা	...	...	১৩২
নিষ্ফল প্রয়াস	...	...	১৬৪
নিষ্ফল হয়েছি আমি সংসারের কাজে	...	...	২২
নীরব বাশরিখানি বেজেছে আবার	...	...	৭৬
নূতন	...	...	৩৩
পত্র	...	...	৫০, ১৫৪
পত্রের প্রত্যাশা	...	...	১৮১
পথের ধারে অশথতলে মেয়েটি খেলা করে	...	...	৬৪
পবিত্র জীবন	...	...	২০
পবিত্র প্রেম	...	...	৮২
পবিত্র স্মৃতির বটে এই সে হেথায়	...	...	৭৭
পরিচয়	...	...	৫৪১
পরিত্যক্ত	...	...	২২৬
পরিপূর্ণ বরষায় আছি তব ভরসায়	...	...	১৬২
পল্লীগ্রামে	...	...	৫৬৮

পাশ দিয়ে গেল চলি চকিতের প্রায়	...	...	৮১
পাষণী যা	...	...	৪২
পুরাতন	...	...	৩১
পুরুষের উক্তি	...	...	১৬২
পূর্ণ মিলন	...	...	৮৬
পূর্বকালে	...	...	২৫২
পৃথিবী জুড়িয়া বেজেছে বিবাণ	...	...	১১০
প্রকাশ-বেদনা	...	...	২৪৫
প্রকৃতির প্রতি	...	...	১৪৪
প্রথর মধ্যাহ্ন-তাপে	...	...	১৫১
প্রতি অক কাদে তব প্রতি অক তরে	...	...	৮১
প্রতিদিন প্রাতে শুধু শুন শুন গান	...	...	৮৫
প্রত্যাশা	...	...	৯৮
প্রাণলতা	...	...	৬১০
প্রাণ	...	...	৩১
প্রাণমন দিয়ে ভালোবাসিয়াছে	...	...	২৫২
প্রার্থনা	...	...	১০৫
ফেলো গো বসন ফেলো	...	...	৭৮
বক্তৃতাটা লেগেছে বেশ	...	...	২০১
বদবাসীর প্রতি	...	...	১০২
বদবীর	...	...	২০৮
বদভূমির প্রতি	...	...	১০২
বধু	...	...	১৮৩
বধুয়া হিয়া পর আও রে	...	...	১০
বনের ছায়া	...	...	৪৫
বন্দী	...	...	৮৭
বর্ষা এলায়েছে তার মেঘময় বেণী	...	...	১৩২
বর্ষার দিনে	...	...	২৪৮
বসন্ত অবসান	...	...	৬৭
বসন্ত আওল রে	...	...	৫

বহুদিন পরে আজি মেঘ গেছে চলে	...	...	৩৭
বাকি	...	...	৭০
বাজাও রে মোহন বাশি	...	...	১৪
বাদর বরখন, নীরহ গরজন	...	...	১২
বার বার সখি বারণ করহু	...	...	২২
বাশরি বাজাতে চাহি বাশরি বাজিল কই	...	...	৪৪
বাশি	...	...	৬৮
বাসনার ফাদ	...	...	১০৬
বাহ	...	...	৭২
বিচ্ছেদ	...	...	১৭২
বিচ্ছেদের শাস্তি	...	...	১৩৭
বিজনে	...	...	১০১
বিদায়	...	...	২৭১
বিবসনা	...	...	৭৮
বিরহ	...	...	৬৮
বিরহানন্দ	...	...	১২৩
বিরহীর পত্র	...	...	৫৩
বিলাপ	...	...	৭০
বুঝেছি আমার নিশার স্বপন	...	...	১২১
বুঝেছি বুঝেছি সখা, কেন হাহাকার	...	...	১০৫
বৃথা এ ক্রন্দন	...	...	১৩২
বৃথা এ বিড়ম্বনা	...	...	২৪৭
“বেলা যে পড়ে এল, বলকে চল”	...	...	১৮৩
বৈজ্ঞানিক কৌতূহল	...	...	৬৪০
বৈতরণী	...	...	২৩
ব্যক্ত প্রেম	...	...	১৮৬
ব্যাকুল নয়ন মোর, অন্তমান রবি	...	...	১৭২
ভক্ততার আদর্শ	...	...	৬৩২
ভবিষ্যতের রঙ্গভূমি	...	...	৪২
ভয়ে ভয়ে অমিতেছি মানবের মাঝে	...	...	১০২

ভালো করে বলে যাও	...	...	২৫৬
ভালোবাস কি না বাস বুঝিতে পারি নে	...	...	১৩৫
ভালোবাসা-ঘেরা ঘরে	...	...	২৭৭
ভুল-ভাঙা	...	...	১২১
ভুলুবারু বসি পাশের ঘরেতে	...	...	২০৮
ভুলে	...	..	১১২
ভৈরবী গান	...	..	২৩১
মঙ্গল-গীত	...	...	৫৫, ৬০, ৬২
মথুরায়	...	...	৪৪
মন	...	...	৫৮৪
মহুশু	...	...	৫৭৫
মনে আছে সেই প্রথম বয়স	...	...	২২৬
মনে হয় কী একটি শেষ কথা আছে	...	...	১১৬
মনে হয় সৃষ্টি বুঝি বাধা নাই নিয়ম-নিগড়ে	...	...	১৪৩
মনে হয় সেও ঘেন রয়েছে বসিয়া	...	..	১৮০
মরণ রে, তুঁছ মম শ্রাম সমান	...	...	২৪
মরণ স্বপ্ন	...	...	১৪৮
মরিতে চাহি না আমি সুন্দর ভুবনে	...	...	৩১
মরীচিকা	...	...	২০
মর্মে যবে মস্ত আশা	...	...	১২৭
মা কেহ কি আছ মোর	...	...	১০০
মাধব না কহ আদর বাণী	...	...	২০
মানব-হৃদয়ের বাসনা	...	...	২৪
মানসিক অভিসার	...	...	১৮০
মায়ী	...	...	২৪৭
মায়ায় রয়েছে বাধা প্রদোষ-আধার	...	...	৮৫
মিছে তর্ক থাক্ তবে থাক্	...	...	১৬৬
মিছে হাসি, মিছে বাণি, মিছে এ যৌবন	...	...	২০
মেঘদূত	...	...	২৫৮
মেঘের আড়ালে বেলা কখন যে যায়	...	...	৩৫

মেঘের খেলা	...	...	২৫০
মোছো তবে অশ্রুভল, চাও হাসিমুখে	...	...	১০৪
মোহ	...	...	৮৮
মৌন ভাষা	...	...	২৭৫
যখন কুম্ভ-বনে ফির একাকিনী	...	...	৮৪
যারে চাই, তার কাছে আমি দিই ধরা	...	...	১০৬
যেদিন সে প্রথম দেখিলু	...	...	১৬৯
যোগিনী	...	...	৩৭
যৌবন-স্বপ্ন	...	...	৭৫
রাত্রি	...	...	৯২
শান্তি	...	...	৪৮
শত শত প্রেমপাশে টানিয়া হৃদয়	...	...	১৪৪
শুন সখি বাজত বাঁশি	...	...	১১
শুনহ শুনহ বালিকা	...	...	৬
শূন্য গৃহে	...	...	১৭৪
শূন্য হৃদয়ের আকাঙ্ক্ষা	...	...	১২৭
শেষ উপহার	...	...	২৭৪
শেষ কথা	...	...	১১৬
শ্রাম, মুখে তব মধুর অধরমে	...	...	১৭
শ্রাম রে নিপট কঠিন মন তোরা	...	...	৮
শ্রান্তি	...	...	৮৭, ১৭৮
শ্রাবণের পত্র	...	...	১৬২
সকলে আমার কাছে যত কিছু চায়	...	...	৯৮
সকল বেলা কাটিয়া গেল	...	...	১২২
সখি লো, সখি লো, নিকরুণ মাধব	...	...	২১
সজনি গো শাউন গগনে ঘোর ঘনঘটা	...	...	১৮
সজনি সজনি রাধিকা লো	...	...	৯
সত্যিয়ার রজনী, সচকিত সজনী	...	...	১৩
সত্য	...	...	১০২, ১০৩
সত্যা যায়, সত্যা ফিরে চায়	...	...	৯২

বর্ণানুক্রমিক সূচী

৬৬৩

সঙ্ঘায়	...	..	২৭৩
সঙ্ঘায় একেলা বসি বিজন ভবনে	...	...	১৬৫
সঙ্ঘায় বিদায়	...	...	২২
সমুদ্র	...	...	২৬
সম্মুখে রয়েছে পড়ি যুগ-যুগান্তর	...	...	৪২
সারা বেলা	...	...	৭১
সিক্কুগর্ভ	..	...	২৪
সিক্কুতরঙ্গ	...	...	১৫৭
সিক্কুতীরে	...	...	১০২
স্বপ্নক্রমে আমি সখী শ্রান্ত অতিশয়	...	...	৮৭
স্বপ্ন প্রবাসে আজি কেন রে কী জানি	...	...	৮৪
স্বপ্নদাসের প্রার্থনা	...	...	২১২
সেই ভালো, তবে তুমি যাও	...	...	১৩৭
সৌন্দর্য সঘন্থে সন্তোষ	...	...	৬২৬
সৌন্দর্যের সঘন্থ	...	...	৫৪৩
স্তন	...	...	৭৭
স্বপ্ন যদি হত জাগরণ	...	...	২৫০
স্বপ্নরুছ	..	...	২৩
স্মৃতি	...	...	৮২
সংশয়ের আবেগ	...	...	১৩৫
হটক ধনু তোমার যশ	...	...	২১৩
হম যব না রব সজনী	...	...	২৩
হয় কি না হয় দেখা	...	...	৫৩
হরি তোমার ডাকি	...	...	৩৩৪
হায়, কোথা যাবে	...	...	৪৬
হাসি	...	...	৮৪
হেলাফেলা সারা বেলা	...	...	৭১
হৃদয়-আকাশ	...	...	৮০
হৃদয়-আসন	...	...	৮৩
হৃদয় কেন গো মোরে ছলিছ সতত	...	...	৪৩

হৃদয়ক সাধ মিশাওল হৃদয়ে	...	...	৬
হৃদয়ের ধন	...	...	১৬৪
হৃদয়ের ভাষা	...	...	৪২
হেথা কেন দাঁড়ায়েছ, কবি	...	...	২২৩
হেথা নাই ক্ষুদ্র কথা তুচ্ছ কানাকানি	...	...	১০২
হেথা হতে যাও, পুরাতন	...	...	৩১
হেথাও তো পশে সূর্যকর	...	...	৩৩
হে ধরণী, জীবের জননী	...	...	৪২

---







